

S A N C T I
G R E G O R I I
P A P Æ I.
COGNOMENTO MAGNI,
OPERA OMNIA,

J A M O L I M

AD MANUSCRIPTOS CODICES ROMANOS,
Gallicanos, Anglicanos emendata, aucta, & illustrata notis,

*Studio & Labore MONACHORUM Ordinis Sancti Benedicti,
e Congregatione Sancti Mauri:*

Nunc autem a JOHANNES BAPTISTA GALLICCIOLLI Sacerdote Veneto, ad Codices præsertim
MARCIANOS, iterum exacta, atque novis accessionibus locupletata.

T O M U S S E P T I M U S,
Complectens E P I S T O L A R U M libros septem priores.



V E N E T I I S, M D C C L X X.
S U M P T I B U S C A R O B O L I, E T P O M P E A T I.
S U P E R I O R U M P E R M I S S U, A C P R I V I L E G I I S.

Digitized by the Internet Archive
in 2013

<http://archive.org/details/sanctigregoriipa07greg>



PRÆFATIO

PP. MAURINORUM

IN EPISTOLAS

S. GREGORII PAPÆ I.



Ovam omni ex parte Gregorianarum Epistolarum editionem tibi jam oblaturo, pie ac studiose Lector, de ea præfari cogimur; ut consilii nostri rationem tibi æquissimo judici approbandam subiciamus.

I. De operis præstantia & dignitate satis notis, non est quod præloqui satagamus. Enimvero sanctorum Patrum Epistolas reliquis eorum scriptis anteponendas norunt eruditi omnes, quod in ipsis Auctoris ingenium, animi dotes, & mores magis eluceant. Id vero maxime de sancti Gregorii Epistolis liquet: in quibus singularis ejus prudentia, sollicitudo Pastoralis, effusa in pauperes liberalitas, animi simul robur & demissio, cæteræque virtutes adumbrantur, unde perfecta ejusdem sanctissimi Papæ exprimatur effigies. In commendandis hac ex parte Gregorianis Epistolis, multus est Petrus Guffanvillæus, cujus præfationis sectionem ad id spectantem attexendam infra judicavimus.

*Epistolarum
S. Gregorii
præstantia.*

II. In alia ejusdem eruditi viri præfatiuncula quam Epistolis a se publicatis præmisit, quid in sua editione præstiterit, his verbis exponit:

„Cum videremus præ cæteris tanti viri operibus hunc
„maxime fœtum, Theologorum approbatione celebrem,

*Quid in earum
editione pollicetur
sit P. Guffanvillæus.*

„ Canonistarum usu tritum , stabiliendis fidei dogmatibus
 „ idoneum, illustrandæ retinendæque Ecclesiasticæ discipli-
 „ næ percommodum, prælatorum , privatorumque compo-
 „ nendis moribus apprime utilem ; nobis præcipuo quodam
 „ studio laborandum esse duximus, ut quam emendatissime
 „ ederetur, eaque forma quæ doctis placere , rudiores ju-
 „ vare posset. Itaque primo textum , qui in omnibus su-
 „ perioribus editionibus, nescio quo fato misere depravatus
 „ fuerat, restituiimus, collatis triginta quinque , ut mini-
 „ mum, exemplaribus manuscriptis , quorum alia nos ipsi
 „ propriis oculis usurpavimus, propriis manibus excussimus :
 „ alia Doctorum virorum fide in excerptis quæ ad nos ab
 „ ipsis officiose transmissa pervenerunt, exploravimus. His
 „ adjuti subsidiis, corruptelas summovimus, variasque le-
 „ ctiones, quæ alicujus visæ sunt momenti , aut ad mar-
 „ ginem transtulimus , aut gratia uberioris explicationis ,
 „ notis inseruimus.

Quid præsti-
 terit.

III. Sane nonnullos priorum editionum nævos a Guffan-
 villæo sublato ultro concedimus: at (quod inviti dicimus)
 paucos, ut nostras notas legenti statim constabit. Hinc no-
 vo labore ac studio accersendi undecumque fuerunt, & ac-
 curate perlegendi manu exarati codices, iidem fere quos
 Guffanvillæus commemorat; in quibus tamen sæpe legimus
 fecus ac ipse. Exemplo sit quod modo nobis occurrit in
 ep. 6. libri v. olim libri iv. quarta; ubi editi habent: *Post
 lapsum cellæ ipsius pene generalem*. Ad hunc locum monet vir
 doctus, in Tellerianis, Lyrensi, & Pratellenfi deesse vo-
 cem *cellæ*. De Tellerianis hic silemus, quos olim quidem
 consuluimus, at nunc revolvere minime licet. De duobus
 aliis vero quos ob oculos nunc positos sedulo inspicimus,
 constanter asseveramus, *cellæ* vocem in illis nequaquam de-
 siderari. Itaque alienis oculis non omnino credentes, no-
 vam Epistolarum S. Gregorii collationem ad varios MSS.
 codices infra commemorandos aggressi sumus, ut accuratissi-
 ma prodiret editio quam meditabamur, & jam dudum
 moliebamur. Quo vero fructu id laboris a nobis susceptum
 sit, nostras notas consulenti statim obvium erit. Nulla e-
 nim fere est Epistola, in qua vel corruptum locum non re-
 stituerimus, vel novam aliquam lectionem minime spernen-
 dam saltem non assignaverimus. In locorum a nobis sanato-
 rum & restitutorum specimen paucula hæc seligere suffi-
 ciat ex libro priori tantum: reliquos enim percurrere, im-
 menti pene laboris foret.

Quot quan-
 titque cor-

IV. In hujusce libri Ep. 6. prius legebatur: *Quasi destitu-*

ta

te vidua vocibus cum Propbeta dico: pro, quasi destructa Judæa ruptelis ad- huc scareat ejus editio: quas a nota summo- vimus.
vocibus. Paulo post in editis: Tu ergo qui easdem bestias necdum
maclaveras, cur jam manducare per obedientiam nolebas? Legen-
dum esse volebas, docuerunt MSS. omnes; hancque lectio-
nem postulabat sensus integritas. Adducto videlicet Scripturæ
sacræ testimonio, macla & manduca, monet S. Greg. prius maclan-
dum, quam manducare liceat. Unde ita urget amicum: Tu ergo,
inquit, qui easdem bestias necdum maclaveras, cur jam manducare per
obedientiam volebas? Scribendo vero, nolebas, sensus penitus evertitur.

Ibidem legitur in prius vulgatis: *Aut nescis quia easdem*
quas scripsisti bestias, oris tui gladius occidere recusavit? At in-
consultis quidem MSS. in quibus una eademque est hæc
lectio: Aut nescis quia ea de qua scripsisti bestia, oris tui gladio
occidi recusavit?

In Epistola 20. olim decima lectum antea: *Sin vero ita discordia*
inter vos partes suas armaverit, ut in timore scandali voluntas vestra partes
armaverit. Ubi MSS. exhibent: ut in timore scandali; nec aliter
legi potest citra sensus detrimentum & grave incommodum:
agitur enim hic de timore superbiæ, unde scandala in Ec-
clesia Salonitana, contentionesque generabantur.

In Epistola 25. olim 24. S. Gregorius juxta superiora e-
 dita, scribit: *Et tamen in illa invisibilium contemplatione suspen-*
sus (Paulus) ad cubile carnalium mentis aciem revocat; cum
in veteribus libris manu exaratis constantissime legatur: Et
tamen illa invisibilium contemplatione suspensa (Paulus) ad cu-
bile, &c.

In ejusdem Epistolæ serie aliæ editiones legendum exhi-
 bent: *In his velut in quadrato lapide sanctæ fidei structura con-*
surgit, & cujuslibet vitæ atque actionis norma consistit. Quisquis
eorum &c. Sane non ad mentem sancti Doctoris, qui hoc
loco quatuor Concilia œcumenica, tamquam certam fidei
regulam proponit: de vita vero moribus & actibus nihil at-
tingit. In hac tamen lectione ab editoribus gratis conflata
eadem Concilia dicuntur, cujuslibet vitæ atque actionis norma.
Sed lege ut in MSS. Quia in his sanctæ fidei structura
consurgit: ac cujuslibet vitæ atque actionis existat, quisquis eorum
soliditatem non tenet, etiamsi lapis esse cernitur, tamen extra ædi-
ficium jacet.

Epist. 34. alias 33. in excusis exemplaribus hæc occur-
 runt: *Si autem fortasse in causa Dei minus credor. At si serio*
attenteque libros MSS. consulissent editores, legissent: Si
autem esse fortasse in causa Dei nimius credor, & pro zeli ardore
suspectus sum. Quæ ultima verba MSS. lectionem mire con-
firman.

Negleximus observare in inscriptione primæ epistolæ legendum esse ex unanimi MSS. consensu: *Gregorius servus servorum Dei*; quod tamen omissum in vulgatis.

Hæc modo sufficiant, ut studiosus Lector intelligat non inanem fuisse laborem, quem in recensendis denuo S. Gregorii Epistolis, per annos plures assidue impendimus.

Ubi religio fuit quominus a recepta lectione recederemus, quod plerumque MSS. auctoritate niteretur; satis nobis visum est diversas lectiones occurrentes annotare, etiam si pro optimis ac genuinis haberi potuissent. Sic in ep. 72. olim 70. cum obicurum sit quod legitur: *Quia tantum hic parva nativitas fuit, ut nisi auxiliante Deo frumenta de Sicilia congregentur, fames vehementer immineat*; & longe præstantiorem censeremus eam lectionem quam suppeditat codex MS. Vitæ S. Gregorii, auctore Johanne Diacono in Bibliotheca Bigotiana Rotomagi asservatus, scilicet lib. 2. cap. 59. *Quia tantum hic parva sativitas*, & ubi superscriptum legitur, vel *sartio*: retinuimus tamen, *parva nativitas*, in qua lectione conveniunt tam editi quam manuscripti codices, & singularem exemplaris Bigotiani lectionem notis inseruimus.

V. Sanato ac restituto Epistolarum textu, de ordine tum librorum, tum ipsarum Epistolarum jam cogitandum fuit. Ad libros quod attinet, eorum ordo ac numerus ab indicationibus, seu annis Pontificatus S. Gregorii repeti debent. In Registro enim nullæ continentur Epistolæ, nisi quæ a Gregorio jam ad regendam Ecclesiam assumpto scriptæ sunt. (a) Itaque cum per tredecim annos & sex menses, paucis diebus additis, vir sanctissimus Pontificis officio defunctus sit, singuli, pro singulis annis, Epistolarum libri fuerunt assignandi. Hac etiam ratione eosdem numeravit Johannes Diaconus lib. 4. vitæ cap. 71. Postquam enim c. 68. dixit, *Gregorium sedem Catholicæ & Apostolicæ sanctæ Romanæ Ecclesiæ annis tredecim, mensibus sex, & diebus decem obtinuisset ac illustrasse*, subdit cap. 71. *quarum* (videlicet Episto-

la-

(a) Hæc ita intellige, ut nequaquam omnes epistolas ab ipso S. Gregorio scriptas existimes: quarundam enim consiliariis vel amanuensibus seu scribis verba, sin minus sensa, deberi videntur. Etenim præter epistolas plures quæ iisdem fere verbis constant, & quasi formulæ quædam Romanæ sedis jam tunc usitatæ censeri possunt; id suadet & stili discrepantia quæ in pluribus occurrit. Quinimmo ipsius Gregorii testimonio istud evinci potest. Epistola enim 29. lib. 5. ad Vincomalum ita loquitur: *Hanc autem epistolam Paterio notario Ecclesiæ nostræ scribendam dictavimus*. Accedit morbus triennalis & amplius, ob quem ita ep. 36. lib. 10. ad Maximum scribit: *Ad Romanam veniens urlem communis filius presbyter Veteranus, ita me podagra doloribus debilem reperit, ut Fraternitatis tuæ epistolis per me respondere nullatenus valuisssem*. Plurimæ igitur quæ toto hoc fere quadriennio scriptæ sunt ita amanuensibus tribui possunt, ut illi vel distantem Gregorium vel argumenta suggerentem habuerint. Quibus proinde σφάλματα quædam, si qua sunt, & stili diversitas adscribi debent. E. V.

larum) tot libros in scrinio reliquit , quot annos vixit (in Pontificatu .) Unde quartum decimum Epistolarum librum septimæ Indictionis imperfectum reliquit .

Non dissimulandum tamen in editis , immo in plerisque MSS. codd. legi : unde tertium decimum , &c. At error gravis est , qui ex narrationis contextu facile emendatur . Si enim tot sunt libri Epist. Gregorii , quot anni ejus in Pontificatu juxta Johan. Diac. cum ex eodem scriptore & aliunde constet indubitatis testimoniis Gregorium tredecim annis cum dimidio in Pontificatu vixisse , ultimus Epistolarum liber imperfectus non potest esse decimus tertius , sed decimusquartus . Deinde liber imperfectus Epistolarum septimæ Indictioni respondet ex Johanne : at huic Indictioni minime convenire potest liber 13. ut liquet .

Præterea veram lectionem in codice Uticensi seu Monasterii S. Ebrulfi optimæ notæ ac 600. annorum tandem deteximus . Ne quis vero putet hæc Johanni alia cogitanti & parum attendenti excidisse , accedat ejusdem testimonium in Præfatione ad Johannem Papam : *Si cui tamen , inquit , ut assolet , visum fuerit aliter , ad plenitudinem scrinii vestri recurrens , tot charticios libros Epistolarum ejusdem Patris , quot annos probatur vixisse , revolvat .*

Ita legerat haud dubie apud Johannem Diaconum Sigebertus Gemblacensis monachus , qui undecimo seculo florebat ; hic enim in libro de scriptoribus Ecclesiasticis ait : *Epistolarum tot libros posteris reliquit S. Gregorius , quot annos in Pontificatu vixit ; id est tredecim & semis .*

Opponi potest Ildefonsi Toletani Episcopi testimonium lib. de viris illustribus cap. i. ubi de Gregorianis Epistolis : *Has , inquit , uno volumine arctans , in libris duodecim distinxit , Registrum nominandum esse decrevit .* Hinc fortasse data editoribus occasio laudatas Epistolas in duodecim libros saltem specietenus distribuendi , cum tamen reipsa libros quatuordecim exhibeant omnes excusi codices . Nam liber secundus bis numeratur , scilicet Indict. x. & Indict. xi. Liber item septimus bis computatur , scilicet in Indictionibus prima & secunda .

Ad testimonium vero S. Ildefonsi , respondemus ipsum in lectione Operum S. Gregorii prorsus fuisse peregrinum : unde post commemoratas Epistolas addit : *Fertur & alia opuscula edidisse egregia , sed ad manus nostras nondum pervenerunt .* Ne quidem Epistolas ad ejus notitiam pervenisse pene certum nobis videtur . Hinc Johanni Diacono , Sigeberto , & omnibus fere MSS. qui Gregorianas Epistolas quatuordecim li-

bris comprehendunt, fides magis adhibenda. Etsi enim nonnulli sint MSS. codices, in quibus absque ulla librorum distinctione laudatæ repræsentantur Epistolæ, nulli tamen occurrerunt nobis, qui eas in libros dividendo, in pauciores quam quatuordecim partiantur.

Pro duodenario librorum Epistolarum numero pugnare videtur hæc nostri Joh. Mabillonii nota ad Præfationem Johannis Diaconi: *Selectiores Epistolas in Decretalium libros XII. redegit Hadrianus Papa primus, infra lib. 4. cap. 17.* Sed lapsus est calami, præter doctissimi Scriptoris mentem aberrantis, aut in typographos mendum hoc regerendum: nam in loco Gregorianæ vitæ assignato, laudatus Johann. Diac. non duodecim sed duos tantum Decretalium libros, ab Hadriano Papa collectos commemorat. Præterea non hic de selectis Gregorii Epistolis Decretalibus quæritur, sed de integra quarumlibet Epistolarum ipsius complexione & collectione: neque curamus quot in libros Hadrianus Papa prædictas Epistolas partitus sit, sed de divisione ab ipsomet Gregorio instituta solum est controversia.

Epistolarum
ordo resti-
tutus.

VI. In restituendo Epistolarum ordine magis laborandum fuit. Ex earum quippe toties iterata lectione facile compertum nobis fuit, multas loco suo motas fuisse, & alio transpositas. Vetus esse malum probant plurimi antiqui codices, a 700. circiter annis scripti, in quorum calce maxime Normannorum multæ colliguntur Epistolæ, cum hac inscriptione: *Epistola quæ de superioribus indictionibus prætermissæ sunt.* In plerisque MSS. exstant 31. Plures exhibet Pauli Diaconi collectio ad sanctum Adalardum Abbatem Corbejensem missa, quam existimamus esse Registri Gregoriani supplementum: nam ex 54. Epistolis in illa contentis plurimas plerisque in MSS. desiderari observavimus. Neque sane potest ulla ratio excogitari cur paucas illas Epistolas, quæ ut plurimum nihil scitu dignum nos docent, præcæteris describi curasset vir doctissimus & sapientissimus. Cum itaque multas Epistolas extra Registri ordinem vagantes & sparsas invenissent amanuenses, & qui ipsis successerunt typographi, eas intra varios libros cogere, sed vix ullo prius adhibito criterio, cœperunt. Inde mali labes, & Epistolarum præpostera dispositio, quæ ex rerum in Epistolis commemoratarum serie, & historiæ illius temporis vel mediocri noticia facile deprehenderetur.

Hoc vitium non latuit Petrum Guffanvillæum, cujus hæc verba sunt, in Præfat. ad Epistolas: „ Porro ordinem cur, jusque Epistolæ absit ut statuam aut propugnem. Immo „ plu-

„ plurimas alieno loco positas sponte agnosco . Docebunt
 „ passim notæ . Nec tamen receptam seriem interturbare
 „ placuit, ne, quod in aliis quibusdam libris temere fa-
 „ ctum est, tenebras lectoribus offunderemus ; quibus ci-
 „ tationes Epistolarum S. Gregorii per omne librorum ge-
 „ nus sparsæ, forent inutiles, aut certe laboriosæ . “

Optima sane ratio, qua tantum laborem a se deprecari conabatur vir alias diligentissimus . Ergo cognito malo nunquam mederi licebit ? Absit autem, ut ex restituto legitimo Epistolarum ordine, tenebras offundi suspicemur . Immo tenebræ potius, ubi nullus est ordo, sunt metuendæ . At ex ordinata rerum dispositione lux affulget maxima . Ut ad rem ipsam veniamus, quanta dubitatione æstuarè necesse est Lectorem, cum intellecta ex prioribus Epistolarum libris cujusdam noti Episcopi morte, & alterius in demortui locum ordinatione, postea in librorum posteriorum serie legit Epistolam ad ipsummet Episcopum, quem jam e vivis sublatum novit, quasi redivivum scriptam ? Non dissimilis confusionis exempla plurima in medium adducere arduum non foret ; quod præstituri sumus quando restitutum a nobis Epistolarum ordinem certis argumentis demonstrabimus .

Incommodo autem quod causatur Guffanvillæus ob citationes Epistolarum, juxta ordinem antiquum, tot libris & scriptis inspersas occurremus, duplicem Epist. Indicem exhibendo : primum juxta ordinem restitutum, cum prius recepto comparatum, secundum juxta ordinem & morem antiquum, vice versa cum priori collatum, non secus ac in edendis Augustinianis Epistolis, Doctorum virorum nemine improbante, observatum est . Sic nullo labore citatæ reperientur Epistolæ : nam consulendo Indicem juxta antiquam Epistolarum seriem, statim docebit quotæ nunc sint & quo loco habeantur . Duobus præfatis Indicibus, tertium adjiciemus ordine alphabetico, qui ex nominibus eorum ad quos S. Doctor scribit, contextetur ; & quartum Geographi-
 a cum . (a)

VII. Ex Epistolarum censu plurima expunximus prius per-

(a) Quid commodi attulerit hic ordinandarum epistolarum tantus labor, quo P. Sammarthani gloriatur, nequaquam expertus sum : immo maximum incommodum, & jacturam temporis in quærendo inde proficisci necesse est fateantur omnes . Præstitisset Guffanvillæum sequi, & in notis epistolæ cujusque chronotaxin demonstrare . Certe in suprema Conciliorum editione Mansius veterem epistolarum ordinem melius sequi existimavit . Et sane quis puta Sammarthanum docuit, a se veteri sede motam epistolam, semper eo loco vel numero restituendam fuisse, quo illam posuit ? Quid si feri nepotes ostendant quartam v. g. debuisse esse, quæ quinta vel sexta posita est ? Rem ne universam ille acu tetigit ? E. V.

Registro E-
pistolarum
quid detra-
ctum a no-
bis.

perperam inserta, qualia sunt quæ leguntur initio libri **II.** Indict. x. de Laurentii Archidiaconi depositione, & de Litaniam majore in Basilica S. Mariæ. Libro **XI.** Indict. vi. historia de Phocæ coronatione, & Mauricii filiorumque ejus interfectione, quæ omnibus hujus Indictionis Epistolis præmittitur, cum Sermone B. Gregorii tempore mortalitatis: *Oportet, fratres carissimi*, &c. Nonnullarum Synodorum Romæ habitarum acta. Denique varia Privilegia a S. Gregorio concessa: quæ omnia ad calcem ableganda judicavimus, cum Symbolo cujus meminit Johan. Diac. lib. 2. c. 2. quodque in capite omnium fere MSS. Epistolarum legitur.

Quid addi-
tum.

E contrario ad Registrum Epistolarum revocandæ nobis visæ sunt quædam Epistolæ, sive a Gregorio, sive ad Gregorium scriptæ, quæ vel in alienis operibus exsulabant, vel non ita pridem ex tenebris sunt erutæ. Quorum vero diligentia debeantur, suo loco commemorare nobis curæ erit. (a)

De Argu-
mentis Epi-
stolarum
mutatis.

VIII. Sublatis MSS. ope textus seu litteræ corruptelis, & restituta mille in locis vera lectione; deinde rite disposito tum librorum, tum etiam Epistolarum ordine, de ipsarum argumentis & summariis, cogitandum fuit. In his quidquid singulæ complectuntur Epistolæ, summam de-lineari debet, ac compendiose repræsentari. Quæ vero huc usque præmissa sunt Epistolis argumenta, plerumque saltem (ut sedulo exploranti patebit) propositum Gregorii scribentis scopum minima ex parte attingunt. Sic ante primam prioris libri Epistolam tantum legitur: *Ut semel in anno in unum conveniant* (Episcopi Siciliæ) *ad provinciale concilium*. At mutilum hoc argumentum quis nesciat, in quo scilicet nihil de Petro Subdiacono cui S. Gregorius vices suas intra Siciliam, ob perspectam virtutem & experientiam eadem Epistola commendat; nihil de modo celebrandarum Synodorum dicitur? Sequentis Epistolæ, secundæ videlicet, summarium adhuc minus probandum; siquidem de frumentis non ex integro transmissis rotum est, quæ tamen Epistolæ pars est minima. In ea enim maxime incumbit sanctissimus Papa, ut Justinum Siciliæ Prætorem prius amicis & honorificis verbis delinitum, ad concordiam cum *viris Ecclesiasticis* a quibus diffidebat compellat, atque ad judicis munus summa æquitate obeundum. Similia de reliquis sunt intelligenda; quæ ulterius prosequi superfluum & ingratum foret. Itaque novis cudendis argumentis danda fuit opera, quæ Epistolis præfixa, ad earum intelligentiam lectori veluti facem præferant.

Nec

(a) Multo tamen plura nos addidimus, E. V.

Nec minori diligentia notis difficilia loca, quæ plurima sane sunt, explanare & illustrare curavimus. Quod ut certius præstaremus, in statuenda eruendaque ex MSS. vera, quantum licuit, lectione potissimum desudavimus. Quippe dum de vocibus ambigitur, variis conjecturis liberius indulgetur, & sæpe inani conatu digladiantur & aerem verberant viri docti. Cæterum uberrimam notarum & observationum in Greg. Epistolas segetem nobis obtulerunt præsertim eruditissimi viri Antonius Dadinus Alteserra, Tolosanus antecessor, & Petrus Guffanvillæus. Ille in studiosorum Juris Canonici gratiam, notationes in plerasque S. Gregorii epistolas, quæ reconditam juris utriusque peritiam in auctore arguunt, scripsit, & Clementi IX. Pontifici Max. nuncupavit. Ex quibus paucas mutuati sumus, & adjecto ad calcem nomine, honoris & gratitudinis ergo, a nostris distinximus. De notis quas P. Guffanvillæus suæ inferuit editioni, operæ pretium est ipsum audire ita præfantem.

IX. De notis adjectis, aut si mavis intertextis non nihil annotandum est, quo morosorum offensionibus occurramus. „ In hoc opere multa reperire est vocabula obscuriora, abstrusiora, minus obvia, phrasés non usitatas, urbium regionumque nomina, pleraque alia antiqui moris; „ Legum civilium scita, Ecclesiasticæ politiæ Canones, fi- „ dei morumque axiomata. Non omnibus autem datum „ est esse Grammaticis, Philologis, Antiquariis, Geographis, Historicis, Jurisperitis, Canonistis, Theologis, *μηδ' ἡρακλῆς πρὸς δύο*, (a) ut ait Græcum adagium. Eapropter Jo- „ lai Patrocli advocandi hinc inde fuere, qui in difficilioribus opem, in obscurioribus lucem, in intricatis industriam conferentes, Lectorum studia adjuvarent, promoverent. Scilicet ex variis antiquorum recentiorumque auctorum cellis multa hausimus: plurima quoque communicarunt nobiscum aliquot eruditi, qui Reipublicæ literariæ bonisque moribus consultum volunt.

Notæ Guffanvillæi editionis expenduntur, & eorum auctores explorantur.

Ex his verbis constat notas quas Guffanvillæus Gregorianis Epistolis attexuit, ab ipso tantum adoptatas fuisse, at alios parentes habuisse. Hinc in earum approbatione Doctores testantur, *legisse notas in Dialogos & Epistolas S. Gregorii a M. P. Guffanvillæo Presbytero*. Quosnam vero Patroclos & adjuutores accersivit vir prudens? si publicæ famæ fides, præcipuæ in concinnandis & elucubrandis his notis partes debentur Cl. V. N. Julien, cujus Symbolum, scilicet lilium cum hac epigraphe, *en lilium*, ajunt post Epistolam dedicatorem videri.

Verum sunt qui easdem notas & observationes potissimum adscribant Cl. V. D. Auger Doctori & Socio Sorbonico, in quorum sententiam pedibus ire cogimur. Beneficio enim Cl. V. D. Auger Regi a Consiliis, & Franciæ apud Parisios Quæstoris ejusdem fratris, consecuti sumus supplementum notarum in S. Gregorii Epistolas, auctore eodem Doctore ipsiusque manu descriptum, in quo sane eundem ac cæterarum notarum stilum deprehendimus, idem dicendi & res explicandi genus. Unde nobis persuasum, quod etiam nobis prius asseruerat laudatus ejus frater, vir spectatæ integritatis, sapientissimo huic Doctori cæteras, maxima saltem ex parte, vindicandas.

De his notis judicium ferre nostrum non est. Certe quascumque retinere licuit, hac in editione recudi curavimus, adscripto *Guffanvill.* nomine. Alias a quibus abstinere coegerunt severioris criticæ leges, aut aliæ rationes, certe graves, legere poterunt in *Guffanvill.* editione qui varia & multiplici eruditione delectantur. In his enim omnia scientiarum genera, artes omnes delibantur, coacervatis, tum ex sacris, tum ex profanis, ex Græcis & Latinis Scriptoribus, innumeris fere testimoniis; utrum ad rem an præter rem? judicent alii. Notæ vero quas ex Augetiano supplemento desumimus etsi paucissimas, ejus nomine in fine addito designabuntur. (a)

a
Notæ & observationes
quales a nobis
additæ.
Q. Curt.

X. Quod spectat ad notas quas elucubravimus, in his brevitati maxime studendum censuimus; memores celeberrimi illius dicti: *Cito lutum contrahit annis exundans*. Certe nihil magis cavimus, quam locos omnes communes sive Theologicos, sive Ethicos &c. percurrere & exhaustire; & si nihil omiserimus eorum quæ ad locorum difficultatem enodationem & obscuriorum illustrationem conferre potuerunt. Ubi tamen occurrent quæ accuratiori explicatione indigere videantur, Vita S. Gregorii a nobis elucubrata consulatur, adhibita Indicum face; & sibi factum satis diligens lector fatebitur.

De titulo,
servus servorum
Dei, Epistolis
inscriptio
dissertur.

XI. De Epistolarum inscriptionibus, unum dumtaxat observandum occurrit, *S. Gregorius primus omnium, se in principio Epistolarum suarum servum servorum Dei scribi satis humiliter defini- vit*; inquit Johan. Diac. lib. 2. vitæ cap. 1. subditque documentum hoc humilitatis cunctis successoribus ab ipso relictum, hereditario jure in Ecclesia Rom. conservatum fuisse. Quod Johannis testimonium multis quæstionibus occasionem præbet, quas solvere nunc e re videtur. 1. Cur ti-

tu-

(a) Qui præstantiam notarum Guffanv. ex iis quas Maurini retinuerunt, cognoverit, fatebitur ab re hic tantillum vapulasse auctorem eximium. Nos item quasdam addidimus de quibus lectoris judicium esto. E. V.

tulus hic Gregorio ita gratus, in tam paucis Epistolis compareat? nam si tres excipias, quæ totidem in libris priores sunt, scilicet lib. VIII. IX. & XII. (veterem ordinem sequimur) cæteræ hoc titulo carent. 2. Quo pacto sanctissimus Papa ob assumptum hunc humilitatis titulum cæteris Pontificibus incognitum laudari possit, cum ipso usus sit S. Damasus Papa in Epist. 4. ad Stephanum & alios Africæ Episcopos; quam Epistolam hanc in rem adducit & Petrus Guffanvillæus. 3. Qui potuit ignorare Johan. Diaconus Augustinum & plurimos alios hac eadem inscriptione suas munisse Epistolas? Legatur S. August. Epist. ad Vitalem 217. *Augustinus Episcopus servus Christi, & per ipsum servus servorum ipsius.* Fulgentius quoque Epistolam 5. ita inscribit: *Domino sancto fratri & compresbytero Eugippio Fulgentius servorum Christi famulus.* Missa facio nonnulla alia a Guffanvillæo prolata testimonia, vel quod ex suspectis auctoribus desumta sint, ut quæ ex Eusebio Emiseno sunt excerpta; vel quod ad rem non faciant, quia Episcoporum ætate Gregorio longe inferiorum exempla continent.

*In notis ad
1. epist. lib.
viii.*

Ad 1. object. respond. Epistolas omnes a S. Gregorio missas hunc titulum, *servus servorum Dei*, prætulisse; at brevitate causa omissum fuisse, tum ab antiquariis, tum a typographis. Præmitti tamen debuit primæ saltem (& quidem in mss. & in nova hac edit. legitur) ut ex illa inscriptione cæterarum forma modusque haberetur.

Ad 2. object. respond. Epistolam sub Damasi nomine laudatam, pro dubia, ne dicam spuria & supposititia, a viris eruditis nunc haberi, Isidoroque Mercatori cum aliis multis interpolatis mercibus tribui. Præter alias rationes a doctis qui de illa tulerunt sententiam, maturo & eliquato judicio prolatas, falsitatis argumentum præfert in temporis, quo scripta dicitur, nota, scilicet an. 405. ut ex Consulibus inscriptis liquet, cum jam a 20. annis obiisset Damasus.

3. Resp. Augustinum quidem, & ejus exemplo S. Fulgentium sanctissimi Doctoris discipulum (de aliis sileo) servos servorum Dei in Epistolarum suarum exordio & inscriptione aliquando se dixisse, idque Johannis Diaconi testimonium non evertere. Quando enim asseruit S. Gregorium primum omnium se in principio Epistolarum hoc humilitatis titulo exornasse, subintelligendum est, primum omnium Romanorum Pontificum, ut satis ex verborum serie constar, ubi ait, cunctis Gregorii successoribus relictum hoc hereditario jure humilitatis documentum. Hac etiam quasi pia arte Johannis Constantinopolitani, qui se OEcumenicum jactabat,

tabat, Thraſonicum factum voluit reprimere & coercere ſapientiffimus pater. Ejus exemplum ſecuti ſunt plerique Romanorum Pontificum, non tamen omnes; nam alii *Præſulis*, alii *Papæ* titulos aſſuſerunt. Quidam nudo ſuo nomine contenti, ut Zacharias, a dignitatis ſuæ mentione nonnunquam abſtinuerunt. Modo in Bullis ſummus Pontifex hunc titulum, *Servus ſervorum Dei*, ſemper; in Brevibus, *Papæ* nomen adhibet. Non alios Epiſcopos modo, ſed & Reges ac Principes, non ſemel eadem hac appellatione *Servus* &c. uſos obſervat eruditiffimus Cangius in Gloſſario. Conſentiebant illi omnes Auguſtino, qui lib. 19. de civit. Dei cap. 15. *Hominibus*, inquit, *in illo pacis ordine quo alii aliis ſubjecti ſunt, ſicut prodeſt humilitas ſervientibus, ita nocet ſuperbia dominantibus.*

Antequam ab hoc argumento recedamus, vapulare debent Centuriatores Magdeburgenſes, qui centuria 6. cap. 7. §. de conſociatione, Johannis Diac. teſtimonium ſic adulteraverunt: *Jobannes Diac. lib. 2. vitæ cap. 1. ait: Gregorius reſecto ſuperſtitioſo Pontificis vocabulo, ſe primus omnium ſervum ſervorum in Epistolis ſuis ſcripſit.* Ubinam vero venit in mentem huic vitæ S. Gregorii Scriptori, *Pontificis* nomen ſuperſtitioſum appellare, quod paſſim uſurpat? ut videre eſt in ejus Præfat. & lib. 1. capit. 1. & 25. Pudeat nunc heterodoxos nobis veterum Scriptorum corruptelam exprobrare, cum ipſius criminis cujus nos inſimulare nunquam deſinunt, rei clare arguantur. Verum de hac criminatione qua nos infamare conantur, alias.

XII. Nunc commemorandi ſunt veteres codices mſſ. ad quos Gregorii Regiſtrum recenſuimus & contulimus.

Corbjenſis, qui nunc eſt Bibliothecæ S. Germani a Præſtis, codex venerandæ antiquitatis; ut fere ſunt omnes celeberrimi hujus Monafterii.

Remenſis, nimirum Archimonafterii S. Remigii, æqualis circiter ætatis.

Quinque mſſ. e locupletiffima & ſplendida Bibliotheca Colbertina utendos accepimus, beneficio Illuſtriſſimi ac Reverendiſſimi D. Jacobi Nicolai Colbert Archiepiſcopi Rotomagenſis, Normanniæ Primatis; cui quantum litteræ litterarumque cultores omnes debeant, nemo neſcit. Ex his mſſ. duo tantum ſunt integri. Unus antiquior, quem veterem appellaturi ſumus, Epistolæ in 14. libros diſtinctas continet, ac in plurimis diem quo ſcriptæ ſunt notatum exhibet. Alter Epistolæ quidem omnes complectitur, & eodem ordine quo ſuperior, ſed minime in libros diviſas.

Duos

Centuriato-
rum Mag-
deburg. in
corrumpe-
do tohan.
Diacon. te-
ſtimonio
impudentia.

Codices mſſ.
a nobis ad-
hibiti re-
cenſentur.

Duos codices manu exaratos e Bibliotheca regia nobis suppeditavit vir Cl. D. Clement, annuente Illustrissimo Abbate de Louvois ejusdem Præfecto, qui bonarum artium & litterarum maxime sacrarum studiosis omnibus Patronum se Mæcenatemque præbet.

Ad laudatos Bibliothecæ vere regię codices nuper accefferunt duo Telleriani, dono Illustrissimi ac Reverendissimi viri Caroli Mauricii le Tellier, Remensis Archiepiscopi, quorum prius copiam ipse Archipræsul excellentissimus nobis concesserat, pro sua erga omnes qui in studio litterario, & maxime in sacræ antiquitatis studiis desudant, summa humanitate & benevolentia. In his veteribus exemplaribus, quæ prorsus similia nobis visa sunt, sæpe annotatur quo die, saltem quo mense, quave Indictione datæ sint Gregorianæ Epistolæ.

Unum 700. fere annorum codicem impetravimus ex Biblioth. Ecclesiæ Metropolitanæ S. Gariani apud Turonos, ex quo multas etiam temporis scriptarum Epistolarum notas eruimus: hunc nomine *Turon. S. Gat.* designaturi sumus, ut ab alio Turonico, scilicet Majoris Monasterii prope Turonos secernatur, quem accurate quoque recensuimus.

S. Albini nobile Monasterium apud Andegavos insignem præterea codicem nobis præbuit, in quo nonnullæ Epistolæ notam temporis quo scriptæ sunt præferunt; sed longe pauciores quam in Colbertinis, Tellerianis, ac Turon. supra laudatis codicibus.

At vero nullum nobis præsentius auxilium adfuit, quam a MSS. codd. nostrorum Monasteriorum in Normannia, ubi novissima hæc editio fuit adornata. Septem omnino exemplaria inde nobis subministrata, & quidem optimæ notæ, spectandæque integritatis, ætatis autem alia 700. annorum, alia minimum 600. quorum nomina hic accipe. Gemeticense, seu Monasterii S. Petri Gemeticensis. Audoenum; hoc est Regalis Monasterii S. Audoeni apud Rotomagum. Michaelinum, scilicet Monasterii S. Michaelis in Periculo maris. Beccense, percelebris Monasterii Beatæ Mariæ de Becco Herluini. Sagiense, seu Monasterii S. Martini apud Sagiū. Lyrense, id est B. Mariæ de Lyra, in diœcesi Ebroicensi. Denique Pratellense, scilicet Monasterii de Pratellis, diœcesis Lexoviensis. Verum cum maximus fere semper sit consensus inter illos codices, *Normannorum* nomine illos designare solemus.

De Audoeni illud observandum, in primo folio post compactum volumen vacuo relicto, descriptam recentiori manu
legi

legi Confessionem Berengarii, cui præmittitur: *Anno ab incarnatione sempiterni principii MLXXVIII. mense Febr. Indict. 11. Pontificatus vero Domni Gregorii universalis Pontificis septimi anno sexto, &c.* ut legitur in Concilio Rom. vi. Tom. 10. Concil. Labb. ad ann. 1079. paucis verbis immutatis. Exempli gratia in MSS. legitur *sempiterni principii*; & in edit. Labb. *Sempiterni principis*. Confessionem hanc Berengarianam, statim ac emissa est ac publicata, hoc in folio scriptam non dubitamus: uti sane tunc mos erat, quidquid recens elucubratum erat, in quovis obvio codice exarare, modo ad id capiendum satis chartæ puræ superesset. Et ex his conijcimus Audoenum codicem, mediante undecimo seculo saltem, scriptum esse.

Omnibus enumeratis codicibus, si ratio antiquitatis habeatur, præponi debuerat codex Corbejenſis, nunc Bibliothecæ S. Germani a Pratis, missus a Paulo Diacono ad S. Adalardum Abbatem Corbejenſem: ut patet ex ejusdem Pauli Epistola præmissa collectis hoc in libro S. Gregorii Epistolis; quam noster D. J. Mabillonius Act. SS. Ord. S. Benedicti tomo 1. pag. 397. inferendam curavit. Quinquaginta quatuor tantum Epistolas continet hic codex (quæ ratio fuit ut eum omnium postremum enumeraremus) quarum 34. ipsius Pauli manu correctæ sunt & emendatæ. Verum de hac collectione jam supra, de Paulo autem legenda præfatiuncula, Vitæ S. Gregorii ab illo compendiose scriptæ, præfixa.

Hos omnes codices propriis oculis inspeximus, accurateque varias eorum lectiones excerptimus. Nunc agendum de Vaticanis & Anglicanis, quos nobis videre non licuit.

Quatuor Vaticanorum codicum discrepantes lectiones nobis communicavit V. Cl. Steph. Baluzius, cui multa alia debemus: nam ut cætera taceam, Colbertinos codices ipse nobis indicavit & subministravit. Qui ad laudatos Vaticanæ Bibliothecæ codices, Gregorianas Epistolas recensuit & contulit, (Vir certe acris judicii, summæ diligentiae, ac indefessi laboris) ita præmonet initio codicis chartacei: Eodem die cœpi conferre „ Epistolas libri primi, cum tribus „ MSS. exemplaribus Vaticanis, quorum unum cooper- „ tum corio fulvo, & notatum numero 2534. & littera A. „ non habet primam Epistolam, nec dimidiam partem secundæ. Alterum autem coopertum corio rubro, & notatum num. 2538. & littera B. habet principium (Epistolarum) cum hac inscriptione: *Incipiunt Epistolæ ex Registro Beati Gregorii Papæ, mense Septembri, indictione nona,* „ sci-

„ *scilicet anno sue ordinationis primo*. Tertium est coopertum co-
 „ rio rubro, sine numero, quod fuit cujusdam Cartu-
 „ siani, pagin. 1. & notatur littera C: Quartum exemplar
 „ manuscriptum Epistolarum S. Gregorii Magni, domini
 „ custodes mihi dederunt 18. Febr. 1600. signatum nume-
 „ ro 190. & a me littera D. continens Epistolas septingen-
 „ tas & quindecim, nullo ordine nullaque librorum distin-
 „ ctione digestas, sed omnes mixtas, cujus sequuntur di-
 „ versæ ab impresso lectiones. In fine legitur: Hujus to-
 „ tius registri castigationes absolvi quinta die Decembris
 „ 1600.

Si ad quatuor laudatos codices alii postea accesserint ab eodem viro dicto consulti & recensiti, suo loco admonere curabimus.

Magna fide collectas & expressas diversas illorum codicum lectiones, nobis omnino persuadet, tum quod ubique fere cum nostris conveniant, tum quod easdem observaverit in præfatis codicibus noster D. Claudius Estiennot. Quippe antequam nobis nota fuisset hæc variarum lectionum a centum annis & ultra facta collectio, laudatus vir religiosissimus & eruditissimus qui tunc Romæ agebat, a nobis rogatus, eosdem Vaticanos codices diligentissime excusserat, & in quibus ab editis discrepant sedulo notaverat, in novæ editionis subsidium. Quæ ad nos missa ubi contulimus, cum variis lectionibus, longe antea excerptis, prorsus consentire probavimus.

Sex Angliæ codicum discrepantes lectiones nobis obtulerunt *Vindiciæ Gregorianæ* Thomæ Jamezii. Hoc opus plurimi fecerunt heterodoxi; at quale est, Deus immortalis, si cum Vaticana collectione comparetur! Nam plurimas lectiones diversas summi momenti, & ex quibus etiam locis corruptis mederi licuisset, dissimulavit Jamezius. (a)

Editiones quibus potissimum usi sumus præter Gussanvillæanam, sunt Parisiensis ann. 1518. apud Magistrum Bertholdum Rembolt. Item Parisiensis 1571. quæ accurante Johanne Gilotio viro doctissimo prodiit, & Vaticana. Per recentiores, quas nonnunquam commemoramus, Vaticanam hanc, & Gussanvillæanam præsertim intelligimus (b).

Nunc

(a) Plures ex Regesto excerptas epistolas in Codd. Bessar. reperi: sed tam sæpe scriptæ sunt ut vix operæ pretium sit eos commemorare. Quia tamen sæpe editis favent, & nonnunquam optimam lectionem præferunt, ideo quasdam ex illis variantes decerpimus, & in notis subjecimus. E. V.

(b) Ea quæ pro modulo nostro in hac editione reformanda censuimus, in subjectis notis nostris passim invenies.

Nunc attexenda ea Præfationis Gussanvillæanæ pars, quæ ad Epistolas spectat. De illa autem Præfatione, ac de notis ejusdem auctoris in nostra recusis editione, hoc præmonendum censemus: sicut ea non reprobamus, utpote a tribus doctoribus Sorbonicis approbata & regio diplomate munita, sic pro ipsis spondere minime audemus.

EX PRÆFATIONE GENERALI

PETRI GUSSANVILLÆI.

Epistolæ Dialogos excipiunt. Registrum sive Regestum vulgo vocant, id est rerum a sancto Gregorio gestarum indices, monumenta. Siquidem eruditis solemne est sanctorum Patrum quam maxime versare Epistolas, unde eruant cujusque auctoris ingenii dotes, morum imagines, prudentiæ nervos, disciplinam Ecclesiæ, historiam temporum, nodosarum quæstionum solutionem, officia intercurrentia eorum quibuscum consuetudinem habebant. Id omne vero cumulate dant sancti Gregorii epistolæ. Vim, dexteritatemque ingenii quis non deprehendat in istis expressas tabulis, solertiam, robur animi, demissionem Christianam, zelum, cæterasque virtutes? Quantum laborat pro retinenda asserendaque disciplina, quasi nefas fuerit dispensare, canonibusque solvere? Non ostentat potestatem, non laxat habenas voluntati, ut quidquid libet liceat. Infractum animum sola inclinabat utilitas evidens Ecclesiæ, aut urgens cogebat necessitas. Noverat qua data occasione rigor ille foret remittendus paterna concessione, non proculcando regulas, sed reducendo inflectendoque paulisper, prudentis oculatæque caritatis arbitrio. Ut jus summum summa quandoque est injuria, ita relaxationes imprudentes disciplinam evertunt, subruunt, pessumdant. Utrumque aliquot exemplis illustremus. Adversus vocem œcumenici Episcopi suo sensu intellectam, Canones & usum Ecclesiæ non cessat opponere. Episcopos neophytos iisdem tormentis arietat, nec ulli facit gratiam; eadem adversus illos argumenta proferens, quæ sanctus Gregorius Nazianz. in Monodia præformaverat, quasi ex eo totidem verbis desumerit. Digamum fortiter repulit, rogante licet Brunechilde Regina, nec aliam causam obtendit præter Canones *Cætera omitto utpote prolixiora.*

EPISTOLARUM

S. GREGORII MAGNI

ORDO RESTITUTUS

ARGUMENTIS DEMONSTRATUR. (a)



IC primum agemus de Epistolis unicuique libro restitutis, postea de amotis; deinde si quæ fuerint transpositæ intra eundem librum, ut ad proprium locum revocarentur, indicabimus. Si vero, dum breves esse laboramus, obscuros quandoque fieri contingat, legendæ sunt ipsæ Epistolæ, debito, ut putamus, ordini redditæ.

Liber I. Indictione IX.

Nonæ Indictioni tres Epistolas restituimus.

I. Ex libro ultimo Indictione vii. decimam octavam Epistolam, quæ nunc est hujus Libri decima. Cum scripta est hæc Epistola vivebat Petrus Terracinensis Episcopus, cujus meminit. Eum undecimæ Indictionis initio mortuum fuisse probant Epistolæ decima tertia & decima quarta Indictionis xi. Quod autem ad librum I. pertineat hæc Epistola, eruitur ex ejusdem libri ep. 35. quam si cum ipsa conferas, posterius fuisse scriptam non dubitabis.

II. Ex Baluzii Miscellaneorum Tomo quinto, pag. 496. Epistolam Petro Subdiacono inscriptam, quam nondum typis excusam primus edidit ipse vir clarissimus Stephanus Baluzius. Sic incipit hæc Epistola, quæ nunc est trigesima sexta libri primi, *Pergenti tibi, &c.* Ipsius meminit sanctus Gregorius in Epistola olim septuagesima, nunc septuagesima secunda Libri primi, dataque est xvii. Kalend. Aprilis: igitur præmittenda Epistolæ olim quadragesimæ secundæ, nunc quadragesimæ quartæ, post Paschalem festivitatem scriptæ.

III. Ex lib. olim x. quinta Indictione epistolam quadragesimam quartam. Commotus Gennadii fama Droculfus, ex hostibus ad ipsum confugit. Gennadii victorias bellicam-

c 2

que

(a) Si qua nobis dubia occurrerunt, suis locis epistolis subjecimus. E. V.

que illius gloriam in Epistolis indictione nona datis celebrat sanctus Gregorius: in posterioribus nunquam; immo post Indictionis decimæ quintæ initium nulla Gennadii mentio. Ipsius, Indictione tertia, successor Innocentius legitur, Epistola olim trigesima septima & trigesima octava, nunc vero trigesima octava & trigesima nona. Ergo hæc Epistola remanere non debuit in Indictione quinta, sed Indictio nona ipsi magis convenit.

A nona Indictione Epistolam nullam amovemus.

In nona Indictione Epistolas duas ad proprium locum revocamus.

I. Decimæ nonæ decimam jungimus, quia in utraque eadem prorsus tum Natali Episcopo, tum Honorato Archidiacono, simul ab illis præstanda mandantur.

II. Septuagesimam octavam postponimus septuagesimæ nonæ, quam a septuagesima sexta & septuagesima septima in eandem ac ipsam rem scriptis non bene dividebat.

Liber II. Indictione X.

Decimæ Indictioni reddimus Epistolas quindecim.

I. Ex lib. ultimo septima Indictione epistolam vigesimam primam, quæ nunc est tertia libri hujus. Hac quippe in epistola sanctus Gregorius indicat bellum tunc fuisse Romanos inter & Ariulphum, Langobardorum apud Spoletum Ducem. Quod referendum esse ad Indictionem decimam fere constat ex epistola olim trigesima secunda, nunc quadragesima sexta ejusdem Indictionis scripta ad Johannem Episcopum Ravennatem. Præterea in MS. cod. Colb. veteri, & in Collectione Pauli Diaconi manuscripta, huic epistolæ appositum legimus: *v. Kal. Octob. Indict. X.*

II. Ex eodem lib. septima Indictione decimam nonam, quæ nunc est hujus Libri quarta: quia nimirum data est iii. Nonas Octobr. Indictionis decimæ in Colbert. veteri.

III. Ex hac septima Indictione decimam, quæ nunc est hujus Libri quinta; quod in Collectione Pauli legatur data iii. Non. Octobr. Indictione x.

IV. Ex lib. olim quarto decima tertia Indictione, septimam & octavam, quas vigesimam secundam & vigesimam tertiam hujus Libri invenies. Ut autem hæc mutatio fieret, id in causa fuit. Prius haud dubie electus est Johannes

nes in Episcopum primæ Justinianæ , quam adversus Hadrianum, Episcopum Ecclesiæ suæ suffraganeum , sententiam tulerit. Prius ergo scriptæ sunt decimæ tertiæ Indictionis epistolæ olim septima & octava, de unanimi Johannis electione, quam sexta, septima, & trigesima octava undecimæ Indictionis , in quibus de Johannis adversus Hadrianum sententia differitur.

V. Ex libro olim xii. septima Indictione vigesimam, quæ nunc est hujus Libri vigesima octava. In Collectione enim Pauli Diaconi, aliisve manuscriptis, data est xiv. Kal. Junii Ind. x. De Stephano, ad quem scripta est, Siciliæ Chartulario, agitur paulo post in epist. tertia lib. iii. Indict. xi.

VI. Ex eadem septima Indictione vigesimam secundam, Libri hujus vigesimam nonam effecimus: quia in Colb. veteri data est xiv. Kal. Junii Ind. x. Præterea, ut jam advertimus, tunc bellum adversus Romanos Ariulfus agebat. Vide Indictionis decimæ epistolam olim trigesimam secundam, nunc quadragesimam sextam ad Johann. Episcopum Ravennatem.

VII. Ex septima adhuc Indictione vigesimam tertiam & vigesimam quartam nunc trigesimam & trigesimam primam Libri secundi, quia eodem tempore scriptas quo decimæ Indictionis epistola olim vigesima secunda, nunc trigesima quinta, legenti non erit obscurum.

VIII. Ex eadem Indictione trigesimam, quæ nunc est Libri secundi trigesima secunda. Decima Indictione datam eam fuisse ex contextu liquet: *Pensiones*, inquit ad Petrum sanctus Gregorius, *nonæ & decimæ Indictionis, quas exegisti, & rationes omnes pariter deporta. Stude, si Deo placuerit, ut in hanc urbem ante natalem Beati Cypriani transeas.* Præterea legitur in Collectione Pauli Diaconi data iii. Nonas Junii Indictionis decimæ.

IX. Ex septima insuper Indictione vigesimam sextam, nunc trigesimam quartam laudati Libri. Scripta est non multo post trigesimam, de qua mox diximus. In hac enim trigesima Petro Subdiacono dolorem suum de præcipiti Maximiani Episcopi sententia sic aperit: *Ægre tamen tuli quod domnum Eusebium* (Abbatem ad quem postmodum decimæ Indictionis Epistolam olim vigesimam quartam, nunc trigesimam sextam dedit) *excommunicavit Unde necesse est ut eidem domno Episcopo secreta dicas, quatenus in proferendis sententiis præceps non sit.*

X. Ex libro olim quarto decima tertia Indictione quadragesimam primam & quadragesimam tertiam, quæ nunc
sunt

sunt Libri secundi quadragesima secunda & quadragesima prima. Ex quo Leontius Ariminensis Ecclesiæ administrationem suscepit, de qua agunt Indictionis undecimæ epistola vigesima quarta & vigesima quinta, jam non Arimini sed Romæ debebat Castorius. Vide ibidem, & Indictionis decimæ epistolam olim vigesimam secundam, nunc trigessimam quintam. Igitur sub decimæ Indictionis finem scripta est quadragesima tertia hæc epistola olim Indictioni .xiii. perperam data, ex qua liquet Castorium adhuc Ariminensem Ecclesiam rexisse. Eodem tempore in eandem rem data est quadragesima prima ad Luminosum Abbatem.

XI. Ex septima Indictione vigesimam septimam, nunc Libri secundi quinquagesimam tertiam ad Honoratum. Honorato successit in legatione Constantinopolitana Sabinianus, Indictione undecima. Vide epistolam olim quinquagesimam primam libri iii. nunc quinquagesimam secundam. Hæc igitur quam a septima Indictione avocamus, ad decimam Indictionem revocanda est: vix enim ante finitam Indictionem nonam Constantinopolim Honoratus advenerat.

XII. Ex MSS. codd. epistolam sancti Liciniani Episcopi ad sanctum Gregorium sub decima Indictione locamus. *Scriptisti*, inquit Licinianus, *de trina tinctione* (Leandro Hispalensi, Indictione nona, mense Majo, epistolam olim quadragesimam primam, nunc quadragesimam tertiam) *in qua Epistola memorans displicuisse vobis illud opus, sed hoc salubriori consilio statuisse, ut in Librorum ductu eas transponeres . . . Dignetur ergo Beatitudo vestra opus ipsum de Libro sancti Job transmittere.* Opus illud ad sanctum Leandrum Hispalensem missum legimus Indictione decima tertia, epistola olim quadragesima sexta, nunc quadragesima nona. Ex quibus conijcimus epistolam hanc, quæ meminit Gregorianæ epistolæ, nona indictione desinente scriptæ, non ante decimam Indictionem fuisse datam, & longe ante duodecimam, quam missos in Hispaniam Libros Moraliū pene constat.

A decima Indictione nullam amovemus Epistolam.

In decima Indictione Epistolas quatuor ad propria loca revocamus.

I. Decimam tertiam ad Paulinum legenti, certum erit præponendam illi epistolam ad Maximianum, quæ in editis est vigesima sexta, in manuscriptis vero trigesima octava.

II. Vigesimam secundam ad Johannem Ravennatem mensē

se Julio datam, vigesimæ tertiæ ad Justinum Prætorem iii. Nonas Junii datæ postponimus.

III. Trigesima tertia apud Guffanvill. & in manuscriptis data est mense Augusto, Indictione decima: trigesima nona vero apud eisdem data legitur x. Kal. Augusti. Hæc igitur præmittenda fuit alteri.

IV. Trigesima octava ad Johannem Squillacium, vigesimæ septimæ ad Crotonenses fuit præponenda, ut in MSS. codd. Norm. Anglic. &c. In editis sic mendose incipit: *Obitum Paulini Taurian.* &c. legendum ut in Vaticanis manuscriptis, *Obitum Antistitis Crotoniensis*, &c. Ad Paulinum Taurianensem scripsit sanctus Gregorius diu postea, scilicet Indictione secunda, epistolam olim quadragesimam septimam, nunc quadragesimam octavam; ipsoque mortuo, Taurianensis Ecclesiæ visitationem injunxit Venerio Vibonensi Episcopo, epistola olim decima octava Indictionis sextæ, nunc tertiæ decima septima.

Liber III. Indictione XI.

Undecimæ Indictioni epistolas duas reddimus.

I. Ex decima quarta Indictione quadragesimam quartam, seu quæ eadem est, ex libro olim vii. secunda Indictione quadragesimam nonam: estque nunc Libri tertii trigesima septima; tum quod in Colbertino veteri data est mense Majo, Indictione undecima, ut etiam legitur in editis Indictionis secundæ epistola quadragesima nona; tum quod verosimile non est, sanctissimum Pontificem piam testamenti dispositionem Pelagio decessori suo commendatam, non ante quintum Episcopatus sui annum adimpleri curasse.

II. Ex secunda Indictione septuagesimam sextam, quæ nunc est hujus Libri tertii sexagesima quarta. Sane Chrysanthum, Spoletanum Episcopum, Mevanensis Ecclesiæ Visitatorem eodem fere tempore instituit sanctus Gregorius, quo res & utilitates ejusdem Ecclesiæ Honorato commisit procurandas Indictione nona, epistola olim septuagesima octava, nunc quadragesima prima: atqui duobus post annis data est ad Chrysanthum epistola hæc, olim septuagesima sexta Indictionis secundæ, quæ sic incipit: *Ante biennium Fraternitati tuæ Vivaniensis (lege Mevaniensis) Ecclesiæ deputaveramus officium.* Reddenda igitur fuit undecimæ Indictioni.

Ab undecima Indictione Epistolam sexagesimam quartam amovemus, eamque Indictioni duodecimæ reddimus. Qua ratione, infra exponetur, ubi de Indictione duodecima.

In undecima Indictione Epistolas quatuor ad propria loca revocamus.

I. Quadragesima secunda jungenda omnino quadragesimæ in eandem rem scriptæ; huic vero præmittenda quadragesima prima, ut advertit Guffanvillæus.

II. Quinquagesimæ primæ & quinquagesimæ secundæ subjungenda sexagesima sexta: in hac enim ut in illis Sabinianus, Diaconus, Constantinopolim veniens commendatur.

III. Sexagesima prima Fortunato gratulatur Gregorius, quod a Neapolitanis civibus in Episcopum susceptus sit. Igitur præmittenda quinquagesimæ nonæ, quæ ipsum in Episcopatu constitutum supponit: & quidem in manuscriptis codicibus præcedit.

IV. Sexagesimam quintam sexagesimæ secundæ sociari expedit quasi libellum commonitorium: idque prius observarat Guffanvillæus.

Liber IV. Indictione XII.

Duodecimæ Indictioni Epistolas tres reddimus.

I. Ex decima tertia Indictione quadragesimam, quæ nunc est hic trigesima prima, & ex undecima Indictione sexagesimam quartam, quæ nunc hujus Libri est trigesima secunda. Legenti has epistolas planum fiet: Primo, trigesimam primam præmittendam fuisse trigesimæ secundæ, in qua ipse meminit sanctus Gregorius: Secundo trigesimam secundam, in qua conqueritur de Johanne Constantinopolitano, ob Presbyteros Isauriæ male habitos, fuisse revocandam ad Indictionem duodecimam. Etenim decima tertia Indictione ante mensem Januarium Johannes, Constantinopolitanus Patriarcha, jam Romano Pontifici in causa Presbyterorum Isauriæ fecerat satis: *Scripta Sanctitatis vestræ*, inquit sanctus Gregorius epistola Indictionis decimæ tertiæ olim trigesima octava, nunc decima octava, data Kal. Januarii, *dulcissima atque suavissima de causa Jobannis & Athanasii suscepi*, &c.

II. Ex lib. olim vii. prima Indictione primam, quæ nunc est hic quadragesima septima. Nimirum scripta est ad Sabinianum Constantinopoli commorantem: at jam ab anno superiori Indictione decima quinta, Sabinianus Constantinopoli redierat. Vide hujus Indictionis epistolas olim vigesimam tertiam, vigesimam quartam, vigesimam quintam; nunc vigesimam sextam, vigesimam septimam, vigesimam octavam; ipsique Anatolius successerat, ex epistolis olim vigesima septima & vigesima octava, nunc trigesima & trigesima prima. Ergo etiam ante Indictionem decimam quintam scripta hæc epistola. Porro eam Indictioni duodecimæ ideo tribuimus, quod in ea agatur de epistola sancti Gregorii vigesima ejusdem indictionis ad Maximum Salonitanum, quam ipse Maximus publice scindi paulo ante fecerat.

A duodecima Indictione epistolam nullam amovemus.

In eadem Indictione epistolas quatuor propriis locis restituimus.

I. In epistola ad Januarium Episcopum Caralitanum, olim decima, nunc octava, pium Theodosia Stephani quondam viri sui desiderium dilatione protrahere legitur. In epistola ad eundem Januarium Ep. Caralit. olim octava, nunc decima quinta desiderium illud compleri optare. Hanc igitur illa præcedere debuit.

II. Ad Indictionem undecimam proxime accedere debet epistola olim decima quinta, si genuina sit appendix de causa Maximi præmissa olim libro vii. Ind. i. nunc ad calcem rejecta num. 8. Illam proinde mense Septembri datam conjicimus, ac undecimæ præmittimus, quæ data est mense Octobri.

III. Epistolæ olim vigesima tertia, vigesima quinta, vigesima sexta in eandem rem scriptæ sunt, ex relatione Cyriaci & Felicis. Illas disjungebat epistola olim vigesima quarta, quæ de aliis alia occasione negotiis agit, absque ullo temporis indicio. Illis omnibus præmittendam esse quæ erat vigesima septima, qua nempe Felicem Episcopum & Cyriacum Abbatem in paganorum conversione laborantes commendat, patebit legenti.

Liber V. Indictione XIII.

Decimæ tertiæ Indictioni epistolas octo reddimus.

I. Ex libro ultimo, septima Indictione decimam quartam, nunc decimam sextam hujus Libri. Observat Gussanvillæus in aliquibus manuscriptis finem hujus epistolæ talem esse: *Data xx. Kal. Januar. Ind. iii.* At primo nunquam dicitur *xx. Kalendas*. Deinde legendum *Indictione xiii.* sic ostendimus ex ipso epistolæ contextu: *Sabinianus Diaconus vestræ dulcissimæ Sanctitati curanda vulnera nostra aperiet, &c.* Domitianus vel Datianus ad quem hæc epistola, Imperatoris cognatus, Constantinopoli tunc degebat. Jam vero Indictione prima Anatolius, Diaconus, Constantinopoli Sabiniano successerat, qui Indictione decima quinta Romam reversus legitur epistolis olim vicesima tertia, vicesima quarta, vicesima quinta, tricesima prima; nunc vicesima sexta, vicesima septima, vicesima octava, trigesima quarta. Ergo Sabinianus Romam reversus Indict. xv. tribus post annis, nimirum Indict. iii. minime poterat Constantinopoli, Domitiano Gregorii vel potius totius Italiæ vulnera molestiasque aperire. Quod vero barbarorum gladiis afflictus Gregorius, Domitianum ut sibi compatiatur rogat, id decimam tertiam Indictionem aperte innuit. Nam in epistola olim trigesima prima, nunc quadragesima, ad Mauricium Imperatorem data *Kal. Januar. Indictione xiii.* Gregorius plagas quibus affligebatur enumerans, hæc scribit: *De Romana civitate milites ablati sunt: & quidem alii ab hostibus occisi Post hoc plaga gravior fuit adventus Agilulphi, &c.*

II. Ex eadem septima Indictione duodecimam, nunc trigesimam primam ejusdem Libri quinti. In quibusdam enim manuscriptis legitur data die duodecima Martii, Indictione decima tertia. Certa est aliunde hæc temporis nota, tum ex epistolis ad Childebertum, ad Brunichildem, & ad ipsum Candidum decimæ quartæ Indictionis initio datis, tum ex ejusdem decimæ quartæ Indictionis epistola quinquagesima secunda & sequentibus, ubi Candidus de quo, dissimulato ejus nomine, in laudata agitur epistola, jam in Gallias missus, Regibus, Episcopis, & Arigio Massiliensis Provinciæ post Dynamium Præfeto commendatur.

III. Ex tertia Indictione secundam, nunc Libri quinti trigesimam, quia in Collectione Pauli Diaconi, aliisve manuscriptis data legitur mense Martio, Indictione decima tertia.

IV. Ex

IV. Ex septima Indictione decimam tertiam, nunc trigessimam secundam Libri quinti. Aliquanto sane post Maximiani obitum tempore datam patebit legenti. Obiit autem Maximianus anno 594. Ind. xiii. Baronius in notis ad Martyrologium Romanum, Vvion in Ligno vitæ, Mabillonius ad Lib. I. Johan. Diaconi, de vita S. Gregori §. xxxiii. & in Actis Sanctorum tom. 1. p. 408. Octavius Cajetanus Syracusanus apud Bollandianos, Maximianum die nona Junii demortuum asserunt; *quod ipsum sanctum eo die colant Syracusani ejus reliquiis gaudentes*. At illorum sententiæ repugnare videtur sanctus Gregorius Indictionis decimæ tertię epistola olim decima nona, nunc decima septima ad Cyprianum Diaconum, quæ sic incipit: *Amarissimas tuæ Dilectionis epistolas de domni Maximiani obitu mense Novembri suscepi*. Quis enim credat Cyprianum de Maximiani sub Romana Metropoli episcopi & Gregorio amicissimi obitu, non ante elapsos quinque menses ipsum S. Gregorium monuisse? Fortassis sancti Maximiani reliquiarum translationem die x. Junii factam celebrant Syracusani.

V. Ex secunda Indictione decimam quintam, nunc Libri quinti tricesimam septimam. Siquidem in Collectione Pauli Diaconi, aliisve manuscriptis data est mense Junio, Indict. xiii. neque verosimile est Theodosium jam undecima Indictione sancti Martini Abbatem (vide hujus Ind. Epist. 23.) ad sex annos Monasterii a decessore suo constructi dedicationem distulisse.

VI. Ex secunda Indictione quartam, nunc quadragesimam quintam hujusce Libri quinti. Ad Severum Exarchi Ravennæ Scholasticum scripta est decimæ tertię Indictionis epistola olim vigesima nona, nunc trigesima sexta. Nondum finita Indictione decima tertia Severo successit Andreas, ad quem decimæ tertię Indictionis epistola, olim quadragesima quinta, nunc quadragesima octava, de Mariniani Episcopi ordinatione. Hanc vero quæ Castorius jam undecima Indictione Ravennæ degens commendatur, in ipso Andree adventu scriptam censemus.

VII. Ex secunda Indictione nonagesimam quartam & nonagesimam quintam, nunc quadragesimam sextam & quadragesimam septimam Libri quinti. Eodem tempore scriptæ sunt; ab his enim verbis incipit nonagesima quinta: *Responsalium nostrorum relatione comperimus, quod pro amore unitatis Ecclesiæ tantus vos divini zeli ardor accenderit*. In nonagesima quarta vero legitur. *Qualiter vos contra Historicorum schisma, pro unitate Ecclesiæ, amoris olim fervor accenderit, & multorum reificatione, & nostrorum modo plene relatione cognovimus*. In hac

olim nonagesima quarta Castorius in Histriam missus Basilio commendatur . De Castorii reditu , & ad pacem jam inclinato Petri & Providentii Histriæ Episcoporum animo in decimæ tertiæ Indictionis epistola , olim quadragesima nona, nunc quinquagesima prima data mense Augusto loquitur S. Gregorius. Ergo antecedere debuerunt geminæ illæ epistolæ ex Indict. ii. revocatæ . Neque Castorium secunda Indictione iterum in Histriam perrexisse cogites : nam Ravennæ in Maximi Salonitani negotio tunc ipsum occupatum ostendunt Indictionis ejusdem secundæ , epistolæ olim sexagesima nona, octogesima, octogesima prima; nunc sexagesima septima, sexagesima nona, octogesima; donec sanctum Gregorium adiit, ac de Maximi plenissima satisfactione testatus est . Vide Indictionis secundæ epistolam olim centesimam trigessimam, nunc centesimam quintam ad Maximum Episcopum Salonit.

VIII. Ex eadem Indictione secunda removendam epistolam centesimam vigesimam secundam , olim centesimam vigesimam septimam ad Recharedum , jungendamque epistolæ quadragesimæ nonæ hujusce Libri quinti, olim quadragesimæ sextæ ad Leandrum Hispalensem Episcopum , censet Nicolaus Antonius in Bibliotheca Hispanica . Nempe duas illas epistolas eodem tempore scriptas esse putat vir doctissimus , eo quod in utraque S. Gregorius meminerit Proбини Presbyteri . Verum falsa nobis videtur (quod pace tanti viri dixerim) conjectura hæc . Nam in epistola ad Leandrum mentio fit Proбини missi in Hispaniam , eoque pergentis : in altera vero Proбини jam reducis : *Præterea* , inquit sanctus Gregorius , *indico quia crevit de vestro opere in laudibus Dei hoc , quod dilectissimo filio meo Probino Presbytero narrante cognovi* . Qui narrabat Gregorio , Romæ sane aut in vicinia tunc aderat , non in Hispania peregrinabatur .

Verisimilior est alia ejusdem eruditissimi Scriptoris conjectura , epistolam quadragesimam sextam ad Leandrum , nunc quadragesimam nonam Indictionis decimæ tertiæ citius scriptam fuisse . In ea enim Leandro significat Libros Moralium se ad ipsum per Probinum transmittere . At vix credi potest Libros illos qui jam Indictione nona absoluti erant , ut ex epistola quadragesima tertia hujus Indictionis liquet , quosque jam Leandro destinabat S. Gregorius Indictione tantum decima tertia fuisse missos . Hæc tamen ratio non sufficit ad hanc epistolam , quæ in omnibus manuscriptis Registri per Indictiones digesti , Indictioni decimæ ter-

tiae tribuitur, loco suo movendam. Potuerunt enim adesse causae aliquae nobis nunc incognitae tardius mittendi Libros illos.

A decima tertia Indictione epistolas septem amovemus.

Sub Indictione decima septimam, octavam, quadragesimam primam, quadragesimam tertiam reponimus.

Sub Indictione duodecima, quadragesimam. Quibus autem ad id rationibus coacti fuerimus jam dictum est.

Sub Indictione decima quarta quinquagesimam sextam & quinquagesimam septimam. Rationes vero mutationis factae aperiemus cum de epistolarum Indictionis xiv. ordine differendum erit.

Præterea Gesta Romanæ Synodi, quæ sub epistolæ nomine quadragesimo quarto loco erant posita, ad calcem mittimus.

In decima-tertia Indictione epistolas undecim propriis locis restituimus.

I. Idem de Saturnino expresbytero, de Jobino Diacono & Abbate, & de tribus Subdiaconis lapsis habent epistolæ olim decima sexta & decima septima: quæ posterior, ex plerisque manuscriptis, data est mense Septembri. Utraque igitur præmittenda epistolæ olim quintæ, datæ mense Octobri, quæ Saturninum gravius puniendum statuit; quod a Sacerdotii ordine dejectus, ad explendum ministerium Sacerdotii præsumpsisset accedere.

II. Quæ ad Cyprianum Diaconum scripta, olim erat decima nona, nunc decima septima, ad Cyprianum Diaconum, in aliis editis sequitur epistolam scriptam mense Februarii; post mensem Decembrem tamen scripta non videtur: ejusdem enim Cypriani epistolæ Maximiani obitum nuntianti respondet, quam mense Novembri suscepit Gregorius, Vide ipsam epistolam.

III. Epistolæ olim trigessimæ secundæ trigessimam quartam in eandem rem scriptam jungimus: Utrique vero præmittimus trigessimam octavam, quæ a trigesima nona disjungi non debet. Hæc trigessimæ secundæ ad Mauricium Imperatorem verba: Ego autem Dominorum jussionibus obedientiam præbens, prædicto consacerdoti meo & dulciter scripsi & humiliter, ut ab hac inanis gloriæ appetitione sese emendet admonui, ad epistolam, &c. & hæc, inquam, trigessimam octavam spectant, in qua
sic

fic ad Johannem Gregorius: *Ante . . . ut a tali se præsumptione Fraternitas vestra compesceret, non equidem scripto, sed nudo sermone curavi: & quia ressecanda vulnera prius leni manu palpanda sunt: rogo, deprecor, & quanta possum dulcedine exposco, &c.* Data est Kal. Januarii hæc trigesima octava, nunc decima octava epistola; aliis proinde multis mensibus Februario, Martio, Aprili, Maio datis, quibus in editis postponitur, est anteponenda.

IV. Quadragesimam septimam ad Nobiles Syracusanos non multo post decimam nonam ad Cyprianum Diaconum datam fere initio Indictionis suadet utriusque lectio. Hanc ideo epistolis mense Februario datis anteponimus.

V. Vigessimam tertiam die decima tertia Februarii datam, decimæ octavæ die decimo octavo Februarii datæ præmittimus. Eulogium & Anastasium Patriarchas rogat Gregorius in epistola trigesima sexta, ut Johannis Constantinopolitani superbiam junctis animis insequantur. Idem a Gregorio Antiocheno non petit; quod nempe jam demortuus, Antiochenam Sedem occupare desiisset. Porro Anastasio prius de sua in Antiochenam Sedem restitutione post illius Gregorii obitum, gratulatus est sanctus Gregorius, quam ipsum adversus Johannis Constantinopolitani superbiam sollicitaret. Igitur trigesimam sextam præcedat illa trigesima septima de Anastasii reditu & redintegratione gratulatoria.

VI. Quinquagesimam septimam Johanni Corinthiorum Episcopo datam mense Augusto, quinquagesimæ præmittendam duximus, tum quod in Norm. MSS. præcedat, tum quod hæc quinquagesima ejusdem mensis duodecimo die scripta, a quinquagesima secunda & quinquagesima tertia eodem duodecimo die datis atque in eadem negotia scriptis nullatenus sit separanda.

Liber VI. Indictione XIV.

Decimæ quartæ Indictioni tres Epistolas reddimus.

I. Ex decima tertia Indictione quinquagesimam septimam, nunc hujus Libri quinquagesimam primam. Non enim prius scriptam esse quam cum Augustinus in Galliam ad socios reversurus Roma proficisceretur, patet legenti. Jungenda igitur Indictionis decimæ quartæ Epistolis, quas per Augustinum tum in Gallias, tum in Angliam misit sanctus Gregorius.

II. Ex libro olim ix. quarta Indictione septuagesimam
ter-

tertiam, nunc sexagesimam secundam ejusdem Libri sexti: Brundusinæ Ecclesiæ institutus fuerat visitator Petrus, Episcopus Hydruntinus, Indictione decima quarta, epistola vigesima prima. Defuncto quovis Episcopo, ut alius in demortui locum quantocius eligeretur, instare solebat sanctus Gregorius. Non ergo Brundusinam Ecclesiam in Romana Provincia positam, proprio Pastore per quinque annos carere passus est. Data est igitur hæc epistola, non Indict. quarta ut in editis, sed Indict. decima quarta mense Aug. III. Ex libro olim vii. secunda Indictione septuagesimam septimam, nunc trigessimam quartam Libri sexti. Nam, ut ait Guffanvillæus, antecedere debuit epistolam trigessimam tertiam, nunc sexagesimam primam Indictionis decimæ quartæ, *quæ rei totius est consumatio*; scilicet, disceptationis de diebus solemnibus quibus Pallium gestare consuevisset Episcopus Ravennas. Id sane attentius utramque legenti statim patebit. Fatemur tamen epistolam hanc olim septuagesimam septimam Indictionis secundæ, hoc loco in manuscriptis reperiri; eamque Johannem Diaconum in illa Indictione legisse, ut patet ex lib. iv. Vitæ cap. 7. Sed inverso ordine plurimas epistolas in Registro collectas, maxime a Libro septimo Indict. secunda, nunc autem Libro nono usque ad finem nemini attendenti dubium esse potest.

A decima quarta Indictione epistolam quadragesimam quartam removeimus: *eadem est enim cum quadragesima nona secunda Indictionis quam sub undecima Indictione reponimus.*

In decima quarta Indictione Epistolas duas ad propria loca revocamus.

I. Decima Candido Roma in Gallias proficiscenti data est quasi commonitorium: jungenda ergo quintæ & sextæ, quas detulit idem Candidus.

II. Quadragesimam octavam vigesimæ sextæ subjungimus, tum quod hujus initium & illius media pars iidem fere verbis exprimantur: tum quod in eandem rem utraque scripta sit; tum denique quod in manuscriptis codicibus utraque sit data mense Martio, Indictione decima quarta.

Liber VII. Indictione XV.

Decimæ quintæ Indictioni Epistolas quatuor reddimus.

I. Ex secunda Indictione quinquagesimam, quinquagesimam primam, quinquagesimam secundam. Ex quinquagesima secundæ Indictionis Epistola Castorius Romæ degens, quadriennio expectatus est, ut si de capitis qua detinebatur molestia melioratum se sentiret, ad suam reverteretur Ecclesiam. Atqui jam undecima Indictione Romæ detinebatur (vide epistolam vigesimam quartam ad Leontium Episcopum Urbinate, & vigesimam quintam ad cives Ariminenses.) Restituenda igitur decimæ quintæ Indictioni epistola olim secundæ Indictionis quinquagesima, utpote quatuor ab Indict. xi. elapsis annis scripta: restituendæ etiam quinquagesima prima & quinquagesima secunda, datæ mense Majo, quas in eandem rem & eodem tempore quo quinquagesima scriptas apertum est.

II. Ex quarta Indictione septuagesimam secundam, nunc quadragesimam quintam hujus Libri. Non paucis mensibus ante decimam nonam ad Marinianum Ravenn. Episcopum, nunc decimam sextam primæ Indictionis fuisse datam suadet utriusque lectio. Ergo non alteri debetur Indictioni quam antecedenti xv.

A decima quinta Indictione nullam removemus epistolam. Nullam quoque intra eandem Indictionem transponendam censemus.

Liber VIII. Indictione I.

Primæ Indictioni Epistolas tres reddimus.

I. Ex libro olim xii. septima Indictione vigesimam quintam, & ex quinta Indictione vigesimam, nunc decimam septimam & decimam nonam Libri hujus octavi. Utraque non multo post Cypriani Diaconi e Sicilia reditum data est: igitur Indictione prima. Reverso enim Romam Cypriano, missus est sub secundæ Indictionis initium, ad Syracusanum patrimonium regendum, Romanus defensor. Vide Indictionis secundæ epistolam olim decimam septimam, nunc decimam octavam, & sequentes quatuor.

II. Ex quarta Indictione decimam quintam, nunc trigesi-

gesimam secundam ejusdem Libri octavi. Syracusanum patrimonium regere desierat Cyprianus circa primæ Indictionis medium, ut jam observatum est. Alexandrum hunc querelam de mercede a Cypriano non reddita ad quartam Indictionem distulissentne putamus? Hanc proinde epistolam sub Indictionis primæ finem ponimus.

A prima Indictione epistolas duas amovemus.

Primam quam Indictioni duodecimæ, & quintam, quam secundæ Indictioni reddimus. Causam rationemque prioris amovendæ protulimus, de ordinanda Indictione xii. differendo: posterioris vero exhibebimus, dum agetur de Ind. ii.

Hæc in Indictione duas tantum epistolas debito ordini restituimus.

I. In prima Indictione undecimam olim epistolam ad Eusebium & universos Episcopos Siciliæ ordine præpostero dispositam putat Guffanvillæus. Ita quoque visum est eminentiss. Card. Baronio ad annum 593. num. 20. 21. 22. atque illustrissimo Petro de Marca *de Concordia Sacerdotii & Imperii*, lib. 2. cap. 11. pag. 90. scilicet hanc epistolam tunc scriptam volunt cum Imperatoris edictum in Provincias omnes misit S. Gregorius.

At 1. huic epistolæ in MSS. ista, non alia, apponitur temporis indicatio: *mensæ Dec. Ind. 1.* cum tamen Imperatoriam legem undecima Indictione datam suadeat epistola olim sexagesima secunda nunc sexagesima quinta ejusdem Indict. ad Mauricium Imperatorem.

2. Epistolam sexagesimam secundam nunc sexagesimam quintam legenti certum erit illam a S. Gregorio, ubi primum per corporis ægritudinem licuit, fuisse scriptam, ut suscepti edicti (quod tamen jam ad Episcopos omnes miserat) injustitiam suggereret: *Ego quidem jussioni subiectus*, inquit, *eamdem legem per diversas terrarum partes transmitti feci: & quia lex ipsa omnipotenti Deo minime concordat, ecce per suggestionis meæ paginam Serenissimis Dominis nuntiaui.*

3. Quisquis undecimam ipsam Indictionis primæ epistolam attento animo legerit, illam multo post Mauricii Edictum tempore datam fatebitur. Non placuerat Mauricio sancti Gregorii censura, quam in sexagesima quinta olim sexagesima secunda, undecimæ Indictionis epistola habemus. Exacerbatur igitur suis monitis Principem leniendum habuit sapientissimus Pontifex, Commotam illius bilem pla-

cavit, curante forsan Theodoro Medico, ad quem epist. olim sexagesima quinta, nunc sexagesima sexta: resque ipsa sic tandem composita est, ut, tum milites, tum hi qui seculi actionibus erant implicati, in Monasteriis quidem susciperentur, at nonnisi certis conditionibus. *Si quis publicis administrationibus fuerit implicatus*, inquebat Gregorius epistola ad Mauricium Imperatorem olim sexagesima secunda undecimæ Indictionis, nunc sexagesima quinta, *rationes ejus possunt per Monasterium fieri: & agi potest ut ab eo loco in quo suscipitur, ejus quoque debita solvantur*. Jam vero in hac olim undecima, nunc quinta primæ Indictionis, ad Episcopos hoc modo scribit: *Hi qui seculi actionibus implicati sunt si Monasterium petunt, suscipiendi nullo modo, nisi prius a rationibus publicis fuerint absoluti. Si qui vero ex militaribus numeris in Monasteriis converti festinant, non sunt tamen suscipiendi, nisi eorum vita fuerit subtiliter inquisita; & juxta normam regularem debent in suo habitu per triennium probari, & tunc monachicum habitum, Deo auctore suscipere Qua de re etiam serenissimus & christianissimus Imperator, mihi credite, omnino placatur.*

Hæc vero, de qua mox differuimus, epistola olim xi. Indict. i. scripta est mense Decembri: præmittenda igitur epistolæ olim nonæ, nunc octavæ ad Vitalianum Episcopum quam mense Februario datam legimus: subjungenda vero Epistolæ olim sextæ, nunc quartæ ad Venantium, quæ mense Novembri data est.

II. Decima quinta in mss. data mense Julio: decima sexta vero mense Martio. Huic igitur illa postponi debet, atque cum epistolis mense Julio datis ordinari.

Liber IX. Indictione II.

Secundæ Indictioni Epistolas septem reddimus.

I. Ex sexta Indictione quinquagesimam tertiam, de excommunicandis Januarii Caralitani Episcopi consiliariis, quam hujus secundæ Indictionis epistolæ primæ idem jubenti subjungimus.

II. Ex lib. ultimo septima Indictione undecimam, nunc hujus Libri quadragessimam primam. Agit enim de inquisitione in Maximum Salonitanum, cujus negotium secunda Indictione prorsus finitum ostendit Indictionis secundæ epistola olim centesima trigesima, nunc centesima vigesima quinta.

III. Ex

III. Ex prima Indictione quintam, nunc libri hujus noni undecimam, quæ in plerisque manuscriptis Indictionem non habet annotatam. In Colbert. veteri quidem & apud Guffanvillæum legitur: *menſe Octobri, Indiſt. i.* Datam tamen cenſemus Indictione ſecunda: Auguſtinus enim circa epistolæ medium Episcopus appellatur, quem tamen non ante xvi. Kal. Dec. Indictione prima, anno 597. ordinatum testatur auctor Historiæ Foundationis Monasterii sancti Augustini Cantuariensis Thomas Sprottus ejusdem cœnobii Monachus. Porro si hæc epistola, quinta sit primæ Indictionis, scripta fuit fere statim post incoatam Indiſt. hoc est mense Septembri, aut Octobri, proindeque antequam Augustinus esset Episcopus. Est itaque ad Indiſt. ſequentem amandanda. Præterea scripta est reſerſo Romam Johanne Regionario, ut ex ipſa intelligitur. Idem habet temporis indicium epistola olim centeſima decima ſeptima, nunc centeſima decima Indictionis ſecundæ ad Deſiderium Episcopum, quæ meminit etiam reditus Johannis: ex quo iterum ſuadetur non Indictione prima ſed ſecunda, datam hanc ad Brunichildem epistolam: ſi enim ſcripta fuit ineunte Ind. i. Johannes jam Indiſt. xv. redierat Romam, & ad S. Gregorium epistolam Deſiderii detulerat. Sed veriſimile non eſt Gregorium Deſiderio Viennenſi Episcopo nonniſi poſt duos annos fere elapſos reſponſiſſe ſcilicet Ind. ii. Diuturnum certe ſilentium excuſaſſet, ut ſolebat, vel ex infirmitate, vel ex negotiis, urbaniffimus Pontifex.

IV. Ex ſexta Indictione trigeſimam ſecundam & trigeſimam tertiam, nunc ejusdem Libri noni quinquageſimam & quinquageſimam primam. Cumanam & Miſenatem Eccleſias unierat ſanctus Gregorius Indictione decima ex epistola olim trigeſima prima, nunc quadrageſima quinta. Quod vero Benenatus Cumarum & Miſeni Episcopus diem obiecit Indictione ſecunda, diſcimus ex epistolis olim vigesima quinta, vigesima ſexta & quinquageſima tertia, nunc vero ſeptuageſima quinta, ſeptuageſima ſexta, ſeptuageſima ſeptima, datis mense Julio, Indictione ſecunda. Igitur trigeſima ſecunda ſextæ Indictionis Epistola, quæ Benenatum adhuc in vivis poſitum; & trigeſima tertia, quæ ipſum nuper deſunctum ſupponit, ſecundæ Indictioni ſunt reſtituendæ.

V. Ex quinta Indictione quadrageſimam ſeptimam, nunc Libri noni ſexageſimam ſecundam, quæ Romanum deſenſorem recens in Sicilia degentem innuit, quo ſub ſecundæ Indictionis initium miſſus eſt.

VI. Post epistolam olim tricesimam nonam, nunc quinquagesimam nonam secundæ Indictionis datam mense Junio, ponenda Recharedi Regis ad sanctum Gregorium epistola, quam hoc ordine dispositam in vetustissimo codice reperit vir clarissimus Stephanus Baluzius, atque in publicam lucem dedit. Huic Recharedi epistolæ respondet S. Gregorius infra epistola olim centesima vigesima septima, nunc vigesima secunda supra centesimam.

Æ secunda Indictione epistolas decem amovemus.

Scilicet quadragesimam nonam, & septuagesimam sextam undecimæ Indictioni reddimus.

Quartam, nonagesimam quartam, & nonagesimam quintam Indictioni decimæ tertiæ.

Septuagesimam septimam quartæ Indictioni.

Indictioni decimæ quintæ quinquagesimam primam, quinquagesimam secundam.

Tertiæ Indictioni sextam & quinquagesimam quintam. Porro mutationis factæ aut jam prolatae rationes, aut infra dabuntur, cum de sequentibus libri differemus.

In secunda Indictione epistolas novem propriis locis restituimus.

I. Quinquagesimæ tertiæ epistolæ ad Vitalem Sardiniae defensorem in secundum Indictionis hujus locum revocatæ quinquagesimam sextam sociamus, quod utramque Redemrus detulerit. Centesimam secundam centesimæ primæ, utramque quadragesimæ tertiæ & quadragesimæ quartæ in eandem rem scriptis anteponendam certum erit legenti. In Colb. veteri centesimæ primæ subjicitur: *mensē Octobr. indict. 11.*

II. Decimam sextam sequentibus sex postponimus, quod in his de Romani Defensoris in Syracusani patrimonii Rectorem institutione agatur: in illa vero ipse Romanus patrimonium jam regens, de illustris feminæ testamento jubetur exquirere. Illis septem præmittenda sexagesima quarta ad Johannem Episcopum Syracusanum, si manuscripti Telleriani primi habeatur ratio, in quo data legitur mense Octobri.

III. Sexagesimam quintam sexagesimæ secundæ in eandem rem scriptæ jungimus.

IV. Trigesimam nonam ex duobus Tellerianis codicibus men-

menſe Junio datam, medio circiter loco quinquageſimam primam inter, menſe Majo, & ſeptuageſimam ſextam menſe Julio ponimus.

V. Vigefimam quintam & vigefimam ſextam in duobus Tellerianis codicibus menſe Julio datas, epistolæ olim quinquageſimæ tertiæ, nunc ſeptuageſimæ ſeptimæ, eodem menſe datæ, atque etiam de Miſenatis & Cumani Episcopi electione monenti adjungimus.

Liber X. Indictione III.

Tertiæ Indictioni epistolas ſex reddimus.

I. Ex ſexta Indictione decimam ſeptimam & decimam octavam, nunc decimam ſextam & decimam ſeptimam Libri hujus decimi. In manuſcriptis quippe duobus Tellerianis data eſt decima octava, menſe Februario, Indictione tertia; & a decima ſeptima in eandem rem ſcripta ſeparari non poteſt: utraque vero ſextæ Indictionis epistolas olim decimam nonam & decimam ſextam male diſjungebat.

II. Ex quinta Indictione nonam, nunc ejuſdem Libri decimi trigefimam Caſtorio notario. Etenim poſt ſecundam Indictionem nulla Caſtorii occurrit mentio præterquam hac in epistola. Jam quarta Indictione ipſi ſucceſſerat Johannes Subdiaconus. Vide Ind. quartæ epistolam olim vigefimam tertiam, nunc vigefimam ſextam.

III. Ex ſecunda Indictione ſextam, nunc Libri hujus quadrageſimam ſecundam. In duobus enim Tellerianis codicibus data eſt menſe Julio, Indictione tertia.

IV. Ex ſecunda Indictione quinquageſimam quintam; Eodem tempore ſcriptam eam fuiſſe quo Indictionis hujus quinquageſima, utramque legenti non erit obſcurum. Hæc vero cum a quinquageſima quarta & ſequentibus pro Gregorio ex præfecto datis longe diſtare non debeat, quinquageſimam quintam Indictionis ſecundæ epistolam huc revocamus, & quinquageſimæ præmittimus.

V. Ex quinta Indictione decimam quartam, nunc Libri hujus ſexageſimam octavam; quæ ſi cum decima tertia libri olim x. Indict. v. conferatur, uno aut altero anno anterior videbitur.

Ab Indictione tertia Epistolas tres amovemus.

Scilicet secundam, quadragesimam quintam, & sexagesimam quintam: priorem decimæ tertiæ Indictioni, duas posteriores quartæ restituimus; qua ratione aut jam dictum, aut mox in expendenda Indict. iv. dicendum.

In tertia Indictione epistolas quinque ad debitum ordinem revocamus.

I. Vigessimam quintam & vigessimam sextam mense Julio datas, tum vigesimæ septimæ mense Majo, tum trigesimæ tertiæ mense Junio scriptis postponimus.

II. Trigessimam nonam, quadragesimam, quadragesimam primam mense Augusto datas sub Indictionis finem ponimus.

Liber XI. Indictione IV.

Decimæ Indictioni epistolas septem reddimus.

I. Ex septima Indictione decimam sextam, quæ nunc est prima Libri undecimi. In Colb. veteri & in Vatic. aliisque MSS. data est Kal. Sept. Indict. iv. & quidem in hac ut in quadragesima quinta olim tertiæ Indictionis Epistola Kalendis quoque Septembris data, Simplicius nuper ex Arabia Romam advenisse innuitur.

II. Ex tertia Indictione quadragesimam quintam, nunc hujus Libri secundam. In Collectione Pauli Diaconi data legitur Kal. Sept. Ind. iv. In uno Colb. & in Vatic. mense Sept. Indict. iv.

III. Ex tertia Indictione sexagesimam quintam, & ultimam, nunc hujus Libri undecimi quartam. Data est mortuo Constantio Mediolanensi Episcopo, quem die tertia mensis Septembris, hoc est incipiente Indictione obiisse legimus in Episcoporum Mediolanensium Indice. Vide Musei Italici Tom. i. pag. iiii. Non debuit itaque rejici ad calcem Indictionis hæc epistola, quæ recentem S. Gregorii de Constantii morte dolorem testatur. Scriptam enim esse elapso a Constantii obitu anno fere integro quis credat? Conjicimus ergo Constantium diem obiisse supremum 3. Septembris Indictionis quartæ, & paulo post Papam ad Clerum

rum & populum Mediolanensem scripsisse epistolam de cuius ætate inquirimus.

IV. Ex septima Indictione decimam septimam, nunc Libri ejusdem undecimi decimam quartam. In Colb. vet. data est Kal. Nov. Indict. iv. Hæc verba (*Candido renuntian- te comperimus*) Candidum e Gallia Romam perrexisse in- nuunt, quem revera Romam quarta hac Indictione adve- nisse testatur sanctus Gregorius, epistola quartæ Indictionis olim quadragesima octava, nunc quinquagesima quarta ad Desiderium, Viennensem Episcopum : & *quamvis . . . Can- didus Presbyter postmodum veniens*, &c. Hanc vero ad Deside- rium epistolam Indictione quarta fuisse datam negari non potest; cum in ipsa Monachi ad Augustinum in Angliam missi commendentur. Sequentes vero epistolas octo in eam- dem rem quarta Indictione fuisse scriptas ostendemus infra.

V. Ex sexta Indictione trigessimam quartam, nunc Libri hujus quadragesimam. Distabat nimis a vigesima octava In- dictionis quartæ; scriptaque videtur mense Martio. S. Gre- gorio Marinianum a vigiliis & jejuniis ob sanguinis vomitum dehortanti, quadragesimalis jejunii legem objecerat Ma- rinianus, suamque non adeo gravem esse infirmitatem asse- ruerat.

A quarta Indictione epistolas tres amovemus.

Videlicet septuagesimam tertiam, quam Indictioni decimæ quartæ restituimus.

Septuagesimam secundam Indictioni decimæ quintæ.

Decimam quintam Indictioni primæ.

Præterea testandi facultatem Probo Abbati concessam, quæ vigesimum secundum inter Indictionis hujus epistolas locum obtinebat, ad epistolarum calcem mittimus.

Epistolam quadragesimam octavam aliasve quatuordecim, nempe quadragesimam nonam, 50. 51. 52. 53. 54. 55. 56. 57. 58. 59. 60. 63. 64. 71. necnon Indictionis vii. decimam quin- tam & trigessimam primam, etsi quarta Indictione datas con- sentiamus, non tamen dissimulanda sunt quæ nos ad aliud sentiendum & ad expungendas ex Indictione iv. epistolas illas movebant argumenta: agitur enim tum de epistolarum septemdecim chronologia, tum de variis Bedæ capitibus in- vicem atque cum Gregorio ipso conciliandis.

Indictione prima epistola trigesima ad Eulogium Alexan- drinum hæc scribit S. Gregorius; *In Solemnitate Dominicæ Na- tivitatis, quæ hac prima Indictione transacta est, plusquam decem mil-*

millia Angli ab eodem nuntiati sunt Augustino fratre & coepiscopo nostro baptizati. Jam igitur Indictione prima ante Domini Natalem Episcopus erat Augustinus; ac proinde Laurentium & Petrum nuntios ab Augustino Romam missos jam Indictione prima Gregorius susceperat. Etenim ex Beda lib. 1. Historiæ cap. 27. *Augustinus ab Arelatenſi Episcopo ordinatus Episcopus, reversusque in Britanniam, misit continuo Romam Laurentium Presbyterum & Petrum Monachum, qui beato Pontifici Gregorio gentem Anglorum fidem Christi suscepisse, ac se Episcopum factum esse referrent: simul & de his quæ necessariæ videbantur quæſtionibus ejus consulta flagitans; nec mora, congrua quæſitis responsa recepit.* Igitur Indictionis septimæ epistola olim trigesima prima, qua interroganti Augustino respondet Gregorius, ad primæ Indictionis finem, aut ad initium secundæ videtur revocanda.

Illuc etiam revocandæ essent ex quarta Indictione epistola olim sexagesima tertia ad Virgilium, & sexagesima quarta ad Brunichildem: hanc enim illa supponit, illius vero meminit S. Gregorius in responsione ad septimum Augustini quæsitum.

Deinde ex eodem Beda lib. 1. Historiæ cap. 29. *Gregorius Augustino Episcopo (quia suggererat ei multam quidem ibi esse messem, sed operarios paucos) misit cum præfatis legatariis suis, (Laurentio Presbytero & Petro Monacho, de quibus cap. 27.) plures cooperatores ac verbi ministros in quibus præcipui erant Mellitus &c.* Quis credat Gregorius Magnum ad Anglorum conversionem certe promptissimum, postulatos Indictione prima ab Augustino, non ante quartam Indictionem misisse? Igitur Mellitus cum sociis atque Augustini Legatis sub Indictionis primæ finem, aut sub initium secundæ, Roma profectus videtur: ac proinde loco movendæ essent novem Gregorii epistolæ, scilicet quadragesima octava Indictionis quartæ cum sequentibus octo: in his enim Mellitus ad Augustinum pergens, Galliæ Principibus ac Prælatis commendatur. Movenda quoque esset septuagesima prima paucis post Melliti discessum diebus scripta.

Denique ex Beda lib. 1. hist. cap. 29. *Misit (Gregorius) per præfatos Legatarios & Mellitum, literas in quibus significat se ei (August.) pallium direxisse.... Quo in tempore (cap. 31.) misit etiam Augustino Epistolam super miraculis quæ per eum facta cognoscebat. Et cap. 32. Misit.... Gregorius eodem tempore etiam Regi Edilberto Epistolam simul & dona.* Igitur ad primam quoque indictionem revocandæ videntur epistolæ illæ quatuor, scilicet, Indictionis septimæ decima quinta ad Augustinum, Indi-

ctio-

tionis quartæ quinquagesima octava ad eundem, sexagesima ad Edilberthum Regem, & quinquagesima nona ad Bertham Reginam; hanc enim epistolam detulit Mellitus.

Verum nec angustis adeo temporum spatiis coercendam Laurentii legationem, nec ipsum quo utitur Beda narrandi modum ita pressius & ad verbum interpretandum esse alia persuadent argumenta:

Primum. Beda ipse lib. 1. Hist. cap. 29. & 32. quas Gregorius ad Augustinum Episcopum & Edilberthum Regem litteras per Mellitum ad Socios misit, easdem testatur datas x. Kal. Julii Ind. iv.

Secundum. Ex Beda ipso lib. 5. Histor. cap. 25. *Anno 601.* (qui annus cum Indictione iv. currebat) *misit Papa Gregorius Pallium in Britanniam Augustino jam facto Episcopo, & plures verbi ministros.*

Tertium. Ipsas Gregorii Epistolas legenti patet centesimam decimam Indictionis secundæ epistolam ante quartæ Indictionis nonam ad Serenum, necnon ante quadragesimam nonam ad Virgilium scriptam fuisse; atqui in quadragesima nona illa Mellitus cum Sociis in Angliam pergens commendatur. Indictionis item secundæ epistola centesima duodecima ad Arigium, ante quinquagesimam primam Indictionis quartæ ad eundem scripta est, ut legenti constabit: in hac vero Mellitus cum sociis commendatur. Denique si conferratur epistola quinta Indictionis secundæ ad Theodericum ac Theodebertum Reges cum epistola olim quinquagesima tertia & quinquagesima quarta Indictionis quartæ ad eundem, has post illam datas fuisse certum erit.

In quarta Indictione epistolas tres ad propria loca revocamus.

I. Vigessimam primam Ind. iv. juxta pristinum ordinem, nunc tertiam Ind. iv. eodem prorsus tempore datam fuisse, ac sexagesimam quintam olim tertiæ Indictionis quæ nunc iv. Indictionis est quarta, patet eas legenti. Quænam autem loco mota fuerit, docebit Mediolanensium Episcoporum Index a Mabillonio editus, Tom. I. Musei Italici pagin. 109. & seqq. modo Indici huic major quoad obitus mensem ac diem possit adhiberi fides, quam in annorum numero, quo quisque Episcopus sedit. Igitur juxta illum Indicem, *Deusdedit, Episcopus, sedit annos xxviii. mens. unum, dies xiv. Obiit iii. Kal. Nov.* Ordinatus ergo fuit xvi. Kal. Octob. Atqui Constantii Decessoris obitum die iii. mens.

Tom. VII.

f

Sept.

Sept. assignat ita Catalogus. Mense ergo Sept. scriptam esse conjicimus, tum hanc ad Pantaleonem, tum alteram ad Mediolanenses de Constantii successore ordinando epistolam. Porro non annis xviii. ut habet præfatus Index, sed annis viii. sedit Constantius, cum ex epistolis vigesima sexta & vigesima nona Indictionis undecimæ certissimum sit anno 593. Gregorio Magno jam Pontifice, electum fuisse Constantium.

II. Synodali judicio, quod sub epistolæ nomine vigesimum secundum locum occupabat, & nunc ad calcem est rejectum, apposuerat Guffanvillæus: *Dat. m. Nov. Ind. iv.* verum in iplo contextu notat Paterius, *Dat. 3. Non. Octobr.* Igitur ad sequentem epistolam olim vigesimam tertiam, nunc vigesimam sextam pertinet hæc nota temporis, quæ in Colbert. vet. ipsi præmittitur: atque etiam in duobus Colb. epistolæ olim vigesimæ quartæ præfigitur: *mens. Dec. Ind. iv.* quod vigesimæ tertię subjecit Guffanvillæus. Igitur vigesimæ quintæ, nunc trigessimæ præmittendum erit: *Datum mense Januarii Indictione iv.* quod vigesimæ quartæ, nunc vigesimæ septimæ tribuit idem editor.

III. In sexagesima secunda Candidus Roma ultimo rediens Arigio commendatur, ut supra in epistola ad Asclepiodotum, data Kal. Nov. quam sub septima Indictione olim decimam septimam huic Indictioni reddimus. Ergo epistolis mense Novembri datis jungenda est quæ erat sexagesima secunda.

IV. Quinquagesima octava in Collectione Pauli Diaconi data est pridie Kal. Januarii. Eodem tempore scriptam censemus quinquagesimam nonam, quæ Anglorum Regem nondum ad fidem conversum innuit. Ambas vigesimæ quintæ mense Januario datæ præmittimus.

Libor XII. Indictione V.

Quintæ Indictioni unam Epistolam reddimus.

Ex septima Indictione vigesimam nonam, quæ nunc est Libri hujus duodecimi quadragesima nona. Romano in Syracusanis partibus Reçtori successit Indictione sexta Hadrianus, antea Panormi Notarius. Vide Ind. vi. epistol. olim 23. & 25. nunc 19. & 21. Ergo tardius scribi non potuit epistola hæc ad Romanum adhuc Syracusis agentem & patrimonium Ecclesiæ curantem, quam in fine Indict. v.

A quinta Indictione epistolas quinque amovemus .

Nimirum quadragesimam quartam quæ ad nonam Indictionem seu librum i. revocatur: vigesimam ad primam Indictionem: quadragesimam septimam ad secundam Indictionem: nonam & decimam quartam ad Indictionem tertiam. Vide locis indicatis rationes cur fuerint loco motæ.

In quinta Indictione epistolas tres propriis locis restituimus.

I. Decimam septimam præmittimus decimæ sextæ, quam decimæ octavæ jungendam suadet, tum idem utriusque portior, tum eadem subjecta materies.

II. Vigesima secunda in duobus Colbert. codicibus mense Januario data legitur. Illam proinde vigesimæ quartæ tribusve sequentibus in eandem rem mense Decembr. ac Januario datis postponimus.

Liber XIII. Indictione VI.

Sextæ Indictioni nullam reddimus Epistolam . Amovemus tredecim.

I. Prima non est epistola, sed fragmentum quoddam de Phoca coronato ad calcem a nobis rejectum, n. 12.

II. Secundam seu potius Sermonem prius a S. Gregorio habitum quam esset Pontifex, Homiliis accensimus.

III. Trigesimam secundam, trigesimam tertiam, & quinquagesimam tertiam secundæ Indictioni reddimus. Tertiæ Indictioni decimam septimam & decimam octavam; quartæ Indictioni trigesimam quartam ob rationes jam prolatas; septimæ Indictioni quinquagesimam octavam & quatuor sequentes, quia in MSS. Norm. Vaticanis & plerisque pertinent ad Indictionem septimam, ubi priores collocantur.

In sexta Indictione epistolas quatuor ad propria loca revocamus.

I. Decimæ sextæ jungimus decimam nonam, quæ in eandem omnino rem scripta est. Illis decimam quartam postponimus: qui ordo ex ipsarum epistolarum inspectione satis intelligitur a quovis in Gregorianis non peregrino: defuncto enim episcopo, prima erat S. Gregorio cura destitutam Ecclesiam Visitatori commendare; Secunda, ad Successoris idonei electionem hortari: Tertia, de postulato-
rum, aut de electi dotibus inquirere ac ferre iudicium.

xliv Epistolarum Sancti Gregorii Magni.

II. Trigesimam sextam mense Aprili datam vigesimæ octavæ datæ mense Majo præmittimus.

III. Quinquagesimam sextam, seu potius commonitorium Johanni Defensori in Hispaniam eunti datum, epistolæ quinquagesimæ quintæ, seu Sententiæ quam idem Johannes in Hispaniam tulit, anteponimus, ac priori Capitulari seu epistolæ quinquagesimæ secundæ subjungimus.

Liber XIV. Indictione VII.

Septimæ Indictioni epistolas reddimus quinque.

I. Ut eam quinque illarum epistolarum accessione ditaremus, persuaserunt MSS. codices plerique ubi huic accensentur.

A septima Indictione Epistolas unam supra viginti amovemus.

I. Nonæ Indictioni decimam octavam restituimus.

II. Decimæ Indictioni decimam, 19. 20. 21. 22. 23. 24. 26. 27. 30.

III. Decimæ tertiæ Indictioni duodecimam, decimam tertiam, decimam quartam.

IV. Primæ Indictioni vigesimam quintam.

V. Secundæ Indictioni undecimam.

VI. Quartæ Indictioni decimam sextam, decimam septimam, decimam quintam, trigesimam primam.

VII. Quintæ Indictioni vigesimam nonam. Quibus autem rationibus factæ sint a nobis hæ mutationes, ex jam dictis repete.

Restitutæ debito ordini Epistolæ CXVII.

Hunc epistolarum restitutum ordinem præfationi statim subicere visum est: & si quid nobis animadversione dignum visum fuit, in notis cujusque epistolæ descripsimus, ut jam supra monuimus. E. V.

I

AN. CHR.
590. 591.
GREG. I.

673

S A N C T I
G R E G O R I I P A P Æ

a REGISTRI EPISTOLARUM

LIBER PRIMUS.

b Mense Septembri, ^b Indict. ix. quæ fuit ordinationis
ejus prima.

EPISTOLA I.

Ad universos Episcopos Siciliæ.

Suas intra Siciliam vices Petro Subdiacono commissas declarat. Ut provincie illius Episcopi semel per annum conveniant, statuit. Ipsos quid in Concilio cavendum, quid agendum sit, monet.

Gregorius servus servorum Dei,
universis Episcopis per
Siciliam constitutis.

Græc. dist.
94. caps. I.
Valde neces-
sarium.



c
Conf. ep. 3 6. Alde necessarium esse
perpeximus, ut sicut
decessorum nostrorum
fuit judicium, ita uni
eidemque personæ om-
nia committamus; &, ubi nos
præsentés esse non possumus,
nostra per eum, cui præcipimus,
repræsentetur auctoritas. Quamob-
rem Petro Subdiacono sedis no-
stræ, ^c intra provinciam Siciliam

auxiliante, totum nostræ Ecclesiæ
noscimur ^d patrimonium commi-
sisse.

Illud quoque fieri debere per-
speximus, ut semel per annum ad
^e Syracusanam, sive ^f Catanen-
sium civitatem, universaliter ho-
nore, quo dignum est, sicut eidem
jussimus, fraternitas vestra conve-
niat, quatenus quæ ad utilitatem i-
pſius provincie Ecclesiarum perti-
nent, sive ad necessitatem paupe-
rum oppressorumque sublevandam,
sive ad admonitionem omnium at-
que correctionem eorum, quorum
excessus contigerit demonstrari, con-
grua cum eodem Petro Subdiacono
sedis nostræ debeatis moderatione
disponere. A quo Concilio procul
absint odia, facinorum nutrimenta,
atque invidia interna tabescat, &
nimis execrabilis animorum discor-
dia. Sacerdotes suos concordia Deo
placita, & caritas recognoscat. Hæc
igitur omnia cum ea maturitate ac
tranquillitate gerite, ut dignissime
Episcopale possit Concilium nuncu-
pari.

d

e
f

EPI.

NOTÆ AD EPIST. I.

a Ita editi omnes ac plerique codd.
MSS. In duobus tamen, scilicet Regio
& Andeg. legitur *regeſti* & *regeſtum*
(quod purius dici non diffitemur) a
verbo *regero*, id est, in codicem aut
in tabulas refero. Vocabulum hoc *re-*

giſtrum usu firmatum est, & quidem
antiquo. Vide Cangii Glossarium: hac
tamen cautione adhibita, ut scriptori-
bus Gregorio Magno antiquioribus, a-
pud quos *regiſtrum* legi observatur,
Gregorium Turonensem non adjungas:
ubi-

— ubique enim usurpat *regeſtum*, ut lib. 10. hiſt. cap. 19. *Hæc Episcopuſ negare non potuit; ſcripta enim iſta in Regeſto Chilperici Regiſ, in uno ſcrineorum pariter ſunt reperia*. Et lib. 9. cap. 34. *Et ingreſſa in regeſtum, reſeravit arcam monilibuſ ornamentique pretioſiſ reſertam*. Ubi per *regeſtum* intelligendum videtur *conclave*.

b Seu potius anno Indiſtionis nono. Indiſtio, Cycluſ eſt ſeu numeruſ quindecim annorum, qua revolutione peracta, a num. xv. reditur ad unitatem. Hanc a Conſtantino Magno inſtitutam nonnulli volunt. Variæ fuerunt indiſtiones: Conſtantinopolitana, ſecundum quam numerantur anni Pontificatuſ S. Gregorii, incipiebat ineunte menſe Septembri. De hac Indiſtione Ambroſiuſ in Ep. ad Ep. ſcopoſ *Æmilie*, quæ eſt 23. 1. Claſ. n. 16. *Indiſtio*, inquit, *menſe Septembri incipit*. Eundem conſule lib. de Noe & Arca cap. 17. Ante Ambroſium Indiſtionis meminit S. Athanaſiuſ lib. ſeu Ep. de Synodis numer. 15. ubi Antiochenum Conciliuſ Marcellino & Probino Coſſ. Indiſt. xiv. habituſ fuiſſe teſtatur. Hanc quidem eſſe Athanaſii dubitavit Petaviuſ, de doctrina temp. lib. 11. cap. 4. pag. 363. ſed ſcrupuloſ ea de re omneſ tollunt, qui nuper ex noſtris Athanaſii opera edidere. Conſule Tillemontiuſ Hiſtoriæ Auguſtorum Tom. 4. in Conſtantino Magno pag. 144. Conſtantii Imperatoris Conſtitutionibuſ aliquot adſcriptæ leguntur Indiſtiones in codice Theodoſ. Indiſtionis nota Conciliis appoſita non videtur ante Calcedon. ann. 451. neque a ſummiſ Pontificibuſ legitur adhibita ante Gregorium M. Indiſtionis uſum in diplomatibuſ Franciſ ante initiuſ ſeculi noni fere nulluſ, in rebus Hiſtoricis rarum admoduſ fuiſſe cum Cointio ſentit Mabilloniuſ: at locuſ habuiſſe nonnunquam, ſexto etiam ſeculo, in actiſ Concilioꝝ, aliſque monumentiſ propugnat.

Indiſtio ab indiſtiſ per ſinguloſ annos tributis & veſtigalibuſ nomen videtur accepiſſe. Hinc tributa ipſa indiſtiones aliquando dicuntur. De Hunnerico Rege Viſtor Uticenſi Hiſt. Vandalicæ perſecutioniſ lib. 2. cap. 1. *Provinciã Regni ſui variis calumniis & indiſtionibuſ onerabat*. Præter Indiſtionem Conſtantinopolitanam, quam Gregoriuſ ſuiſ in Ep. ſtoliſ adhibuit, ſciſſile quod ipſa incipiente Pontificatuſ interit, ſcilicet die tertiã Septembris, duæ aliæ ſunt noſſiſſimæ, nimirum Cæſarea, quæ ab viii. Kalend.

Oſt. & Pontificia ſive Romana, quæ a Kalend. Januarii ſequentibuſ progreditur. De Indiſtionibuſ plura apud Baron. ad annuſ Chriſti 312. num. 100. & ſeqq. Petav. de doctrina temporuſ lib. 11. cap. 40. Gangiuſ in Gloſſario, Mabilloniuſ de re diplomatica lib. 2. c. 24. Maurin. Notavit hic Sammarthanuſ Indiſtionem non fuiſſe a Romanis Pontif. ante Gregorium M. adhibitam: Qui quidem CPolitanaſ uſurpavit incipiente a Septembri, quod illo ineunte ordinatuſ fuit. Hæc ejus ſententia conſtare non videtur. Nam exſtat ep. Pelagii Papæ II. ad S. Gregorium Apocriſtariuſ, data IV. Non. Octob. *Indiſtione III*. Scilicet ut bene notat Baron. ſub eodem an. n. 14. *Jam impleta Indiſtione ſecunda, incipiente vero tertia*. Proinde falſuſ eſt, ante Gregorium M. Pontificeſ non uſoſ Indiſtione. Cæteruſ inter multa CPolitanaſ a Septembri incepiſſe probat etiam Inſcriptio apud Fabrettuſ pag. 734. quæ pertinet ad an. 585.

DIE IIII. ID. SEPTEMB.

IMP. DN. MAURICIO

PP. AUGUSTO ANNO III.

P. C. EJUSDEM

ANN. II. IND. QUARTA.

Quæ Indiſtio IV. niſi incipiat a Septembri non poteſt convenire in ann. 585. E. V.

c Nulluſ tunc in Sicilia fuiſſe Metropolitam ſuadet primo lib. 1. Ep. 18. & lib. 2. Ep. 24. qua ordinandoſ pro Sicilia Ep. ſcopoſ Romanuſ tranſmitti jubet Gregoriuſ. Secundo lib. 2. Ep. ſeptima ad Maximianuſ Syracuſanuſ Ep. ſcopuſ, cui Sedis Apoſtolicæ vices committens, ipſi de minimiſ in Sicilia cauſiſ judicare concedit. Tertiõ Ep. ſt. quintæ lib. octavi Inſcriptio. Quarto quod ad Romanuſ Conciliuſ aut anniſ ſinguliſ, aut triennio quoque, aut tandem quinquennio Ep. ſcopi Siculi convenire cogebantur. Nonnulliſ ſcrupuluſ inſicit Ep. ſtola Conſtantini ad Chreſtuſ Syracuſanuſ, qua mandat ut duoſ ſecuſ ſecundæ Sediſ, ſecundi throni viroſ adleſcat comiteſ. At Presbyteroſ hic intelligi, ſcilicet ſecundi ordinis Sacerdoteſ, fere conſentientiſ eruditi. Vide Simondiſ notaſ ad Sidonii Ep. 11. & 25. lib. 4. Porro antiquiſ moriſ fuit ut Romanuſ Pontifex in remotiſ extra Italiaſ Provinciſ, Vicarioſ inſtitueret ſibi Metropolitã ipſoſ, & quandoque Ep. ſcopoſ. At in Sicilia, quæ non aliuſ a Romano Ep. ſcopo Metropolitã habuit, etiam Subdiacono ſuaſ committit viciſ. Quamquam poſtea Maximianuſ Syracuſanuſ Ep. ſcopuſ, ſuū

& Se-

& Sedis Apostolicæ Vicarium in Sicilia Gregorius instituerit, ut infra videbimus. De Vicariis Apostolicæ Sedis per varias orbis Christiani provincias constitutis lege notas & observationes Ant. Dadini Alteserræ in Epistolas S. Greg. Cæterum ante Anastasium Thessalonicensem Episcopum cui Leonem Magnum vices suas per Orientem commisisse docet, commemorandi sunt Acholius & Anysius ejusdem Sedis Episcopi, quos vicarios suos per Illyricum Orientale, hoc est Macedoniam, Achajam, Thessaliam, utramque Epirum, Cretam, utramque Daciam &c. Damafus & Syricius instituerunt. Lege doctiss. Tillemontium in Damaso Tom. 8. commentariorum in hist. Eccl.

d In nonnullis edit. *patrocinium*, reluctantibus MSS. Vaticanis, Gallic. &c. nec non veteribus excusis. Legendum esse *patrimonium*, probant etiam duæ quæ sequuntur epistolæ. Porro diversis in provinciis erant Ecclesiæ Rom. Patrimonia, in Africa, Dalmatia, Galliis &c. ut intelligimus ex variis Gregorii epistolis. lib. 1. 75. lib. 3. 22. & 33. &c. De Patrimoniis in Italia, Sicilia, Sardinia, Corsica magis notis tacemus.
e Syracusæ, vulgo *Saragossa* Hispanis; urbs Siciliæ notissima, Episcopalis, sub Archiepiscopo Montis-regalis.
f Catana Plinio, & Melæ Catina, vulgo *Catania*, Siciliæ urbs celebris. In multis MSS. legitur *Catinensium*.

E P I S T O L A II.

Ad Iustinum Prætorem Siciliæ.

Iustinum amice ac serio hortatur, ut paci cum Sacerdotibus, æquitati erga omnes studeat: utque integram frumenti annonam curet transmitti.

Gregorius Iustino Prætori Siciliæ.

QUOD lingua loquitur, attestatur conscientia: quia dudum vos & nullius dignitatis occupationibus implicatos, multum dilexi, multumque veneratus sum. Ipsa namque incessus vestri modestia, quibusdam conatibus exigebat, ut diligere etiam anolente debuisset. Et cum vos venissetis ad administrandam Præturam Siciliæ audivi, valde gavisus sum. Et quia quadam inter vos atque Ecclesiasticos ^a simultationem subrepere comperi, vehementissime contristatus sum. Nunc vero quia & vos administrationis cura, & me studium hujus regiminis occupat, ^b in tantum nos recte diligere specialiter possumus, in quantum generalitati minime nocemus. Unde per omnipotentem Dominum rogo, in cujstremendo iudicio nostrorum actuum posituri rationes sumus, ut ejus respectum semper gloria vestra ante oculos habeat, & nunquam quodlibet, ex quo in-

ter nos vel parva dissensio proveniat, admittat. Nulla vos lucra ad injustitiam pertrahant, nullius vel minæ, vel amicitiae ab itinere rectitudinis deflectant. Quam sit vita brevis aspiciate; ad quem quandoque ituri estis iudicem, qui judicariam potestatem geritis, cogitate. Solerter ergo intuendum est, quod cuncta lucra hic relinquirimus, & solas dispendiosorum lucrorum causas nobiscum ad iudicium deportamus. Illa ergo sunt nobis commoda quærenda, quæ nequaquam mors adimat, sed mansura in perpetuum præsentis vitæ finis ostendat.

De frumentis autem quæ scribitis, longe aliter ^c vir magnificus Citonatus asserit: quia solummodo tanta transmissa sunt, quæ pro transactæ Indictionis debito ^d ad replendum sitonicum redderentur. De qua re curam gerite: quia si quid minus huc transmittitur, ^e non unus quilibet homo, sed cunctus

AN. CHR.
590. 591.
GREG. I.
222
f

Aut simul populus trucidatur.

Ad regendum vero Siciliae patri-
monium, talem, ut aestimo, ^f vi-
rum, Deo auctore, transmissi, cum
quo vobis, si, ut ego expertus
sum, recte diligitis, omnino con-

veniat. Quod autem me ut vestri
memor esse debeam admonetis,
verum fateor, si ex antiqui hostis
insidiis iniustitia nulla subrepat,
tantam gloriae tuae modestiam didi-
ci, ut esse non tuus erubescam.

NOTAE AD EPIST. II.

a In editis, *simulationem*. Lectioni
nostrae patrocinantur MSS. Vaticani,
& pene omnes. De hac voce quæ idem
sonat ac *simulatem*, jam dictum est,
ad lib. 14. Moral. n. 73.

b Sic legendum ex MSS. non *in*
tantum vos, ut habent vulgati. Infra
quoque non legendum *inter vos*, cum
excusis.

c Priores editiones habebant *Cirida-*
nus, & ad marginem citabantur tres
Epistolæ ad Ciridanum scriptæ, nem-
pe Ep. 21. lib. 7. Indist. 2. 38. & 39.
lib. 10. ad confirmandum errorem.

Verum evincunt plurimi MSS. co-
dices Vatic. Moiss. Clun. Catalaun.
Vallisc. Bigot. Anglic. & probatio-
res quique: quibus & favent editiones
Veneta 1504. Paris. 1508. & aliæ:
quo etiam modo legit Sigonius de re-
gno Italiae, ubi referens hanc Episto-
lam, legit *Citonatus*. Est autem nomen
Citonatus satis usurpatum antiquis.
Nam Citonatus Episcopus subscripsit
Conc. Romano II. sub Silvestro ann.
324. Citonatus Episcopus Calaritanus

interfuit Conc. Constantin. III. sub
Agathone, ann. 680. Legitur & *Cito-*
natus Abbas in vita S. Æmiliani, a
Braulione Episcopo Cæsaraugustano con-
scripta. Ex adverso reperitur nomen
Seronatus apud Sidonium Apollinarem
lib. 2. Ep. 1. *Citonatum* vocavere vete-
res, quem cito ac facile, ac pene sine
doloribus sua enixa erat mater; *Sero-*
natum contra, quem tarde & laborio-
se, nec nisi post multos & diuturnos
nexus genitrix pepererat. *Guffanroll.*

d Est a voce Græca *σίρα*, qua fru-
mentum notatur. Hic capitur pro hor-
reo, ut legentipatet. Pro annona fru-
mentaria capitur ep. 38. lib. 12. Hinc
Siticus pro mercatore apud Salv. de
Prov. l. 4. *Consideremus solas negotia-*
torum & Siticorum omnium turbas. E. V.

e Quippe Ecclesiae horrea subverte-
rat anno superiore Tiberis exundans
perierantque nonnulla tritici modio-
rum millia. *Vide Gregor. Turon. l. 10.*
cap. 1.

f Scilicet Petrum Subdiaconum, de
quo Epist. prima.

EPISTOLA III.

Ad Paulum Scholasticum.

Paulum, quod de Pontificatu sibi gratuletur, arguit. Maurentium illi &
Petrum Subdiaconum commendat.

a

Gregorius Paulo ^a Scholastico.

Joha. Diac.
lib. 1. c. 45.

Quidquid mihi ex honore sa-
cerdotalis officii extranei arri-
dent, non valde penso: de vobis
autem mihi hac ex re aridentibus
non minime doleo, qui desiderium
meum plenissime scitis, & tamen
profecisse me creditis. Summus e-
nim mihi profectus fuerat, si po-
tuisset impleri quod volui: si vo-
luntatem meam, quam dudum co-
nabaris, perficere optatae

quietis perceptione valuissem? At
quia nunc in civitate teneor Ro-
mana, honoris hujus vinculis reli-
gatus, habeo aliquid quod etiam
vestrae gloriae exsultem. Et quia
viro ^b eminentissimo domno Leone
^c ex consule veniente, vos in Si-
cilia remanere non suspicor: & cum
ipse quoque tuo honore religatus,
Romae retineri cœperis, quid mœ-
roris, quid amaritudinis ego patiar
agno-

b
c

d
e

agnosces. Veniente autem viro magnifico ^d domno Maurentio ^e chartulario, ei, quæso, in Romanæ urbis necessitate concurrite: quia hostilibus gladiis foris sine cessatione confodimur. Sed seditione mili-

tum, interno periculo gravius urgemur. Petrum vero Subdiaconum nostrum, quem pro regendo Ecclesiæ patrimonio, Deo auctore, transmissimus, vestræ gloriæ per omnia commendamus ^f.

—
A N. CHR.
590. 591.
GREG. I.
f

N O T Æ A D E P I S T. III.

a Scholasticus appellatus est quivis eloquens, disertus, oratoriæ facultatis & politioris literaturæ studiis eruditus. Sic Eulogius apud Palladium, & apud S. Hieron. in Catalogo Scriptor. Eccles. *Serapion ob elegantiam ingenii cognomen Scholastici meruit*. Tributum est etiam id nominis Advocato, Judicis assessori infra ep. 44. epist. 36. lib. 5. l. 9. epist. 58. In Conc. Africano can. 64. petitur ab Imp. ut *dent facultatem constituendi defensores Scholasticos, qui, &c.* In Conc. Milevit. c. 16. idem statuitur. Vide Cod. l. 12. tit. 62. & Synesium Epist. 105. 155. 156. ad Domitianum Scholasticum. *Maur.* Est & superlat. *Scholasticissimus* pro eruditissimo, in Vita S. Dionysii Mar. Cæterum de Scholasticis vide plura apud Baronium in not. ad Mart. 6. Februar. E. V.

b Sequimur MSS. Romanos, Gallic. &c. non vero vulgatos codices, ubi legitur, *excellentissimo*.

c Num Consulatum gesserat, ut diceretur Exconsul? At Consulatu a Justiniano abolitus fuerat an. 541. Quam dignitatem Justinus ejus successor irrito conatu restituere tentavit. Sed quemadmodum fiebant *Consules & Consulares* per codicillos, ut patet ex Cassiodoro l. 6. Variar. c. 10. & 20. ita etiam haud dubie creabantur Exconsules; non secus ac apud nos videmus fieri quosdam sacri consistorii comites, per codicillos, Gallice *par breves*. Id confirmatur ex epist. 53. lib. 1. *Chartas Exconsulatus expetiit &c.*

d Pro domno: sic domna, caldus, frigidus, mna; & in pluribus aliis. Et hoc frequens est in antiquis codicibus. Videndus Aufonius Popnia de usu antiquæ lectionis cap. 5. lib. 1. Grego-

rius Turonensis, *Domna Brunecbildis* lib. 9. hist. cap. 20. Græci etiam utuntur hac voce *δομνα*, Oppianus Cynegeticon l. 1. Usurpat & hoc verbum Brissonius in Parergis ex lib. 38. 6. *Lucius*, De legat. 2. in Digest. Plura Menardus in notis ad Concord. Regular. cap. 70. *Guffanv.* Vide fusiores notas Mabil. in ep. 72. S. Bern.

e Chartularii *χαρτοφύλακες* vulgo dicuntur qui chartis inserviunt. Varii erant: alii in Ecclesia, alii in Palatio, alii in exercitu. De Chartulariis Eccles. erit alius dicendi locus. Præsertim Chartularii dicuntur, qui tabulas vel chartas fiscalium debitorum tractant, agunt, administrant. Auctor Historiæ Miscellæ lib. 22. *Cum Chartularius esset, & publica tributa facta ratione conferret*. Qui his præerat, magnus Chartularius dicitur *Ducæ* cap. 30. Imperatoris etiam equis præfectus erat Chartularius, ut docemur ex Zonara in Leone Isauro pag. 83. & Niceta in Isaacio Angelo lib. 3. num. 2. Magnum Chartularium eo nomine post Protostratorem in aula meruisse scribit Codinus de officiis aulæ CP. c. 3. n. 6. Illiusque potissimum munus tradit, ut equum peregre aut quovis e Palatio profecturo Imperatori, ad palatii ipsius portam adduceret. Hinc illa dignitate donati præcipui aulæ Proceres. Paulo Diac. l. 2. de gestis Langob. cap. 1. & 3. *Narses Italiæ Præfectus Chartularius Imperialis dicitur*, & hac ipsa epistola Maurentius Chartularius vir magnificus appellatur.

f In MSS. Turon. S. Gatiani scripta legitur hæc epist. mense Octobri Indict. ix.

AN. CHR.
590. 591.
GREG. I.

E P I S T O L A IV.

Ad Johannem Episcopum Constantinopolitanum.

*Quod electionem suam ab Imperatore confirmari procurasset, conqueritur.
Ejus orationibus se commendat. Synodicam spondet epistolam.*

a

Gregorius ^a Johanni Episcopo Constantinopolitano.

Johan. Diac.
lib. 1. c. 46.

SI caritatis virtus in proximi dilectione consistit; si sic diligere proximos, sicut nos, jubemur, quid est quod beatitudo vestra me non ita sicut se diligit? Quo enim ardore, quo studio, Episcopatus pondera fugere voluerit, scio: & tamen hæc eadem Episcopatus pondera ne mihi deberent imponi, non restitit. Constat ergo quia non me sicut vos diligitis, qui illa me voluistis onera suscipere, quæ vobis imponi nolulistis. Sed quia vetustam navim vehementerque confractam indignus ego infirmusque suscepì (undique enim fluctus in-

trant, & quotidiana ac valida tempestate quassatæ putridæ naufragium tabulæ sonant) per omnipotentem Deum rogo, ut in hoc mihi periculo orationis tuæ manum porrigas: quia & tanto enixius potestis exorare, quanto & a confusione tribulationum, quas in hac terra patimur, longius statis. ^b Synodicam vero Epistolam subsequenti festinatione transmittit: quia latorem præsentium ^c Bacaudam fratrem & coepiscopum nostrum, in ipso meæ ordinationis initio, multis & gravibus pressus occupationibus ^d relaxavi.

N O T Æ A D E P I S T. IV.

^a Hic est Johannes Jejunator appellatus, Græcis νηστὴς, ita dictus διὰ τὸ κατεπιλοσοφῆσαι λίαν τῶν ἰδίων, τυχάνων αὐτοῦ παθόντων, ἀποκράτορα τῆς κοιλίας γενέσθαι inquit Theophylactus Simocatta lib. 7. Histor. Mauric. cap. 6. In locum Eutychii Constantinopolitani Episcopi suffectus est, licet invitus ex præfenti epistola, imperante Tiberio ann. 586. cum esset magnæ Ecclesiæ Diaconus, inquit Theophanes in Chronographia, & Cedrenus in compendio historiarum. Vir magnarum virtutum: unde Sophronius Hierosolymitanus Patriarcha apud Photium in Bibliotheca cod. 231. vocat eum ἀνδρὰ ἀρετῆς οὐκ ἡνέρον.

Sed & quanti fecerit Johannis sanctitatem Gregorius Magnus, indicant epistolæ plures, in quibus eum *sanctissimum* nominat: immo & post ipsius mortem, quando vere laudari possunt homines, *sanctissimum* appellat lib. 6. epist. 66. in cuius fine *sanctum Johannem* eum nuncupat. Sed & Isidorus Hispalensis, Gregorio fere suppar, de eo sic loquitur libri de Scriptoribus Ecclesiasticis cap. 26. *Johannes sanctæ me-*

moræ Constantinopolitanus Episcopus, natione Cappadox, vir inæstimabilis abstinentiæ, & eleemosynis largissimus, &c. Idiplum repetit in libro de viris illustribus.

Non solum autem virtutum gloria claruit, sed & doctrina celebris fuit. Testis est liber de Baptismo, quem Leandro Hispalensi Episcopo inscripsit ex Isidoro supra. Testes alii, de quibus videndus Morinus in fine libri de pœnitentia pag. 77. Guss. De Johanne tamen postea graviter exposulavit Gregorius ob usurpatum *œcumenici* seu *universalis* nomen; qua de re dicitur infra. Huic epistolæ in cod. Colb. præfigitur: *menfe Decembri Ind. 9.*

^b Invaluerat consuetudo, ut Patriarchæ singuli statim a consecratione, suæ fidei summam ad alios mitterent Patriarchas, ut esset veluti quædam contestatio ejusdem fidei & communionis. Hujus moris apud S. Cyprianum aliquot prostant initia, ut Ep. 42. ad Cornelium, Gelasius Ep. 2. ad Laurentium: *Quia mos est sanctæ Romanæ Ecclesiæ Sacerdoti noviter constituto formam fidei suæ ad sanctas Ecclesias præ-*

rogare, &c. Jam epist. 1. ad Euphemium Constantinopolitanum dixerat: *Apostolicam Sedem institutum sibi noviter Sacerdotem præcuntibus oportuisse litteris indicare, fuit quondam Ecclesiastica vetus hæc regula apud patres nostros.* &c. Et ante ipsum Hilarius epist. 5. & 6. Regibus etiam confessionem suæ fidei a Romanis fuisse Pontificibus missam, cuique obvium est.

Exempli causa profero epistolam 16. Pelagii I. ad Childebertum Regem, cujus fragmentum refert Gratianus caus. 25. quæst. 1. cap. 10. *Satagendum.* Guf-
sanv. AN. CHR. 590. 591. GREG. I.

c De Bacauda vide infra ep. 8.
d Id est dimisi. Vide lib. 3. Indict. XI. Ep. 48. lib. 7. ep. 15. lib. 9. Ep. 125. lib. 13. Ep. 13.

E P I S T O L A V.

Ad Theoctistam sororem Imperatoris.

E contemplationis quiete ad negotiorum tumultus se raptum gemit. Contemplativam vitam Racheli & Mariæ, activam Lia & Marthe comparat.

Gregorius ^a Theoctistæ forori Imperatoris.

Joh. Diac.
l. 1. cap. 47.

Mens mea vestræ venerationi quanta devotione subternitur, explere verbis nequeo, nec tamen me prodere laboro: quia & me tacente in vestro corde legitis, quid de mea devotione sentiat. Miror autem quod in me collatas dudum ^b continentias vestras ex hac moderna pastoralis officii continentia distraxistis, in qua sub colore Episcopatus, ad seculum sum reductus: in qua tantis terræ curis infervio, quantis me in vita laica nequaquam deservisse reminiscor. Alta enim quietis meæ gaudia perdidici, & intus corruens, ascendisse exterius videor. Unde me a Conditoris mei facie longe expulsum deploro. Conabar namque quotidie extra mundum, extra carnem fieri, cuncta phantasmata corporis ab oculis mentis abigere, & superna gaudia incorporaliter videre; & non solum vocibus, sed medullis cordis ad Dei faciem anhelans, dicebam: *Tibi dixit cor meum: Quæsi vultum tuum: Vultum tuum, Domine requiram.* Nil autem in hoc mundo appetens, nil pertimescens, videbar mihi in quodam rerum vertice stare, itaut in me pene crederem impletum, quod pollicente Domino ex Propheta didicissem:

Sustollam te super altitudines terræ. Isai. 58. 14. Super enim altitudines terræ sustollitur, qui & ipsa quæ alta & gloriosa præsentis videntur seculi, per mentis despectum calcat. Sed repente a rerum vertice tentationis hujus turbine impulsus, ad timores pavoresque corruui: quia etsi mihi nil timeo, eis tamen qui mihi commissi sunt, valde formido. Undique causarum fluctibus quatior, ac tempestatibus deprimor, ita ut recte dicam: *Veni in altitudinem maris, & tempestas demersit me.* Psal. 68. 3. Redire post causas ad cor desidero, sed vanis ab eo cogitationum tumultibus exclusus, redire non possum. Ex hoc ergo mihi longe factum est, quod intra me est, itaut obedire nequeam prophetici voci, qua dicitur: *Redite prævaricatores ad cor.* Isai. 46. 8. Sed stultis pressus cogitationibus, solummodo exclamare compellor: *Cor meum dereliquit me.* Psal. 38. 13. Contemplativæ vitæ pulchritudinem velut Rachelem dilexi sterilem, sed videntem ac pulchram: quæ etsi per quietem suam minus generat, lucem tamen subtilius videt. Sed quo judicio, nescio, Lia mihi in nocte conjuncta est, activa videlicet vita; secunda, sed lippa; minus videns, quamvis amplius patiens. Sedere ad

pedes Domini cum Maria festina-
 AN. CHR. vi, verba oris ejus percipere : &
 590. 591. ecce cum Martha compellor in ex-
 GREG. I. terioribus ministrare, erga multa

663

fatagere. Expulsa a me, ut credi-
 di, legione dæmonum, volui obli-
 visci quos novi, & ad Salvatoris
 pedes quiescere; & ecce mihi nolen-

Marc. 5. 19.

ti atque compulso dicitur: *Reverte-
 re in domum tuam, & annuntia
 quanta fecerit tibi Dominus.* Sed

c

quis inter tot terrenas curas valeat
 Dei miracula prædicare, cum jam
 mihi difficile sit saltem recolere? ^c

Pressum namque in hoc onore tu-
 multu secularium negotiorum, ex
 eis me esse video, de quibus scri-

Psal. 72. 12.

ptum est: *Dejecisti eos dum allevaren-
 tur.* Neque enim dixit: *Dejecisti*
eos postquam allevati sunt; sed,

dum allevarentur: quia pravi qui-
 que dum temporali honore suffulti,
 foris videntur surgere, intus ca-

dunt. Allevatio ergo ipsa ruina est:
 quia dum gloria falsa subnixi sunt,
 a gloria vera evacuantur. Hinc i-

Psal. 36. 20.

terum dicit: *Deficientes, ut fumus*
deficient. Fumus quippe ascendendo
 deficit, & sese dilatando evanescit.

Sic videlicet fit cum peccatoris vi-
 tam præsens felicitas comitatur: quia
 unde ostenditur ut altus sit, inde

agitur ut non sit. Hinc rursus scri-
 ptum est: *Deus meus pone illos ut*

Psal. 22. 14.

rotam. Rota quippe ex posteriori
 parte attolitur, & in anterioribus
 cadit. Posteriora autem nobis sunt
 bona præsentis mundi, quæ relin-
 quimus: anteriora vero sunt æter-
 na & permanentia, ad quæ voca-

Philip. 3. 13

*retro oblitus, in ea quæ sunt priora
 me extendens.* Peccator ergo cum in

præsentis vita profecerit, ut rota
 ponitur: quia in anterioribus cor-
 ruens, ex posterioribus elevatur.

Nam cum in hac vita gloriam per-
 cipit quam relinquit, ab illa cadit,
 quæ post hæc venit. Et quidem

multi sunt, qui sic exteriores pro-
 vectus regere sciunt, ut per eos
 nequaquam interius corruant. Un-

de scriptum est: *Deus potentes non
 abjicit, cum & ipse sit potens.* Et

Job 36. 5.
 Prov. 11. 5.

per Salomonem dicitur: *Et intelli-
 gens gubercula possidebit.* Sed mihi

hæc difficilia sunt, quia & valde o-
 nerosa: & quod mens voluntarie
 non recepit, congrue non disponit.

Ecce serenissimus Dominus Imperator
^d fieri simiam leonem jussit. Et qui-
 dem ^e pro jussione illius vocari leo

potest, fieri autem leo non potest.
 Unde necesse est, ut omnes culpas

ac negligentias meas non mihi sed
 suæ pietati deputet, qui virtutis
 ministerium infirmo commisit.

d
 c

N O T Æ A D E P I S T. V.

a De Theostifla lege infra epistolas
 26. libri septimi, & 45. libri undecimi.

b Non unum habet sensum *continentia*
 in hujus ep. initio. Priore quidem
 loco pro benevolentia & affectu sumi-
 tur: at posteriore, pro conditione Pon-
 tificis. Apud Spelmannum in Glossa-
 rio, *Continentia* seu contementum,
 Gallice *contenance*, est æstimatio &
 conditionis forma, qua quis in repu-
 blica subsistit. Vide de hac voce am-
 plissimam Alteferræ notam.

c In cod. MS. Biblioth. Vatic. not.
 1031. *Pressum . . . hoc onere tumultus.*
 In tribus aliis Vatic. quorum varias
 Lectiones penes nos habemus, hæc mi-
 nime leguntur. Nostri quoque MSS.

lectionem hanc non admittunt.

d Alludit fortasse ad illud adagium,
Induitis me leonis exuvias; quod ex
 illo Luciani desumptum est: *Tanto tem-
 pore non animadverti, cum sub leonis
 pelle ridiculam quamdam simiam occul-
 tare.* Gußanv.

e In eundem sensum S. Chrysost.
 hom. 52. in Acta: *Princeps est, inquit,
 non qui vocatus est, sed qui vere est.*
*Sicut enim Rex neque Medicum, neque
 Rhetorem faciet, ita neque Principem.*
*Non enim litteræ vel nomen Principem
 faciunt.* In nonnullis editis legitur,
provisione, non pro jussione: sed huic
 lectioni MSS. minime favent; eam ta-
 men sequitur Alteferra.

EPI-

E P I S T O L A VI.

Ad Narsē Patricium.

*E contemplationis delectatione se dejectum dolet.*Gregorius ^a Narsæ ^b Patricio,

AN. CHR.

590. 591.

GREG. I.

666

^a
^b
^c **D**Um contemplationis dulcedinem alte describitis, ruinæ meæ mihi gemitum renovastis, quia audiui quid intus perdididi, dum foris ad culinen regiminis immeritus ascendi. Tanto autem me percussum mœrore agnoscite, ut vix loqui sufficiam: oculos enim mentis meæ doloris tenebræ obsident. Triste est quidquid aspicitur: quidquid delectabile creditur, cordi meo lamentabile apparet. Penso enim, ab alto quietis meæ culmine corruens, ^d ad quam dejectum exterioris proVectus culmen ascendi. Et proculpis meis in occupationis exsilium a facie dominantis missus, ^e quasi destructæ Judææ vocibus cum Prophe-
Thren. 1. 16. ta dico: *Qui consolabatur me, longe recessit a me.* Quod vero causæ & nominis similitudinem faciendo, per scripta vestra clausulas declamationesque formati, certe, frater carissime, simiam leonem vocas. Quod eo modo vos agere conspiciamus, quo scabiosos sæpe catulos, pardos vel tigrides vocamus. Ego enim, bone vir, quasi filios perdididi: quia per terrenas curas recta opera amisi. *Nolite ergo me vocare Noemi, id est ^f pulchram; sed*

vocate me Mara, quia amaritudine plena sum. Quod autem me dicitis scribere non debuisse, ut in agro Dominico ^g cum bubalis arares, quia in ostenso beato Petro linteo, ^h & bubali & omnes feræ oblatæ sunt, scis ipse quia subjunctum est: *Mista & manduca.* Tu ergo qui easdem bestias necdum mactaveras, cur jam manducare per obedientiam volebas ⁱ? Aut nescis quia ea de qua scripsisti bestia oris tui gladio occidi recusavit? Quas ergo per compunctionem occidere potueris, de illis necesse est, ut in tui desiderii fame satieris.

^k De causa autem fratrum nostrorum, ut scripsisti, ita futurum si Deus adjuvet æstimo, de qua modo serenissimis rerum dominis scribere omnino non debui: quia in ipso initio non est a questibus incoandum. Sed dilectissimo filio meo Honorato Diacono scripsi, ut opportuno tempore eis congrue suggerat, & mihi responsum sub celeritate indicet. Domnum Alexandrum, domnum Theodorum, filium meum Marinum, domnam Esiciam, domnam Eudochiam, & domnam Dominicam, mea peto vice salutari.

N O T Æ A D E P I S T. VI.

^a Male hunc confundit Baronius ad annum 586. cum altero Narsē, qui sub Justiniano Imperatore Patricius & Præfectus Italiæ, summusque belli Dux fuit. Hic vero ad quem scribit sanctus Gregorius fuit primum stipator, *ὑπεραρμιστής*, Comentioli Ducis exercitus sub Mauricio, 30. circiter annis post obitum prioris Narsētis. Fuit tamen alteri bellica laude non inferior, ut videre est apud auctores *συγγραφούς*. Præ-

cipue autem enituit virtus ipsius adversus Persas, quibus tanto terrori erat, ut Persarum infantes audito solo Narsētis nomine tremere, ex historiæ Miscellæ lib. 17. De ipsius egregiis facinoribus fusc Simocatta in historia Mauriciana. Tandem spe & blanditiis delinitus, & ad Curiam evocatus a Phoca, igne crematus est. De quo sic Constantinus Manasses in compendio:

666

A. N. CHR.
590. 591.
GREG. I.

667

Θαλάς Ναρσόν ; τὸν σπαρτὸν τὸ τῶν
Ρωμαίων δαίμα,

Πυρὸς προφύλῳ πεποίηκε &c. Guffanv.

b Patricius primo fuit nomen nobilitatis, postea dignitatis & potestatis. Justinianus lib. 1. Instit. tit. 12. Patriciatum vocat summam dignitatem, & quæ sola morte solvatur: sic & Cassiod. l. 6. form. 2. Constantinus Magnus Patricios instituit, atque ita appellavit, quod suos & futurorum Imperatorum Patres, Confessores, & Consiliarios eos esse vellet, a Consulibus proximos atque perpetuos. Sicut Romulus centum ex senioribus electos & ex auctoritate Patres, ob ætatem Senatores vocatos, instar habuit concilii publici: quæ origo veterum Patriciorum fuit. D. Hieronymus ep. 10. ad Furiam, ejusdem Patris meminit tamquam Consularis & Patricii. Cassiodorus in lib. 8. epist. 9. chlamydem calceosque Romanos inter insignia Patriciatus numerat. Rectores quoque Provinciarum *Patricios* non raro dictos reperio: credo quod ex corpore Patriciorum plerumque eligerentur. Certe Fasagates *Armeniorum Patricius* vocatur in historiæ Miscellæ lib. 19. qui sub Constante Heraclii Augusti nepote regebat Armeniam; & Sabbatius *Patricius Armenia*, qui sub Justiniano Rhinotmeto ei provinciæ præfuit. Quin & historici nostri, Fredegarius, alique, Rectores pagi Trasjurenis & Scutingorum in Burgundia, nunc *Duces*, sæpius *Patricios* nuncupavere. S. Audoenus in Vita sancti Eligii vocat *Burgundicæ Patricios*. Et qui provinciam Arelatensem & Massiliensem ad tempus sub Regibus Francorum regebant, *Patricii Galliarum*, vel *de Galliis* appellantur a Gregorio Magno. Unde ep. 33. lib. 2. nunc 3. scribit *Dynamio Patricio Galliarum*, qui fuit Rector Provinciæ Massiliensis. Hoc nomine apud nos supradictarum provinciarum Rectores appellabantur. Gregorius Turo-

nensis lib. 4. histor. cap. 24. *Guntchramnus Rex*, amoto Agricola Patricio, *Celsum Patriciatus honore donavit, virum juris lectione peritum*. Et cap. 42. *Ennius cognomento Mummolus a Rege Guntchramno Patriciatum promeruit. Patricii sæpe & Consules dicti. Guffanv.* In nonnullis MSS. Vatic. legitur, *Narsæ Patriciæ*. In aliis & in nostris scribitur simpliciter, *Narsæ*. Maur. Deest *Patricio* in Codic. Albornotiano apud de Castro. Cæterum de Patriciis vide notam ad epist. xi. hujus libri. E. V. c Vaticanæ A. B. C. D. *Dum contemplationis alta describit*. Ita etiam cod. Reg.

d Excusi, ad quantum defectus exterioris provectus, &c. Sequimur codd. Vatic. Regios, Norm.

e Hic excusi, gravi errore habent, quasi destitutæ viduæ. Arguuntur ab omnibus MSS.

f Editores maluerunt, *pulchrum ... plenus sum*, quod Gregorio non convenire putarent *pulchra*, &c. Verum contradicunt MSS. aliasque profertur Script. sacræ locus, ubi legitur, *pulchra*.

g Vulgati, reluctantis MSS. *cumbubalis non arares*.

h Obscuritatem hujus loci minuit correctio mendorumquæ in MSS. nonnullis atque in editis omnibus pullulant. Plenam lucem afferrent prior Gregorii ad Narsæ, & Narsis ad Gregorium epist. nisi utraque excidisset. Vide S. Hieron. in cap. 6. Amos.

i In superioribus ed. deficit sensus, mutato *volebas*, quod in omnibus MSS. legitur, in *nolebas*. Sequitur gravior corruptela in his verbis: *Aut nescis quia easdem quas scripsisti bestias, oris tui gladius occidere recusavit*. Locum hunc restituumus ex omnibus Vatic. Colbert. Reg. &c.

k Causa illa non lateret, si epistolam hanc ad Honoratum haberemus.

a

EPISTOLA VII.

Ad Anastasium Episcopum Antiochenum.

Ægre fert se multis occupationibus deprimi, & ab eo laudari.

b

Gregorius b Anastasio Episcopo c Antiocheno.

c
Johan. Diac.
lib. 1. c. 42.

E Pistolas beatitudinis vestræ, ut fessus requiem, salutem æger, fontem sitiens, umbram æstuans accepi. Neque enim illa verba per

linguam carnis videbantur expressa: sed sic spiritalem amorem suum quem gestabat, aperuit, ac si mens per semetipsam loqueretur. Sed durum

rum valde fuit quod secutum est: quia amor vester terrena portare onera præcepit; & quem prius spiritaliter diligebatis, postea, ut existimo, temporaliter amantes, usque ad terram me superposito onere depressistis, ita ut mentis re-
 stitudinem funditus perdens, contemplationisque aciem amittens, non per prophetiæ spiritum, sed
 per experimentum dicam: *Incurvatus sum, & humiliatus sum usquequaque.* ^d Multis enim causarum fluctibus quatuor, & tumultuosæ vitæ tempestatibus affligor, ita ut recte dicam: *Veni in altitudinem maris, & tempestas demersit me.* Periclitanti igitur mihi orationis vestræ manum tendite, vos qui in virtutum littore statis. Quod vero me os Domini, quod lucernam di-

Ps. 112. 107.

d

Psalm. 68. 3.

citis, quod multis prodesse perhibetis, hoc quoque mihi ad iniquitatum mearum cumulum accidit: ut, cum vindicari in me iniquitas debuit, laudes pro vindicta recipiam. Quibus autem hoc in loco terrenarum rerum tumultibus premor, explere verbis nequeo: quod tamen colligere ex brevitate epistolæ potestis, in qua ei minus loquor, quem plus omnibus diligo. Præterea indico quia a serenissimis dominis quantis valui precibus postulavi, ^e ut vos honore restituto, ad sancti Petri Apostolorum Principis limina venire, & quousque ita Deo placuerit, hic mecum vivere concedant; quatenus dum vos videre meruero, peregrinationis nostræ tædium de æterna patria invicem loquendo relevemus.

AN. CHR. 590. 591. GREG. I. 668.

Johan. Diac. 1.4. cap. 25.

e

NOTÆ AD EPIST. VII.

a Supplicem ad Imperatores pro Anastasio libellum disposuerat Gregorius, hancque simul epistolam. At neutrum mittere, nisi interrogato prius Anastasii animo, consultius visum est. Legge infra ep. 28. ad Sebastianum Rhiziniensem Episcopum. *Maur.* Vide notam meam ad ep. 28. E. V.

b Huic loco amplissimam observationem attexit Guffanv. de Anastasio quem putat esse Anastasium Sinaitam, doctrina celeberrimum. Sed Anastasium in monte Sina monachum ab Antiocheno Patriarcha alium esse ostendit Leo Allatus, Diatriba de Simeonum scriptis. Idem adstruunt Bollandiani ad diem Aprilis 21. Anastasii exsilium ac restitutionem narrat Evagrius lib. 4. cap. 23. & seqq. maxime 39. alique omnes post illum historici. At non modo Sinaitam cum Patriarcha, sed & Anastasium juniorem cum seniore confundit Nicephorus Callisti hist. lib. 17. Anastasio seniori successit junior, ad quem scribit Gregorius ep. lib. noni 49. Anastasium de quo hic, e sua sede ejectum a Justiniano, quod adversus ejus deliria de corporis Christi incorruptibilitate doctrinam orthodoxam strenue propugnaret, omnes consentiunt. De Gregorio in ejus locum subrogato, infra.

c In Corb. Norm. & plerisque MSS. deest, *Antiocheno.*

d In Recent. post, *usquequaque* additur: *Tanta quippe me occupationum onera deprimunt, ut ad superna animus nullatenus erigatur.* Hoc additamentum respuunt MSS. Vaticani, Reg. Corb. Norm. Duas alias ex eadem epistola, sed breviores lacinias infra intextas rejecimus.

e Non ut suam ei sedem restitueret, cum eum apud se Romæ retinere vellet. Vide Concilium Chalcedonense c. 12. ubi distinctio est inter jus & honorem, Nicænum c. 8. Ephesinum in Synodica ad Synodum Pamphyliæ de Eustathio. In Concilii Nicæni epistola de Meletio hæc habentur: *Concilium clementius aliquanto in Meletium animatum decernit, ut in propria ac sua civitate remaneat, nullamque habeat potestatem vel cuiquam manus imponendi, vel administrandi, vel quemquam ad aliquod munus Ecclesiasticum deligendi, vel in aliena regione aut civitate ejus rei gratia comparendi, sed ut solum dignitatis nomen retineat.* Illi vero qui ab eo in sacrum ordinem lecti sunt, simulatque sanctiore ordinatione confirmati fuerint, ad communionem post hæc admittantur, & permittatur illis honoribus frui, & sacris muneribus fun-

gi,

— *gi*, &c. Hæc ex Gelasii Cyziceni historia Concilii Nicæni lib. 1. cap. 33. & apud Theodoretum libr. 1. histor. cap. 9. Observa tamen Anastasium jus habuisse, sed impeditum, quandoquidem censetur injuste depositus. Gregorius Turonensis historiæ lib. 8. c. 20. meminit Ursicini Cadurcensis Episcopi, cui jus servatum est, sed mutilum & restrictum. In Concilio Chalcedonensi

AN. CHR.
590. 591.
GREG. I.
66735

act. 11. Episcopi depositi habent dignitatem Episcopatus, & necessaria salarialia, ἄξιαν τῆς ἐπισκοπῆς, ἡ παραμυθίας τῆς προσκομιδῆς. *Guffan.* Quid pro Anastasio postulaverit Gregorius liquet ex ep. 28. sequenti. Per serenissimos autem Dominos intelligit Mauritium Imperatorem, & filium ejus Theodosium jam coronatum, ut ex Theophane aliisque Græcis Scriptoribus constat.

E P I S T O L A VIII.

Ad Bacaudam Formiensem Episcopum.

a

* *Minturnensem Ecclesiam desolatam Formiensi unit.*

b

Gregorius b *Bacaudæ* Episcopo c *Formiensi*.

c

Johan. Diae.
l. 3. c. 14.

ET temporis necessitas nos perurget, & imminutio personarum exigit, ut destitutis Ecclesiis salubri ac provida debeamus dispositione succurrere. Et ideo quoniam Ecclesiam Minturnensem funditus tam Cleri quam plebis destitutam desolatione cognovimus; tuamque pro ea petitionem, quatenus Formianæ Ecclesiæ in qua corpus beati Erasmi Martyris requiescit, cui fraternitas tua præsidet, d adjungi debeat, piam esse ac justissimam providentes; necessarium duximus, consulentes tam desolationi loci il-

d

lius, quam Ecclesiæ tuæ paupertati, redditus supradictæ Ecclesiæ Minturnensis, vel quidquid ei antiquo modernoque jure vel privilegio potuit potestve qualibet ratione competere, ad tuæ Ecclesiæ jus potestatemque hac præcepti nostri auctoritate transmigrare: ut a præsentis tempore, sicut de propria Ecclesia, debeas cogitare, eique tua competentia disponere; quatenus deinceps, quod perire nunc usque potuit, pauperum Ecclesiæ tuæ utilitatibus e Clerique proficiat.

e

NOTÆ AD E P I S T. VIII.

a *Minturnæ* urbs olim Latii novi, Episcopalis in Campaniæ confinio, paulo supra Liris fluvii ostia, cujus rudera vix apparent hodie. Locustamen dicitur *la Scaffa*, seu *la Barca del Garigliano*, quia Liris ibi scapha trajicitur. Unita est Ecclesiæ Formiensi ex hac epistola, sed utraque in propinquum locum, nempe Cajetam, una cum corpore sancti Erasmi translata est. Videndus Baronius in Martyrologio ad diem 2. Junii, ubi de sancto Erasmo. *Guff.*

b *Bacaudam* suæ ordinationis initio relaxavit S. Gregorius supra ep. 4. videlicet ut ad Joh. CPolitanum literas ferret. Fieri ergo nequit, ut tam brevi intervallo ad suam ecclesiam reverti potuerit: nec proinde hic locum

habet hæc epistola, quemadmodum neque decima ad eundem & Agnellum datam. E. V.

c *Formiæ* urbs fuit Episcopalis in Latio, maritima ad sinum Formianum, & vulgo dictum *Golfo di Gaeta*, ubi nunc pagus elegans & amœnus, vulgo *Mola*. In cod. Reg. & pler. Norm. pro *Formiensi*, legitur *Firmiensi*, aut *Firmianæ*.

d Istiusmodi unionis causa est utilitas, vel necessitas Ecclesiæ. Verbigratia, 1. si multitudo populi non mediocriter decreverit. 2. si Ecclesiæ sint dirutæ, nec in pristinum statum facile reparari queant. 3. si cum duo Episcopi ex redditibus commode non possint ali, unus pro tempore sufficiat. Vide ex sancto Gregorio caput *Et temporis*.

pari, caput: *Postquam*. 16. q. de Religiosis domibus, c. 2. de ætate & qualitate, &c. c. *Ea de te*. Sic Justinianus Imperator Magistratus plures conjunxit. Novell. 8. 24. 25. 26. 27. 28. 29.

Porro tribus modis uniuntur Ecclesiæ: 1. quando in unum corpus confunduntur & coalescunt; itaut una sit Ecclesia, unum beneficium, *ἑνὸν* vocat Justinianus; & beneficium non modo *συνυμμένον* dicitur, sed & *ἑνωμένον*. 2. quando junguntur, itaut una sit inferior, altera superior: quo casu Vicario opus est. cap. *Exstirpandæ*. §. *Qui vero*, de Præbendis: 3. quando amba-

bus suum titulum gradumque retinentibus idem minister præficatur. Extra. *Ne sede vacante*, cap. 1. & 26. q. 1. 590. 591. & cap. *Et temporis*. Episcopatum unio soli Romano Pontifici tandem reservata. Vide extra lib. 1. tit. 7. de translatione Episcopi cap. 1. 2. & 4. & cap. *Quod translatione*, eod. lib. tit. 30. Aliorum beneficiorum unio permittitur Episcopis lib. 5. tit. 3. cap. *Sicut unire*. *Guffanæ*.

e Excusi, *plerisque*. Veram lectionem suppeditarunt codd. Vatic. Regi. Norm. &c.

AN. CHR.
590. 591.
GREG. I.
6678

E P I S T O L A IX.

Ad Petrum Subdiaconum.

Ut disceptatio de agrorum finibus quadraginta annorum possessione componatur.

Gregorius Petro Subdiacono.

Gregorius servus Dei, Presbyter & Abbas Monasterii sancti Theodori in Sicilia provincia, in territorio Panormitano constituti, insinuavit nobis homines fundi ^a Fulloniaci, juris sanctæ Ecclesiæ Romanæ, fines fundi Gerdimiæ, col-limitantis eidem præfato fundo Ecclesiæ sanctæ Romanæ, quos quieto jure per innumeros annos possederunt, velle pervadere. Et ideo volumus accedentem te ad Panormitanam civitatem, quæstionem ipsam tali ratione discutere, dominio rei apud possessorem, sicuti hætenus possessum est, videlicet permanente, ut si Monasterium præfatum sancti Theodori fines, de quibus ^b causatio mota est, inconcussis ^c quadraginta annis possedisse repereris, nullam deinceps, etiam si quid sanctæ Romanæ Ecclesiæ competere potuit, patiaris

sustinere calumniam, sed quietem eorum inconcussam modis omnibus procurare. Sin vero ^d actores sanctæ Ecclesiæ non eos possedisse quadraginta annos inconcussio jure monstraverint, sed aliquam intra hæc tempora motam fuisse aliquando quæstionem eorundem finium, electis arbitris, tranquille & legaliter sopiatur, Nos enim non solum nunquam mota suscitari volumus, verum etiam quæ prava foris admoventur, sopire modis omnibus festinamus. Ita ergo experientia tua cuncta faciat effectibus mancipari, ne qua posthac hujus rei ad nos quæstio revertatur. Testamentum autem Bacandæ quondam xenodochi in ea, qua conditum est, volumus firmitate persistere.

^e Mense Novembri, Indictione nona.

N O T Æ A D E P I S T. IX.

^a Excusi, MSS. codicibus repugnantibus, *Saloniaci*.

^b Al. *certatio*.

^c Ut etiamnum in secularibus rebus sufficit possessio 30. annorum, ita & *Tom. VII.*

alias valebat in Ecclesiasticis. 16. q. 3. cap. 2. 4. 8. 9. & in Decretal. lib. 2. tit. 26. cap. 3. & aliis. Videtur autem primum Gregorius eam extendisse ad 40. annos: nam Gelasius epistola 10. B de

*Caus. 16.
q. 4. c. 2.
Volumus.*

de tricennali loquitur. De possessione 40. annorum agitur tit. de exceptionibus, & tit. de prescriptionibus, 590. 591. Nam præscriptio una est exceptio- num, quæ ex lapsu temporis lumitur, sive de re mobili agatur sive de immo- bili. Notandum vero centenariam præ- scriptionem concedi Ecclesiis & quibus- cumque locis piis, Cod. de sacrosan- ctis Ecclesiis, Leg. *Ut inter*. Huic sub- nexa est authentica: *Quas actiones al- ias decennalis, alias vicennalis, alias tricennalis præscriptio excludit; hæ si loco religioso competant, quadraginta an- nis excluduntur, usucapione triennii, vel quadriennii præscriptione in suo ro- bore durantibus, sola Romana Ecclesia gaudente centum annorum spatio vel pri- vilegio*. Quæ certe authentica ut ja- cet, præscriptionem centenariam soli Romanæ Ecclesiæ reservat. At si no- vellam 131. cap. 3. perlegas, unde au- thenticam illam fuisse desuntam cla- mitant, centenariam illam Ecclesiæ Ro- manæ præscriptionem non invenes, aut mendacibus utor codicibus. Sic enim habet: *Pro temporalibus 10. & 20. & 30. annorum præscriptionibus sa- crosanctis Ecclesiis, & aliis universis venerabilibus locis solam 40. annorum præscriptionem opponi præcipimus, hoc ipso servando & in executione legato- rum & hereditatum, quæ ad pias cau- sas relicta sunt*. Et hanc ob rem for- tasse sanctus Gregorius 40. annorum

præscriptionem admittit hoc loco. *Guffanv.* Contendit Alteserra Ecclesiam Romanam (& quidem solam) gau- dere præscriptione centum annorum ex novella 131. cap. 6. At Gregorium, minus indulgentem suis commodis, hoc loco admittere præscriptionem 40. an- norum. Negat hoc Guffanv. Inter dis- sidentes litem componere non aude- mus. Liceat tamen observare Guffan- villæum hic secum pugnare: nam zu- tumat, Gregorium primum esse qui præscriptionem ad 40. annos extende- rit; & postea tamen laudat novellam ipso antiquiorem, qua id cautum est. Voluit forsitan innuere primum Ro- manorum Pontificum fuisse, qui de hac præscript. quadrag. aliquid decreverit. De præscriptione ex possessione trigin- ta ann. lege Apollin. Sidonium lib. 8. Ep. 6. *Per ipsum fere tempus*, inquit *Lex de præscriptione tricennii fuerat proquiritata; cujus preemtoriis abolita rubricis, his omnis in sextum tracta quinquennium terminabatur*. Ad quæ verba Sirmondus: *Ea est*, inquit, *novella Valentiniani de 30. annorum præscriptione omnibus causis opponenda*.

d In Corb. auctores, ut etiam legi- tur in vet. ed. Remb. & apud Gilot. sed vitiose: hic enim loquitur S. Do- ctor de rerum Ecclesiæ curatoribus.

e Hæc desunt in plur. MSS. legun- tur tamen in Colb. vet. in duobus Tel- ler. Andegav. & Turon. S. Gaiiani.

^a
* al. XVIII.
lib. XII.

* E P I S T O L A * X. ✓

Ad Bacaudam & Agnellum Episcopos.

De synagoga Judæorum transferenda, si Ecclesiæ officia impediat.

Gregorius Bacaudæ & Agnello Episcopo.^b

^b
^c **S**upplicaverunt nobis Hebræi Tar-
racinæ degentes, ut locum ^c
quem Synagogæ hætenus habue-
^d runt, cum illis nostra quoque au-
doritatem ^d esset habendi licentia. Sed quia pervenit ad nos quod lo-
cus ipse sic vicinus esset Ecclesiæ, ut etiam ad eam vox psallentium perveniret: scripsimus fratri & coe-
^e piscopo nostro Petro, ut si ita es-
set ut vox de eodem loco in Ec-
clesia resonaret, ^e Judæorum cele-
brationibus privaretur. Itaque fra-
ternitas vestra cum superscripto fra-

tre & coepiscopo nostro locum ipsum diligenter inspiciat: & si ita est ut aliquid vobis Ecclesiæ vi- sum fuerit obfuisse, alium locum intra ipsum castellum prævidete, ubi præfati Hebræi conveniant, quo possint suas sine impedimento ceremonias celebrare. Talem vero fraternitas vestra locum prævideat, si hoc fuerint loco privati, ut nul- la exinde in futuro querela nasca- tur. Prædictos vero Hebræos gra- vari, vel affligi contra ordinem ra- tionis prohibemus: sed sicut Romanis

vivere legibus permittuntur annuente
justitia, actus suos, ut norunt, nullo

impediente disponant: eis tamen Chri-
stiana mancipia habere non liceat.

AN. CHR.
590. 591.
GREG. I.

NOTÆ AD EPIST. X.

a Hanc epistolam in lib. ultimum,
sine ratione rejectam suo loco restitui-
mus. Quæ autem erat x. nunc est xx.
Maur. Vide notam nostram ad ep. 8.
E. V.

b In uno Vatic. & in plerisque MSS.
maxime Norm. additur, *de Hebræis*.

c In cod. Vatic. D. *sub Synagogæ no-
mine*.

d Idem codex, *illis nostra quoque au-
thoritate, habendi licentiam daremus*.

e Ita MSS. ubi editi habent, *Judæi
privarentur*. Plurima alia ex MSS.
codd. infra restituimus hac in epistola.

EPISTOLA XI.

Ad Clementinam Patriciam.

Eam de morte Eutherii consolatur.

a Gregorius Clementinæ Patriciæ. b

E Pistolam gloriæ vestræ suscipien-
tes, quæ de transitu c Euthe-
rii quondam magnificæ memoriæ
loquebatur, indicamus non minus
animos nostros quam vestros esse
tali mœrore confusos, eo quod o-
pinionis probatæ viros huic paula-
tim subtrahi mundo conspiciamus,
cujus ruina in ipsis jam causarum
effectibus comprobatur. Sed huic
nos solerti decet conversionis cau-
tela subducere, ne sua nos secum
pariter ruina circumplicet. Et qui-
dem amicorum nos amissio tanto
debet tolerabilius contristare, quan-

to amissuros nos illos conditio mor-
talitatis exposcit. Sed tamen amis-
sum carnalis vitæ subsidium po-
tens est ille consolari, qui ut adi-
meretur, permittendo concessit, &
ipse ad locum qui destitutus erat,
consolator accedere. d Diaconum
vero Anatholium, quem ad vos di-
rigi poposcistis, hoc nos facere non
posse, causæ magis modus, quam
rigoris austeritas facit. e Vicedomi-
num enim eum constituimus, cu-
jus arbitrio episcopium commisimus
disponendum.

Grat. dist.
29. cap. 3.
Diaconum.

d

e

NOTÆ AD EPIST. XI.

a Præmittitur in Colb. *mensē No-
vembris. indict. 9.* Consentiunt duo Tel-
ler. Clementinam degisse Neapoli con-
jicimus ex lib. 3. Ep. 1.

b Patricii qui olim fuerint ex nota
Gusfanvillæi ad epist. 6. satis liquet.
Nonnulla tamen addenda videntur.
Communiter ex Zosimo eorum institutio
ad Constantinum M. refertur: Can-
telius tamen in *hist. metrop. urb. P. 1.
diss. 2. c. 4. §. 3.* ostendit hoc nomine
donatos temporibus Augusti summos Se-
natores, qui ab Imp. ad secretiora
consilia adhibebantur. Attamen sub
Constantino eorum dignitas ad summum
apicem evecta est. Quinimmo ex l. 3.
c. de Consul. tanta erat, ut cæteris o-
mnibus anteponeretur. Itaque non ad-
modum distabant ab iis, quos Equites

nunc appellamus. Liqueat etiam Patri-
ciatum ex natura sua nullam contulisse
potestatem, nisi summum supremumque
honorem, quem tamen vel ipsi re-
ges exambiebant, ut Theodoricus, A-
thalaricus, Vitiges, Aretha, Adalgi-
sus, Sigismundus, Carolus Martellus
aliique, quos recenset Dufresnius in
glossario. Pone sequitis temporibus ad
eos pertinebat Ecclesiarum ac paupe-
rum contra vim alienam tutio. Quam-
obrem cum a Leone Isaurico Iconoma-
cho circa annum 722. Italia defecisset,
& Ita Roma Romanorumque ducatus
a Græcis ad Romanum Pontificem pro-
pter nefandam eorum hæresin pervenis-
set, ut ait Sigonius lib. 3. de reg. Ital.
deinceps circa annum 740. Gregorius
III. literas ad Carolum Martellum de-
dit,

B 2

AN. CHR. 590. 591. GREG. 1. dit, ut Romam *tamquam Patricius* defenderet. Vide Pagium ad ann. 740. n. 4. Deinde etiam præfecti provinciarum sive Exarchi Patriciatus honore donabantur insequentibus temporibus, ut esset potestas cum honore conjuncta: immo Exarchi *πατριάρχης* Patricii audiebant. Et hoc sensu puto hunc titulum fere intelligendum in epistolis S. Doctoris: itaut Patricius & Exarchus promiscue accipi possint. Videntur eorum uxores filiarumve Patriciarum locis citatis. E. V.

c Male suspicati sunt Eutherium illum fuisse Episcopum. Quippe hunc titulum honoris *magnificæ memoriæ* nunquam Episcopis tribuit Gregorius. Unde nescio quomodo irreplebat in argumentum hujus Epistolæ, nisi quia in fine ejusdem epistolæ sermo est de episcopio administrando, quod forte vacabat morte Eutherii. Verum non agitur de Eutherii Episcopio, sed de Romano, pro quo regendo Diaconum illum retinuerit Gregorius. *Guffanv.*

d Idem forsan est qui postea fuit A-

pocrisarius Constantinopoli, cujus mentio lib. 10. epist. 39. & lib. 12. ep. 24.

e Varia erant munia Vicedomini, de quibus infra in pluribus epistolis S. Gregorii. Hoc loco agitur de eo, cujus est Episcopium disponere. Interdum dicitur OEconomus Ecclesiæ, ut lib. 5. epist. 55. Et apud Frodoardum lib. 2. hist. Remens. c. 13. Vicedominos Romanæ Ecclesiæ habes non semel apud Anastasium in vitis Pontificum. Ad Vicedominum spectabat totius cura familiæ. In processionibus primus post Pontificem equitat, ex ordine Romano. Hodie Major domus appellatur. De Vicedominis vide in Decret. dist. 89. cap. *Diaconum*, & cap. *Quia*. In Decretal. lib. 5. tit. 3. de *Simonia*, c. *Consulere*. Nam qui pro ejusmodi officiis pecunias dabant, simoniæ rei censebantur. Vide & Capitular. libr. 3. cap. 26. & lib. 5. cap. 120. Aliquando distinguebantur ab OEconomis: hi enim ad Clerum, illi ad Episcopum pertinebant. *Guffanv.* Consule Glossarium Cangii. Vicedomini apud Gothos meminit Cassiodorus lib. 5. Variar. ep. 14.

E P I S T O L A XII.

Ad Johannem Episcopum de Urbe veteri.

Ne Monasterium vexare pergat, admonet.

Gregorius Johanni Episcopo ^a de Urbe veteri.

Grat. 16. q. 2. cap. 23.

b

Agapitus Abbas Monasterii sancti Georgii, insinuavit nobis plurima se a vestra sanctitate ^b gravamina sustinere, & non solum in his, quæ necessitatis tempore aliquod monasterio possint ferre subsidium; verumetiam quod in eodem monasterio Missas prohibeatis celebrari, sepeliri etiam ibidem mor-

tuos interdicatis. Quod si ita est, a tali vos hortamur inhumanitate suspendi: & sepeliri ibidem mortuos, vel celebrari Missas, nulla ulterius habita contradictione permittas; ne denuo querelam de iis, quæ dicta sunt, prædictus vir venerabilis Agapitus deponere compellatur.

N O T Æ A D E P I S T. XII.

^a *Orvieto*, urbs Hetururiæ permunita, etiamnum Episcopalis.

^b Præcipua exemptionum causa fuit oppressio subditorum, quam sæpe his in epistolis S. Gregorius memorat. Vetus est Ecclesiæ querela, de qua S. Bernardus serm. 23. super Cantica: *Prælati sibi commissi volunt sæpe esse formidini, utilitati raro. . . Discite subditorum matres vos esse debere non do-*

minos: studeate magis amari quam metu, &c. Monachis exemptiones S. Gregorius sere concessit primus, non passim omnibus, nec ubique, sed paucis & restrictis. Indiligens Gratianus caus. 25. quæst. 2. cap. 2. abutitur epistola S. Leonis, ut privilegiorum fingat antiquitatem, repugnante Canone Chalcedonensi, & ipsamet S. Leonis epistola. *Guffanv.* Hanc Guffanvillæ ob-

servationem, licet ultra metas longius feratur, rescindere nolumus, ne de ejus omissione, quod contra nos militaret, conquerendi daretur occasio. Cæterum longe antiquiores Gregorio Monasteriorum exemptiones probare facillimum est. Certe Monasterium cui præerat quidam Petrus Abbas circa ann. 525. liberum erat ab auctoritate Episcopi Byzacenæ provinciæ, in cujus diocæsi situm erat, & a solo primæ Carthaginensi pendebat, ut patet

ex libello, supplici ejusdem Petri, dato in Concilio Carthaginensi sub Bonifacio civitatis hujus Episcopo. Exstat tom. 4. Concil. Labb. pag. 1628. & seq. In altero libello supplici p. 1646. proferuntur exempla plurima similium exemptionum in Ecclesia Africana. Quæ vero Petrus cum tota sua Congregatione de suis privilegiis protulit, videntur approbari a Bonifacio Carthaginensi Episcopo. *Maur.* Vide Marcam de Conc. lib. 3. c. 16. E. V.

AN. CHR.
590. 591.
GREG. I.



E P I S T O L A XIII.

Ad Dominicum Episcopum Centumcellensem.

Commendat Luminosam viduam Zemarchi, ut ei comitiva servetur.

Gregorius Dominico Episcopo ^a Centumcellensi.

^b ^c **O**fficii quidem sacerdotalis est, ut viduis ac maritali regimine desolatis impertiri solatia debeatis: ut unde in hoc mundo humana conditione privantur, sacerdotali tuitione possint remedia reperire. Quoniam ergo Luminosa ^b herilis femina relicta clarissimi Zemarchi ^c Tribuni, nostræ se post Deum tuitioni commisit, huic vos solatiari in quo sibi necesse fuerit, admonemus, nullusque sit ei de quolibet molestus articulo. Sed quia

^d comitivam illam, quam vir ejus agendam susceperat, nunc Theodoro ^e Palatino concedente, ipsi est mulieri ut peragere debeat, attributum, vel quem ipsi placuerit, donec præsentis Indictionis celebretur impletio, nullum eamdem quousque expleat inquietare permittas. Ita ergo facite, ut & Deum vobis faciatis pro rebus talibus debitorem, & noster hujuscemodi de impensis a vobis solatiis propensius animus gratuletur.

N O T Æ A D E P I S T. XIII.

^a Vulgo *Civita-Vecchia*, urbs olim Episcopalis Hetruriæ, a Saracenis quondam excisa, nunc oppidum diocæsis Viterbiensis.

^b Ita MSS. Vatic. Corb. Norm. &c. cum in excusis legatur *honestæ femina*.

^c Varii erant Tribunorum ordines: Tribuni Celerum, Tribuni ærarii, Tribuni plebis, Tribuni militum. Leguntur & Tribuni voluptatum apud Cassiodorum in libris Variar. Tribuni Scholarum. Cod. lib. 12. tit. 11. Tribuni Vigilum ibid. tit. 55. De eorum officio legendi Scriptores. *Guffanv.*

^d Comitiva vulgo, *Comitis dignitas*. Hic sumitur pro administratione quadam quæstuosa, quæ aliis committi a Palatino potuerit. Talem fuisse crediderim comitivam commerciorum, comitivam metallorum, comitivam

horreorum, comitivam formarum, comitivam riparum & alvei, de quibus Cassiodorus variarum epistolarum l. 2. Multi sunt hac de re tituli Cod. l. 1. 6. & 12. Porro comitivarum aliæ erant primi ordinis, aliæ secundi, aliæ tertii. In Cod. plurimis locis referuntur varix Comitum species. Comes rerum privatarum, de quo Theod. lib. 3. hist. Eccles. c. 11. Comes sacrarum largitionum, sacri palatii, sacri patrimonii, sacri consistorii, militum, domorum, scholarum, patrimonii Italiæ, commerciorum, siliquatariorum, sacræ vestis, sacri stabuli, domesticorum, archiatrorum, fœderatorum, ærarii, excubitorum, metallorum, auri, formarum, riparum, dispositionum, matronarum, morum, horreorum, thesaurorum, Palatinus, Comitum originem

— nem refert Spartianus ad Hadrianum
 A.N.C.H.R. Imper. qui cum Senatum in aulam
 590. 591. suam transfulisset, receptis Senatorum
 GREG. I. optimatibus in amicorum cohortem,
 ita domesticum quemdam Senatum ha-
 bere cœpit, qui *Comitatus* Cæsaris ap-
 pellatus est, & Senatores ipsi, *Comi-
 tes*. Eorum autem consiliis atque ope
 in bello & pace Augusti utebantur:
 inde frequens ille *Comitum* numerus,
 de quibus supra, inter quos etiam idem
 Spartianus in Hadriano numerat *Comi-
 tem* Spathariorum, quem Græci
 πρωτοπαῖδαίον nuncupant, custodum

corporis regii Præfectum. *Guffanv.*

e Palatinos hic intelligimus inferioris ordinis Comites, qui a Comitibus primi ordinis in Provincias dirigi solebant. De utrisque titulus est in utroque Codice. De illis Scholiastes Juliani Antecessoris c. 82. *Palatini dicuntur qui pertinent ad Comitem rerum privatarum, vel ad Comitem sacrarum largitionum*. Horum etiam Palatinorum meminit Gregorius M. lib. 10. Ep. 9. 26. 52. & lib. 11. Epist. 26. Sidonius lib. 4. Epist. 24.

E P I S T O L A XIV.

Ad Demetrium Episcopum Neapolitanum.

Ut quosdam prius in fide dubios, jam vero Catholicam communionem repetentes excipiat.

a Gregorius a Demetrio Episcopo Neapolitano.

b S Tēphanus^b præsentium portitor, cum de quibusdam fidei capitulis ejus a via veritatis nutaret intentio, pro hujus rei dubietate a Catholicæ se Ecclesiæ communione suspenderat, donec cum Deus, veritatis iudex, ad viam rectitudinis revocaret, quem recepta satisfactione in fide Catholica communicasse cognoscas. Sed quia eum quosdam dubietatis suæ socios ibidem in Neapolitana civitate habere comperimus, hoc nobis de his quoque præfatus Stephanus pollicitus esse dignoscitur; ut si eorum ambiguitatem a-

nimæ nostræ interpositionis periculo sanaremus, ipsos etiam ad communionem Catholicam sine mora posse^c vel replicatione converti. Pro qua re præsentibus epistolis admonemus, d nostra fide, nostroque sicut ipsi videntur poposcisse, periculo, eos in fidem Catholicam communionemque suscipite, quibus potestis modis ad lucem de tenebris revocate. Ne postquam ad nos hujusmodi causa perlata est, si silentio præterimus, de animabus eorum, negligentia possimus subire jacturam.

N O T Æ A D E P I S T. XIV.

a Hic postea ob gravia crimina depositus est, ex ep. 6. l. 2.

b Ex iis, qui ob tria Capitula schismate desciverant, fuerunt nonnulli Neapoli præferti, qui scrupulo potius ad id industi fuerant, verentes, ne si tria Capitula damnarent, facerent aliquid in præjudicium V. Syn. Chalced. Inter hos fuit Stephanus, qui Romam veniens professus est se Catholicam unionem amplexturum, dummodo Gregorius suæ in se animæ pe-

riculum susciperet. Quod cum S. Pontifex facere non esset cunctatus, & Stephanus & alii Neapolitani Schismatici ad unionem reversi sunt. Vide notam meam ad sequentem epistol. 16. E. V.

c In excusis, *reluctatione*.

d Quanta lenitate cum iis sit agendum, qui ad Ecclesiæ redeunt unitatem, docet hoc exemplo S. Gregorius. Vide Conc. Africanum can. 33. & 35. *Guffanv.*

E P I S T O L A XV.

Ad Balbinum Episcopum Rosellanum.

AN. CHR.

590. 591.

GREG. I.

6733

Ut Populonensem Ecclesiam visitet, ac Presbyteros Diaconosque ordinet, præcipit.

Gregorius Balbino Episcopo ^a Rosellano.

a

b

c

d

Pervenit ad nos, quod ^b Populonensis Ecclesia ita sit Sacerdotis officio destituta, ^c ut nec poenitentia decedentibus ibidem, nec baptisma possit præstari infantibus. Hujus igitur tam piæ rei tamque necessariæ mole permoti, jubemus dilectioni tuæ, ut hujus præceptionis auctoritate communitus, memoratæ Ecclesiæ ^d visitator accedas,

ut unum ^e cardinalem illic Presbyterum, & duos debeas Diacones ordinare. In parochiis vero præfatæ Ecclesiæ tres similiter Presbyteros: quos tamen dignos ad tale officium veneratione vitæ & morum gravitate prævideris, & quibus in nullo obvient constituta Canonica disciplinæ, ut sanctæ cum digna cautela provideatur Ecclesiæ.

e

N O T Æ A D E P I S T. XV.

^a Rosellæ vel Rusellæ, urbs olim Hetruriæ Episcopalis, everfa pridem, cujus rudera hodie *Roselle* vulgo dicta, duobus circiter milliaribus a Rosetto civitate Episcopali distant, Senas versus. *Guffanv.*

^b Populonium & Populonia, urbs olim Episcopalis Hetruriæ, ubi hodie *Populonia destrutta*, in ora maris Tyrreni contra Ilvam insulam. *Guffanv.*

^c Dubitant cur Episcopo absente diu, nec poenitentia decedentibus dari, nec baptisma præstari possit infantibus: scilicet his qui vetustos mores ex nostris æstimant, obscuriores videntur qui dissonant. Quam pauci tunc essent Sacerdotes, non tam ex defectu quem S. Gregorius culpatur, colligo, (potuerant enim intra paucos dies multi decessisse) sed ex ipsamet quam in tanta penuria præscribit, ordinatione confirmo. Quatuor tantummodo præcipit ordinari, atque ita sanctæ cum digna cautela providetur Ecclesiæ, omni fere Sacerdotis officio destitutæ. Ex Justiniani novell. 3. constat in tota Constantinop. Ecclesia, quæ ex pluribus coaluerat Ecclesiis, & in qua erant 525. Clerici, non plures fuisse quam 60. Presbyteros. De re eadem plura dicemus infra. Unum addo: tunc temporis ex can. 6. Conc. Chalced. nulli ordinabantur absolute; nulli qui alicui Ecclesiæ, aut martyrio, aut monasterio specialiter, *εδινας*, non addiceren-

tur & incardinarentur; nulli, *qui non per aliquot annos in eadem Ecclesia militassent*; nullus qui non ante prædicaretur, *εἰ μὴ ἐπιτηδεύοντο*, id est, publice coram clero & populo proponeretur & probaretur. Quid mirum si tot adhibitis cautionibus Presbyterorum numerus decrefcebat? Accedit quod nulli tunc essent Episcopi vacantes, qui in aliena diocesi Ordines conferrent; litterarum dimissoriarum, *Ut a quocumque*, &c. nullus usus. *Guffanv.*

^d Episcopo mortuo, aut in crimen vel in amentiam lapsio, alius Episcopus visitationis onus suscipiebat, ut videre est in causa Contumeliosi, tempore Johannis II. Papæ, & Agapeti, necnon in pluribus S. Gregorii Epistolis. Post restitutas electiones Hincmarus aliquot in Epistolis Visitatorum meminit, quos ipse tamquam Metropolita, Rege annuente, nominabat & delegabat. Vide Sirmondum ad finem tom. 2. Conciliorum Galliæ, ubi & formulæ designationis prostant. Cave ne hos Visitatores cum aliis confundas, quos Laodicenum Conc. can. 57. vocat *πρεσβυτερος*, qui quidem non erant Episcopi. At de Episcopis loquitur S. Gregorius ut & Johannes Papa II. Epist. 3. & 4. in causa Contumeliosi. *Guffanv.* Ex Carthaginensi Concilio profectum, ut vacanti Ecclesiæ episcopum interventorem seu intercessorem Metropolitanus præficiat, qui civium animos ad concordiam re-

re-

revocet pro eligendo episcopo saltem in-
 AN. CHR. tra annum . Apud Gregorium M. vo-
 590. 591. cantur Vistatores, quibus hæc cura im-
 GREG. I. ponitur, quorum frequens mentio in e-
 663 jus epistolis, & ante ipsum in ep. Sym-
 machi papæ ad Cæsarium Arelat. anno
 513. Munus autem describitur libr. 2.
 ep. 25. Hæc de Marca libr. 8. cap. 8.
 n. 13. E. V.

e Non est quod hic quisquam de Car-
 dinalibus nostræ ætatis somniet, qui
 nonnisi longo post tempore nati sunt:
 aut dicendum erit cuique Episcopo jus
 fuisse Presbyteros & Diaconos consti-
 tuendi Cardinales, quod his in episto-
 lis obvium. Itaque nomen vetus, no-

va est dignitas, purpura recentior. Per
 Sacerdotem Cardinalem intelligo Epi-
 scopum proprium, & ut vocant, ti-
 tulum: cardo & titulus idem. Sic
 Presbyter Cardinalis, Diaconus Cardi-
 nalis, qui erant in cardine, id est qui
 primi erant sui ordinis huic titulo af-
 fixi. In Jure reperio Præfectos Cardi-
 nales, quos Alciatus ait esse Præfectos
 Prætorio in Asia & Africa. Guffanv.
 Cardinalis idem est ac præcipuus.
 Consule Cangium de vocis hujus sen-
 su, & Alteserram in notis ad hanc e-
 pist. apud Cassiodorum lib. 7. Var. Ep.
 31. occurrit *Princeps Cardinalis*.

E P I S T O L A XVI.

Ad Severum Episcopum Aquilejensem.

Præcipit ut Romam veniat cum sequacibus suis in Synodo judicandus.

Gregorius ^a Severo Episcopo ^b Aquilejensi.

^a
^b
 Paul. Diac.
 lib. 3. c. 12.
 Johan. Diac.
 lib. 4. c. 38.

Sicut gradientem per avia, car-
 pentem denuo rectum tramitem
 tota Dominus aviditate complecti-
 tur; ita demum de deferente cog-
 nitam veritatis viam majore mœ-
 rore, quam gaudio quondam de
 convertente lætatus fuerat, contri-
 statur: quia minoris excessus est
 veritatem non cognoscere, quam
 in eadem cognita non manere. Aliudque est quod ab errante com-
 mittitur, aliud quod per scientiam
 perpetratur. Et nos si quidem

quantum incorporatum te jampri-
 dem fuisse in unitate Ecclesiæ ga-
 visi fuimus, abundantius nunc
 dissociatum a Catholica societate
 confundimur. Pro qua re immi-
 nente latore præsentium, ^c juxta
 christianissimi & serenissimi rerum
 Domini jussionem, ad beati Petri
 Apostoli limina, cum tuis sequa-
 cibus venire te volumus, ut au-
 ctore Deo aggregata synodo, ^d de
 ea quæ inter vos vertitur dubieta-
 te, ^e judicetur.

N O T Æ A D E P I S T. XVI.

^a De Severi schismate ob damnationem
 trium capitulorum vide Paulum
 Diaconum histor. Langobard. libr. 3.
 cap. 27. Baronium ad an. 590. n. 35.
 Bollandum ad v. Februarii, pag. 670.
 & seqq. De tribus istis capitulis dice-
 mus ad epist. 1. lib. olim 3. nunc quar-
 ti, necnon in vita S. Greg. fusissime.

^b Aquileja urbs olim Carnorum cla-
 rissima, Venetiæ & Histriæ Metropo-
 lis; cujus Episcopi, maxime in schis-
 mate ob tria capitula, Patriarcharum
 nomen sibi vindicaverunt, quod, jam
 extincto schismate, cum in gratiam
 Sedis Apostolicæ redissent, studio pa-
 cis ipsis concessum relictumque est.
 Hæc autem varias a Gothis & a Lan-
 gobardis passa calamitates, nunc tan-

dem jacet a paucis habitata, ob aeris
 inclementiam; ejusque Sedes Patriar-
 chalis Utinum *Udine*, in Provincia Fo-
 rojuliensi vulgo *Friuli*, translata est.
 Hic Severus ad quem scribit S. Gre-
 gorius, epistol. olim 40. libr. 11. nunc
 xxxiii. lib. xiii. Gradenſis Episcopus
 dicitur, quia tunc Episcopi Aquilejen-
 ses in insula Gradenſi sedem habebant.
 Guffanv.

^c Per rerum Dominum designat Im-
 peratorem, qui scilicet Romanis præ-
 erat: de quibus Maro canit: *Romanos*
rerum Dominos. Æneid. lib. 1.

^d Hanc Synodum indistam quidem
 fuisse Severo, nec tamen celebratam,
 contra quam Pagius & Manlius sen-
 tiunt, non improbabiliſſe conſeci in
 no-

notis ad præf. Hom. in Evang. ex libello Schismaticorum ad Mauricium, & ex rescripto Imperatoris ad S. Gregorium, quorum utrumque affert Baronius loco citato, & nos ex illo, Deo favente, in appendice daturi sumus. Sunt qui putent conversionem Stephani, de quo supra ep. 14. in hac

Synodo contigisse, sed nullo satis certo fundamento. Immo tunc epistola illa 14. postponenda esset 16. E. V. e In exculis, quod iustum fuerit iudicetur. Glossema est quod in nullis MSS. reperimus; evolvimus tamen quatuor Vatic. Reg. Corb. Remens. Turon. Norm.

AN. CHR.
590. 591.
GREG. I.
663

E P I S T O L A XVII.

Ad Universos Episcopos Italiæ.

Ut filii Langobardorum in hæresi Ariana baptizati, ad fidem Catholicam concilientur.

Gregorius universis Episcopis Italiæ.

Johan. Diac.
lib. 2. cap. 50.

a

b

Quoniam nefandissimus^a Autharit in hac, quæ nuper expleta est, Paschali solemnitate, Langobardorum filios in fide Catholica baptizari prohibuit: pro qua culpa eum divina majestas exstinxit, ut solemnitatem^b Paschæ alterius non videret; vestram fraternitatem decet cunctos per loca vestra Langobardos admonere, ut quia ubique gravis mortalitas imminet, eosdem filios suos

in Ariana hæresi baptizatos ad Catholicam fidem concilient, quatenus super eos iram Domini omnipotentis placent. Quos ergo potestis admonete, quanta virtute valetis eos ad fidem rectam suadendo rapite, æternam eis vitam sine cessatione prædicate; ut cum ad districti veneritis conspectum iudicis, possitis ex vestra sollicitudine lucrum in vobis ostentare Pastoris.

N O T Æ A D E P I S T. XVII.

^a Aliis *Autharith*, Paulo Diacono *Flavius Authari*, Gregorio Turonensi lib. 10. hist. cap. 3. *Aptacharius*, Langobardorum Rex Arianus: de cujus morte ita Paulus Diac. lib. 3. cap. 34. *Rex Authari . . . veneno, ut tradunt, accepto moritur, postquam sex regnaverat annos, scilicet anno 590. De Flavii nomine, quod, ut Romanis gratissimum, fuisse, diximus in vita S. Gregorii l. 2. ubi quoque cætera quæ ad hunc Principem pertinent, prosecuti sumus. Maur. In diplomate Agilulfi, qui*

Autharith excepit, apud Ughellium & in T. V. Bullarii Cassin. cum anno octavo jungitur indictio quinta. Quid iudicent videant eruditi. Ut scite advertit Muratorius, S. I. Tom. I. p. 455. 469. ex hac una epistola, si cætera deessent, inferimus, octavo anno Agilulfi, non quintam, sed primam vel secundam Indictionem fuisse in cursu. E. V.

^b Sic legendum ex MSS. excusi autem habent, *ut solemnitatem Paschalem ulterius.*

A. N. CHR.

599. 591.

GREG. I.

6635

E P I S T O L A XVIII.

Ad Petrum Subdiaconum.

Ut Marcello ad victum & vestitum necessaria provideat: Pastores in lapsum locum & vicem curet substitui.

Gregorius Petro Subdiacono.

Johan. Diac.
l. 2. c. 55.

a

b

Insinuaturnobis est, Marcellum^a Barunitanæ Ecclesiæ, ibidem in Panormitana civitate, in monasterio sancti Hadriani in pœnitentiam deputatum, non solum victus necessitatem pati, sed & nuditatis nimiam sustinere molestiam. Pro qua re necesse habemus strenuitati tuæ præsentijussione præcipere, ut ipsi pro victu & vestimento stratoque^b ad continentiam, pueroque ejus annonam, quantum prospexeris satis esse, constituas: ut inopia nuditasque ejus tali providentia possint habere consultum, ut ea quæ eidem viro deputaveris, tuis postmodum possint rationibus imputari. Ita ergo fac, ut & nostram jussionem impleas, & tu quoque hoc ipsum bene disponendo, hac ipsa possis participari mercede.

Præterea hoc tibi indagandum mandare curavimus, veteri quæ jam inoleverat consuetudine postposita, ut si quæ civitates in provincia Si-

ciliæ pro peccatis per Sacerdotum lapsus a pastoraliregimine vacare noscuntur, de Clero Ecclesiarum ipsarum, vel ex monasteriis, si qui digni ad sacerdotalem locum possunt inveniri, perspicias, & ad nos inquisita primitus morum gravitate transmittas, ut grex uniuscujusque loci per Pastoris lapsum inveniri non debeat longo tempore destitutus. Si vero vacantia quidem loca repereris, & nullus tali dignitate ex eadem Ecclesia congruus inveniat, ad nos similiter inquisitione solerti renuntia, ut Deus quem dignum talibus ordinationibus judicaverit, valeat^c provideri. Non enim oportet ut unius excessu grex Dominicus^d per prærupta possit sine Pastore diffluere. Ita enim & locorum ordinatio proveniet, & revertendic^e lapsis ad gradum priorem, quomelius pœniteant, suspicio non manebit.

N O T Æ A D E P I S T. XVIII.

a Ita scribitur in plerisque MSS. In uno tamen e Vaticanis legitur, *Barrolitanæ*, in alio *Barulitanæ*. In excusis, *Barbicanæ*, vel *Barubicanæ*.

b Id est, ad ipsum in vita continentium, ne egestate pressus deficiat. Gall. *pour sa subsistance, son entretien*. Hanc vocem eodem sensu usurpat infra Ep. 44. lib. 3. ep. 28. lib. 5. ep. 30. Pastoral. 3. part. cap. 20. adm. 21.

c Vulgati, ut *Deus valeat providere*. Certe contra MSS. fidem. Sensus est: ut *valeat provideri is quem Deus dignum judicaverit*. Verum non raro Gregorius præpostero ordine voces disponit & contextit.

d In Norm. Corb. Turon. per præsumpta.

e Istius vocis non unus est in Ecclesiasticis monumentis significatus. Siquidem alii idololatria, alii hæresi, alii schismate, alii corpore labebantur. His quasi lapsu graviore aut certe foedioreruiissent, si Clerici essent, nulla spes erat revertendi ad gradum priorem, secundum disciplinam illorum temporum, quam pluribus in epistolis vir sanctus repræsentat. Concinit cum Epæonensi cap. 22. Agathensi cap. 50. Si *Episcopus, aut Diaconus capitale crimen commiserit, aut chartas falsaverit, aut testimonium falsum dixerit, ab officii honore depositus, in monasterio retrudatur, & ibi quamdiu vixerit, laicam tantummodo communionem accipiat*. In-

no-

nocentius I. ep. 2. ad Exuperium, rigidus adversus Sacerdotes incontinentes. Neocæsariense cap. 9. & 10. obscurius loquitur, & alias difficultates movet. Quamobrem cur cum libellaticis & sacrificatis, cum hæreticis & schismaticis facilius aliquando dispensatum sit, non liquet. Fortassis extranei alliciendi erant quoquomodo, filii severius castigandi. Monet S. Aug. lib. 2. contra Cresconium c. 16. aliter paganos, aliter hæreticos recipi. Sic Donatistis nihil non concedit, ut ad Ecclesiæ redeant unitatem. De iis qui carne lapsi sunt, legat studiosus S. Augustinum ep. 64. ad Aurelium: ubilocus explicat Rom. 13. quæritque cur hoc vitii genus acerrime præcæteris ab Ecclesia vindicetur. Ejus tamen indulgentiam in persona incestuosi Corinthii exhibet Theodoretus hæretic. fabul. lib. 5. c. 28. de pœnitentia: *De eo au-*

tem qui Corinthi fornicatus est, quid dicent; qui non solum divinis Sacramentis dignus est habitus, sed docendi quoque gratiam assecutus est? Quare cum tamquam de vero, docto, & sapiente se jactarent, qui sub eo erant, divinus Apostolus illos reprehendit, dicens: Et vos inflati estis, & non potius luctum habuistis, ut tollatur de medio vestrum qui hoc fecit. Sed tamen cum eum, qui doctor erat, & maximum flagitium patrare ausus fuerat, Satanæ tradidisset, rursum illum ex ejus manibus eripuit, & corpori Ecclesiæ tradidit, &c. Tum concludit: Hujusmodi habebant commiserationem Ecclesiæ magistri. Erant enim medici spirituales, sanorum quidem valetudinem conservantes, male autem affectorum morbos profigantes, Guffanv. De irrevocabili lapsum Clericorum depositione, infra ad ep. 52. lib. 9.

AN. CHR.
590. 591.
GREG. I.
1173

E P I S T O L A XIX.

Ad Natalem Episcopum Salonitanum.

Vide lib. 2.
Epist. 17.

Honoratum Archidiaconum suo gradui restituat: deinde, si manet controversia, Romæ causam dicant.

Gregorius Natali Episcopo Salonitano.

Grat. dist.
24. cap. 2.
Gesta.

Gesta quæ nobis in concilii vestri confecta ^a secretario direxistis, in quibus Archidiaconus Honoratus ^b addicitur, plena esse cognovimus semine jurgiorum, cum uno eodemque tempore una persona nolens ad sacerdotii honorem provehitur, quæ tamquam immerita ^c a Diaconatus officio removetur. Et sicut justum est ut nemo crescere compellatur invitus, ita censendum puto, ne quisquam insons ab ordinis sui ministerio deiciatur injuste. Verumtamen quia inimica Deo discordia ^d tuas partes

excusat, locum & administrationem suam Honorato Archidiacono restituas commonemus, atque concordēs divinis ministeriis competentia exhibete servitia. Audientiæ & quæstioni nostræ, si adhuc inter vos causa nutritur scandali, prædictus Archidiaconus occurrat admonitus, atque dilectio tua pro partibus suis dirigat personam instructam, quibus præsentibus solatiante nobis Domino, deposito studio personarum, quæ competunt favori justitiæ, discernere valeamus.

N O T Æ A D E P I S T. XIX.

^a Vox apud Jurisconsultos obvia, pro loco in quo judices causas audiunt. In Conciliis & Scriptoribus Ecclesiasticis usurpatur pro parte Templi ab aliis secreta, in quam Episcopus, Sacerdotes, & ministri sese recipiebant ante & post Sacrum. Sic apud Seve-

rum Sulpicius, dialogo 2. de vita S. Martini c. 1. Conc. Laodicenum can. 21. appellat Secretarium sive Diaconicum. Sidonius Apollin. lib. 5. ep. 17. vocat Receptorium. S. Gregorius ep. 56. l. 5. Saluatorium. Erat autem Secretarium majus, & Secretarium minus. Majus pro-

proprie Saluatorium dicebatur, quod
 AN. CHR. in eo Episcopi sacra facturi, antequam
 590. 591. ad altare procederent, fidelium salu-
 GREG. I. rationibus exciperent, seu illorum se o-
 663 rationibus commendarent. In illo filii
 Ecclesiæ admitterebantur, viduæ profite-
 bantur, & cogebantur quandoque
 Concilia. Carthagin. Concil. tertium,
 quartum, sextum, septimum; Milevi-
 tanum atque Africanum plenarium ha-
 bita sunt in *Secretario basilicæ*, ut ha-
 bet singulorum inscriptio. Cæsaraugu-
 stanum quoque & Arelat. secundum.
 Locum in quo habita est Synodus Chal-
 cedon. Secretarium vocat Liberatus
 Diac. in breviario cap. 13. Vide lib. 3.
 ep. 56. Ipsum in inferiori parte navis
 ad Austrum collocabant. Vide Mabil-
 lon. Comment. in Ord. Rom. 9. 3. In
 istis porro Saluatoriis erant quando-
 que mansiones, ut videre est apud Gre-
 gorium Turon. lib. 2. histor. cap. 21.
 & lib. 7. cap. 22. Secretarium minus,
 in quo Sacerdotes sacra facturi sacras
 vestes induebant, aut alia quæ ad sa-
 cram Liturgiam spectant, exsequeban-

tur. Hæc innuere videtur Sev. Sul-
 picius loco supra citato. *Partim ex*
Guffanv.

b In multis Vaticanis, *accusatur.*

c Archidiaconatum intellige, qui non
 Presbytero, ut fit, sed solis Diaconis
 competeat, ut ex hac epistola liquet.
 Qui multa de Diaconis vulgo incogni-
 ta scire avert, legat Codinum de officio
 aulæ Constant. & Johannem Episcopum
 Citri in Responsi. ad Cabasilam. *Gus-*
sanv. Cur Natalis Honoratum ad Pres-
 byteratum promovendo ab Archidiacono-
 natu vellet dejicere, infra patebit.
 Sic olim Anatolius CP. Patriarcha æ-
 tium Archidiaconum sibi invisum, ut
 ab Archidiaconatu amoveret, Presby-
 terum fecit; *Qui*, inquit S. Leo ep.
 84. ad Marcianum. *non inveniens quod*
argueret in fide, quod improbareret in mo-
ribus, dejectionem innocentis per speciem
honoris implevit.

d Editi, *accusat*, cum legatur *excusa-*
sat, in omnibus fere MSS. Vatic. Reg.
 Corb. Norm. &c.

* E P I S T O L A * XX.

Ad Honoratum Diaconum Salonitanum.

De contentione ipsius contra Episcopum suum, & de custodia rerum Ecclesiæ.

Gregorius Honorato ^b Diacono ^c Salonitano.

^a ^b ^c ^d ^e
 EA, quæ nobis contra vos, tu,
 & Episcopus tuus contraria di-
 rexistis scripta agnoscetes, dolui-
 mus, eo quod inter vos nihil ca-
 ritas recognoscit. Verumtamen te
 in officio ordinis tui administrare
 præcipimus; & si illic potest, su-
 perante gratia, causa vestri scan-
 dali definiri, multum credimus ve-
 stræ animæ acquisivisse. Sin vero
 ita discordia inter vos partes suas
 armavit, ^a ut in tumore scandali
 voluntas vestra debeat remanere,
 tu ad nostram audientiam ^e indif-
 ferenter occurre, & Episcopus tuus

pro se dirigat, quam elegerit, per-
 sonam instructam; ut omnia sub-
 tili ratione perpensa constituere,
 quæ visa fuerint partibus, debeat-
 mus. Scire vero te volumus, quod
 a te omnia districte quæsituri su-
 mus; ^f quia vel propriæ Ecclesiæ,
 vel quæ de diversis Ecclesiis ^g ci-
 melia sunt collecta, sub omni nunc
 sollicitudine & fide servantur. Quod
 si quid ex eis vel negligentia, vel
 cujusquam fraude deperierit, tu in
 hoc reatu constringeris, qui per
 Archidiaconatus ordinem custodiæ e-
 jusdem Ecclesiæ arctius implicaris.

*Extra de offi-
 cio Archi-
 cap. 1.*

f
g

N O T Æ A D E P I S T. XX.

a Præmittitur in Colb. *menfe No-*
vemb. Indiç. 9. Consentiente Turon.
 S. Gat. In Alb. seu Andeg. ut in edi-
 tis legitur, *menfe Decembri*, &c.

b In excusis *Archidiacono*; at non
 ex codd. MSS.

c Salona erat olim Dalmatiæ Metro-
 polis, in ora littorali ad fluvium Sa-
 lo.

lonem, hodie excisa. Ex ejus ruinis crevit Spalatum urbs, ad quam translatus est Archiepiscopatus, vulgo *Spalatro*.

d Corrupte in vulgatis, *ut in timore*.

e Ita MSS. Vaticani & cæteri. Significat, *absque dilatione*.

f Hanc lectionem in Vatic. Reg. Norm. & al. MSS. repertam prætulimus vulgatæ: *si non ea quæ vel propriæ, &c. servantur*.

g Cimelia hic sunt vasa, ornamenta, resque Ecclesiæ, quarum cura penes Archidiaconum erat. In epist. 50.

lib. 3. meminit Greg. *cimeliarchii* Ecclesiæ. Consule si vacat amplissimam Guffanv. observationem ad hunc locum. Porro quam pretiosis ornamentis olim Ecclesiæ ditarentur, vel ex hoc intelligitur quod Optatus lib. 1. de schism. Donat. c. 18. scribit de Cartag. Ecclesiæ opibus, sæviante licet persecutione: *Erant enim Ecclesiæ ex auro & argento quamplurima ornamenta, quæ nec defodere, nec secum portare poterat Menturius Episcopus Cartag. quæ quasi fidelibus, senioribus commendavit, commemoratorio facto*.

AN. CHR.

590. 591.

GREG. I.

673

* Al. 55.

E P I S T O L A * XXI.

Ad Natalem Episcopum Salonitanum.

De Pontificatu gratulanti animum aperit, atque orationis deposcit subsidium.

Gregorius Natali Episcopo Salonitano.

a **S**cripta reverentiæ tuæ, quæ a processioni nostræ gratias referebant, offerente Stephano Diacono, quem direxistis, accepimus: & nimirum valde credenda sunt gratia & studio caritatis impensa, dum b Pontificatus vestri congaudere ordinem ratio commonebat. Idcirco nos salutationis tuæ causa redditi lætiores, conscientiam nostram indicamus, ipsius honoris onera me c ægro animo suscepisse. Sed quia c

divinis judiciis non poteram d resultare, necessario mentem meam parti lætiori revocavi. Pro qua reverentiam vestram epistolario sermone deposcimus, ut tam nos, quam Christianus grex curæ nostræ commissus, orationis vestræ solatiis perfruamur; quatenus ea valeamus præsidii firmitate procellas temporum superare. e Mense Febuario, Indictione nona.

d

e

N O T Æ A D E P I S T. XXI.

a Hoc est, *profectioni* seu *promotioni*, ut etiam legitur in duobus Vat.

b Editores mutarunt *vestri*, in *nostri*, inconsultis MSS. codicibus: nam in omnibus Norm. in 4. Vatic. &c. legitur *vestri*.

c Denotare videtur columnam illam fulgidam, quæ supra Gregorium latitantem apparuit: de qua Johan. Diac. lib. 1. cap. 44. *Guffanv.* Qui Johannes Diaconi testimonium certissimum existimant, columnæ illius indicia detegunt & hic, & in ep. 4. lib. 7. Non ita *de Castro*, cui adversari videtur

quod ep. 43. l. 1. ad Leandrum scribit S. Doctor: *Navem, quam regendam occulta Dei dispensatione suscepi*. &c. Mihi ex his locis nihil pro aut contra extundi posse videtur. E. V.

d Id est *resilire, resistere*, Vide lib. 7. Moral. *Resultatio* etiam legitur in eodem sensu, lib. 8. Moral. n. 59. & l. 9. n. 22. Sic Hist. Tripart. l. 5. c. 11. *De resultatione Judæorum . . . tentabant resultare Romanis*.

e In Colb. hæc ad epistolam sequentem videntur pertinere. Leguntur in Turon. S. G.

AN. CHR.
590. 591.
GREG. I.

E P I S T O L A * XXII.

* Al. XXI.

Ad Nonnosum.

Maurentium ad possessionem, quam petiit, dicit se exauditurum.

Gregorius Nonnoso.

Omnipotens Deus cordi vestro indicet quanta devotione ac dilectione vobis conjungor. Etsi hanc per epistolas implere nequeo, si quando tamen opportunitatem inveniam, rebus ostendere curabo.

Salutationis præterea alloquium solvens, indico quia veniente humili vestro domno Maurentio de possessione, quam gloria vestra petiit, per omnia parebimus.

E P I S T O L A * XXIII.

* Al. XXII.

Ad Gregorium Præpositum Italiæ.

*Mutua testatur dilectionem.*Gregorius Gregorio ^a Præposito Italiæ.

a

b

Bonitatem ^b excellentiæ vestræ, quam semper cognitam habui, nunc experimento superaddito recognovi. Unde omnipotentem Deum deprecor, ut sua vos protectione custodiat, vobisque & apud se gratiam, & apud serenissimos principes largiatur. Si autem nullæ hominum, qui interfunt, pravitates

^c non dividant, esse me vestrum ^c proprium valde certum tenete. ^d Quod in omnipotente Domino confido: quia hoc vobis etiam per documentum meæ attestationis ostendo. Salutationis igitur alloquium solvens, peto ut quoties usus exegerit, vestris me assatibus relevare curetis.

c
d

N O T Æ A D E P I S T. XXIII.

^a Hujus Gregorii dignitatem nosse difficillimum est ex hujus ep. inscriptione. Nam in duobus Vat. legitur, *Episcopo Italiæ*, ut etiam exstat in Colb. vet. In uno Vatic. *Præfeto Italiæ*. In Remensi, *Italiæ Præposito*, consentiente altero Colb. Pratell. Michael. & aliis. Plurimi tamen ex Normannis habent simpliciter, *Præposito*. Episcopum non fuisse Gregorium vel ex titulo excellentiæ liquet.

^b Titulus honoris quo Gregorius utitur erga reges, reginas, exarchos, & alios summæ dignitatis & auctoritatis viros; ut infra sæpe videbimus.

^c Vulgati, *vos dividant*, contra MSS. fidem.

^d Additur in excusis, *et vobis dilectione conjunctum*, quæ cum absint a quatuor Vatic. a Reg. Corb. Norm. &c. in nullo enim codice veteri reperiuntur, rescanda duximus.

* Al. XXIII.

E P I S T O L A * XXIV.

AN. CHR.
590. 591.
GREG. I.
6798

Ad Anthemium Subdiaconum.

Ut quibusdam ancillis Dei, Paulino Presbytero, & duobus Monachis certam solidorum summam eroget.

a

Gregorius ^a Anthemio Subdiacono.Johan. Diac.
lib. 2. c. 55.

b

c

Insinuatum nobis est, ancillas Dei quasdam ^b Nolanæ civitatis in ^c Aboritana domo commorantes, nimiam victus vestitusque penuriam sustinere. Quibus ex præcepto Dei subvenire nos convenit, & inopiam earum, in quantum possumus, donante Domino, sublevare. Propterea experientiæ tuæ præsentī jussione mandamus, ut de hac præsentī nona Indictione, quadraginta in auro eis solidos dare debeas, & deinceps succedentibus Indictionibus annuos viginti solidos ministrare, qui

tuis possint rationibus impūtari. Præterea Paulino Presbytero Monasteriī sancti Erasmi, quod in latere ^d montis Soractis situm est: sed & duobus monachis in oratorio sancti Archangeli servientibus, quod in ^e Lucullano castro juxta sancti Petri Basilicam esse dignoscitur, binos te in præsentī tantummodo solidos dare præcipimus, qui & ipsi tuis rationibus imputentur. Ita ergo fac, ut impensæ mercedis tu quoque participium sortiaris.

d

e

N O T Æ A D E P I S T. XXIV.

a Ex plurimis ad eum scriptis Epistolis, ut index docebit, notissimus est Anthemius.

b Nola urbs etiamnum Episcopalis Campaniæ, sub Archiepiscopo Neapolitano, sede sancti Paulini notissima. *Guffanv.*

c Varie legitur hæc vox in mss. Horri-

dana, Aboritana, Aboridana, in pluribus. d Mons est in Hetruria hodie *monte di San Oreste*, ab oppido ei adjacente. *Guffanv.*

e Parva est Campaniæ insula ante Neapolim, cui ponte jungitur. Nunc dicitur: *Castello dell' Ovo*, a forma illius Insulæ.

e

E P I S T O L A * XXV.

* Al. XXIV.

Ad Johannem Episcopum Constantinopolitanum, & cæteros Patriarchas:

Pastoris onus, dotes, officia late prosequitur, ac demum fidem ad Conciliorum normam proficitur.

a

b

c

d

e

^a Gregorius Johanni Constantinopolitano, ^b Eulogio Alexandrino, ^c Gregorio Antiocheno, Johanni Jerosolymitano, & ^d Anastasio Expatriarchæ Antiocheno, ^e a paribus.

Johan. Diac.
lib. 2. cap. 3.
Pastorale
onus quam
formidandum.

Consideranti mihi quod impar meritis, ac toto animo renitens, pastoralis curæ pondera portare compulsus sum, caligo mæroris occurrit, & triste cor nihil aliud, nisi eas, quæ videri nil sinunt, tenebras, videt. Nam quid Anti-

stes a Domino, nisi pro delictis populi intercessor eligitur? Qua itaque fiducia ad eum pro peccatis alienis intercessor venio, apud quem de propriis securus non sum? Si fortasse quispiam apud potentem virum, qui & sibi iratus & mihi esset

A. N. CHR.
590. 591.
GREG. I.

1675

esset incognitus, intercessorem suum me fieri quæreretur, protinus responderem: Ad intercedendum venire nequeo, quia ejus notitiam ex sedula familiaritate non habeo. Si igitur recte homo apud hominem, de quo minime præsumpssem, fieri intercessor erubescerem: quantæ hoc audaciæ est, quod apud Deum pro populo locum intercessoris obtineo; cui familiarem me esse per vitæ meritum non agnosco? Qua in re est mihi adhuc aliud gravius formidandum: quia sicut cuncti liquido novimus, cum is qui displicet, ad intercedendum mittitur, irati ad deteriora animus provocatur. Et valde pertimesco, ne commissa mihi plebs fidelium, reatus mei additamento depercat, cujus nunc usque delicta Dominus æquanimiter tolerabat. Cum vero utcumque hunc timorem suppresso, & consolatam mentem ad Pontificalis operis studia accingo, considerata ipsa rei immensitate detreor.

Optimi Pa-
storis effi-
gies.

Perpendo quippe, quod omni cura vigilandum est, ut Rector cogitatione sit mundus, operatione præcipuus, discretus in silentio, utilis in verbo, singulis compassione proximus, præ cunctis contemplatione suspensus, bene agentibus per humilitatem socius, contra delinquentium vitia per zelum justitiæ erectus. Quæ videlicet cuncta dum subtili studeo inquisitione perscrutari, ipsa me in singulis latitudo considerationis angustat. Nam sicut prædixi, curandum summopere est ut Rector cogitatione sit mundus, quatenus nulla hunc immunditia polluat, qui hoc suscepit officii, ut in alienis quoque cordibus pollutionis maculas tergat. Quia necesse est ut esse munda studeat manus, quæ diluere sordes curat, ne tacta quæque deterius inquinet, si fordida ipsa insequens lutum tenet. Scriptum namque est: *Mundamini, qui fertis vasa Domini.*

Cogitatio-
ne sit mun-
dus.

Cap. f. 1.
Necesse est.
Isai. 52, 11.

Domini etenim vasa ferunt; qui proximorum animas ad interna sacra perducendas in conversationis suæ exemplo suscipiunt. Apud semetipsum ergo quantum debeat mundari conspiciat, qui ad æternitatis templum vasa viventia in sinu propriæ conversationis portat. Hinc divina voce præcipitur ut in Aaron pectore rationale judicii vittis ligantibus imprimatur, quatenus sacerdotale cor nequaquam cogitationes fluxæ possideant, sed ratio sola constringat. Nec indiscretum quid vel inutile cogitet, qui ad exemplum vitæ aliis constitutus, ex gravitate semper debet ostendere quam in pectore rationem portet.

In quo etiam rationali vigilanter adjungitur, ut duodecim Patriarcharum nomina describantur. Adscriptos enim Patres in pectore ferre, est antiquorum vitam sine intermissione cogitare. Nam tunc Sacerdos irreprehensibiliter graditur, cum exempla Patrum præcedentium indefinenter intuetur: cum Sanctorum vestigia sine cessatione considerat, & cogitationes illicitas deprimit, ne extra ordinis sui limitem pedem operis tendat. Rursum cum me ad considerata debita Pastoris opera confesso, perpendo quanta intentione curandum est, ut sit operatione præcipuus, quatenus vitæ viam subditis vivendo denuntiet, & grex, qui Pastoris vocem moresque sequitur, per exempla melius quam per verba gradiatur. Qui enim loci sui necessitate cogitur summa dicere, hac eadem necessitate compellitur summa monstrare. Illa namque vox libentius auditorum cor penetrat, quam dicentis vita commendat: quia quod loquendo præcipit, ostendendo adjuvat ut fiat. Hinc enim per Prophetam dicitur: *Super montem excelsum ascende tu qui evangelizas Sion.* Ut videlicet qui cœlesti prædicatione utitur, ima

Exempla
Sanctorum
sequatur.

Ad virtu-
tutum sa-
stigium
contendat.

Isai. 40, 9.

jam

jam terrénorū operum deferens, in rerum culmine itare videatur, tantoque subditos facilius ad meliora pertrahat, quanto per vitæ meritum de supernis clamat. Hinc divina lege armum Sacerdos in sacrificium & dextrum accipit & separatū, ut non solum sit ejus operatio utilis, sed etiam singularis: nec inter malos tantummodo quæ recta sunt faciat, sed bene quoque operantes subditos, sicut honore ordinis superat, ita etiam morum virtute transcendat. Cui in esu quoque pectusculum cum armo tribuitur, ut quod de sacrificio præcipitur sumere, hoc de semetipso discat Conditori suo immolare. Et non solum pectore quæ recta sunt cogitet, sed spectatores suos ad sublima armo operis invitet. Nulla præsentis vitæ appetat, nulla pertimescat: blandimenta mundi, respecto intimo terrore despiciat; terrores autem considerato internæ dulcedinis blandimento contemnat. Unde supernæ quoque vocis imperio, in utroque humero Sacerdos velamine superhumeralis adstringitur, ut contra adversa & prospera virtutum semper ornamento muniatur: quatenus juxta Pauli vocem, *Per arma justitiæ a dextris sinistrisque* gradiens, cum ad sola, quæ anteriora sunt, nititur, in nullo delectationis infimæ latere flectatur. Non hunc prospera elevent, non adversa perturbent, non blanda usque ad voluptatem demulceant, non aspera ad desperationem premant: ut dum nullis passionibus intentionem humiliat, quanta in utroque humero superhumeralis pulchritudine tegatur, ostendat.

Quod recte etiam superhumerale ex auro, hyacintho, purpura, bis tinto cocco, & torta fieri bysso præcipitur; ut quanta Sacerdos clarescere virtutum diversitate debeat, demonstretur. In Sacerdotis quippe habitu ante omnia aurum fulget, ut in eo intellectus sapientiæ prin-

cipaliter emicet. Cui hyacinthus qui aereo colore resplendet, adjungitur; ut per omne quod intelligendo penetrat, non ad favores infimos, sed ad amorem cœlestium surgat: ne dum suis incautus laudibus capitur, ipso etiam veritatis intellectu vacuetur. Auro quoque ac hyacintho purpura permiscetur, ut videlicet sacerdotale cor, cum summa quæque prædicat, etiam in semetipso suggestiones vitiorum reprimat, eisque velut ex regia potestate contradicat, quatenus nobilitatem semper intimæ regenerationis aspiciat, & cœlestis regni habitum moribus defendat. De hac etiam nobilitate spiritus per Petrum dicitur: *Vos autem genus electum, regale sacerdotium*. De hac etiam potestate, qua vitia subigimus, Johannis voce roboramur, qui ait: *Quotquot autem receperunt eum, dedit eis potestatem filios Dei fieri*. Auro autem, ac hyacintho, & purpuræ bis tinctus coccus adjungitur, ut ante interni judicis oculos omnia virtutum opera ex caritate decorentur, & cuncta, quæ coram hominibus rutilant, hæc in conspectu occulti arbitri flamma intimi amoris accendat. Quæ scilicet caritas, quia Deum simul & proximum diligit, quasi coccus ex duplici tinctura fulgescit. Qui igitur sic ad auctoris speciem anhelat, ut proximorum curam negligat, vel sic proximorum curam exsequitur, ut a divino amore torpescat, quia unum horum quodlibet negligit, in superhumeralis ornamento habere coccum bis tinctum nescit. Sed cum mens ad præcepta caritatis tenditur, restat proculdubio ut per abstinentiam caro maceretur. Unde & bis tincto cocco torta byssus adjungitur: de terra enim byssus nitenti specie oritur. Et quid per byssum, nisi candens decore munditiæ corporalis castitas designatur? Quæ videlicet torta pulchritu-

AN. CHR.
590. 591.
GREG. I.

66733

1. Petr. 2. 9.

Johan. 1. 12.

f

g

D

dini

Tom. VII.

Pater. in
Lev. cap. 8.
Reg. Pasf. 2.
par. c. 3.

Pater. in
Exod. c. 46.

2. Cor. 6. 7.

Quibus præ-
sertim ful-
gere debeat.

A N. C H R.
590. 591.
GREG. I.



dini superhumeralis innectitur: quia tunc castimonia ad perfectum munditiæ candorem ducitur, cum per abstinentiam caro fatigatur. Cumque inter virtutes cæteras etiam afflictæ carnis meritum proficit, quasi in diversa superhumeralis specie byssus torta candescit.

Ita sit in silentio discretus, ut sit utilis in verbo.

Rursum cum me ad considerandum debitum Pastoris verbum ac silentium confero, paventi cura perpendo, quod valde necesse est ut & discretus sit in silentio, & utilis in verbo, ne aut tacenda proferat, aut proferenda reticescat. Nam sicut incauta locutio in errorem pertrahit, ita indiscretum silentium hos qui erudiri poterant, errore derelinquit.

Pater. in
Ezech. c. 16.

Sæpe namque Rectores improvidi humanam amittere gratiam formidantes, loqui recta libere pertimescunt: & juxta Veritatis vocem nequaquam jam gregis custodiæ, Pastorum studio, sed mercenariorum vice deserviunt: quia veniente lupo fugiunt, dum se sub silentio abscondunt. Hinc namque eos Dominus per Prophetam increpat, dicens: *h Canes muti non valentes latrare.* Hinc rursus queritur, dicens: *Non ascendistis ex adverso, neque opposuistis murum pro domo Israel, ut staretis in prælio in die Domini.* Ex adverso quippe ascendere, est pro defensione commissi gregis voce libera hujus mundi potestatibus contraire. Et in die Domini in prælio stare, est pravis decertantibus ex justitiæ amore resistere. Pastori etenim recta timuisse dicere, quid est aliud, quam terga tacendo præbuisse? Qui nimirum si pro grege se objicit, murum pro domo Israel hostibus opponit. Hinc rursus delinquenti populo dicitur: *Prophetae tui viderunt tibi falsa & stulta, nec aperiebant iniquitatem tuam, ut te ad penitentiam provocarent.* Prophetæ quippe nonnunquam in sacro eloquio doctores vocantur,

Isai. 56. 10.

h

Ezech. 13. 5.

qui dum fugitiva esse præsentia indicant, quæ sunt ventura manifestant. Quos divinus sermo falsa videre redarguit: quia dum corripere culpas metuunt, incassum delinquentibus promissa securitate blandiuntur. Qui iniquitatem peccantium nequaquam aperiunt, quia ab increpationis voce conticescunt. Clavis quippe apertionis, sermo est correptionis: quia increpando culpam detegit, quam sæpe nescit ipse etiam qui perpetravit. Hinc Paulus ait: *Ut potens sit exhortari in doctrina sana, & eos qui contradicunt, redarguere.* Hinc per Malachiam dicitur: *Labia Sacerdotis custodiunt scientiam, & legem requirunt ex ore ejus: quia Angelus Domini exercituum est.* Hinc per Isaiam Dominus admonet, dicens: *Clama, ne cesses, sicut tuba exalta vocem tuam.* Præconis quippe officium suscepit, quisquis i ad sacerdotium accedit, ut ante adventum judicis, qui terribiliter sequitur, ipse scilicet clamando gradiatur. Sacerdos vero si prædicationis est nescius, quam clamoris vocem daturus est præco, mutus? Hinc est enim quod super Pastores primos in linguarum specie Spiritus Sanctus insedit: quia nimirum quos repleverit, de se protinus loquentes facit. Hinc Moysi præcipitur ut tabernaculum Sacerdos ingrediens tintinnabulis ambiatur: ut videlicet voces prædicationis habeat, ne superni speculatoris iudicium ex silentio offendant. Scriptum quippe est: *Audiat sonitus quando ingreditur vel egreditur sanctuarium in conspectu Domini, & non moriatur.* Sacerdos namque ingrediens vel egrediens moritur, si de eo sonitus non audiat, quia iram contra se occulti judicis exigit, si sine sonitu prædicationis incedit. Apte autem tintinnabula vestimentis ejus describuntur inserta. Vestimenta etenim Sacerdotis quid aliud quam

Ad Tit. 1. 7.

Malac. 2. 7.

Isai. 58. 1.

i

Exod. 28. 35.

Iram Dei, si taceat, meretur.

Tren. 2. 14.

recta

Psal. 131. 16. recta op̄era debemus accipere, Pro-
pheta attestante, qui ait: *Sacerdo-*
tes tui induantur iustitiam? Vesti-
mentis itaque illius tintinnabula in-
hærent, ut vitæ viam cum linguæ
sonitu ipsa quoque opera Sacerdo-
tis clament.

*Ejus sermo-
nes quo sale
condiendi.
Pater. in
Exod. 6. 49.* Sed considerandum quoque est ut
Rector cum se ad loquendum præ-
parat, sub quantæ cautelæ studio
loquatur attendat; ne si inordinate
ad loquendum rapitur, erroris vul-
nere audientium corda feriantur: &
cum fortasse sapiens videri deside-
rat unitatis compagem insipienter
abscindat. Hinc namque Veritas
dicit: *Habete sal in vobis, & pa-*
cem habete inter vos. Per sal quip-
pe verbi sapientia designatur. Qui
igitur loqui sapienter nititur, ma-
gnopere metuat ne ejus eloquio au-
dientium unitas confundantur. Hinc
Rom. 12. 3. Paulus ait: *Non plus sapere quam*
oportet sapere, sed sapere ad sobrie-
tatem. Hinc in Sacerdotis veste jux-
ta divinam vocem, tintinnabulis ma-
la punica junguntur. Quid enim
per mala punica, nisi fidei unitas
designatur? Nam sicut in malo pu-
nico ^k una exterius cortice multa
interius grana muniuntur; sic in-
numeros sanctæ Ecclesiæ populos u-
nitas fidei contegit, quos intus diver-
sitas meritorum tenet. Tunc ergo
tintinnabulis mala punica jungimus,
cum per omne quod dicimus, unita-
tem fidei custodimus.

*Sit singulis
compassione
proximus,
& præ cun-
ctis contem-
platione su-
spensus.* Rursum, cum me ad consideran-
dum conféro qualis Rector in com-
passione, qualisque esse debeat in
contemplatione, perpendo ut & sin-
gulis compassione sit proximus, &
præ cunctis contemplatione suspen-
sus; quatenus & per pietatis visce-
ra in se infirmitatem cæterorum
transerat, & per speculationis al-
titudinem semetipsum quoque in-
visibilia appetendo transcendat, ne
aut alta petens, proximorum ^l in-
fima despiciat, aut infimis pro-

ximorum congruens, appetere alta
desistat. Hinc est namque quod
Paulus in paradysum ducitur, cœli-
que tertii secreta rimatur: ^m & ta-
men illa invisibilium contemplatio-
ne suspenso, ad cubile carnalium
mentis aciem revocat; & cum san-
ctum conjugium creandorum sit cau-
sa liberorum, aliquid etiam eis, &
de voluptate largitur, dicens: *Pro-*
pter fornicationem autem unusquis-
que suam uxorem habeat, & una-
quæque suum virum habeat. Uxori
vir debitum reddat, similiter autem
& uxor viro. Ecce jam cœlestibus
secretis inseritur, & tamen per con-
descensionis viscera, carnalium cu-
bile perscrutatur: & quem suble-
vatus ad invisibilia erigit, hunc men-
tis oculum ad secreta conjugum in-
flectit. Cœlum contemplatione tran-
scendit, nec tamen stratum carna-
lium solitudine deserit: quia com-
page varitatis summis simul & in-
fimis junctus, & in semetipso vir-
tute spiritus ad alta valenter rapi-
tur, & pietate in aliis æquanimiter
ad ima revocatur. Pro hac suæ com-
passione caritatis, iterum dicit:
Quis infirmatur, & ego non infir-
mor? quis scandalizatur, & ego non
uror? Hinc rursus ait: *Factus sum*
Judæis tamquam Judæus. Quod vi-
delicet exhibebat non amittendo fi-
dem, sed extendendo pietatem, &
in se personam infidelium transfi-
gurans: ut ex semetipso disceret
qualiter aliis misereri debuisset, qua-
tenus hoc illis impenderet, quod
sibi ipse, si ita esset, impendi re-
cte voluisset. Hinc iterum dicit:
Sive mente excedimus, Deo; sive
sobrii sumus, vobis: quia & semet-
ipsum noverat contemplando tran-
scendere, & eundem se auditoribus
conscendendo attemperare. Hinc
Jacob Domino ⁿ desuper innitente,
& uncto deorsum lapide, ascenden-
tes & descendentes Angelos vidit:
quia scilicet prædicatores recti non

AN. C HR.
590. 591.
GREG. 1.

m

1. Cor. 7. 2.

2. Cor. 11. 25.

1. Cor. 9. 20.

2. Cor. 5. 13.

n
Pater. in
Genes. 6. 62.

AN. CHR.
590. 591.
GREG. I.

6673
Reg. Pastor.
par. 2. cap. 5.

solum sursum sanctum caput Ecclesiae, videlicet Dominum, contemplando appetunt, sed deorsum quoque ad membra illius miserando descendunt. Hinc Moyses crebro tabernaculum intrat & exit, & qui intus in contemplatione rapitur, foris infirmantium negotiis urgetur. Intus Dei arcana considerat: foris onera carnalium portat. Qui de rebus quoque dubiis semper ad tabernaculum recurrit, coram testamenti arca Dominum consulit: exemplum proculdubio Rectoribus præbens, ut cum foris ambigunt quid disponant, ad mentem semper quasi ad tabernaculum redeant, & velut coram testamenti arca Dominum consulant, si de his, in quibus dubitant, apud semetipsos intus sacri eloquii paginas requirant. Hinc ipsa Veritas per susceptionem nobis nostrae humanitatis ostensa, in monte orationi inhæret, miracula in urbibus exercet: imitationis videlicet viam bonis Rectoribus sternens, ut etsi jam summa contemplando appetunt, necessitatibus tamen infirmantium compatiendo misceantur: quia tunc ad alta caritas mirabiliter surgit, cum ad ima proximorum se misericorditer attrahit; & quo benigne descendit ad infima, eo valenter recurrit ad summa.

Pastori occulta piaculosa tentationesque aperiantur.

In qua videlicet compassione necesse est ut talem se, qui præest, exhibeat, cui subiecti quippe occultata quoque sua prodere non erubescant: ut, cum tentationum suarum fluctus parvuli tolerant, ad Pastoris mentem, quasi ad matris sinum recurrant; & hoc, quod se inquinari pullantis culpæ sordibus prævident, exhortationis ejus solatio lacrymis orationis lavent. Unde & ante fores templi ad ablendas ingredientium manus mare æneum, id est luterem, duodecim boves portant, qui quidem facie

exteriorius eminent, sed ex posterioribus latent. Quid namque duodecim boves, nisi universus Pastorum ordo signatur? De quibus lex, Paulo differente, dicit: *Non obturabis os bovi trituranti*. Quorum quidem nos aperta opera cernimus; sed apud districtum judicem, quæ illos posterius maneant in occulta retributione, nescimus. Qui tamen cum condescensionis suæ patientiam abluendis proximorum confessionibus præparant, velut ante fores templi luterem portant; ut quisquis intrare æternitatis januam nititur, tentationes suas menti Pastoris indicet, & quasi in bovum luterem cogitationis vel operis manus lavet. Et fit plerumque ut dum Rectoris animus aliena tentamenta condescendendo recognoscit, auditis tentationibus & ipse pulsetur: quia & hæc eadem per quam populi multitudo diluitur, aqua proculdubio luteris inquinatur. Nam dum sordes diluentium suscipit, quasi suæ munditiæ serenitatem perdit. Sed hæc nequaquam Pastori timenda sunt: quia Deo subtiliter cuncta pensante, tanto facilius a sua eripitur, quanto misericordius ex aliena tentatione fatigatur.

Rursus cum me ad considerandum confero, qualis in humilitate, qualisque esse Rector debeat in districtione, perpendo, quoniam necesse est, ut & bene agentibus sit per humilitatem socius, & contra delinquentium vitia per zelum justitiæ erectus, quatenus & o bonis in nullo se præferat, & cum pravorum culpa exigit, prioratus sui potestatem agnoscat; ut & honore suppresso, æqualem se subditis bene viventibus deputet, & contra perversorum culpas ex zelo justitiæ exerceat. Hinc est namque quod Petrus auctore Deo sanctæ Ecclesiæ principatum tenens, a bene agente Cornelio, & sese ei humiliter proster-

1. Cor. 9. 9.

Ita bene agentibus sit per humilitatem socius, ut contra vitia delinquentium erigatur.

o

nente; immoderatus venerari recu-
favit, seque illi similem recognovit,
dicens: *Surge, ne feceris, & ego
homo sum.* Sed cum Ananiæ & Sap-
phiræ culpam reperit, mox quanta
potentia super cæteros excrevis-
set, ostendit. Verbo namque eorum
vitam perculit, quam spiritu per-
scrutante deprehendit; & summum
se intra Ecclesiam contra peccata re-
coluit, quod, honore sibi vehemen-
ter impenso, coram bene agentibus
fratribus non agnovit. Hic commu-
nionem æqualitatis meruit sanctitas
actionis, illic zelus ultionis **P** jus a-
peruit potestatis. Hinc est quod Pau-
lus bene agentibus fratribus præla-
tum se esse nesciebat, cum diceret:
*Non quia dominamur fidei vestræ,
sed adjutores sumus gaudii vestri.*
Ad quæ ideo adjunxit: *Fide enim
statis.* Ac si id quod protulerat, a-
periret, dicens: Ideo non domina-
mur fidei vestræ, quia fide statis.
Æquales enim vobis sumus, in quo
vos stare cognoscimus. Quasi præ-
latum se esse fratribus nesciebat,
cum diceret; *Facti sumus parvuli in
medio vestrum.* Et rursus: *Nos au-
tem servos vestros per Christum.* Sed
cum culpam, quæ corrigi debuisset,
invenit, illico se magistrum esse re-
coluit, dicens: *Quid vultis, in vir-
ga veniam ad vos?* Summus itaque
locus tunc bene regitur, cum is qui
præest, vitiis potius quam fratribus
dominatur. Bene acceptam potesta-
tem regit, qui & tenere illam no-
vit & impugnare. Bene hanc regit,
qui scit per illam super culpas eri-
gi, scit cum illa cæteris in æqua-
litate componi.

Sic autem servanda est virtus hu-
militatis, ut non solvantur jura re-
giminis: ne dum Prælati quisque
plus se quam decet dejicit, subdi-
torum vitam restringere sub disci-
plinæ vinculo non possit: & sic ser-
vanda est disciplinæ severitas, ne
dum plus quam necesse est zelus ac-

cenditur, mansuetudo funditus amit-
tatur. Sæpe namque vitia virtutes
se esse mentiuntur, ut tenacia par-
simonia, effusio largitas, crudelitas
zelus justitiæ, remissio pietas velit
videri. Disciplina ergo vel miseri-
cordia multum destituitur, si una
sine altera teneatur. Sed magna di-
scritionis arte servanda est, & ju-
ste consulens misericordia, & pie
seriens disciplina. Hinc namque est
quod docente Veritate per Samari-
tani studium semivivus in stabulum
ducitur, & vinum atque oleum vul-
neribus ejus adhibetur: ut per vi-
num scilicet mordeantur vulnera,
& per oleum foveantur. Necesse quip-
pe est, ut is qui sanandis vulneri-
bus præest in vino morsum doloris
adhibeat, in oleo molliem pietatis:
quatenus & per vinum munden-
tur putrida, per oleum sananda fo-
veantur. Sit ergo amor, sed non ex-
molliens: sit vigor, sed non exas-
perans. Quod bene illa tabernaculi
arca significat, in qua cum tabulis
virga simul & manna est: quia cum
Scripturæ Sacræ scientia in boni Re-
ctoris pectore, si est virga distri-
ctionis, sit & manna dulcedinis.

Suscepto itaque pastoralis curæ o-
nere, cum cuncta hæc atque alia
hujusmodi multa confidero, videor
quod esse non possum: maxime, quia
hoc in loco quisquis Pastor dicitur,
curis exterioribus graviter occupatur;
ita ut sæpe incertum fiat utrum Pa-
storis officium, an terreni proce-
ris agat. Et quidem quisquis re-
gendis fratribus præest, vacare fun-
ditus a curis exterioribus non po-
test: sed tamen curandum magno-
pere est ne ab his immoderate de-
primatur. Unde recte ad Ezechie-
lem dicitur: *Sacerdotes caput suum
non radant, neque comam nutriant;
sed tondentes attondeant capita sua.*
Quid enim signant capilli in ca-
pite, nisi exteriores cogitationes in
mente? Qui dum super cerebrum

AN. CHR.
590. 591.
GREG. I.
Grat. dist.
41. cap. 6.
Virtutes vi-
tia sæpe
mentiun-
tur.

¶

Qua cautio-
ne tempora-
libus vacare
debeat.

¶

Pater. in
Ezech. c. 39.
Ezech. 44.
20.

in-

17. 10. 26.

2. Cor. 1. 23.

1. Thess. 2. 7.

2. Cor. 4. 5.

2. Cor. 4. 21.

Zelo pasto-
rali humili-
tas non offi-
ficiar, aut
vice versa.

AN. CHR.
590. 591.
GREG. I.

66733

insensibiliter oriuntur, curas vitæ præsentis exprimunt; quæ ex negligentia ac torpenti sensu, quia importunæ prodeunt, quasi nobis non sentientibus procedunt. Quia ergo cuncti qui præsent, habere quidem sollicitudines exteriores debent, nec tamen eis vehementer incumbere, Sacerdotes recte & caput prohibentur radere, & comam nutrire: sicut cogitationes carnis de vita subditorum nec a se funditus amputent, nec rursus ad crescendo nimis relaxent. Unde bene dicitur: *Tondentes attondeant capita sua*; ut videlicet curæ temporalis sollicitudinis, & ad quantum necesse est prodeant, & tamen recidantur citius, ne immoderatus excrescant. Dum igitur & per administratam exteriorē providentiam corporalis subditorum vita protegitur, & rursus ^f per moderatam alta cordis intentio non impeditur, quasi capilli in capite Sacerdotis fervantur, ut cutem cooperiant; & refecantur, ne oculos claudant. Sed hoc in loco hujus discretionis moderamina video servari non posse; quia tanti quotidie casus imminet, ut mentem simul obruant, cum vitam corporalem necant. Unde, ^t frater sanctissime, per venturum judicem rogo, per multorum millium Angelorum frequentiam, per Ecclesiam primitivorum qui conscripti sunt in cælis, sub hoc pastoralis curæ onere lassescens orationis tuæ intercessione adjuva, ne suscepta me pondera ultra vires premant. Memor vero quod scriptum est: *Orate pro invicem ut salvemini*; etiam impendo quod peto. Sed recipiam quod impendo. Dum enim nos vobis per orationis opem jungimur, quasi ambulantes per lubricum vicissim nobis manum tenemus, fitque ex magna provisione caritatis, ut eo singulorum ^u robu-

stius caritas perfigatur, quo in alterum alter innititur.

* Præterea quia *corde creditur ad justitiam, ore autem confessio fit ad salutem*, ^y sicut sancti Evangelii quatuor libros, sic ^z quatuor Concilia suscipere & venerari me fateor. Nicænum scilicet, in quo perversum Arii dogma destruitur: Constantinopolitanum quoque, in quo Eunomii & Macedonii error convincitur: Ephesinum etiam primum, in quo Nestorii impietas judicatur: Chalcedonense vero, in quo Eutychis, Dioscorique pravitas reprobat; tota devotione complector, integerrima approbatione custodio: quia in his velut in quadrato lapide, sanctæ fidei structura consurgit, & ^{aa} cujuslibet vitæ atque actionis existat, quisquis eorum soliditatem non tenet, etiam si lapis esse cernitur, tamen extra ædificium jacet. Quintum quoque Concilium pariter veneror, in quo & ^{bb} Epistola, quæ Ibæ dicitur, erroris plena, reprobat. Theodorus personam Mediatoris Dei & hominum in ^{cc} duabus subsistentiis separans, ad impietatis perfidiam cecidisse convincitur. Scripta quoque Theodoriti, per quæ beati Cyrilli fides reprehenditur, ausu dementiæ prolata refutantur. Cunctas verò quas præfata veneranda Concilia personas respiciunt, respuo; quas venerantur, amplector: quia ^{dd} dum universali sunt consensu constituta, se & non illa destruit, quisquis præsumit aut solvere quos religant, aut ligare quos solvunt. Quisquis ergo aliud sapit, anathema sit. Quisquis vero prædictarum Synodorum fidem tenet, pax ei sit a Deo Patre per Jesum Christum Filium ejus, qui cum eo vivit & regnat consubstantialiter Deus in unitate Spiritus sancti, per omnia secula seculorum. Amen.

x

y

Grat. d. st.

15. c. 2.

z

aa

bb

cc

dd

Jac. 5. 16.

NOTÆ AD EPIST. XXV.

AN. CHR.

590. 591.

GREG. I.

673

a Ita restituimus hunc titulum viginti saltem mss. codicum beneficio, quibus concordant editiones antiquæ, Veneta 1504. Paris. 1508. 1571. & alia. Eodem modo legitur apud Johan. Diac. l. 2. c. 3. & apud Ivonem p. 4. c. 117. De hoc Johanne, dicto Jejunatore, vide quæ supra diximus Epist. 4. *Gussanv.* In ed. Vatic. exciderat *Gregorio Antioch.* In aliis exculis legitur, *Anast. Patriarchæ*: scribere, *Expatriarchæ* coacti sumus auctoritate quatuor mss. Vatican. Norm. Anglic. & fere omnium.

b De Eulogio vide infra Epist. 52.

c Hic e monte Sina Monachus in locum Anastasii Magni a Justino Imperatore pulsus ann. 572. subrogatur. Vir sane magnarum virtutum, nisi viventis Episcopi & tanti viri sedem occupasset. De eo mira dicit Evagrius libro quinto, capite 6. & Nicephorus lib. 17. cap. 36. Cum autem per annos xxiii. sedem Antiochenam pacifice rexisset, decessori eandem reliquit moriens an. 594. *Gussanv.* Vid. Pagium ad an. 594. num. 4. E. V.

d De eo supra epist. 7.

e Id est, eodem exemplo; scilicet quia plures Ep. ad singulos exemplis paribus mittebantur. Eodem modo habetur epist. 80. hujus libri, & epist. olim 39. & 111. lib. 7. Indictione 2. nunc 69. & 106. lib. 9. Videtur nonnullis idem esse quod litteræ *pariculæ* vel *pariclæ*, estque conjectura clarissimi viri Hieronymi Bignonii in Notis ad Marculfum. Alia est opinio Claudii Salmasii ex libro de modo usurarum, ubi ait, *pariculam chartam*, Græcis *πάρικλον*, esse exemplum quod ex authentico exemplari descriptum est; unde *exemplare*, describere ex authentico, itaut par sit *τῷ πρωτότυπῳ*. Et sic *pariculæ* chartæ diversæ sunt ab authenticis & originalibus, ut Græcis *πάρικλον*, & *τὸ ἰσότυπον* diversum est ab *ἀρχετύπῳ* & *πρωτότυπῳ*. *Gussanv.* Consule, si placet, Mabillon. De re diplomat. lib. 1. cap. 2. n. 7. Idem loquendi modus infra Ep. 80. & l. 9. ep. 60. & 106. Lege cod. Theod. tit. de sententiis & pariculo recitatis.

Alio modo quid significet *a paribus* explicatur in MS. Pratell. in nota ad ep. 28. lib. 9. Antonio Subd. *Charta quæ in distractione & emtione possessionis fieri solet, a paribus proprie dicitur; pro eo quod exemplar illud tam apud emtorem, quam apud distractorem retinetur atque servatur.* Proinde Beatus Greg. interdum hujusmodi ritus usus

est, dirigens epistolas suas ad diversas personas: retinebat enim exemplar apud se, ne forte cassaretur vel corrumpetur epistola sua in itinere. Hæc nota ejusdem est antiquitatis ac ipse codex qui 600. ann. ætatem profert. Juxta conjecturam hanc omnes Gregorii epistolæ a paribus dici potuissent. De ordine Patriarcharum, ut hoc loco servatur, diximus in vita S. Gregorii l. 2. cap. 1. & de inscriptione a paribus disseruimus. *Maur.* Eodem loco arbitratum cum Baronio Sammarthanus, titulum hujus Synodicæ non esse a Gregorio, sed ab exscriptoribus: quod confirmat quia adscriptum est a paribus, & in textu *Frater carissime* non *Fratres carissimi*. Ego vero nihil tale, immo contrarium suspicor. Puto enim a paribus ideo occurrere in quibusdam epistolis, quia S. Gregorius unicum exarabat exemplar ad plures destinatum, quorum nomina in fronte ponebat; & ut scirent amanuenses tot esse faciendi apographa, quot erant personæ in titulo scriptæ, illis utebatur vocibus. Quæ mea conjectura ex æquo commode admittit loquutionem singularem vel pluralem in epistolæ contextu. Ecce revera ep. 106. l. 9. quæ est a paribus, habet ter *Fratres Carissimi*. Synod. Theophil. Alexandr. inscribitur, *Epistola uniformis*, pro a paribus. E. V.

f Vulgati, tepefcat.

g Ita MSS. & vet. edit. At Vatic. & *Gussanv.* candens nitore.

h In tribus Vatic. in Norm. & plerisque: dicens, *Non ascendistis*, omisso Isaïæ testimonio. Sic legitur in vet. edit. Paris. & in Gilor.

i In vulgatis, ad Sacerdotem ascendit.

k Semper legimus in MSS. *corticem* fem. generis. Vide lib. 23. Moral. n. 31. & lib. 25. num. 20.

l In Vat. & aliis, infirma; infirmis.

m Ita ex communi MSS. consentu; quod editores sic mutarunt, in illa in visibilium contemplatione suspensus.

n Editi, *Domino scalæ desuper*, &c. Absit *scalæ* in omnibus MS. Vatic. & aliis melioris notæ. Sic quoque legitur in lib. Reg. Past. 1. cap. 5.

o Multis hanc sententiam explanat quasi gravissimam, ne prælatio sit ambitionis argumentum, & dominationis fomentum. Legant sanctum Bernardum in Cantica serm. 23. *Discite subditorum matres vos esse debere, non dominos: studete magis amari quam metui: & si interdum severitate opus est,*

AN. CHR. 590. 591. *paterna sit, non tyrannica . . . Quid jugum vestrum aggravatis super eos quorum potius onera portare debetis? Præ-*

GREG. I. 163 *ivit sanctus Paulus ad Rom. 13. dissecans de principibus seculi, qui non sunt timori boni operis, sed mali. Merentur laudem qui bonum faciunt, nec est quod a potestate timeant. Guffanv.*

p In excusis, *vix aperuit*. Sequimur codd. Anglic. Norm. Corb. &c.

q Ita quatuor Vatic. Norm. &c. ubi exculi habent, *per vinum mordeantur*. Infra iidem exhibent, *rigor pro vigor*.

r In codd. Vatic. 1031. & 160. legitur, *terreni procuratoris*.

l In excusa exemplaria, non tamen vetustissima, *ireplit per immoderatam*. Reluctatur sensus; contradicunt MSS. codd. Vatic. Gallic. Angl.

t Editores maluerunt, *fratres sanctissimi*, licet in omnibus Vaticanis, Norm. Corb. &c. legatur in singulari, *frater*, &c. Nimirum in singulis exemplaribus hujus epist. ad Patriarchas missis, non omnium Patr. sed illius tantum cui mittebatur nomen inscriptum erat; quod maxime confirmat Baronii conjecturam, de qua in vita S. Greg. l. 2. cap. 1.

u Recent. Ed. *robustius perfigatur*.

x Hæc est epistolæ secunda pars, & quidem præcipua, ratione cujus vocatur a Johann. Diacono lib. 2. cap. 3. *Sydonica*; & quidem ad mentem S. Doctoris, ut patet ex ep. sequenti: *sicuti Patriarchis aliis . . . synodicam vobis epistolam direxi*. In ea Gregorius, post datum initio Pontificatus fidei symbolum, quod ad calcem epistolarum legi potest, singularem fidei confessionem de synodis æcumenicis, singulos ad Patriarchas misit pro more antiquitus recepto, cujus etiam meminit epist. 52. lib. 9. *Hinc est*, inquit, *ut quoties in*

quatuor præcipuis sedibus Antisites ordinantur, synodales sibi epistolas vicissim mittant, in quibus se sanctam Chalcedonensem synodum cum aliis generalibus synodis custodire fateantur.

y Scilicet verbum Dei aliud scriptum, aliud traditum; utrumque fidelibus venerandum. *Concilium Tridentinum, sess. 4. ideoque Christus de Spiritu sancto prædixerat, Docebit vos omnem veritatem: quod in sacris Conciliis fieri docet, Act. cap. 15. Visum est Spiritui Sancto, & nobis, &c. Guffanv.*

z Justinianus Imperator adversus Eutychianos edito cavit, ut sanctorum quatuor Conciliorum fides ubique terrarum subscriberetur ab Episcopis. Vide Cod. de summa Trinitate, Epiphonio & Johanni. Hinc forte mos inolevit, ut Patriarchæ singuli initio Ordinationis formam suæ fidei aliis Patriarchis mitterent: qua de re vide quæ dicta sunt ad ep. 4. *Guffanv.*

aa Ita restituimus ad duos Colbertinos (tertius enim hic est mutilus) ad Vatic. Norm. &c. cum prius legeretur: *cujuslibet vitæ atque actionis norma consistit. Quisquis.*

bb Lecta fuerat ista epistola in Concilio Chalcedonensi, act. 10. ac de ea sic censent Legati Summi Pontificis: *Relictis chartis, agnovimus ex sententia reverendissimorum Episcoporum, Ibanæ reverendissimum innoxium approbari; relecta enim ejus epistola, agnovimus eum esse orthodoxum, & ob hoc decernimus, &c. Guffanv.*

cc Incaute edit. in duabus substantiis.

dd Refertur hic locus tantillum immutatus dist. 15. cap. *Sicut*. Hinc concludunt Theologi robur actorum synodaliū fluere a Sanctorum communione & a catholico consensu, quem S. Leo ep. 61. vocat *unanimitatem*. *Guff.*

* Al. xxv.

E P I S T O L A * XXVI.

Ad Anastasium Patriarcham Antiochenum.

Conqueritur de onere pastoralis.

Gregorius Anastasio Patriarchæ Antiocheno.

^a *Sup. Ep. 7.* **S**cripta vestræ beatitudinis, uti fessus requiem, salutem æger, fontem sitiens, umbram æstuans inveniri. Neque enim illa verba per linguam carnis videbantur expressa:

quia sic spiritalem amorem suum quem gestabat, aperuit, ac si mens per semetipsam loqueretur. Sed durum valde fuit quod sequutum est, quia amor vester terrena me porta-

re

*Joh. Diac.
l. 1. c. 25.*

re onera præcepit, & quem prius spiritualiter diligebatis, postea, ut æstimo, temporaliter amantes, usque ad terram me superposito onere depressistis; ita ut omnem mentis rectitudinem funditus perdens, contemplationisque aciem amittens, non per prophetiæ spiritum, *Ps. 118. 107.* sed per experimentum dicam: *Incurvatus sum, & humiliatus sum usquequaque.* Tanta me quippe occupationum onera deprimunt, ut ad superna animus nullatenus erigatur. Multis causarum fluctibus quatior, & post illa quietis otia, tumultuosa vitæ tempestatibus affligor, ita- *Ps. 68. 3.* ut recte dicam: *Veni in altitudinem maris, & tempestas demersit me.* Periclitanti igitur mihi manum orationis vestræ tendite, vos qui in virtutum littore statis. Quod vero me os Domini, quod lucernam dicitis, quod loquendo multis prodesse, multisque posse lucere perhibetis, estimationem mihi meam, fateor, in dubietatem maximam perduxistis.

Considero namque qui sum, & nihil in me ex hujus boni signoprehendo. Considero autem qui estis, & vos mentiri posse non arbitror. Cum ergo credere volo quod dicitis, contradicit mihi infirmitas mea. Cum disputare volo quod in laude mea dicitur, contradicit mihi sanctitas vestra. Sed quæso, vir sancte, nobis aliquid de hoc certamine nostro conveniat, ut etsi non quod dicitis ita est, sit ita quia dicitis. Præterea, sicuti ^b Patriarchis aliis paribus vestris, synodicam vobis Epistolam direxi: quia apud me semper hoc estis, quod ex omnipotentis Dei munere accepistis esse, non quod ex voluntate hominum putamini non esse. Latori vero præsentium Bonifacio ^c Defensori aliqua injunxi, quæ sanctitati vestræ debeat secretius intimare. Amatoris autem vestri beati Petri Apostoli vobis claves transmissi, quæ super ægros positæ multis solent miraculis coruscare.

AN. CHR.
590. 591.
GREG. I.

1673

Johan. Diac.
l. 4. c. 25.
Sup. Ep. 25.

b

c
In hoc lib.
olim 29. &
30. nunc 30.
& 31.

NOTÆ AD EPIST. XXVI.

a Iisdem fere verbis concepta est septima hujusce libri epistola, quam ad Anastasium non fuisse missam ibi annotavimus. In hac multa emendavimus, ex MSS. maxime Vaticanis & Gallicanis, inter quos mirus ubique fere consensus. *Maur.* Supra ad epist. 7. notavit Sammarth. quod hic repetit: scilicet non fuisse missam ad Anastasium epistolam. Quam vero in sequenti 28. dicat S. Doctor tantummodo, se retinuisse suggestionem ad Imperatorem, res videtur sic intelligenda: quod nempe ab exemplari posito n. 7. rescuerit S. Gregorius ea, quæ mentionem de suggestionem injiciebant, pro quibus substitutis iis, quæ hic leguntur de Synodica, ita demum epistolam miserit. Hæc si advertisset de Castro, nitius fuisset loquutus in censura Sammarthani ad cap. 1. l. 2. vitæ S. Greg. E. V. ^b Ita restituvimus ex MS. omnibus Vatic. & aliis, cum prius legeretur:


Sicuti Patriarchis aliis fratribus a paribus synodicam.

c Alias Procurator, Syndicus, *ἐκδικητής* dicitur. Istius vocis non eadem semper notio. Defensor Ecclesiæ apud Justinianum Novella 56. *ἐκκλησιολογος* *ἐκκλῆσιολογος* apud Codinum, Suidam, Balamonem. Alii causas criminales, alii civiles, alii pauperum adversus potentiores defendebant. Alii erant judices. Vide Conc. Afric. can. 42. de Defensoribus Ecclesiarum ab Imperatoribus petendis. Sic enim legitur in codice antiquo Ecclesiæ Romanæ. *Giffanov.* Defensorum Romanæ Ecclesiæ munus erat potissimum pauperum atque Ecclesiarum defensioni & commodis invigilare, ipsiusque Romanæ Ecclesiæ patrimonia in diversis Provinciis posita curare. Defensores septem Regionarios instituit Gregorius Magnus lib. 8. ep. 14. Vide Cangianum Glossarium.

AN. CHR.
590. 591.
GREG. I.

E P I S T O L A * XXVII.

Ad Anastasium Archiepiscopum Corinthi:


* Al. XXVI.

Ordinationem suam gemens indicat, & Bonifacium Defensorem commendat.

a

Gregorius Anastasio Archiepiscopo ^a Corinthi.

Jehan. Diac.
l. 1. c. 54.

Judicia Dei quanto sunt investigabilia, tanto debent humanis sensibus esse metuenda; ut quia e ratio mortalis comprehendere non valet, his se necesse est humilis cordis cervice subternat: quatenus quocumque regentis voluntas duxerit, illuc obedientibus mentis gressibus prosequatur. Ego autem considerans infirmitatem meam ad Apostolicam sedis culmen non posse pertingere, onus hoc malui declinare: ne in pastoralis regimine imparis administrationis actione succumberem. Sed quia contraire non est Domini disponentis arbitrio, obedienter secutus sum quod misericors de me regentis manus voluit operari. Nam fraternitati vestræ, etsi præsens non eveniret occasio, necessario fuerat indicandum quod licet indignum me Apostolicæ sedi Dominus præesse dignatus est. Cum ergo fieri hoc & causa posceret, & directi a nobis præsentium latoris, id est ^b Boni-

ficii Defensoris, evenisset occasio, curavimus, non solum scriptis fraternitati vestræ, caritatis vota persolvere, sed etiam de ordinatione nostra, quod desiderabile vobis fuisse credimus, indicare. Propterea caritas vestra reciprocis litteris nos de unitate Ecclesiæ, & desiderabili nuntio salutis vestræ lætificet: quatenus absentia corporalis, quam nos locorum facit sustinere disjunctio, scriptorum sibi vicissitudine præsentetur. Adhortamur etiam, ut quia memoratum superius præsentium portitorem pro necessariis quibusdam causis ad clementissimi Principis vestigia destinavimus, & mutabilitas temporis multa solet impedimenta itineris generare, quidquid ei sive in terreni itineris provisione, sive etiam in procuratione navigii necessarium fuerit, vestra sacerdotalis impendat affectio, ut destinatum iter celerius, Domino miserante, valeat explicare.

b

N O T Æ A D E P I S T. XXVII.

^a Corinthus urbs ex Pauli Apostoli Epistolis maxime notissima. Dicitur *bimaris* ab Horatio lib. 1. Ode 7. & Græce διθάλασος, quod in isthmo sita sit,

duo maria ab ortu & casu arctis faucibus dirimente.

^b De quo in superiori epistola.

* Al. XXVII.

E P I S T O L A * XXVIII.

Ad Sebastianum Episcopum Rhisiniensem.

Ut Anastasii Patriarchæ a sede sua pulsi, quem secum in honore suo vivere cupiebat, animum exploret.

a

Gregorius Sebastiano Episcopo ^a Rhisiniensi.

Quamvis nulla merui beatitudinis vestræ scripta suscipere, ta-

men ego etiam obliviscentem me non obliviscor, negligentem pulso, tor-

torpentem amoris stimulis inquieto:
ut qui ex semetipso non vult im-
pendere, vel pulsatus sciat reddere
quod debet. Præterea indico fugeltio-
nem me apud piissimos dominos sum-
mis precibus plenam fecisse, ut virum
beatissimum domnum Anastasium Pa-
triarcham, ^b concessio usu pallii, ad
beati Petri Apostolorum Principis
lūmina mecum celebraturum sole-

mnia Missarum transmittere debuif-
sent: quatenus si ei ad sedem suam
minime reverti liceret, saltem in
honore suo viveret. Sed quæ cau-
sa contigerit, ut eadem scripta re-
tinerem, præsentium lator vobis in-
notescet. Ejusdem tamen domni A-
nastasio animum cognoscite, & quid-
quid ei de hac re placuerit, vestris
mihi epistolis indicate.

AN. CHR.
590. 591.
GREG. I.

1673

NOTÆ AD EPIST. XXVIII.

a Rhisnum, vulgo *Risne*, urbs o-
lim episcopalis Dalmatiæ Provinciæ,
Illyrici Occidentalis, ad mare Adriati-
cum, ex Holstenio in annotat. ad Geo-
graphiam sacram; quam alii sitam es-
se volunt in intimo recessu sinus Rhi-
sonici, qui hodie dicitur *Golfo di Ca-
taro*, alii vero in ora maritima, non
ita longe ab antiqua Epidaurio, inter
ipsam ad Boream, & Arsecinium ad
Australium eam a Rezana distinguentes.
Successu temporis Sedes Episcopalis Ca-
stium novum translata est, subestque
Archiepiscopo Epidaurio sive Ragusino
sub dominio Turcarum. *Gussanv.* O-
perosum est nomen hujus urbis, & e-
pistolæ titulum ex MSS. statuere. In
Vatic. D. legitur; *Episcopo Poresmiensi*,
quod etiam habent Remens. & Gem.
In Vatic. C. *Præposito Resmiensi*. In
Vatic. B. *Episcopo Resmiensi*, quod in
plerisque codd. legitur, scilicet in Colb.
Corb. Norm. nullibi autem leges *Rhi-
sin*. Sed in uno aut altero Vaticano
occurrit *Risimienti*. In Regiis legitur,
Sermienti. *Maur.* Vide notam ad ep.
26. E. V.

b An usus pallii a pallio distingui
debeat, an concessio utriusque ab Im-
peratore sit impetranda, rimetur le-
ctor. Varia fuit pallii fortuna, quam
piget post tot auctores classicos itera-
re. Illius formam, originem, usum,
privilegium, necessitatem qui bene no-
verit, satis noverit. Titulus Decreta-
lium de auctoritate & usu pallii pau-
cula docet, plura nostræ permittit in-
quisitioni, multos injicit scrupulos;
quemadmodum & epistola Paschalis II.
ad Panormitanum Episcopum, de ele-
ctione & electi potestate cap. 4. Pallium
fuisse pretio datum affirmat in Synodo
S. Gregorius, negat Zacharias. Non
Metropolitani tantum sed & Episcopis
concessum, Occidentalibus raro, O-
rientalibus passim, nullus negaverit qui
Concil. CP. VIII. can. 27. Latinis, 14.

Græcis legerit; & Lateranensis IV. sub
Innoc. IV. can. 5. Seculo Gregorii I.
honor pallii nondum erat omnium Me-
tropolitani. Gregorii VII. ætate nul-
lus Archiepiscopus sine pallio sua sine-
batur obire munia; quod tamen sine
præstito fidelitatis juramento non po-
terat emereri. De usu & modis usus
multoties certatum est, tamquam pro
aris & focis. Itaque potestatis per hoc
insigne datæ plenitudo non sibi semper
& ubique constitit. An ab Imperato-
ribus sumserit initium, fluctuant docti.
Certe apud Liberatum in Breviario
cap. 21. Imperatori ab Episcopo red-
ditur. Vigilius Auxanio, & S. Grego-
rius Syagrio, nonnisi accedente Impe-
ratoris voluntate, concedunt. Nodum
illum facile dissolverit, qui primum
pallii retexerit auctorem? Forma La-
tinis & Græcis an eadem? In CP. VIII.
can. 14. *ὁμοφύειον*, Latini interpretan-
tur *pallium*. De omophorio vide Co-
dinum in Offic. aulæ CP. Maloxum in
vita Patriarcharum: Balsamonem ad
Mar. Prat. Alex. ref. 26. Referebat fi-
guram agni, *εἰς τύπον τοῦ ἀμύ*. Germa-
nus in historia Eccles. distinguit inter
omophorium Patriarchale, & Episcopa-
le. Huic cruces intertextæ: *ἔχει δὲ ἑ
σταυρὸς*. Hinc forte *παλυσταύρειον* dictum,
in quo erant *τεργάνια* sive *γαμμάδες*.
Accurrunt & aliæ voces ornamentum
haud absimilis, *ῥάβδος*, *σάκκος*, &c. Vi-
deat lector Luitprandum legatione ad
Nicephorum Phocam: Procopium l. 14.
cap. 12. & in Decreto dist. 10. Adde-
rem S. Petrum Damiani lib. 7. Ep. 4.
ad Agnetem Imperatricem, si verita-
tem melius expendisset, & præjudicio-
rum fuisset vacuus. *Gussanv.* Plurima
dubia proponit hic Gussanv. pauca sol-
vit. De hoc argumento dicitur iterum
ad ep. 11. l. 9. Interim consule notam
782. Menardi ad Lib. Sacramentorum.
Maur. Vide & Macri in Hierolexico
E. V.

A N. CHR.

590. 591.

GREG. I.

✠

*Al. XXVIII.

E P I S T O L A * XXIX.

Ad Aristobolum Expræfectum & Antigrapheum.

illum consolatur, & rogat ut in epistolis suis e Latino in Græcum convertendis, non verba sed sensum reddat.

a
bGregorius ^a Aristobolo Expræfecto & ^b Antigrapheo.

AD explendum affectum meum, fateor; lingua non sufficit: sed quidquid de vobis sentio, vester vobis melius affectus dicit. Quibusdam vero vos adversitatibus laborare audiui. Sed non hac de re valde contristor, quia plerumque navis, quæ pervenire ad alta pelagi per prosperitatem poterat, in ipso na-

vigationis initio vento adversante repellitur, sed ad portum repulsa revocatur. Præterea si ^c prolixam Epistolam meam ad interpretandum accipere fortasse contigerit: rogo, non verbum ex verbo, sed sentium ex sensu transferte; quia plerumque dum proprietas verborum attenditur, sensuum virtus amittitur.

c

N O T Æ A D E P I S T. XXIX.

a Forte is est Aristobulus, de quo Simocatta l. 3. hist. Mauric. c. 3. qui cum esset domus regis Præcurator (Præfectum Palatii vel Curopalatem vocant, τῆς βασιλικῆς οἰκίας προϊστάμενος) ab Imperatore Mauricio ad exercitum missus, ad sedandam seditionem inter milites exortam, qua verbis, qua muneribus duos & implacabiles animos aliquantulum emollivit. Guss.

b Antigrapheus Cancellarium aut Notarium significat. Græcis ἀντιγραφός, dictator, rescriptor. Budæus Annotation. in Pandectas ex titulo de officio Quaestoris, ait Contrarotulatores Gall. Contrôleurs, ἀντιγραφῆς, a Græcis dictos: eorum autem scripta, ἀντιγραφα quasi contra scripta, ἀντιγραφῆς etiam dicti sunt Magistri scrinioium. Guss. ἀντιγράφειν recensere est ac scribere: dicebatur autem rescribere opus suum, qui emendandi animo illud recogno-

scebat. Antigrapheorum ingenio formabantur Principis sanctiones, epistolæ, responsa & rescripta: mentem enim tantum, non manum commodabant; postquam vero distassent, relegentibus librariis & scriniariis dictata recognoscebant ac corripiebant. Plura videlicet apud Hofmannum in Lexico. Fundum quoque fuisse interpretis officio, declarant hæc verba: Si prolixam ep. ad interpretandum accipere fortasse contigerit, &c. Maur. Quæ hic Gussanv. & Sammarth. erudite notant, pro usu Gregoriano apparent satis remota. Qui fuerit antigrapheus abunde intelligitur ex verbis illis: non verbum ex verbo, sed sensum ex sensu transferte. Nempe antigrapheus erat qui nobis interpret, traductor, translator, & sæpius Chaldea voce מתורגמן Methurgheman Dragomanus vocatur. E. V.

*Al. XXIX.

E P I S T O L A * XXX.

Ad Andream Illustrum.

De sua ad Episcopatum assumptione dolet; clavem a corpore S. Petri transmittit.

a


Gregorius Andreæ ^a Illustri.Joh. n. Diac.
l. 4. cap. 50.

OMnipotens Deus dulcissimo cordi vestro indicet, quia & absens corpore, a caritate vestra animo non recessi. Bona enim vestra,

etiam si volo, oblivisci non valeo. Hoc autem quod me ad Episcopatus ordinem cognoscitis pervenisse, si me diligitis, plangite; quia hic hujus mun-

mundi tantæ occupationes sunt, ut per Episcopatus ordinem pene ab amore Dei me videam esse separat-um. Quod incessanter defleo, at-que ut pro me Dominum exoretis rogo. Præterea sacratissimam clavem a sancti Petri Apostoli corpore vo-

bis transmissi, quæ super ægros mul-tis solet miraculis coruscare; nam etiam de ejus catenis interius habe-tur. ^b Eadem igitur catenæ, quæ illa sancta colla tenuerunt, suspen-sæ colla vestra sanctificent.

AN. CHR.
590. 591.
GREG. I.

b

N O T Æ A D E P I S T. XXX.

a Titulus hic præfectis prætorio, ma-gistris militum, aliisve dignitatibus præ-cipuis attribuebatur: immo Francorum Reges, donec *Christianissimi* a Romanis Pontificibus dicti sunt, hocce gloria-bantur titulo, *Vir Illuster*, ut ex ipso-rum diplomatibus constat. Formulam qua *Illustratus* seu *Illustis* titulus con-ferebatur habes apud Cassiod. lib. 6. Va-riar. Form. xi. In excusis legitur. *An-*

drea ill. de Debiria. quæ ultima verba absunt ab omnibus mss. quos consului-mus. In Andeg. pro *Illustri*, legitur *Illyrico*.

b *Idem Ep. sequenti Lib. 3. Ep. 33. Lib. 6. Ep. 6. Lib. 11. Ep. 14. Lib. 12. Ep. 7.* Pari religione, præsidii & cu-stodiæ causa, moris fuit Evangelia col-lo suspen-sa gestare. Iohan. Chrysost. hom. 19. ad Antioch. *Alteserra*.

* Al. xxx.

E P I S T O L A * XXXI.

Ad Johannem Exconsulem, atque Patricium, & Quæstorem.

Clavem sancti Petri, & de catenis ejus transmittit.

Gregorius Johanni ^a Exconsuli, atque ^b Patricio, & Quæstori.

^a
^b
^c *Johan. Diaconus. l. 1. c. 51.* **B**onitatem Excellentie vestræ expertus, tanto erga vos amo-re constringor, ut vestra memoria de meo pectore aboleri nullatenus possit. Sed contra amorem non mo-dice contristor: quia quietem me quærere cognovistis & ad inquietu-dinem perduxistis. Vobis quidem om-nipotens Deus, quia hoc bono a-nimo fecistis, bona æterna retri-buat; sed me a tanto loci hujus pe-riculo qualiter voluerit absolvat: quia sicut peccata mea merebantur, non Romanorum, sed Longobardo-rum Episcopus factus sum, ^d quo-rum synthicæ spathæ sunt, & gra-

tia pœna. Ecce ubi me patrocinia vestra perduxerunt. Gemo quotidie occupationibus pressus, & respirare non valeo. Sed vos, qui adhuc va-letis, mundi hujus occupationes fugite: quia quantum in eo quis-que profecerit, tanto, ut video, ab amore Dei amplius decrescit. Præ-terea sacratissimam clavem a beati Petri Apostolorum Principis corpo-re vobis transmissi, quæ super æ-gros multis solet miraculis corusca-re: nam etiam de ejus catenis in-terius habet. Eadem igitur catenæ, quæ illa sancta colla tenuerunt, sus-pensæ colla vestra sanctificent.

N O T Æ A D E P I S T. XXXI.

a De hoc titulo vide notas ad Ep. 3. hujus libri.

b De Patriciatus dignitate Cassiodo-rus l. 6. Variarum Form. 2. Vide Cas-siodori Vitam a nobis gallice scriptam l. 1. c. 5. n. 6.


c Ita in Norm. duobus Teller. & ple-risque mss. In editis, *Eona Excell.*

d *Synthicæ* sunt pacta, conventio-nes, a Græco συνθήκη. *Spatha*, gladius; unde *Spatharius*; de qua voce vide cap. 14. lib. 2. Dial. Sensus igitur est: Lan-gobardorum pacta, contractus, id est, jura omnia quæ apud Romanos constant ex pactis & contractibus, versantur in vi & ferro.

AN. CHR.
890. 591.
GREG. I.

E P I S T O L A * XXXII.

Ad Philippum, Comitem Excubitorum.


* AL. XXXI.

Episcopatus cur tandem consenserit exponit; Italiae causas commendat.

a

Gregorius Philippo, ^a Comiti Excubitorum.

Johan. Diac.
lib. I. c. 54.

IN quantum homo discutere & investigare judicia superna non sufficit, in tantum sub eis debet cervicem cordis inflectere: ut quia id quod sibi tribuitur, quo judicio disponatur ignorat, nec ad appetendum locum procax insistere, nec ad repellendum contumax debet inveniri. Unde indignus ego ad suscipienda Episcopatus onera, jussioni omnipotentis Dei vestraeque voluntati me subdidi; cui me praesse largitate magis gratiae, quam judicii aestima-

tionem voluistis. Potens est enim Deus, propter quem me indignum diligitis, hanc vobis in perpetuum recompensare mercedem, ut gratiam, quam indignis famulis ejus impenditis, apud eum invenire multiplicius valeatis. Causas vero Italiae vestra, quaeso, excellentia habeat commendatas; ut dum vos petentibus libenter impenditis, omne quod a Deo petitis, quantocius impetretis.

N O T A E A D E P I S T. XXXII.

^a Erat hic praefectus militum seu stipulatorum, qui nocte excubabant in pa-

latio principis. Vide Simocat. lib. 3. cap. II. *Gustav.*

* AL. XXXII.

E P I S T O L A * XXXIII.

Ad Romanum Patricium & Exarchum Italiae:

Blandum Episcopum, aut in Synodo judicari, aut in Ecclesiam suam reverti concedat.

a
b

Gregorius ^a Romano Patricio & ^b Exarcho.

c

d

Scribendi ad excellentiam vestram si causa omnino nulla suppeteret, nos tamen esse oportet caritate paterna de vestrae salutis incolumitate sollicitos; ut quod de vobis audire cupimus, internuntiorum frequentia cognoscamus. Praeterea pervenit ad nos, Blandum Episcopum Hortensis ^c civitatis, longo jam tempore in civitate Ravennate a vestra excellentia detineri. Et fit ut Ecclesia sine Rectore, & populus, quasi sine pastore grex, defluat; & ibidem ^d infantes pro pec-

catis absque baptismo moriantur. Et rursus quia non credimus quod eum excellentia vestra, nisi pro aliqua probabilis excessus causa teneat, oportet ut habita synodo palam fiat, si quod in eum crimen intenditur. Et si talis in eo culpa reperitur, quae usque ad degradationem sacerdotii perducatur, aliam necesse est ordinationem inquiramus, ne Ecclesia Dei in his sine quibus eam Christiana non patitur esse religio, inculta ac destituta remaneat. Sin autem excellentia vestra aliter
se

se habere, quam de eo quod dicitur esse, perspexerit, cum ad Ecclesiam suam reverti concedat, ut

officium suum in commissis sibi animabus adimpleat. c. Mense Martio, Indictione nona.

AN. CHR.
590. 591.
GREG. I.

6273
c

NOTÆ AD EPIST. XXXIII.

a Tertius fuit Italiæ Exarchus, locum Smaragdi a Mauricio Imper. suffectus. Moritur an. 598. Ravennæ, ubi tunc temporis erat sedes Exarchorum Italiæ. De eo Paulus Diaconus in historia Langob. & Rubeus in historia Ravennat. *Guffanv.*

b Exarchus idem omnino est ac Præfectus, ἑξαρχος, quasi ἐκ τῆ ἀρχῆς, a principe: quod ab eo ad regendam Italiam mitteretur. Erat autem summus magistratus, scilicet qui Imperatoris vices gerebat, summamque in Provincia auctoritatem habebat, cujusmodi legimus Exarchum Italiæ, Exarchum Africæ, &c. Appellatus est autem Exarchus Ravennæ, quia nempe Exarchus sive Præfectus Italiæ sedem habebat in civitate Ravenna. Primus autem Exarchi nomen habuit Longinus, qui a Iustino Imperatore ad tuendam contra Langobardos Italiam missus est. Vide Paulum Diaconum in histor. Langob. & Hieronymum Rubeum in historia Ravennatensi. *Guffanv.* Hoc loco Guffanvillæus videtur Italiæ præfecto & exarcho unum eundemque summum constituere magistratum; sed perperam, cum Italia suosimul haberet exarchos & præfectos, ut ex Greg. Epistolis planum fit. Supra Ep. 23. inscribitur Gregorio Italiæ Præposito, seu Præfecto. Infra in Ep. 37. & 38. Georgius Italiæ præfectus legitur, dum Romanus exarchus est. Lib. 5. Ep. 1. ad Johannem Ravennatem Episcopum. *Sed per excellentissimum Romanum Patricium & per eminentissimum Præfectum, atque per alios Civitatis suæ nobiles viros, &c.* Lib. 5. Ep. 40. legimus Gregorium Præfectum labores vigiliarum & custodiæ civitatis in Romana obsidione pertulisse: scilicet Præfectus erat urbis. De Præfecto urbis Cassiod. Var. l. 6. formula 14. *Ditioni tuæ non solum Roma commissa est, verum etiam intra centesimum potestatem te protendere antiqua jura voluerunt...* Tu etiam ex designatis Provinciis ab appellatione cognoscis. A præfecto annonæ rationes exigebat Urbanus præfectus. Inf. Ep. 37. *Sed quo & gloriosus vir Maurilio Expræfecto rationes suas absque suspitione oppressionis exponat, & prædictus excellentissimus vir Dominus Georgius Præfectus rationes sine lacera-*

tione suæ opinionis exsequatur. Vide Ep. 21. lib. 10. Multa addit Guffanvillæus de Exarchis Ecclesiasticis quæ non sunt hujus loci.

c Hortanum, Orta Paulo Diacono, vulgo Orta, urbs olim Hetruriæ ad fluvium Tiberim: nunc oppidum Patrimonii S. Petri, cujus sedes Episcopalis translata est ad civitatem Castellanam, *Città di Castello.* *Guffanv.* In tribus Vatic. legitur *Hortonensis.*

d Quare, absente Episcopo, infantes sine baptismo moriebantur? Quia baptismi ordinarius minister est Episcopus, & in illa solum civitatis Ecclesia qua Episcopus sedebat, olim erat baptisterium: hodieque Florentiæ, Pisis, Parmæ, Patavii, Bononiæ &c. in solis Ecclesiæ Cathedralis Baptisteriis infantes sacris aquis intingui solent. Utrumque probat Josephus Vicecomes de antiquis Bapt. rit. ac cerem. l. 1. c. 8. quod etiam observavit Mabillon. Itin. Ital. num. 25. Infantium vero baptismum celebrabat Episcopus ipse, ut videre est in Sacram. Gregorii cap. de Sabbato sancto. *Cujus consuetudinis, inquit laudat Vicecomes lib. 1. cap. 28. vestigium adhuc (Mediolani) durat, ubi infantes hebdomada Paschæ vel Pentecostes proxime antecedente in lucem editi, ad præcipuam urbis Ecclesiam deferri jubentur, ut iis solemniter ritum hujus Ecclesiæ Archiepiscopus baptismum ministret: a qua solemnitate quemcumque Presbyterum, tam urbis quam diocesis abstinere cautum est Conc. prov. 4.* Presbyteros tamen prioribus seculis extra civitates baptizasse, notum est ex Hieron. dialogo adversus Luciferianos: immo in ipsa Episcopali urbe aliquando baptizabant; non tamen sine Episcopi auctoritate, inquit Tertull. de Bapt. c. 17. Sane olim baptismus non nisi ex mandato Episcopi celebratum, testis est Ignatius in ep. ad Smyrnenes, non licet, inquit, absque Episcopo baptizare. Hic inquit Guffanv. quam ob rem dicuntur infantes absque baptismo mori, cum quilibet utriusque sexus viator, ipso teste Tertulliano, potuerit eos tingere? Arguta in speciem quæstio, sed re ipsa vana: cum satis superque constet, non ea semper fieri quæ fieri possent; quod exemplis planum fiet. Sine judice potest quivis jus suum cui-

que

que tribuere, sine duce milites generali armis instructi possent hostes fugare: quivis Christianus a quovis erudito potest necessaria discere, etiamsi Pastor ablit aut dormitet. Fingamus tamen nullum esse ducem, iugabitur exercitus; nullum esse pastorem, error, ignorantia, impietas invalescent. Simili ratione quisque fidelis sine Episcopi cura potest pœnitere, potest bene vivere, potest baptizare in necessitate. At paucos pœnitent, pauci bene vivunt, pauci baptizant, nisi Pastor immineat. Dilatio baptismi per Canones imperabatur: in tanta mora periculum, adde negligentiam ut propriæ sic & alienæ salutis. De Tertulliani mente non

disputo, quam fortasse lector non assequetur lib. de Bapt. cap. 17. & 18. Neocæsariensis Concilii & Laodicensi Canones non obtrudo. Unum dico: Laici jus habebant baptizandi in necessitate; usum non habebant, aut spe sanitatis decepti, aut timore deterriti, ne in Canones ausu temerario peccasse viderentur. Vide Conc. Paris. VI. cap. 29. ubi de absentia Sacerdotis, ac de hominibus sine confessione, & de infantibus sine baptismo plerumque mortuis. *Guffano*. Sed potissimum lege ep. 228. Augusti ad Honoratum, præsertim num. 8.

e In Colb. hæc ad epistolam sequentem *Venantio* &c. pertinent.

*Al. XXXIII.

E P I S T O L A * XXXIV.

Ad Venantium Exmonachum Patricium Syracusanum.

Venantium, quod monasticum habitum dimiserit, increpat; ut quantocius resipiscat, hortatur; quorumnam consilia ipsi audienda sunt, docet.

a

Gregorius * Venantio Exmonacho Patricio Syracusano.

Johan. Diae.
lib. 3. cap. 48.
b

Multi hominum stulti putaverunt, quod si ad ordinem Episcopatus eveherer, te alloqui & per epistolas frequentare recusarem. Sed non ita est; quia jam loci mei necessitate compellor, ut tacere non debeam. Scriptum quippe est: *Clama, ne cesses, quasi tuba exalta vocem tuam*. Et rursus scriptum est: *Speculatorem dedi te domui Israel, audies de ore meo verbum, & annuntiabis eis ex me*. Ex qua videlicet annuntiatione vel retenta vel exhibita, quid speculatorem vel auditorem sequatur, protinus intimatur: *Si dicente me ad impium, Morte morieris: non annuntiaveris ei, neque locutus fueris ei, ut avertatur a via sua impia, & vivat: ipse impius in iniquitate sua morietur; sanguinem autem ejus de manu tua requiram*. Si autem tu annuntiaveris impio, & ille non fuerit conversus ab iniquitate sua, & a via sua, ipse quidem in iniquitate sua morietur; tu autem ani-

mam tuam liberaſti. Hinc etiam Ephesius Paulus dicit: *Munda sunt hodie manus mee a sanguine omnium vestrum*. Non enim subterfugi, quominus annuntiarem omne consilium Dei vobis. Mundus ergo a sanguine omnium non esset, si eis Dei consilium annuntiare noluiſſet: quia cum increpare delinquentes noluerit, eos proculdubio tacendo Pastor occidit. Hac igitur consideratione compulsus, velis, nolis, locuturus sum: quia omni virtute aut te cupio salvari, aut de tua morte me eripi. In quo enim habitu fueris recolis, & supernæ distinctionis animadversione postposita, ad quid sis delapsus agnoscis. Culpam ergo tuam pensa, dum vacat; distinctionem futuri judicis, dum vales, exhorresce; ne tunc illam amarum sentias, cum cam jam nullis fletibus evadas. Pensa quod scriptum est. *Orate ne fiat fuga vestra hieme vel sabbato*. Ad ambulandum quippe in hieme torpor frigoris obſistit, &

Grat. diff.
43. can. 4.
Al. 20.
v. 26. & 27.

Johan. Diae.
lib. 4. cap.
42.

Matth. 24.

jux.

juxta præceptum legis, ambulare in sabbato non licet. Hieme ergo vel sabbato fugere conatur, qui iram districti judicis tunc appetit fugere, quando ei jam non licet ambulare. Dum vacat ergo, dum licet, animadversionem tanti terroris fuge; pensa quod scriptum est: *O-mne quod potest manus tua facere, instanter operare: quia nec opus, nec ratio, nec sapientia, sunt apud inferos, quo tu properas.* Teste Evangelio, scis quia divina severitas de otioso sermone nos arguit, & de verbo inutili rationes subtiliter exquirat. Pensa ergo quid factura est de perverso opere, si quosdam in judicio suo reprobatur de sermone. Ananias pecunias Deo voverat, quas post diabolica victus persuasione, subtraxit. Sed qua morte multatus est, scis. Si ergo ille mortis periculo dignus fuit, qui eos quos dederat, nummos Deo abstulit; considera quanto periculo in divino judicio dignus eris, qui non nummos, sed temetipsum Deo omnipotenti, cui te sub monachico habitu devoveras, subtraxisti. ^c (Considera judicium Dei, quid mereatur, qui semetipsum Deo vovit, continue mundi desideriis irretitus, mentitus est quid vovit.) Quapropter si correptionis meæ verba ^d securus audieris, quam sint blanda & dulcia in fine cognosces. Ecce fateor, mœrens loquor, & facti tui tristitia addictus, edere verba vix valeo: & tamen animus tuus actionis suæ conscius vix sufficit ferre quod audit, erubescit, confunditur, adversatur. Si ergo non valet verba ferre pulveris, quid facturus est ad judicium Conditoris? Fateor tamen, quia supernæ gratiæ esse misericordiam maximam credo, quod te effugere vitam conspiciat, & tamen ad vitam adhuc reservat: quod superbientem te videt, & to-

lerat: quod per indignos famulos suos verba tibi increpationis & admonitionis administrat. Tantum est ut pensare sollicite debeas quod Paulus ait: *Exhortamur vos, fratres, ne in vacuum gratiam Dei recipiatis: ait enim, Tempore accepto exaudi vi te, & in die salutis adjuvi te. Ecce nunc tempus acceptabile, ecce nunc dies salutis.*

Sed scio quia cum Epistola mea suscipitur, protinus amici conveniunt, littetati clientes vocantur, & de causa vitæ consilium a fautoribus mortis quæritur: qui dum non te, sed res tuas diligunt, nulla tibi, nisi quæ ad tempus placeant, loquuntur. Tales enim fuerunt, sicut ipse reminisceris, dudum consiliarii, qui ad tanti facinus te perduxerunt delicti. Ut tibi aliquid ^e secularis auctoris loquar, cum amicis omnia tractanda sunt, sed prius de ipsis. Si vero in causa tua hominem consiliarium quæris, consiliarium, rogo, me suscipe. Nullus tibi fidelior esse ad consilium potest, quam qui non tua, sed te diligit. Omnipotens Deus cordi tuo indicet, cor meum quanto te amore, quantaque caritate complectitur: in quantum tamen divina gratia non offendatur. Nam sic culpam tuam insequor, ut personam diligam: sic personam diligo, ut culpæ vitium non amplectar. Si igitur a me amari te credis, Apostolorum liminibus præsentare, meque consiliario utere. ^f Si autem esse fortasse in causa Dei nimis credor, & pro zeli mei ardore suspectus sum, cunctam simul Ecclesiam in consilio hujus disceptationis adhibeo, & quidquid omnibus fieri salubriter placet, ego in nullo contradico, sed quod in commune decernitur, lætus impleo, & subscribo. Implentem quæ monui, gratia te divina custodiat.

AN. CHR.
590. 591.
GREG. I.

2. Cor. 6. v. 2.
& 2.

Joh. Diac.
1. 3. c. 44.

Ecc 9. 10.

Caus. 17.
9. 1. can. 3.
Anania

AN. CHR.
590. 591.

GREG. I.



NOTÆ AD EPIST. XXXIV.

a Sic legitur titulus Epistolæ in omnibus Vatic. Regiis, Corb. Anglic. Norm. nisi quod in uno aut altero e Vaticanis deest *Syracusano*. Cæterum de Cancellarii dignitate quam ei gratis conferunt editores, in omnibus MSS. tam epistolarum quam Johann. Diac. in vita S. Greg. altum est silentium: unde refecandam duximus Gussanvilæi notam ad vocem *Cancellario*. Idem Gussanv. in priori nota observat in codicibus Gemeticensi & Audoeni legi *Venantio & Exarcho Italiae*. Certe codices hos ob oculos habemus, ubi nullum hujus tituli vestigium animadvertimus: immo ubique legitur, quemadmodum in titulo expressimus, nec *Præcellensis & Lyranus* cum *Gemet.* & *Audoeni* pugnant, ut fingit vir doctus. *Venantius*, abjecto monachali habitu, *Italicam* duxerat uxorem, ad quam ep. lib. 9. 123. ac duas ex illa filias *Barbaram & Antoninam* susceperat, ad quas ep. lib. 11. 34. Ex ep. 42. infra intelligimus nonnullos *Siciliæ Monachos*, ad tantum nefas profiliisse, ut uxores publice sortirentur. *Johannem Syraculanum Episcopum* ep. l. 11. 35. obtestatur *Gregorius*, ut hortationibus precibus, minis *Venantium* morti proximum ad habitum suum redire, vel in extremis procuret. Monachos qui uxores duxissent, excommunicat *Conc. Chalced.* can. 16. Eisdem in monasterium revocari jubet *Greg.* infra ep. 42. Fuit tamen erga *Venantium* hunc indulgentior. Inde *S. Bernardo* (cujus ævo disputatum fuit an validum esset *Monachi matrimonium*) *Gregorium Magn. & Augustini* librum de bono viduit. objecere nonnulli quibus ob summam erga SS. Patres reverentiam vix respondet l. de *Præcep.* & dispensat. c. 17. Vide *Horstii* not. in ep. ejusdem *Bern.* 76. & consule nostros de vita S. *Gregorii* commentarios. Certe *Gregorium* desperasse de salute *Venantii*, nisi a conjugio recederet, ac monachum rursus indueret, vel ex hac epistola manifestum est. *Maurin.* In *Cod. Albornotiano* 700. annorum apud *De Castro*, titulus est: *Gregorius Venantio Cancel. Italico*. Ergo non gratis inventus ab editoribus, quasi hi nullum exprefferint MS. codicem. In *Albor-*

not. eodem ep. 123. l. 9. & 30. l. 11. ad *Venantium* non comparent nisi hi tituli: *Gregorius Italicæ Patriciæ & Domino Venantio*. In posteriori: *Gregorius Venantio Episcopo*. Ex MSS. igitur nihil extendi potest. Ratio vero suadeat odiosum titulum *Exmonachi* esse ab alia manu, quam a S. *Gregorio*. *Patricii* quoque titulus adscititius videtur, cum in epistolis ad *Venantium* nullibi *Gloriæ* aut *Excellentiæ* tituli occurrant, quibus tamen semper utitur S. *Gregorius* ad *Patricios* scribens. Fuisse ex monachis monasterio votoque addictis *Venantius* non videtur, sed habitum tantum, quemadmodum ipsius S. *Gregorii* sorores erant, ex quibus *Gordiana* matrimonium contraxisse liquet ex homil. 38. in *Evangel.* Hinc patet cur indulgentior in *Venantium* fuerit S. *Pontifex*. Cæterum in *Albornot. Cod.* sic legitur: *Si ergo ille mortis periculo dignus fuit, qui eos quos dederat numeros Deo abstulit: considera judicium Dei, quid mereatur qui semet ipsum Deo vorvit, continuoque mundi desideriis irretitus, mentitus est quod vorvit. Si mihi credideris, si correptionis meæ &c.* Non proinde tamquam glossema habeantur. E. V. ex *De Castro*.

b In excusis, vos alloqui per epistolas frequenter recusarem: cui lectioni ex MSS. nostris nulli favent. In *Rem.* sic legitur hoc exord. *Multi hom. studii mei putaverunt, quod &c.*

c Hæc a MSS. absunt & pro glossemate, quod e margine in textum irrepsit, sunt habenda.

d Vitiose in vulgatis, *securus audieritis*. Infra habent, *adstrictus* pro, *addictus*; & *aversatur*, pro *adversatur*; quæ restituimus ex MSS. *Vatic.* & aliis mire inter se consentientibus.

e Hæc sunt *Senecæ* ep. 3. *Tu omnia cum amico delibera, sed de ipso prius. Post amicitiam credendum est: ante amicitiam, judicandum.*

f Hunc locum corruperunt editores omnes, qui legerunt: *si autem fortasse in causa Dei minus credor*. Certe lectionem nostram præferunt exemplaria omnia *Vaticana*, *Colbert. Norm. &c.* confirmant quæ sequuntur: *& pro zeli mei ardore suspectus sum.*

Al. EXXIV.

E P I S T O L A * XXXV.

AN. CHR.

590. 591.

GREG. I.



Ad Petrum Episcopum Terracinensem.

*Concessum prius Judæis locum restituat. A Christiana religione discordes
benigne alliciendi.*

a

Grégorius Petro Episcopo * Terracinenfi.

100 part. 1.
cap. 285.

b

Joseph, præsentium lator, Judæus nobis insinuavit, quod de loco quodam, in quo ad celebrandas festivitates suas^b Judæi in Terracinenfi castro consistentes convenire consueverant, tua eos fraternitas expulerit, & in alium locum pro colendis similiter festivitatis suis; te quoque noscente & consentiente migraverint; & nunc de eodem loco expulsos se denuo conqueruntur. Sed si ita est, volumus tua fraternitas ab hujusmodi se querela suspendat, & ad locum quem, sicut prædiximus, cum tua conscientia,

quo congregentur, adepti sunt, eos, sicut mos fuit, ibidem liceat convenire. Eos enim, qui a religionē Christiana discordant, mansuetudine, benignitate, admonendo, suadendo, ad unitatem fidei necesse est congregare: ne quos dulcedo prædicationis, & præventus futuri judicis terror, ad credendum invitare poterat, minis & terroribus repellantur. Oportet ergo ut ad audiendum de vobis verbum Dei benigne conveniant, quam austeritatem, quæ supra modum extenditur, expavescant.

N O T Æ A D E P I S T. XXXV.

^a Tarracina, quæ & Anxur, hodie Terracina, urbs adhuc Episcopalis in Campania Romana, fere media Romam inter & Capuam.

^b De Judæis infra ep. 45. lib. 3. ep. 26. lib. 4. epist. 6. In Decretal. lib. 5. tit. 6. can. 9. Clemens Papa III. *Fides suadenda est, non extorquenda*, S. Aug. lib. 2. contra epistolam Petiliani c. 83. *Ad fidem nullus est cogendus invitatus*: loquitur de Donatistis, Idem ep. 84. *Non eos persequimur odio nocendi, sed dilectione sanandi*. Ibidem: *Paulus ad veritatem magna Christi cogentis violentia compulsus est*. Jubente S. Gregorio lib. 3. ep. 26. Pagani, qui teste Nicephoro lib. 14. histor. cap. 12. facilius convertuntur, multo gravantur onere, si converti nolunt. Hæc vis indirecta. Judæis lib. 4. ep. 6. diminuitur onus pensionis, ut velint converti: eorumque perfidiam, qua frequenter ad vomitum redeunt, agnoscens, post Agathense Concil. cap. 34. Gregorius subjungit: *Et si ipsi minus fideliter veniunt, hi tamen qui de eis nati fuerint, jam fidelius baptizantur*. Et lib. 1. ep. 45. istam perfidiam inde oriri existimat, quod vi magis ad fontem baptismi, quam prædicatione de-

ducantur. Adderem ego vel spe commodi. Immo si historias consulimus quamplurimi eam ob rem pluries baptismum repetierunt. Quid enim refert an quæstus amore, an pænæ terrore veniant, qui prava veniunt voluntate? Præclare admodum Gregorius Nazianz. orat. 8. *Non tamen conducibilis est nec tutius, quam ut volentes volentibus præsent, quandoquidem neminem vi duci vult lex nostra, coactæque ac non sponte gubernari*. Hoc enim modo ne alia quidem imperia contineri ac conservari possunt (quod ita natura comparatum sit, ut quidquid vi tenetur, arrepta occasione statim se in libertatem asserat) nedum nostrum non dicam imperium, sed magisterium, quod nulla æque ac voluntatis libertate conservatur. Verum ἐμπατικώτερα sunt quæ sequuntur: βελομένον μὲν ἔ τραπευμένον τὸ τῆς εὐσεβείας μυστήριον Guffanv. Hac in observatione Guffanvillæus Gregorium, quasi pugnantly scripserit, ipsimet Gregorio videtur opponere, sed immerito. Aliud est enim Judæos mansuetudine, benignitate, præmiis ad fidem allicere; & renuentibus gravia onera, modo non indebita, imponere: aliud vi illata ad baptismum invitos cogere. Maur. Ob-

servat De castro, S. Gregorium loquen-
 AN. CHR. tem de conversione Paganorum, qui
 590. 591. *ceu animalia bruta uti ratione nesciunt*,
 GREG. I. ut ait Hom. x. in Evang. temper af-
 66733 firmare terroribus atque oneribus esse
 persequendos: at loquentem de Judæis,
tamquam ratione utentibus benignitate

ac mansuetudine Christianismum esse
 suadendum monere. Sic merito putat
 perspicax auctor conciliari posse, quæ
 in speciem pugnancia ex Registro erui
 possent. Observat insuper in Cod. al-
 bort. pro *Eos enim*, legi *Hos enim*,
 nempe Judæos. E. V.

E P I S T O L A XXXVI.

Ad Petrum Subdiaconum.

b *Commonitorium sibi datum assidue relegat. Quædam addit monita summam
 spirantia æquitatem ac prudentiam.*

Gregorius Episcopus b servus servorum Dei Petro Subdiacono.

c **P**ergenti tibi ad Siciliam capieu-
 rare quod dedi assidue relegen-
 dum est, ut cura maxima esse de
 Episcopis debeat, ne in causis se-
 cularibus misceantur, nisi in quan-
 tum necessitas defendendorum pau-
 perum cogit. De Monachis vero vel
 Clericis quæ in eodem capitulari sunt
 inserta, nequaquam existimo modo
 esse movenda. Sed experientia tua
 tanta hæc observatione custodiat,
 quanta meum desiderium ex hac re
 valeat adimplere. c Præterea perve-
 nit ad me ab Antonini defensoris tem-
 poribus nunc usque in hoc decennio
 multos a Romana Ecclesia quasdam
 violentias pertulisse, itaut quidam
 publice conquerantur fines suos vio-
 lenter invasos, mancipia abstracta,
 res etiam mobiles, manu, non ju-
 dicio aliquo ablatas. In quibus o-
 mnibus volo ut experientia tua ve-
 hementer invigilet, & quidquid per
 hoc decennium invenerit violenter
 ablatum, vel sub nomine Ecclesiæ
 injuste detineri, hoc ei cuius esse
 cognoverit, ex præsentis præcepti mei
 auctoritate restituat: ne cogatur qui
 vim pertulit ad me venire, & tanti
 itineris laborem assumere; cum u-
 trum vera dicat hic apud me non
 possit edoceri. Considerata ergo ven-
 turi judicis majestate, omnia cum
 peccato ablatas restituere, sciens quod
 magnum mihi lucrum reportas, si

mercedem potius quam divitias con-
 gregas. Plerosque vero cognovimus
 de amissis mancipiis conqueri: di-
 centes, quia si servus cuiuspiam for-
 tasse dominum suum fugiens, juris
 Ecclesiastici se esse professus est,
 Rectores Ecclesiæ protinus hunc ut
 servum Ecclesiastici juris habuerunt,
 nullo agentes judicio, sed servi vo-
 cem manibus defendentes. Quod
 mihi tantum displicet, quantum a
 veritatis judicio abhorret. Unde vo-
 lo ut experientia tua quæcumque
 ita facta cognoverit, postposita tar-
 ditate corrigat, & talia quoque man-
 cipia, si qua nunc in jure Ecclesia-
 stico habentur, sicut sine judicio ab-
 lata sunt, restitui ante judicium
 decet: ut si quid in eis sanctæ Ec-
 clesiæ legitime competit, tunc eo-
 rum possessores debeant ordinata a-
 ctione pulsari. Cuncta hæc irretra-
 ctabiliter corrige: quia tunc vere
 beati Petri Apostoli miles eris, si
 in causis ejus veritatis custodiam e-
 tiam sine ejus acceptione teneris.
 Si quid vero juste conspicias juri Ec-
 clesiastico posse competere, cave ne
 unquam hoc manu studeas defen-
 sare; maxime quia & decretum sub
 anathematis interpositione constitui,
 ne unquam a nostra Ecclesia urba-
 no vel rustico prædio tituli debean-
 tur imponi; sed quidquid ratione
 pauperibus competit, ratione etiam
 de-

debet defendi : ne dum bona res non bene agitur , apud omnipotentem Deum quod iuste a nobis queritur , de iniustitia redarguatur . Laici autem nobiles vel vir gloriosus precor pro humilitate te diligant , non pro superbia perhorrescant . Et tamen cum eos fortasse contra quoslibet inopes iniustitiam aliquam agere cognoscis , humilitatem protinus in erectionem verte , ut eis semper , & bene agentibus subditis , & male agentibus adversarius exstas . Sed ita fac ut nec humilitas tua remissa sit , nec auctoritas rigida : quatenus & humi-

litatem rectitudo condiat , & ipsam tuam rectitudinem humilitas blandam reddat . Præterea sicut moris fuit ut ad natalem Pontificis Episcopi convenirent , ad ordinationis meæ diem venire eos prohibe ; quia stulta & vana superfluitas non delectat . Sed si eos convenire necesse est , in beati Petri Apostolorum Principis natalem conveniant , ^d ut ei , ex cuius largitate pastores sunt , gratiarum actiones solvant . Bene valeas . Datum sub die XVII. Kalendarum Aprilium , Imperatoris Mauricii anno nono .

AN. CHR.
590. 591.
GREG. I.

6673

d

N O T Æ A D E P I S T . XXXVI.

a Hanc epistolam ex cod. Colbert. erutam vir clariss. Steph. Baluzius edidit tom. 5. Miscellaneorum p. 496.

b De hac epistolas inscribendi formula , qua primum usum esse Gregorium asserit Johan. Diac. lib. 2. cap. 1. diximus in Præfatione .

c Quæ sequuntur usque ad finem epistolæ melius intelliguntur ex epistola 44. huiusce libri .

d Idem profitentur antistites , dum se suis in epistolis & commonitoriis

præfatur Apostolicæ Sedis gratia esse episcopos . Sedem enim Apost. pro sancto Petro usurpari & vice versa , norunt eruditi omnes . Qua ratione multi prædicatores in Reipub. Christianæ exordio leguntur a sancto Petro varias in Provincias missi , hoc est ab Apostolica Sede . Eodem sensu Nicolaus Papa I. ep. 24. *Beatissimo Petro Apostolorum Principi contradicere nullus præsumat* . Consule Quesnelium Tom. 2. in notis & observ. ad S. Leonem p. 857.

Act. XXXV.

E P I S T O L A XXXVII.

Ad Johannem Episcopum Ravennatem .

Maurilioni Expræfecto opem ferat .

Gregorius Johanni Episcopo Ravennati .

SI professionem ordinis nostri , & locum cuius ministerium gerimus , attendamus , oportet nos afflictis , in quantum possumus , comitante iustitia subvenire . Quoniam ergo gloriosum virum Maurilionem ^a Expræfecto ^b in septis Ecclesiasticis insontem residere cognovimus , vestra ei fraternitas , in quantum possibilitas subest , opem ferre festinet . Non quia , quod absit , de viri excellentissimi domni Georgii Præ-

fecti iustitia dubitamus , aut in aliquo putamus eum rationis trami-tem declinare , virum quem in huius tantæ dignitatis administratione , ^c in bonis omnibus habemus expertum : sed quo & gloriosus vir Maurilio Expræfecto rationes suas absque suspitione oppressionis exponat , & prædictus excellentissimus vir dominus Georgius Præfectus rationes sine laceratione suæ opinionis exsequatur .

c

a
b

AN. CHR.
590. 591.
GREG. I.

N O T Æ A D E P I S T. XXXVII.

666

a Qui Præfectura abiit; sic Exconsule, Exprætor, & apud Tullium Proquæstore; Græcis ἀπὸ ὑπάτων, ἀπὸ πρὸς αἰσέων, Exconsule, Exquæstore. Alii scribunt Exconsul, Exquæstor. Vide ep. 69. infra: *Viri magnifici Exprætoris*, & supra ep. 33. *Gusſanv.*

b Erant asyllum unde neminem nisi de Prælati consensu extrahi fas erat. Vide lib. 1. Cod. tit. 12. cap. 3. ubi Imperatores Theodosius & Valentinianus plurima de septeſ Ecclesiasticis statuunt. *Caus. 17. quæst. 4.* referuntur multæ auctoritates Nicolai, Gelasii, Concilii Tribur. Johannis VIII. Tolet. XII. c. 10. Adde Aurelian. I. IV. V. Matiscon. II. S. Gregorium lib. 8. epist. 38. nunc lib. 10. Vocantur etiam *claustra dominica*, & continent atria & porticus Ecclesiæ, domum Episcopi, 30. vel 40.

passus in circuitu, & domos quæ in eis fuerint. Tandem cessavit ista immunitas ob abusus. Male confunduntur ista septa cum Decanicis, de quibus Novell. 79. c. 3. Gall. *le Chapitre*. Quæ quidem Decanica erant appendices Templi, in quibus tamquam in libera custodia Clerici quandoque detinebantur. Nec enim eos ante Bonifacium VIII. in ergastulis & custodiaris macerabant; sed Monasterium erat eis pro carcere, infra ep. 59. nunc 61. *Gusſanv.* Hæc verba, in *septeſ Eccles.* absunt ab omnibus quos videre licuit MSS. quæ tamen, ut notæ *Gusſanv.* parceremus, censuimus relinquenda.

c Vulgati recent. addunt, *sicut notis*, quæ in vet. exemplaribus non leguntur.

Al. xxxvi.

E P I S T O L A XXXVIII.

Ad Malchum Episcopum Dalmatiæ.

Stephanum Episcopum ad iudicium compellat, & quod iudicatum fuerit exsequatur.

Gregorius ^a Malcho Episcopo ^b Dalmatiæ.

a
b

c

Johannes vir eloquentissimus, consiliarius viri excellentissimi domni Georgii Præfecti per Italiam, insinuavit nobis contra Stephanum Episcopum ^c Scodrensis civitatis, quorundam se negotiorum habere controversias: & petiit inter eum & se iudicium debere consistere. Propterea fraternitatem tuam præſenti præceptione curavimus admonendam, ut prædictum Episcopum ad eligen-

dum compellas venire iudicium. Et quidquid inter prædictum Johannem virum magnificum, & sæpe fatum Episcopum electorum fuerit sententia diffinitum, ad effectum perducere non omittas: ut & actor de consecuta iustitia gratias referat, & pulsatus cum ad cognitionem deducitur, nihil contra se de illata iniustitia conquatur.

N O T Æ A D E P I S T. XXXVIII.

a Patrimonium Sedis Apostolicæ in Dalmatia tunc procurabat Malchus, ut liquet ex ep. 22. lib. 3. Euma Gregorio indigne habitum, & in custodia occisum, cum solvendo non esset, calumniatus fuerat Maximus qui Salonitanam Ecclesiam invaserat: quam criminationem diluit Greg. lib. 4. ep. 47.

b Dalmatia olim Illyrici proprie di-

cti pars, ubi Dalmatæ populi: quæ post primum bellum Dalmaticum in provinciam redacta est; processu vero temporis, addita Liburnia, crevit, & a sinu Liburnico seu Flanatico ad Drilonem usque protensa est. Quis fuerit Malchus ille Dalmatiensis ignoratur, nisi nomen habuerit ab ipsa Dalmatiæ provincia, quod probabile est, in qua

qua erat Episcopus : sed cujus sedis nescio. *Guffanv.*

c Nunc Italis *Scutari*, urbs alias Dalmatiæ Episcopalis, postea Prævalitanæ provinciæ Metropolis, donec Justinianus Imp. patriam suam Acrida, quam

Justinianam nominavit, ad eam dignitatem evexit. Concilio Ephesino subscripsit Senecio Episcopus *πρόεδρος*. *Guffanv.* In uno Vatic. & omnibus Norm. legitur *Scodensis*.

AN. CHR.
590. 591.
GREG. I.

663

Al. XXXVII.

E P I S T O L A * XXXIX.

Ad Anthemium Subdiaconum.

De neglectis pauperibus cum arguit, domnis Pateriæ, Palatinæ & Vivianæ largum & liberale subsidium offerri jubet.

Gregorius Anthemio Subdiaconò.

Johan. Diac.
lib. 2. cap. 55.

a

Discedenti tibi mandavimus, & postmodum a præceptis discurrentibus injunxisse me memini, ut curam pauperum gereres. Et si quos illic egere cognosceres, scriptis recurrentibus indicares : & vix de paucis hæc facere curasti. Volo autem ut domnæ b Pateriæ thiæ meæ, mox ut præsentem jussionem susceperis, c offeras ad calciarium puerorum solidos quadraginta, & tritici modios

b

c

quadringentos. Domnæ Palatinæ relictæ Urbici, solidos viginti, & tritici modios trecentos. Domnæ Vivianæ relictæ Felicis, solidos viginti, & tritici modios trecentos. Qui omnes simul octoginta solidi in tuis rationibus imputentur. Summam vero pensionis sub festinatione adducito, & ad Paschalem diem, Domino auxiliante, occurrito.

N O T Æ A D E P I S T. XXXIX.

a Hoc est, Epistola quam amissam putamus.

b Corrupte antea legebatur, *Paterichia meæ*. Sic autem restituimus ex probatoribus MSS. Sorb. Victor. Reg. Cister. Vatic. num. 618. 2534. 2538. & alio fine numero 620. Rem. Catal. Segueriano, nempe Illustris. Franciæ Cancellarii 800. annorum & optimæ notæ, in quo supra vocem illam *thiæ* legitur *amitæ* recentiore manu, quasi quis voluerit addere interpretationem vocis *thiæ*, Gr. *θείας*, quæ Latinis *amitam* significat. Addo & Carnotensem S. Petri MS. codicem sic habere.

Pateriæ amitæ meæ, *Guffanv.* Hæc non legerat vir doctus, cum in vita S. Greg. auctore Johan. Diacono, ipse retinuit vitiosam illam lectionem, *Paterichia meæ*. Attamen in Johannis Diaconi MSS. si consulisset, legisset *Pateriæ thiæ meæ*.

c Hoc intelligendum videtur non de certa ad calceos solum emendos, sed & in victus ac vestitus subsidium pensionem. Sic Leo III. Epist. 9. *Qui vobis cum collaudant, hoc per munera & calciaria faciunt*. Sane ad puerorum calceos cur tot solidi? & quid quadringenti tritici modii?

Al. XXXVIII.

E P I S T O L A XL.

Ad Felicem Episcopum Messanensem.

Ut Paulinus peregrinus Episcopus S. Theodori monasterium regat.

Gregorius Felici Episcopo Messanensi.

ET tibi gratum confidimus, si fratris tui viri venerabilis Episcopi Paulini peregrinationis onera

relevantur, ut ejus regiminē comuni mercede beati Theodori monasterium in civitate tua fundatum

flu-

AN. CHR.
590. 591.
GREG. I.

163

studiosius omnipotenti Deo deserviat. Quod etiam te voluisse facere, jam ejus relatione didicimus. Ideoque Rectori patrimonii nostri præcepimus, ut monachos monasterii memorati Episcopi perquisitos ad unum congreget: & in eodem mo-

nasterio cum iis, qui nunc ibi sunt, collocare non differat: quatenus eo Rectore dignius animarum suarum curam exerceant. Quam rem venerationi tuæ innotescendam prævidimus, ^a ne te omisso aliquid in tua contristeris diœcesi ordinari.

a

NOTÆ AD EPIST. XL.

^a Idem Epistola sequenti. Sic suum cuique jus asseritur, nec in aliorum possessiones ullus involat. In Synodo Gangrensi can. 6. 7. 8. κατὰ γνώμην τῆ ἐπισκόπου, ὡς δὲ γνώμην, παρεκτός τῆ ἐπισκόπου. Antiochen. c. 9. ὁ ἕκαστος ἔχει τῆς αὐτοῦ παροικίας. Concil. CP. I. can. 2. μηδὲ συγχέειν τὰς ἐκκλησίας. Loquitur de Metropolitibus, qui amant dilatare fibrias suas. In Ephesino c. 8. ne sanctorum Patrum Canones prætereantur, neque sub specie administrationis rerum

sacrarum, potentiae secularis typhus irrepit, sensimque imprudentes libertatem eam amittamus, quam nobis proprio sanguine, &c. Notet lector. Porro hunc canonem innuunt & explicant Africani Patres Epistolis Synodicis ad Bonifacium & Cœlestinum. Accurrit Chalced. synodus c. 4. ad quod respexisse videtur hac in Ep. S. Gregorius: si quidem mira ejuserat erga sanctissimos canones reverentia, & veteris disciplinæ tenax sollicitudo. *Gusf.*

Al. XXXIX,

EPISTOLA * XLI.

Ad Petrum Subdiaconum.

Dispersos per Siciliam monachos in Messanensi sancti Theodori monasterio congreget.

Gregorius ^a Petro Subdiacono.

a

b
c
d

^b Venerabilis Paulinus Episcopus ^c Tauri civitatis, provinciae ^d Brutiorum, nobis asseruit monachos suos occasione dispersos barbarica, eosque nunc per totam vagari Siciliam, & eos, quippe sine Rectore, nec animarum curam gerere, nec ^e disciplinæ sui habitus indulgere. Qua de re præcipimus eosdem monachos te omni cura & sollicitudine perquisitos ad unum reducere, & cum memorato Episcopo, Rectoreque suo in monasterio

e

sancti Theodori in Messanensi civitate posito collocare: ut & hi qui nunc ibi sunt, quos egere Rectore comperimus, & illi quos de congregatione ejus inventos reduxeris, in unum possint eo duce omnipotenti Domino deservire. Quam rem ^f venerabili Felici ejusdem civitatis Episcopo nos significasse cognosce: ne præter suam notitiam in diœcesi ^g sibi commissæ ordinatum quippiam contristetur.

f
Sup. Ep. 40.

g

NOTÆ AD EPIST. XLI.

^a Vitiose irrepsit in ed. *Petro Diacono.*

^b Hic non consentiunt exemplaria vet. In Vatic. D. Corb. Turon. Michaelino, Gemet, ac cæter. Norm. legitur, *Vir magnificus Paulinus Episcopus.* In Rem. deest hæc Epistola.

^c Varie quoque scribitur hujus civitatis nomen in MSS. Nam in Vatic. legitur, *Tarrinæ*, al. *Tauranæ*, al. *Taurinæ*. Urbs fuit olim Episcopalis Brutiorum, eversa a Sarracenis inter Regium & Hipponium.

^d In nonnullis Vatic. & Norm. *Brit-*
tio-

horum. Paule post in uno Vaticano, legitur occisione, pro occasione.

e De monachorum disciplina variis in epistolis agit S. Gregorius. Hic vagos, acephalos, abnormes improbat & coer- cet. Vagos interpretor, qui in claustris stabiles non degunt, sed statione deser- ta comissi inter gentes, discunt opera earum, iisdemque serviunt sculptilibus. Acephalos dico, qui licentiæ amantes, Rectoris jugum non ferunt. Abnormes

intelligo, qui sui monasterii ordinis, status, regulæ observantias, quas Re- gulas vocant, vix æstimant teruntii, nec ad eas ulla se religione teneri pu- tant. Non enim video, quid aliud per *disciplinam sui habitus* S. Gregorius de- signet. *Guffanv.*

f In illis codd. ubi Paulinus *vir ma- gnificus* dicitur, legitur hic: *Quam rem & viro magnifico.*

g Viciose in vulgatis *sibi concessa.*

AN. CH. R.
590. 591.
GREG. I.

Al. xl.

* E P I S T O L A * XLII.

Ad Anthemium Subdiaconum.

Monachos vagos, peculiaritati studentes, & uxoratos coerceat: e clericatu vero ad monachismum conversos, Ecclesiam in qua militarunt repetere non sinat.

Gregorius Anthemio Subdiacono.

b J Ohanes frater & Coepiscopus
c noster directo per Justum cle-
ricum suum e capitulari, inter alia plura hoc nobis noscitur inti-
d malle, aliquos monachos monaste-
riorum in d Surrentina diecesi po-
sitorum, de monasterio in monaste-
rium, prout eis libuerit, transmi-
grare, & a proprii Abbatis regula desiderio rei secularis abscedere: sed, & quod non licere notum est,
e peculiaritati eorum singulos stu-
dere. Propterea experientiæ tuæ præ-
senti jussione mandamus, ut neque monacho ulterius de monasterio in monasterium liceat migrare, neque eorum aliquem peculiare quidquam habere permittas. Sed si quilibet hoc præsumserit, in monasterio in quo ab initio conversatus est, & sui Ab-
batis sub regula de qua fugerat, cum competenti coercitione reddatur, ne si tantam iniquitatem fluxam incemdatamque dimittimus,

pereuntium animæ a præpositorum anima requirantur. f Si quos au-
tem (g qualibet occasione) a cle-
ricatu in monachicam conversionem venire contigerit, non liceat eis ad eandem vel aliam Ecclesiam, qua-
rum pridem milites fuerant, sua voluntate denuo remeare: nisi talis vitæ monachus fuerit, ut Episco-
pus, cui ante militaverat, sacerdo-
tio dignum præviderit, ut ab eo debeat eligi, & in loco, quo judi-
caverit, ordinari. Et quia h aliquos
monachorum usque ad tantum ne-
fas profiliisse cognovimus, ut uxores publice fortiantur, sub omni eos vigilantia requiras, & inventos digna coercitione in monasteriis, quorum monachi fuerunt, retrans-
mittas. Sed & de Clericis ad mo-
nachatum venientibus, sicut supra diximus, peragere non omittas. Ita enim Dei placabis oculos, & impletæ mercedis particeps invenieris.

f
g

h

Grat. 16. q.
1 can. 32. &
27. q. 1. can.
39.

N O T Æ A D E P I S T O L A XLII.

a Huic Epistolæ præmittitur in Colb. mense Aprili. In plerisque mss. pertur-
bato & præpostero ordine legitur hæc Epistola: optimo vero in Vatic. B.

b Hic fuit quintus Episcopus Surren-
Tom. VII.

tinus, electus anno 580. qui Synodo Romanæ a S. Greg. habitæ subscripsit an. 595. & obiit an. 598. cui successit Amandus; de quo Ep. 18. & 19. lib. 10. *Guffanv.*

G

Est

c Est scriptum capitulis distinctum,
AN. CHR. κεφάλαιον γραφίον. *Guffan.*
590. 591. d Surrentum, vulgo Sorrento, urbs
olim Episcopalis in Campania, nunc
Greg. I. Archiepiscopalis. *Guffan.*

e De peculiaritate monachorum vide
lib. 12. Ep. 24. Johanni Subdiacono,
& Reg. S. Bened. cap. 33. ubi sanctus
Pater nequissimum hoc vitium graphice
depingit. Cap. 55. ejusdem regulæ di-
cit frequenter scrutanda monachorum
lecta, propter opus peculiare, ne forte
inveniatur. Qua pœna monachum pro-
prietarium, ut modo dicimus, multa-
verit S. Gregorius, repete ex Johan.
Diac. l. 1. cap. 15.

f Clericis & Sacerdotibus sua patere
monasteria concessit S. Bened. Reg. c.
60. Unde probat Lupus Abbas Ferrar.
Ep. 29. non solos criminosos in mona-
steriis ad poenitentiam & conversio-
nem esse recipiendos.

g Duo verba hæc pene in nullis MSS.
leguntur, de quorum additione gravi-
ter stomachatus Thomas Zemesius in
Vindiciis Greg. Verba hæc, qualibet oc-
casionē, ad amplificandum monachorum
ordinem spectant, inquit; adjecta sunt
atque affuta textui ab aliquo tenebrione:
in membranis non comparent. Qui effu-
sam pro tantilla re hominis heterodoxi
bilem non rideat? Ibidem monet legi
in MSS. Anglic. conversationem, pro
conversionem. Certe in MSS. Norm. in
Vatic. & in plerisque legimus conver-
sionem.

h Ex his Monachis Siculis uxoratis,
erat Venantius Syracusanus Patricius,
ad quem supra ep. 34. Nec dubitare li-
cet tantæ auctoritatis virum sui simi-
libus patrociniū impendisse. *Maurin.*
Vide notam nostram ad epistolam 34.
E. V.

²
* Al. xli.

* E P I S T O L A * XLIII.

Ad Leandrum Episcopum Hispalensem.

De onere Episcopali gemit. Latatur de Recharedi Regis conversione. Indu-
ctum ab Hispanis ex Arianorum occasione unicæ in baptismo
conversionis ritum probat. Nonnullos mittit codices.

b

Gregorius ^b Leandro Episcopo ^c Hispalensi.


^c
Johan. Diac.
lib. 1. c. 52.

R Espondere epistolis vestris to-
ta intentione voluissē, nisi
pastoralis curæ ita me labor atter-
reret, ut mihi magis flere libeat,
quam aliquid dicere. Quod vestra
quoque reverentia in ipso littera-
rum mearum textu vigilanter intel-
ligit, quando ei negligenter loquor,
quem vehementer diligo. Tantis
quippe in hoc loco hujus mundi
fluctibus quator, ut vetustam ac pu-
trescentē navem, quam regendam
occulta Dei dispensatione suscepi,
ad portum dirigere nullatenus pos-
sim. Nunc ex adverso fluctus ir-
ruunt, nunc ex latere cumuli spu-
mosi maris intumescunt, nunc a
tergo tempestas insequitur. Inter-
que hæc omnia turbatus cogor mo-
do in ipsam clavum adversitatem di-
rigere; modo, curvato navis late-

re, minas fluctuum ex obliquo de-
clinare. Ingemisco, quia sentio quod
negligente me crescit sentina vitio-
rum, & tempestate fortiter obvian-
te, jamjamque putridæ naufragium
tabulæ sonant. Flens reminiscor quod
perdidi meæ placidum littus quietis,
& suspirando terram conspicio,
quam tamen rerum ventis adver-
santibus tenere non possum. Si er-
go me, frater carissime, diligis;
tuæ mihi orationis in his fluctibus
manum tende; ut quo laborantem me
adjuvas, ex ipsa vice mercedis in
tuis quoque laboribus valentior ex-
sistas.

Explere autem loquendo nullate-
nus valeo gaudium meum, quod
communem filium ^d Recharedum
gloriosissimum regem ad Catholicam
fidem integerrimā agnovi devotione
con-

d

AN. CHR.
590. 591.
GREG. I.


conversum. Hujus dum mihi per scripta vestra mores exprimitis, amare me etiam quem nescio fecistis. Sed quia antiqui hostis insidias scitis, quoniam bellum durius contra victores proponit, nunc erga eundem solertius ^c Sanctitas vestra evigilet, ut bene cœpta perficiat, nec se de perfectis bonis operibus extollat, ut fidem cognitam, vitæ quoque meritis teneat: & quia æterni regni civis sit operibus ostendat; quatenus post multa annorum curricula de regno ad regnum transeat.

^f De trina vero mersione baptismatis, nil responderi verius potest quam ipsi sensistis: quia in una fide nihil officit sanctæ Ecclesiæ consuetudo diversa. Nos autem quod tertio mergimus, triduanæ sepulturæ sacramenta signamus, ut dum tertio infans ab aquis educitur, resurrectionis tridui temporis exprimitur. Quod si quis forte etiam pro summæ Trinitatis veneratione æstimet fieri, neque ad hoc aliquid obfistit, baptizandum semel in aquis mergere: quia dum in tribus subsistentiis una substantia est, ^g reprehensibile esse nullatenus potest, infantem in baptismo vel ter vel semel mergere, quando & in tribus mersionibus personarum trinitas,

& in una potest divinitatis singularitas designari. Sed quia nunc usque ab hæreticis infans in baptismo tertio mergebatur, siendum apud vos esse non censeo: ne dum mersiones numerant, divinitatem dividant, dumque quod faciebant faciunt, ^h se morem nostrum vicisse gloriantur.

Dulcissimæ autem mihi fraternitati vestræ codices direxi, quorum notitiam subter inserui. Ea autem quæ in beati Job expositione dicta fuerant, & vobis dirigenda scribitis, quia hæc verbis, ⁱ sensibusque tepentibus per homilias dixeram, utcumque studui in librorum ductum permutare, quæ nunc adhuc a librariis conscribuntur. Et nisi portitoris præsentium me festinatio coangustasset, cuncta vobis transmittere sine aliqua imminutione voluissem: maxime quia & hoc ipsum opus ad vestram reverentiam scripsi; ut ei quem præ cæteris diligo, in meo videar labore desudasse. Præterea si vobis indulgeri tempora ab Ecclesiastica occupatione cognoscitis, quid sit jam scitis; quamvis etiam absentem corpore, præsentem mihi te semper intucor, quia vultus tui imaginem intra cordis viscera impressam porto. Data ^k mense Maii,

NOTÆ AD EPIST. XLIII.

^a Hujus epistolæ meminit S. Isidorus Hispal. lib. de Scriptor. Eccles. *Scriptis*, inquit, *etiam & quasdam epistolas ad prædictum Leandrum, e quibus unam in eisdem libris Job titulo præfationis adnectit. Altera loquitur de mersione baptismatis, &c.* De eadem loquitur Concil. Toletanum IV. cui præfuit S. Isidorus can. 6. Unde patet Alcuinum immerito de hac epistola dubitasse ep. 10. dicens: *Epistolam vero quam a B. Gregorio de simpla mersione dicunt esse conscriptam, in epistolari suo libro qui de Roma nobis allatus est non invenimus. Ideo dubii sumus an illius sit, an ab aliquo hujus sæcæ auctore sub illius nomine conscripta sit.* Hanc etiam epistolam laudat S. Licinianus Episcopus ad S. Gregorium scribens. Vide Indict. x.

ep. ultimam. *Maur.* Reccaredus rex Leovigildo patri in regnum successerat ann. 586. mense Aprili vel Majo, ut evincit Pagius. Decem ab obitu patris mensibus, teste Biclariensi, Catholicam fidem Reccaredus amplexatus est. Mense Majo anni 589. habuit orationem rex ad patres concilii Toletani tertii, in qua de sua suæque gentis conversione loquitur. Igitur Reccaredi & Gothorum conversio contigit ann. 587. a quo ad hanc epistolam triennium & amplius intercedit. Itaque vix credi potest rem tam insignem ad id usque temporis ignorasse S. Gregorium, qui de illa ut nupera, nec satis adhuc constituta manifeste loquitur. Facile ego crediderim secundam partem hujus epistolæ esse laciniam alicujus alterius epistolæ.

AN. CHR. 590. 591. GREG. I. stolæ S. Leandri ad Pelagium II. quæ Gregorio tribuatur, quia revera Pelagii præcessoris sui epistolas scribere consueverat. Sic Isidori, Licinianique auctoritas cum Alcuini dubitatione constare etiam potest. Vide quæ adnotamus ad epp. 61. 121. 122. l. 9. E. V.

6773

b De S. Leandro lege epistolam præviam ad libros Moral. & nostras, quibus eandem illustravimus, breves notas.

c Hispalis, hodie *Sevilla*, Hispaniæ urbs amplissima, & emporium celebre ad Fluvium Bætis, vulgo *Guadalquivir*, olim Bætici, nunc autem Vandaliciæ seu Andalusie Metropolis, Archiepiscopali titulo insignita. *Guffanvil.* Non legitur *Hispal.* in Vat. Reg. Corb. Norm. & plerisque MSS. In nonnullis tantum scriptum, *Episcopo de Hispaniis*. In Colb. *Episcopo de Spanis*. In cod. Rev. PP. Capucin. Rotom. *Ad Leandrum Spalensem Ep.*

d De ejus & Visigothorum conversione vide S. Gregorium lib. 3. Dialog. cap. 31. & fusius Scriptores Hispaniæ & maxime Rodericum Toletanum l. 2. cap. 15. *Guffan.*

e Nunc hoc titulo soli summi Pontifices ornantur. Olim communis erat non solum Episcopis, sed etiam Presbyteris & Diaconis. Lege Ennodium l. 5. Ep. ubi alloquens Hormisdam Diaconum ait, *Quia novit optime Sanctitas vestra*. Immo in ferm. 9. appendicis operum S. Ambrosii, ipse, vel Maximus plebem Christianam hoc modo compellat, Apostolum æmulatus qui Romanos & alios Christo adhærentes per fidem sanctos vocat. Non aliis tamen quam Episcopis Gregorius dicere solet, *Sanctitas vestra*.

f Idem confirmatur a Conc. Tolet. IV. can. 6. quod & utitur auctoritate Gregorii; additque utramque immersionem irreprehensibilem haberi: *Propter vitandum autem schismatis scandalum, vel hæretici dogmatis usum, simplam teneamus merfionem, ne videantur apud nos qui tertio mergunt, hæreticorum approbare assertionem, dum sequuntur morem*. Nempe quia Ariani trinam immersionem adhibebant, ad significandum tres esse in tribus personis naturas. Notandum vero ante S. Gregorium Concilia & Patres locutos esse de trina immersione, quasi necessaria & ex Dei institutione: quod quidem explicatur a S. Thoma 3. part. quæst. 66. art. 8. De trina mersione agitur de cons. dist. 4. cap. 78. & seqq. Dionysius Eccles. Hier. cap. 2. Canon. 50. Apost. Tertull. adversus Praxeam c. 27. lib. de bapt. & lib. de corona c. 3. Basilii de Spiritu sancto cap. 27. Augustinus ferm. 201. de tempore. Ambros. libr. 2. de Sacram. cap. 7. Hieronymus contra Lucif. Cæterum pro unica mersione non videtur S. Thomas testimonium ullum adferre ante Conc. Toletan. IV. quod Gregorio Magno posterius fuit. *Guffanv.*

g Hæc ipsa verba S. Isidorus Hispanensis refert loco superius laudato, quod omnem fraudis & interpolationis factæ suspensionem amovere, debet.

h In uno Vatic. Norm. & nonnullis aliis, *se morem vestrum*. Idem est sensus.

i In nonnullis ed. *sensibusque petentibus*. Nostræ lectioni suffragantur Vatic. Gallic. &c.

k Ita in solo Turon. S. Gat.

Al. xlii.

E P I S T O L A * XLIV.

Ad Petrum Subdiaconum Siciliæ.

Plurima contra jus facta emendari jubet. De Subdiaconorum cœlibatu decernit.

Gregorius Petro Subdiacono Siciliæ.

Johan. Diac. lib. 2. c. 35.

a

Q UOD a responsalem tuum tarde dimisimus, Paschalis festivitatis occupationibus implicati, eum relaxare citius minime valuimus. Causas vero, de quibus indicandum curasti, omnes subtiliter perquirentes, qualiter disposuerimus, inferius cognosces.

b

Cognovimus b rusticos Ecclesiæ

vehementer in frumentorum pretiis gravari, itaut instituta summa eis in comparatione, abundantia tempore non servetur. Et volumus ut juxta pretia publica omni tempore, sive minus sive amplius frumenta nascantur, in eis comparationis mensura teneatur. c Frumenta autem quæ naufragio percunt, per omnia

c

volumus reputari; ita tamen ut a te negligentia ad transmittendum minime fiat, ne dum transmittendi tempus negligitur, damnum ex vitio vestro generetur. Valde autem iniquum & injustum esse prospeximus, ut a rusticis Ecclesiæ de sextariaticis aliquid accipiat, & ad majorem modum dare compellantur, quam in horrea Ecclesiæ infertur. Unde ^e præsentī admonitione præcipimus, ut plus quam decem & octo sextariorum modios nunquam a rusticis Ecclesiæ frumenta debeant accipi. Nisi forte si quid est quod nautæ juxta consuetudinem superaccipiunt, quod minui ipsi in navibus attestantur.

Cognovimus etiam ^f in aliquibus massis Ecclesiæ exactionem injustissimam fieri, ita ut a ^g septuaginta terni semis, quod dici nefas est, conductores exigantur: & adhuc neque hoc sufficit, sed insuper aliquid ex usu jam multorum annorum exigi dicuntur. Quam rem omnino detestamur, & amputari de patrimonio funditus volumus. Sed tua experientia sive in hoc quod per libram amplius, sive in aliis minutis oneribus, & quod ultrarationis æqualitatem a rusticis accipitur, penset; & omnia in summam pensionis redigat, & prout vires rusticorum portant, pensionem integram & pensantem ad septuagena bina persolvant; & neque ^h siliquas extra libras; neque libram majorem, neque onera supra libram majora exigere debeant: sed per æstimationem tuam prout virtus sufficit, in summam pensionis crescat, & sic turpis exactio nequaquam fiat. Ne vero post obitum meum hæc ipsa onera quæ super pensum illata subtraximus, & in capite pensionis fecimus crescere, iterum in quolibet addantur, & inveniatur summa pensionis augeri, & onera adjectionis insuper rustici solvere compellantur;

ut securitatis libellos ita de pensionibus facias, quatenus imprimas, dicens tantam pensionem unumquemque debere persolvere, inibi abjectis siliquis, ⁱ oneribus, vel granaticis. Quod autem ex his minutiis in usum Rectoris accedebat, volumus ut hoc ex præsentī jussione nostra, ex summa pensionis in usum tuum veniat.

Ante omnia hoc te volumus sollicite attendere, ne injusta pondera in exigendis pensionibus ponantur. Sed si qua talia inveneris, frange, & nova & recta constitue: quia & filius meus Servus Dei Diaconus jam talia invenit, quæ ipsi displicerent; sed licentiam hæc immutare non habuit. Super iusta ergo pondera ^k præter excepta, & vilia cibaria nihil aliud volumus a colonis Ecclesiæ exigi.

Præterea cognovimus, quod prima illatio ^l burdationis rusticos nostros vehementer angustat, ita ut priusquam labores suos venundare valeant, compellantur tributa persolvere: qui dum de suo unde dare debeant, non habent, ^m ab auctionariis publicis mutuo accipiunt, & gravia commoda pro eodem beneficio persolvunt: ex qua re fit, ut dispendiis gravibus coangustentur. Unde præsentī admonitione præcipimus, ut omne quod mutuum pro eadem causa ab extraneis accipere poterant, a tua experientia ⁿ publico detur, & a rusticis Ecclesiæ paulatim ut habuerint accipiat; ne dum in tempore coangustantur, quod eis postmodum sufficere in inferendum poterat, prius compulsi, vilius vendant, & hoc eis minime sufficiat.

Pervenit etiam ad nos, quod de nuptiis rusticorum immoderata commoda percipiantur: de quibus præcipimus, ut ^o omnia commoda nuptiarum unius ^p solidi summam nullatenus excedant. Si qui sunt pauperes, etiam minus dare debent: si qui

AN. CHR.
590. 591.
GREG. I.

1673

qui autem divites, præfati solidi summam nullatenus transgrediantur: quod nuptiale commodum nullatenus volumus in nostram rationem redigi, sed utilitati conductorum proficere.

Cognovimus etiam quod nonnullis conductoribus morientibus parentes sui non permittuntur succedere, sed res eorum ad usus Ecclesiæ pertrahuntur: de qua re diffinimus, ut parentes morientium, qui in possessione Ecclesiæ degunt, heredes eis succedere debeant, nec aliquid eis de substantia morientium subtrahatur. Si vero filios parvulos aliquis reliquerit, quousque ad ætatem talem perveniant, ut substantiam suam regere valeant, personæ eligantur cautæ, quibus parentum eorum res tradi debeant ad custodiendum.

Grat. 16. q.
16. can. 5.
Cognovimus.

q

Grat. 16.
q. 1. can.
Cognovimus.

ex familia culpam fecerit, non in ipso, sed in ejus substantia vindicatur: de qua re præcipimus, ut quisquis culpam fecerit, in ipso quidem ut dignum est vindicetur. A modo autem ejus omnino absteineatur: nisi forte parum aliquid, quod in usum exsecutoris qui ad eum transmissus fuerit, proficere possit.

Cognovimus etiam, quia quoties conductor aliquid colono suo injuste abstulerit, hoc quidem a conductore exigitur, sed ei non redditur a quo ablatum est: de qua re præcipimus, ut quidquid violenter cuilibet ex familia ablatum fuerit, ipsi restitua-
tur cui ablatum est, & utilitati nostræ non proficiat, ne nos ipsi auctores violentiæ esse videamur. Præterea volumus ut si quando eos, qui in obsequio sunt experienciæ tuæ, in aliquibus causis quæ sunt extra patrimonium transmittas, parva quidem commoda ex eis accipiant, sed tamen ita ut in eorum utilitatem proficiant: quia nos sacculum Ecclesiæ ex lucris turpibus nolumus inquinari. Jubemus etiam ut hoc

r

experientia tua summeperere custodiat, ut per commodum conductores in massis Ecclesiæ nunquam fiant; ne dum commodum quæritur, conductores frequenter mutantur: ex qua mutatione quid aliud agitur, nisi ut Ecclesiastica prædia nunquam colantur? Sed & ipsa etiam libellatica, prout summa pensionis fuerit, moderentur. Per cellas & cellaria non plus de massis Ecclesiæ te accipere volumus, nisi quantum consuetudo est: tua autem quæ comparari iustissimus, ab extraneis comparentur.

Pervenit autem ad nos, tres libras auri Petro conductori de Subpatriana injuste ablatas: de qua causa Fantinum defensorem subtiliter require: & si manifeste, injuste, & incompetenter ablata sunt, sine aliqua tarditate restitue. Cognovimus etiam rusticos, burdationem quam jam ab eis exactam Theodosius minime persolverat, iterum dedisse, ita ut in duplo exacti sint. Quod ideo factum est, quia ejus substantia ad debitum Ecclesiæ non sufficiebat. Sed quoniam per filium nostrum Servum Dei, Diaconum, docti sumus, quod ex rebus substantiæ ejus possit hoc ipsum damnum sufficenter refarciri, volumus quingentos septem solidos eisdem rusticis sine aliqua imminutione restitui, ne in duplo videantur exacti. Si autem supra damnum rusticorum etiam quadraginta solidi de rebus Theodosii remanent, quos & apud te diceris habere, volumus ut filia ejus reddantur, ut res suas, quas in pignore dederat, recipere debeat. Cui etiam batiolam patris sui restitui volumus.

Campanianus gloriosus magister militum duodecim solidos annuos Johanni notario suo reliquerat ex massa Varroniana: quos dare te annis singulis sine aliqua dubitatione præcipimus nepti Eupli conductoris, quamvis omni mobile ejusdem Eupli

f

t

u

pli

pli perceperit; exceptis dumtaxat solidis: dare etiam de solidis illius te volumus solidos vigintiquinque.

x * Suppositorium aliquod argenteum pro uno solido dicitur esse appositum, & calix pro sex solidis dicitur esse appositus. Interrogato Dominico secretario, vel aliis qui scire possunt, debitum recipe, & vascula præfata restitue.

Agimus autem gratias sollicitudini tuæ, quia de causa fratris mei præcepi tibi ut argentum illius retransmittere debuisses, & sic oblivioni mandasti ac si tibi aliquid ab extremo mancipio tuo diceretur; quod jam vel modo non experientia sed negligentia tua studeat implere, vel quidquid ejus apud Antoninum fuisse cognoveris, sub omni velocitate retransmitte.

y De causa Salpingi Judæi, epistola aliqua est inventa quam tibi fecimus transmitti, ut eam relegens, & subtiliter causam ejus, vel viduæ cujusdam quæ in eodem negotio dicitur implicata, cognoscens, de quin-
z quaginta uno solidis qui reddi y debere noscuntur, sicut justum tibi fuerit visum, responsum facias: ita ut res alienæ injuste nullo modo a z creditoribus defraudentur.

Antonio medietas legati sui data est, medietas redimetur: quam medietatem ex communi substantia ei volumus adimpleri, & non solum ei, sed etiam defensoribus & peregrinis, quibus legati titulo aliquid dereliquit; & familiæ legatum persolvi volumus, quod tamen ad nos pertinet. Collecta ergo ratione pro nostra parte, id est pro novem aa onciis persolve.

De solidis Ecclesiæ Canusinæ volumus, ut aliquid Clericis ejusdem Ecclesiæ largiaris: quatenus & ii qui nunc inopiam patiuntur, sustentationem aliquam habeant; & si illic Deus voluerit ordinari Episcopum, habeat unde subsistat.

De bb lapsis Sacerdotibus vel quolibet ex clero, observare te volumus ut in rebus eorum nulla contaminatione miscearis: sed pauperima regularia monasteria require, quæ secundum Deum vivere sciunt, & in eisdem monasteriis ad pœnitentiam lapsos trade; & res lapsorum in eodem loco proficiant, in quo agere pœnitentiam traduntur: quatenus ipsi ex rebus illorum subsidium habeant, qui de correptione eorum sollicitudinem gerunt. Si vero parentes habent, res eorum legitimis parentibus dentur; ita tamen ut eorum stipendium, qui in pœnitentiam dati fuerint, sufficienter debeat procurari. Si qui vero ex familia Ecclesiastica Sacerdotes, vel Levitæ, vel Monachi, vel Clerici, vel quilibet alii lapsi fuerint; dari eos in pœnitentiam volumus, sed res eorum Ecclesiastico juri non subtrahi: Ad usum tamen suum accipiant, unde ad pœnitendum subsistant: ne si nudentur, locis, in quibus dati fuerint, onerosi sint. Si qui parentes in possessione habent, ipsis res eorum tradendæ sunt, ut in ipsis juri Ecclesiæ conserventur.

Ante triennium cc Subdiaconi omnium Ecclesiarum Siciliæ prohibiti fuerant, dd ut more Romanæ Ecclesiæ nullatenus suis uxoribus miscerentur. Quod mihi ee durum atque incompetens videtur; ut qui usum ejusdem continentiae non invenit, neque castitatem ante promissit, compellatur a sua uxore separari: atque per hoc, quod absit, deterius cadat. Unde videtur mihi, ut a præsentis die Episcopis omnibus dicatur, ut nullum Subdiaconum facere præsumant, nisi qui se victurum caste promiserit: quatenus & ff præterita quæ per propositum mentis appetita non sunt, violenter non exigantur, & futura caute caveantur. Qui vero post eandem prohibitionem, quæ ante triennium facta est,

AN. CHR.
590. 591.
GREG. I.

bb

cc
Grat. diff.
31. can. An-
te triennium.
dd

ee

Grat. diff.
can. Nul-
lum.

ff

AN. CHR.
590. 591.
GREG. I.
66733

est; continenter cum suis uxoribus vixerunt, laudandi atque remunerandi sunt: & ut in bono suo permaneant, exhortandi. Eos autem qui post prohibitionem factam se a suis uxoribus continere noluerint, nolumus pervenire ad sacrum ordinem: quia nullus debet ad ministerium altaris accedere, nisi cujus castitas ante susceptum ministerium fuerit approbata. j

gg

Liberato negotiatori qui se Ecclesie commendavit, qui habitat in massa Cinciana, ^{gg} annuam continentiam a te volumus fieri. Cujus continentie summam ipse aestima, qualis esse debeat, ut renunciata nobis in tuis possit rationibus imputari. De presenti vero indictione, jam a filio nostro Servo Dei Diacono percepi.

hh

Fantinum defensorem ^{hh} Johannes Monachus quidam moriens in sex uncias heredem dimisit: cui hoc quidem, quod dimissum est, trade: sed contestare eum, ut hoc facere ulterius non præsumat. Sed pro labore suo statue quid accipiat, ut ei vacuus labor suus esse non debeat: & hoc meminerit, ut qui Ecclesie stipendiis subsistit, ad lucra propria non anhelet. Si quid verò sine peccato, sine appetitu concupiscentie, per eos, qui causas Ecclesie agunt, ad Ecclesiam venerit, dignum est ut ex labore suo ipsi vacui esse non debeant: sed nostro servetur iudicio, qualiter debeant remunerari.

De argento Rusticiani causam subtiliter require, & quod tibi iustum videtur, exsequere. Alexandrum virum magnificum admone, ut causam suam cum sancta Ecclesia decidere debeat. Quod si facere sorte neglexerit, eandem causam cum timore Dei, honestate servata, ut potes, exsequere. In qua re etiam largiri te volumus aliquid; & si potest fieri, quod aliis dandum est, ipsi relaxetur: dummodo causam, quam nobiscum habet, ⁱⁱ perexeat.

Donationem ancillæ Dei, quæ lapsa est, & in monasterio data, omni postposita tarditate restitue: quatenus ipse locus, ut superius dixi, rerum ejus stipendia habeat, qui ejus sollicitudinis labores portat. Sed & quidquid ab aliis ex ejus substantia tenetur, recollige, & monasterio præfato trade.

Pensiones xenodochii de via nova, quantas mihi indicasti, quia apud te habes, nobis dirige. Agnario autem, quem in eodem patrimonio deputasti, prout tibi videtur, ei aliquid largire.

De ancilla Dei quæ cum Theodosio fuit, Extranea nomine, videtur mihi ut ei continentiam facias, si utile conspicias; aut certe donationem, quam fecit, reddas. Domum monasterii, quam Antoninus datis triginta solidis a monasterio tulerat, receptis solidis omni postposita tarditate restitue. ^{kk} Amulas onychinas, requisita subtiliter veritate, restitue, quas per portitorem presentium retransmisi.

kk

Saturninum, si vacat, & occupatus apud te non est, ad nos dirige. Felix conductor domnæ Campanæ, quem liberum reliquerat, atque esse indiscussum jusserat, dixit sibi a Maximo Subdiacono septuaginta duos solidos ablatos: pro quibus dandis asseruit, quia omnes res suas quas in Sicilia habuit, vel venundedit, vel apposuit. Sed scholastici dixerunt, quod de fraudibus indiscussus esse non potest. Dum tamen ad nos de Campania reverteretur, facta tempestate mortuus est: cujus te volumus uxorem & filios requirere, & quicquid apposuerat, vel vendiderat, apposita absolve, de venditis pretium restitue, & insuper eis aliquod alimentum præbe: quia Maximus eum in Siciliam miserat, & ibi ei quæ assererat, abstulerat: Cognosce ergo quæ ablata sunt, & uxori filiisque ejus sine aliqua mo-

ra restituere. Hæc omnia solícite relege: omnemque illam familiarem tuam negligentiam postpone. Scripta mea ad rusticos quæ direxi, per omnes massas fac relegi, ut sciant quid sibi contra violentias debeant defendere ex auctoritate nostra; eisque vel authentica vel exemplaria eorum dentur. Vide ut omnia absque imminutione custodias: quia de

his quæ tibi pro servanda iustitia scribo, ego absolvor, & tu si negligis, obligaris. Terribilem iudicem considera venientem, & de adventu illius nunc tua conscientia contremiscat, ne tunc sine causa jam timeat, cum coram illo cælum & terra tremuerit. Audisti quod volo: vide quid agas.

AN. CHR.

590. 591.

GREG. I.



NOTÆ AD EPIST. XLIV.

a Non intelligit legatum qui apud Principem Ecclesiæ negotia procuraret; sed nuntium seu cursorem qui, datis quas ferebat epistolis, & responso accepto, quamprimum reverteretur. Aut forte loquitur de aliquo negotia Ecclesiastica iussu Petri Subd. procurante. Sic intellecta vox *Responsalis* in notis ad lib. Moralium, satis explicatur.

b Hi erant agricolæ in Siculo Romanæ Ecclesiæ patrimonio. Certum modiorum frumenti numerum singulis annis ex censoria locatione sic reddere tenebantur, ut tamen nummos pro frumento nonnunquam darent. Ex quo Romani populi Imperio adjuncta fuit Sicilia, aratores Siciliæ decimam frumenti quod colligebant Romanis penfitarunt. . . . Cum vero, inquit Tull. act. v. in Verrem, arator aut frumentum vendidisset, aut servare vellet, aut in eum locum quo imperabatur portare vellet, petivit beneficii loco & gratiæ, ut sibi pro frumento, quanti frumentum esset dare liceret. Ex huiusmodi principio atque accommodatione Magistratum, consuetudo æstimationis inducitur. . . . Non igitur ex æstimatione crimen, sed ex conjunctione annonæ atque æstimationis. Gravabantur enim coloni, si in annonæ copia, dum viliori pretio venibat frumentum, pecuniam multam ultra publicum pretium solvere cogerentur. Id egerat Verres Siciliæ per triennium Prætor. Unde ipsum accusat Tullius, quod cum in Sicilia fessertis duobus aut ad summum ternis tritici modius esset, iste pro tritici modiis singulis ternos ab aratoribus denarios seu duodenos fessertios exegisset. Ne quid simile in Siciliæ patrimonio erga aratores ab Ecclesiæ actoribus fieret, cavet sanctissimus Pontifex; immo quia tactum fuerat, reprehendit.

c Quorum erat collatio annonæ, eorundem erat transactio. L. *Mediterranæ*. VII.

ranæ, cod. de annon. & tribut. Tull. Verr. 5. Atque eadem lege tenebantur Siculi coloni Ecclesiæ Romanæ, qua olim Siculi omnes. Igitur colonorum Ecclesiæ erat, ut frugum periculum (si forte naufragio perirent) pertineret ad damnum coloni seu possessoris, nisi forte casu contigisset, aut culpa & negligentia defensoris, quod intempestive frumentum transmissum esset; aut tempestatis vi certis testimoniis probata. Vide cod. Theod. tom. 5. pag. 57.

d Sexdecim in modio sextarii. Fannius:

Amphora ter capit modium, Sextarius ipsum

Sexdecies haurit.

Plebiscitum, quo duo Silii Publius & Marcus Tribuni plebis rogarunt anno Urb. cond. 510. *Sexdecim sextarii in modio fient. . . . Sextarius æquus libra cum besse fiet.* Habebat igitur modius libras xxiv. Romanas seu unicarum 12. De sextariaticis accipiebatur cum ultra debitam modii mensuram sextarium unum aut plures adicere ex consuetudine iniqua cogebantur coloni: inde *onus adjectionis* vocatur inferius. Dolens renique ipsam execrans queritur Greg. Ep. 34. lib. 13. quod *modium cum quo coloni Ecclesiæ frumenta dare compellebantur, xxv. sextariorum inveneris* Pantaleo Notarius in Syracusana Siciliæ parte. *Maur.* Sextariaticum hic potius sonat iniquum gravamen solvendum a colonis, sive additamentum & mantissam pro quolibet sextario. E. V.

e In Lyr. & Aud. *præsenti iussione.* f Quod Gregorius sæpe, Cassiodorus, & plures alii *massam* vocant, idem est quod communius dicitur *mansus* vel *mansum*. Est autem ager certi modi & mensuræ: quod quidem non male convenit cum ea possessione, quam alii appellant domum cultam, coloniam vestitam, Gall. *une Ferme*, *une Metairie*, *une Cense*; ubi servi, pecora, &

H

sup-

suppellex necessaria, hujusmodi massæ
AN. CHR. vel mansi partem constituebant. Nec
520. 591. videtur vocem hanc confundendam ef-
GREG. I. se cum casa aut casula, quæ tenuissi-
ma erat possessio: nam erat differen-
tia inter casatos & mansuarios. Ad
confirmationem hujus rei videndus Gre-
gorius lib. 12. Ep. 9. *Massam cum omni-
bus fundis suis.* &c. *Gulfanv.* Massa
quid sit ex ipso Gregorio notum est.

6675

Nam ep. 31. libri 5. quæ olim erat li-
bri 12. duodecima, & inscribitur, *con-
ductoribus massarum*, legitur in duobus
Teller. *conductoribus massarum seu fun-
dorum per Gall.* Ita etiam est in tribus
Colbert. & in collectione Pauli Diaconi.
Eodem sensu usurpatur massa apud
Senatorem lib. 8. ep. 23. *massæ subter
annexas*, &c. *Maur.* Massa, Mantum,
vel a metior ut Mansura pro mensu-
ra; vel a maneo, dici videtur. Erat
autem proprie modus agri non ita ma-
gnus Ecclesiæ alicui olim assignatus,
quem *Chiesura* vel Clausuram dicere pos-
sumus: unde nomen Massarius adhuc
restat; & fortasse etiam Mansionarius
olim a Massario non semper distingue-
batur. De Manso lib. 3. Decr. tit. 39.
c. 1. *Sancitum est, ut unicuique Eccle-
siæ unus Mansus liber absque ullo ser-
vitio tribuatur.* Ubi *Gloss.* Mantum
vocari notat agrum pro pane & vino
Ecclesiæ manentem sive assignatum,
de quo non solvebatur tributum. E. V.

g In vulgatis legitur, *a septuagenis
ternis semis.* Ex Colbert. duo habent,
a septuaginta ternis, vel *terni semis.*
Alter, *a septuagenii ternii semis*; sed
in Vatic. Corb. Norm. & plerisque ac
potioribus legitur: *a septuaginta terni
semis*. . . exigantur; unus scilicet mo-
dius ex viginti. Et infra leg.} *ad se-
ptuagena bina persolvant*: unum ad 35.
Johan. Diac. lib. 2. cap. 69. Ex Tullio
act. v. in Verrem, *ab Siculis aratori-
bus, præter decumam, ternæ quinquag-
esimæ*, solidi tres ex 50. exigebantur.
Observandum tamen hunc locum varie
in MSS. legi. In Vaticano D. habes:
septuagenii vina persolvant. Ita Norm.
Andeg. & duo Teller. In aliis Vatic.
legitur, *ad septuagena vina persolvant.*
Consentit Corb. mutata vocula ad, in &. In
aliis etiam Vatic. *ad septuaginta vina*, al.
ad septuaginta vini legenas. Fortasse *vina*
idem est ac *bina*, usurpato *v* pro *b*; quod
frequenter fit. Quamvis perspicue de-
finire, quid hæ voces nostris moribus
parum accommodatæ olim significarent,
expeditum non fit; constat tamen agi
de quibusdam census persolvendi mo-
dis. Vide Cassiod. lib. 1. Var. ep. 14.
lib. 2. ep. 17. lib. 7. ep. 20. & 21. sed

præsertim consule *Glossar.* Cangii ad
vocem *tertia*, ubi ex Cassiodoro pro-
fert locum de exactione binorum &
ternorum.

h De siliquatico Theodoricus Rex a-
pud Cassiodor. Var. lib. 2. epist. lib. 3.
epist. 25. lib. 4. epistol. 19. Onus erat
rusticis impositum, ut de rebus omnibus
nundinandis, frumento, vino, & oleo
certam præstarent portionem, quo li-
ceret vendere. Cavet Gregorius ne a
rusticis ultra iusti ponderis libram sili-
qua exigatur. *Maur.* Siliqua generatim
omnem leguminis folliculum innuit:
speciatim genus illud fructus, quem ab
ariditate Hebræis חרובים *charubim*, &
nobis inde inflexo vocabulo *Carotte*
nuncupatur, in quibus sunt semina il-
la, quæ mox S. Gregorius *granatica*
nuncupat, nos corrupta voce *garattoli*
pro granaticis. Ex his genus quodam
ponderis leviusculi Latinis siliqua vo-
gatur. Hinc etiam tenuis illa imposi-
tio seu *gabella*, quæ solvenda erat pro
siliquis, Siliquaticum audit: immo de-
ductum postea nomen fuit ad quodvis
tenue additamentum, quod exigebatur.
E. V.

i In duobus MSS. Vatic. *oleribus*.

k In Norm. duobus Teller. Corb.
Turon. & plerisque MSS. videtur S. Greg.
a Joh. Diac. conscriptæ legitur, & *vi-
li cibo.* In Andeg. & *viliciba*.

l *Burdatio*, inquit Alteferra in hunc
locum, est pensio quæ a rusticis præsta-
tur prædii nomine, quod *Burdam* vo-
cant, nostri *Borde*. Infra: *cognovimus
etiam rusticos burdationem*. . . iterum
dedisse. *Gulfanvillæus* vero vult bur-
dationem esse onus, tributum, pensio-
nem, ita dictam a *burdis* aut *burdoni-
bus*, seu mulis, qui ferendis hujusmo-
di oneribus interviebant.

m In Vatic. A. & C. & in duobus
aliis legitur *auctionariis*, ut etiam in
Turon. S. Gat. Corb. Norm. & in non-
nullis codd. Johan. Diac. In Vaticano
D. tamen & in duobus Teller. habes,
auctionariis vel autionariis. Auctionarii
fortasse intelliguntur, qui auctionan-
tur, hoc est publice sub hasta ven-
dunt.

n Excusi, ex publico: sequimur MSS.
consensum.

o Munus quod coloni aliquatenus
servi dominis solvebant ut liceret nu-
bere.

p Solidus genus monetæ, fuit aureus
vel argenteus, vario valore pro varie-
tate temporis. Videtur sic fuisse ap-
pellatus omnis nummus cusus, maxi-
mus, integer, qui scilicet non esset pars
alterius cusi ac majoris, & κατ' ἑξῆς
ille

ille videtur nummus sic dici, qui potissimum usurpabatur in quavis regione. Consule auctores qui de re monetaria scripserunt. In Capit. Sicardi c. 15. legimus: *Det pretium pro Cavallo solidos octo, & pro bove solidos quatuor*. Id obtinebat circa ann. 840. Sed vide notam ad ep. 33. l. 3. E. V.

q Male, a *communione*, & contra feriem contextus, etli reperiatur in Froben. & apud Gratianum Causa 16. quæstione 6. can. *Cognov*. Guffanv.

r Saccus vox est omnium linguarum. Hinc sacculus, sacellus, sacellarius, saccellarius, saccularius, sacco, saccharius apud Jurisconsultos passim usurpatur pro loculis, ærario, thesauro, repositorio nummorum. Græcis *σακίον*, *σακίλιον*, aut *σακκέλην*, *σακκέλλιον*. Male itaque Binius ad ep. 34. lib. 4. saccellarium a saccellario significatu distinguit. Promiscue enim pro eodem usurpari sacculum & sacellum sacellarium & saccellarium legimus. Nisi forte quando sacellum a sacro deducitur: ut apud Aug. lib. 6. de civit. Dei c. 3. ex Varrone verbo *Capella*: quarum aliarum cum testo, aliarum apud paganos sine testo. Porro sacculorum alii pro custodia & carcere, ut apud Balsamonem de chartophylace & protecdico, ἡ τῶς πικέρους φυλάττεσα, πατερχικὴ σακέλην: alii eleemotynarum vel Ecclesiæ, vel Imperatoris, vel Monachorum. Saccellarii alii majores, alii minores. Lege Balsamonem, Codinum, & Johannem Episcopum Citri in responsi. Guff.

f Libellatica a libellis quibus agrorum locationes scribebantur sic dicta, proprie significant locationes ipsas, Gallice *les baus a ferme*. Vide lib. 2. Epist. 1. Apud Cassiodorum lib. 5. Var. Epist. 7. tua suggestionem comperimus patrimonii nostri prædium Apulia . . . Thomari libellario titulo commississe. Hoc est contractus vel libello, *un bail*. Aliquando in fraudem fiebant hujusmodi locationes & sub specie libellari seu emphyteutici juris, Ecclesiæ suis bonis spoliabantur. Hinc capitul. Caroli Calvi tit. 47. cap. 10. *ut res Ecclesiastica tam mobiles quam & immobiles nemo invadere præsumat, & quæ a Rectoribus Ecclesiæ hætenus ob timorem vel favorem, alicui libellario vel emphyteuticario jure, dolose & cum damni detrimento Ecclesiæ, amissæ videntur, ad pristinum jus revertantur*. Maur. Nobis Livello. E. V.

t Aliquando pro mansionibus, hic pro reconditorio, ἀποθήκη: huic præest Cellarius, Cellaria autem ea sunt quæ in reconditoriis reponuntur. Sic Seve-

rus Sulpicius de Concilio Ariminensi loquens: *Quibus (Episcopis) annonas & cellaria dari Imperator præcipit*. Aliquando tamen *cellaria* pro *cellis*. Nota apud Tertullianum lib. de resurr. carnis *cellas promas pro sepulcris*. Et apud monachos pro mansionem monachi. C. *Privilegium*, de verborum signif. in sexto. Greg. Turon. lib. 9. historiæ c. 6. cameram suam vel cubiculum vocat *cellulam*. Cap. 15. meminit *cellule* Athaloci *Episcopi*, id est cubiculi. Vide infra l. 4. Ep. 4. Guffanv. Utrum hæc explicatio ad rem pertineat, judicet prudens lector. Interim aliam subjiciemus. Tullius act. v. in Verrem, frumenti meminit ultra decimam ab aratoribus Siculis prætori ejusve ministris gratis in cellam dati, *pour la depense de la maison*. Magistratibus, inquit, *tantundem detur in cellam, quantum semper datum est*. Cavet S. Gregorius ne patrimonii Siculi Rectores in cellas & cellaria, tum sua, tum defensorum atque actorum Ecclesiæ, plus de massis accipiant, nisi quantum consuetudo est.

u Vasculum a *batus* vel *bata*. Glossæ veteres *Batiola*, *ποτήριον*. Plautus in Colace. *Batiolam auream octo pondo habebat*. Nonius Marcellus qui & citat Varronem de re Rustica lib. 1. Reperitur apud Græcos *βατιάκη* & *βατιάκιον* poculi genus. Guffanv. In Turon. S. Gat. habes *baciola*. Sed. in tribus Colb. 2. Teller. Norm. & pl. legitur *baciolam*. Varie autem scribitur, *baciola*, *batiola*, *batiolica*. Vide Spelman. Glossar. archiep. p. 77. Apud Plautum in Stich. vers. 4.

Quibus divitiæ domi sunt scaphio & Cantharis

Batiolis bibunt.

Arnobius lib. 2. adv. Gentes, *polubrum, siliquastrum . . . batiolæ, scophe, scyphus*, &c. Maur. Nobis *Baccinella*. E. V.

x Glossæ Græco Latinæ ἐπόθεμα, suppositorium. Item alibi ὑποπόδιον, scabellum, subfellium, subpositorium. Videtur esse quod vulgo Latinis dicitur repositorium, ejus erant duo genera: alia ampliora, quæ mensis subjiciebantur, τραπέζοφορα. Cicero lib. 7. Epist. famil. *Quod tibi destinaveram trapezophorum, si desideras, habebis*. Alia minora sustinendis orbibus & discis, quæ Galli appellant, *chapelets, coilliers, porte-assiettes*. Athenæus lib. 4. *Σύβλον*, in qua scilicet lanx cum opsonio reponitur. Vide Lazarum Baysum de vasculis. Guffanv. In omnibus mss. Vatic. Anglic. Teller. Colb. &c. legitur *suppositorium*, non ut editi habent, *suppositorium*; licet eadem sit utriusque

AN. CHR.
590. 591.
GREG. I.

63

vocis significatio. Hic accipi potest pro AN. CHR. vase. Gallice *soucoupe*; idque suadere 590. 591. videtur mentio *calicis* apppositi (sic enim habent mss. codices) hoc est oppignerati. Consule Cangianum Glossarium. Maur. Nobis etiam *Sottocoppa*, de qua loqui videtur Petrus Abbas Clun. l. 1. c. 5. *Cum vino quod susceperat, frustra omnia comminuti corporis Christi in vas, quod ori ejus suppositum fuerat, refundere coactus est.*

GREG. I.

E. V.

y In Vat. A. & D. *qui reddi debent.* In C. & in duobus aliis, *qui redhiberi noscuntur.* De hoc verbo, quo sæpe utuntur Apollinaris Sidon. maxime lib. 9. Ep. 11. & 14. nec non Ennodius lib. 3. Ep. 10. observat Sirmondus, *hoc plerumque esse redhibere, redere quod debeas.*

z Ita in duobus Vatic. in omnibus Norm. Corb. &c. pro *creditoribus*, ut in edit. In Vatic. A. & B. legitur: *ita ut res alienas injuste nulli crediturus sis.*

aa Gallis *pour les trois quarts.* Sic infra, heres in sex uncias, *pour la moitié.* Guffanv.

bb Hoc decretum referunt Gratianus & Ivo, referunt & sequens: *Si qui vero ex familia Ecclesiastica, &c. Canonistæ iudant ut utrumque legitimum esse S. Gregorii scætum defendant: ego vero crederem alterutrum superfluum esse ac subdititium: cum utriusque sit idem fere sensus, verbis paulisper immutatis.* Studiosus expendat ac iudicet. Fateor tamen posse aliquam distinctionem interponi inter eos Clericos qui servi fuerant Ecclesiæ antequam promoverentur, & ingenuos qui res habebant proprias. Illorum bona ad Ecclesiam videntur omnino pertinuisse; horum res propriis cedebant parentibus, decerptis prius necessariis ad lapsorum victum vestitumque subsidiis. De Monachis autem, cum nihil habere possint proprium, eadem lex quæ de servis observabatur. Consule Canonistas in can. *De lapsis.* caus. 16. quest. 6. & quod infra subdit hac in Ep. S. Gregorius de ancilla Dei lapsa. Jam de lapsis multa diximus ad Epist. 18. Guffanv. Prius legebatur *de lapsis Sacerdotum vel Levitis*: quæ ultima rejecimus, quippe quæ in nullis mss. melioris notæ reperiuntur.

cc Sic sensim Subdiaconis lex fuit imposita cœlibatus: quo factum est ut ad sacros ordines propius accederent, ut illis tandem licuerit in sacrarium ingredi, & sacra vasa contingere, refixis Canonibus antiquioribus Conc. Lao-

dic. cap. 11. Agath. can. 66. Guffanv. Varias de Subdiaconorum cœlibatu constitutiones vide apud Thomass. part. 1. lib. 2. cap. 61. 62. 63. Multa de hoc argumento diximus in vita S. Greg. lib. 2.

dd Hic pro particulari sumitur, ut sequenti Epistola. Guffanv.

ee Glossa in can. 1. dist. 31. hanc Pelagii Constitutionem vocat iniquam. Ego censuram istam adversus summi Pontificis statutum dico esse durissimam, & novis Canonistarum placitis contrariam. Vide can. *In memoriam.* dist. 19. de jugo vix ferendo, ferendo tamen, & pia devotione tolerando: & caus. 1. quest. 3. multos Canones pro Prælatiis, & adversus impotentes Prælatos. Guffanv.

ff In exculis, *præterita mala*; quæ cum frustra quæsierimus in Vat. & aliis mss. ubi solum legimus *præterita*, vocem *mala* superadditam rejecimus.

gg Hoc est annuam pensionem in vitæ subsidium. Vide supra Ep. 18. innotis; & hom. 20. in Evangelia. In ep. 45. sequenti legitur *contineri*, eodem sensu.

hh Olim de rebus suis testari poterant Monachi. Vide cod. Theodos. lib. 5. tit. 3. & not. Gothofred. Postea illis adempta testandi facultas. Justinian. Nov. 5. & 123. cap. 38. Non facile hoc Johannis Monachi factum cum alio Siricæ Abbatissæ conciliari potest, cuius testamentum rescinditur Epist. 7. lib. 9. maxime cum xenodochio pars legati a Sirica tradita fuisset; hic a Johanne, Fantino defensori. Sed hanc fortasse dispensationem idcirco a Gregorio admissam conjicit Mabillonius, quod Fantinus defensor hanc meruisset prærogativam propter auxilium Monasterio impensum. Vide lib. 1. de re diplomat. cap. 2. num. x. Ex facultate testandi concessa Probo Abbati, singulari privilegio, gravibusque de causis, liquet tunc Monachis testari interdixum. Vide Gregorii rescriptum Probo Abbati in appendice, olim Ep. 22. lib. 9. Ind. 4. & quæ de hoc argumento diximus in vita S. Greg. Certe nihil a S. Doctoris mente magis alienum, quam Monachis aliquid proprii relinquere, ut maxime elucet in Ep. 42. superiori. Maur. Hic videatur Monachus accipi latiori quodam sensu, quem hodie *tertiarium* vulgo *pinzochero* appellare consuevimus. Vide notam ad superiorem ep. 34. Vel potius cum Latino Latinio dicendum, *Monachus* esse cognomen hujus Johannis. E. V.

ii Prius legebatur, *exerceat.*

Amu-

kk Amula vas vinarium, inquit Pa-
pias. Ordo Romanus usurpat pro ur-
ceolis, quibus continetur vinum & a-

qua ad sacrificium altaris. Apud quos-
dam auctores appellatur *Ama. Guffanv.*
Lege notas Alteserræ ad hunc locum.

AN. CHR.
590. 591.
GREG. I.

* Al. xlvi.

E P I S T O L A * XLV.

6678

Ad universos Episcopos per Illyricum.

Ut Episcopos ab hostibus expulsos suscipiant, eisque necessaria subministrent :

Gregorius universis Episcopis per Illyricum.

Johan. Diao.
lib. 3. cap. 16.

JObinus excellentissimus vir, fi-
lius noster, Præpositus per Il-
lyricum, scriptis suis nobis indica-
se dignoscitur, ad se ^a sacris apici-
bus destinatis jussu fuisse, Episco-
pos, quos ^e propriis locis hostili-
tatis furor expulerat, ad eos Epi-
scopos, qui nunc usque in locis pro-
priis degunt, pro sustentatione &
stipendiis præsentis vitæ esse jun-
gendos. Et licet ad hoc fraternita-
tem vestram jussio Principalis admo-
neat, habemus tamen majus his præ-
ceptum æterni principis, quo ad hæc
terribilius peragenda compellimur,
ut non dico fratres & coepiscopos
nostros, sed ipsos etiam, quos no-
bis contrarios patimur, cum op-
portunitas postulat, in conferendis
subsidiis necessitatum carnalium dili-
gamus. Oportet ergo vos ad hanc rem

& cœlesti primitus principi obedi-
tes exsistere, & imperialibus etiam
jussionibus consentire: quatenus fra-
tres coepiscoposque nostros, quos
captivitatis diversarumque necessita-
tum angustia comprimunt, debeatis
consolandos convivendosque vobiscum
in Ecclesiasticis sustentationibus liben-
ter suscipere. Non quidem ut per com-
munionem Episcopalis throni digni-
tas dividatur, sed ut ab Ecclesia ^b
juxta possibilitatem sufficientia de-
beant alimenta percipere. Sic enim
& proximum in Deo, & Deum
in proximo diligere comprobamur.
Nullam quippe eis nos in vestris
Ecclesiis auctoritatem tribuimus: sed
tamen eos vestris solatiis contineri
summopere hortamur. Mensis ^c Ju-
nii, indictione nona.

b

c

N O T Æ A D E P I S T. XLV.

^a Sic appellata olim principis Rom.
jussa. E. V.

^b In vulgatis, *juxta possibilitatem suf-
ficientia.*

^c In nullis codd. mss. hæc occurre-

runt, si Turon. S. Gat. & Colb. veti
excipias; in quo tamen dubium, u-
trum ad præsentem Epistolam, an ad
sequentem 46. ista pertineant.

AN. CHR.

590. 591.

GREG. I.

1673

Al. XLIV.

E P I S T O L A XLVI.

Ad Petrum Subdiaconum.

Ut Godiscalchi filio inopi & cæco ad victum necessaria suppeditet, præcipit.

Gregorius Petro Subdiacono.

Johan. Diac.
lib. 2, c. 55.

a

Divina præcepta nos admonent diligere proximos sicut nosmet-
ipso: & cum hac eos præcipia-
mur caritate diligere, quanto ma-
gis debemus his in subsidiis neces-
sitatum carnalium subvenire, ut eo-
rum angustias, si non ex omni-
bus, saltem aliquibus sustentaculis
sublevemus? Quoniam ergo ^a Go-
discalchi viri dignissimi filium non
solum amissione visus, sed etiam
inopia victus egestatem pati con-
speximus: necessarium duximus in
quantum possibilitas suppetit, ei

præbere consultum. Propterea expe-
rientiæ tuæ præsentī jussione præ-
cipimus, ut annis singulis viginti
quatuor modios tritici, fabæ quo-
que modios duodecim, & vini ^b
decimatas viginti pro sustentatione
vitæ debeat ministrare: quod tuis
postmodum possit rationibus impu-
tari. Ita ergo fac ut præsentium
lator nullas de percipiendis Domini
donis moras sustineat: & tu bene-
dispensatæ mercedis possis particeps
inveniri.

N O T Æ A D E P I S T. XLVI.

^a Ita tres Vatic. consentientibus aliis
melioris notæ. In Vaticano tamen qui
notatur B. legitur, *filium Eliumuth*.
In A. & C. filium *Ovadiscalchi*. Hinc
fortasse occasio scribendi *Odiscalchi*,
ut habemus in Corb. & omnibus Norm.
^b Videntur esse dolia, mensura vi-
ni, ut infra Epist. 30. lib. 10. nunc 27.

lib. 12. Anastasius in Hadriano: *Deci-
matas duas pensantes per unamquamque
decimatam libras lx. Guffanv.* In Vatic.
B. & vini decimas ter viginti. In al-
tero C. & vini decimationem viginti.
In Regiis, & vini decima ter viginti
debeat ministrari.

* Al. XLV.

E P I S T O L A * XLVII.

Ad Virgilium Arelatensem, & Theodorum Massiliensem Episcopum.

*Judeos non esse ad baptismum cogendos, sed ad fidem amplectendam suaviter
excitandos.*

a

b

c

d

Gregorius ^a Virgilio ^b Arelatensi, & Theodoro ^c Episcopo Massiliæ
Galliarum.

Scribendi ad fraternitatem vestram
reddendique debitæ salutationis
alloquium, licet nulla ^d congrui
temporis vel personarum esset oc-
casio; actum est ut uno in tempo-
re, & quæ decebant de dilectione
proximitatis fraternæ persolverem,
& quorundam querimoniam, quæ

ad nos perlata est, quomodo erran-
tium animæ salvandæ sint, non ta-
cerem. Plurimi si quidem Judaicæ
religionis viri in hac provincia
commanentes, ac subinde in Mas-
siliæ partes pro diversis negotiis
ambulantes, ad nostram perduxere
notitiam, multos consistentium in
illis

Johan. Diac.
lib. 4, c. 42.

illis partibus Judæorum, vi magis ad fontem baptismatis quam prædicatione perductos. Nam intentionem quidem hujusmodi & laude dignam censeo, & de Domini nostri dilectione descendere profiteor. Sed hanc eandem intentionem, nisi competens Scripturæ sacræ comitetur effectus, timeo ne aut mercedis opus exinde non proveniat, aut juxta aliquid, animarum quas eripi volumus, quod absit, dispendia subsequantur. Dum enim quispiam ad baptismatis fontem non prædicationis suavitate, sed ^c necessitate pervenerit, ad pristinam superstitionem remeans, inde deterius

moritur, unde renatus esse videbatur. Fraternitas ergo vestra hujusmodi homines frequenti prædicatione provocet: quatenus mutare veterem vitam magis de doctoris suavitatem desiderent. Sic enim & intentio nostra recte perficitur; & conversi animus ad priorem denuo vomitum non mutat. Adhibendus ergo est illis sermo, qui & errorum in ipsis spinas urere debeat, & prædicando quod in his tenebris scit illuminet; ut pro his admonitione frequenti mercedem fraternitas vestra capiat, & eos quantum Deus donaverit, ad novæ regenerationis vitæ perducatur.

AN. CHR.
590. 591.
GREG. I.

6693

NOTÆ AD EPIST. XLVII.

a Dissentiunt mss. in hujus Ep. inscriptione. In Vatic. B. & C. legitur *Virg. & Theod. Episcopis Gall.* In D. *Virg. & Theodoro Episcopo Massiliæ.* Ita etiam Corb. Rem. Norm. Andeg. Virgilium inter & Licerium, qui anno 588. obiit. Saxius in Pontif. Arelat. Paschasium locat, quem, quia brevi temporis intervallo sedet, a Gregorio Turon. prætermisum censet; & quidem in veteribus diptychis Arelat. Ecclesiæ a Mabillonio editis tom. 3. Analectorum, Paschasius eodem ordine recensetur. S. Virgilii mortem anno circa 616. accidisse putat Mabillonius. Certe B. Rusticulæ funus, quam anno 632. obiisse probat Carolus le Cointe in Annal. Eccles. ad an. 556. num. 17. & ad an. 631. num. 15. curavit Theodosius Arelat. Vide Mabillonii notas in vitam B. Rusticulæ num. 31. & in vitam S. Virgilii num. 7. Porro Lerinensem chronologum immerito erroris arguit Gussanvillæus, quod dixerit Virgilium fuisse Abbatem Lirin. post S. Honoratum. In Virgilii quidem vitam quam ex perantiquo membraneo codice Vincentius Barralis edidit, Honoratus dicitur Virgilii præcessor, at non proximus, ex ipso codice. Quippe Hilarium Honorato in Episcopatu successisse circa annum 420. scribit chronologiæ parte 1. pag. 81. Deinde pag. 94. observat ex Arnaldo Vion, & ex Virgilii ipsius vita sub seculi 8. initium scripta creatum fuisse Virgilium Episcopum Arelat. an. 591. An vero cum ad Episcopatum assumptus est, fuerit Leri-

nen. Abbas, ut habet illius vita; an Augustodunensis, ut apud Greg. Turon. lib. 9. histor. cap. 23. legitur, non inquit. Plura de Virgilio apud Francicæ historiæ parentem frustra quaereres. De illo Bollandiani 5. Martii.

b Arelate, gallice *Arles*, urbs Provinciæ, *Provence*, ad Rhodanum fluvium, Archiepiscopalis. Arelatensem Ecclesiam Viennensem nunquam fuisse subiectam, ut contendit Gussanvill. probat Quesnellus dissertatione 5. apologetica pro S. Hilario Arelatensi cap. 4. & seqq. quem videtis.

c Fuit hic sanctitate conspicuus, qui ab an. 580. ad 590. variis procellis agitat, Massiliensem rexit Ecclesiam, multa a Rectoribus Massiliæ perpeffus, quia Childeberti Regis partibus adhærebatur, cum Rectores illi Gunthramno Regi Childeberti patruo faverent. Rem totam fufe narrat testis oculatus Gregorius Turonensis lib. 6. cap. 11. lib. 8. cap. 12. & lib. 9. cap. 22. *Gussanv.*

d A recens ordinatis Episcopis mitti solebant paulo post ordinationem litteræ communicatoriæ: neque id a Romanis etiam præsulibus prætermittatur. Fuit quondam Ecclesiastica vetus hæc regula apud patres nostros, inquit Gelasius L. Epist. 1. ad Euphemium, *Apostolicam sedem institutum sibi noviter sacerdotem præcuntibus litteris indicare.* Vide secundam ejusdem Ep. ad Laurentium, & 12. ad Aonium Arelat. Id dudum præstiterat Hilarus Papa Ep. 5. & 6. Leontio Arelat. & per ipsum universis Galliæ Epi-

Epi-

Episcopis: Id præstitit Greg. ipse, nec
AN. CHR. Patriarchis modo, sed & præcipuarum
590. 591. sedium Antistitibus. Vide sup. Ep. 25.
GREG. I. & 27. Pelagius I. recens in Pontificem
electus Ep. 8. ad Sapaudum Arelat.

667

scripsit in hunc modum: *Quæ nobiscum omnipotentis Dei gratia fuerit operata, ad caritatem tuam credimus fuisse perlatum: pro qua re ad nos destinari convenerat ut visitatione communi magno invicem gaudio frueremur. Nos tamen fraternæ memores caritatis præsentium portitorum occasione reperta, officium fraternæ salutationis impendimus.* Huic Pelagii monito obsequentes Virgilius & Theodorus, ad Gregorium, audita illius consecratione, scripserant. Ad illos rescribit ipse tum quod ad sit congrui temporis occasio, tum ut debitæ salutationis alloquium reddat.

e A Chilperico Neustriæ Rege multos e Judæis ad Baptismum adactos scribit Greg. Turon. ad an. Christi 582. l. 6. hist. c. 17. Idem in Childeberti Regno factum colligitur ex hac ad Episcopos Arelat. & Massib. Epistola, qua morem illum Gregorius Mag. impro-

bat. In Hispan. quoque circa an. 613. Judæos ad baptismum suscipiendum coegit Sisebutus Rex, lege data ut *Judæus baptismum recusans, centum flagella declavatus suscipiat, & debita multetur exsilii pœna.* Concil. Tolet. iv. post annos circiter 20. habitum can. 57. de Judæis præcipit, nemini deinceps ad credendum vim inferre. Si Fredegario credimus chron. cap. 65. *Heraclius Imperator ad Dagobertum Regem Franchorum dirigens, petiit ut omnes Judæos Regni sui ad fidem Catholicam baptizandos præciperet; quod Dagobertus implevit. Ipseque Heraclius per omnes provincias Imperii idem facere decrevit.* Id quidem a Dagoberto præstitum testatur Baudemundus scriptor coævus in vita S. Amandi Trajectensis Episcopi. At Fredegarii aliove ex ipso idem de Heraclio scribentes confutat Hadrianus Valesius rerum Francic. lib. 19. De veteri more baptizandi Judæos atque infideles, plura in utramque partem Launonjus & Nicolai.

VI.

E P I S T O L A * XLVIII.

Ad Theodorum Ducem Sardiniae.

Ut officialem suum cum Juliana Abbatisa judicium subire præcipiat: Pompejanam vero in pia causa, salvo jure, protegat.

Gregorius Theodoro ^a Duci ^b Sardiniae.

a
b

d

e

Justiciam, quam mente geritis, oportet coram hominibus luce operum demonstratis. Juliana siquidem Abbatisa Monasteri ^c sancti Viti, quod Vitula ^d quondam recordandæ memoriæ construxerat, insinuavit nobis a Donato officiali vestro possessionem juris prædicti monasterii detentari. Qui dum excellentiæ vestræ patrociniis ^e se cingi conspicit, ad examinandum judicium venire contemnit. Sed nunc ^f gloria vestra præcipiat eundem officialem cum prædicta ancilla Dei arbitrale subire judicium: quatenus quidquid eorum de tali controversia arbitratorum judicio fuerit diffinitum, effectui mancipetur; ut id quod se amittere sive retinere per-

spexerit, non hoc virtutis opere fieri, sed legis justitiæ debeat reputari. Præterea & Pompejana religiosa, quæ monasterium in domo propria construxisse dignoscitur, quæstæ est matrem quondam generi sui defuncti testamentum ejus velle cassare, quatenus ultimum filii ejus arbitrium ad irritum deducatur. Pro qua caritate paterna gloriam vestram necessarium duximus adhortandam, ut piis se causis salva justitia libenter accommodet, & quidquid his juris ratio tribuit, benigne jubeat custodiri. Dominum autem petimus, ut viam vitæ vestræ propitius dirigat, dignitatemque susceptam administrationis prosperitate disponat.

N O.

NOTÆ AD EPIST. XLVIII.

AN. CHR.

590. 591.

GREG. I.

6693.

^a Præfecto. *Δούκων* Græcis recentioribus præfectura. *δ δούξ* Dux, apud Constantium de admin. Imper. apud Codinum *Δούκας* &c. *Guffanv.* Theodori mores Ep. seq. describuntur.

^b Sardinia vulgo *Sardegna*, Italiæ ingens insula, inter mare Balearicum & Tyrrhenum, sub dominio Hispanorum, cujus caput est Caralis, de qua Epistola sequenti. Ad Diocesim Afri-

canam tunc pertinebat Sardinia, eratque ejus septima & ultima Provincia.

^c In Vatic. C. *sancti Iusti*.

^d Ita tres Vaticani & plerique. In editis, *vitulana*.

^e In editis *erigi*.

^f Honorifice alloquendi modus, quo etiam S. Leo utitur Ep. 54. ad Pulcheriam Augustam: *debetur hoc vestræ specialiter gloriæ*.

41. XLVII.

EPISTOLA * XLIX.

Ad Honoratum Diaconum:

Quid Imperatoribus pro Sardiniae incolis suggerendum sit.

Gregorius ^a Honorato Diacono.

^b ^c **Q**uia regiminis locum licet immeriti suscepimus, oportet ut fratrum nostrorum necessitatibus in quantum facultas suppetit, concurramus. ^b Januarius ergo metropoleos ^c Caralis frater & Coepiscopus noster, veniens huc in Romanam civitatem, edocuit nos Theodorum gloriosum Magistrum militum, qui ducatum Sardiniae insulae suscepisse dignoscitur, multa illic contra piissimorum Dominorum jussa peragere, quibus plurima gravamina possessorum, vel civium imperii sui, competenti clementia vel mansuetudine submoverunt. Pro qua re volumus ut apto tempore piissimis Dominis, juxta id quod provinciales prædictæ insulae juxta & competenter

postulant, suggeras; dum & antea ad Edancium gloriosum Magistrum militum, jam per Indictionem septimam tunc Ducem Sardiniae, ^d sacra imperialia concurrerunt, quibus omnia præceperunt gravia nunc capitula submoveri: quatenus eorum jussa de pietatis largitate procedentia, a ducibus, quos in tempore præesse contigerit, inconcussa serventur, mercesque eorum ab administrantibus non debeat dissipari: ut quietam sub imperio clementi Dominorum vitam transigant, & consultum quod subiectis suis tranquilla mente tribuunt, in adventu æterni judicis multiplicata compensatione recipiant.

NOTÆ AD EPIST. XLIX.

^a Videtur illum esse Honoratum, qui in al. editis initio libr. 2. legitur factus Archidiaconus. Eccles. Rom. in locum Laurentii. Hæc ad appendicem relegavimus. Conjecturæ nostræ favet unus Vatic. codex, ubi legitur, *Honorato Archidiacono*. Tunc in aula versabatur, fortasse Apocrisiarii munere defungens. Non dissimulandum tamen in Vatic. not. D. legi, *Honorato Dia-*

Tom. VII.

cono Salonitano, sed viciose. Vide Epist. 53. lib. 2.

^b Ex tot ad illum aut de illo scriptis epistolis satis notus.

^c Recentioribus *Calaris*, vulgo *Cagliari*, urbs adhuc primaria Sardiniae insulae. Olim quoque metropolis fuit tum civilis, tum Ecclesiastica, ut ex hac ipsa epistola patet. Sita est ad mare in ora australi insulae. Caralitano

I

au-

autem Metropolitæ Sardinie subjectos
 AN. CHR. fuisse sex Episcopos concit Holstenius
 590. 591. ex epistola 8. lib. 7. nunc lib. 9. Indi-
 GREG. I. catione 2. sancti Gregorii. Vide alia
 quæ in hanc rem affert in annotationi-
 bus ad Geographiam sacram pag. 3.
 Guffanv.

d Sacra Imperialia, vel Sacra sim-
 pliciter, sunt rescripta seu iussa Im-

perat. S. August. 1. contra Donat. post
 collationem, c. 31. Illi (Donatistæ)
 portant multorum Imperatorum sacra,
 nos sola portamus Evangelia. Supra ep.
 45. sacri apices. In actis Chalcedon.
 Concilii legimus divinas litteras, di-
 vinam sanctionem, litteras divinitatis.
 Maur. Sacrum oraculum appellat Ju-
 stinianus de adopt. E. V.

*Al. xlviii.

E P I S T O L A * L.

Ad Anthemium Subdiaconum.

*Ne cum monachis habitent mulieres. Ne in quarundam insularum mona-
 steriis pueri ante 18. ætatis annum suscipiantur.*

Gregorius Anthemio Subdiacono.

Sicut regiminis locum Deo, ut
 ipsi placuit, disponente susce-
 pimus, ita nos oportet de commis-
 sis nobis animabus esse sollicitos.
 a Comperimus autem ^a in insula Eu-
 morphiana, in qua situm beati Pe-
 tri Apostolorum Principis oratorium
 esse dignoscitur, multos virorum cum
 mulieribus suis diversorum patri-
 moniorum illuc pro necessitate fe-
 ritatis barbaricæ refugisse: ^b quod
 importunum judicavimus, ut dum
 alia refugiorum loca vicina sint,
 cur ibidem cum monachis debeant
 mulieres habitare? Propterea præ-
 senti iussione præcipimus experien-
 tiæ tuæ, ut a præsentis tempore
 nullam illic ulterius mulierem, si-
 ve Ecclesiastici juris sit, si ve cu-
 juslibet alterius, habitare comma-
 nereve permittat: sed refugium si-
 bi, cum, sicut prædictum est, tot
 loca vicina sint, ubi maluerint,
 ipsi provideant, ut omnis exinde

mulierum conversatio submoveatur;
 ne si, quæ in nobis est, curam
 gerere desistamus, atque inimici la-
 queis obviare, nos exinde, quod
 absit, si quid diversi contigerit,
 culpabiles existamus. Præsentium
 itaque latori Felici Abbati mille
 quingentas plumbi libras, de quo
 in eadem insula egere dignoscitur,
 dare non differas: quod tuis post-
 modum, cum totius quantitatis ra-
 tio noscetur, rationibus imputetur.
 Ita ergo fac, ut tu ipse provideas,
 si in ejusdem insulæ fabrica expen-
 di utiliter valent. Quia autem du-
 ra est in insulis congregatio mona-
 chorum, etiam pueros in eisdem
 monasteriis ante decem & octo an-
 norum tempora suscipi prohibemus.
 Vel si qui nunc sunt, tua eos ex-
 perientia auferat, & in Romanam
 urbem transmittat. Hoc & in ^c
 Palmaria aliisque insulis te per o-
 mnia volumus custodire.

Grat. 1. q.
 20. can. 5.

N O T Æ A D E P I S T. L.

a Sic legitur in omnibus Vatic. Norm.
 &c. In vet. ed. ex *Eumorphiana* con-
 statum est *Orphiana*. Tandem in re-
 centioribus legitur *Orphiaria*, quam in-
 sulam esse parvam Tyrrheni maris,
 non longe a Palmaria & Pontia, Gus-
 sanvillæus ait. Ex *Eumorphianæ* situ
 conjicimus illam ipsam esse insulam,

quæ nunc *S. Maria* insula dicitur. De
 monachis eam incolentibus ad Anthemium
 Campaniæ Rectorem scribitur, quod, uti &
 Palmaria, Campaniæ littori objaceret.

b Hoc est *importunum*, unde in
 duobus Vatic. legitur, quod *inopportu-
 ne judicavimus*.

^c Insula etiam parva maris Tyrrheni contra Terracinam, ab ea circiter 37. mill. distans. Has insulas a mona-

chis cultas, ut in majori secessu viverent, etiam tempore S. Ambrosii, docet ipse lib. 5. in hexa. c. 5.

AN. CHR.
590. 591.
GREG. I.
1773

*Al. xlix.

E P I S T O L A * LI.

Ad universos Monachos in Christi monte insula constitutos.

Abnormes illos monachos Horosio Abbati obedire jubet.

Gregorius universis Monachis * in Christi monte insula constitutis.

Pervenit ad nos, nulla vos monachicæ regulæ præcepta custodire: pro qua re compulsi sumus præsentis præcepti portitorem Horosium Abbatem ad vos dirigere, ut omnia acta vestra subtiliter exquirens, quæque ei recta fuerint

visa, disponat, & nobis quæ ab eo ordinata fuerint, renuntiet. Proinde admonemus, ut omnem ei obedientiam præbeat: & quidquid disposuerit, velut a me dispositum, cum debita reverentia custodite.

N O T Æ A D E P I S T. LI.

a Nomen hodieque retinet, vulgo *Monte Christo*. Mons excelsus seu scopolus in mari Tyrrheno est, totam fere insulam cognominem complectens. Observandum tamen MSS. codices in hujus epistolæ inscriptione discrepare.

In Vaticano 4. legitur, *universis . . . in insula Gorgona constitutis*. Codex B. habet *universis monachis in Christi monte constitutis*. Omittitur etiam *insula* in Colb.

*Al. l.

E P I S T O L A * LII.

Ad Symmachum defensorem.

De construendo in Corsica monasterio: de corrigendis monachis in Gorgonia: de Sacerdotum cum mulieribus conversatione.

Gregorius Symmacho defensori.

Filius meus Bonifacius Diaconus dixit mihi, quod experientia tua scripsisset, monasterium quondam ab ^a Labina religiosa femina constructum paratum exsistere, ut in eo debeant monachi ordinari. Et quidem laudavi sollicitudinem tuam; sed volo ut excepto eo loco, qui jam in eandem rem dimissus est, locus alter debeat provideri: ita tamen, ut pro incertitudine temporis locus super mare requiri debeat, qui aut loci dispositione munitus existat, aut certe non magno labore muniri valeat, ut illic monachos transmittamus: qua-

tenus insula ipsa, quæ monasterium nunc usque non habuit, etiam in hujus conversationis via meliorari debeat. Ad quam rem implendam atque providendam Horosium Abbatem, præsentis præcepti portitorem, direximus, cum quo tua experientia littora Corsicæ circumeat: & si cujuslibet personæ privatæ locus talis inveniri dignus potuerit, dignum parati sumus pretium dare, ut possimus aliquid firme constituere. Cui præfato Horosio injunximus, ut in ^b Gorgoniam insulam ^c pergat, cum quo tua experientia pariter eat: & mala omnia, quæ illic cognovimus

b

AN. CHR.
590. 591.
GREG. I.
1673

admissa, ita vindicate, ut per ultionem vestram præfata insula etiam in posterum maneat correctæ. Hujus insulæ monasteria sæpe fatus Abbas Horosius instituat, atque ita ad nos remeare festinet. Ita igitur experientia tua faciat, ut ex utraque re, id est vel providendo in Corsica monasterio, vel corrigendis Monachis in Gorgonia, non nostræ, sed voluntati omnipotentis Dei parere festines.

Præterea volumus, ut Sacerdotes qui in Corsica commorantur, prohiberi debeant, ne cum mulieribus conversentur, excepta dumtaxat matre, sorore, ^d vel uxore, quæ caste regenda est. Tribus vero, de quibus prædicto filio meo Bonifacio Diacono tua experientia scripsit, quia vehementer egent, quidquid eis sufficere æstimas, impende: quod nos in tuis postmodum rationibus imputabimus. ^e Data mense Julio.

NOTÆ AD EPIST. LII.

a Ita tres MSS. Vatic. Norm. Corb. vel *Labinia*. In vulgatis *Albinia*.

b Vulgo dicitur *la Gorgona*. Insula Tyrreni maris, media fere inter oram Tusciæ & Corsicam Insulam. *Guffanv.*

c In Vatic. C. & D. Norm. & Corb. *perexeat*. Retinemus tamen *pergat*, quod est aliorum Vatican. & excusorum.

d Dubito an non vox illa irrepperit: siquidem ista conversatio res est plena periculi & suspiciosissima. Vide Concilium Nicænum can. 3. Gregorium Magnum Dialog. l. 4. c. 26. de Presbytero Ursino. Ideoque quod ait l. 7. ep. 39. *Uxores non relinquant*, interpretor, curam earum non dederant, victum eis ministrarent. In Agath. can. 16. *Non ordinentur conjugati, nisi sequestrato mansionis cubiculo*. Turonense II. can. 12. de Episcopo conjugem habente ait: *Propter Deum zelotem tam longe absint mansionis propinquitatem divisi, ut, &c.* Et can. 20. ejusdem Concilii cavetur, ne Presbyteri cum suis conjugibus maneant; sed segregatim solitarii in cel-

la jaceant, orent, dormiant. Quia nulli Clericorum juxta sententiam canonum, cum conjugis sua manere permittitur, &c. Negotium tamen facit Concilium Carthaginense III. can. 17. quem Critici subtiliores expendent. Interea indico Gregorii Turonensis historiæ l. 1. cap. 38. & ejusdem de gloria Confess. c. 76. & 78. *Guffanv.* Sacerdotes, Diaconos & Subd. post conjugium ordinatos, cum uxoribus suis conversari vetant quidem Galliæ Concilia hoc ipso sexto seculo congregata. Agath. can. 16. Turon. II. can. 12. 19. Aurelian. IV. can. 17. Lugdun. III. c. 1. Vide Greg. Turon. l. 1. hist. c. 39. Et de gloria confess. cap. 78. Nondum tamen in Italia id prohibitum fuisse, modo turpis abesset suspicio, innuit S. Greg. tum hic tum ep. 59. l. 9. & l. 4. Dialog. c. 2. Huic consuetudini patrocinabatur can. Apostol. 5. *Episcopus, vel Presbyter, vel Diaconus uxorem suam non ejiciat religionis prætextu*.

e Id in nullo alio cod. legimus quam in Turon. S. Gat.

* Al. II.

EPISTOLA * LIII.

Ad Felicem Episcopum Sipontinum.

Canusinam Ecclesiam visitare, atque in ea duos Parochiales Presbyteros ordinare præcipit.

Gregorius Felici Episcopo ^a Sipontinõ.


Pervenit ad nos quod ^b Canusina Ecclesia ita sit sacerdotii officio destituta, ut nec pœnitentia ibidem decedentibus, nec baptisma

præstari possit infantibus. Hujus igitur tam piæ rei tamquam necessariæ mole permoti, jubemus dilectioni tuæ, ut hujus præceptionis

au-

auctoritate communis, memoratæ Ecclesiæ visitator accedas, & vel duos parochiales Presbyteros debeas ordinare; quos tamen dignos ad tale officium veneratione vitæ & mo-

rum gravitate pervideris, & quibus in nullo obvient constituta canonice disciplinæ, ut sanctæ condigna cautela provideatur Ecclesiæ.

AN. CHR.
590. 591.
GREG. I.


NOTÆ AD EPIST. LIII.

a Sipontum, vulgo *Siponto*, urbs olim Apuliæ, Episcopalis, in ora maritima ad radices montis Gargani, sed excisa; cui successit Manfredonia, quæ Sipontum novum dici potest. *Guffanv.*

b Canusium, vulgo *Canosa*, urbs Apuliæ. Olim erat Episcopalis; circa annum 844. vel 845. ejus sedes unita est Archiepiscopatu Barenfi. *Guffanv.*

* *Al. lxx.*

EPISTOLA * LIV.

Ad Johannem Episcopum Surrentinum.

Ut in S. Stephani monasterio S. Agathæ reliquias solemniter collocet.

Gregorius Johanni Episcopo Surrentino.

Religiosis desideriis facile est præbere consensum, ut fidelis devotio celerem sortiatur effectum. Et quoniam Savinus Abbas monasterii sancti Stephani ^a insulæ Capris fugessit nobis, se ^b sanctæ Agathæ Martyris reliquias jam olim apud se habere concessas, & in mo-

nasterio suo vult ipsa sanctuaria collocari: ideo ad prædictum monasterium te jubemus accedere, & ^c si ibidem nullum corpus constat humatum, ^d prædicta sanctuaria solemniter collocabis, ut devotionis suæ potiatur effectu.

c

d

NOTÆ AD EPIST. LIV.

a Capræ sive Caprea, vulgo *Capri*, insula Campaniæ adjacens. *Guffanv.* In uno Vatic. Norm. Corb. & pler. legitur, *Cabris*. In Turon. *Calabris*.

b Antiquissimum esse S. Agathæ cultum probatur, tum quod ejus nomen in canone missæ legatur, tum quod inscriptum sit vet. Calendario Eccles. Chartaginensis, quod ad calcem Actorum Mart. a nostro Thom. Ruinart est editum.

c *Ibidem*, hoc est in ipsomet loco ubi reliquiæ collocari debent; non autem exigitur ut in hoc monasterio nulla hominum cadavera condita essent. Qui enim fieri potuisset ut nulla hic jacerent corpora; cum alium ad sepeliendos fratres suos locum monachi non haberent? Immo ipsis in ecclesiis seu oratoriis, quæ sine reliquiarum sacris pignoribus non consecrabantur, nihil vetabat, quominus fidelium mortuorum corpora humarentur, ut constat

ex lib. 4. Dial. cap. 50. 51. 52. & 53. Cur vero cautionem hanc Sanctissimus Pontifex adhibuerit, quærit *Guffanv.* Duplex occurrit ratio. Primo humata corpora loco moveri non sinebant leges: *Pergit audacia ad busta defunctorum, & aggeres consecratos*, inquit Julian. August. l. 5. cod. Theod. Et Justinian. de sep. violat. *Cum & lapidem hinc movere, & terram sollicitare, & cespitem vellere, proximum sacrilegio majores semper habuerint.* Vide Spond. de cæmeteriis sacris l. 1. part. 1. c. 9. Secundo neque etiam cum profanis ossibus atque impiorum reliquiis miscenda erant Martyrum sanctuaria, sine quibus sub altari ipso conditis ecclesiæ vel oratorium non consecrabatur.

d Sanctuaria sunt reliquiæ, ut intelligitur tum ex hoc loco, tum ex multis aliis ep. Vide l. 2. ep. 12. & a libi passim.

AN. CHR.
590. 591.
GREG. I.

66755
*Al. IIII.

E P I S T O L A * LV.

Ad Anthemium Subdiaconum.

Ut neque pauperes opprimi, neque libera mulieris filium ad servitutem cogi patiatur.

Gregorius Anthemio Subdiacono.

Non solum frequentibus præceptionibus, sed etiam præsentem te sæpius monuisse me memini, ut illic vice nostra, non tantum pro utilitatibus Ecclesiasticis, quantum pro sublevandis pauperum necessitatibus fungereris, & eos magis a cujuslibet oppressionibus vindicares. Præsentium ergo lator Gaudiosus insinuavit nobis ab actoribus sanctæ Romanæ, cui Deo auctore præsidemus, Ecclesiæ sibi violentiam irrogari: asserens quod filios suos viri prædictæ Ecclesiæ velint vindicare. Oblatis etenim ab eo documentis, agnovimus Siricam uxorem præsentium portitoris, ab Ecia quondam gloriosæ memoriæ, Morenæ cuidam feminæ titulo donationis fuisse largitam, & ab eadem Morena per epistolam^a manumissam: & ideo indecens esse credimus ut progeniti

ex libera muliere filii ad servitium retrahantur. Propterea experientię tuæ præsentī auctoritate præcipimus, ut his ipsis documentis, sicut & nos didicimus, exuto a curis animo diligenter intendat; quatenus si documenta nulla sunt ab Ecclesiæ parte, quæ documentis hujus hominis debeant obviare, ab ejus se molestia sine aliqua retractione suspendat. Durum enim est ut si alii pro mercede sua libertates tribuunt, ab Ecclesia quam tueri has oportuerat, revocentur. Iterum ergo atque iterum experientiam tuam necessario submonemus, ut illic si quæ inter pauperes & Romanam Ecclesiam sanctam quæstiones vertuntur, omni mentis integritate discutiat, sicque patrimoniales utilitates peragat, ^b ut a benignitate justitiæ non recedat.

N O T Æ A D E P I S T. LV.

^a De servorum manumissione vide doctissimam Alteserræ observationem ad hunc locum.

^b Ita restituimus ex MSS. Vatic. & nostris. In vulgatis autem legitur, *ut a benignitate justitia non recedat.*

* Al. IIV.

E P I S T O L A * LVI.

Ad Petrum Subdiaconum.

Quid ad celebrandam dedicationem dare debeat ad erogandum pauperibus.

Gregorius Petro Subdiacono.

Festivitatibus Sanctorum desiderabiliter insistentes, præsentis præceptionis nostræ paginam ad experientiam tuam necesse duximus dirigendam: indicantes ei oratorium beatæ Mariæ, quod nuper in cella

fratrum ædificatum est, ubi Marianus Abbas præesse dignoscitur, Augusto mense disposuisse nos, adjuvante Domino, summopere dedicari: quatenus cœpta nostra, operante Domino, debeant consum-

ma-

2 mari. Sed quia cellæ ipsius tenuitas exigit, debere nos in ipsa diei festivitate concurrere; propterea volumus ut ad celebrandam dedicationem dare debeas ad erogandum pauperibus, in auro solidos decem, vini amphoras triginta, ^a agnos du-

centos, olei ^b orcas duas, berbices duodecim, gallinas centum, quæ tuis possint rationibus postmodum imputari. Statim ergo fieri hæc nulla moræ interjectione constitue, ut vota nostra, Deo auctore, celebrem fortiantur effectum.

AN. CHR.
590. 591.
GREG. I.
b

NOTÆ AD EPIST. LVI.

^a Hic dissident mss. Sequimur Vatic. E. omnes Norm. Angl. Corb. Rem. In Vatic. B. legitur, *annonæ trecenta sex-taria. . . gallinas trecentas*. In vulgaris, *annonæ modios ducentos, olei &c. . . . verveces*.

^b Vox Hispanica est ex Varrone *de re rustica lib. 1. c. 13*. Isidoro *lib. 20. cap. 6*. amphoræ species. Greg. Tu-

ron. *lib. 4. hist. cap. 44. Septuaginta vasa, quæ vulgo orcas vocant, olei liquaminisque furati sunt*. Sexaginta Orcæ olei apud Senatorem *lib. 3. Ep. 7*. Sed & in Orcis conditos cineres apud Romanos discimus ex Salmasio ad Solinum *pag. 1204*. De epulis in dedicatione Ecclesiarum vide Alteserram in hanc Epistolam.

EPISTOLA * LVII.

* Al. lv.

Ad Severum Episcopum.

De eligendo Ariminensi Episcopo.

Gregorius Severo ^a Episcopo.

2

FRatérnitatis tuæ edocti sumus epistola, in persona Ocleatini de electione Episcopatus aliquos consensisse: quem quoniam nos non concedimus, in ejus non debent immorari persona. Sed habitatoribus ejusdem civitatis edicito, ut, si in eadem Ecclesia dignum ad hoc opus invenerint, in ipsius cuncti e-

lectionem declinent. Alioquin præsentium tibi portitor personam, de qua ei diximus, indicabit, in cujus debeat fieri electione decretum. Vos etenim in ejusdem visitationem Ecclesiæ estote solertes atque solliciti, ut & res ejus illibatæ serventur, & utilitates vobis disponentibus more solito peragantur.


NOTÆ AD EPIST. LVII.

^a Ficolino eximiæ probitatis & capacitatis viro, atque Ariminensis Ecclesiæ vicino, ejusdem cura ac visitatio injungitur. Demortuo quatuor post annis Johanne Episcopo Raven. Ravenatis Ecclesiæ visitationem eidem Severo delegatam legimus *lib. 4. Epist.*

25. Ariminensis Ecclesiæ, dum Castorius Episcopus Romæ infirmus detinebatur, commissa fuerat cura Leontio Urbinati. *Ind. xi. Epist. 24. deinde Sebastiano, ut discimus ex Epist. 21. Ind. 15.*

AN. CHR.
590. 591.
GREG. I.

* E P I S T O L A * LVIII.

 Ad Arsicinum ducem, clerum, ordinem, & plebem Ariminensis civitatis.
* Al. lvi.

Ne Ocleatinum in Episcopum eligant.

^a Gregorius ^b Arsicino duci, clero, ordini, & plebi^b Ariminensis civitatis.

Dilectionis vestræ quam sit in expectatione Pontificis pro-
na devotio, directæ relationis tex-
tus insinuat. Sed quia ordinatorem
vehementer in his oportet esse so-
licitum, nostræ in hoc utique cura
deliberationis invigilet. Ideoque ca-
ritatem vestram scriptis præsentibus
admonemus, ut nullus se debeat
pro Ocleatini ad nos fatigare per-
sona: sed si in eadem civitate qui
ad hoc sit utilis invenitur, itaut a
nobis reprehendi non possit, vestra
concurrat electio. Si vero ad hoc
dignus inventus non fuerit, nos in
quo pariter debeatis præbere con-
sensum, præsentium diximus por-
titori. Vos autem unanimes orate
fideliter, ut quicumque fuerit or-
dinandus, & vobis utilis possit exis-
tere, & dignum Deo nostro sacer-
dotale exhibere servitium.

N O T Æ A D E P I S T. LVIII.

^a In excusis, *Ursicino*; & infra, *O-*
cleatini, pro *Ocleatini*.

^b Ariminum, vulgo *Rimini*, urbs
hodieque Episcopalis in Provincia, quæ
olim *Æmilia*, quæ vulgo *la Romagna*
dicitur. Sita est inter Ravennam &

Anconam, ad mare Hadriaticum: sub-
ditur nunc Archiepiscopo Ravennati,
ceu Metropolitano suo; summo Ponti-
fici, ut domino ac principi suo. *Gus-*
sanv.

* Al. lvi.

E P I S T O L A * LIX.

Ad Anthemium Subdiaconum.

Palatinæ annuos triginta solidos pro sustentatione tribuat.

Gregorius Anthemio Subdiacono.

^a **S**I proximorum necessitatibus ha-
bita compassione benigna mente
concurrimus, nostris proculdubio ^a
necessitatibus clementem Dominum
reperimus. Palatina siquidem femi-
na illustis, continua hostilitate in-
sinuavit se plurimis necessitatibus
subjacere. Propterea experientiæ tuæ
præsentī auctoritate præcipimus, ut
pro sustentatione ejus annuos trigin-
ta solidos dare non differas, qui
tuis postmodum possint rationibus
imputari. Ita ergo fac, ut & tu
bene ministrando mercedis commo-
dum percipias, & nostra ad effe-
ctum præcepta perducas.

N O T Æ A D E P I S T. LIX.

^a In Norm. & nonnullis, etiam Va-
tic. *petitionibus*.

^b In uno Teller. subscribitur, *Men-*
se Augusto Ind. 9.

* Al. lviij.

E P I S T O L A * LX.

Ad clerum, ordinem, & plebē consistentem Perusiæ.

*Ne Episcopi electionem diutius differant.*Gregorius clero, ordini, & plebi consistenti ^a Perusiæ.

Miramur, carissimi fratres in Christo, quare Ecclesiam Dei tanto tempore absque Rectore conspiciatis, ac de vestro totiusque plebis regimine minime cogitatis. Notum est enim, quod grex, si pastoris cura defuerit, per avia gradiatur, & ob hoc ^b facilius inimici laqueos insidiantis incurrat. Unde necesse est de his, qui Ecclesiæ

militant, unum, habito timore Domini, perquirere, qui Pastoris ministerium possit dignē suscipere, atque illic protegente Domino, sacramentorum divinatorum dispensator insistere: quatenus & pro filiis Ecclesiæ vestræ puræ quotidie mentis holocaustum offerat, & viam gregi, quomodo ad supernam patriam gradiatur, ostendat.

N O T Æ A D E P I S T. LX.

^a Vulgo *Perugia*, urbs ampla Italiæ in Hetruriæ Umbriæque confinio: nunc etiamnum episcopalis. *Gussanv.*

^b In excusis & in nonnullis MSS. *ob hoc familiarius*. Lektionem nostram suppeditarunt præsertim Vatic.

* Al. lix.

E P I S T O L A * LXI.

Ad Gennadium Patricium & Exarchum Africæ.

Ut Theodorum Magistrum militum a pauperum & Ecclesiæ vexatione abstinere jubeat.

Gregorius Gennadio Patricio & ^a Exarcho Africæ.

DEi præ oculis vos indefinenter habere timorem, ac sectari justitiam, submissa hostium colla testantur: sed ut gloriam vestram in eadem prosperitate gratia Christi custodiat, quæcumque perperam committi cognoscitis, celeri, sicut consuevistis, prohibitione compescite; ut armis justitiæ præmuniti, hostiles impetus fidei virtute, ^b quod est tutius culmen virtutis, superetis. Marinianus siquidem ^c Turritanæ civitatis frater & Coepiscopus noster, nobis lacrymabiliter indicavit, civitatis suæ pauperes omnino vexari, & ^d commodat

Tom. VII.

libus affligi dispendiis. Insuper & ^e religiosos Ecclesiæ suæ homines gravem ab hominibus Theodori ^f magistri militum sustinere molestiam, ac pati corporales injurias: & quod ad hoc usque prorumpitur, ut ^g in carcerem, quod dici nefas est, retrudantur: se quidem etiam in causis ad Ecclesiam suam pertinentibus a præfato glorioso viro graviter impediri. ^h Quæ quam sint, si tamen vera sint, reipublicæ disciplinæ contraria, vos scitis. Et quia hæc omnia vestram excellentiam convenit emendare, salutans eminentiam vestram exposco, ut ea ulterius

K

rius

AN. CHR.
590. 591.
GREG. I.

6633
i

k

rius fieri non sinatis: sed ex opere i illi jubete diligere, ut ab Ecclesiæ se læsione removeat, & nullus eorum in angariis seu commodis ultra quam finit ratio, prægravetur; aut si quæ causæ fuerint, non potentatus metu, sed legali ordine finiantur. Ita igitur quæso, aspirante vobis Domino, hæc omnia k

præceptionis vestræ interminatione corrigite, ut si non rectitudinis contemplatione, saltem formidine vestræ iussionis a talibus se gloriosus Theodorus, vel homines ejus abstineant: quatenus, quod ad laudem vestram proficiat & mercedem, in partibus vobis commissis possit florere cum libertate justitia.

NOTÆ AD EPIST. LXI.

a Seu Præfecto prætorio, quem Carthagine commorari voluit Justinianus, & aliis Provinciarum Præfectis præpouit. Cumque Sardinia una ex septem Africæ Provinciis esset, ea ratione ad hunc Exarchum querelas de Theodoro Sardinie Præfecto seu Duce cujus supra mentio in epist. 48. & 49. deferre curat.

b Sic restituimus, ex MSS. præsertim Vatic. & Norm. cum prius legeretur, *quod est totius* &c.

c Urbs est in Sardinia, quæ apud Plinium lib. 3. cap. 7. *Turris Libyssonis* dicitur. Apud Ptolemæum lib. 3. cap. 3. *Turris Byssonis*. Denique *Turribus*, in tabulis Peutingerianis, & apud Anonymum Ravennatem.

d Hoc est, dispendiis commodorum, seu bonorum temporalium. Maur. Potius, *angariis* quæ in commodum Theodori, non in utilitatem reip. cedunt. E. V.

e Vox *religiosi* tam longe abducta est

a primæva significatione, ut necesse fuerit hic notam adjungere, ne de monachis dictum existiment, quod Clericorum fuit, & aliorum fidelium. Vide Lugdun. II. can. 2. ubi de testamentis statuitur. Sidonius Apollinaris l. 4. epist. 28. Vettium illustrem delineans, ait eum esse occulte delicateque religiosum, non sub palliolo, sed sub paludamento. Vide lib. 5. ep. 22. *Guffanv.*

f In Vat. B. *magnifici viri*.

g Infra lib. II. ep. 56. nunc ep. 45. lib. 13. Clericorum immunitas prolatis Imperatorum legibus asseritur. *Guff.*

h Prius *quæcumque sint, si tamen* &c.

i Ita tres Vatic. In alio notato D. & in Corb. Norm. & plur. tantum legitur, *jubete, ut, &c.* In excusis, *opere illi jubete diligenti, ut.*

k Irrepsit in excusos nostræ, pro *vestræ*; quod emendavimus ex MSS. Vatic. Gall. Anglic.

a
Al. lx.

* EPISTOLA * LXII.

Ad Januarium Archiepiscopum Caralis Sardinie.

Ut a quorundam molestiis Catellam, salva justitia, tucatur.

b

Gregorius Januario b Archiepiscopo Caralis Sardinie.

SI ipse Dominus noster viduarum se maritum, orphanorumque patrem Scripturæ sacræ profitetur testimonio, nos quoque membra corporis ejus ad imitandum caput summo debemus mentis affectu intendere, & salva justitia, orphanis & viduis præsto, si necesse sit, esse. Et quia insinuatum est nobis Catellam religiosam feminam habentem filium suum hic in sancta Ro-

mana Ecclesia, cui Deo auctore præsidemus, militantem, quorundam immissionibus vel inquietudinibus molestari; de ea re fraternitatem vestram scriptis præsentibus necesse duximus adhortandam, ut eidem prædictæ feminæ tuitionem ferre, salva justitia, non declinet: sciens quod de hujusmodi rebus & Dominum sibi debitorem faciat, & nostram circa se caritatem ma-

gis

gis adstringat. Causas enim prædictæ feminæ, sive sint, sive fuerint, vestro^c volumus iudicio terminari, ut foralis illi inquietudo submoveri debeat, & tamen a iudicii

justitia nullatenus excusetur. Oro autem Dominum, qui viam vestram cursu ad se prospero dirigat, & ad regnum venturæ gloriæ propitiatus ipse perducatur.

AN. CHR. 590. 591. GREG. I. 667

NOTÆ AD EPIST. LXII.

^a Hæc & 64. una videntur epistola, paucis in limine mutatis.
^b Ita legitur in Vatic. & aliis MSS.

In editis, *Archiepiscopo Caralitano*.
^c Sic legendum ex MSS. Vat. & omnibus al. In vulgatis, *nostro*.

* Al. LXI.

EPISTOLA * LXIII.

Ad Januarium Episcopum Caralis Sardinæ.

Pompejanam, ne contra æquitatem gravetur, commendat.

Gregorius Januario Episcopo Caralis Sardinæ.

Licet fraternitas vestra zelo justitiæ se in diversorum tuitiorem congruenter impendat; propriorem tamen eam credimus profusus existere in eorum solamina, quos ei nostra commendat epistola. Pompejana igitur religiosa femina per hominem suum suggestit, multa se quorundam hominum sustinere assidue irrationabiliter gravamina, & ob hoc nobis supplicasse dignoscitur, ut nostris eam vobis commendaremus apicibus. Propterea salutantes fraternitatem tuam, debito caritatis affectu præ-

dictam vobis feminam necessario duximus commendandam, ut comitante justitia, ^a in nullo eam fraternitas tua contra æquitatem gravari permittat, nec aliqua inconsulte pati dispendia. Sed si quas eam habere causas contigerit, in electorum iudicio, ^b altercando ventiletur contentio: & quæcumque fuerint diffinita, ita tranquille ad effectum vobis solatiantibus perducantur, ut & vobis pro tali opere merces inhæreat, & nostris apicibus commendata, gaudeat se invenisse justitiam.

a

b

NOTÆ AD EPIST. LXIII.

^a Vatic. B. *nullum eam fraternitas tua . . . gravare permittat*. Excusi, *in nulla . . . causa gravari* &c. Sequimur duos Vatic. & alios potioris notæ.

^b Hanc lectionem amplecti nos cogit vet. MSS. & edit. consensus. In recent. legitur, *altercantium*.

* Al. LXII.

EPISTOLA * LXIV.

Ad Januarium Archiepiscopum Caralitenum.

Catellam religiosam feminam commendat.

Gregorius Januario Archiepiscopo Caralis Sardinæ.

Pastoralis regiminis necessitate compellimur, ut orphanorum, viduarumque causis solertius, quam curis cæteris insistamus. ^a Inlinua-

tum vero nobis est, Catellam religiosam feminam, habentem filium hic in sancta Romana Ecclesia, cui Deo auctore præsidemus, militan-

K 2 tem,

AN. CHR.
590. 591.
GREG. I.

667

tem, quōrumdam immissionibus vel inquietudinibus molestari. De ea re fraternitatem vestram scriptis præsensentibus necesse duximus adhortandam, ut eidem prædictæ seminae tuitionem, ferre salva iustitia, non declinet; sciens quod de huiusmodi rebus & sibi Dominum faciat debitorem, & nostram circa se caritatem magis adstringat. Causas enim

prædictæ seminae sive sint, sive fuerint, vestro volumus iudicio terminari, ut foralis illi inquietudo submoveri debeat, & tamen a iudicii iustitia nullatenus excusetur. Oro autem Dominum qui viam vestram cursu ad se prospero dirigat, & ad regnum venturæ gloriæ propitiatus ipse perducatur.

NOTÆ AD EPIST. LXIV.

a In editis, *Et quia insinuaturnobis est.*

* Ad. LXIII.

EPISTOLA * LXV.

Ad Anthemium Subdiaconum.

Injuste titulatam Petronii domum, Theodora illius viduæ restituendam.

Gregorius Anthemio Subdiacono.

Sicut res ad jus Ecclesiæ pertinentes amittere non debemus, ita alienas appetere incivile esse nihilominus iudicamus. Et quoniam edocti sumus, domum Petronii^a notarii sanctæ Romanæ Ecclesiæ, cui Deo auctore præsidemus, a Constantio tunc defensore irrationabiliter^b titulatam: experientia

tuæ præsentis præcepti pagina demandamus, in omni excusatione vel dilatione omiſsa, deposito titulo eandem domum præsentium latrici Theodora relictae antedicti Petronii sine mora restituas: ne, quod absit, viduis inde præiudicium oriatur, unde consolationis debent invenire solatium.

NOTÆ AD EPIST. LXV.

a Scribæ a notis ita dicti: scribebant ipsi vel in Palatio, vel in militia, vel in Ecclesia; atque adeo diversi erant eorum ordines, diversa munia, quæ persequi non est animus. Guffanv.

b Valentin. lib. 3. Cod. de bonis vacantibus: *Tituli quorum adjectione prædia nostris sunt conservanda substantiis, non nisi publica testificatione proponuntur.* Dicunt tabulas fuisse ligneas, *ovidas*, ex Novell. 30. de Protect. Capadociæ cap. 8. Gall. *ecriteaux*, *pannonceaux*, *affiches*. Ad hunc morem alludit S. August. expos. in epist. S. Joh. tract. 7. *Recedite prædones, recedite invasores possessionis Christi. In possessionibus vestris ubi dominari vultis, titulos omnipotentis ausi estis infringere*

re: cognoscit ille titulos suos: vindicat sibi possessionem suam: non delet titulos, sed introit & possidet. Sic ad Catholicam venienti non deletur baptismus, ne titulus Imperatoris deleatur, &c. Contra titulorum effraçtores statuitur in Novella prædicta. Guffanv. Lege ep. 41. lib. 5. & Gesta Synodi ad calcem epistolarum, quæ olim erant ep. 44. l. 4. *Consuetudo nova in Ecclesia hac valde reprehensibilis erupit, ut cum Rectores ejus patrimonii, urbana vel rusticana prædia juri illius competere posse suspicantur, fiscali more titulos imprimant.* &c. De titulis in possessionis signum apponi solitis vide Cassiod. l. 4. Var. Ep. 14. *Casa ejus, appositis titulis, fisci nostri juribus vindicabis.* Lege etiam ep. 7. lib. 5.

Al. lxiv.

E P I S T O L A * LXVI.

Ad Felicem Episcopum Messanensem.

AN. CHB.

590. 591

GREG. I.

6693

Quæ servandæ sint consuetudines, quæ abrogandæ. Ne munera sibi mittat; aut Romam veniat, amice monet.

Gregorius Felici Episcopo Messanensi.

Johan. Diae. a
lib. 3. cap. 24.
a

Consuetudines, quæ Ecclesiis gravamen noscuntur inducere, nostra nos decet consideratione remittere: ne illuc aliqua cogantur inferre, unde sibi inferenda debent potius exspectare. Clericorum siquidem vel aliorum consuetudinem te oportet illibatam servare, eisque annis singulis quæ sunt consueta, transmittere. Nobis autem de cætero, ne quid transmittere debeas, inhibemus. Et quoniam non delectamur xeniis, ^b Palmatianas, quas tua direxit fraternitas, cum gratiarum actione suscepimus; sed eas, ne quod

exinde potuisses sentire dispendium, digno fecimus pretio venundari, & id fraternitati tuæ transmisimus * singillatim. Sed quia caritatem tuam ad nos venire velle cognovimus, scriptis præsentibus admonemus, ut ad veniendum non debeas laborem assumere; sed ora pro nobis, ut quanto nos itineris intervalla dissociant, tanto animis nostris adinvicem Christo adjuvante simus in caritate conjuncti: quatenus nos alterna obsecratione juvantes, susceptum officium venturo integrum judici resignemus.

* al. sigillatim.

N O T Æ A D E P I S T. LXVI.

^a Est debitum jure aut injuria lapsu temporis introductum. Sic multa in Ecclesiam investa sunt, quæ sancti Gregorii exemplo sublata esse pridem oportuit, quæque nunc exigi vetat justitia, vetat prudentia, vetant Canones. Vide Conc. Cabilon. II. can. 16. & 17. *Guffanv.*

^b Vestes palmatas intelligo, quasi palmis intertextis, opere, ut vocant, Phrygio sive plumario concinnatas. Palmatam vestem olim in pretio habitam apud Romanos notissimum est. Erat autem Imperatorum & virorum insignium. *Guffanv.* Eadem fere est nostri *Mabillonii* sententia de Palma-

tianis, in Vita S. Greg. quam tom. I. Actorum SS. Ord. S. Benedicti inseruit. Dictorum virorum sententiæ libenter subscribimus, nec placet Card. Baronii conjectura, *uvas Palmatianas seu vinum Palmatianum* intelligentis. Præcipua dona quibus amicos Reges Senatus Romanus excolebat, togæ pictæ & tunicæ palmatæ fuerunt, teste Livio lib. 2. cap. 8. In missa ab Illyrico edita fit mentio vestis sacræ, quæ Palmatica appellatur, ut observat Hugo Menardus ad lib. Sacram. nota 940. *Maur.* Quid si palmæ fructus seu dactylos simpliciter intelligamus esse missos? E. V.

* Al. lxv.

E P I S T O L A * LXVII.

Ad Petrum Subdiaconum.

Ut Pastori oculis infirmo annum præstet alimentum.

a

Gregorius ^a Petro Subdiacono.

Johan. Diae.
lib. 2. c. 55.

Si proximorum necessitatibus habita compassione benigna mente concurrimus, nostris proculdubio pe-

ditionibus Dominum clementem reperimus. ^b Pastorem siquidem, qui nimia visus imbecillitate laborat, ha-

b

AN. CHR.
590. 591.
GREG. I.
673

habentem conjugem, duoque man-
cipia, qui & cum Jonatha quondam
gloriosa fuerat, plurimis cognovimus
necessitatibus subjacere. Propterea
experientiam tuam per præsentis præ-
cepti paginam admonemus, uti pro
sustentatione ejus annuos tritici ^c
modios trecentos, necnon & fabæ

modios totidem dare non differas,
quæ postmodum possint tuis rationi-
bus imputari. Ita ergo fac, ut &
tu bene ministrans mercedis com-
modum percipias, & nostra ad ef-
fectum præcepta perducas. ^d Mense
Augusto.

NOTÆ AD EPIST. LXVII.

^a In Norm. Colbert. Corb. Germ. &
pl. legitur simpliciter *Petro*. At in 4.
Vatic. additur *Subd.* Consentit codex
And. Prius legebatur in excusis *An-
themio Subd.*

^b Nomen viri proprium, quale a-

pud Ausonium: *Guffanv.*

^c Ita restituimus ex uno Vatic. Corb.
Norm. In aliis legitur, *centum modios*.

^d In solo Turon. S. Gatiani hoc le-
gitur & in Colbertino, in quo tamen
ad ep. seq. pertinere videtur.

* Al. LXVI.

EPISTOLA * LXVIII.

Ad Anthemium Subdiaconum.

*Sacram supellestilem Venafrana Ecclesiæ, quam Clerici Judeo vendiderant,
restitui curet, ac reos ad pœnitentiam compellat.*

Gregorius Anthemio Subdiacono.

^a **F**uscus Archiater, ardore fidei
provocatus, preces effudit, di-
^b cens Opilionem Diaconum ^a servum
Dei, & Crescentium, Clericos ^b Ve-
nafranæ Ecclesiæ, oblitos timorem
^c futuri judicii, ^c ministeria antefatæ
Ecclesiæ Hebræo cuidam, quod di-
^d ci nefas est, vendidisse: id est, in
argento calices duos, ^d coronas cum
delphinis duas, & de aliis coronis
^e lilios, ^e pallia majora sex, & mi-
^f nora septem. Et ideo mox ut præ-
sentem jussionem experientia tua su-
sceperit, memoratos Ecclesiasticos ad
se faciat indifferenter occurrere; &

requisita veritate, si ita, ut sugge-
stum est, constiterit, memoratum He-
bræum, qui oblitus vigorem legum,
præsumsit & sacra cimelia compara-
re, per judicem provinciæ faciat
conveniri; & sine aliqua mora an-
tefata ministeria reddere compella-
tur; ut ex eis sæpe fatæ Ecclesiæ
nihil possit imminui. Supra scriptos
autem Diaconum vel Clericos, qui
tantum nefas commiserunt, in pœ-
nitentia ^h religare non differas, ut
tale tantumque delictum suis lacry-
mis possint diluere.

NOTÆ AD EPIST. LXVIII.

^a Sic restituimus ex MSS. Vatican.
Norm. &c. cum prius legeretur, *Dia-
conum*; sed & *servum Dei Crescentium*.

^b Venafrum vulgo *Venafri*, urbs Cam-
paniæ non procul a Vulturno fluvio,
nunc adhuc Episcopalis sub Archiep.
Capuano. In MSS. varie scribitur. In
Vatic. B. *Venafana*. In C. *Benafana*.
In D. *Benafra*. Norm. Corb. & vet.
ed. sequuntur Vaticanum C.

^c Hic vasa, ornamenta, supellex sa-
cra: *Guffanv.* Contra Clericorum illo-
rum scelus placet hæc verba Optati
intorquere: *Hoc tamen immane facinus
a vobis geminatum est, dum fregistis
calices Christi sanguinis portatores . . .
avarum dum venditis, sacrilegi dum in-
considerate vendidistis Emerunt
forsitan in usus suos sordidæ mulieres;
emerunt pagani, facturi vasa in quibus
in-*

incenderent idolis suis. Optat. l. 6. de Schif. Donat. c. 2. Vide etiam c. 5.

d Corona est candelabrum in modum coronæ ac circuli variis lucernis instructum. Delphini sunt ejusmodi candelabrorum non ornamenta modo, sed & fulcra. Anastas. in Silvestro: Coronas quatuor dedit Constantinus cum Delphinis viginti ex auro purissimo; & infra: Coronam auream ante corpus B. Petri cum Delphinis quinque. Idem in Sergio: Cantharos & coronas, quæ ante sacrum altare, & confessionem B. Petri Apostoli, ex antiquo pendebant, deponi fecit.

e Anastasius in Leone 3. Hic sacer Antistes super ipsas columnas liliis poni fecit. In Vatic. C. legitur lilia.

f Hic variant codices, etiam Vatican: A. habet, pallium majus unum,

minora sex: B. pallia majora & minora septem: C. pallia maj. & minora sex; D. pallia majora minora sex. Consentiant Norm. & Corb. In sacra supellestili sæpe pallia commemorantur. Greg. Turon. l. 7. Hist. c. 22. Cumque jam altarium cum oblationibus pallio serico coopertum esset. Et l. 1. de mirac. S. Mart. c. 13. Et aut ex velo januæ, aut palliolis quæ pendent de parietibus. Per pallia possunt etiam intelligi vestes sacerdotales & sacræ, quæ etiam in monasteriis erant pretiosæ. Theodorus Studita in suo testamento art. 19. Non uteris vestimento elaborato & pretioso, præterquam sacerdotali.

g Corrupte in excus. sacra civiliter. De cimeliis jam dictum in ep. 20.

h Sic MSS. fere omnes, ubi ed. habent relegare.

AN. CHR.

590. 591.

GREG. I.



* AL. LXVII.

E P I S T O L A * LXIX.

Ad Petrum Subdiaconum Siciliæ.

Monasterii lites ac negotia omnia perito e laicis viro committenda.

Gegorius Petro Subdiacono Siciliæ.

Sicut studii nostri esse condecet; a a litigiis foralibus monachos submovere, ut divinis ministeriis pie ac solerter invigilent: ita necesse est nostram provisionem, quemadmodum negotia eorum disponi debeant ordinare, ne distenta mens per varias causarum curas defluat, & ad celebrandum opus consuetum enervata torpescat. Præsentium itaque lator Abbas Johannes plurima se a monasterii sui asserit habere negotia. Pro qua re experientiam tuam per præsentis scripti paginam admo-

nemus, quatenus cum Fausto, b qui Romani viri magnifici ex præ- c tore cancellarius fuerat, loqui debeat. Cujus si pronom ad hanc rem compereris voluntatem, ei monasterii ipsius generaliter debeas constituto salario commendare negotia. Expedit enim parvo incommodo a strepitu causarum servos Dei quietos exsistere; ut & utilitates cellæ per negligentiam non pereant, & servorum Dei mentes ad opus Dominicum liberiores exsistant.

b

c


N O T Æ A D E P I S T. LXIX.

a Scilicet S. Lucie Syrac. ut liquet ex ep. 39. lib. 7.

b In Vatic. A. qui Romani, viri memorandi, ex tempore cancellarius fuerat: B. qui Romanæ urbis ex prætoris cancellarius fuerat. In Corb. ex prætoris cancellarii, consentientibus Lyr. & Aud. In Turon. corrupta est lectio.

In Becc. qui ex prætoris cancellis.

c Idem erat ac scriba seu notarius. Ita dictus est quod intra cancellos staret, ut tutiora essent ejus scrinia. Cancellarii officium militiam cancello- rum vocat Cassiodor. lib. 11. Va. 6. Vide Agathiam lib. 1. de ministris Narsetis.

AN. CHR.
590. 591.
GREG. I.

* AL. LXVII.

E P I S T O L A * LXX.

Ad universos Episcopos per Siciliam.

A fistorum defensorum angariis quomodo sibi caveant.

Gregorius universis Episcopis per Siciliam.

Fraternitatis vestræ diu jam probata devotio tanto nos compellit pro vobis caute providere, quanto vos adstruit audito nostræ Ecclesiæ damno, studiose concurrere. Cognovimus quosdam in Sicilia insula simulantes se Sedis Apostolicæ defensores, ^a de frumento vos in angariis, aliisque rebus affligere; necessarioque duximus eorum fallaciæ scriptis præsentibus obviare. Ideoque fraternitatem vestram caritate debita salutantes, magnopere commonemus, ut nullo modo talibus deinceps apud vos locus furripiendi remaneat: sed quisquis ille est, si

rèvera sedis nostræ fuerit notarius vel defensor, nisi nostra ad vos specialiter, vel rectoris nostri patrimonii scripta detulerit, nullis per nomen Ecclesiæ nostræ potiatur angariis: nec aliqua vobis ab eo gravamina imponi permittatis, sed suis utilitatibus iter suum propriis, ut novit, disponat expensis. Nec quemquam ab eo in locis istis patiamini molestari. Hæc etenim quæ nostris apicibus pro vestra vestrorumque quiete inhibuisse cognoscimur, sic constantius conservate, ut hoc exuti gravamine, divinis obsequiis devoti ac paratiores inveniri valeatis.

N O T Æ A D E P I S T. LXX.

a In multis deest, de frumento.

* AL. LXIX.

E P I S T O L A * LXXI.

Ad Petrum Subdiaconum.

Ut Cyriacum & Johannam conjugem ejus ex Judea Christianam tueatur.

Gregorius Petro Subdiacono.

EGentibus nostræ commendationis auxilio, oportet nos, in quantum ratio patitur, benigna mente præbere subsidium. Proinde experientiæ tuæ Cyriacum & Johannam conjugem ejus, præsentium portitores nostra præceptione duximus commendandos, quatenus a nullo eos contra justitiam opprimi vel gravari permittas. Sed ubi necesse fuerit, tuis, annuente justitia, solatiis perfruantur; ut salva æquitate, nostram sibi in omnibus commendatio-

nem, te concurrente, prodesse, lætentur. Quia vero præfata femina, pro eo quod post acceptas sponsalitates arrhas, ex Judæa ad Christianam religionem conversa est, dicitur sustinere molestiam: & eandem causam jam dictam asseruit, & finitam: experientia tua diligenter exquirat; & si causam judicatam cognoverit, nullam exinde querelam adversus suscriptam feminam ulterius quolibet modo reserpere permittat. Sed quæ judicata sunt, modis omnibus con-

con-

conserventur ; ne ob id quod meliorum hominum controversiis qualiore partem elegisse dignoscitur, tiatur.

A N. C H R.
590. 591.
G R E G. I.
663

* Al. lxx.

E P I S T O L A * LXXII.

Ad Petrum Subdiaconum.

Ne ante hiemem Siculi Episcopi omnes Romam veniant. Frumenti copiam ultra solitum comparet Petrus, ac congruo tempore in urbem transmittat.

Gregorius Petro Subdiacono.

Quia fratres & Coepiscopos nostros in Sicilia insula commorantes, ad beati Petri Apostoli natalitium diem convenisse volumus, scriptis ^a præcedentibus agnovisti. ^b Sed quia ea causa, ^c quæ cum viro magnifico Justino Exprætore ^d dicitur, eorum iter interim præpedit, & quia jam tempus veniendi & redeundi non finit, eos nolumus ante hiemem fatigari. Gregorium vero ^e Agrigentinum, & Leonem ^f Catanensem, & Victorem ^g Panormitanum per omnia nos volumus ad ^h nos ante hiemem proficisci. Quinquaginta vero auri libris, nova frumenta ab extraneis compara, & in Sicilia in locis, in quibus non pereant, reponere: ut mense Februario illuc naves quantas possumus dirigamus, & eadem ad nos frumenta deferantur. Sed etsi nos transmittere cessamus, ipse naves provide, & ad nos, auxiliante Domino, Februario mense transmittite hæc eadem frumenta, exceptis dumtaxat frumentis, quæ nunc mense Septembris, vel Octobris, juxta consuetudi-

nem transmitti præstolamur. Ita ergo experientia tua faciat, ut sine alicujus vexatione coloni Ecclesiastici, frumenta congregentur: quia tantum hic ^g parva nativitas fuit, ut, nisi auxiliante Deo frumenta de Sicilia congregentur, fames vehementer immineat. Naves vero, quæ commendatæ Ecclesiæ sanctæ semper fuerunt, in omnibus tuere, ad quod tibi etiam directæ gloriosi viri Leonis ^h Exconsulis epistolæ concurrunt. Multi vero huc veniunt, qui terras aliquas, vel insulas in jure Ecclesiæ nostræ, in emphyteosim sibi postulant dari: & aliquibus quidem negamus, aliquibus vero jam concessimus. Sed tua experientia sanctæ Ecclesiæ utilitatem conspiciat, memor, quod ante sacratissimum beati Petri Apostoli corpus, potestatem patrimonii ejus acceperit. Et licet hinc scripta decurrant, quod utilitatem patrimonii impedit, fieri nullo modo permittat: quia nec nos sine ratione aliquid dedisse reminiscimur, vel dare disponimus.

N O T Æ A D E P I S T. LXXII.

^a Supr. Epist. 36. quam primus edidit Baluzius.

^b De Justini cum Siciliæ Episcopis dissidio, sup. Ep. 2.

^c Videtur legendum, *Prætore*, etsi aliter habeant MSS. nam Justinus in Sicilia præturam gerebat adhuc Indi&ct. x. Vide ep. 33. hujus Ind. ipsi successit Libertinus Ind. xi. Vide ep. 38.

Tom. VII.

^d Agrigentum, vulgo *Gergenti*, urbs Siciliæ maritima, adhuc Episcopalis sub Archiepiscopo Panormitano. *Guffanv.*

^e Panormus, vulgo *Palermo*, urbs maritima, hodie Archiepiscopalis, & Siciliæ caput. *Guffanv.*

^f In vulgatis & in plurimis MSS. *ad te*, sed legendum *ad nos* probant ep. 33. lib. 2. & 12. libri undecimi:

L

ex

ex quibus patet illos Episcopos, sal-
A N. CHR. tem Gregorium & Victorem, Romam
590. 591. ut se purgarent, venire iustos.

GREG. 2. g Dicerent alii, paucæ segetes Gall.
6673 petite recolte. Guffanv. Observandum in
MS. Bigotiano vitæ S. Greg. auctor.

Johanne Diacono, pro, *nativitas*, le-
gi *fativitas*, vel *fatio*, lib. 2. cap. 60.
ubi hæc ep. refertur.

h Scilicet per codicillos & litteras,
ut jam supra monuimus.

* Al. lxxi.

E P I S T O L A * LXXIII.

Ad Petrum Subdiaconum.

De restituendis Taurominitanæ Ecclesiæ possessionibus atque pecuniis.

Gregorius Petro Subdiacono.

QUanto Apostolicæ Sedi ab Ec-
clesiis reverentia cæteris exhi-
betur, tanto eam in earum decet
esse tuitione sollicitam. Et quia do-
mus vel fines atque possessiones ^a
Taurominitanæ juri Ecclesiæ perti-
nentes, ab actionariis dicuntur no-
stræ Ecclesiæ contra rationis ordi-
nem occupatæ, experientiæ tuæ præ-
séntis hujus præcepti pagina depu-
tamus, quatenus cognita veritate, si
ita est, cuncta quæ occupata didi-
ceris, in ante fatæ Ecclesiæ pristina

jura restituas. Quia vero pervenit
ad nos, vivente adhuc Victorino E-
piscopo, ejusdem Ecclesiæ periisse
pecunias, ad earum requisitionem te
Secundino fratri, & coepiscopo no-
stro volumus præbere ^b solatia, &
utilitatibus ejusdem Ecclesiæ in quo
necessarium fuerit, salva æquitate
concurrere. Ita enim cuncta, quæ
in hujus præcepti pagina continen-
tur, effectui mancipare festina, ut
de æquitate servata præfati Episco-
pi relationibus ipse lauderis.

N O T Æ A D E P I S T. LXXIII.

^a Taurominium, vulgo *Taormina*,
urbs olim Episcopalis Siciliæ maritima
in ora Orientali vallis Demonæ, in-
ter Messanam ad Boream, & Cātā-
nam ad Austrum. Guffanv.

^b Hoc est, auxilium, adjutorium.

Reg. S. Bened. cap. 31. de cellerario,
solatia ei dentur. Supra ep. 63. *vobis*
solatiantibus, hoc est juvantibus. In-
fra sæpe vox ista eodem sensu usur-
patur.

* Al. lxxii.

E P I S T O L A * LXXIV.

Ad Gennadium Patricium, & Exarchum Africæ.

Illum ad comprimendos hæreticorum adversus Ecclesiam conatus incitat.
Ne Primas ex ordine loci eligatur. Ne extra civitatem resideat. Ne
qui Romam venire voluerint Numidæ Episcopi impediantur.

^a Gregorius Gennadio Patricio, & Exarcho Africæ.

Græc. 23. g.
4. can. 142.

Sicut excellentiam vestram hosti-
libus bellis in hac vita Dominus
victoriarum fecit luce fulgere, ita
oportet eam inimicis Ecclesiæ ejus
omni vivacitate mentis & corporis
obviare; quatenus ejus ex utroque

triumpho magis ac magis enitescat
opinio: cum & forensibus bellis ad-
versariis Catholicæ Ecclesiæ pro Chri-
stiano populo vehementer obsistitis,
& Ecclesiastica prælia sicut bellato-
res Domini fortiter dimicatis. No-
tum

tum est enim hæreticæ religionis viros, si eis, quod absit, suppetit nocendi licentia, contra Catholicam fidem vehementer insurgere, quatenus hæreseos suæ venena ad tabefacienda, si valuerint, Christiani corporis membra transfundant. Cognovimus enim eos contra Ecclesiam Catholicam, Domino eis adversante, colla subrigere, & fidem velle Christiani nominis inclinare. Sed Eminentia vestra conatus eorum comprimatur, & superbas eorum cervices jugo rectitudinis premit. Concilium vero Catholicorum Episcoporum admoneri præcipite, ut ^b Primatem non ex ordine loci, postpositis vitæ meritis, faciat: quoniam apud Deum non gradus elegantior, sed vitæ melioris actio comprobatur. Ipse vero Primas non passim, sicut moris est, per villas, sed in una

juxta eorum electionem civitate resideat, quatenus adeptæ dignitatis meliori genio resistendi Donatistis possibilitas disponatur. Ex concilio vero Numidiæ, si qui desiderarint ad Apostolicam Sedem venire, permittite: & quilibet eorum viâ contradicere voluerit, obviat. ^d Magno profectu Excellentie vestræ apud Creatorem gloria proficit, si per eam disperfarum Ecclesiarum potuerit societas restaurari. Cum enim largita munera ad nominis sui gloriam conspiciat revocari, tanto largiora tribuit, quanto per ea religionis suæ dignitatem viderit ampliari. Persolventes præterea paternæ caritatis affectum, Dominum petimus, ^e qui brachium vestrum ad comprimendos hostes forte efficiat, & mentem vestram zelo fidei velut mucronem gladii vibrantis exacuat.

AN. CHR.
590. 591.
GREG. I.

2773
c

d

e

NOTÆ AD EPIST. LXXIV.

a De Exarchis jam dictum est supra ad ep. 33. Inter Episcopos, nonnulli olim dicti sunt Exarchi, qui tamquam primates pluribus Provinciis præerant, ut observavit Guffanv. ad ep. 33. Monachi etiam suos Exarchos habuerunt, ut nos docet Theodoretus, in ep. ad S. Leon. inter ejus epistolas edit. Quessel. pag. 531. c. 7. *Et Alypium monachorum, qui apud nos sunt, Exarchum.*

b Primatis seu Metropolitanæ dignitas & jura in omnibus Africæ provinciis non civili Metropoli, (si Carthaginem excipias, Africæ in Ecclesiasticis & in civilibus rebus caput;) sed Episcopatus antiquitati annexa fuere. Vide *Du Pin* dissert. Hist. 1. §. 9. si ve Geographiam sacram Africæ pag. 53. & 54. quam postremæ Optati operum editioni præmisit. Vide & Tilmontium Vitæ S. August. art. 70. 136. 146. Inde ad minus idoneos Metropolitanæ dignitas nonnunquam perveniebat. Propterea hunc morem, alias singularem, abolere tentavit sapientissimus Pontifex: sed obstitit Episcoporum Africæ pars numerosior, quos a Primatu ex-

cludebat Gregorii consilium. Antiquam opposuere consuetudinem, quam infra ep. 77. immotam permanere concedit: *De primatibus constituendis . . . , exceptis, inquit, his qui ex Donatistis ad Episcopatum perveniunt, quos proveri ad primatus dignitatem, etiam cum ordo Clericorum eos ad locum eundem deferat, modis omnibus prohibemus.* An vero in Africa præter Metropolitanos seu Primates, Episcopus aliquis appellaretur *senex*? negat Card. Noris de hæres. Pelag. lib. 2. cap. 8. Afferit vero Tilmontius in Vita S. Aug. art. 136. quos videtis. De hac questione & de Donatistis fufe dictum in vita S. Gregorii.

c Numidia olim erat una ex Africæ provinciis, inter Africam propriam ad Ortum, Mauritaniam Sicifensem ad Occasum, & mare Mediterraneum ad Boream. *Guffanv.*

d Sic legitur in Vatic. D. in Corb. Norm. Rem. ubi excusi habent: *magna profecto Excellentie vestræ . . . gloria proficit.*

e Excusi, quo brachium.

AN. CHR.

590. 591.

GREG. I.

E P I S T O L A * LXXV.

Ad Gaudiosum Magistrum militum Africæ.

✠

* *Al. lxxiii. Gennadium impense laudat, quod non terreno consilio, sed ut Christiana Religio propagetur, Gentes expugnet. De datis Romanæ Ecclesiæ patrimonio incolis gratias agit. Hilarium ejusdem patrimonii Rectorem commendat.*

Gregorius Gennadio Patricio, & Exarcho per Africam.

Grat. 23. 9.
4. can. Si non
ex fidei.

a

SI non ex fidei merito, & Christianæ religionis gratia, tanta Excellentia vestra bellicorum actuum prosperitas eveniret, non summo-
pere ^a miranda fuerant; cum sciamus etiam hæc antiquis bellorum ducibus fuisse concessa. Sed cum futuras, Deo largiente, victorias, non carnali providentia, sed magis orationibus prævenitis, sit ut hoc in stuporem veniat, quod gloria vestra non terreno consilio, sed Deo desuper largiente, descendat. Ubi enim meritorum vestrorum loquax non discurrit opinio? Quæ & bella vos frequenter appetere, non desiderio fundendi sanguinis, sed dilatandæ causæ Reipublicæ, in qua Deum coli conspiciamus, loquitur: quatenus Christi nomen per subditas gentes, fidei prædicatione circumquaque discurrat. Sicut enim exteriora vos virtutum opera eminentes in hac vita constituunt, ita & interna morum ornamenta ex corde mundo procedentia, ^b in futura cælestium

b

gaudiorum participatione glorificant. Plurima enim pro pascendis ovibus beati Petri Apostolorum principis utilitatibus Excellentiam vestram præstitisse didicimus: itant non parva loca patrimonii ejus propriis nudata cultoribus, largitis ^c Datitiorum habitatoribus restaurasset. Quæcumque igitur illi Christiana mente confertis, horum retributionem per spem in futuro judicio sustinetis. Quamobrem præsentium quoque latorem Hilarum Eminentia judicavimus commendandum vestra, ut in his quæ sibi necessaria, justitia tamen præeunte, suggesserit, solitum ei impendatis affectum. Per solvantes autem paternæ caritatis alloquium, petimus Dominum Salvatoremque nostrum, qui Eminentiam vestram pro solatio sanctæ Reipublicæ misericorditer protegat, & ad dilatandum per finitimas gentes nomen ejus magis magisque brachii sui firmitate confortet.

c

N O T Æ A D E P I S T. LXXV.

^a In excusis *miranda fuerat*, scilicet prosperitas. Sed in omnibus Vatic. & Gallic. legitur *fuerant*, quod revocandum ad sequentia: *hæc antiquis bellorum ducibus fuisse concessa*.

^b Vulgati, in *futuram vitam cælestium gaudiorum participatione*. Sequi-

mur Vatic. Reg. Norm. &c.

^c Becc. *Datitiis habitatoribus*. Apud Gratianum loco assignato, *Dacorum*. Legendum forte *Daratitiis* scilicet populis proximæ regionis *Dara*, quæ, ut observat Cluverius, tenuibus atque egenis incolis habitatur.

* Al. lxxi.

E P I S T O L A * LXXVI.

Ad Gaudiofum Magistrum militum Africæ.

AN. CHR.

590. 591.

GREG. I.

1693

Post officiosa verba, commendat Hilarium.

Gregorius Gaudiofo * Magistro militum Africæ.

a

b

Sicut lucernæ lumen per collimitantia quæque quo lucet loca diffunditur, ita cujuslibet personæ bonorum actuum probitas non solum quo degit, sed per diversas provincias, fama loquente cognoscitur: ut quoniam præsentia nulla potest esse notitia, hoc discursus opinionis efficiat, quod rei veritas per præsentiam poterat exhibere. Didicimus enim diversos judices, qui ad ministrandam Africanam provinciam diriguntur, summam gloriam vestram familiaritate diligere. Quod non procederet, nisi apud eosdem judices mentis ejus sinceritas appareret, ut adeptam administrationem consilii vestri participatione dispo-

nerent. Et quidem maximas Deo gratias referimus; cum tales habere proprios provincias habitatores agnoscimus: qui ingenita nobilitate polleant, & potentibus viris adhæreant, provincialibusque suis ad remedium, adepta temporum opportunitate, consistent. Persolventes itaque paternæ caritatis affectum præsentium latorem, quem illuc ad ordinandas res pauperum direximus, vestræ gloriæ commendamus: quatenus ei, in quo necesse fuerit, salva justitia, tribuatis. Oro autem Dominum, qui vitam vestram in omni bono custodiat, actusque vestros misericordiæ suæ dono disponat.

c

N O T Æ A D E P I S T. LXXVI.

a In duobus Vatic. Gaudiofo manenti Africæ. In aliis & in nostris. Magistro militum Africæ.

b In recent. ed. bonorum affectuum, contradicentibus MSS. Vatic. Rem. Corb. &c.

c Scilicet Hilarium vel Hilarum, de quo ep. super. Ex Johanne Diacono

Vit. S. Greg. lib. 2. cap. 35. Viros industrios Rectores patrimoniorum ascivit. . . Hilarium Notarium Germaniciani. Non longe ab Hippone sitam fuisse Germanicianam docet August. Hippo- nensis Episcopus: Ipsi, inquit ep. 251. Germanicienses pertinent ad curam humilitatis nostræ.

* Al. lxxv.

E P I S T O L A * LXXVII.

Ad universos Episcopos Numidiæ.

Quod prius nolebat, jam ex antiqui moris reverentia concedit, seniore Episcopum eo ipso in Primatem eligi. Donatistam excipit. Numidas Antistites hortatur ad pacem, ad Ecclesiæ defensionem, ad sollicitudinem de proximorum animabus.

Gregorius universis Episcopis Numidiæ:

SI quando, carissimi in Christo fratres, inter virentes segetes

zizaniorum quædam se infert importuna commixtio, hanc radicitus ne-

AN. CHR.

590. 591.

GREG. I.

1695

a

b

Grat. dist. 12.
can. 8.

neceſſe eſt cultoris manus adimat, ne futurus ſecundæ ſegetis fructus poſſit intercipi. Et nos ergo, qui licet indigni, Dominici agri culturam ſuſcepimus, ab omni zizaniorum ſcandalo ingenuam reddere ſegetem feſtinemus, quatenus ager Domini reditu abundantiori fructificet. Petiſtis etenim per Hilarum^a chartularium noſtrum a beatæ memoriæ deceſſore noſtro, ut omnes vobis retro temporum^b conſuetudines ſervarentur, quas a beati Petri Apoſtolorum Principis ordinationum initiis hætenus vetuſtas longa ſervavit. Et nos quidem juxta ſeriem relationis vestræ, conſuetudinem, quæ tamen contra fidem Catholicam nihil uſurpare dignoſcitur, immotam permanere concedimus, ſive de Primatibus conſtituendis, cæterisque capitulis; exceptis his qui ex Donatiſtis ad Epiſcopatum perveniunt, quos provehi ad Primatus dignitatem, etiam cum ordo^c Clericorum eos ad locum eundem deferat, modis omnibus prohibemus. Sufficiat autem illis commiſſæ ſibi plebis tantummodo curam gerere: non autem etiam illos Antiſtites, quos Catholica fides in Eccleſiæ ſinu & edocuit & genuit, ad obti-

nendi culmen Primatus anteire. Vos ergo, fratres cariſſimi, admonitiones noſtras zelo caritatis Dominicæ prævenite, ſcientes quod diſtriſtus iudex ad examinandum deducturus eſt cuncta quæ gerimus, & unumquemque noſtrum non ex prærogativa ſublimioris gradus, ſed ex operum meritis approbabit. Quæſo ergo, voſmetipſos invicem alterna pace diligite in Chriſto, & hæreticis vel inimicis Eccleſiæ uno cordis intuitu obviate. De proximorum animabus eſtote ſoliciti; ad fidem quos valetis prædicatione caritatis, prætenſo etiam terrore futuri iudicii, ſuadete: quoniam Paſtores conſtituti eſtis, & Dominus gregum ab iis, quibus commiſit, Paſtoribus, fructum multiplicati gregis exſpectat. Qui ſi proprii gregis augmentum, adhibito ſtudio diligentiori, proſpexerit, multiplicibus proſecto vos cœleſtis regni muneribus decorabit. Perſolvens præterea fraternæ dilectionis alloquium, oro Dominum, qui vos animarum Paſtores: quos elegit, ante ſe dignos efficiat, & hic actus noſtros, quos in futura vita digne ſuſcipiat, ipſe diſponat.

NOTÆ AD EPIST. LXXVII.

^a S. Gregorius *Hilarium* hic atque in aliis epiſt. ſeptem, *Chartularium*: in aliis vero decem, alternis quali vicibus, *Notarium* appellat. Idem fuit in Romana Eccleſia Chartularii & Notarii officium.

^b Romani Pontifices omnium Eccleſiarum privilegia illibata ſervare profitentur. Sic Leo M. ep. 54. ad Marcianum: *Privilegia Eccleſiarum, ſanctorum Patrum Canonibus inſtituta & venerabilis Synodi fixa decretis, nulla poſſunt*

improbitate convelli . . . In quo opere, auxiliante Chriſto, fideliter exſequendo neceſſe eſt me perſeverantem habere famulatum.

^c Ab eſt Clericorum a MSS. Norm. Corb. & plerisque Vatic. Ad hoc verbum correctores Rom. in Decreto Gratiani; *auctor Gloſſæ*, inquirunt, *non videtur habuiſſe verbum Clericorum; quemadmodum neque Ivo neque pleraque Gratiani MSS. exemplaria.*

*Al. lxxvi

E P I S T O L A * LXXVIII.

AN. CHR.

590. 591.

GREG. I.



Ad Leonem Episcopum in Corsica.

Visitationem injungit Saonensis Ecclesiæ.

Gregorius Leoni Episcopo in ^a Corsica.

a

b

c

d

Pastoralis nos cura constringit, Ecclesiæ Sacerdotis moderamine destitutæ sollicita consideratione concurrere. Et quoniam Ecclesiā Saonensem ante annos plurimos, obeunte ejus Pontifice, omnino destitutam agnovimus, fraternitati tuæ visitationis ejus operam duximus injungendam, quatenus tuis dispositionibus ejus possit utilitas profligari. In qua etiam Ecclesia vel ejus parochiis, Diaconos atque Presbyteros tibi concedimus ordinandi licentiam. De quibus tamen tui sit studii diligentius perscrutari, ut eorum personæ a sacris nullo modo

canonibus respuantur. Sed quos fraternitas tua tanto dignos ministerio perspexerit, eorumque mores & actus huic ordinationi concordare cognoverit, auctoritatis nostræ permissione ad prædictum promoveat licenter officium. Cunctis igitur rebus superscriptæ Ecclesiæ ut proprium te volumus uti Pontificem, usque ad secundam nostram Epistolam. Ita ergo in omnibus his diligens esto ac sollicitus, ut tua dispositione utilitates Ecclesiasticæ salubriter modis omnibus Deo valcant auctore disponi.

N O T Æ A D E P I S T. LXXVIII.

a Insula maris Tyrrheni notissima, Græce Cynus dicta, inter Liguriam ad Aquilonem & Sardiniam ad Austrum, a qua freto 6000. passuum disjungitur. Subest nunc dominio Reipublicæ Genuensis. *Guffano.*

b Ita contineverat Romanus Episcopus in provinciis sibi ut Metropolitano subditis, ex quibus Corsica. Sed & nunquam exterarum nationum Ecclesiis delegabat Visitatorem. Johannes II. Ecclesiæ Regensi in Gallia Visitatorem dari præcepit ep. 4. 5. 6. Ut defuncto Episcopo Ecclesiæ illius curam gerat vicinus Episcopus, statuunt Conc. Regense an. 439. & Aurelian. 11. an. 553. can. 6. In capitul. Caroli Calvit. 52. cap. 8. *Si aliquis Episcopus interim obierit, Archiepiscopus ipsi sedi Visitatorem secundum sacros Canones deputet, qui una cum comite ipsam Ecclesiam prædetur custodiat, usque dum ipsius Episcopi obitus ad vestram (Principi respondent Patres Cariliaci) notitiam perveniat.* Dixerant prius: *Si Archiepiscopus*

defunctus fuerit, vicinus Episcopus ipsius dioceseos ipsam sedem provideat, usque dum &c. Restitutis post Carolum M. electionibus, Visitatores a Rege fuisse designatos, qui electionibus interessent, patet ex epistolis Hincmari Remensis. Vide supra notam ad ep. 15.

c Ita MSS. Anglic. Norm. Regii, Colbert. Corb. Andeg. & duo Vaticani. In Vatic. tamen A. B. C. D. legitur *Harnensem*. In Turon. *Sajonensem*. In vet. ed. *Sagonensem*. Fuit Saona vel Sagona medio ævo nota civitas Corsicæ, inter Calviam ad Boream, & Adjacium ad Meridiem: hodie destructa.

d Hanc lectionem amplecti cogit MSS. omnium Vatic. Reg. Norm. Corb. &c. consensus. Editores mutarunt *profligari* in *propagari*: quod idem est ac disponi, ut constat ex verbis sequentibus: *ut tua dispositione utilitates Ecclesiasticæ . . . valeant . . . disponi.* Eandem vocem usurpat eodem fere sensu Concil. Tolet. 5. can. 6. & Tolet. 9. can. 16.

AN. CHR.

590. 591.

GREG. I.

673

M. LXXVII.

Johan. Diac.
lib. 3. cap. 15.

E P I S T O L A * LXXIX.

Ad Martinum Episcopum in Corsica.

A Tainatensi Ecclesia ad Saonensem transire concedit.

Gregorius Martino Episcopo in Corsica.

Iusta poscētibz aurem nos oportet benevolam commodare, quatenus & petentes remedia sperata reperiant, & Ecclesiæ non desit sollicitudo Pastoris. Et quoniam Ecclesia ^a Tanatem, in qua dudum fuerat honore sacerdotali tua fraternitas decorata, ita est delictis facientibus hostili feritate occupata atque diruta, ut illuc ulterius spes remeandi nulla remanserit: in Ecclesia Saonensi, quæ jam diu Pon-

tificis auxilio destituta est, ^b Cardinalem te secundum petitionis tuæ modum, hac auctoritate constitui-
mus sine dubio ^c Sacerdotem. Ita ergo studio vigilanti cum Dei amore secundum canonem præcepta, cuncta dispone vel ordina, ut & fraternitas tua suis desideriis se gaudere potuit, & Ecclesia Dei alterno gaudio repleatur Cardinalem te suscepisse Pontificem.

N O T Æ A D E P I S T. LXXIX.

^a Ita MSS. Corb. Norm. & pl. In Vatic. scribitur *Vel Taitanis*, vel *Tainates*, vel *Tainatissam*, nullibi autem occurrit *Tamitana*.

^b De hoc Cardinalis titulo dictum est supra ad ep. 15. Censet Alteserra hic, id genus Cardinalium Sacerdotum, non fuisse in perpetuum, sed ad tempus. Erant enim Episcopi suis sedibus pulsi ob barbaricam feritatem, qui vacantibus Ecclesiis a Rom. Pontifice solatii & alimonie causa dabantur. Si ergo civitas eorum postliminio reciperetur ab hostibus, ad eam redibant. Hæc fere Alteserra; verum doctissimi Antecessoris sententia minime nobis arridet. Cardinalis ergo sacerdos, est sacerdos incardinatus, & titulo annexus: nec ulli tunc vacantibus Ecclesiis, ex Episcopis sede sua pulsis dabantur, nisi cum spes omnis abesset pristinas sedes recipiendi. Quod si contra spem aliquæ ex barbarorum manibus eriperentur, & meliorem in statum restituerentur, aut illarum Ecclesiarum Episcopi in aliis incardinati, ad priores sponas redibant, aut novi relictis Ecclesiis Pastores ordinabantur. Maur. Satis liquet sacerdotem Cardinalem hic intelligi episcopum sua sede extorrem, & alteri sedi suo item episcopo viduatæ assignatum, quo illam interim commendatam sibi vicaria sollicitudine regeret

atque administraret. Hic proinde quia nec amittebat sui episcopatus titulum, nec proprie creabatur novæ sedis episcopus, ideo dictus fuisse videtur Presbyter cardinalis, h. e. principaliter incardinatus. Vide epistolam sequentem. E. V.

^c Sacerdotes alios fuisse primi ordinis & gradus, alios secundi ordinis, notius est quam ut nota egeat. S. Gregor. homil. 22. in Ezech. eos dicit *majoris ordinis vel minoris*; ita etiam Greg. Turonensis lib. 5. histor. c. 49. Origenes homil. 6. in Levit. tractat. de differentia minorum sacerdotiorum ad majora. Optatus Afer Milevitanus lib. 1. *Quid Diaconos in tertio, quid Presbyteros in secundo sacerdotio constitutos?* Id quidem minus notum. Accurrit Sidonius Apoll. lib. 4. ep. 25. qui Johannem Archidiaconum nondum Presbyterii dignitate auctum vocat *secundi ordinis Sacerdotem*. Immo ejusdem lib. 4. ep. 11. lego *Antistitem secundi ordinis*. Et lib. 7. ep. 6. summis Sacerdotibus civitatum subjungit *Episcopos*, Presbyteros interpretor seu Chorepiscopos, per quos minorum Ordinum ministeria subrogabantur. Vide lib. 12. epist. 30. Gullanvillæus fallitur in Johan. Archidiacono, quem cum 2. ordinis Sacerdotem vocat Sidonius, Presbyterum supponit.

Ad Clerum, & nobiles Corſicæ.

AN. CHR.

590. 591.

GREG. I.

66733

Quod Episcopi electionem nimium distulissent, instituit ipse Martinum: Interea dum hic adveniet, Leoni curam visitationis injungit.

Gregorius Clero, & nobilibus Corſicæ * a paribus.

8^{up.} 79.

E Tſi vos multo jam tempore ſine Pontifice eſſe Dei Eccleſiam non doletis, nos tamen de ejus regimine cogitare, & ſuſcepti cura compellit officii, & veſtræ quamplurimum caritas dilectionis adſtringit; ſcientes quod in ejus gubernationibus animarum veſtrarum ſimul conſiſtat utilitas. Nam ^b ſi gregi paſtoris cura deſuerit, facile laqueos inſidiatoris incurrit. Ea de re quoniam Eccleſia Saonenſis Sacerdotis diu eſt auxilio deſtituta, neceſſarium duximus ^c Martinum fratrem & coepiſcopum noſtrum ibidem Cardinalem conſtituere Sacerdotem: Leoni vero fratri & coepiſcopo no-

ſtro operam ejus viſitationis injungere. Cui etiam in ea parochiisque ipſius Presbyteros atque Diaconos conſeſſimus ordinandi licentiam, eumque rebus ejus, quouſque illic fuerit, ut proprium Pontificem uti permiſimus. Ideoque ſcriptis præſentibus admonemus, uti præſatum viſitatore caritas veſtra cum omni devotione ſuſcipiat, eique obedientiam in iis, quæ rationi conveniunt, ſicut Eccleſiæ decet filios, exhibere; quatenus omnia, quæ ad utilitatem ſupraſcriptæ pertinere cognoscuntur Eccleſiæ, veſtra valeat ſuffultus devotione implere.

NOTÆ AD EPIST. LXXX.

^a De inſcriptione, ^a paribus, jam diſſerimus ſupra ad ep. 25.

^b Non minus vere quam eleganter Sidonius lib. 7. epiſt. 6. *Si benedictione ſuccidua non accipiat* (Eccleſia viduata) dignitatis heredem, in illa ſacerdotium moritur non Sacerdos: atque ita quid ſpei reſtare pronunties, ubi facit terminus hominis finem religionis? Alibi vocat talis Eccleſiæ ſtatum titubantem, nutantem, fluctuantemque regulam. In Cabilonenſi II. an. 813. c. 51. *Gubernatio adhibenda, ne in quotidianis vitæ comitatibus Prælatorum adminiculo deſtituti homines fatiſcant.* Quæ verba an ex Burchardo emendari debeant lector dijudicet. De neceſſitate Episcoporum ſupra Ep. 32. Legant etiam controverſiam de reſidentia Paſtorum Tridenti explicatam per fratrem Barth. Carranzam de Miranda an. 1547. *Gufſan.*

^c Cum Martinus Episcopopus Cardinalis Eccleſiæ Alerienſi conſtituatur, ſi-

mulque Leoni cura viſitationis ejusdem Eccleſiæ injungatur, etiam licentia ordinandi Presbyteros & diaconos quaſi eſſet proprius Pontifex; eruunt nonnulli autem hic irrepiſſe, aut aliam Eccleſiam Leoni commiſſam. *Gufſanv.* Fruſtra hic torquetur *Gufſanvillæi* animus. Nam Leoni jus ordinandi &c. conceditur tantum uſque ad Martini adventum: & præcipitur ut Eccleſiæ utilitates, temporales maxime, viduitate diutina neglectas plurimum atque imminutas, reparet ac diſponat. Neque enim adveniienti proprio Pontifici congruebat odioſum illud negotium quo Episcopatum a litibus auſpicari cogeretur. Hinc ne deſuncti Episcoporum reſ ſucceſſori ſervandæ diripiantur, Canonibus antiquis ſancitum. Chalcedon. can. 21. Aurelian. II. can. 6. Vormar. II. Alioquin quantum abhorreret a S. Gregorii mente auctoritatem Episcopalem in duos partiſi, ſatis oſtendit Ep. 45. ſupra.

AN. CHR.

590. 591.

GREG. I.



M. LXXXIX.

E P I S T O L A * LXXXI.

Ad Clerum, ordinem, & plebem Mevaniensem.

Ut tandem in Episcopi electione consentiant hortatur. Interea Ecclesiæ curam Honorato Presbytero committit.

^a Gregorius Clero, ordini, & plebi consistentibus ^a Mevanienfi Ecclesiæ:

Lib. 3. ep. 64. b
b

Quoties res aliqua pluribus agenda committitur, dum quisquis dissentit ab altero, dispendiis potius quam utilitatibus aditus referatur. Quod nos providentes, ne hoc vestræ contingere possit Ecclesiæ, ejus curam utilitatesque Honorato Presbytero ad præsens committendas elegimus: quatenus res utilitatesque Ecclesiæ per eum & procurari valeant, & modis omnibus custodiri. Ideoque dilectionem vestram scriptis præsentibus adhortamur, quatenus, ut vobis possit

ordinari Sacerdos, invicem vestræ voluntatis in unius digna electione concordet assensus, nec amplius Dei Ecclesiam officio patiamini vacare Pontificis. Quousque vero Ecclesiæ ipsi Sacerdos fuerit ordinandus, omnem supradicto Presbytero sicut diximus, sollicitudinis ejus curam commisimus. Ita ergo se vestra dilectio in his omnibus exhibere festinet, ut amorem vos Ecclesiæ habere, pronæ devotio mentis ostendat.

N O T Æ A D E P I S T. LXXXI.

^a In vulgatis mendose, *Vivanienfis Ecclesiæ*, vel *Vivanensis*. Verum urbis hujus nomen reperimus in mss. Vatic. Norm. &c. Gussanvillæus qui veterem errorem retinuit, fatetur nullam apud Geographas Vivanienfis urbis esse mentionem. Mevania autem, vulgo Bevagna, urbs erat olim Episcopalis Umbriæ, ad fluvium Clitumnum. In Colb. habetur, *Eutinæsi Ecclesia*.

^b Antonius Augustinus videns Haloandrum & Portium ludere in vocibus *decies* & *decies*, *centies* & *centies*, quasi significatu differrent, non eorum modo opinionem refellere, sed & in causam talis scriptiōis inquirere voluit. Et ut erat naris emunctæ, odoratus est litteram *n*, istis insertam vocibus solius pronuntiationis, & quidem mollioris ergo. Lipsius addit male insertam a librariis: siquidem, ait ipse, veteres aliter vocales longas pingere soliti, aliter contractas. Nam has solitarias ponebant ad exemplum hodiernum, illas geminabant. Secuta ætas

ut compendificeret, apicem usurpavit pro geminatione: apicem appello lineam transversam, quam superjicere vocalibus longis soliti *ā ē ō ū*. In quam sententiam citat Quintilianum, Isidorum & alios. Tum addit, in priscais etiam libris hunc apicem occasionem erroneæ isti scripturæ posuisse *quotiens*, *totiens*, *vicensimus*, *aquonsus*, *formonsus*, cum scilicet invenissent *quoties*, *vicēsimus*, *formōsus*. &c. Vide Ant. Aug. lib. 2. de Emend. cap. 6. & Lipsium in libello de recta Latinæ linguæ pronuntiatione cap. 5. *Gussanv.*

^c Imago magnorum, ut vocant, Vicariorum, qui vacante sede aut Episcopo aliud agente, Episcopatus onera sustentant. Hos Epistola præcedente diximus vocatos fuisse Sacerdotes & Episcopos secundi ordinis, ex Sidonio Apoll. Talis ferre erat Claudianus, de quo Sidon. in carm. Ep. 11. & Justus Arvernensis, de quo ibid. Savaro. *Gussanv.*

* Al. lxxx.

E P I S T O L A * LXXXII.

Ad Laurentium Episcopum Mediolanensem.

AN. CHR.
590. 591.
GREG. I.
6693*Ut aliquem, cum quo de postulata pecunia lis orta dirimatur, instituat.*

a

Gregorius Laurentio Episcopo ^a Mediolanensi.

Scripta fraternitatis vestræ suscipiens, gratias omnipotenti Deo retuli, qui desiderabili me sospitatis ejus nuntio relevavit. Quod autem perhibetis ab exactiōe patrimonii Siciliæ provinciæ, juri sanctæ cui Deo auctore præsidetis Ecclesiæ certam redhiberi pecuniæ quantitatem, pro eo quod ab Actoribus sanctæ Romanæ Ecclesiæ illo in tempore patrimonii Ecclesiæ vestræ celebrabatur exactio; necessarium fuit juxta tenorem scriptorum a vobis directorum, acceptarum illatarumque pecuniarum summam inspicere, & totius ratiocinii meritum subtiliter indagare; quibus perspe-

ctis, nihil a sancta Romana Ecclesia Ecclesiæ vestræ allegatum est ^b redhiberi. Sed quia dum Constantius Diaconus vester ad ea quæ obiecta a nostris fuerant, aliud allegavit; examen negotii venit in dubium, quod subtilius poterat ventilari, si qua persona existeret cum qua definiri aliquid stabiliter potuisset. Proinde necesse est, ut Sanctitas vestra hac de re personam instituat, cum qua Romana Ecclesia aliquid debeat solide definire, ut si ve nihil debet, ex judicio pateat; seu aliquid debuit & restituit, persona quam instituitis, securitatem solemniter emittat.

b

N O T Æ A D E P I S T. LXXXII.

^a Exstat Childeberti Regis ad eum Epistola in Appendice operum S. Greg. Turon. col. 1347. ubi appellatur Patriarcha.

^b De hoc verbo ejusque significatione jam dictum est in notis ad Epist.

44. Quamvis autem proprie *redhibere* idem sit ac reddere quod debeas, ut observavimus ex doctis. Simondo; interdum tamen absolute sumitur pro reddere, ut etiam admonuit Sirmondus ad Ep. 10. l. 3. Enodii.

* Al. lxxxii.

E P I S T O L A * LXXXIII.

Ad Januarium Archiepiscopum Caralitimum.

Comprimendum Liberati Diaconi ambitum, neque illum absque solemnitate Episcopi sui cessione ullatenus incardinandum.

Gregorius Januario Arch. Caralis Sardinie.

Johan. Diac.
lib. 3. cap. 21.

Scriptis tuis cor nostrum lætificasse dignosceris, quod te mandatorum nostrorum memorem fuisse testatus es. Et quia memoriter retinemus ea, quæ nos fraternitati tuæ mandasse commemoras, quemadmodum disponendum sit ubi voluntatis nostræ expectatur autoritas,

scriptis præsentibus breviter respondemus. Liberatus igitur, de quo nobis tua fraternitas indicavit, qui diaconii fungi perhibetur officio, si a decessore tuo non factus est Cardinalis, ^a ordinatis a te Diaconibus nulla debet ratione præponi; ne eos, quos consecrando probasse cognosce-

2

AN. CHR.
590 591.
GREG. I.
66755

sceris, reprobare supponendo quodam modo videaris. Prædictum itaque Liberatum, quem reprimendus ambitionis inflat spiritus, omni instantia ab intentus sui pravitate compesce, & ultimum inter Diaconos stare constitue; ne dum se illicite præferri contendit, immeritus loco in quo nunc situs est, judicetur.

Cujus tamen si obedientia fueris invitatus, & eum post hæc Cardinalem facere volueris, nisi Pontificis sui cessionem solemniter more meruerit, abstinendum ab omni incarnatione memineris: quoniam æquitati convenire non ambigis, ut aliis servare non differas, quod ipse quoque tibi servari desideras.

NOTÆ AD EPIST. LXXXIII.

a De hac re ita Johan. Diaconus lib. 3. cap. 21. *Antiquissimum Ecclesiasticæ consuetudinis ordinem Gregorius ab Apostolis traditum, & ad sua usque tempora solemniter conservatum adeo studiosissime retinebat, ut nullum quantalibet sanctitate, sapientia nobilitateve polleteret, anterioribus Clericis in conventu, confessu. statione, sive subscriptione præponeret.* In hanc mentem Conci. Agath. can. 3. *Episcopus posteriorem (Clericum) priori nullum præponat.* Idem de Episcopis in Concil. Africano can. 53. Vide Leonem Papam epist. 5. Dero Benevent. Episcopo. S. Paulinus nat. 5. S. Felicis.

Prior ille gradum socii meruisset honoris.

Presbyter, hæc septem distabat summa diebus.

Inter acta Conc. Chalcedon. vide libellum querulorum Ibæ: *Neque minores majoribus præferret. . . omnibus conservaret justitiam in honoribus & consuetudinibus & gradibus.* Gelasius epist. 9. *Nec cujuslibet utilitatis causa seu Presbyterum seu Diaconum his præferret, qui ante ipsos fuerint ordinati.* Guffanv.

b Prius legebatur cessionem. Per cessionem intelligit litteras dimissorias, Græcis ἀπολυτικὰς γραφάς. Quænam ex sint describit Ballamo ad Concil. 17. can. 11. & ad Concil. VI. car. 17. ubi etiam notat privilegium Constantino-

politani Episcopi & Carthaginensis, qui quoslibet Clericos alieni juris admittebant (in Africa can. 22. idem de Carthaginensi Episcopo privilegium asseritur) sine dimissorias, οὐδὲ γινώσκον τῶν χειροτονιουσάντων ἀντὶς. Observare libet ex ulu hodierno requiri dimissorias Episcopi soli natalis: at ex veterum Canonum, ut videtur, præscripto, licebat quoslibet de laicis in Clerum adscribere, solis Clericis vetitum versuram facere mutatione Prælati, & Episcopo Clericos alienos adoptare. Vide Sard. Conc. can. 18. & 19. African. can. 21. Decretum Innocentii Papæ tit. 14. in Decret. Leon. Papæ, n. 35. Gelas. Decret. c. 23. post Nic. Concil. can. 15. Illustre est exemplum S. Paulini qui a Delphino baptizatus Burdegalæ, a Lampio Barcionæ sacraus fuit, ut docet ejus epistola ad Augustinum 35. Innumera prostant eorum exempla, qui sine dimissoriis Episcopo soli natalis, transfurati sunt a non suis, immo a non Episcopis. Vide in 6. de tempore ordinat. c. 1. 3. 4. & Conc. Trid. sess. 23. can. 9. & 10. de reform. In quibus locis advertet lector Episcopum soli natalis, vel Episcopum domicilii, vel Episcopum beneficii, vel quosdam alios potuisse aut majores ordines aliquando, aut minores conferre, nedum tonsuram. Guffanv.

* Alii LXXXIV.

EPISTOLA * LXXXIV.

Ad Hilarum Monachum Africæ.

Ut coacto quamprimum Concilio, in Argentium Lamigensem Episcopum inquiratur.

a

Gregorius a Hilaro Monacho Africæ.

b

Felicissimus atque Vincentius Diacones Ecclesiæ b Lamigenis, oblata petitione, quæ tenetur in subditis, suggererunt, ab Argentio e-

jusdem civitatis Episcopo gravem se injustitiam pertulisse, & accepto præmio Donatistas in Ecclesiis fuisse præpositos, eumque inter alia non le-

ve

ve aliud facinus, quod dici nefas est, commississe commemorant. Propterea experientiae tuae praesentis praecipti pagina duximus injungendum, quatenus praefatum Episcopum idoneae satisfactioni committere non omitteras, tuaque instantia in locis illis fiat ex more Concilium, & omnia secundum oblatae petitionis textum canonice coram positis partibus subtili indagatione perquiran-

tur. Et quaecumque eorum judicio fuerint terminata, te exsequente modis omnibus compleantur. Ita ergo cum omni te vivacitate huic causae volumus praebere instantiam, ut ad examinanda quae iussimus, nulla possit subnecti dilatio; sciturus non in levem te offensam incurrere, si nostra quacumque excusatione lentata fuerit praeciptio.

AN. CHR.
590. 591.
GREG. I.

W

NOTÆ AD EPIST. LXXXIV.

a Suspectus mihi valde est iste titulus, licet in omnibus MSS. codd. ita legatur, sicut & in editis. Videtur legendum *Chartulario*, pro *Monacho*, quia idem ipse est Hilarius, de quo loquitur S. Greg. ep. 73. & 75. praecedentibus, & 33. libri sequentis. *Guss.* Quid obstat eum simul monachum fuisse & chartularium? Certe nullis in MSS. variat hic titulus, honorem legationis Sedis Apostolicæ Hilario Monacho collatum, censet Alteserra. Virum doctissimum audiamus, ad hanc ep. *Hilario Monacho vices suas mandat, ut eo instante concilium celebretur. . . . multis post seculis frater Petrus de Castro novo & Radulphus Monachi, Cisterciensis Ordinis, legationem suscepere adversus Albigeneses haereticos, &c.*

b Quænam urbs in Africa fuerit haud scio, nisi sit Lamigia Numidiæ civitas

ex Holstenio de Patriarchatu Romano, pag. 68. *Gussanv.* In notitia Numidiæ quam edidit Sirmondus, tom. I. n. 436. edit. novæ duo recententur Episcopatus hujus fere nominis, scilicet Lamiggizensis, & Lamiggigenfis. Consule notam 101. nostri Theod. Ruinart in histor. Vandal. persecut.

c Episcopi in Synodo judicandi. Vide Sardic. can. 3. Carthag. can. 12. Antioch. can. 12. 14. 35. & ult. Eadem fuit praxis S. Gregorii, ut in sequentibus patebit, lib. 2. Ind. 11. ep. 8. Vide praxim Ecclesiæ Gallicanæ apud Greg. Turor. histor. lib. 5. c. 18. 20. 27. 49. lib. 7. cap. 16. lib. 8. cap. 20. libr. 10. cap. 18. &c. De praxi Romana audiendus ipse Gelasius ep. 4. seu commonitorio ad Faustum, & ep. 13. ad Dardanos. *Gussanv.*

Al. lxxxiii.

EPISTOLA * LXXXV.

Ad Gennadium Patricium Africæ.

Droculum de hostibus reversum commendat.

Gregorius Gennadio Patricio Africæ.

a **D** Roculfus praesentium portitor de hostibus ad rempublicam veniens, opinionis vestrae, quæ longe lateque diffusa est, bono succensus, ad Excellentiae vestrae obsequia summo desiderio festinavit occurrere. Et quoniam nostra se apud vos poscit epistola commendari, pater-
na dulcedine salutantes, petimus ut

eum sicut Deus vobis in cor miserit ac utile fuerit, Excellentia vestra ordinare dignetur: quatenus bona quæ de vobis etiam positus adhuc inter hostes audivit, in se valeat experiri, & Excellentiae vestrae ejus quoque ante omnipotentis Dei oculos inter cæteras merces accitescat.

AN. CHR.

590. 591.

GREG. I.

6673

NOTÆ AD EPIST. LXXXV.

à Quid hic per *hostes* intelligendum sit, inquirent Alteserra & Gussanvil-læus. *Hostis*, inquit Alteserra, *idem sonat quod exercitus*. Neque censet Drocultum in Romanorum exercitu militasse, & ab exercitu reversum, Gen-nadium Patricium adiisse. Non assen-titur Gussany. in his maxime verbis hærens: *de hostibus ad Rempub. venit*; & in illis: *positus adhuc inter hostes*. Certe, *hostis* Exercitum sæpe significat, ut ex prolatis ab utroque testimoniis liquet. At *hostes* idem sonare, non ita nobis constat. Quod ad hunc locum spectat, ultro in Gussanvillæi senten-tiam inus. *Drocultus*, vel *Droctulfus*, quod habetur in Vatic. A. Langobardus erat, non Romanus; ut ex nomine sa-

tis intelligitur. At a Langobardis defi-ciens ad Romanorum partes, a S. Gre-gorio litteras commendatitias ad Gen-nadium petierat. Gregorio, *ad Rempu-blicam venire*, idem est ac Reipublicæ partes sectari, ut lib. v. ep. 40. ad Mau-ricium Aug. *Quia toto corde venire ad Rempublicam paratus fuit*. Si in Roma-norum exercitu militasset Drocultus, quid magnum foret ipsum multa de Gen-nadio bona inaudisse? At vero Genna-dii famam vel inter hostes perccebuisset maximum erat. Hoc significat S. Gre-gorius, cum ait: *bona quæ de vobis etiam positus adhuc inter hostes & exte-ros audivit*. Hæc epistola desideratur in MSS. Anglic. Norm. & plerisque. Est in Vatic. A. & in Rem.



S A N C T I
G R E G O R I I P A P Æ
R E G I S T R I E P I S T O L A R U M

AN. CHR.
591. 592.
GREG. 2.
1673

L I B E R S E C U N D U S

Mense Septembri Indictione X.

E P I S T O L A I.

Ad Petrum Notarium:

Tropæanis Monachis, si religiose vivant, modis omnibus subveniendum.

Gregorius Petro Notario -

*Johan. Diae.
lib. 2. c. 55.*

^b

Monasterium sancti Archangel-
li, quod ^b Tropæis est con-
stitutum, indicante præsentium por-
tione, victus habere necessitatem di-
dicimus. Idèoque experientia tua di-
ligenter invigilet: & si ejusdem loci
monachos bene se tractare noveris,
in quibus eos necessitatem habere
manifesta veritate patuerit, eis sub-
venire hac auctoritate suffultus,
modis omnibus festinabis, sciturus
tuis esse rationibus quidquid nostra

præceptione præbueris, imputan-
dum. Sed & terrulam Ecclesiæ no-
stræ vicinam sibi, quam ^c solidum
unum & ^d tremisses duos pensitare
asserunt, si ita est, ^e libellario nomi-
ne ad summam tremissis unius ha-
bere concede. Studii ergo tui sit
hæc omnia ita complere: si, sicut
diximus, ejus loci monachi in Dei
servitio, sicut decet, solemter per-
stiterint.

c
d
e

N O T Æ A D E P I S T . I.

^a Ante hanc ep. præmittitur in ed.
& in plur. MSS. scilicet Vatic. Colb.
Reg. *Temporibus Papæ Greg. &c.* A-
cta depositionis Laurentii Archidiaconi
Romani, & subrogationis Honorati
in ejus locum. Subjungitur, *charta de*
Litania maj. Hæc cum minime perti-
neant ad epistolas, ad calcem amanda-
vimus: aliunde quoque hæc desideran-
tur in Angl. Norm. Corb.

^b Tropæa vulgo *Tropea*, urbs Bru-
tiorum maritima ad Vaticanum promon-
torium, ubi sinus Hipponiatis termi-
natur; nunc Calabriæ ulterioris, adhuc
Episcopalis sub Arch. Regienſi. 12. mill.
ab Hipponio, vulgo *Monteleone*, in oc-
calum. Aët. 4. Concil. Constantinopo-
litani sexti subscripsit Theodorus Epi-
scopus τῆς ἀγίας ἐκκλησίας Τροπέας.

Legitur & in septima synodo. Aët. 1.
Guffanv.

^c Quid sit solidus, discere ex Cangia-
no Glossario. De solido aureo cujus hic
mentionem fieri putamus olim diximus
in vita Cassiodori lib. 2. c. 4. n. 6. Qua-
lis autem fuerit aut cujus pretii, non
ex legibus Salicis, Alemannicis &c. quas
laudat infra Guffanv. repeti debet. Sed
de his alibi adhuc uberius, maxime
l. 3. Ind. XI. Ep. 33. ad Dynamium.

^d Tremissis est tertia pars solidi.
Libra constatur ex 72. solidis. Solidum
40. denarios continuisse ex legibus Sa-
licis, Alemannicis, Bajoariis, Ripua-
riisque colligitur. *Guffanv.*

^e Id explicatum supra in notis ad
ep. 44. olim 42.

AN. CHR.

591. 592.

GREG. 2.

667

E P I S T O L A II.

Ad Præfectum Episcopum Narniensem.

*Ex mortifera luis occasione, cives ad pœnitentiam & fidem hortandos.*Gregorius ^a Præfecto Episcopo ^b Narniensi.

a

b

Johan. Diac.
lib. 2. c. 50.

c

d

Pervenit ad nos, peccatis immi-
nentibus, in civitate vestra
Narniensi mortalitatem omnino graf-
fari: quæ res nos nimis ^c addixit.
Quamobrem salutantes fraternitatem
tuam modis omnibus suademus, ut
a Langobardorum sive Romanorum
qui in eodem loco degunt, admo-
nitione sive exhortatione ^d nulla

ratione cessetis, & maxime a gen-
tilium & hæreticorum, ut ad ve-
ram rectamque fidem Catholicam
convertantur. Sic enim aut divina
misericordia pro sua eis forsitan
conversione, & in hac vita subve-
niet; aut si eos migrare contigerit,
a suis, quod & magis optandum
est, transierint facinoribus absoluti.

N O T Æ A D E P I S T. II.

^a In Italia sacra tom. 3. dicitur Pro-
jectitus Episcopus Narniensis & Inte-
ramnæ excisæ, creatus ann. 565. obiit
autem 595. Dicitur Interamna desola-
ta, quia eam Totila, occiso Episcopo
Procuro, excindi jussit circa ann.
547. unde curam ejus gesserunt Episco-
pi Narnienses usque ad ann. 606. quo
restaurata Interamna Anastasius accla-
matus est Episcopus Interamnenensis.
Gusano. In MSS. nomen hujus Episco-
pi varie scribitur, *Præjectio*, *Proiectio*;
sed maxime *Præfecto*; ut habent Vati-
c. plurimi, Norm. Corb. Regii, An-
deg. In excusis consentiente Colbert.

Præfectio.

^b Narnia, vulgo *Narni*, urbs Um-
bria, adhuc Episcopalis ad Narem flu-
vium posita, inter Oriculos & Inte-
ramnam.

^c Vulgati, *affixit*; reluctantibus ⁴.
Vaticanis, Norm. &c. De verbi, *addi-
co*, significatione jam dictum lib. 2. Mo-
ral. n. 15. Vide etiam lib. 9. num. 32.
lib. 22. n. 22. Si enim de prosperitate ad-
dicatur, & de calamitate se odientis la-
tatur. Paulo antea, Cum nec de profe-
ctu addicimur.

^d De zelo Episcopi supra epist. 17
lib. 1. & infra lib. 5. ep. 41.

* Al. XXI.
Indist. VII.

E P I S T O L A * III.

Ad Velocem Magistrum militum.

*Ut Ariulphum Langorbardorum ducem, si ad Romanas vel ad Ravennates
partes excurrat, a tergo insequatur.*

Gregorius Veloci Magistro militum.

ET pridem expressimus gloriæ
vestræ, quia milites illuc erant
parati venire: sed quoniam inimi-
cos congregatos & huc discurrere
Epistola vestra significaverat, hæc
eos hic causa retinuit. Nunc vero
utile est visum, ut aliquanti illuc
milites transmittantur, quos gloria
tua admonere & hortari, ut parati sint

ad laborem, studeat. Et occasione in-
venta, cum gloriosis filiis nostris
Maurilio & Vitaliano loquere, &
quæcumque vobis Deo adjutore pro
utilitate Reipublicæ statuerint, fa-
cite. Et si huc vel ad Ravennates
partes, nec dicendum Ariulphum
cognoveritis excurrere, vos a dor-
so ejus ita sicut viros decet fortes,
la-

laborate: quatenus opinio vestra ex laboris vestri qualitate amplius in Republica, Deo auxiliante, proficiat. Illud tamen præ omnibus admonemus, ut familiam Maloin, & Adobin, Vigilvi, atque Grussingi,

qui cum glorioso Maurilio magistro militum esse noscuntur, sine aliqua mora vel excusatione relaxes: quatenus venientes illuc homines prædicti viri, cum eis sine aliquo impedimento debeant ambulare. ^a

AN. CHR.
591. 592.
GREG. 2.
6678

NOTÆ AD EPIST. III.

^a In Colbert. in collectione Pauli Diaconi legitur, *Die 5. Kalend. Oct. Ind. x.*

EPISTOLA * IV.

Ad Sabinum Subdiaconum.

Hortum Feliciani Monasterio ancillarum Dei tradendum.

Gregorius Sabino Subdiacono.

Officio pietatis impellimur monasteriis provida consideratione ferre consultum, ne hi qui in servitio Dei deputati esse noscuntur, necessitatem aliquam, quod avertat Dominus, possint sustinere. Ideoque experientiæ tuæ hac auctoritate præcipimus, ut hortum quondam Feliciani Presbyteri positum in regione prima, ante gradus san-

ctæ Sabinae, excusatione postposita, Monasterio Euprepiae, in quo ancillarum Dei congregatio esse dignoscitur, jure proprietario possidendum tradere sine ambiguitate festinet: quatenus nostræ beneficio largitatis in Dei servitio, ipso quoque suffragante, securis mentibus perseverent ^a.

a

NOTÆ AD EPIST. IV.

^a Vide Infra ep. 12. In Colbert. sic clauditur epist. *Die tertia Nonas Octob. Ind. x.*

EPISTOLA * V.

Ad Felicem Episcopum Messanensem.

Basilicam, percepta prius legitima & secunda dote, consecrandam.

Gregorius Felici Episcopo Messanensi.

JAnuarius Subdiaconus Ecclesiae Messanensis petitoria nobis insinuatione, suggessit, quæ habetur in subditis, in civitate Messanensi basilicam se pro sua devotione fundasse, quam in honorem sancti Stephani & Pancratii, atque Eupli desiderat consecrari. Et ideo, frater carissime, si in tuæ diocesis civitatibus jure consistit, & ^a nullum cor-

pus ibidem constat humatum, percepta primitus donatione legitima, id est a præsentis anni tributis liberos fiscalibus solidos decem, & reliqua, de substantia sua sibi tantummodo usumfructum retineat. Quæ omnia diligenter inquire; & si eorum, quæ offeruntur reddituum quantitas, vel quæ tempore mortis reliquerint, factis tectis, & lumi-

Tom. VII.

N

na-

Al. XIX. l. 12.
Indict. VII.

Al. X. lib. 12.
Indict. VII.

a

AN. C HR.
591. 592.
GREG. 2.

6673

naribus, nec non alimoniis servientium annua possunt præstatione sufficere, reipsa munificentia sit gestis municipalibus alligata. Quod si hæc quæ diximus, per sollicitudinem tuam impleta non fuerint, de propria substantia quanti interfuerit, utilitati Ecclesiæ te vel heredes tuos satisfacturum esse non dubites. His igitur procuratis, benedictio optata

proveniat. Nec antè dedicationis munus impertias, quam superius comprehensus fuerit ordo donationis impletus, enuntiaturus ex more nihil illic conditoris juri ulterius jam deberi, nisi processionis gratia, quæ Christianis omnibus in commune debetur. Sanctuaria vero suscepta, sui cum reverentia collocabis.^b

NOTÆ AD EPIST. V.

a De hac conditione jam dictum est supra lib. 1. ep. 54. Scilicet periculum erat ne cultus sanctis Martyribus debitus, corporibus jam pridem hoc in

loco sepultis reddi putaretur.

b In collect. Pauli Diac. additur: *Data die Non. Octob. Indiæ. 10.*

Al. III.

EPISTOLA * VI.

Ad Neapolitanos.

In Demetrii ob nefanda crimina depositi locum, absque mora & discordia Episcopum eligant.

Gregorius^a Clero, Nobilibus, Ordini, & plebi consistentibus Neapoli.

Infra ep. 9.
10. & l. 10.
epist. 62.

b

Quamvis spiritualium sincera devotio filiorum^b pro matre Ecclesia nullius adhortationis indigeat: verumtamen ne se neglectam existimet, epistolari debet alloquio provocari. Propter quod dilectionem vestram commotione paternæ caritatis aggredior, ut profusis lacrymis Redemptori nostro unanimiter^c gratias referamus, qui sub tam perverso doctore vos^d per avia gradum non pertulit, sed indigni Pastoris crimina publicavit. Demetrius siquidem, qui nec ante Episcopus dici meruerat, tantis ac talibus^e negotiis inventus est involutus, ut si secundum suorum qualitatem facinororum judicium sine misericordia recepisset, divinis mundanisque legibus durissima procudubio fuerit morte plectendus. Sed quia pœnitentiæ reservatus, sacerdotii hono-

re privatus est, Ecclesiam Dei sine^f doctore diu vacare non patimur: quia & canonicis regulis est constitutum, ut defuncto vel sublato Pastore, diu sacerdotio privari Ecclesia non debeat. Ideoque caritatem vestram scriptis præsentibus duxi necessario commonendam, ut ad eligendum Pontificem nec mora, nec discordia, quæ consuevit scandala generare, proveniat. Sed talem vobis cum omni sollicitudine personam exquirite, in qua & s omniū adunata possit gaudere concordia, & sacris nullo modo^h canonibus respuatur; quatenus officium quod nefandissimus hominum male gerendo polluerat, quisquis ille cum Christi gratia fuerit ordinatus, ipso quoque suffragante, digna valeat administratione complereⁱ.

f

g

h

i

NO-

NOTÆ AD EPIST. VI.

AN. CHR.

591. 592.

GREG. 2.



a Plurimæ S. Gregorii Epistolæ sic inscribuntur: *Clero, ordini, & plebi*. Ita fere Leonis I. Ep. 45. & 46. al. 22. & 23. *Clero, honoratis, & plebi consistenti Constantinopoli*. Hic vero per ordinem a Nobilibus distinctum, honoratiores cives aut Magistratus intellige, quod in deferendis Magistratibus ordinem servarent Romani ab inferiore ad ampliorum progrediendo. Eodem sensu Ordo apud August. in Brevic. Collat. 3. cap. 13. 15. 17. Observandum tamen in Norman. Corb. & plur. MSS. omitti, *ordini*.

b Dicitur etiam matrix, senior, cathedralis: cujus filiae sunt baptismales in linea, ut ita dicam, recta; aliae basilicæ & oratoria sunt in transversa; atque ideo in illis nec Missæ publicæ permittebantur, nec processiones. In capitulis Hincmari lego *matrices ecclesiæ*, pro baptismalibus sive *Parochialibus*. Reperiuntur alibi ecclesiæ adiutrices. Gall. *des secours, eglises succursales*. Gussanv. Parcimus huic Gussanvillæ notæ in gratiam ecclesiarum Parochialium. Neque tamen omnino probamus quod ait, eas fuisse baptismales. Cum enim baptismi solemniter minister esset solus olim Episcopus, ut optime probat noster Edm. Martene de antiquis eccl. ritibus lib. 1. cap. 1. ar. 3. in solis Ecclesiis cathedral. aut finitimis locis erant baptisteria; quod jam supra ostensum. Præterea nullas in basilicis olim publicas missas aut processiones factas perperam dicitur, ut luculenter invictissimis exemplis probavimus in Præf. ad Homil. in Evang. Maur. Optime Sammarthanus etiam ex iis, quæ legimus supra l. 1. epist. 33. Hinc Sidonius Apollin. l. 2. ep. 2. affirmat Basilicæ appendicem olim fuisse piscinam, sive Baptisterium ad orientem positum. Legimus tamen sub Clodoveo Francorum rege illud intra Ecclesiam ad lævam constitui cœpisse: Consule sis Gregor. Turon. l. 2. c. 21. & l. 5. c. 11. Durand. l. 1. c. 19. E. V.

c Excusi, *referatis*, contra MSS. fidem.

d Sic restituimus ex unanimi MSS.

Vatic. Reg. Norm. Corb. &c. consensu. Prius legebatur: *per avia gradientes, ad iter, rectum perduxit, & tam indigni Past.*

e Ita MSS. Vatic. Norm. Corb. Rem. Turon. & vet. ed. Pro, *negotiis*, recentiores legere maluerunt *nequitiis*.

f Sic legendum, & non *ductore*, quod prætulērunt recentiores, persuadent MSS. Vatic. Norm. Turon. Rem. &c. consentiuntque priora ed.

g Non esse invitis præficiendum Pastorem canones passim edicunt, suadet ratio. Cælestinus ad Episcopos Galliæ: *Nullus invitis detur Episcopus; Cleri, plebis, & Ordinis consensus ac desiderium requiratur*. Leo I. Epist. 84. n. 5. *Nullus invitis & non petentibus ordinetur, ne civitas Episcopum non optatum aut contemnat aut oderit, & fiat minus religiosa quam convenit, cui non licuerit habere quem voluit, &c.* Addi potest quod scribit sanctus Cyprianus Epist. 68. *Ordinationes sacerdotales non nisi sub populi assistentis conscientia fieri oportere; ut plebe præsentē vel detegantur malorum crimina, vel bonorum merita prædicentur; & sit ordinatio legitima & iusta, quæ omnium suffragio & iudicio fuerit examinata*. Quod confirmat ex Actis Apostol. Vide Epist. 29. lib. olim 2. nunc 3. Indict. 11. circa medium, ubi quid sit in electionibus Pastorum subtiliter pensandum veraci Christiano zelo describit. Gussanv.

h In Norm. Corb. & nonnullis, *rePELLatur*. Qui ex canonibus respuendi sic a Gussanv. enumerantur: Respuuntur laici ante anni conversionem, respuuntur 30. annos nondum adepti, respuuntur Curiales, & qui secularem gesserunt potestatem, respuuntur criminosi, neophyti, inviti, digami, qui corpore vitati, qui imperiti, ignorantes Canones, Psalmos, & ex Turonensi III. & Cabillon. II. librum pastorem sancti Gregorii, illegitimi, schismatici, &c. Vide in Pontificali inhibitionem, ubi de ordine sacros Ordines conferendi.

i In Turon. S. Gat. annotatur *Mense Octobri Indict. 10.*

AN. CHR.
591. 592.
GREG. 2.

E P I S T O L A * VII.

Ad Maximianum Episcopum Syracusanum.

66753
* Al. IV.

Vices suas in Sicilia gerat; reservatis tamen majoribus causis.

a

Gregorius a Maximiano Epif. Syracusano.

Johan. Diac.
lib. 3. cap. 25.

b

M Andata cœlestia efficacius gerimus, si nostra cum fratribus onera partiamur. Proinde super cunctas Siciliæ Ecclesias ^b reverendissimum te virum Maximianum fratrem & cœpiscopum nostrum vice Sedis apostolicæ ministrare decernimus: ut quisquis illic religionis habitu censetur, fraternitati tuæ ex nostra auctoritate subiaceat: quatenus eis non sit necessarium post hæc pro parvulis ad nos causis tanta maris spatia trans-

meando pervenire. Sed si qua fortasse difficilia existunt, quæ fraternitatis tuæ judicio nequaquam dirimi possint, hæc solummodo nostrum judicium flagitent; ut sublevati de minimis, ^c in causis majoribus efficacius occupemur. Quas videlicet vices ^d non loco, sed personæ tribuimus: quia ex transacta in te vita didicimus, quid etiam de subsequenti tua conversatione præsumamus. ^e Mense Decembri, Indictione decima.

c

d

e

N O T Æ A D E P I S T. VII.

a Johani. Diac. vitæ S. Greg. l. 2. c. 11. & 12. Gregorius Magnus in Pontificem electus . . . Monachorum sanctissimos sibi familiares elegit: inter quos Maximianum monasterii sui Abbatem, quem postea Syracusis Episcopum fecit (anno 591. ut ad diem Junii nonam probant Bollandiani) eique per Siciliam vices suas commisit. De illo S. Greg. lib. 3. dialog. c. 36. & hom. 34. in Evang. Iphumano 594. obisse liquet ex ep. lib. 5. 17. & 22. Maur. Vide quæ diximus in notis ad præfat. in Hom. Ev. E. V.

b Hic & alibi semper in MSS. codd. legitur, *reverentissimus*: sic in prioribus editionibus. Invaluit tamen nunc ut scribatur *reverendissimus*. Guffanv.

c De causis illis non omnes concordant. Vulgo vocant *maiores*, quæ ad universalis Ecclesiæ statum pertinent, ut sunt quæstiones de fide, canonizatio Sanctorum, &c. Innocentius III. extra. l. 1. De translatione Episcopi, c. 1. respondit translationem illam inter causas majores, quæ secundum instituta canonica ad Summum Pontificem sunt referendæ. Hic sanctus Gregorius per causas majores eas intelligit quæ licet privatæ, alicujus tamen sunt momenti, nec satis Maximiano perviæ. Vi-

deat lector historiam sexti Chartagenensis Concilii, & litteras synodicas ad Bonifacium & Cœlestinum. De causis majoribus apud Judæos Josephus lib. 4. Antiq. Judaic. cap. 8. ἀνδὲ οἱ δικασταὶ μὴ νοῶσι περὶ τῶν ἐπ' αὐτοῖς προσεταγμένων ἀποφινᾶσθαι, συμβαίνει δὲ πολλὰ ποιεῖν τοῖς ἀνθρώποις, ἀναπεριπέπωσαν τὴν δίκην εἰς τὴν ἱερὰν πόλιν. & συνελθόντες ὁ, τε ἀρχιερεὺς & ὁ προφῆτης & ἡ γερουσία, & τὸ δόκοῦν ἀποφινᾶσθαι. id est: Quod si judices nesciant de negotio ad se delato pronuntiare, sicut interdum accidit, in sanctam urbem causam integram relegent; tum vero Pontifex & Propheta una cum Senatu quod visum fuerit, decernant. Guff.

d Gregorius Petro Subdiacono vices suas in Sicilia prius commiserat lib. 1. ep. 1. Eadem hic Maximiano demandat. Et quia dum Petrus hoc munere fungeretur, hoc personæ, non ulli loco alligatum erat; eadem etiam conditione Maximianum Vicarium suum instituit, ne ejus in sede Syracusana successores hunc honorem Cathedræ datum præsumerent, eandemque sibi auctoritatem vindicarent.

e Sic legitur in Colb. & Turon. S. Gat. In Vatic. Mense Octobri.

* Al. v.

E P I S T O L A * VIII.

Ad Candidum Episcopum .

AN. CHR.

591. 592.

GREG. 2.

177

Ne ægotanti Clerico consueta negentur stipendia .

Gregorius Candido Episcopo de Urbe veteri.

*Supra l. 1.
epist. 12.
Grat. q. 1.
can. 2. Cum
perc.*

*Johan. Diac.
lib. 4. c. 33.*

CUM percussio corporalis, ^a utrum pro purgatione, an pro vindicta contingat, Dei in hoc judicium ignoratur, non debet a nobis addi flagellatis afflictio : ne nos culpæ, quod absit, offensa respiciat . Et quia præsentium lator Calumniosus pro hac percussione quam sustinet, consueta sibi commoda ab Ecclesia vestra asserit negari : idcirco fraternitatem tuam præsentibus hortamur epistolis, quatenus nil eum ad percipienda quæ consueta sunt, hæc ægritudo ^b debeat impedire ; quia diversis in Ecclesia militanti-

bus, varia, sicut nosti, sæpe contingit infirmitas. Et si hoc fuerint exemplo deterriti, nullus de cætero qui Ecclesiæ militet, poterit inveniri : sed secundum loci ejus ordinem quæque ei, si sanus esset, poterant ministrari, de ipsa exiguitate, quæ Ecclesiæ potest accedere, fraternitas tua divini contemplatione judicii ægotanti præbere non desinat : quatenus in hujus rei administratione ad eleemosynam potius videaris, quæ sunt consueta exsolvendo, convertere .

N O T Æ A D E P I S T . VIII.

^a Recentiores edit. addiderunt, *imminet*, & paulo post, *& ideo*.

^b Legitur hic textus extra lib. 3. *De Clerico ægotante* cap. 1. aliquot verbis immutatis. In digestis *de statu-liberis*, l. 40. *Servire nobis intelliguntur etiam hi quos curamus ægros, qui cupientes servire, propter adversam valetudinem impediuntur*. Est quod lector notet ista verba, *cupientes servire*, & in nostra Epistola, *in Ecclesia militantibus*. Si quidem Ecclesiæ commoda non nisi militantibus debentur, aut certe ita cu-

pientibus, ut per eos non stet. Unde Justinianus lib. 1. Cod. tit. 3. §. 10. *Sancimus ut omnes Clerici per singulas Ecclesias constituti, per seipsos psallant nocturna, & matutina, & vespertina, ne ex sola Ecclesiasticarum rerum consumptione Clerici appareant, nomen quidem habentes Clericorum*. &c. Guffanv. Quæ fuerit S. Gregorii mens de Presbyteris infirmis adhuc aperit infra, maxime l. 4. ep. 13. Clementio, ubi de Adeodato infirmitate laborante agitur.

* Al. vi.

E P I S T O L A * IX.

Ad Neapolitanos.

Paulum experiantur diutius : humili caritate ipsi jungantur ; quem tandem, si fructum animarum fecerit, atque ita Deus inspiret, Episcopum obtinebunt.

Sup. ep. 6.

Gregorius Ordini & plebi consistenti Neapoli.

Infra ep. 10.

^a

QUALE ^a de Paulo fratre & coepiscopo nostro habeat caritas vestra judicium, directa a vobis relatio patefecit. Quem quoniam ita

estis in paucis diebus experti, ut cum Cardinalem habere desideretis Episcopum, gratulamur. Sed quia summis in rebus citum non oportet

A N. C HR.
591. 592.
GREG. 2.
66777

tet esse consilium; & nos quid fiendum sit, matura subinde, Christo adjuvante, deliberatione disponimus, & vobis melius tractu temporis qualem se exhibeat innotescit. Ideoque, filii dilectissimi, prædicto viro, si eum vere diligitis, obedite, devotisque ad eum mentibus occursione pacifica convenite; quatenus ita vos ad alterutrum dilectio mutux caritatis adstringat, ut ini-

micus sæviendo circumvolans in nullo vestrum viam nanciscatur ad diffociandam unanimitatem qua subrepat. Præfatum quoque Episcopum dum fructum animarum, quem desideramus Deo nostro, ipso quoque suffragante facere fenserimus, quidquid post hæc de ejus persona vestroque desiderio cordi nostro inspiratio divina ministraverit, faciemus.

NOTÆ AD EPIST. IX.

^a a Paulus hic videtur fuisse Episcopus Nepefinus ex ep. 26. hujus lib. a. epist. 15. *Festinat ad suam Ecclesiam reverti.* Indict. XI. ep. 1. gravem injuriam passus est Neapoli. epist. 2. eum consolatur sanctus Gregorius. ep. 35. conceditur illi ut ad propriam remigret Ecclesiam, scilicet post Demetrii depositionem, de quo ep. 6. libri hujus. Paulus illuc missus fuerat, qui visitatoris seu interventoris munus exerceret: hunc Neapolitani desiderabant habere Cardinalem; abnuitt sanctus Gregorius, & quidem secundum canones caus. 7. q. 1. cap. *Constitutum*, ex Carthag. in hæc

verba: *Nulli intercessori sue interventori sit licitum Cathedram, cui intercessor datus est, quibuslibet populorum studiis & seditionibus retinere, sed dare operam, ut intra annum eisdem provideat Episcopum: quod si neglexerit, &c.* Glossa addit: *Prohibetur eligi, ne possit alienari.* Sic tutor prohibetur ducere pupillam. *Guffanv.* Non satis advertit Guss. Gregorium minime abnuere, sed tantum moram postulare, ut longiori & maturiori experientia exploret, utrum e re Neapolitanorum sit Paulum ipsis Episcopum ordinari.

* Al. VII.

EPISTOLA * X.

Ad Paulum Episcopum Neapolit.

Sic interea fungatur Episcopalis munus, ut Neapolitanorum testimonia & vota firmentur.

^a

Gregorius Paulo Episcopo * Neapolitano

Inf. ep. 15.

SI sacerdotale, quod suscepimus, secure ministramus officium, & divinum adjutorium, & dilectio nobis spiritualium aderit sine dubio filiorum. Propterea ita se fraternitas tua in cunctis studeat exhibere, quatenus testimonium quod de ea Neapolitanæ civitatis clerus, nobilitas, simul habet & populus, bonitatis tuæ roboretur augmento. Sic ergo te in præfati populi adhortatione assidua debes occupatione constringere, ut verbi tui fructum, quem ex eis fueris opera-

tus, in suis horreis divinus condat agricola. Quousque vero de iis, quæ a nobis prædicti filii nostri fienda depostulant, revelante Domino deliberare possimus, b Clericos ex laicis ordinari, necnon & c manumissiones apud te in eadem Ecclesia solemniter celebrari concedimus. Consuetudines autem cleri suprascriptæ Ecclesiæ, & Presbyterorum te volumus sine cunctatione persolvere. In cujus etiam instructione ita diligenter invigila, quatenus ab incongruis vel illicitis omni-

b
c

mnibus abstinentes, in Dei nostri
servitio digno obsecundationis mi-
nisterio, te quoque hortante, con-

fistant. ^d Mense Januario, Indictio-
ne decima.

AN. CHR.

591. 592.

GREG. 2.

6793

d

NOTÆ AD EPIST. X.

a Ita legitur in omnibus exemplari-
bus tam MSS. quam editis. Paulus ta-
men iste erat tantum Visitator Ecclesiæ
Neapolitanæ, ut infra legere est epist.
15. & 26. Ex hoc autem exemplo fa-
cile refellitur Alteserræ sententia de
Cardinalibus Episcopis, quos censet ad
tempus tantum datos, & visitationis
gratia solum concessos: nam eumdem
Paulum Nepefinum Episcopum S. Gre-
gorius & visitatorem Ecclesiæ Neapoli-
tanæ concedit, & tamen statim fieri
Episcopum Cardinalem abnuvit.

b Ad hæc verba Gullanvillæus de
tonsurâ clericali fusissime disserit; sed
cum parerga esse quæ congeffit & col-
ligit, ipsemet non diffiteatur, ea re-
secanda duximus: quorum vice legen-
da nota 660. nostri Hugonis Menardi
in librum Sacramentorum. Porro ton-
surâ clericalis distinguere debet a ritu ton-
dendæ solemniter capillaturæ, de quo
in libro Sacramentorum col. 234. ubi
legitur *Oratio ad capillaturam*, scilicet
tondendam, ad quem consule notam
901. & seq. Noster Mabillonius in Præf.
ad tertium seculum Benedictinum §. 19.

non adsentitur Morino, qui Exercitata
15. *de sacris ordinationibus*, cap. 3. exi-
stimat tonsuram clericalem, nonnisi cum
Ordine Lectoratus aut Ostiariatus con-
ferri solitam, nec seorsum dari cœptam
esse ante seculum septimum: quam sen-
tentiam amplecti videtur Gullanv.

c Manumissiones ut in Ecclesia fie-
rent indulgit Constantinus Magn. Cod.
l. 1. tit. 13. *Jam dudum placuit ut in
Ecclesiâ Catholica libertatem domini suis
famulis præstare possint, si sub aspectu ple-
bis, assistentibus Christianorum Antistiti-
bus, id faciant; ut propter facti memo-
riam vice actorum interponatur qualif-
cumque scriptura, in qua ipsi vice te-
stium signent.* S. Aug. serm. 21. *Servum
tuum manumittendum manuducis in Ec-
clesiam. Fit silentium, recitatur libel-
lus, aut fit desiderii tui prosecutio. Di-
cis te servum tuum manumittere, quod
tibi in omnibus servaverit fidem.* Ex-
stat inter Ennodii opuscula peticitorium,
quo Gerontius servus a domino suo a-
pud Episcopum absolvitur.

d Ita Colbert. vet. & Turon. S. Gat.

* Al. VIII.

EPISTOLA * XI.

Ad Nepefinos.

De Leontio illuc transmissio, ut ei obediant:

Gregorius Clero, ordini, & plebi consistenti ^a Nepæ.

L eontio viro clarissimo præsen-
tium portitori curam sollicitu-
dinemque civitatis injunximus, ut
in cunctis invigilans, quæ ad uti-
litatem vestram, vel Reipublicæ
pertinere dignoscet, ipse disponat.
Ideoque dilectionem vestram scri-
ptis præsentibus admonemus, qua-
tenus ei exhibere obedientiam, in
omnibus debeatis, nec quisquam
vestrum eum pro vestra utilitate

tractantem existimet contemnendum:
quia ^b quisquis incongrue ordinatio-
ni ejus restiterit, nostræ resultare dis-
positioni cognoscetur. Quicumque
vero cum in iis, quæ supra retuli-
mus, audierit, nos audiet. Si quis
autem, quod non credimus, eum
post hanc admonitionem nostram
contemnendum putaverit, ad suum
proculdubio sciat pertinere pericu-
lum.

b

AN. CHR.

591. 592.

GREG. 2.



a Nepa, melius Nepet, vulgo *Nepi*,
urbs Hetruriæ olim Episcopalis Romani
inter & Viterbium sita. Ejus Sedes E-
piscopalis Sutrio juncta est.

b Excusi, quisquis congruæ ordinationi.
De verbo *resultare*, quod sequitur,
lege notas ad Ep. 21. lib. 1.

NOTÆ AD EPIST. XI.

EPISTOLA * XII.

* *Al. IX.*

Ad Castorium Episcopum Ariminensem.

De oratorio sanctæ crucis consecrando.

Gregorius Castorio Episcopo de Arimino.

Timothea illustris femina peti-
toria nobis insinuatione sug-
gessit, quod habetur in subditis,
intra civitatem Ariminensem in lo-
co juris sui oratorium se pro sua
devotione fundasse, quod in hono-
rem sanctæ crucis desiderat conse-
crari. Et ideo, frater carissime, si
in tuæ civitatis jure memorata con-
structio consistit, ^a nullum corpus
ibidem constat humatum esse, per-
cepta primitus donatione legitima,
idest totius facultatis ejus, excepta
familia, ^b mobilium vel immobi-
lium seque moventium ^c unciis o-

cto, retento sibi usufructuario die-
bus vitæ suæ, ^d gestisque munici-
palibus alligata, prædictum ^e ora-
torium absque Missis publicis so-
lemniter consecrabis, itaut in eo-
dem loco nec futuris temporibus
baptisterium construatur, nec Pres-
byterum constituas Cardinalem. Et
si Missas forte maluerit ^f fieri ibi,
a dilectione tua Presbyterum nove-
rit postulandum, quatenus nihil a-
liud a quolibet alio Sacerdote ul-
latenus præsumatur. ^g Sanctuaria
vero suscepta sui cum reverentia
collocabis.

d
e

f

g

NOTÆ AD EPIST. XII.

a Ubi Gregorius Magn. de oratoriis
dedicandis agit, condiciones quinque
postulare solet: nempe, ut nullum cor-
pus in eo loco sit humatum, ut dos
sufficiens assignetur, ut nullum ibi con-
stituatur baptisterium, nullus etiam
Presbyter Cardinalis; ac proinde nul-
læ ibidem Missæ publicæ celebrentur,
quas celebrare solis licebat Presbyteris
Cardinalibus, id est titulo perseveran-
ter affixis.

b Supra de cimeliis epist. 20. lib. 1.
Guffanv.

c Duæ tertiæ, *les deux tiers*. Hæc
epistola fere tota legitur cap. 15. ep. 7.
Zachariæ Papæ ad Pippinum & episco-
pos Galliæ. *Guffanv.*

d Actis judicii, *un acte en bonne for-
me*. Aliqui distinguunt inter *gesta* & *fa-
cta*, ut Accursius; negat Alciatus in
comment. de verbor. signific. leg. 19.
Consentit Bartolus, ex communi lo-
quendi usu nihil hæc differre. Singulis

porro municipiis oppidive olim fuise-
rat tabellio, vel notarius publicus, qui
donationes & testamenta privatorum,
ac cæteras municipum dispositiones scri-
bebat, excipiebatve, & in acta refe-
rebat, quæ ob eam causam gesta mu-
nicipalia vocabantur. *Guffanv.* Eadem
cautione usus est Gregorius infra l. 9.
ep. 78. & 83. & lib. 12. ep. 11. In uno
Vatic. & in Norm. Corb. Regiis &c.
pro *municipalibus*, legitur *mancipali-
bus*.

e De oratoriis eorumque consecra-
tione lege de consecr. dist. primam.
Cuique fas domi oratorium habere;
Missas ibi celebrare non licet, ne a-
liorum impediatur justitia, cap. *Pa-
tentibus*, extra, de privilegiis. Possunt
Episcopo permittente Missæ in orato-
riis quandoque celebrari, non tamen
in præcipuis festivitatibus, Agath. can.
21. Arvernense can. 15. Hic prohibet
sanctus Gregorius ne Presbyter in ora-
torio

torio constituatur Cardinalis. Intelligo Parochum, qui par&ciam, sive ut loquitur Aurelianus IV. can. 33. di&cesim habeat regendam. Ideoque & vetitum construi baptisterium. *Guffanv.* Vide lib. 9. ep. 70. & 84.

f In vulgatis, *fieri sibi*; & infra,

nihil alias; pro *nihil aliud*. Sequimur codd. Vatic. Norm. Corb. &c.

g Hic reliquias intelligo & sacra lipšana, sine quibus tunc temporis vix ullum consecrabatur altare, ut de consec. dist. 1. videre est. Eadem est clausula epist. 5. supra.

AN. CHR.

591. 592.

GREG. 2.

669

* Al. x.

E P I S T O L A * XIII.

Ad Importunum Episcopum Attellanum.

Suffraganeum Episcopum monet de Presbytero a se, ut in quadam di&cesi illius Ecclesia pr&sit, deputato.

a

Gregoriut a Importuno Episcopo Attellano.

b

c

d

EA quæ provide disponuntur, fraternitatem tuam credimus libenter amplecti. Et quia Ecclesiam sanctæ Mariæ ^b Campisonis in tua ^c Parochia positam, Presbytero vacare cognovimus, præsentium portitorem Dominicum Presbyterum in eadem Ecclesia ut præesse debeat, ^d nos certum est deputasse.

Ideoque fraternitas tua ei emolumenta ejusdem Ecclesiæ faciat sine cunctatione præstari, & ^e decimæ fructus indictionis, qui jam percepti sunt, prædicto viro fac sine mora restitui: quatenus ejusdem Ecclesiæ utilitates, cujus emolumenta consequitur, Deo adjutore, sollicite valeat procurare.

N O T Æ A D E P I S T. XIII.

a Is esse videtur Importunus Attellanæ civitatis Episcopus, de quo ep. 77. lib. 9. Indi&t. 2.

b Irreperat in excusos, *quondam ante Campisonis*; quod cogentibus MSS. expunximus.

c Ita legitur in MSS. & editis omnibus, melius tamen *Par&cia*, quam pro di&cesi, & vicissim di&cesim pro par&cia passim usurpari sciunt quotquot veterum monumenta legerunt. Multis id testimoniis probat Johan. Filescus initio libri de Par&ciarum origine, ubi meminit canonis 21. ex Tolet. III. *Multorum querela hanc Constitutionem exegit, quia agnovimus Episcopos per parochias suas non sacerdotaliter, sed crudeliter deservire.* Lego apud Greg. Turon. hist. lib. 5. cap. 5. quemdam Episcopum habuisse sub se 15. di&ceses. Et Adhelmus de laudibus Virginitatis vocat Ecclesiam Catholicam, Ecclesiæ parochiam. Itaque non pugnandum de nomine. *Guffanv.* Jam vero unde par&ciæ nomen habuerit di&cesis Episcopi, aut Curionis districtus, disserit Cangius in Glossario.

d Prius lectum, *nos scito deputasse*. Ex eo loco concludit Binius ad mar. Tomo VII.

ginem epistolæ, Papam in aliena di&cesi conferre beneficia: quæ beneficia, quo diplomate, quo jure, an invito Episcopo, quibus in locis, non explicat. Et verò constat jure canonico antiquo, Clericos cujusque di&cesis a suo Episcopo cum cleri & plebis assensu ordinatos esse, atque adeo illis beneficia qualia tunc erant decreta, sive jus stipendiorum Ecclesiasticorum concessum. Laudo Conc. Antioch. c. 9. & 22. & Carthag. IV. can. 22. Ordinationes a Metropolitanis in episcoporum subditorum di&cesibus aliquoties tentatas & factas legimus; sed ista seu tentamenta seu facta secundum Canones expendimus, ut non sint in destructionem, sed in ædificationem. Crediderim sanctiss. Pontificem, juris ut erat communis vindex acerrimus, iusta quadam & peculiari ratione motum, illi Ecclesiæ fortasse diutius quam par erat vacanti & neglectæ, Presbyterum destinasse, deputasse, & quidem, ut ait, *provide*, cum certus esset Episcopum non repugnaturum, populum non reclamaturum, Clericos non iri offensum. *Guffanv.* Videtis Thomassinum part. 2, lib. 1. c. 41. & Alteser-

O

ram

ram in hunc locum, ubi censet ea ætate a Pontifice extra ordinem collata minora beneficia; utiturque testimonio Johannis Sarisber. ep. 23c. qui tamen multis seculis Gregorio nostro junior fuit. Addit: *Collationi beneficiorum in-*

jecta est manus a Rom. Pontif. ex quo pronuntiatus est Ordinarius Ordinarium in Concil. Gener. Lateran. cap. 5.
e Idem est ac si diceret, fructus anni labentis jam percepti. *Altes.*

* *Al. XI.*

E P I S T O L A * XIV.

Ad Johannem Episcopum Velitranum.

Episcopi sedes in tutiorem locum transfertur.

Gregorius Johanni Episcopo ^a Velitranò.

^a
Johan. Diaconus. lib. 3. c. 17. Grat. 7. q. 1. c. 44. Temporis.

TEMPORIS qualitas admonet ^b Episcoporum sedes antiquitus certis civitatibus constitutas, ad alia, quæ securiora putamus, ejusdem diœceseos loca transponere, quo & habitatores nunc degere, & barbaricum possint periculum facilius declinare. Propterea te Johannem fratrem coepiscopumque no-

strum Velitrensis civitatis, sedemque tuam in locum qui Harenata dicitur ad sanctum Andream Apostolum præcipimus exinde transmigra- re: quatenus & ab hostilitatis incurfu liberior existere valeas, & illic ^c consuetudinum solemnium festa disponas. ^d Mense Febuario Indict. x.

c
d

N O T Æ A D

a Velitræ, vulgo *Veletri*, urbs Campaniæ in via Appia, Roma distans viginti millibus, nunc adhuc Episcopalis, cujus sedes juncta est Ostiensi.

b Translatio Episcopatum sedium non potest fieri sine auctoritate Summi Pontif. quia est de majoribus causis. Sic Cenetensis Ecclesia quia posita erat loco intuto & infesto incurfionibus Tarvisinorum, in tutiorem locum translata, auctoritate Innocentii III. Testis ipse Innocentius lib. 2. epist. 8. Translatio etiam sedium Episcop. non fit sine consensu Principis. . . Sic Ecclesia Magalonensis e Magalonæ insula Montempefulanum translata est ann. 1536. consensu S. Pont. & Francisci I. Regis. *Alteserra.*

c Sic in omnibus MSS. & editis S. Gregorii epistolis. Apud Ivonem: *con-*

E P I S T. XIV.

suetudinem festorum solemnium disponas. Sic etiam apud Burchardum. Johannes Diaconus ita, *consuetudine solemnium festa disponas.* (In decreto Grat. *consuetudinem solemnium festive disponas.*) Ut ut scribatur, sententia est eadem, quam sic exprimo: In festis præcipuis & solemnioribus ad Ecclesiam matricem ex tota diœcesi confluabant Clerici & laici, quod pluribus Conciliorum canonibus cautum est. Profero Agath. can. 21. Arvern. can. 15. Aurel. I. can. 25. Aurel. IV. can. 3. &c. Itaque mutato sedis loco non jam in priori civitate festa disponebantur, sed ad S. Andream in Harenata publicus omnium fidelium conventus indici debuit, ut festivitates præcipuas cum suo celebrarent Episcopo. *Guffano.*

d Sic legitur in Turon. S. Gat.

* *Al. XII.*

E P I S T O L A * XV.

Ad Paulum Episcopum.

Paulum, cui Neapolitanam Ecclesiam commiserat, de reditu citius cogitantem, ut ibi perseveret, hortatur. De Petro Diacono respondet, nihil illi timendum, nullumque apud se fore locum subreptioni.

Gregorius Paulo Episcopo.

AD hoc fraternitatem tuam Neapolitanæ Ecclesiæ ad præsens præesse constitui, ut quosque populos, suasoria ad Deum prædicatione-

tio-

tionē converteres . Et dum tota te oporteat hoc intentione peragere , priusquam hunc Domino fructum opereris , reverti festinas , petisque a me , ut celeriter eamdem debeam Ecclesiam ordinare , dum meus non sit animus in hac re otiosus . Sed quia utilitates ejus summa cupio firmitate vallare , diuturna de hoc necesse habeo deliberatione tractare , ut eam digna possim ordinatione , Christo revelante , disponere . Interea ergo fraternitas tua ita invigilare animarum lucris studeat , ut judicium quod de te habeo , operationis tuæ roboretur effectu . De

persona vero Petri Diaconi quæ scripsisti , omnia mihi Theodorus vir consularis nunc indicavit . Et ideo postquam tibi adhærere , & ecclesiasticis cum utilitatibus tuae testificatione studere cognovi , nullius debet adversitatem vel inimicitias formidare ; sed quanto sibi alios invidere perpendit , tanto vigilantius , ut ei nihil nocere valeant , in utilitatibus Ecclesiæ , & Dei servitio perseveret . Fraternitas autem tua pro ejus persona post hoc non debet esse suspecta : quia apud me nulla subreptio locum inveniet .

AN. CHR.
591. 592.
GREG. 2.
673

* Al. xxvi.

E P I S T O L A * XVI.

Ad Maximianum Episcopum Syracusanum .

Paulinum Taurianensem Episcopum Ecclesiæ Liparitanae præficit .

Gregorius Maximiano Episcopo Syracusano .

^a **L**ocis ^a munitis Ecclesia constituta , Pastoris vacare non debet officio . Quia igitur Ecclesia Liparitana Sacerdote privata dignoscitur : ideo Paulinum Taurianensis Ecclesiæ Episcopum in prædicta Ecclesia Liparitana fraternitas tua sine mora præesse constituat , ut officii sui administrationem in eadem

Ecclesia vigilanter exhibeat , & quæque ejus utilitatibus convenire didicerit , ordinare non desinat . Cunctumque clerum ut in omnibus canonice ei obedire debeat admoneas : quatenus præfata Ecclesiæ in cunctis utilitas , prædicto fratre & coepiscopo nostro disponente , Christo adjuvante procurari valeat ^b .

b

N O T Æ A D E P I S T . XVI.

^a Excusi , locis inimicis . Sed legendum ut in MSS. locis munitis . Aliis autem in locis , quæ scilicet hostium incursum aperta erant , dispersis ovibus , ipsi ad fugam cogebantur Pasto-

res . Vide ep. libri hujus 17. & 50. In nonnullis tamen MSS. maxime in Vatic. legitur locis minutis .

^b In Turon. S. Gat. Data pridie Kalend. Martii Indiçti. x.

* Al. xvii.

E P I S T O L A * XVII.

Ad Paulinum Episcopum .

In Liparitana Ecclesia resideat , Taurianensem vero opportuno tempore visitet .

Gregorius ^a Paulino Episcopo .

Scire te volumus , quia Maximiano fratri & coepiscopo no-

stro scripsimus , ut fraternitatem tuam Ecclesiæ ^b Liparitanae ex nostra au-

O 2,

tori-

AN. CHR.
591. 592.
GREG. 2.
666

fortitate præesse constituat. Cui te modis omnibus obedire necesse est ejusque te Ecclesiæ utilitatibus præcipimus decenter insistere, & quæque ejus commoditatibus agnoveris oportere, te volumus sine cunctatione peragere. Ecclesiam vero Taurianensem, quoties opportunum tempus credideris,

visitabis. Ita ergo fraternitas tua hæc omnia implere festinet, ut & sui præsentia Liparitanam salubriter disponat Ecclesiam; & visitationis studio Taurianensem Ecclesiam congregare & fovere non desinat. ^c Data mense Martio, Indictione decima.

c.

N O T Æ A D E P I S T. XVII.

^a Paulinus appellatur Episcopus Tauri lib. 1. ep. 41. ubi Taurianenses monachos occasione dispersos Barbarica legimus. Ep. vero 40. Paulinum ipsum Episcopum in Sicilia peregrinum, quod forte Tauriani, cujus Ecclesiam dispersam supponit Gregorius, commorari non liceret. Inde Taurianensem Ecclesiam congregare & fovere visitationis

studio, Paulinus jubetur: Liparitanam vero, in qua securius resideret, sui præsentia disponere.

^b Lipara hodie etiam sic dicta, insula Æoliarum præcipua, cum urbe Episcopali cognomine sub Archiepiscopo Messanensi, 30. mill. pass. ab ora Sicilia in Boream. Guffanv.

^c Ita duo Teller. & Colbert.

* AL. XI.

E P I S T O L A * XVIII.

Ad Natalem Episcopum Salonitanum.

Increpato de assiduis conviviis Natali, ut Honoratum Archidiaconum suo loco restituat, jubet.

Gregorius Natali Episcopo Salonitano.

Jehan. Diacon.
lib. 3. c. 34
Grat. dist.
44. c. 5.
a

MUltis ab urbe tua venientibus, frater carissime, didici, pastoralis cura derelicta, solis te^a conviviis occupatum. Quæ audita non crederem, nisi hæc actionum tuarum experimentis approbarem. Nam quia nequaquam lectioni studeas, nequaquam exhortationi invigiles, sed ipsum quoque usum Ecclesiastici ordinis ignores, hoc est testimonium quod eis sub quibus es positus, reverentiam servare nescis. Cum enim sanctæ memoriæ decessoris mei fueris scriptis prohibitus, ne contra Honoratum Archidiaconum tuum dolorem tam longæ ingratitude in corde retineres: ^b cumque & a me hæc tibi summo-
^c pere fuerint interdicta; & mandata Dei negligens, & scripta nostra contemnens, præfatum Honoratum Archidiaconum tuum, quasi ^e ad for-

tiorem honorem provehens, conatus es callida arte degradare. Unde actum est ut eo Archidiaconatus loco summo alium accerferes, qui tuis moribus obtemperare potuisset, cum præfatus vir pro nulla tibi re, ut arbitror, displicuit, nisi quod ^d vasa sacra & velamina tuis te parentibus dare prohibebat. Quam causam subtili volumus & nunc ego, & tunc sanctæ memoriæ decessor meus, indagatione discutere: sed tu, tuorum tibi actuum conscius, personam ad judicium instructam transmittere distulisti. Proinde fraternitas tua, vel post frequentatam toties admonitionem a culpæ suæ errore resipiscat, & præfatum Honoratum in suum, mox ut mea scripta susceperit, locum suscipiat. Quod si forte distuleris, usum tibi pallii, qui ab hac sede con-

d.

concessus est noveris esse sublatum. Si vero, etiam amisso pallio, in eadem pertinacia adhuc persistis, Dominici corporis ac sanguinis te scias participatione esse privatum. Post quæ jam necesse est ut causas tuas subtilius indagantes, an in Episcopatu ipso persistere debeas, summa cura atque inquisitione debeamus tractare. Eum vero qui contra justitiæ regulam, ^e ad locum alterius se provehi consensit, ab ejusdem Archidiaconatus honore deponimus. Qui si ulterius in loco eodem ministrare præsumserit, ^f se ^f participatione communionis sacre noverit esse privatum. Tu igitur, frater carissime, nequaquam

nos amplius provoces, ne duos valde in asperitate sentias, quos erga te positos in caritate contemnis. Restituto igitur loco suo Honorato Archidiacono, instructam personam sub festinatione transmittes, qui mihi hoc debere ex ratione fieri suis possit allegationibus demonstrare. Eundem namque Archidiaconum ad nos venire decrevimus, ut quidquid justum, quidquid omnipotenti Deo placitum fuerit, cognitis assertionibus partium decernamus. Nos enim nullum pro personali amore defendimus, sed auctore Deo, normam justitiæ, postposita cujuslibet personæ acceptatione, custodimus.

NOTÆ AD EPIST. XVIII.

a Vide Espensæum lib. 2. Digressio-
num in 1. Tim. c. 14. ubi de Episco-
po vinolento disputat. Et Conc. Trid.
sess. 25. de ref. c. 1. & Mediol. 1. de mensa
Episcopi. Guff. De Natali vide ep. 19. &
20. || 1. & duas quæ hanc sequuntur. De
epulis se excusavit Natalis, cui respondit
S. Greg. ep. 52. olim 37. S. Martinus,
teste Sulp. dial. 1. n. 17. nunquam con-
sentit Vincentium Præfectum omni vir-
tutum genere præstantissimum convi-
vio excipere: e contrario S. Ambro-
sius Consules & Præfectos pascere fere-
batur, ut ex eodem Sulpitii testimonio
liquet.

b Ita legitur in MSS. Vatic. Norm.
&c. etsi excusi habeant: *cumque a me
sepe correptus fueris, & hæc tibi sum-
mopere* &c.

c Archidiaconatus munia implere
tunc non licebat Presbytero. Hinc
promotus ad Presbyterium Honoratus
Archidiaconi gradu excidisset, amplifi-
simaque fuisset spoliatus potestate. Ea
ratione Sidonius de Johanne Cabillon-
nensi Episcopo scribit Epist. 25. lib. 4.
*Post laborum temporumque processu, Ar-
chidiaconus, in quo seu gradu seu mi-
nisterio multum retentus propter indu-*

*striam, diu dignitate (Presbyterali)
non potuit augeri, ne potestate (Ar-
chidiaconi) posset absolvi.*

d Supra monuimus Diaconorum &
maxime Archidiaconi curæ mandatam
fuisse rerum sacrarum custodiam, &
Ecclesiasticorum bonorum administra-
tionem, quod tamen in Orientalibus
Ecclesiis non viguisse S. Joh. Chryso-
stomi temporibus probatur ex hom. 14.
ejusdem sancti Doctoris in Acta Apo-
stolorum, ubi clare docet hoc munus
fuisse Presbyterorum.

e In excusis, in Archidiaconatum al-
terius.

f Ut hic & apud S. Cyprianum, non
omnibus abstentis os, orare, vale, com-
munio, mensa, negabatur. Hinc con-
cludunt, plebanis seu parochis compe-
tere facultatem aliquam excommuni-
candi: quam quæstionem pluribus tra-
ctat Filescus de sacra Episcoporum
auctoritate cap. 3. S. Benedictum usum
fuisse aliqua potestate excommunican-
di, refert S. Gregorius libr. 2. dialog.
c. 23. Certe si Presbyteris jus est pœ-
nitentes arcere a communione, de
verbis lis est. Legatur Theophili Ale-
xandrini ad Menam responsio. Guffanv.

AN. CHR.

591. 592.

GREG. 2.

3633

* M. XV.

E P I S T O L A * XIX.

Ad universos Dalmatiæ Episcopos.

Quid in causa Natalis & Honorati actum sit explicat.

Gregorius universis Episcopis per Dalmatiam constitutis.

Fraternitatem vestram licet desideremus scriptis discurrentibus frequenter visitare, tamen præterea cum res exigit, utraque cupimus negotia ^a unius occasione persolvere; ut & fraternos de visitatione relevemus animos; & quæ superveniunt, ne mentem possint ignorata confundere, subtilius ^b explicare. Frater itaque noster ^c Natalis Salonitanæ civitatis Episcopus, cum Honoratum Archidiaconum sedis suæ ad ordinem Presbyteratus vellêt provehere, ac deinceps ille ^d ad sublimiorem gradum crescere declinaret, a sanctæ memoriæ decessore commissa supplicatione poposcerat, ne ad hunc ordinem invitatus accederet. Hoc enim fieri sibi non provehendi gratia, sed causa ^e ingratitude nis perhibebat. Pro qua re tunc jam sanctæ memoriæ decessor noster scripta Natali fratri coepiscopoque nostro direxerat, interdicens ne prædictum Honoratum Archidiaconum invitum proveheret, neve dolorem conceptæ ingratitude in corde retineret. Cumque & a ^f nobis & hæc eidem summopere fuerint interdicta, non solum mandata Dei negligens, sed & scripta nostra contemnens, præfatum Archidiaconum, ut dicitur, contra morem, quasi ad fortiorem honorem provehens, conatus est callide degradare. Unde actum est ut eo de Archidiaconatus loco submoto, ^g alium arcesceret, qui in loco depositi Archidiaconi ministraret. Quem scilicet Honoratum arbitramur Antistiti suo propterea displicere potuisse, ^h quod

eum vasa sacra suis dare parentibus prohibebat. Quam causam, & tunc sanctæ memoriæ decessor meus, & nunc ego subtili volumus indagatione discutere: sed is ipse sibi conscius, personam ad iudicium postponuit destinare, ne actuum ejus discussa potuisset veritas apparere. Nos itaque tot jam scriptis admonitum, & hactenus pertinaciter obstinatum, scriptis iterum directis per præsentium latorem curavimus admonendum, quatenus Honoratum Archidiaconum, ⁱ conjungente statim præsentium latore, in priore loco susciperet. Qui jam obdurato adhuc corde contumaciter ad eundem revocare gradum si forte postponeret, usu eum pallii, qui ab hac Sede concessus est, pro contumacia tot vicibus admissa privari præcipimus. Si vero etiam amisso pallio adhuc in eadem pertinacia perseveraverit, a Domini quoque corporis ac sanguinis participatione submoveri. Æquum enim est, ut asperos de iustitia sentiat, quos erga se positos in caritate contemnit. Nos itaque ne nunc quidem a iustitiæ, quam præfatus Antistes despexit, semita deviamus: sed restituto in locum suum eo, cuius nobis culpa minime patuit, præcipimus Natalem Episcopum instructam ad nos debere dirigere personam, quæ rectam ejus esse intensionem suis possit nobis allegationibus demonstrare. Nam & eundem Archidiaconum venire fecimus, ut quidquid iustum, quidquid omnipotenti Deo placitum fuerit,

sit.

rit, cognitis assertionibus partium decernamus. nullum namque pro personali amore defendimus, sed

auctore Deo, normam iusticiæ, postposita cujuslibet acceptione personæ, custodimus.

AN. CHR.
591. 592.
GREG. 2.

673

NOTÆ AD EPIST. XIX.

a Sic MSS. ubi editi habent, *negotii unius*.

b In recentioribus *explicemus*. Sequimur MSS. Vatic. Norm. &c. nec non ver. ed.

c In multis codd. deest *Natalis*.

d Archidiaconus, juxta illorum temporum disciplinam, Presbytero quovis minor erat ordine, gradu, dignitate, licet ministerii privilegiis & lucris, in rerum externarum administratione Presbytero præpolleret. Hinc fortasse fuga presbyteratus; quo semel accepto, ab administratione feriandum erat.

e Hoc est, quod gratus non foret.

f Editi invitis MSS. *a nobis sæpe correptus fuerit, & hæc eidem &c.*

g In vulgatis, *adisceret*.

h Aperit causam cur minime gratus

esset, curve callide eum *degradare* voluerit Episcopus: hoc est, creando Presbyterum, Archidiaconi potestate, quæ presbyterali præpollebat, spoliare. Hic *parentes* late sumuntur pro cognatis, non simpliciter pro his qui genuerunt. In hac lata significatione sæpe usurpatur ista vox ab hujus ævi scriptoribus, ut a Greg. Turon. lib. 2. histor. cap. 4. & lib. 9. cap. 19. & 33. Porro hanc bonorum Ecclesiasticorum dilapidationem, in consanguineorum gratiam, præviderat Antioch. synodus ann. 341. cavitque can. 25. quo tanti sceleris reus Episcopus Synodo provinciæ pœnas perolvere jubetur.

i Hoc est *accedente*. Act. 8. 29. *accede, & adijunge te ad currum*.

Al. xvi.

EPISTOLA XX.

Ad Antoninum Subdiaconum.

Exposita iterum eadem causa, Antonino præcipit, ut ad Honoratum loco suo restituendum, Natalem hortetur: hunc, ni pareat, primum usu pallii, deinde communionem privet. Restituto tandem Honorato, personam mittat Episcopus: ipse vero Archidiaconus Romam veniat; uterque causam dicturi. Advocatur etiam pro Malcho Episcopo fidejussor.

Gregorius Antonino Subdiacono.

Grat. dist. 47.
can. 8.
Johan. Diac.
lib. 3. c. 9.

Honoratus Archidiaconus Ecclesiæ Salonitanæ, a sanctæ memoriæ decessore meo missa supplicatione poposcerat, ut ab Antistite suo invitatus provehî ad fortioris gradus ordinem contra morem nullatenus cogeretur. Hoc enim fieri sibi non provehendi gratia, sed causa ingratitude perhibebat. Pro qua re tunc jam sanctæ memoriæ decessor noster scriptis suis Natali fratri coepiscopoque nostro interdixerat, ne prædictum Honoratum Archidiaconum invictum proveheret, neve dolorem conceptæ ingratitude diutius in corde retineret.

Cumque & a me hæc eidem summo opere fuerint interdicta, non solum mandata Dei negligens, sed scripta nostra contemnens, præfatum Archidiaconum quasi ad fortio-rem honorem provehens, conatus est arte callida degradare. Unde actum est, ut eo de Archidiaconatus loco summo, alium arces-feret qui ejus obtemperare moribus potuisset. Quem Honoratum Archidiaconum arbitramur Antistiti suo aliunde displicere non potuisse, nisi quod eum vasa sacra suis dare parentibus prohibebat. Quam causam subtili volumus, & tunc sanctæ me-

AN. CHR.
591. 592.
GREG. 2.

177

memoriæ decessor meus, & nunc ego, indagatione discutere; sed is ipse suorum sibi actuum conscius personam ad iudicium postposuit destinare. Proinde experientiam tuam præsentis præcepti auctoritate duximus, fulciendam, quatenus conveniens in Salonam, Natalem fratrem coepiscopumque nostrum saltem tot scriptis admonitum studeat ad hortari, ut supra memoratum Archidiaconum in suo statim loco suscipiat. Quod si facere hoc contumaciter, ut consuevit, forte distulerit: usum ei pallii, qui ab hac Sede concessus est, ex auctoritate Sedis Apostolicæ contradicito. Quem si etiam amisso pallio adhuc in eadem pertinacia perseverare perspexeris, Dominici quoque corporis ac sanguinis eundem Antistitem participatione privabis. Eum vero qui contra iustitiæ regulam, ad locum alterius se provehi consensit, ab ejusdem Archidiaconatus honore deponi præcipimus. Quem, si ulterius in loco eodem ministrare præsum-

ferit, communionis sacræ participatione privamus. Æquum enim est ut asperos de iustitia sentiat, quos erga se positos in caritate contemnit. Restituto ergo loco suo Honorato Archidiacono, instructam personam supradictus Antistes, te compellente, dirigat, quæ intentionem ejus esse vel fuisse iustam, suis mihi allegationibus possit demonstrare. Sed & eundem Archidiaconum ad nos venire præcipimus, ut quidquid iustum, quidquid omnipotenti Deo placitum fuerit, cognitis assertionibus partium decernamus. Nos enim nullum pro personali amore defendimus: sed auctore Deo normam iustitiæ, postposita cujuslibet acceptione personæ, servamus. ^a Malchum vero fratrem coepiscopumque nostrum curabis fideiussori committere, ut ad nos quantocius veniat: quatenus omni mora ac dilatione postposita, actionum suarum expõsitis ratiociniis, ad propria cum securitate valeat remeare.

Grat. 7. q. 1.
c. 40.

NOTÆ AD EPIST. XX.

a Rexerat patrimonium aliquod Ecclesiæ Romanæ, ut apparet ex epistola 46. hujus Indict. & 22. Indict. 11.

Eundem Romæ subito mortuum, quæ die causam dixerat & addictus fuerat, docet ep. 47. lib. 4. Indict. 13.

EPISTOLA * XXI.

* Al. XVII.

Ad Jobinum Illyrici Præfectum.

Vastatam a Barbaris Provinciam ejus regimine recreari gaudet. Patrimonii rectorem commendat. Natali Episcopo ne opem contra iustitiam ferat hortatur.

Gregorius ^a Jobino Præfecto Illyrici.

Licet ad reddenda paternæ caritatis officia, hostilitate itineribus occupatis, raritas portitorum impediatur: quoties tamen occasio inciderit, Excellentiam vestram non desistimus scriptis discurrentibus visitare, quatenus quorum aspectum

præsentium videre non possumus, eos aliquatenus scriptis valeamus alternantibus intueri. Gaudemus itaque quod Eminentiae vestræ regimine, afflictæ Dominus voluit provinciae consulere, ut quam ex una parte flagello barbaricæ vastationis ul-

ulcerat, hanc ex alia per Eminen-
tiam vestram, quasi per superdu-
ctam salutem curet. Largitam ergo
vobis dignitatem ex solo munere
donantis attendite, & ex ipsa con-
cessi regiminis administratione Con-
ditorem vestrum erga vos placabi-
liorem facite: quatenus cum ipse
quod largitus est meritis bonorum
operum, ad suam viderit gloriam
revocari, & in hac vos vita clario-
res efficiat, & præmia vobis regni
cœlestis concedat. Præsentium igi-
tur latorem, quem illuc pro ipsa

exigui patrimonioli administratione
direximus, vestræ Excellentie com-
mendamus. Nos enim caritatis ve-
stræ connexi vinculo Dominum pe-
timus, quo sic actus vestros in hac
vita dirigat, ut ipsorum merito ad
æterna vos regna perducatur. Natali
autem fratri & coepiscopo nostro
in nullo Gloria vestra opem con-
tra iustitiam ferat: ^b quia tanto
necesse est, ut canonicæ ultionis
vindictam sentiat, quanto & ipsam
regulam canonicam ignorat.

AN. CHR.
591. 592.
GREG. 2.

669

b

NOTÆ AD EPIST. XXI.

a In omnibus fere editionibus & in
quibusdam MSS. codicibus legebatur *Jo-
bino Episcopo Illyrici*. Sed ope quorum-
dam MSS. codd. emendavimus hanc le-
ctionem, quam vitiosam esse demon-
strat contextus epistolæ, qui præcipuam
quamdam dignitatem laicam præ le-
fert; nec non ep. 43. nunc 45. libri 1.
quæ sic incipit; *Jobinus, excellentissi-*

*mus vir filius noster, Præpositus per Il-
lyricum*. Gullanv. In Vatic. legitur *Præ-
posito, Expræfecto Illyr.* In duobus Tel-
ler. & Remens. *Episcopo Illyr.* In Norm.
Anglic. Corb. &c. quos sequimur, *Præ-
fecto Illyr.*

b Ergo ignorantia ista, secundum
Greg. magis augeat peccatum, quam e-
leuet: accusat, non excusat.

* Al. VII.
Indiēt. XIII.

EPISTOLA XXII.

Ad universos Episcopos Illyrici.

Johannis Episcopi ordinationem confirmat.

Gregorius universis Episcopis per Illyricum.

Sup. lib. 1.
ep. 45. In-
diti. 9.

Inf. Ep. 23.

ET nobis confert de sollicitudine
vestra lætitiā, & fraternita-
tem vestram de sua reddit ordina-
tione securam, si antiquæ consue-
tudinis ordo servatur. Quia ergo
ex epistolis, quas ad nos per Ma-
ximianum Presbyterum & Andreā
Diaconum direxistis, in persona Jo-
hannis fratris & coepiscopi nostri
consensum omnium vestrum, & se-
renissimi principis convenisse cogno-
vimus voluntatem: magna nos ex-
sultatio habuit talem, Deo aucto-
re, ad sacerdotii officium fuisse pro-
vectum, qui dignus cunctorum est
electionis iudicio comprobatus. Pro-
inde juxta postulationis vestræ de-
siderium, prædictum fratrem & coe-

piscopum nostrum, in eo in quo
est sacerdotii ordine constitutus,
nostri assensus auctoritate firmamus:
ratamque nos ejus consecrationem
habere, dirigentes pallium, indica-
mus. Cui quoniam juxta morem
nostras vices commisimus peragen-
das, ideo fraternitatem vestram ne-
cessario prævidimus adhortandam:
quatenus ei in his quæ ad ordinem
Ecclesiasticum, rectitudinemque per-
tinent disciplinæ, sive in aliis qui-
bus canonum decreta non obstant,
parere nullo modo differatis, ut
caritatem vestram sincero eum ju-
dicio elegisse, exhibita valeat obe-
dientia declarare.

Tom. VII.

P

EPI-

AN. CHR.
591. 592.
GREG. 2.

E P I S T O L A * XXIII.

Ad Johannem Episcopum.

6655
* AL. VIII.
Indict. XIII.

Gratulatur quod unanimi omnium consensu electus sit. Ipsum ex more pallio donat, & Vicariatu Apostolicæ Sedis. Ad pastorale munus summa prudentia & caritate implendum hortatur.

a

Gregorius Johanni Episcopo * primæ Justinianæ Illyrici.

Grat. dist.
63. c. 9. Quia

Sup. ep. 22.

Dist. 100. c.
10. Pallium.

b

c

Manifestum bonitatis esse liquet indicium, in unius electione cunctorum convenire consensum. Quia igitur suscepta fratrum & coepiscoporum nostrorum relatio, ad locum vos sacerdotii totius concilii unito consensu, & serenissimi Principis voluntate declarat accersiri: gratias omnipotenti Deo creatori nostro magna cum exultatione retulimus; qui vitam actusque vestros ita de præteritis fecit esse probabiles, ut omnium vos, quod est valde laudabile, faceret placere iudicio. Quibus nos quoque in personam fraternitatis tuæ per omnia consentimus. Atque omnipotentem Dominum deprecamur, ut caritatem vestram sicut sua gratia elegit, ita in omnibus sua protectione custodiat. ^b Pallium vero ex more transmisimus, & vices vos Apostolicæ Sedis agere iterata innovatione decernimus, admonentes ut ita vos circa subiectos debeatis exhibere placabiles, ut rectitudinem vestram ^c diligere provocentur potius quam timere. Quorum si culpa forte poposcerit, ita excessus emendare curabitis, ut paternum affectum de animo nullo modo relinquantis. Estote in custodia commissi gregis vigilantes atque solliciti, & disciplinæ zelo districti, ut lupus insidians, nec ovile turbare Dominicum, nec nocere ovibus aliqua fraudis occasione prævaleat. Animarum lucrum Deo nostro tota mentis intentione facere festina-

te: nomen nos Pastoris non ad quietem, sed ad laborem suscepisse cognoscite. Exhibeamus ergo in opere, quod signamur in nomine. Sacerdotii prærogativam si recta consideratione pensemus, sollicitis & bene gerentibus in honore, negligentibus autem profecto erit in onere. Sicut igitur laborantes, & circa animarum salutem sollicitos hoc nomen ante Deum æternam ducit ad gloriam: ita desides ac torpentes ^d vergit ad pœnam. In lingua nostra vitam esse aliam plebs commissa agnoscat. Sit illis fraternitatis vestræ doctrina, gratus coercionis stimulus; & vita, imitationis exemplum. Quid enim diligere, & quid timere debeant, caritatis vestræ sermo prædicationis aperiat, fructum efficacia vestra æternæ huiusmodi attributionis acquirat.

Inter hæc vero & ista vos principaliter deliberationis cura constringat, ne unquam ordinationes facere tentetis illicitas; sed si quos ad clericatus ordinem vel potiolem forte gradum promoveri contigerit, non præmiis aut precibus, sed meritis ordinentur. In nulla ordinatione fraternitati vestræ commoda quolibet modo surripiant, ne laqueis ^e simoniacæ, quod absit, hæreseos illigetur. Quid enim prodest homini, sicut Veritas docet, si totum mundum acquirat, & sue faciat animæ detrimentum? Unde necesse est, ut Deum in omni quod

ge-

^e
Matth. 2. 36.

Joh. Diae. l. 3. c. 24.
f

gerimus attendamus, peritura & temporalia contemnamus, atque ad æternitatis bona cordis desiderium dirigamus. ^f Xenia autem vestræ sanctitatis suscipere omnino nolueram: quia valde esset incongruum, ut a prædatis atque afflictis fratribus munera percepisse videremur. Sed Responsales vestri alio me argumento vicerunt, & ad eum illa

g

deferentes, a quo non possent oblationes vestræ fraternitatis repelli. Illud enim vobis præ omnibus studendum est, ut venturo judici animarum, sicut prædiximus, non petitura munera procuretis; quatenus & vos de vestra mercedis operatione, & nos pariter de nostra adhortatione respiciat.

AN. CHR.
591. 592.
GREG. 2.
6673

NOTÆ AD EPIST. XXIII.

a Justiniana prima, alias Achridus, nunc vero Locrida in Albania, urbs olim Macedoniæ ad Lichnidum lacum: nunc adhuc ampla, in excelso colle, ubi natus Justinianus Imperator, qui eam non modo instauravit, verum etiam multis ornavit privilegiis, & jure præsertim Metropolitico Prævalitanæ Provinciæ; immo & primatiali dignitate & vicaria Romanæ sedis, quod obtinuit a Vigilio Papa, prout habetur Novella 131. Prima autem dicta est ad differentiam Ulpiani Mæsiæ superioris, quæ Justiniana secunda dicta est, & aliarum urbium ejusdem nominis ab eodem Imperatore instauratarum. Jacet inter Dyrrachium & Thessalonicam sub dominio Turcarum. *Guffanv.*

b Ex hac & 57. ep. lib. 5. apparet quibusdam Episcopis Græcis datum fuisse a S. Greg. pallium: non tamen omnibus, non ipsis Patriarchis, ut docet ep. 15. lib. 5. Ergo Patriarchæ non aliunde pallium petebant, immo videntur illud suis subditis concessisse, non repugnante Roma. Consonant Constantinopolitanum viii. Conc. in fragmentis c. 17. & 27. Johan. VIII. ep. 190. & 199. An eadem fuerit materia, for-

ma eadem Occidentalis quæ Orientalis pallii, nova rixa illius similis quam vocant *de lana caprina*. Magna si fuisset aut gravis differentia, exprobasset eam alii aliis; nec Latini nono seculo, ut somniavit quispiam, lino deposita, lanam Græcorum facile induissent, de qua Isidorus Pelusiota multis ante seculis. *Aug.*

c Infra lib. 3. Indiēt. 11. ep. 53. S. Hieronymus ep. 62. ad Theophilum: *Ut Pontifices Christi . . . non Dominorum metu, sed Patrum honore veneremur . . . Sed contenti sint honore suo, Patres se sciant esse, non Dominos.* *Guffanv.* Legerat hoc in Reg. S. Benedicti Gregorius ejus alumnus. Scilicet cap. 64. præcipit sanctus Pater, ut Abbas *studeat magis amari quam time-ri.*

d Ita MSS. quod verbum editores mutarunt in *urget*.

e Praxim simoniacam auctores Ecclesiastici vulgo hæresim appellant, quo magis ostendant execrabilem. Idem de jure investiturarum aliquot post seculis institutum est. *Guffanv.*

f In MSS. pler. *exenia*.

g Proculdubio ad S. Petrum.

* AL. EVIIT.

EPISTOLA * XXIV.

Ad Maximianum Episcopum Syracusanum.

Ut laudatum a Felice Presbyterum diligenter examinet, eumque Romam; si Episcopatu dignum perspexerit, mittat.

Gregorius Maximiano Episcopo Syracusano.

Johan. Diae. lib. 3. c. 12.

Felix vir consularis, præsentium lator, edocuit nos, esse quemdam in illis partibus Presbyterum, qui ad Episcopatus ordinem provehi vitæ merito dignus appareat.

Hunc ergo fraternitas tua coram se deduci faciat, eumque, sicut certus sum, propter animæ periculum diligenter examinet. Quem si ad hunc gradum provehi dignum

P 2

esse

esse perspexerit, ad nos studeat de-
finare, ut eum disponente Deo,
loco cui præviderimus, possimus^a
ordinare Pastorem. Præsentium ve-
ro latorem Felicem^b virum con-

fularem Chartularium, salva fra-
ternitati tuæ iustitia, commenda-
mus; quatenus in iis, quæ iuste
poposcerit, fraternum invenire pos-
sit affectum.

N O T Æ A D E P I S T. XXIV.

^a Ea ætate Episcopi Italiæ, Siciliæ,
& aliarum vicinarum Provinciarum,
non consecrabantur, nisi a Rom. Pont.
tamquam Patriarcha Occidentis, vel
de ejus licentia &c. *Alteferra*.

^b In Vatic. B. & C. *Felicem vestræ
caritati*. In A. *Felicem vicaria carita-
te*. Sequimur Norm. Corb. Vatic. D.
&c. De Chartularii dignitate vide Al-
tel. hoc loco.

* Al. XIX.

E P I S T O L A * XXV.

Ad Bénenatum Episcopum.

*Cumanæ Ecclesiæ visitationem delegat, ut tum Ecclesiam illam tueatur;
tum ex ipsius clero idoneum Sacerdotem eligi procuret.*

Gregorius ^a Benenato Episcopo.

^a
^b **Q**Uoniam ^b Cumanæ Ecclesiæ Li-
berius quondam Antistes de hac
luce migrasse cognoscitur; propterea
visitationis destitutæ Ecclesiæ frater-
nitati tuæ operam solemniter dele-
gamus, quam ita te convenit ex-
hibere, ut nihil^c de provectioni-
bus Clericorum, reditu, ornatu,
ministeriisque, vel quidquid illud
est, a quoquam præsumatur Eccle-
siæ. Et ideo caritas tua ad prædi-
ctam Ecclesiam ire properabit, &
assiduus adhortationibus clerum ple-
bemque ejusdem Ecclesiæ admonere
te volumus; ut remoto^d studio,
uno eodemque consensu talem sibi
præficiendum expetant Sacerdotem,
qui & tanto ministerio dignus va-

leat reperiri, & a venerandis cano-
nibus nullatenus respuatur. Quidum
fuerit postulatus, cum solemnitate
decreti, omnium subscriptionibus ro-
borati, & dilectionis tuæ testimonio
litterarum, ad nos sacrandus occur-
rat. Commonemus etiam fraterni-
tatem tuam, ut^e nullum de altera
eligi permittas Ecclesia, nisi forte
inter Clericos ipsius civitatis, in
qua visitationis impendis officium,
nullus ad Episcopatum dignus (quod
evenire non credimus) potuerit in-
veniri. Provisurus ante omnia, f
ne ad hoc cujuslibet conversationis
vel meriti^g laicæ personæ aspirare
præsumant, & tu periculum ordi-
nis tui (quod absit) incurras.

N O T Æ A D E P I S T. XXV.

^a Erat hic Episcopus Misenas, ut
liquet ex ep. 45. ubi Cumanam Ec-
clesiam, cujus eum visitatorem in hac
epistola fecerat, Misenati suæ adjun-
git. De eo etiam fit mentio ep. 34.
lib. 5. & 4. ac 50. lib. noni. Prius le-
gebatur, *Episcopo visitatori Cumanæ Ec-
clesiæ*, quæ abtunt a Corb. Norm. Rem.
& tribus Vaticanis.

^b Cumæ, vulgo *Cuma*, urbs olim

Campaniæ, Episcopalis, in ora litto-
rali juxta Misenum promontorium,
nunc prorsus excisa, cujus Sedes Epi-
scopalis Averfam translata est. Ever-
fam fuisse a Teutonibus an. 1207. le-
gimus apud Bolland. ad 16. Feb. In
MSS. sæpe legitur, *Cumensis Eccl. pro
Comensis*. Vide Mabli. Musei Ital. p.
219. ubi exhibet chartam Lotarii Imp.
datam rogante Amalrico Cumenfi, id
est

est Comensi Epistol. in Liguria.

c Promotiones intellige, quibus vetitum erat visitatori se immiscere, nisi speciali mandato delegaretur, ut supra ep. 10. Paulo Neapolit. Ecclesiam administranti delegatum legimus. Vide lib. 1. ep. 18. ac 81. & infra ep. 45. Profectiones Cler. intelligit Alteserra, eorum stipendia, quæ minui vetat sanctissimus Pontifex.

d In vulgatis, *studio diversarum partium*, quæ duo verba omittit tale-runt codd. Vatic. Norm. Corb. &c.

e Hæc regula a Conciliis & sanctis Patribus sancita, repetita, inculcata, In decretis Cœlestini Papæ cap. 18. sic habetur. *Tunc alter de altera eligatur Ecclesia, si de civitate ipsius Clericis, cui est Episcopus ordinandus, nullus dignus potuerit inveniri. Primum enim illi reprobandi sunt, ut aliqui de alienis Clericis merito præferantur. Habeat unusquisque suæ fructum militiæ in Ecclesia, in qua suam per omnia officia transegit ætatem: in aliena stipendia minime alter obrepit, nec alii debitam alter sibi audeat vindicare mercedem. Sit facultas Clericis veniendi, si se viderint prægravari; & quos sibi in-*

geri ex transverso cognoverint, non timeant refutare, &c. Videat lector Ep. AN. CHR. Nicolai Papæ ad Carolum Calvum circa ann. 865. ubi contrarium vocat *violationem canonum temerariam*, pro qua amputanda necesse est specialius impendere diligentiam, & eam decreti ligone (ut ipse loquitur) radicitus extirpare. Cæterum quod de Episcopis ajunt, cæteris quoque dignitatibus, officiis, sacerdotiis, pari ratione prudens quisque accommodabit. Vid. Cod. lib. 1. tit. 6. de Episcopis & Clericis, leg. 11. *In Ecclesiis, quæ in possessionibus, ut fieri solet, diversorum vicis etiam vel quibuslibet locis sunt constitutæ, Clerici non ex alia possessione, vel vico, sed ex eo ubi Ecclesiam esse constituerit, ordinentur, &c.* Guilanv.

f In Vatic. A. & B. ne ad Episcopatum cujuslibet conversationis vel meriti personæ. In vulgatis, ne ad cujuslibet conversationis meritum. Sequimur Vatican. D. Rem. Norm. Regios, &c.

g De laicis ad sacros ordines non statim promovendis, plurimis canonibus cautum est: quos videtis apud Thomassin. lib. 1. parte secunda c. 85.

41. 28.

E P I S T O L A XXVI.

Ad Johannem Episcopum.

Ecclesiæ Nepefinæ visitationem injungit.

Gregorius ^a Johanni Episcopo.

Sup. ep. 11.

QUoniam Paulo fratri & coepiscopo nostro Neapolitanæ Ecclesiæ visitationis operam injunximus, idcirco fraternitas tua visitationem Ecclesiæ Nepefinæ non desista t assumere, quatenus exigente Paschali festivitate, quidquid sacrorum solemnitas poscit, te operante, modis omnibus impleatur. Donec igitur

quid de persona prædicti fratris & coepiscopi nostri agendum sit, deliberare possimus, ita in cunctis se fraternitas tua solertem vigilantemque studeat exhibere, ut prædictus vir absens nullo modo sentiat. ^b Mense Aprili, Indictione decima.

N O T Æ A D E P I S T. XXVI.

^a In vulgatis, *Ep. visitatori Nepefinæ Ecclesiæ. In Vaticanis Episcopo Nepe-*

no. Sequimur Norm. Corb. Rem. &c.

^b Ita Colbert. vet. & Turon. S. Gat.

AN. CHR.

591. 592.

GREG. 2.

E P I S T O L A * XXVII.

Ad Rusticianam Patriciam.

* Al. XXI.

Bonum quod dono Condictoris in corde concipitur; celeri ac firma devotione complendum. Si quis contra nos calumnias molitur, ad Deum tota spes mentis inflectenda.

a

Gregorius a Rusticianæ Patriciæ.

b

Epistolam Excellentia vestra sciens, b votivo sum incolumitatis ejus nuntio relevatus, optans ut vitam actusque vestros sua Dominus misericordia protegat & disponat. Valde autem miratus sum cur deliberatæ viæ eundi ad loca sancta intentionem, & votum boni operis deflexistis, dum si quando bonum aliquod dono Condictoris in corde concipitur, celeri necesse est devotione compleri: ne dum callidus insidiator animum irretire nititur, subinde impedimenta suggerat, quibus ad effectum minime desideria sua mens occupationibus debilitata perducatur. Unde necesse est Excellentiam vestram omnibus impedimentis piis causis obviantibus anteire, & ad fructum boni operis totis cordis visibus inhiare; ut &

in præsentī seculo tranquille vivere, & in futuro cœleste regnum valeat possidere. Illud autem quod scripsistis, Passivum contra vos aliquas molitum fuisse calumnias, piissimos vero Imperatores non solum libenter non audisse, sed etiam asperere suscepisse; cujus hoc fuerit donum, perpendite; & ad eum qui omnibus in hoc seculo ne quantum appetunt nocere valeant, potenter obviat, totam spem mentis inflectite: quatenus pravas hominum voluntates brachii sui oppositione reverberet, conatusque eorum, ut consuevit, misericorditer ipse confringat. Gloriosum domnum Appionem & domnam Eusebiam, domnum Eudoxium & domnam Gregoriam, mea per vos deprecor vice salutari.

N O T Æ A D E P I S T. XXVII.

a Ex urbe Roma migraverat Constantīnopolim, ut colligitur ex ep. 22. Indict. 1. & 22. Indict. 6.

b Id est expetito, optabili. Sic apud

Apulejum *votivus conspectus*. Sæpius pro eo quod voto fit aut promittitur: *ludi votivi, tabella votiva, thus votivum*.

* Al. XXI.
Indict. VII.

E P I S T O L A * XXVIII.

Ad Stephanum Chartularium.

Monachos duos sui status desertores jubeat retrudi: Monasterio consuetudines novas imponi non sinat.

a

Gregorius Stephano a Chartulario.

b

Scientes magnitudinem caritatis vestrae toto Dominum corde diligere, ob hoc ea quæ in massis b de jure quondam Patriciæ recorda-

tionis Julii contra præcepta Dominica contraque canonum regulam commissa esse didicimus, ad ejus necesse duximus referre notitiam: qua-

quatenus & quæ perpetrata sunt corrigi debeant, & alii deinceps tentare non præſumant. Inſinuaturnobis eſt, in maſſa quæ nuncupatur ^c Marato, Abbate Monasterii ſancti Georgii quod in eadem ſitum eſt, duos monachos reſugiſſe; & unum quidem ex eis jam conjugem accepiſſe, alium autem laicum effectum ſeculariter vivere; cum nec ex familia maſſæ homines ipſi eſſe liberi aſſerantur: & vel ſi ſecundum conditionem debuiffent agere, contra Deum erat ut poſt adeptum divini officii cultum, ad ſecularem vitam atque habitum remearent. Unde hortor ut habita iudicis æterni conſideratione, monachos ipſos retrudi ſine dilatione faciatis, ne eorum exemplo, cum veſtro, quod abſit, peccato, cæterorum monaſteriorum diſtriſtio diſ-

ſipetur: ſed magis ut magnitudinis veſtræ ſolatio aliis monachis ſpes gerendi talia ſubmoveatur. Aſſerit autem prædictus Abbas Preſbyterum prædictæ maſſæ, novas monaſterio ipſi velle imponere conſuetudines, quæ ex tempore conditi monaſterii per triennale tempus haſtenus non fuerunt: ſiquidem ſi quid Deo illic munificentia gratia a fidelibus viris oblatum fuerit, portionem ſe aſſerat debere percipere. Quod Magnitudo veſtra ſtudeat diligenter agnoſcere: & ſi hoc ab initio non fuit, etiam labentibus temporibus aliud noviter imponi non concedat: maxime cum exigua ſubſtantia, & monaſterium pauperum eſſe didicimus, & Abbatem ipſum hoſpitalem omnino eſſe multorum atteſtatione didicimus ^d.

AN. CHR.

591. 592.

GREG. 2.

3673

NOTÆ AD EPIST. XXVIII.

a In collectione Pauli Diac. ep. 45. conſentientibus duobus Tell. & MSS. Norm. necnon Vatic. D. legitur, *Chartulario*, vel *Chartario Sicilia*. Additur in Vatic. & Teller. *de monachis reſtituendis*. De hoc Stephano lege ep. 3. Indiſt. 11. Ad Johannem S. Lucia Syracuſ. Abbatem.

b Sic reſtituimus ex MSS. cum vul-

gati habeant, *de jure quondam Patricii viri piæ recordationis*. In duobus Teller. pro *in maſſis*, legitur, *in marſis*.

c Norm. *Marathodis*; duo Teller. *Mirathodis*, vel *Marathodis*. Corb. duo & antiq. Colb. *Maratodis*. In vulgatis legitur *de Abbate . . . reſugiſſe*.

d In Colleſt. Pauli additur: *data die xiv. Kaled. Junii Indiſt. x.*

EPISTOLA * XXIX. ✓

Ad Maurilium & Vitalianum.

Ariulphum, ſi Romam pergat, a tergo inſequantur.

a

Gregorius Maurilio & Vitaliano ^a magiſtris militum.

^b **G**loria veſtræ ſuſcipientes epiſtolas Deo gratias egimus, quia de ſalute veſtra cognovimus, & de ſolicitudine veſtra multum gavii ſumus, & mox ea, quæ ſcripſiſtis, parata fuerunt. Sed Aldio ^c vir magnificus poſt adventum hominum veſtrorum nobis ſcripſit, quia in proximo jam Ariulphus eſſet, & timuimus ne milites, qui

ad vos diriguntur, in manus ejus inciderent. Tamen & hic, in quantum Deus adjuverit, contra eum filius noſter glorioſus Magiſter militum ſe paravit. Sed & Gloria veſtra, ſi huc ^c perexierit ipſe hoſtis, quomodo conſueviſtis, cum auxilio Dei a dorſo ejus quod poteſtis perficite. Speramus enim in omnipotentis Dei virtute, & in ipſius beati

c

^a Al. XXII.
Indiſt. VII.

beati Petri Apostolorum Principis , fundere desiderat , quia ipsum sibi
 in cuius ille natali sanguinem ef- contrarium sine mora inveniet.

AN. CHR.
 591. 592.

GREG. 2.

6673

N O T Æ A D E P I S T. XXIX.

a Prius legebatur , *Mauricio*.

b In exculis , *vir memorandus*.

c Sic legitur in MSS. pro *perexerit* ,

quod habent excusi . Supra ep. 52. li-
 bri 1. occurrit *perexeat* , eodem sensu .

* AL. XXXIII.

Ind. II. VII.

E P I S T O L A * XXX.

Ad Maurilium & Vitalianum.

De dubia Suanensium fide , ac de parato Ariulphi exercitu monet .

Gregorius Maurilio & Vitaliano magistris militum .

Suppliciter Gloriæ vestræ per fi-
 lium nostrum Vitalianum , cum
 quo ut tractaretis , & verbo & scri-
 pto mandavimus . Undecimo autem
 die mensis ^a Januarii Ariulphus hanc
 epistolam quam vobis direximus ,
 transmisit . Et ideo relegentes eam ,
 videte si in fide sua ^b Suanenses
 quam Reipublicæ promissere persti-
 terunt . Obsidesque dignos de qui-
 bus possitis confidere , ab eis per-
 cipite ; & insuper eos denuo Sacra-
 mentis obstringite , reddentes eis quod
 loco pignoris sustulistis , & sermo-
 nibus vestris eos sanantes . Si au-
 tem manifestissime cognoveritis eos
 cum Ariulpho de sua subditiōe lo-
 cutos fuisse , vel certe obsides ei de-
 disse , sicut nos Ariulphi epistola
 quam vobis direximus , dubios red-

didit : salubri consilio pertractantes
 ne in aliquo anima vestra vel no-
 stra de sacramentis gravetur , quid-
 quid utile Reipublicæ judicaveritis ,
 peragite . Sed ita faciat Gloria ve-
 stra , ut neque sit aliquid unde pos-
 simus ab adversariis reprehendi , ne-
 que in quo utilitas Reipublicæ exi-
 git , quod avertat Dominus , negli-
 gatur . Præterea , gloriosi filii , esto-
 te solliciti : quia quantum comperi ,
^c hostem collectum habet , & ^d Na-
 rina dicitur residere ; & si huc cur-
 sum Deo sibi irato mittere volue-
 rit , vos loca ipsius , quantum vos
 Dominus juverit , ^e deprædamini ,
 aut certe ^f sculcas quos mittitis ,
 solcite requirant , ne dolens factum
 ad nos discurrat ^g .

c
d

e
f

g

N O T Æ A D E P I S T. XXX.

a In collect. Pauli Diac. *Junii* . Ab-
 est autem hæc ep. a plerisque MSS.

b Suana , vulgo *Soana* , urbs Etru-
 riæ , adhuc Episcopalis sub Archiep.
 Senensi .

c Id est , exercitum collectum habet .
Hostis tum eo loci , tum passim apud
 scriptores mediæ ac postremæ ætatis ,
 id omnino significat quod exercitus .
 Vide Cangii Glossarium , ubi locus hic
 Gregorianus , multis aliunde quæsitis
 testimoniis , illustratur .

d Paul. Diac. *Nardias* .

e Idem *deprædate* .

f Sic MSS. Vall. Curb. qui sic legunt ,

sculcas quas mittetis . Similiter apud
 Simocattam qui lib. 6. cap. 9. ait Ro-
 manos post victoriam ad delicias &
 computationem conversos oblitos esse
 custodiæ , ἢ σκῆλκας σύνθετες τῇ πατρίῳ
 φωνῇ Ῥωμαίοις ἀποκαλεῖν . Eadem vox σκῆλ-
 και habetur apud Leonem constit. 17.
 σκῆλκῆτες σκῆλκῆν , & apud Constan-
 tinum de administ. Imp. ἐξσκῆλκῆτες ,
 excubitores , & ἐξσκῆλκῆν , explorare .
 Vide Glossar. Meursii , Rigaltii , &
 Lindeburgii ad leges antiquas , *Guss.*
 In lege Langobard. lib. 1. tit. 14. §. 6.
*Si quis in exercitu ambulare contemse-
 rit aut in sculcam* . Ibi exercitus &
 scul-

sculca pro militari servitio ad quod tenebantur vassalli. Scultas tamen legunt nonnulli, quos confutat Cangius

in utroque Glossar.

g In Colbert. vet. additur, *Die 14. Kalend. Junii, Indict. x.*

AN. CHR.
591. 592.
GREG. 2.

3673

a
* Al. XXIV.
Indict. VII.

* E P I S T O L A * XXXI.

Ad cunctos milites Neapolitanos.

De obedientia Constantio Tribuno exhibenda.

Gregorius universis militibus Neapolitanis.

Summa militiæ inter alia bona merita hæc est, obedientiam sanctæ Reipublicæ^b utilitatibus exhibere, quodque sibi utiliter imperatum fuerit, obtemperare: sicut & nunc devotionem veltram fecisse didicimus, quæ epistolis nostris, quibus magnificum virum Constantium Tribunum custodiæ civitatis deputavimus præesse, paruit, & congruam militaris devotionis obedientiam de-

monstravit. Unde scriptis vos præsentibus curavimus admonendos, uti prædicto viro magnifico Tribuno, sicut & fecistis, omnem debeatis pro serenissimorum dominorum utilitate, vel conservanda civitate obedientiam exhibere: quatenus quidquid a vobis hætenus bene gestum agnoscitur, per præsentis temporis vigilantiam ac sollicitudinem augmentetis.

N O T A E A D E P I S T. XXXI.

a Hæc epistola omittitur in plerisque MSS. præcipue Norm. & Anglic. ut observat. Thom. Jamezius. Est in collect. Pauli Diac. & laudatur Causa 23. q. 1. can. 7.

b Hanc vocem infra quoque usur-

pat, & alibi frequentissime, eodem sensu quo in Regula S. Benedicti sumitur etiam sæpe, ut cap. 35. *Si qui majoribus utilitatibus occup. cap. 65. ordinetur, ut antea dispositum, omnis utilitas monasterii.*

a
* Al. XXX.
Indict. VII.

* E P I S T O L A * XXXII.

Ad Petrum Subdiaconum Siciliæ.

De patrimonii regimine plurima præcipit, in quibus elucet justitia, religio, prudentia, & liberalis erga egenos animus: familiaris quoque in Petrum dilectio facile advertitur.

Gregorius Petro Subdiacono Siciliæ.

Indicante mihi Romano defensore, cognovi quia monasterium ancillarum Dei, quod est in fundo^b Monotheo, ab Ecclesia nostra de Villa nova, de fundo juris sui violentiam pertulit, qui eidem monasterio dicitur dimissus. Quod si ita est, experientia tua eis & fundum restituat, & ejusdem fundi de duabus, ^c quas exegisti, indictionibus

Tom. VII.

pensiones restituat. Quia autem ^d multi Judæorum in massis Ecclesiæ commanent, volo ut si qui ex eis Christiani voluerint fieri, aliquantum eis pensi relaxetur: quatenus isto beneficio provocati, tali desidio & ^e alii assurgant.

Vaccæ autem quæ jam sunt ætate steriles, vel boves masculi qui omnino inutiles esse videntur, vendi ^e de-

Q

AN. CHR.
591. 592.
GREG. 2.

6755

f

debent : ut saltem eorum pretium ad aliquam utilitatem crescat. Greges vero equarum quas valde inutiliter habemus, omnes volo distrahi, & tantummodo quadraginta juniores servari ad fetum, ex quibus quadringentis singulis conducto-
ribus singulæ f condonari debent : quatenus ex ipsis annis singulis aliquid reddant; quia durum est valde ut sexaginta solidos pastoribus expendamus, & sexaginta denarios ex eisdem gregibus non habeamus. Ita ergo experientia tua faciat, ut alia per conductores omnes, sicut diximus, partiantur: alia distrahe, & in nummum redige. Pastores vero ipsos per possessiones ordina, ut ex cultura terræ ferre aliquid utilitatis possint. Æramenta vero omnia quæ vel in Syracusis, vel in Panormo, juris Ecclesiastici esse possunt, distrahenda sunt priusquam ipsa vetustate funditus pereant.

Veniente autem fratre Cyriaco servo Dei Romam, de illo subtiliter requisivi, si cum tua conscientia fuerit de accipiendo præmio in causa mulieris cujusdam locutus. Quod idem frater ita se dicit, te referente, cognovisse: quia ex te immissus est, ut quis esset ad conferendum præmium immissor probaret. Quod ego credidi, moxque eum in gratiam familiariter recepi, coram populo & clero eum perduximus, & Presbyterium ei auxi, in loco superiori inter defensores posui, colaudans coram omnibus fidem ejus: quia ita se in obsequio tuo fideliter gesserit, quem idcirco ad te celeriter retransmisi. Quia vero multum festinas, & ego quamvis ægrotus videre te desidero: quem ipse in omnibus probatum habes, loco tuo h in Syracusana parte derelinque, & ipse ad me venire festina; ut si omnipotenti Deo placuerit, communi consilio pertractemus utrum ipse illuc reverti, an

g

h

alter in loco tuo illic debeat ordinari. Benenatum vero notarium pariter transmisi, ut in Panormitana parte locum tuum in patrimonio, quoadusque omnipotens Deus ordinet quod ei placuerit, ipse conservet.

Romanum de levitate sua vehementer increpavi: quia sicut nunc reperi, in xenodochio quod tenuit, magis suis utilitatibus quam mercedibus occupatus fuit. Et ideo si fortasse tibi visum fuerit, loco tuo ipsum relinque. Vide quemadmodum eum terrendo & admonendo præmunias, ut sciat se circa rusticos pie & solícite agere, & circa extraneos & urbanos se in omnibus mutatum & strenuum exhibere. Ego tamen hæc loquens, nullam personam eligo, sed tuo hoc i iudicio derelinquo. In Panormitana autem parte loci i servatorem tui me sufficit elegisse. Et videre volo quod ipse in Syracusana parte provideris. Veniens autem, pecunias & ornamenta de Antonini parte vel substantia tecum defer. Pensiones quoque nonæ & decimæ Indictionis, quas exegisti, & rationes omnes pariter deporta. Stude, si Deo placuerit, ut in hanc urbem k ante natalem beati Cypriani transceas: ne ex signo quod diebus istis mari semper imminet, quod absit, aliquod periculum possit evenire.

Præterea cognoscas, quia pro eo quod Pretiosum Dei servum non pro gravi culpa graviter adversatus sum, eumque a me tristem amaritatumque repuli, ¹ non leviter in mea cogitatione mordear. Et scripsi domino Episcopo ut eum transmittere debuisset, si vellet, sed omnino noluit. Quem contristare ego nec debeo nec possum: quia in causis Dei occupatus, consolatione fulciri debet, non amaritudine deprimi. Idem vero Pretiosus, sicut audio, omnino contristatur quodad me non

re-

rēvertitur. Ego vero domnum Episcopum, ut dixi, contristare non possum, qui eum non vult dimittere, & inter utrosque anceps maneo. Tu ergo, si quidem in parvo corpusculo maiorem sapientiam habes, eandem causam ita dispone, ut & mea voluntas fiat, & domnus

Vide Ep. 34. Episcopus non contristetur. Quem tamen si leviter contristari videris, omnino exinde nihil loquaris. Ægre tamen tuli quod domnum Eusebium excommunicavit, virum tantæ ætatis, & tantæ ægritudinis. Unde necesse est ut eidem domno Episcopo secrete dicas, quatenus in proferendis sententiis præceps non sit: quia causæ quæ per sententiam decidendæ sunt, necesse est ut prius studiosa & frequentissima consideratione mensurentur.

m Venientibus *m* scribonibus, qui sicut audio jam illic tirōnes colligunt, loci tui servatori deputa, ut parum aliquid xenii offerat: quatenus sibi eos placabiles reddat. Sed & officio Prætoris, prius quam venias, aliquid secundum antiquam consuetudinem tribue, per manus tamen illius quem dimittis, ut ei gratiam eorum concilies. Ne & nos omnino eis inhumani esse videamur, ea quæ danda per præceptum singulis quibusque personis vel monasteriis tuæ experientiæ injunxi, loci servatoribus tuis præcipe, ut per omnia impleant. *n* Hæc vero auxiliante Domino cum veneris, qualiter disponenda sunt, pertractabimus. Trecentos vero solidos quos per te pauperibus direxi, eorum arbitrio non arbitror committendos. Illa ergo de singulis locis & personis impleant.

o Ante vero hoc tempus jam scripsisse memini, ut legata quæ *o* ex tenore Antonini defensoris *p* a nobis debentur, monasteriis vel aliis, prout statutum fuit, solverentur. Et quare nescio tua experientia hoc

implere tardaverit. Proinde volumus ut pro portione nostra ex pecuniis Ecclesiæ eadem legata impleas, ut cum ad me veneris, illic contra te gemitum pauperum non relinquant, & cautiones vero quæ in ejusdem Antonini substantia sunt inventæ, pariter defer.

Cognovi autem Romano referente, quia moriens uxor Redemti unam concham argenteam nudis verbis dixerit venundari, & libertis suis dari. Scutellam quoque argenteam *r* monasterio cuidam reliquerit: in quibus utrisque voluntatem ejus per omnia volumus impleri, ne ex rebus minimis peccata majora capiamus.

f Fratre autem Mariniano Abbate indicante cognovi, quia fabrica *f* in Prætoriano monasterio nec ad medietatem quidem adhuc perducta est. Ex qua re quid aliud *t* quam servorem tuæ experientiæ collaudemus? Sed vel nunc admonitus excitare, & quantum potes, in ejusdem monasterii constructione te exhibe. Ego nihildari eis in expensis dixi, non autem monasterium de eis fabricare prohibui. Sed ita fac ut ei quem loco tuo Panormi dimiseris, modis omnibus injungas: quatenus expensis & annona Ecclesiastica hoc idem monasterium construat, & ad me Privati Abbatis querela non redeat.

Præterea cognovi quod quasdam res vel plures fundorum alieni juris esse cognoscis, sed pro quorumdam obtestatione vel metu, hominibus suis restituere formides. Qui si veraciter Christianus esses, plus Dei iudicium, quam voces hominum formidares. Attende quia ego te quoque hac de re indefinenter admoneo. Quod si implere neglexeris, etiam meas voces contra te in testimonium habebis.

u Si vero *u* de laicis Deum timentibus inveneris ut tonsurari debeant, & actionarii sub rectore fieri, omni-

AN. CHR.
591. 592.
GREG. 2.

663

x

y

z

2d
bb

no libenter fero. Quibus necesse est ut etiam epistolæ transmittantur.

De * causa vero filii Commissi scholastici consuluit, & non sunt legibus iusta quæ repetit: utilitatem pauperum gravare nolumus, sed pro eo quod se hic fatigavit, quinquaginta solidos ei dare te volumus, quos tuis certum est rationibus imputari. In causa vero y Prochisi quas expensas de rebus Ecclesiæ fecisti, aut illic de pensione reddituum ejus tibi satisfacito; aut si certe ipsi redditus minime ad recompensandum sufficiant, hic necesse est ut a Diacono hoc recipiatur. De Gelasio autem Subdiacono loqui aliquid non præsumas: quia scelus illius z usque ad finem vitæ gravissima pœnitentia indiget.

Præterea unum nobis caballum miserum, & quinque bonos asinos transmissisti. Caballum illum sedere non possum, quia miser est: illos autem bonos sedere non possum, quia asini sunt. Sed petimus ut si aa nos continere disponitis, bb aliquid no-

bis condignum deferatis. Eusebio autem Abbati dare te volumus auri solidos centum, quos tuis certum est rationibus imputari. Cognovimus autem Sisianium qui judex Samnit fuit, gravi inopia in Sicilia laborare, cui volumus cc xx. decimatos vini, & quatuor solidos annuos debeas ministrare. Anastasius autem religiosus juxta Panormitanam civitatem dicitur habitare in oratorio S. Agnæ, cui dari volumus auri solidos sex. Matri autem Urbici Præpositi dari volumus solidos sex, qui tuis rationibus imputabuntur. De Honoratæ vero ancillæ Dei causa hoc mihi videtur ut omnem substantiam quæ constat, quia ante tempus Episcopatus Johannis Episcopi dd Laurinensis fuit, veniens tecum deferas. Eadem vero ancilla Dei cum filio suo veniat, ut nos cum ea loqui, & quod Deo placitum fuerit facere debeamus. Codicem autem Heptatici ee de substantia Antonini dari volumus in monasterio Prætoriano, reliquos tecum deferri.

cc

dd

ee

NOTÆ AD EPIST. XXXII.

a In plur. MSS. desideratur. In collect. Pauli Diac. est 51.

b Paulus Diac. *Monotheco*. Vatic. D. *Monastheo*. Vatic. A. *Monasterio*, vel *Monotheco*.

c Idem quas egisti. Consentiunt Vatic. D. & Regii.

d De Judæis, quibus, si fiant Christiani, aliquid relaxandum, vide infra lib. 5. ep. 8.

e Ita MSS. at excusi, *urgeantur*.

f Vatic. D. *commendari*. Pauli lectio est corrupta.

g Id est, novum munus clericale contuli, novam rerum Ecclesiæ administrationem credidi. Προβυτέιον sæpe pro Clericorum cœtu, quem Ecclesiæ Senatum vocant ἑπτακῆρον, in Antioch. c. 3. usurpatur: aliquando pro dignitate Presbyteri. Utramque notionem exhibet Ancyran. Concil. c. 18. S. Ignatius nunc vocat οὐνημαίερον, nunc ἄγιον Προβυτέιον. Cornelius apud Cyprianum ep. 46. dicit contrahi Presbyterium, quando Synodus cogitur. Terriam notionem secundæ affinem pro-

fert S. Gregorius, Presbyterium non de cœtu, non de Presbyteratu strictè intelligens, sed de parte quadam regiminis, de honore, de officio, de cura seu de gubernatione Ecclesiæ, ut loquitur S. Paulus 1. Cor. 12. v. 28. Canon. 2. Chalced. concedit defensoribus ἡγεμονίαν καὶ ἀρχήν, atque adeo dignitatem in Presbyterio. Lege Sidonii Apoll. ep. ultimam lib. 4. ubi de Diacono 2. ordinis Sacerdote, quem auxerant dignitate. Istius autem regiminis ratio nostris temporibus subobscurior est, novo jure introducto. Effer notior, si canonem viii. Ephes. retinuissemus, & unaquæque provincia servasset jus vetus purum, & nullam vim passum secundum consuetudinem veterem, &c. Vide ep. 77. lib. 1. *Guffanv*. Per Presbyterium infra lib. 5. ep. 33. consuetum Clericorum stipendium Presbyterii nomine designat. Vide tom. 2. Musæi Italici Ordinem Rom. xii. cujus secunda pars tota fere est de Presbyteriis per annum erogari solitis. Significabant quoque Presbyterii nomine

doi

donativum ; scilicet Pontifex recens consecratus singulis e Senatu & clero pecuniam erogabat ; idque jam Gregorii Mag. ævo . Vide Anastasium in Deusedit, Bonifacio V. & Severino . Erogationem illam pecuniæ, quæ certis etiam per annum solemnitatibus fiebat, *Presbyterium* vulgari nomine appellabant. Vide ubi supra Ordin. Rom. xi. §. 22. 23. 56. Observeandum legi in Regiis MSS. & Paulo Diac. *Coram populo & clero polypticum deduxi, Presbyt. &c.* Polypticum est commentarius, in quem acta referunt. Vide lib. 2. vitæ cap. 24. & ep. 40. lib. 9.

h Duæ erant stationes Patrimonii Eccl. Rom. in Sicilia, una Panormi, altera Syraculis, lib. 10. ep. 49. *Alteferra*.

i Sic distiolum Vicarii seu locum tenentes, gallice *Lieutenants*. Apud Græcos dicitur eodem sensu *παραπρεσβυτης*. Exstat epistola Theodori Studitæ *Νικητης παραπρεσβυτη*, estque 120. lib. 2.

k Tunc solemniter more festum S. Cypriani peragebatur. *Cypriana* vocitant historici, eodemque vocabulo nautæ signabant tempestatem horridam, quæ fere per hæc tempora usu veniebat, quamque hodierni naucleri nominant *Ouragan*, Euro fortassis agente excitatam. Evagrius lib. 4. hist. Eccl. c. 16. hæc recitat ex Procopio : *Cyprianum virum sanctum universi Carthaginienses colunt, illique templum quoddam dignum, de quo multa memorantur, ante urbem circa litus maris constituerunt, & reliqua religiose perficientes annum illius festum, quod Cypriana vocant, peragunt. Nautæ etiam, cujus rei antea memini, hiemem ei festo cognominem appellare ac promulgare solent, quod illa circa id temporis imminere consuevit, quo festum hoc Libyes in perpetuum celebrari debere statuerunt.* Ita vertit Musculus. Græca paulo aliter se habent, ut observabunt curiosi. Per hiemem intellige procellam maris sævam, *χειμῶνα*. Guffanv.

l Summus Pontifex pro culpa non gravi graviter adversatus fuerat, servumque Dei a se repulerat tristem : hinc conscientie morsus gravis, qui fuit hac epistola consignandus. Grave utique documentum Prælati, si qui sunt, qui cum austeritate imperant & cum potentia, suosque subditos quasi pilas habent. Illis forte loquitur S. Ambrosius in apologia David. cap. 9. *Audiant ergo vulnusque sentiant peccati : nam immedicabilis ægritudinis est vulneris acerbiter non sentire.* S. Gregorium virum prudentia, scientia, ve-

ritate spectatissimum hoc in negotio fuisse superstitiosum, sive, ut vulgo AN. CHR. 591. 592. vocant, scrupulosum, vel, ut Latini, GREG. 2. 6673 pro nimia religione anxium, timidum, hæsitandum, vix cordatus ullus in animum suum induxerit. Certe credibilis minus fore religiosos, ejus qui exemplum sequi defugerint. Guffanv.

m Scribonum munus erat, in provinciis tirones legere & probare. Tironum collatio erat onus Provincia- rum propter possessiones & prædia. lib. 7. cod. Theod.

n In Vatic. & apud Paulum periodorum ordo invertitur ; sicque legitur : *impleant trecentos . . . committendos . Illa ergo . . . impleant ; hæc vero auxiliante Domino . . . pertractemus. Ante hoc vero tempus.*

o Seu Regesto, in quo singillatim descripserat Antoninus quæcumque ex Gregorii mandato, monasteriis, & pauperibus distribuere tenebatur. *Tenorem* hic Alteferra explicat de *tenumento*, seu *possessione* certis oneribus obnoxia ; Guffanv. de *testamento*. Utram malueris sententiam elige. In Vatic. D. legitur, *ex morte Antonini*. Certe eum mortuum probat epistolæ series.

p In Vatic. D. nobis debentur.

q Scilicet obligatorie debitorum, chirographa seu instrumenta debiti. Lucæ 16. 6. *Accipe cautionem tuam.* Vide Greg. Tur. l. 9. hist. c. 18.

r Vatic. A. *monasterio cujusdam*, & infra implere pro impleri.

s Vatic. D. in prætoritiano ; favent Reg.

t Sic legendum videtur ex S. Pontificis scopo qui ironice fervorem laudans, segnitiam Petri carpit. Attamen in Vatic. A. & apud Paulum legitur, *favorem*.

u Quis sit hoc in loco S. Gregorii de Tonsura sensus obscurum est. De Laicis res est, qui Deum timeant, quique tonderi debeant ut fiant actionarii sub rectore. Rector apud Jureconsultos sumitur pro eo qui Provinciam regit, sive Præfectu prætorio titulo, sive Comitibus, sive Proconsulis, sive Legati, sive Correctoris nomine. Actionarium sive actorem intelligunt syndicum, qui res aliorum apud judicem procurat. Eos autem qui Ecclesiæ causas agerent, forsitan tonderi oportebat, ut quasi Clerici viderentur, non quidem proprie, sed adscititii, quales fuerant Foissarii, Plalmistæ, Diaconæ, Ascetrix, &c. quales etiamnum exstant apud Patres Oratorii, Doctrinæ Christianæ, Missionis, plerique famuli puri laici, detonsi tamen & habitu clericatum præ se fe-

ferentes. Alium sensum exhibeo. Quosdam fuisse patrimonii Romanæ Ecclesiæ Reſtores planum est. Sub illis erant actores, sive actionarii quasi præcipui administri, quibus negotiorum pondus incumberebat; quod quidem apud auctores classici & Jureconsultos notissimum. Servi autem erant ut plurimum, quamquam servis aliis præficerentur. Hac ergo in epistola videtur S. Gregorius velle ut tales actionarii e laicis assumti capillos ponant quasi in libertatem vendicandi, & ad Clericorum sortem utcumque transferendi, quo majori supra cæteros auctoritate pollerent. Conjecturam confirmat subiecta necessitas transmittendarum epistolarum; quibus nempe de eorum libertate cavetur. Tuum est, Lector, censere. *Guffanv.* Hac in nota *Guffanvillæus*, antequam de tonsuratis loquatur, pro suo more de tonsuratoribus seu tonsoribus & tonsoricibus differit quæ reſecanda judicavimus, servatis aliis in quibus a scopo non ita aberrat. Censem autem laicos hic tonsurari jussos vere Clericos effectos esse. Nimirum, ut docet *Johan. Diac.* lib. 2. vitæ c. 15. *nemo laicorum quodlibet palatii ministerium, vel Ecclesiasticum patrimonium procurabat, sed omnia ecclesiastici juris munia, ecclesiastici viri subibant; nimirum laicis ad armorum solam militiam . . . deputatis.* *Maur.* In re dubia non inutile fuerit & novam afferre conjecturam. Qui essent tonsuratores in Sicilia liquet ex epist. 62. l. 9. Nimirum ibi sic appellabantur, qui acceptis literis Papæ, agendis Ecclesiasticis negotiis vacabant. Ex voce autem *actionariorum* quæ hic occurrit, videntur fuisse exactores ex eo genere, quos *agentes* & *factores* appellamus. Sic certe appellantur hujusmodi villici in Bullar. *Casin.* const. 3. 17. 20. &c. Aliquando etiam *Actores* dicti sunt. Quæ autem fuerit causa

appellationis si quæras, Tonsuram sive capillorum succisionem respondebo: quænam vero, incertum. Fortasse quia erant coma horrida & inculta more civili & Romano tondebantur ii, quibus utcumque consuetudo esse debebat cum Romanis politioribus. Quo spectat quod legimus apud *Anast. Biblioth. in Adriano: Spoletani & Reatini ad B. Petrum confugium facientes, prædicto B. Adriano Papæ se tradiderunt, & in fide ipsius principis Apostolorum jurantes, more Romanorum tonsurati sunt.* Quis hic credat Reatinos & Spoletanos omnes clericali tonsura fuisse insignitos? E. V.

x In Vatic. A. *De causa superscripti filii nisi scholasticos consulisti.* In D. *nisi cum scholasticos consulisti.* In Reg. *de causa autem filii scilicet* quod fortasse significat, *superscripti.*

y Reg. *Prochiti.*

z Reg. & duo Vatic. *usque ad gravissimum finem vitæ penitentia indiget.*

aa Id est, nos contentos facere.

bb Vatic. A. *aliquid vobiscum digne deferatis.* D. *aliquid vobiscum dignum deferatis.*

cc Regii xx. *decimatos vinum.* Vatic. D. *quatuordecim batos vini.*

dd Ita legitur in Vatic. Reg. *Teller. Thuan.* Editi autem habent *Larinensis.* *Holstenius* Annot. in *Geograph. sacræ* p. 23. censet legi debere *Carinensis.* Objicit *Guss.* unitam fuisse Carinensem Ecclesiam Regiensi, ut patet ex ep. 9. lib. 5. nunc epist. 10. lib. 6. proindeque tunc non habuisse Episcopum. At unio illa facta est tantum an. 6. Pontificatus S. Gregorii, defuncto Carinensi antistite.

ee Pro *heptateuchi*, scilicet codicis, septem priores sacræ Scripturæ libros continentis. *Maur.* Sic intelligit & *Notkerus* cap. 1. sed *eptaticum* vocat. E. V.

E P I S T O L A * XXXIII.

Ad Justinum Prætorem.

Ut deposita omni suspitione, Leoni Episcopo a falsis criminationibus plenissime purgato, caritatem omnem & congruam reverentiam exhibeat.

Gregorius ^a Justino Prætori.

AN. CHR.

591. 592.

GREG. 2.

86499

* AL. XXIII.

Sup. lib. 1.

Ep. 2.

a

HAbet hoc proprium antiqui hostis invidia, ut quos in pravorum actuum perpetrationem, Deo sibi resistente, decipere non valet, opiniones eorum falsa ad præsens simulando dilaceret. Quoniam igitur quædam contra sacerdotale propositum de ^b Leone fratre & coepiscopo nostro sinister rumor asperferat, utrum vera essent districta diutius fecimus inquisitione perquiri, & nullam in eo de iis, quæ dicta fuerant, culpam invenimus. Sed ne quid videretur omis-
^csum, aut nostro potuisset dubium cordi remanere, ad beati Petri sacratissimum corpus ^c districta eum

ex abundantia fecimus sacramenta præbere. Quibus præstitis, magnam sumus exultatione gavisi, quod huiusmodi experimento innocentia ejus evidenter enituit. Pro qua re Gloria vestra prædictum virum cum omni caritate suscipiat, & reverentiam ei, qualem Sacerdoti decet, exhibeat: nec quædam cordibus remaneat de iis quæ sunt jam purgata dubietas. Sed ita superscripto vos Episcopo devotissime oportet in omnibus adhærere, ut congrue decenterque Deum in ejus persona, cujus minister est, videamini honorare. ^d

d

N O T Æ A D E P I S T. XXXIII.

^a Not. *Presbytero*, ut antea legebatur, sed *Prætori*, ut docet contextus epistolæ, & epistola 2. lib. 1. Et ita respondit ex 16. saltem MSS. codd. Justinus ille idem est ad quem jam scripsit ep. 2. lib. 1. & de quo ep. 37. nunc 38. Ind. 11. apud Libertinum ejus successorem conqueritur quod a correctione Judæi cujusdam ex avaritia abstinuerit. *Guffanv.* In MSS. Angl. Norm. Vatic. &c. legitur *Prætori*. In Vatic. D. tamen habestantum, *ad Justinianum, de Leone suscipiendo*. Legitur etiam *Justinianum*, in duobus Teller. Colb. & in collect. Pauli.

^b Hic Leo videtur esse Catanensis Episcopus, ad quem plures Gregorius Epistolæ direxit, nempe 34. lib. 3. 32. lib. 5. 8. lib. 7. &c. quia Catana erat urbs Siciliæ, cujus præfecturam gerebat Justinus. *Guffanv.*

^c Quamvis secundum regulas Juris, in omnibus causis dubiis certa non possit esse scientia, & actore non probante absolvi debeat reus; jure tamen ca-

nonico introducta fuerat præstatio sacramenti super Evangelia aut Reliquias; aut quid simile: ne scilicet, ut ait Hincmarus, caus. 2. q. 5. c. *si mala fama*, relatus, infirmorum corda de mala Presbyteri fama percutiantur, ne vituperetur ministerium nostrum, &c. Immo irreperat in Ecclesiam vulgaris, ut vocant, purgatio per tactum ferri candentis, per aquam ferventem aut frigidam, per monomachiam etiam campo vel cruce contendebant, Ansegisus l. 3. c. 46. & per alias istiusmodi vanas & malas observationes, quas tandem falce canonum oportuit resecare. S. Gregorius ad S. Petri corpus volebat sacramenta præstari. Sic Ambrosii tempore Mediolani ad Sanctorum corpora jurabant. Sic Aug. ad S. Felicem Nolanum mittebat. Gregorius VII. sacra ad eam purgationem Eucharistia utebatur. Conc. Meldense can. 38. vetat Episcopum super sacra jurare. Videat lector extra lib. 5. tit. 34. & 35. & caus. 2. q. 5. Porro initium hujus epistolæ videtur desum-

sumtum ex ep. 78. S. August. ubi de
AN. CHR. Presbytero Bonifacio. *Guffanv.* De va-
591. 592. riis judiciis seu probationibus, ad de-
GREG. 2. tegenda occulta aut dubia crimina,

uberrime nost. Ed. Martene De antiq.
Eccl. Ritibus lib. 3. cap. 7.
d In collect. Pauli, *Data die 3. non.*
Junii, Indiſt. 10.

Al. xxvi.
Indiſt. vii.

E P I S T O L A * XXXIV. ✓

Ad Maximianum Episcopum Syracusanum.

Eusebium Abbatem, quem imprudenter afflixerat, consoletur.

Gregorius Maximiano Episcopo Syracusano.

FRequenter me admonuisse vos
recolo, ut in proferenda sen-
tentia esse præcipientes nullatenus de-
beretis. Et nunc ecce cognovi,
quia reverendissimum virum Abba-
tem ^a Eusebium commota furore
vestra fraternitas excommunicavit.
Quod ego valde miratus sum, ut
non antiqua ejus conversatio, non
ætas longa, non ægritudo diuturna
ab ira vestrum animum flecteret.
Quilibet enim in eo fuerit excessus,
ipsa ægritudinis afflictio ei debuit

pro flagello sufficere. Quem enim
divina disciplina conterit, ei huma-
na flagella addi superfluum fuit.
Sed fortasse ideo excedere in tali
persona permissus es, ut cautior in
vilioribus fias, & diu trutines,
cum aliquem per sententiam ferire
disponis. Eundem tamen præfatum
virum quanto furore exasperasti,
tanta nunc dulcedine consolare:
quia valde injustum est, ut qui te
plus amaverunt, ipsi te sine causa
atrociorem contra se sentiant.

N O T Æ A D E P I S T. XXXIV.

a De Eusebio jam ep. 32. sup. Cæte-
rum ex brevi hac epistola, quam ad e-
ximæ sanctitatis episcopum, & quidem
amicissimum scribit, docemur non pal-
pare amicos & adulationibus excæcare,

sed libere admonere, immo quandoque
increpare. Discamus quoque viris etiam
sanctioribus cavendam iram, nec quid-
quam præcipiti judicio decernendum.

Al. xxii.

E P I S T O L A XXXV.

Ad Johannem Episcopum Ravennatem.

*Gratulatur ob exhibita Castorio Episcopo infirmo caritatis officia. Hunc ad
se per Siciliam transmitti petit. Suffraganeorum Antistitum, quos a Ro-
ma dividebant hostes interpositi, Ravennati curam committit.*

Gregorius Johanni Episcopo Ravennati.

Johan. Diacon.
lib. 4. c. 52.
Sup. ep. 12.
Infra ep. 41.
42. Indiſt. 17.
Ep. 24. 25.
Ind. 13. Ep.
44. Indiſt. 15.

Dominicis mandatis præcipimur
proximos sicut nosmetipsos di-
ligere, eorumque languoribus tam-
quam propriis infirmitatibus condo-
lere. Quorum memor fraternitas
vestra competenti sibi more ^a Ca-
storium fratrem coepiscopum no-

strum, & prius compassione habita
studuit visitare, & eum postmodum
pro excrescenti molestia corporis in
Ravennati urbe suscipere. Unde
non solum nos impensæ caritatis,
sed & Deum vobis fecistis procul-
dubio debitorem, qui in fratris in-
fir-

b
c
firmitate condoluiffe probamini, i-
pfumque ægrum in fui membri mo-
leftia non folum vifitaffe, fed etiam
fufcepiffe. Quem quidem ipfe pro
fua fimplicitate illic ordinare omni-
mode renuebam: fed ^b petentium
importunitas fecit, ut contradi-
cere nullatenus potuiffem. Si autem
fieri poteft, multum mihi & ipfi
confuletis, fi eum ^c ad me vel per
Siciliam transmittatis; fi tamen ei
grave non effe perpenditis. De Epi-
fcopis vero ad nos pertinentibus,
qui tamen huc pro interpoftione
hoftium venire non poffunt, curam
veftre fraternitas gerat. Ita tamen

ut pro caufis fuis ad Ravennatem
urbem nullatenus revocentur, ne eos
hoc tempore vexare aut fatigare in
aliquo videamur: Sed fi qua funt,
quæ in eis videantur iufte reprehendi,
debent femper per fraternitatis
veftre epiftolas admoneri. Sin vero,
quod abfit, aliqua graviora conti-
gerint, hæc ad nos fubtiliter refer-
re vos volumus, ut inquisitionis
veftre testimonio roborati, quæ le-
gibus canonibusque conveniunt, ^d
falubri, juvante Domino, confilio
difponamus. ^e Mense Julii, Indi-
ctione decima.

AN. CHR.
591. 592.
GREG. 2.
1000

N O T Æ A D E P I S T. XXXV.

a Is erat Epifcopus Ariminenfis, ut
patet ex ep. 12. fupra & nonnullis al-
liis, maxime ex 44. libri 5. ex quo
difcimus, Caftorio, vel propter corpo-
ris infirmitatem, vel ob nimiam & fa-
tuam fimplicitatem quam in eo arguit
hic S. Greg. ab Ariminenfis Ecclefie ad-
miniftratione amoto, retenta tamen
modica penfione, Leontium huic Ec-
clefie vifitatore datum & adminiftra-

torem.

b Rem. fed potentium.

c Fortaffe quod propter Langobar-
dorum exercitus qui omnia itinera ob-
fidebant, Romam terra proficifci non
effet tutum, ac mari liberior effet tran-
fitus & fecurior.

d Vel falubri juvante Domini confi-
lio, ut legitur in Vatic. C.

e Ita Turon. S. Gat. & Colb. vet.

* Al. xxiv.

E P I S T O L A * XXXVI.

Ad Eufebium Abbatem.

*Ipfum de fuperbia arguit, quod redditam a Maximiano Epifcopo gratiam
& communionem refpueret. Eidem erogat folidos centum.*

Gregorius Eufebio Abbati.

Supra ep.
34.
Johan. Dia.
l. 2. c. 55.

a
Redat mihi caritas tua, quia valde
contriftatus fum de triftitia tua,
ac fi in te injuriam ipfe pertuliffem.
Sed cum poftmodum agnovi, quia
etiam reddente reverendiffimo viro
fratre & coepifcopo noftro Maxi-
miano gratiam atque communionem,
tua dilectio ab eo ^a communicari
nolebat, cognovi & illud prius ju-
ftum fuiiffe quod factum eft. Ser-
vorum Dei humilitas in afflictionis
tempore debet apparere. Qui vero
fe contra præpofitos fuos erigunt,
Tom. VII.

profecto oftenditur quia fervi Dei ef-
fe contemnunt. Et quidem ab illo
hoc quod factum eft, minime fieri
debuit, a te tamen cum omni de-
buit humilitate fufcipi: & rurfum
cum gratiam reddebat, ad eum cum
gratiarum actione debuit occurrere.
Quod quia ita a te factum non eft,
^b ad hoc cognofco quia nobis omni-
no lacrymarum opus eft. Non enim
grande eft iis nos effe humiles, a
quibus honoramur: quia & hoc fe-
culares quilibet faciunt, fed illis
R ma-

b

maxime humiles esse debemus, a
 AN. CHR. quibus aliqua patimur. Nam Psal-
 591. 592. mista dicit: *Vide humilitatem meam*
 GREG. 2. *de inimicis meis*. Nos cujus vi-
 tæ sumus, qui humiles esse etiam
 patribus nolumus? Proinde, dile-
 ctissime fili, rogo ut omnis a-
 maritudo de corde tuo transeat,

ne fortasse finis vicinus sit, & an-
 tiquus hostis per iniquitatem discor-
 dia, viam regni cœlestis intercludat.
 Præterea centum solidos per Petrum
 Subdiaconum dilectioni tuæ, dari fe-
 cimus, quos peto, ut ^c absque in-
 juria sui suscipiat.

NOTÆ AD EPIST. XXXVI.

a In excusis, reluctante MSS. con-
 sensu, *communicare*.

b Vulgati, *adhuc*.

c In omne me latus verti, ut quæ
 fuerit S. Gregorii mens expiscarem, nec-
 dum occurrit. Quis enim credat quem-
 quam expositurum & injuriæ depu-
 ratum, quod centum aurei nummi si-
 bi dono dentur? *Gussanv.* Similem lo-

quendi modum usurpabat S. Gregorius,
 cum personis in aliquo honoris gradu
 positis impendebat eleemosynam. Vi-
 de Indict. 6. ep. 19. Scilicet verebatur
 humillimus Pontifex, ne ex vani hono-
 ris sensu, eleemosynis sustentari eru-
 bescerent, illasve quasi suæ dignitati
 injurias dedignarentur.

Al. xxv.

EPISTOLA * XXXVII.

Ad Johannem Episcopum Squillacinum.

*Johannem ea lege Squillacinum Episcopum instituit, ut ad Lissitanam Ec-
 clesiam revertatur, si illam ab hostibus liberam effici contigerit: absti-
 neat ab illicitis ordinationibus, susceptumque Pastoris officium digne gerat.*

a

Gregorius Johanni Episcopo ^a Squillacino.

Johan. Diac.
 l. 3. cap. 15.
 Grat. 7. q. 1.
 c. 42.

Pastoralis officii cura nos admo-
 net destitutis Ecclesiis proprios
 constituere Sacerdotes, qui gregem
 Dominicum debeant pastorali soli-
 citudine gubernare. Propterea te Jo-
 hannem ab hostibus captivatæ ^b Lis-
 sitanæ civitatis Episcopum in Squil-
 lacina Ecclesia Cardinalem necesse
 duximus constituere Sacerdotem, ut
 susceptam semel animarum curam
 intuitu futuræ retributionis impleas.
 Et licet a tua Ecclesia sis hoste im-
 minente depulsus, aliam, quæ a Pa-
 store vacat, Ecclesiam debes guber-
 nare: ita tamen ut si civitatem il-
 lam ab hostibus liberam effici, &
 Domino protegente, ad priorem
 statum contigerit revocari, ad eam
 in qua ^c prius ordinatus es, Eccle-
 siam revertaris. Sin autem prædicta
 civitas continua captivitatis calami-

tate premitur: in hac in qua a no-
 bis incardinatus es, debeas Ecclesia
 permanere. Præcipimus autem ne
 unquam illicitas ordinationes facias.
 Nec bigamum, aut qui virginem
 non est fortitus uxorem, aut igno-
 rantem litteras, vel in qualibet parte
 coproris vitiatum, vel pœnitentem,
^d vel cuilibet conditioni obnoxium,
 ad sacros ordines permittas acce-
 dere. Sed si quos hujusmodi re-
 pereris, non audeas promovere.
 Afros passim, vel incognitos pere-
 grinos, ad Ecclesiasticos ordines ten-
 dentes, nulla ratione suscipias: quia
 Afri quidam Manichæi, aliqui ^e re-
 baptizati, peregrini vero plurimi
 etiam in minoribus ordinibus con-
 stituti, ^f ad fortio rem de se præ-
 tendisse honorem sæpe probati sunt.
 Admonemus etiam fraternitatem
 tuam,

Grat. dist.
 34. c. 10.

Grat. dist.
 98. c. 3.

c

d

e

f

tuam, ut in commissis sibi animabus solerter invigilet, & animarum magis lucris quam commodis vitæ præsentis intendat. In continendis aut disponendis rebus

Ecclesiæ diligens existat, ut omni ex parte susceptum, digne tegeffisse Pastoris officium venturus iudex, cum ad judicandum venerit, debeat approbare.

AN. CHR.
591. 592.
GREG. 2.
693

N O T Æ A D E P I S T. XXXVII.

a Scyllaceum quod Gregorius *Squillacium* appellavit, vulgo *Squillace*, urbs olim Brutiorum, nunc adhuc Episcopalis sub Archiepiscopo Regiensi, sita est in ora maris Jonii, in Calabria ulteriore & Regno Neapol. Locros inter & Consentiam, gaudetque titulo principatus. Eam olim ob iteratam Episcoporum eandem, Episcopali sede privatam legimus apud Gratianum caus. 25. q. 2. c. *Ita nos*. Guffanv. De hac urbe legendus Cassiod. l. 12. Ep. 15. ubi dicitur prima Brutiorum, ejusdem origo &c. situs describuntur.

b Ita MSS. codd. melioris notæ non Lusitanæ, ut antea. Est autem Lissus Hierocl. & Ptolemæo, urbs in ora Provinciæ Prævalitanæ in Illyrico, ad mare Adriaticum hodie *Alessio*. Quidam existimant cum Dionysio lib. 1.

antiq. Rom. intelligendum esse de urbe Lissa, non de Lisso. At contendit Holstenius Lissam nunquam habuisse Episcopum. Vide ejus annotationes in Geographiam sacram pag. 3. 16. & 124. & in Ortelium pag. 106.

c Excusi, *prius incardinatus es*. Lectionem MSS. quam sequitur Gratianus, prætulimus.

d Additur in vulgatis, *vel curiæ, vel cuilibet*. Duas priores voces ignorant MSS. Vatic. Norm. Regii &c.

e Hinc colligo quosdam tunc admissos promotos sine litteris dimissorii proprii Episcopi; nam per eas de fide & moribus abunde constitisset. Guffanv.

f Tres Vatic. *fortiori de se prætendisse honori*. Gratian. *fortiores de se prætendisse honori*.

E P I S T O L A * XXXVIII.

* Al. xxvi.

Ad Johannem Episcopum.

Crotoniensis Ecclesiæ, post Antistitis obitum, visitationem & curam mandat.

Gregorius Johanni Episcopo Squillacino.

Job. Diac.
lib. 3. c. 22.
a

O Bitum^a illius antistitis directæ relatio patefecit. Quapropter visitationis destitutæ Ecclesiæ fraternitati tuæ operam solemniter delegamus: quam ita te convenit exhibere, ut nihil de provectionibus Clericorum, redivit, ornatur, ministeriisque, vel quidquid istud est, in patrimonio ejusdem a quoquam præsumatur Ecclesiæ. Et ideo fraternitas tua ad prædictam Ecclesiam ire properabit; & assiduus adhortationibus clerum plebemque ejusdem Ecclesiæ admonere^b festinet, ut remoto studio, uno eodemque consensu talem sibi præficiendum expetant Sacerdotem, qui & tanto ministerio dignus valeat reperiri, &

a venerandis canonibus nullatenus respuatur. Qui dum fuerit postulatus, cum solemnitate decreti omnium subscriptionibus roborati, & dilectionis tuæ testimonio litterarum^c ad nos veniat consecrandus. ^d Commoneamus fraternitatem tuam, ut nullum de altera eligi permittas Ecclesia, nisi forte inter Clericos ipsius civitatis in qua visitationi impendis officium, nullus ad Episcopatum dignus, quod evenire non credimus, potuerit inveniri. Provisurus ante omnia, ne ad hoc cujuslibet conversationis vel meriti laicæ personæ aspirare præsumant, & tu periculum Ordinis tui, quod absit, incurras. ^e Monasteria autem, si qua

R 2 sunt

c
d

e

A. N. CHR.
591. 592.
GREG. 2.
6735

sunt in ipsius Parochia constituta, sub tua cura dispositioneque, quousque illic proprius fuerit Episcopus ordinatus, esse concedimus; ut so-

licitudinis tuæ vigilantia proposito suo congrua, Deo juvante, actione respondeat.

N O T Æ A D E P I S T. XXXVIII.

a Mendose in edit. *Obitum Paulini Taurinensis Ecclesiæ, sed & illius Turritanæ Ecclesiæ Antistitis*. In tribus Vatic. ubi est contractior hæc Epistola, & in nonnullis aliis MSS. *Antistitis Crotonensis*. In Vatic. D. in Turon. S. Gat. Norman. Corb. &c. & in MSS. Johannis Diaconi l. 3. vitæ S. Gregorii c. 22. legitur simpliciter, *illius Antistitis*. Est formula quædam, qua vacantibus Ecclesiis Episcopus visitator providebatur. Epistola tamen subsequens

docet hic agi de Ecclesia Crotonensi.

b Al. *te volumus*.

c Al. *sacrandus occurrat*.

d Hæc usque ad, *provisurus*, &c. non sunt in Vatic. nec in MSS. Joh. Diaconi.

e Hic definit epistola in edit. Baluz. in MSS. autem Vatic. D. & Joh. Diaconi additur quod de monasteriis hic legitur. Consentiant excusi. In tribus aliis Vatic. A. B. C. absolvitur ad verbum, *ministeriisque, addito &c.*

Al. XXVIII.

E P I S T O L A * XXXIX.

Ad Clerum, Ordinem, & plebem Crotonæ.

a

Ut Johanni Episcopo visitatori obediant, atque idoneum sibi postulent Sacerdotem.

a

Gregorius * Clero, Ordini, & plebi consistenti b Crotonæ.

b

Joh. Diacon.
l. 3. c. 22.

c

d

e

f

Vestri Antistitis obitum cognoscentes, curæ nobis fuit destitutæ Ecclesiæ visitationem fratri & coepiscopo nostro c Johanni solemniter delegare. Cui dedimus in mandatis, ut nihil de provectionibus Clericorum, reditu, ornatu, ministeriisque a quoquam usurpari patiatur. Cujus vos assiduis adhortationibus obedire convenit, d quatenus in Ecclesiastico officio Sacerdos exquiratur, qui & a venerandis canonibus nulla discrepet e ratione. f Qui dum fuerit postulatus, cum

solemnitate decreti omnium subscriptionibus roborati, & visitatoris pagina prosequente, ad nos veniat ordinandus: provisuri ante omnia, ne cujuslibet vitæ vel meriti laicam personam præsumatis eligere. Nam non solum talem ad Episcopatus apicem nulla ratione provechendum, verum etiam g vos nullis intercessionibus veniam promereri posse cognoscite: sed omnes quos ex vobis de laica persona aspirasse constiterit, ab officio & a communione alienos faciendos proculdubio noveritis.

N O T Æ A D E P I S T. XXXIX.

a Irrepsit in ed. *Johanni, Clero, &c.* De Johanne nulla mentio in Colb. Teller. Norm. Vatic. Reg. &c. nec ad Johannem scripta credi potest hæc epistola, in qua de ipso in tertia persona loquitur S. Gregorius.

b Croto, & Croton, recentioribus Crotona, vulgo *Crotone*, urbs alias Bruttiorum in magna Græcia, ad mare Ionium, ex qua Crotoniates ille Milo athleta fortissimus; nunc Calabriae ulterio-

ris in regno Neapol. Adhuc est Episcopalis sub Archiepisc. Regiensi. *Guffano*. In plur. legimus *Cotronæ*. In Reg. 3800. *Ortorix*.

c Scilicet Johan. Squillaceno Episc. ad quem superior epist.

d In exculis, *convenit*; & *remoto strepitu, uno eodemque consensu, talem vobis præficiendum expetite sacerdotem*. Sequitur Vatic. D. Norm. Rem. In 3. Vatic. A. B. C. in Regiis, in Andeg. & in

& in plerisque MSS. hæc verba, a quoquam usurpari patiantur, addito *Ec.* epistolam claudunt. Unde ex ipsis explorari non potest quæ sit vera lectio. *Maur.* Vid. ep. 41. l. 4. & 26. l. v. Eadem formula. E. V.

e Intexitur in exculis & tanto ministerio dignus valeat reperiri; quæ in nostris exemplaribus desiderantur.

f De distinctione inter postulationem & electionem vide extra lib. 1. tit. 5. & 6. Honorius III. voces explicat c. finali de postulat. Prælat. *Et si*, inquit, unanimiter vota concurrerint ad Sutriensem Episcopum in Ecclesiæ vestræ Archiepiscopum eligendum, cum suæ alligatus Ecclesiæ liberum non habeat sine no-

stra permissione volatum, electionem de ipso factam tamquam contra canones minus licite attentatam, de fratrum nostrorum consilio duximus irritandam: cum eligi nullo jure potuerit, sed potius postulari. Quæstio de nomine, priscis ignota Patribus. *Guffanv.*

g His verbis docet S. Gregorius quantum velit obsistere ne quis laicus nullo prævio in militia clericali tirocinio, nullo aliquot annorum experimento, ad Episcopatus apicem temere contendat: immo contestatur se nulli ad eam dignitatem ambitiose anhelanti veniam daturum, sed potius cum illo summo jure juxta canones experturum, acturum. *Guffanv.*

AN. CHR.

591. 592.

GREG. 2.

663

*Al. xlvii.

E P I S T O L A * XL.

Ad Johannem Episcopum.

Ut de causa Viulandi contra Gravinianum, amota dilatione, judicet?

Gregorius Johanni Episcopo Ravennæ.

Jurgantium controversias celeri sententia terminare, & æquitati proculdubio convenit & vigori. Quia ergo Viulandus præsentium lator, fraternitatis tuæ cognitionem implorat, Diaconem Gravinianum, contra quem se habere causam commemorat, fraternitas tua ad suum fa-

ciat accersire judicium; & amota dilatione, causæ veritatem subtili inquisitione discutiat, & quæcumque justitiæ ordo dictaverit, ac tua fuerint sententia definita, & observare, & implere partes modis omnibus compellantur.

*Al. xlii.
Indiēt. xlii.

E P I S T O L A * XLI.

Ad Castorium Episcopum.

Ne Castorius Episcopus ejusve successores, mortuo Ariminensi Abbate, res Monasterii describant aut administrent: ne alium ab eo quem Congregatio poposcerit, Abbatem ordinent: ne in Monasterio missas publicas faciant.

Gregorius Castorio Episcopo Arimini.

Sup. Ep. 12.

Luminosus Abbas Monasterii sanctorum Andreæ & Thomæ, in Ariminensi civitate constituti, quas nobis lacrymabiliter preces effuderit, inditæ textus petitionis informat. Pro qua re fraternitatem tuam hortamur, ut obeunte Abbate Monasterii ipsius, Ecclesia tua in descri-

bendis providendisque acquisitis acquirendisque ejusdem monasterii rebus, nulla se occasione permisceat. Abbatem vero eidem monasterio non alium, sed quem dignum moribus

^a atque aptum monasticæ disciplinæ communi consensu congregatio tota poposcerit, te volumus ordinare.

Missas

a

AN. CHR.
591. 592.
GREG. 2.

663

b

Missas autem illic publicas per Episcopum fieri omni modo prohibemus, ne in fervorum Dei recessibus, popularibus occasio præbeatur ulla conventibus, & simpliciores ex hoc animas plerumque, quod absit, b in scandalum trahat frequentior quoque muliebris introitus. Hanc autem scriptorum nostrorum paginam omni in futuro tempore a te vel

post te Episcopis ordinandis, firmam statuimus illibatamque servari; ut & tua Ecclesia, juvante Domino, suo tantummodo sit jure contenta, & monasterium illud c nullius alterius alii quam generali canonicæ jurisdictioni deserviens, remotis vexationibus ac cunctis gravaminibus, divinum opus cum summa animi devotine perficiat d.

c

d

Gregorius Castorio Episcopo de Arimino.

Luminosus Abbas Monasterii SS. Andreæ & Thomæ in Ariminensi civitate constituti, quas nobis lacrymabiliter preces effuderit, indicatæ textus petitionis informat. Namque eodem referente, plurimis in monasteriis multa a Præsulibus præjudicia atque gravamina monachos pertulisse comperimus. Oportet ergo ut turæ fraternitatis provisio de futura quiete eorum salubri disponat ordinatione, quatenus conversantes in illis, in Dei servitio, gratia illius suffragante, mente libera perseverent. Sed ne ex ea quæ magis emendanda est consuetudine, quisquam monachis quidquam molestiæ inferre præsumat: necesse est ut hæc quæ inferius enumeranda curavimus, ita studio fraternitatis Episcoporum debeant custodiri, ut ex eis non possit ulterius inferendæ inquietudinis occasio reperiri.

c *De Privilegio Monasteriorum.*

Interdicimus igitur in nomine Domini nostri Jesu Christi, & ex auctoritate B. Petri Apostolorum Principis prohibemus, cujus vice huic Romanæ Ecclesiæ præsidemus, ut nullus Episcoporum aut secularium ultra præsumat de redditibus, rebus, vel chartis monasteriorum, vel de cellis, vel villis, quæ ad ea pertinent, quocumque modo occasiones movere, vel dolos vel immissiones

aliquas facere: sed si qua causa forte inter terram venientem ad partem suarum Ecclesiarum & monasteriorum evenerit, & pacifice non potuerit ordinari, apud electos Abbates & alios Patres timentes Deum, sine voluntaria dilatione mediis sacrosanctis Evangelii finiatur. Defuncto verò Abbate cujusquam Congregationis, non extraneus nisi de eadem Congregatione, quem sibi propria voluntate concors fratrum societas elegerit, & qui electus fuerit sine dolo vel venalitate aliqua, ordinetur. Quod si aptam inter se personam invenire nequeunt, solerter sibi de aliis monasteriis similiter eligent ordinandum. Neque constituto Abbate, quæcumque persona qualibet occasione præponatur, nisi forte extantibus criminibus, quod absit, quæ sacri canones punire monstrantur. Pariter autem custodiendum est, ut invito Abbate ad ordinanda alia Monasteria aut ordines sacros vel clericatus officium tolli exinde Monachi non debeant.

* Descriptiones quoque rerum aut Monasterii ab Episcopis Ecclesiasticas fieri omnino negamus. Sed si quando res exigit, Abbas loci cum aliis Abbatibus causas rerum inventarum faciat, & eorum consilio sive iudicio finiatur. Obeunte quoque Abbate Episcopus in describendis providendisque rebus Monasterii acquisitis, vel datis, acquirendisve nulla se

* Eadem perne leguntur Ep. 5. lib. 1. 8. olim 18. libri 7. Indist. 1. usque ad asteriscum.

f se occasione permisceat. f Missas quoque publicas ab eo in cœnobio fieri omnimodo prohibemus, ne in servorum Dei recessibus, & eorum receptaculis ulla popularis præbeatur occasio conventus, vel mulierum fiat novus introitus, quod omnino non expedit animabus eorum. Nec audeat ibi cathedram collocare vel quamlibet potestatem habere imperandi, nec aliquam ordinationem quamvis levissimam faciendi, nisi ab Abbate loci fuerit rogatus, quatenus monachi semper maneat in Abbatum suorum potestate; nullusque Monachum sine testimonio vel con-

cessione ab his in Ecclesia aliqua teneat, vel ad aliquem promoveat honorem. Hanc ergo scriptorum nostrorum paginam omni in futuro tempore ab omnibus Episcopis firmam statuimus, illibatamque servare, ut & suæ Ecclesiæ, juvante Domino, tantummodo sint jure contenti, & Monasteria Ecclesiasticis conditionibus seu angariis vel quibuslibet obsequiis secularibus nullomodo subiaceant; nullis Canonicis * juris deferviant, sed remotis vexationibus ac cunctis gravaminibus divinum opus cum summa animi devotione perficiant.

AN. CHR.
591. 592.
GREG. 2.

✠

* *Quæ sequuntur, corrupta sunt.*

N O T Æ A D E P I S T. XLI.

a Ita MSS. Vatic. Norm. & alii. At vulgati, *atque actibus monasticæ disciplinæ.*

b Excusi, *trahat: frequentior quoque muliebris, vel mulierum introitus arceatur.*

c Ita restitimus ex iisdem MSS. cum in excusis sit lectio paulo diversa.

d In collect. Pauli Diac. legitur, *Data die 6. mensis Junii Ind. XIV.* In Colb. vet. *Data in die .. Indiēt. XIII.* In vulgatis: *Mense Julio Indiēt. XIII.* Quas temporis notas falsas suspicamur; quæ ratione vero, jam alibi dictum. Quia autem hæc Epistola in Turon. S. Gat. & in cod. Regio 3800. longe alio modo refertur quam in vulgatis, eique attexitur charta de privilegiis Monaste-

riorum, utrumque vetus monumentum edendum curavimus. Legitur apud Baron. sub nomine constituti de exemptione vel exceptione monachorum.

e Per modum tituli habetur majori caractere. *De privilegiis, &c.*

f Idem vetat lib. 8. ep. 4. & lib. 10. ep. 3. Prohibitionem firmat ex consuetudine lib. 6. ep. 46. hic vero rationem aperit genuinam, *ne in servorum Dei recessibus &c.* Ut Missæ in monasterio a Presbyteris cum Episcopi licentia celebrentur concedit libens: at ne Episcopus Missas ibi publicas faciat, cavet summopere; ob causam duplicem in ipso epistolæ contextu aperte expressam. Vide lib. 3. epist. 63. lib. 5. ep. 38. lib. 6. ep. 46.

E P I S T O L A * XLII.

Ad Luminosum Abbatem.

Scribit omnia gravamina a Monasterio illius ablata, ut ibi divinum opus summa tranquillitate ac devotione peragatur.

Gregorius Luminoso Abbati Monasterii sancti Thomæ de Arimino?

P Etitionem tuam congregationis- que tuæ libenter suscepimus, secundum statuta Patrum jurisque formam tuis precibus accommodantes effectum. Castorio siquidem fratri & coepiscopo nostro, nostra præceptione transmissa ei epistola suc-

cessoribusque ejus, & a te monasterioque tuo cunctam læsionis funditus abstulimus facultatem; ut nec ultra in vestro versetur gravamine, nec monasterii res describantur, nec publica illic debeat esse processio: illa videlicet ei jurisdictione

re-

AN. CHR.
591. 592.
GREG. 2.
665

relictâ, ut in defuncti Abbatis locum alium quem dignum communis consensu congregationis elegerit, debeat ordinare. His autem ita perfectis, in Dei opere estote soli-

citi, & assidue operam orationi date, ne non videatur magis vobis quæsitâ mentis in oratione securitas, sed male quod absit, degenti bus Episcopalis evitata districtio.

NOTÆ AD EPIST. XLII.

a In 1. Teller. S. *Andree. Maurin.* Deest in 7. MSS. qui hic in Anglia reperiuntur, quorum unus ipse Gregorii ætati fere supparet, ait Cave: nec ver-

ba, secundum statuta Patrum, jurisque formam hanc & superiorem Epist. genuinam demonstrant. E. V.

*Al. XXIX.

EPISTOLA * XLIII.

Ad Felicem Episcopum.

Trium vacantium Ecclesiarum visitationem injungit.

Gregorius ^a Felici Episcopo ^b de Acropoli.

a
b
Grat. 12. g
1. cap. 14.

c
d
e

f

Quoniam ^c Velina, ^d Buxentina, & ^e Blandana Ecclesiæ, quæ tibi in vicino sunt constitutæ, Sacerdotis noscuntur vacare regimine: propterea fraternitati tuæ earum solemniter operam visitationis injungimus, illud præ omnibus commo- nentes, ut ubi præfatarum Ecclesiarum sive diœceseos earum, vel Diaconi, sive religiosæ personæ inventæ fuerint, districtè canoniceque ut vivant, ^f modis omnibus studebis. Nec passim eis in qualibet re sit excedendi licentia; sed tuo moderamine atque provisione inculpabiliter in qua sunt conversatione vel

habitu perseverent: sciturus, si quid secus accesserit, tuo neglectui modis omnibus imputari. § Presbyteros quoque vel Diacones, si in aliquibus Ecclesiis ^h prævideris ordinandos, si tales personæ fuerint, quæ a canonicis regulis morum vel vitæ qualitate nullo modo reprobentur, habebis per omnia ordinandi licentiam. Ministeria vero earundem Ecclesiarum ubi sint recondita, sollicita indagatione perquire: quibus repertis, ad nostram notionem perducere festinato; ut cognoscentes quid fiendum sit, adjutore Domino, disponamus.

g
h

NOTÆ AD EPIST. XLIII.

a In Vatic. A. & B. Felici Episcopo de Acropoli visitatori Provinciae Lucaniae. In Corb. Presbytero visitatori &c.

b Olim urbs Episcopalis in Lucania, nunc obscuri nominis oppidum, vulgo Agropoli dictum, in sinu Salernitano situm. Vide Holstenii annot. in Italiam antiq. pag. 286. Guffanv.

c Velia urbs olim Lucaniae Episcopalis in ora litorali maris Tyrrheni, Pæstum inter & Buxentum, ubi nunc Castell' a mare della Bruca. Guffanv.

d Buxentum vel Buxentium, nunc Policastro, urbs Italiae, hodieque Episcopalis, sub Archiepiscopo Salernitano in Lucania, quæ dicitur nunc prin-

cipatus citerior in Regno Neapol. Guffanv.

e Blanda urbs olim Lucaniae. Id probat Cluverius Italiae antiquæ lib. IV. pag. 1263. cui suffragatur Holstenius pag. 22. aitque eam appellari hodie Porto di Sapri. Guffanv.

f In Recent. vulgatis, modis omnibus admonere studebis. Additum est admonere invitis MSS. Vatic. &c.

g Huic visitatori dat Presbyteros & Ministros ordinandi licentiam: denegat Leontio ep. 24. lib. 3. Indist. 11. Guffanv.

h Al. provideris, ut habent Norm. codd. & alii. EPI-

E P I S T O L A * XLIV.

Ad Lucillum Episcopum .

Ut Clericos suos terrarum Africanæ Ecclesiæ quas tenebant , pensionem absque mora cogat persolvere .

AN. CHR.

591. 592.

GREG. 2.

88492

Al. XXX.

Gregorius * Lucillo Episcopo ^b de Melita .

^a
^b **O**fficii nostri decet valde propositum subjectis magnopere suadere, ut rebus debeant servare fidem ^c in placitis : ne dum inconsiderate lucrandi rapiuntur studio , pacificam vertant conventionem in iurgium. Pervenit itaque ad nos fraternitatis tuæ ^d Clericos, terras Africanæ tenentes Ecclesiæ, quod ^e pensionem earundem possessionum dare contemnunt. Quod si verum est, & ad fraternitatis tuæ hæc sunt perlata notitiam, tua in hoc desidia

eorum culpa nutrita est. Ob quam rem scriptis te præsentibus admonemus: quatenus ad persolvendam pensionem nulla mora nullaque excusatione eosdem Clericos uti permittas. Sed si fidem, honestatis contemplatione servare postponunt, tua districtione compulsi, quæ rationi conveniunt cogantur implere. Nam si hujus rei ad nos denuo querela recurrerit, & de te aliam æstimationem habere incipiemus, & in illos, ut dignum est, vindicabimus.

N O T Æ A D E P I S T. XLIV.

^a Hic postea ob crimina depositus est ex ep. 63. lib. 9. Indict. 2. eique fuffectus Trajanus ex ep. 1. lib. 10. Rocchus Pirrus in notitia Melitensi pag. 592. putat eum esse qui in titulo epistolæ 18. lib. 13. appellatur Lucidus: quod supradictis quomodo convenire possit non video, cum jamdiu depositus fuisset. Adde quod in omnibus exemplaribus tam MSS. quam editis legatur *Lucido*, in nullo autem *Lucillo*. Denique in eodem titulo recensetur Trajanus ipse qui ei successerat. *Guffanv.*

^b Italice *Melita*, insula maris mediterranei, Africam inter & Siciliam a promontorio Pachyno 60. mill. distans, sub dominio equitum S. Johannis Hierosolymitani, ubi adhuc Sedes est Episcopalis sub Archiepiscopo Panormitano. *Guffanv.*

^c Placitum, vox juris & fori quæ nunc conventio, nunc Principis constitutio, aut sententia judicum, nunc procerum conventus significatur. In dig. de transact. leg. 33. placere dicuntur quæ inter aliquos convenere. Occurrit sæpe in Gallicanis Conciliis vox ista. Aquisgran. II. an. 836. *Placita &*

nuptiæ prohibentur celebrari diebus Dominicis. Auget.

^d Chalced. Conc. can. 3. vetitum est Clericis esse conductioribus alienarum possessionum. In Carthag. c. 16. in Arel. II. c. 14. in Vernensi c. 16. Præclare S. Hieronymus epist. 2. ad Nepotianum: *Procuratores & dispensatores domorum publicarum atque villarum quomodo possunt esse Clerici, qui propria jubentur contemnere?* Hic iustas ob causas videtur fuisse cum illis dispensatum. Non, ut volunt quidam, Innoc. III. c. *Vestra*, de locat. probavit decimas Ecclesiæ dari ad firmam solis Clericis; immo concessit quibuslibet locari posse, contra quam Episcopi decreverant. Narrat S. Paulinus in Natali 6. S. Felicis, hunc martyrem tria macri jugera ruris conduxisse, nec proprio sub jure tenuisse, quæ propria manu sine ministro coleret. Peccare videbatur in verba, non in sensum canonum. *Guff.*

^e Id quod pro alicujus rei usu datur: magis proprie pro mercede inhabitationis ædium alienarum, *ενοίκιον*: sæpe pro redditu quocumque annuo. *Guffanvil.*

AN. CHR.

591. 592.

GREG. 2.

66753

* Al. XXXI.

E P I S T O L A XLV.

Ad Benenatum Episcopum.

Cumanam & Misenam Ecclesias unit, ac utriusque Pontificem constituit Benenatum.

Sup. ep. 25.

Gregorius Benenato Episcopo.

Johan. Diac.

lib. 3. cap. 14.

Grat. 16. 9. 1.

c. 48.

a

ET temporis qualitas, & vicinitas nos locorum invitat, ut Cumanam atque ^a Misenam unire debeamus Ecclesias: quoniam eæ non longo a se itineris spatio se-junctæ sunt, nec peccatis facientibus, tanta populi multitudo est, ut singulos, sicut olim fuit, habere debeant Sacerdotes. Quia igitur Cumani castri Sacerdos cursum vitæ hujus explevit, utramque nos Ecclesiam præsentis auctoritatis pagina unisse, tibi que commississe cognosce, propriumque utrarumque Ecclesiarum scito te esse Pontificem. Et quæque tibi de earum patrimonio, vel cleri ordinatione sive promotione, juxta canonum statuta vi-

sa fuerint ordinare atque disponere, habebis ut proprius revera Sacerdos liberam ex nostræ auctoritatis consensu atque permissione licentiam. Ubi vero commodius atque utilius esse perspexeris, habitato; ita sane, ut alteram ^b Ecclesiam, a qua corporaliter ad præsens absens es, sollicita providentique cura disponas: quatenus divina illic ^c mysteria solemniter, auxiliante Domino, peragantur. ^d Fraternalitas ergo tua tanto in adhortatione, lucrandisque animabus sollicitiori cura semper invigilet, quanto se unitarum Ecclesiarum gubernationis onera suscepisse cognoscit.

b

c

d

N O T Æ A D E P I S T. XLV.

^a Misenum, urbs olim Episcopalis Campaniæ in Italia. Ejus ruinæ, quæ in Miseno monte visuntur, sicut promontorium Prochytae adjacens insulae, adhuc *Miseno* vulgo dicuntur, non longe ab Ischia insula, quæ olim Oenaria. Desiit nunc Episcopatus. Cumana vero Aversanæ unita est.

^b Recent. ed. sic mutarunt: *Ecclesiam, cui corporaliter præsens non es*. Sequimur unanimem MSS. consensum.

^c In Vatic. A. Norm. & nonnullis, *ministeria*.

^d Interest plerumque Ecclesiasticæ politiæ, ut paræciæ nova ordinatione aut ampliuntur, aut circumcidantur,

aut in plures dividantur, aut plures in unam coalescant. Hanc dispensationem sibi primum sumere synodi, dehinc summi Pontifices, tum singuli Episcopi in sua quisque diocesi. Quarum mutationum causam unam dico, salutem populi. Simile quidpiam contigit in Episcopis, qui priori sede derelicta ad aliam convolant de quibus videat lector Sardicensis Conc. can. 1. 2. Antioch. c. 3. 21. Chalcedon. c. 5. & multos canones relatos 7. q. 1. *Guffano*. Cæterum Ecclesiarum Misenatis & Cumanæ unionem haud diu durasse observat non semel Ughellus in Italia Sacra. De unionis beneficiorum supra lib. 1. Ep. 8.

Ad Johannem Episcopum.

ANN. CHR.

591. 592.

GREG. I.

5839

Quod ejus epistolis non responderit, morbum causatur. Hortatur ut Romani animum ad pacem cum Ariulpho incundam inclinet. De schismaticis Histrice Episcopis ad unitatem compellendis, se ad Impp. scripturum asserit. Ordinatam non esse iterum ordinandum. Monendum de Neapolitanæ urbis periculo Exarchum. Misericordiam prius fidelibus, quam Ecclesiæ hostibus faciendam. Se de Natalis Episcopi correctione consolatum. A Malcho Episcopo dudum patrimonii rectore rationes deposcit.

Gregorius Johanni Episcopo Ravennæ.

QUOD multis scriptis vestræ beatitudinis; minime respondi, non hoc torpori meo, sed languori deputate: quia peccatis meis facientibus, eo tempore quo ^a Ariulphus ad Romanam urbem veniens alios occidit, alios detruncavit, tanta mœstitia affectus sum, ^b ut in cholicam molestiam caderem. Valde autem mirabar quid esset, quod illa mihi notissima sollicitudo vestræ sanctitatis huic urbi meisque necessitatibus minime prodesset: sed scriptis vestris discurrentibus, agnovi vos quidem ^c solícite agere, sed tamen apud quem agere possitis non habere. Peccatis ergo hoc meis de-puto: quia iste, cui nunc interest, ^d pugnare contra inimicos nostros dissimulat, & nos facere pacem verrat, quamvis jam modo, etiamsi velit facere, omnino non possumus: quia Ariulphus exercitum ^e Authari & Nordulphi habens, eorum si-
^f bi dari ^f precaria desiderat, ut nobiscum aliquid loqui de pace dignetur.
^g

De causâ vero ^g Episcoporum Histrice, omnia quæ mihi vestra fraternitas scripsit, ita esse jam ante deprehendi in iis iussionibus, quæ ad me a piissimis Principibus venerunt: quatenus me interim ab eorum compulsionem suspenderem. Ergo quidem pro iis quæ scripsistis, zelo atque ardori vestro valde con-

gaudeo, debitoremque me vobis multipliciter factum profiteor. Scitote tamen, quia de eadem re serenissimis dominis cum summo zelo & libertate rescribere non cessabo. Movere autem vos non debet præfati excellentissimi viri Romani Patricii animositas: quia nos quanto eum loco & ordine præimus, tanto si qua sunt ejus levia, tolerare mature & graviter debemus.

Si quando tamen est aliquis cum eo locus obtinendi, agat apud eum fraternitas vestra, ut pacem cum Ariulpho, si ad aliquid parum possumus, faciamus: quia miles de Romana urbe ^h tultus est, sicut ipse novit. ⁱ Theodosiaci vero, qui hic remanserunt, ^k rogam non accipientes, vix ad murorum quidem custodiam se accommodant: & destituta ab omnibus civitas, si pacem non habet, quomodo subsistet?

Præterea de puella de qua scripsistis nobis, quæ de captivitate redempta est, ut requiri qualiter orta sit, debuissemus: sciat Sanctitas vestra, quia ignota persona non facile investigari potest. Illud autem quod dicitis, ut is qui ordinatus est, iterum ordinetur, valde ^l ridiculum est, & ab ingenii vestri consideratione extraneum: nisi forte quod exemplum ad medium deducitur, de quo & ille judicandus

est, qui tale aliquid fecisse perhibetur. Absit autem a fraternitate vestra sic sapere. Sicut enim baptizatus semel, iterum baptizari non debet: ita qui consecratus est semel, in eodem iterum ordine non valet consecrari. Sed si quis forsitan cum levi culpa ad sacerdotium venit, pro culpa pœnitentia indici debet, & tamen ordo servari.

De Neapolitana vero urbe, excellentissimo Exarcho instanter imminente, vobis indicamus: quia ^m Arigis, ut cognovimus, cum Ariulpho se fecit, & Reipublicæ contra fidem venit, & valde insidiatur eidem civitati, in quam si celeriter dux non mittatur, omino jam inter perditas habetur.

De hoc vero quod dicitis incensæ civitati Severi schismatici eleemosynam esse mittendam, idcirco vestra fraternitas sentit, quia quæ contra nos præmia in palatium mittat, ignorat. Quæ etsi non transmitteret, nobis considerandum fuit quia misericordia prius fidelibus, ac postea Ecclesiæ hostibus est facienda. Juxta quippe est civitas ⁿ Phanum, in qua multi captivati sunt, ad quam ego jam transacto anno transmittere vo-

lui, sed inter hostes medios non præsumsi. Videtur ergo mihi, ut Claudium Abbatem cum aliquanta pecunia illuc transmittere debeatis: ut liberos quos illic pro pretio in servitio teneri invenerit, vel si qui adhuc sunt captivi, redimat. De summa vero ejusdem pecuniæ transmittenda, vobis certum sit quia quidquid vos decernitis, mihi placet. Sin autem cum excellentissimo viro Romano Patricio agitis ut pacem facere cum Ariulphodebeamus: ego ad vos personam aliam transmittere paratus sum, cum qua ^o mercedis causæ melius fiant. De fratre autem & coepiscopo nostro Natali valde contristabar, quod de illo quædam superba cognoveram: sed quia mores suos ipse correxit, meam tristitiam simul meipsum vincendo consolatus est. Pro qua re fratrem & coepiscopum nostrum Malchum admone, ut priusquam ad nos veniat, ^p rationes suas ponat, & tunc deum alibi, si necesse est, proficiatur. Et si ejus actus bonos cognoscimus, ei fortasse necesse est, ut hoc ipsum patrimonium quod tenuit, restituamus.

NOTÆ AD EPIST. XLVI.

a Dux Beneventanus post Faroaldum. Videndus Paulus Diaconus historiæ Langobardorum lib. 4. cap. 17. Male in plurimis exemplaribus legitur *Arnulphus*, *Gustav.* Norm. *Arinulfus*. In Vatic. A. *Agilulfus*.

b Tres Vatic. in *coli molestiam*.

c Hic discrepant mss. *sed tamen* . . . non habere, abest a Norm. In Vatic. legitur *apud quem ageritis*, vel, *apud quem ageret*, aut *ageres*. In Vatic. D. habes *solicite agere*, *culpamque non habere*. *Peccatis ergo* &c. Consecutiunt Norm.

d In vulgatis, *repugnare*, invitis mss. Vatic. &c.

e Ita mss. At editi, *Autharis*. Non Flavii Autharis Regis, qui anno præterito e vivis excesserat, ex Ep. 17. lib. 1. hic fit mentio: sed alicujus fortasse ducis Langobardorum cognominis: quamquam dici quoque possit, mortuo

rege, ejus exercitum duce Ariulpho sibi debita precaria, seu pecuniæ collationem petiisse.

f Hæc vox varie ab auctoribus usurpatur: secundum etymon rem significat, quæ petenti utenda conceditur quamdiu is qui concessit patitur. Sic dicitur imperium precarium, precaria anima, auxilium precarium, jus precarium, quæstus precarius, &c. Videat lector in digestis lib. 43. tit. 26. ubi multa de precario statuuntur. At in jure canonico censetur esse contractus Precariæ, quando pro re donata Ecclesiæ redditur ab eadem Ecclesia donatori duplum vel triplum in usufructum, & habetur caus. 10. quæst. 2. cap. 4. ex Concil. Meldensi anno 845. can. 22. Quapropter non revocatur pro arbitrio concedentis, sed accipientis morte finitur: nisi forte precaria fuerit irrationabiliter

ter facta. Vide etiam Extra lib. 3. tit. 14. ubi de precariis de quinquennio in quinquennium renovandis. In Agatenſi & Epaon. pro *precariis* reperimus *precatorias*. Leptinenſe Concilium can. 1. meminit *precariæ*, ſed rem obſcurat. *Guffanv.* Doctè quidem, ſed hic precarium idem videtur eſſe ac militaris roga, de qua mox, necnon lib. 5. Epist. 30. lib. 9. Ep. 124. lib. 12. Ep. 5. niſi pecuniam intelligas exercitibus illis ab Ariulpho promiſſam.

g Schismaticorum propter tria capitula: qua de re ſatis dictum eſt in vita S. Greg. Maur. Vide Addita in Appendice. E. V.

h In Aud. & nonnullis aliis mſs. *ablatus eſt*, quos ſequuntur ed. Mſs. Vatic. adhæremus: de hac autem voce jam dictum l. 3. Moral. nu. 22. Vide quoque lib. 25. num. 3.

i Sic legitur in omnibus pene Mſs. at in vulg. *Theodoſiani*. Milites erant legionis, quæ nomen a Theodoſio Mauricii Auguſti filio acceperat.

k *Pôya* donativum, honorarium, ſtipendium, *ρῶγας*, ſtipendiarii, *ρῶγας*, ſtipendia, tacere. Hinc erogare, erogatores, erogatorii. *Ρῶγας*, dies, in quibus dabantur. Sic in Landulpho ſagaci de Tiberio II. *Duxit Anaſtaſiam uxorem*. . . & *jaſavit rogam multam*; id eſt, multam pecuniam ſparſit. Hæc vox frequenter legitur apud Latinos & Grecos mediæ ætatis ſcriptores. Xylander in notis ad Cedrenum interpretatur *ρῶγας*, ſtipendia militum, vel Imperatorum dona Kalendis Januarii, & natalibus Principum & urbium regiarum exhibita. *Guffanv.* Roga apud Scriptores ſacros ſumitur quoque pro donativo, his qui in Eccleſia militant, erogato. Anaſt. Biblioth. in Agathone: *hic diviſit omni clero rogam & ad luminaria*, &c. In Gloſſar. Iſidori a Johan. Georgio Grævio recognito, roga eſt eleemoſyna.

l Ridiculum ſane, eo dumtaxat aliquem iterato ordinandum cenſere, quod *cum levi culpa venerit ad Sacerdotium*, ut infra legitur. At neque Gregorii Magni ætate, neque ſexcentis poſt ipſum annis, ridiculum erat de ordinationibus illis dubitare quæ ab hæreticis & ſchismaticis, aut ab iſis Catholicis, ſed contra canones datæ vel ſuſceptæ fuiſſent. In Concilio CP. I. c. 4. Maximi in Conſtantinopolitanum Episcopum ordinatione declaratur nulla, & ordinatione ab illo factæ cententur irritæ; quod Episcopos ad ſeipſum ordinandum pecunia pertraxiſſet. Non aliud in Conſtantini Papæ ordinatione vitium fuit,

niſi quod ex laicis electus, canonica Ordinum interſtitia non ſervaviſſet: ecce tamen in Romano Concilio cui ſeſſi xii. e Gallia Episcopos aderant, deponitur. De Episcopis vero atque Presbyteris & diaconibus, quos ipſe Conſtantinus conſecraverat, ita in eodem Concilio promulgatum, eſt, *ut Episcopos illi, ſi aliquis eorum Presbyter aut Diaconus fuerit, in priſtinum honoris ſui gradum reverteretur: & ſi placabiles fuiſſent populo civitatis ſuæ, denuo facto decreto electionis, more ſolito cum clero & plebe, ad Apoſtolicam advenirent ſedem, & ab eodem SS. Stephano Papa (Conſtantini ſucceſſore) benedictionis ſuſciperent conſecrationem*. Lucius III. Schmaticos iterata ordinatione recepit. Serio ac diu agitata fuerunt celebres controverſiæ de iis ordinandis qui ab Ebbone Remenſi Antiſtite, & Formoſo Papa fuerant ordinati. *Vide Morin. de ſacris ordinat. parte 3. exercitat. 5. Petrum Damiani opuscul. 6. integro, quod inſcripſit Gratiffimus. Petrum Lombard. diſt. 25. Gratianum 1. q. 1. Maur.* Non fuiſſe dubitatum de valore ordinationis, ſed diſputatum modo de poteſtate quam Jurisdictionis & exercitii vocant, diſcet quilibet conſuluerit Tourneley de Sacram. Ordinis. E. V.

m *Artis* dicitur Paulo Diacono. In chronico Ducum Beneventi & Principum Salerni, *Archis*. In chronico Monachi anonymi, *Arichis* fuit hic ſecundus Dux Beneventanus, ſucceſſor Zotonis per annos 50. Porro *ſe fecit*, id eſt ivit, abivit. Facio & faceſſo idem: hinc faceſſe, hinc abi. Donatus in Phormione ad illud, *hinc hæc faceſſat*, pro hinc ſe faciat, id eſt abeat; ut hinc ſe faciat, huc accedat, hæc hinc faceſſat, procedat, alias faciat. Apulejus lib. 5. Mileſiarum: *Invitata Plyche talium locorum oblatione, propius acceſſit, & paulo ſidentior intra limen ſe facit*. Hæc ex Salmaſio in Tertulliani pallium cap. 3. ad illum locum, *Qua ad illum ex Libya Ammon facit ovium dives*; quem locum ſic emendavit Rigaltius: *Qua ad Nilum ex Libya Ammon paſcit ovium dives*. *Guff.* Cum Ariulpho ſe fecit, mihi eſt, ſocietatem iniiit; quod ſuadent verba, & *Reip. contra fidem venit*. E. V.

n Tot ſunt in Italia urbes hujus nominis, ut difficile ſit ſtatuerè, de qua agatur. Præcipua eſt *Fanum fortunæ*, Fanum ſimpliciter diſta in Umbria, Episcopalis.

o Tutius & utilius tranſigatur de pretio dando, de pecuniæ quantitate his aut illis conditionibus ſolvenda. *Guf.*

p Gallice *qu'il rende ſes comptes*. Hæc etiam voce utitur Ep. 22. Indict. xi. *Guff.*

EPI-

AN. CHR.
591. 592.
GREG. 2.

3636

AN. CHR.

591. 592.

GREG. 2.

6673

Al. XXXIX.

* E P I S T O L A * XLVII.

Ad Dominicum Episcopum.

Gratulatiœ de ordinatione sua epistolæ dilationem, eximia caritate compensari. Virtutum hanc matrem, quam variis effert laudibus inconcussa stabilitate tenendam. Ut Romana Ecclesiæ privilegia defendit, sic singulis quibusque Ecclesiis sua jura servat.

Gregorius Dominico Episcopo * Carthaginensi.

a

Perlatas ad nos serius per Donatum atque Quodvultdeum reverendissimos fratres & coepiscopos nostros, necnon & Victorem Diaconum, vel Agilegium notarium vestræ fraternitatis epistolas, summa cum gratulatione suscepimus. In quarum etsi nos sustinuisse dispendium tarditate putavimus: tamen de uberiori reperimus caritate compendium, ut hac dilatione temporis non interrupta videatur, sed nutrita dilectio: quam miserante Domino, contemplatione sacerdotii, lectionis usu, ætatisque in vobis cognoscimus jam maturitate fundatam. Non enim tam large de te fluere, si in tuis plurimas atque uberrimas venas mentibus non haberet. Hanc ergo matrem cuostodemque virtutum, sanctissime frater, inconcussa stabilitate teneamus. Nullæ in nobis eam subdolorum linguæ imminuant, nullæ antiqui hostis insidiæ corrumpant. Hæc namque divisa jungit, & conjuncta custodit. Hæc humilia sine tumore subrigit. Hæc erecta sine dejectione submittit. Per hanc universalis Ecclesiæ unitas, quæ est compago corporis Christi, exæquatione mentis gaudet in singulis, cum sit ei disparilitas in diversitate membrorum. Per hanc eadem membra & alieno gaudio in suis afflicta exsiliunt, & alienis mœroribus etiam in suis læta contabescunt. Teste enim magistro gentium, dum siquid patitur unum membrum, compatiuntur cætera membra: & si gloriatur unum membrum,

congaudent omnia membra: vos non ambigo de nostra ^b perturbatione ingemiscere, cum nos omnino certum sit de vestra pace gaudere.

Quod vero ordinationi nostræ fraternitas vestra congaudet, affectum mihi integerrimæ caritatis exhibet. Sed ex consideratione hujus ordinis mentem meam, fateor, transverberat vis doloris. Grave namque est pondus sacerdotii: prius quippe est Sacerdoti necesse, ut cæteris ad exemplum vivat, ac deinde servandum, ut mentem per ostensa exempla non eleve. De prædicationis semper ministerio cogitet: intensissimo timore considerans, quod recessurus ad percipiendum regnum, Dominus, & talenta servis tribuens dicat: *Negotiamini dum venio*. Quod profecto negotium tunc vere nos agimus, si vivendo, & loquendo proximorum animas lucratur, si infirmos quosque cœlestis regni gaudia prædicando, in superno amore roboramus, si protervos ac tumidos, gehennæ supplicia terribiliter insonando flectimus, si nulli contra veritatem parcimus, si supernis amicitias dediti, humanas inimicitias non timemus. Quod nimirum exhibens, quasi quoddam se sacrificium obtulisse Deo Psalmista noverat, cum dicebat: *Nonne qui oderant te, Deus, oderam illos, & super inimicos tuos tabescebam? Perfecto odio oderam illos, & inimici facti sunt mihi*. Sed ad hoc ego pondus meæ infirmitatis expavesco, & quod accepto

b

Luc. 19. 13.

Ps. 138. 21.

re-

regno, paterfamilias redeat rationem nobiscum positurus, aspicio. Sed qua eum mente sustineo, cui de suscepto negotio animarum lucrum aut nullum, aut penenullum reporto? Tua ergo me oratione, frater carissime, adjuva, & quæ de me formidare me conspicias, in temetipso quotidie timore providæ sollicitudinis pensa. Per caritatis quippe compagem, & tua sunt quæ de me loquor, & mea quæ te agere concupisco.

c

De Ecclesiasticis vero^c privilegiis, quod vestra fraternitas scribit, hoc postposita dubitatione teneat: quia

Grat. 25. q. 2.
can. 8.
Joh. Diaconus.
lib. 4. c. 2.

sicut nostra defendimus, ita singulis quibusque Ecclesiis sua jura servamus. Nec cuilibet, favente gratia, ultra quam meretur impertior, nec ulli hoc quod sui juris est, ambitu stimulante derogo; sed fratres meos per omnia honorare cupio, sicque studeo honore singulos subvehi, dummodo non sit quod alteri jure ab altero possit opponi. Responsalium vero vestrorum motibus valde congaudeo: in quibus mihi ostensum est quantum me diligitis, qui ad me electos fratres & filios transmisistis.

AN. CHR.
591. 592.
GREG. 2.

673

^d Data decimo Kalend. Augusti, Indictione decima.

d

NOTÆ AD EPIST. XLVII.

a Carthago urbs Africæ quondam clarissima: primaria fuit provinciæ proconsularis, ejusque Episcopi totius Africæ primates exstiterunt: cum nulli alteri urbi primatus aliarum provinciarum annexus esset, teniori seu antiquiori Episcopo provinciæ concessus.

b Vatic. C. persecutione.

c Privilegia nec abominatur universæ, nec vero passim concedit S. Gregorius: medio tutius incedit. Iniqua sunt, quæ jus divinum, jus canonicum, utilitatem publicam perturbant: æqua

sunt, quæ legem non tam solvunt quam suppleant adjuvantque, salva justitia, æquitate suadente ac impellente; ita ut non tam ipsis privilegiariis provideatur, quam Ecclesiæ populi que fidelis salus ex æquo procuretur & bono. His si tibicinibus fulciantur privilegia, per me stabunt, nec illis obstabunt Calcedonenses canones 4. & 8. Guffano.

d In Turon. S. Gat. Data XII. Kalend. Aug. Ind. x. vitiose in nonnullis exemplaribus Pridie Kalendarum Martii.

Al. XXXIII.

EPISTOLA * XLVIII.

Ad Columbum Episcopum.

Maximianum Pudentianæ Ecclesiæ Antistitem, adunato Concilio; deponendum, si, pecunia corruptus, Donatistam Episcopum in civitate sua fieri permisit. Alia quadam privata negotia privatim definienda. Donatistarum hæresim dilatari gemit, ac ne ad illam Catholici deficere permittantur, succendit pastorem zelum.

Gregorius Columbo Episcopo. *

a

b

Notum est, carissime in Christo frater, quod antiquus hostis, qui primum hominem^b de paradisi deliciis in hanc ærurnosam vitam callida persuasione deposuit, & in eo jam tunc humano generi pœnam mortalitatis infligit, eadem nunc calliditate ovium Dominicarum

Pastores, quo facilius gregem capiat, transfusis conetur venenis inficere, & jure jam potestati propriæ vindicare. Sed nos qui, licet immeriti, Sedem Apostolicam vice Petri Apostolorum principis suscepimus gubernandam, ipso Pontificatus officio cogimur generali hosti quibus

va-

AN. CH. R.
591. 592.
GREG. 2.



c

d

e

f

g

h

i

valemus nobis obviare. Porrecta igitur petitione insinuaverunt nobis presentium latores Constantius, & Mustellus, & asserunt ^c Ecclesie Pudentianae Diacones in Numidia provincia constitutae, Maximianum ejusdem Ecclesiae Antistitem in loco, quo degit, corruptum praemio Donatistarum, Episcopum ^d nova licentia fieri permisisse; cum etsi hoc anterior usus permetteret, manere atque persistere fides catholica prohiberet. Ob hoc ergo fraternitatem tuam scriptis praesentibus necessario duximus adhortandam, ut veniente ad te ^e Hilaro Chartulario nostro, adunato ^f Episcoporum universali Concilio, habito praec oculis terrore venturi iudicii, causa eadem subtili ac solerti debeat indagatione perquiri. Et si capitulum hoc a praesentium latoribus praedicto Episcopo documentis idoneis fuerit approbatum, a dignitate officioque quo fungitur, modis omnibus ^g degradetur: ut & ille ad poenitentiae lucra per agnitionem delicti redeat, & caeteri tentare talia non praesumant. Aequum enim est ut qui Jesum Christum Dominum nostrum haeretico accepta pecunia venundedit, ut fertur, ab ejus videlicet sacrosancti corporis ac sanguinis tractandis mysteriis submoveatur. Si qua autem inter eos extra crimen hoc damnorum quorundam vel privatorum negotiorum, sicuti petitio Diaconorum ipsorum continet, versatur intentio: hanc tua fraternitas cum praedicto Chartulario nostro ^h probata cognitione perquirat, & inter utramque partem iustitia ⁱ procedente definiat.

Porro autem praesentium latorum insinuatione didicimus, Donatistarum

haesim pro peccatis quotidie dilatari, & valde plures data per venalitatem licentia, post catholicum baptismum a Donatistis denuo baptizari. Quod quam grave sit, frater, oportet nos tota mentis intentione perpendere. Ecce lupus Dominicum gregem non jam in nocte latenter, sed in aperta luce dilaniat, & nos eum grassari in ovium nece cernimus; & nulla ei solitudine, nullis verborum jaculis obviamus. Quos ergo fructus Domino multiplicati gregis ostendemus, si & ipsum, quem pasendum suscepimus, otiosa mente cernimus a bestia devorari? Studeamus igitur cor nostrum terrenorum Pastorum imitatione succendere, qui hiemales noctes, imbribus geluque constricti, ducunt saepe pervigiles, ne vel una ovis, & non forte utilis pereat. Quam si insidiator ore voraci momorderit, quomodo sategunt, quibus cordis anhelant aestibus, in quas voces ut eruant caput pecus angustia stimulante profiliunt, ne a gregis domino quidquid per incuriam perdiderint, exigatur? Vigilemus ergo ne quid pereat; & si captum forte quid fuerit, vocibus divinarum eloquiorum ad gregem Dominicum reducamus; ut ille qui Pastor Pastorum est, vigilasse nos circa ovile suum suo misericors dignetur iudicio comprobare. Hoc quoque vos necesse est solerter attendere, ut si qua contra latores praesentium ejusdem Episcopi recta fuerit petitio, subtili debeat indagatione perquiri: & si fortasse ipsi quoque pro sua culpa jure feriendi sunt, eis pro eo quod ad nos fatigati sunt, ^k nequaquam censemus esse parcendum. ¹ Mense Augusti, Indictione decima.

N O T Æ A D E P I S T. XLVIII.

A N. C H R.
591. 592.
GREG. 2.

a In vulgatis, *Numidiæ*, quod abest
a 4. Vaticanis Norm. Corb. &c.
b Vatic. B. *de paradiso deliciarum*.
c Pudentiana, urbs Numidiæ, de qua
nihil apud antiquos Geographos. In
Collat. Carthag. cap. 201. memoratur
Cresconius Episcopus Pudentianensis ex
parte Donati, ubi & Memmianus Ca-
tholicus. In Calendario Carthag. ex
veteribus membranis Monasterii Cluniac.
eruto, legitur: *III. Kalend. Maii Mar-
tyris Pudentis*. Ecclesiæ in hujus Mar-
tyris honorem constructæ meminisse
videtur Gregorius.
d Vatic. A. *non bona licentia*.
e Vide lib. 1. ep. 84. In excusis le-
gitur *Hilario*.
f Provinciale intelligit, scilicet Nu-
midæ totius. *Guffanv.*

g Depositionem innuit, non ut pu-
to, ceremonialem degradationem, cu-
jus formam præscribit Pontificale Ro-
manum. De degradatione, vide Cano-
nistas tit. *de pœnis*, & Gerlonem *de Au-
feribilitate Papæ*, considerat. 15.
h In excusis, *privata cognitione*, quod
in MSS. codd. optimæ notæ non in-
venimus.
i In vet. ed. *precedente justitia*. MSS.
non favent.
k Ita in 4. Vatic. Norm. Turon.
Corb. Reg. &c. quos sequuntur vet. ed.
In Recent. omittitur, *pro eo quod ad
nos fatigati sunt*.
l Ita Turon. S. Gat. In codicibus qui-
bus usi sunt Collatores Romani, hæc
temporis nota pertinet ad Ep. sequen-
tem, *Januario*.

6693

Al. XXXIV.

E P I S T O L A * XLIX.

Ad Januarium Archiepiscopum.

*Auditis de Januario Episcopo querelis, Johannem notarium mittit qui par-
tes ad iudicium compellat, & quæ judicata fuerint exsequatur. Janua-
rium ob id maxime increpat, quod nulla, nisi propriæ injuriæ causa,
Isidorum excommunicaverit.*

Gregorius Januario ^a Archiepiscopo Caralitano.

SI sacerdotale, quod administra-
mus, officium mentis integritate
pensamus, sic nos cum filiis nostris
individuae caritatis debet unire con-
cordia, ut sicut patres in nomine,
ita affectu probemur in opere. Dum
ergo tales nos esse, quales præfati
sumus, oporteat, miramur cur
adversus fraternitatem tuam tanta
querimoniarum moles exorta sit.
Quod quidem nos adhuc credere du-
bitamus. Sed ut veritatem valeamus
agnoscere, Johannem Sedis nostræ
notarium nostra illic præceptione
suffultum direximus, qui partes in
electorum compellat adesse iudicio,
& sua ad effectum executione, quæ
fuerint judicata, perducatur. Quocirca
fraternitatem tuam scriptis præsentibus
adhortamur, ut causarum apud
se ante debeat merita pertractare.

Tom. VII.

Et si qua se injuste tulisse vel ha-
bere cognoscit: ante iudicium, sa-
cerdotii contemplatione restituat. In-
ter querelas autem multiplices, ^b
Isidorus vir clarissimus a fraternitate
tua frustra se excommunicatum a-
nathematizatumque conquestus est.
Quod quam ob rem factum fuerit,
dum a Clerico tuo, qui præsens
erat, voluissimus addiscere, pro nul-
la alia causa nisi ^c pro eo, quod te
injuriaverat, factum innotuit. Quæ
res nos vehementer affligit; quia si
ita est, nihil te ostendis de cœlesti-
bus cogitare, sed terrenam te con-
versationem habere significas: dum
pro vindicta propriæ injuriæ, quod
sacris regulis prohibetur, maledictio-
nem anathematis inexisti. Unde de
cætero omnino esto circumspectus at-
que sollicitus, & talia cuiquam pro de-
fen.

Joh. Diac.
lib. 3. c. 31.

b

Grat. 23. q.
4. c. 27.

c

T

AN. CHR.
591. 592.
GREG. 2.



fensione injuriæ tuæ inferre denuo non præsumas. Nam si tale aliquid

feceris, in te scias postea vindican-
dum.

NOTÆ AD EPIST. XLIX.

a Ita mss. Anglic. Norm. & nonnulli Vat. In aliis *Johan. Episcopo*. Sic maxime in Vatic. A. & B. ubi additur pro argumento Ep. *Hic præcipit ut Episcopus excommunicare Clericum pro injuriis suis nullatenus audeat.*

b In Vatic. B. *Isidorus veniens a fraternitate*, omisso *vir clarissimus*.

c Censuris Ecclesiæ proprias ulcisci injurias non licet. Lege sanctum Augustinum Epistola 7. *Auxilio. Iracundia viri justitiam Dei non operatur: nec arbitreris ideo non posse nobis subrepere injustam commotionem, quia Episcopi*

sumus, &c. Legatur Gregorius Turonensis historiæ lib. 8. cap. 39. & 40. Porro quid interit inter excommunicationem & anathema, canones docent causa 11. quæst. 3. cap. *Debent*, & cap. *Cum aliquis*. Vide etiam Concilium Meldense can. 56. ubi non modo causa certa & manifesta requiritur ad excommunicandum, sed & ad anathema consensus Archiepiscopi aut Coepiscoporum necessarius est, quod pauci advertunt. Vide infra lib. 12. Epist. 26. *Gussanv.* Lege cau. 24. quæst. 3. can. 6. & 9. &c.

Al. xxxv.

EPISTOLA * L.

Ad Johannem Episcopum.

Desolatam ab hostibus trium Tabernarum Ecclesiam unit Velitrane.

a

Gregorius Johanni a Episcopo Velitrano.

Grat. 16. 9.
1. can. 49.
Joh. Dicc. 1.
3. c. 15.
Lib. 3. ep. 20.

Postquam hostilis impietas diversarum civitatum ita peccatis facientibus desolavit Ecclesias, ut reparandi eas spes nulla populo deficiente remanserit: majori valde cura constringimur, ne defunctis earum b Sacerdotibus, reliquæ plebis nullo Pastoris moderamine gubernatæ per invia fidei, hostis callidi rapiantur, quod absit, insidiis. Hujus ergo rei sollicitudine sæpe c commoniti, hoc nostro sedit cordi consilium, ut vicinis eas mandaremus Pontificibus gubernandas. Ideoque fraternitati tuæ curam gubernationemque trium d Tabernarum Ecclesiæ providimus committendam, quam tuæ Ecclesiæ aggregari uniri-

que necesse est: quatenus utrarumque Ecclesiarum Sacerdos recte, Christo adjutore, possis exsistere; quæque tibi de ejus patrimonio, vel cleri ordinatione, seu promotione, vigilantia ac canonica visa fuerint cura disponere: quippe ut Pontifex proprius, liberam habeas ex nostra præsentis permissione licentiam. Quapropter, frater carissime, dominicorum reminiscens salubriter mandatorum, ita in commissæ plebis regimine lucrandisque animabus invigila, ut ante tribunal æterni judicis constitutus, fructum bonæ operationis, quod ad mercedem tuam pertineat, eidem Redemptori nostro, in quo lætari possit, exhibeas.

NOTÆ AD EPIST. L.

a In Norm. Corb. & Vatic. B. & C. legitur tantum, *Episcopo*, In Vatic. A. *Episcopo Squellaccino*. In Remensi. *Episc. Veliterno*.

b Per Sacerdotes intelligendi fere semper Episcopi. Sacerdos tamen aliquando dicitur simplex Presbyter apud G. e-

gorium, ut Dial. lib. 1. c. 12. ubi Severus Presbyter bis Sacerdos appellatur.

c Excusâ invitis MSS. *commoti*.

d Tres Tabernæ urbs olim Latii Episcopalis, cujus vestigia compinguntur in via Appia, haud procul a Cisterna, teste

teste Luca Holstenio, in Annotation. p. 10. & 219. Distabat ab urbe Roma circiter 21000. passibus. Guffanv. O-

mnes fere MSS. *trium Tabernensium*. Urbs est in peregrinationibus Pauli celebris. Vide Aët. ult. 15.

AN. CHR. 591. 592. GREG. 2.

E P I S T O L A * L I.

1673

Al. XXXV.

Ad universos Episcopos.

Frustra de persecutione gloriari schismaticos. Damnatibus capitulis, nihil in fide immutatum. Ex Italiae flagellis, quod ipsa erraverit, non recte inferri. Pelagii librum mittit, quem si puro corde perlegant, illos ad Ecclesiam filios suos invitantes reversuros confidit.

Gregorius * universis de trium Capitulorum causa Episcopis:

a
Job. Diac. l.
3. c. 1.

Scripta vestra summa cum gratulatione suscepi: sed erit in me uberius valde lætitia, si mihi de vestra contigerit reversione gaudere. Prima itaque epistolæ vestræ fons gravem vos pati persecutionem innotuit. Quæ quidem persecutio dum non rationabiliter sustinetur, nequaquam proficit ad salutem. Nam nulli fas est retributionem præmiorum expectare pro culpa. Debetis enim scire, sicut beatus Cyprianus ait, quia ^b *Martyrem non facit pœna, sed causa*. Dum igitur ita sit; incongruum nimis est de ea vos, quam dicitis, persecutione gloriari, per quam vos constat ad æterna præmia minime provechi. Reducat ergo caritatem vestram tandem integritas fidei ad matrem quæ vos generavit Ecclesiam; nulla vos animorum intentio a concordia unitate dissociet, nulla persuasio ^c repetendo vos a recto itinere defatiget. Nam in synodo, in qua ^d de tribus capitulis actum est, aperte liquet, nihil de fide convulsus esse, vel aliquatenus immutatum, sed sicut scitis, de quibusdam illic solummodo personis est actitatum: ^e quarum una, cujus scripta evidenter a rectitudine catholicæ fidei deviant, non iniuste damnata est.

Quod autem scribitis quia ex illo tempore inter alias provincias

maxime flagelletur Italia, non hoc ad ejus debetis intorquere opprobrium, quoniam scriptum est: *Quem diligit Dominus, castigat; flagellat autem omnem filium quem recipit*. Si igitur ita est ut dicitis, ex eo tempore magis dilecta est apud Deum, & modis omnibus approbata, ex quo Domini sui meruit sustinere flagella. Quia vero non ita sit quemadmodum vos in ejus insultationem affirmare conamini, rationem attendite.

Hebr. 12. 6

Postquam recordandæ memoriæ Vigilius Papa in urbe regia constitutus, ^f contra Theodoram tunc Augustam, vel ^g Acephalos damnationis promulgavit sententiam: tunc Romana urbs ab hostibus ^h adita & captivata est. Ergo bonam causam habuerunt Acephali, & iniuste damnati, sunt post quorum damnationem talia contigerunt? Absit. Hoc enim nec vestrum quempiam, nec alios, qui catholicæ fidei mysteriis instituti sunt, dicere, vel aliquo modo confiteri convenit. His denique cognitis, ab hac quandoque jam deliberatione recedite. Ut igitur de tribus capitulis animis vestris ablata dubietate possit satisfactio abundanter infundi, ⁱ librum quem ex hac re sanctæ memoriæ decessor meus Pelagius Papa scripserat, vobis utile judicavi transmittere. Quem si deposito voluntariæ defensionis studio;

f

g

h

i

A N. CHR
591. 592.
GREG. 2.
66733

k

puro vigilantique corde sæpius volueritis relegere, eum vos per omnia secuturos, & ad unitatem nostram nihilominus reversuros esse confido. Porro autem si post hujus libri lectionem in ea qua estis, volueritis deliberatione persistere, sine dubio non rationi operam, sed obstinationi vos dare monstratis. Unde iterum * habita compassione ca-

ritatem vestram admoneo, ut quoniam Deo suffragante fidei nostræ integritas in causa trium capitulorum inviolata permanfit, mentis tumore deposito, tanto citius ad matrem vestram, quæ filios suos expectat & invitat, Ecclesiam redeatis, quanto vos ab ea quotidie pro vobis expectari cognoscitis.

N O T Æ A D E P I S T. II.

a In MSS. & excusis non unus est hujus Ep. titulus. In Vat. C. *Gregorius universalis, de trium Capitulorum causa*. Sed *universalis* errore scriptum est, pro *universis*, quod legitur in Vatic. A. B. D. ubi etiam additur, *de trium* &c. Ita habent omnes Normanni, duo Teller. Colbert. & pene omnes. In Turon. inscribitur hæc Ep. *universis defensoribus trium Capitulorum*. Ergo gravis est error edit. ubi legitur, *universis Episcopis per Hiberniam*. Pro *Hiberniam* legendum *Istariam* vel *Hiberiam* conjecerunt viri docti: verum nulli conjecturam hanc MSS. juvant: utcumque tamen admitti posset, si Iberia seu Hispania, ob trium Capitulorum causam fuisset schismate divisa: at hujus rei nullum apud *Greg. Mag.* aut apud historicos vestigium reperimus. Hispanias quidem adiisse S. Donatum Abbatem, Facundum Hermianensis Episcopi (qui de tribus Capitulis ad Justinianum scripsit) discipulum, observat Mabillonius Prefat. ad Acta SS. Ord. S. Benedicti. tom. 1. §. 6. Hispaniarum vero Antistites ab illo in schismaticorum partes abductos, hæcque de causa *gravem*, ut hic vocatur, *persecutionem* passos, nullibi legimus. Quod autem habet hæc Gregorii Epistola, id Histrix Episcopis omnino congruit, scilicet illos in schismate pertinaces, ad Ecclesiæ unitatem vehementer urgebat Exarchus, necnon Gulsar Magister militum, aliique proceres, quibus gratulatur *Gregor. lib. 5. Ep. 46. 47. lib. 9. Ep. 93. Maur.* Ex Epistola S. Columbani ad Bonitacium IV. quam affert, colligit Pagius ad an. 592. & 614. Schisma trium Capitulorum revera etiam Hibernos invasisse. Ei adstantur Baronius, Usserius, Bollandus, quibus persuasum est de titulo *per Hiberniam*: Pagio tamen contradicit Mansius ad citatos annos. Si quæretur utrum schisma Hiberniam quoque invaserit: videant viri eruditi quanto se

quisque fundamento tueatur. Ad rem enim nostram hoc non spectat. Quod vero ad titulum Gregorianæ hujus epistolæ pertinet; certi de illo nihil inde inferitur. Potuit enim Hibernia quosdam fovere Schismaticos, quin tamen ad illos nominatim scripserit S. Doctor. Quamobrem consultissime Sammarthanus egit, dum in dissidio MSS. eum titulum prætulit, qui utrique sententiæ ex æquo commode cedit; qui tamen nimis libere invehitur in Excusos habentes *per Hiberniam*: tum quia aliquid valet auctoritas Baronii cum suis, tum etiam quia certe aliquem MS. Codicem nobis repræsentant. Vide Johan. Diac. l. 3. c. 1. E. V.

b Habetur hæc sententia apud Cyprianum, non quidem secundum verba, sed secundum sensum, nempe in libro de unitate Ecclesiæ circa medium: *Esse Martyr non potest qui in unitate non est, occidi potest, coronari non potest*. Sic Epistola 52. ad Antonianum post medium. Est vero sancti Augustini pluribus in locis lib. 3. contra Cresconium cap. 47. *Christi martyrem non facit pœna, sed causa*. Idem in Psalm. 34. & 68. Veritatem hujus sententiæ demonstrat Theodoretus de curandis Græcis affectibus, serm. 8. de Martyribus. *Gussanv.*

c Ita 4. Vaticani, Rem. Corb. Turon. & plerique Norm. In aliis ut in editis *rependo*.

d Quæ sint illa tria capitula, quidquid aliqui somnient, apparet ex his verbis Concilii generalis V. collat. 8. *Prædicta tria capitula anathematizamus, id est Theodorum Mopsuestenum cum nefandis ejus scriptis, & quæ impie Theodorus conscripsit, & impiam Epistolam, quæ dicitur Ibae, & defensores eorum, &c.* Tam famolæ contentioni causam dederat Chalcedonensis synodus, quæ Theodoretum & Ibam benigne excipiens, impia Theodori scripta non facis

eis damnaverat. Synodum impugnabant Eutychiani, fautores Dioscori, Nestoriani, Acephali, Corruptibiles, aliaque id genus monstra suisque commentis & fabricis, varia, ut sit, fortuna: Justinianus de sarcienda unitate sollicitus obvias quasque occasiones arripit; insinuant nonnulli dissidium omne facili negotio sopitum iri, & universos in synodi Chalcedonenfis verba fidemque juraturos, si tria damarentur capitula. Attendit Justinianus, urget, imminet. Vigilius quasi animi penderet, nunc annuit, modo renuit. Episcopi Catholici in partes secedunt; alii timent ne synodo Chalcedonenfi fraus fiat: alii hac eam arte putant se posse stabilire. Interim turbas fovent schismatici: tandem venit ad Concilium, in quo, si pene historicos fides est damnatis tribus capitulis videtur dilata fuisse scissura, disruptum rete, ac novo superinducto schismate, Catholici inter sese commissi sunt. Vide Epistolas Pelagii I. & Pelagii II. &c. *Gulfano*.

e Theodorum Mopsuestenum indicat. Nam de Theodoret & Ibas scriptis potius actum quam de personis quas synodus Chalcedonenfis probaverat. Vide supra Ep. 25. ad Patriarchas prope finem. Quibus vero artibus Episcopi, ante centum annos mortui, discussi & damnati fuerint, aperit Liberatus in Breviario cap. 23. & 24. ac demum sic concludit: *Illud liquere omnibus credo, per Pelagium Diaconum, & Theodorum Cæsareæ Cappadociæ Episcopum; hoc scandalum fuisse in Ecclesiam ingressum. Quod etiam ipse Theodorus clamavit, se & Pelagium vivos incendendos, per quos*

boc scandalum introivit in mundum.

f Damnatum a Vigilio Theodorum Cæsariensem Episcopum legimus in 591. 592. epistola ejusdem Vigili 15. cujus etiam damnationis fragmentum existat post decimam sextam Vigili Epistolam, tomo v. Conc. pag. 334. At nulla sententiæ adversus Theodorum Augustam latæ occurrit mentio. Damnata proculdubio dicitur, damnatis Acephalis quorum partibus erat addicta.

g Illi, inquit Facundus Hermian. lib. 1. c. 5. *qui licet recedentes in quibusdam ab ipsius Eutychis auctoris & capitis sui sententia, sequi tamen dedignantur Ecclesiæ Catholicæ doctrinam, cujus caput est Christus, tamquam sine capite remanentes, Acephali vocantur a Græcis, quos significantius nos Semi-Eutychianos possumus appellare.* Alias alii nominis hujus causas afferunt, Leontius lib. de sectis capit. 5. Ado Vienn. in Chronico, Niceph. lib. 18. c. 45. Acephali tandem dicti sunt Monophysitæ omnes, qui Chalcedon. synodum uno animo impetebant, licet in varia sectarum abirent divortia.

h Vatic. B. addicta.

i Per hunc librum intelligenda est Epistola septima Pelagii, tertia ad Heliam & Episcopos Histriæ, quæ incipit: *Virtutum mater Caritas est.* Eam a S. Gregorio scriptam fuisse nomine Pelagii Papæ testatur Paulus warnefrid. lib. 3. de gestis Langob. cap. 20. Maur. Hanc & alias duas ejusdem argumenti vide in appendice. E. V.

k Ita Vatic. Norm. Corb. Rem. non, habita locutione, ut existat in excusis.

E P I S T O L A * LII.

Ad Natalem Episcopum.

Profana quibus indulgebat convivium, & sacræ lectionis negligentiam non bene ab ipso excusari. De exhortationis studio gratulatur. Se laudatum dolet. Non modo ad Ecclesiam hæreticos; sed & illos qui intra Ecclesiam sunt, ad vitæ reformationem revocandos. De sprete sua & decessoris sententia queritur; parit tamen ad ordinem reverso, summamque in judicanda illius causa spondet aequitatem.

Gregorius Natali Episcopo Salonitāno.

Lib. 3. In-
dict. 21. ep.
22.

Q Uasi oblita præcedentium scriptorum serie, sola vestra Beatitudini quæ ad dulcedinem pertinerent loqui decreveram: sed dum

vestra Epistola ad priora scripta ratiocinando revocat: iterum forsitan quædam quæ minus libeant, narrare compellor.

In

AN. CHR.

591. 592.

GREG. 2.

6673

Joh. Diac.
lib. 3. c. 35.

In conviviorum etenim defensio-
nem vestra Fraternitas Abrahamæ con-
vivium memorat, in quo, teste sa-
cro eloquio, tres Angelos suscepisse perhibetur. Sed hoc exemplo ne-
que nos Beatitudinem vestram de
convivio reprehendimus, si hanc sus-
cipere Angelos in hospitalitate co-
gnoscimus. Rursum narrat Isaac sa-
tiationem, benedictionem filio dedisse.
Quæ utraque veteris Testamenti,
quia ita sunt gesta per historiam,
ut tamen signarent aliquid per alle-
goriam, utinam valeamus sic res ge-
stas legendo percurrere, ut possimus
etiam gerendas providendo sentire.
Ille quippe in tribus Angelis unum
salutans, Trinitatis subsistentias unius
substantiæ esse declaravit. Ille vero
satiatus benedixit filium: quia qui
divinis epulis repletur, illius sensus
in prophetiæ virtutem tenditur.
Divinæ autem epulæ sacri eloquii
verba sunt. Si igitur assidue legitis,
si exemplum ab exterioribus trahen-
tes interna penetratis, quasi de agri
venatione satiati mentis ventrem re-
pletis, ut ante posito filio, suscepto
videlicet populo, possitis ventura
nuntiare. Sed jam in hoc seculo
caligat, qui de Deo aliquid pro-
phetat, quia profecto dignum est ut
hic jam per concupiscentiam minus
videat, ^a cuius sensus ^a per intel-
ligentiam intus coruscat. Hæc ergo
ad vosmetipsos trahite, & si vos
tales cognoscitis, nihil est quod ^b
de nostra æstimatione dubitetis.
Gaudere quoque Beatitudinem ve-
stram invenio, si voracis nomen
cum rerum auctore sustineat. Quod
ego breviter expono: quia si
de vobis falsum dicitur, nomen
hoc veraciter cum rerum auctore
sustinetis. Si verò de vobis ve-
rum est, hoc de illo falsum fuisse
quis dubitet? Absolvere vos
non valet par nomen, quorum
dispar est causa. Nam cum eo cru-
cem etiam periturus latro suscepit:

sed quem reatus proprius tenuit,
par crucifixio non absolvit. Ego
autem quantis valeo precibus de-
posco, ut sanctissimam Fraternitatem
vestram auctori nostro non solum
nomen, ^c sed etiam causa conjun-
gat.

Convivia ^d autem, quæ ex in-
tentione impendendæ caritatis fiunt,
recte Sanctitas vestra in suis episto-
lis laudat. Sed tamen sciendum est,
quia tunc ex caritate veraciter pro-
deunt, cum in eis nulla absentium
vita mordetur, nullus ex irrisione
reprehenditur, & nec inanes in eis
secularium negotiorum fabulæ, sed
verba sacræ lectionis audiuntur:
cum non plus, quam necesse est,
servitur corpori, sed sola ejus in-
firmitas reficitur, ut ad usum exer-
cendæ virtutis habeatur. Hæc itaque
si vos in vestris conviviis agitis, ab-
stinendum fateor magistri estis.

Quod ergo Pauli Apostoli testi-
monium ad me posuistis, quo ait:
Qui non manducat, manducantem
non judicet; omnino existimo incon-
gruum fuisse: quia neque ego non
comedo, neque ad hoc a Paulo di-
ctum est, ut membra Christi, quæ
in ejus corpore, id est in Ecclesia
invicem sibi caritatis compage con-
nexa sunt, nullam de se ullo modo
curam gerant. Sed si neque ego ad
te, neque tu aliquid pertineres ad
me, ^e jure tacere compellerer, ut
eum non reprehenderem, qui emen-
dari non posset. Hæc ergo sententia
solummodo propter eos dicta est,
qui illos judicare student, quorum
sibi cura commissa non est. At post-
quam nos, auctore Deo, unum su-
mus, si ea quæ nobis corrigenda
sunt tacemus, valde delinquimus.
Ecce Fraternitas tua ægre tulit se
de conviviis a me esse reprehensam,
cum ego qui etsi hanc non vita,
tamen loco transgredior, ab omni-
bus corripi, ab omnibus emendari
paratus sim. Et hunc solum mihi

Grat. dist.
44. c. 6.

Rom. 14. 3.

ami-

amicum æstimo, per cujus linguam ante apparitionem districti judicis, meæ maculas mentis tergo.

Illud autem, frater dulcissime, quod tribulationibus pressum te legere posse abnegas, minus ad excusationem idoneum puto, cum *Rom. 15. 4.* Paulus dicat: *Quæcumque scripta sunt, ad nostram doctrinam scripta sunt, ut per patientiam & consolationem scripturarum, spem habeamus.* Si igitur ad consolationem nostram sacra Scriptura præparata est, tanto magis debemus legere, quanto magis nos conspiciamus sub tribulationum fasce lassari. Si vero in ea solummodo sententia est fidendum, quam in epistola vestra posuistis, *Matt. 10. 12.* qua Dominus dicit: *Cum tradent vos, nolite cogitare quomodo aut quid loquamini; dabitur enim vobis in illa hora quid loquamini. Non enim vos estis, qui loquimini, sed Spiritus Patris vestri, qui loquitur in vobis.* Sacra ergo ad nos eloquia frustra mandata sunt, qui repleti spiritu, verbis exterioribus non egemus. Sed aliud est, frater carissime, quod angustati persecutionis tempore absque dubitatione confidere, aliud quod in tranquillitate Ecclesiæ agere debemus. Oportet enim nos, per hunc spiritum modo legendo percipere quæ possimus, si contigerit causa in nobis, etiam patiendi demonstrare.

Valde vero in Epistola vestra gavisus sum, quod vos exhortationi studium dare fatemini. In hoc etenim scio, quia curam veltri ordinis solerter agitis, si ad auctorem vestrum, & alios trahere curatis. Quod autem in eodem loco dicitis vos mei similes non esse, post obortam lætitiā me illico contristatis: quia laudes meas per irrisiōnem dici existimo, quas per veritatem minime recognosco. Ago autem omnipotenti Deo gratias: quia per vos quidem hæretici ad sanctam

Ecclesiam revocantur. Sed curæ vobis esse necesse est ^fut ipsi quoque, qui intra sanctæ Ecclesiæ gremium continentur, ita vivant, quatenus ejus adversarii pravis moribus non existant. Nam si non divino desiderio, sed terrenis cupiditatibus voluptatibusque deserviunt, intra ejus gremium filii alieni nutriuntur.

Quod autem vos fatemini Ecclesiasticos ordines ignorare non posse, ego quoque hoc de vobis per omnia scio, atque idcirco valde contristor: quia cum rerum ordinem scitis, in me, quod pejuse est, sciendo deliquistis. Postquam enim ad Beatitudinem vestram, & decessoris mei & mea, in causa Honorati Archidiaconi scripta directæ sunt, tunc contempta utriusque sententia, præfatus Honoratus proprio gradu privatus est. Quod si quilibet ex quatuor Patriarchis fecisset, & sine gravissimo scandalo tanta contumacia transire nullo modo potuisset. Tamen postquam Fraternitas vestra ad suum ordinem rediit, nec ego meæ, nec decessoris mei injuriæ memor sum.

Quod vero dicitis ^h nostris temporibus debere servari, quæ a meis quoque prædecessoribus tradita atque custodita sunt, absit hoc a me ut statuta majorum confacerdotibus meis in qualibet Ecclesia infringam: quia ⁱ mihi injuriam facio, si fratrum meorum jura perturbo. Sed cum responsales veltri advenerint, quæ inter vos & præfatum Honoratum Archidiaconum ^k sint iusta cognoscā: & ipso meo examine perpendetis, quia si pars vestra per justitiam fulta est, nihil adversum a me perferetis, sicut nec ante pertulistis. Sin vero sæpe fato Honorato Archidiacono in assertione sua justitia suffragatur, ex ejus absolutione monstrabo, quia personas etiam quas novi, in judicio non agnosco. De

AN. CHR.
591. 592.
GREG. 2.

663
f

Lib. 1. Ep. 10.
& 20. ac hujus l. 17. 19.
20.

g

Grat. 25.
7. 2. c. 19.

h

i

k

Grat. 24. q.
3. cap. 15.

1 quæ

1 quæ tamen interposita conditione
 A N. CHR. secundo vel tertio jam, ut ita di-
 591. 592. cam, ex necessitate subjuncta est,
 GREG. 2. Beatitudo vestra immerito queritur,
 cum Paulus Apostolus dicat: In
 2. Cor. 10. 6. promptu habentes ulcisci omnem inob-

edientiam. Sed ista jam transeant,
 ad nostra redeamus. Si enim recte
 agit, ego domno Natali non possum
 conjunctus non esse, cujus me affe-
 ctui valde esse debitorem novi.

NOTÆ AD EPIST. LII.

a Excusi, per allegoriam.
 b In vulgatis, de vestra æstimatione.
 c Ita Norm. Rem. & alii, quibus
 inconsultis excusi habent, ut sanctissi-
 mam fraternitatem vestram ... non so-
 lum nomen, sed etiam causam conjun-
 gat. Ubi sensus desideratur.
 d In recent. ed. convivium autem com-
 munita, quam ult. vocem nullis in MSS.
 invenimus.

e Grave documentum vulgo non fa-
 tis animadversum. Recta ratio distat
 eum non esse reprehendendum quem
 emendare non possumus. At ejus si cu-
 ra nobis commissa fuit, nihilominus
 reprehendamus: quia non caritatis mo-
 do, sed & justitiæ reprehendere com-
 pellit officium. Leg. Ep. 8. Johan. Cli-
 maci ad Pastorem n. 23. & 24.

f In Vatic. D. & in Norm. ut ipsi
 quoque intra sanctæ Ecclesiæ gremium
 contineantur, & ita vivant. Consen-
 tiunt Rem. & Corb.

g Quia Romanus Pontifex S. Petri
 successor, ab illis 4. Patriarchis audien-
 dus & honorandus est; cum sit illis
 jure divino præpositus, solitudinem-
 que speciali privilegio gerat omnium
 Ecclesiarum.

h Al. vestris ut legitur in tribus Va-
 tic. & in plur. Norm.

i Idem sentit Leo Magnus ep. 10. ad
 Episcopos Provinciæ Viennensis, Gre-

gorius VII. lib. 1. ep. 24. Honorius II.
 in ep. ad Burchardum Meldensem E-
 piscopum: Exinjuncto nobis officio fra-
 tres nostros Episcopos debemus diligere,
 & Ecclesiis filii a Deo commissis suam
 debemus justitiam conservare. Innocen-
 tius II. epistola ad Manassem Melden-
 sem Episcopum: Suscepti regiminis
 cura nos admonet, ita disponente Do-
 mino, erga singulos attentam sollicitu-
 dinem atque vigilantiam adhibere,
 ut in Ecclesiasticis dispositionibus nul-
 la confusio inducatur, sed potius u-
 nicuique suum jus & propria dignitas
 conservetur. Eadem habet Innocentius
 III. lib. 1. ep. ad Episcopum Trecen-
 sem, & epist. 39. Guffanv. Audiendus
 præ cæteris noster Greg. lib. 11. ep. 37.
 olim 32. lib. 9. nam si sua unicuique
 Episcopo jurisdictio non servatur, quid
 aliud agitur, nisi ut per nos, per quos
 Ecclesiasticus custodiri debuit ordo, con-
 fundatur?

k Ita melius MSS. Vatic. Norm. Corb.
 &c. quam excusi recent. quæ sint gesta.

l In recens vulgatis, quæ tamen in-
 terposita conditione gradus secundo. Su-
 perfluit gradus, nec legitur in Rem.
 Corb. Norm. ac plerisque MSS. aut in
 vet. excusis. In tribus vetustissimis
 exemplaribus deesse jam annotarunt
 correctores Romani in edendo Gratiano;

* EPISTOLA * LIII.

Ad Honoratum Diaconum.

Ut Venantio chartas Exconsulatus, oblati xxx. auri libris, postulanti, apud
 Impp. faveat.

b

Gregorius b Honorato Diacono.

Filius meus dominus Venantius
 nepos quondam Opilionis Pa-
 tricii ad beatum Petrum Apostolum
 venit, hoc a me summopere petitu-
 rus; ut causam ejus tuæ dilectioni

commendare debuissim. Honorés e-
 nim non habet; & chartas exconsu-
 latus c petiit, pro quibus triginta
 auri libras transmisit, ut ei debeant
 comparari. In qua re volo ut dile-
 ctio

a
 Al. x. l. 12.
 Indist. VII.

c

Etio tua se summopere impendat : quia talis vir est, cui etiam honor sine pretio debeat. Et quia easdem chartas emere paratus est, ut dixi, non valde necesse est, ut ex me aliquid serenissimis Principibus dicatur, sed magis ex se agat Dilectio tua : quatenus oblati in ^d sacello consuetudinibus, honores mereatur accipere. Si quid tamen potueris de eo

mitius agere, maximam mercedem habebis. Sed ita fac ut labor ejus quo hic ad nos fatigatus est, vacuus non sit. Si vero in eadem causa difficile aliquid esse perspexeris, etiam quia per me hoc postulet, indicare debes, & cujus bonitatis, cujus modestiæ sit atque sapientiæ serenissimis Dominis intimare.

AN. CHR.

591. 592.

GREG. 2.

6673

NOTÆ AD EPIST. LIII.

a A plurimis MSS. abest hæc epistola. Eam exhibent Vatic. D. Colbert. & collectio Pauli Diaconi, ubi est quadragesima nona.

b Idem est ad quem exstat epist. 49. lib. 1. ad quam videntur notas. Tunc Constantinopoli versabatur, Apocrisiarii provincia defungens.

c Vatic. D. *exconsultus*, Colb. *exconsultus*, proculdubio per compendium, pro *exconsultus*. Jam observavimus longe ante Gregorii Mag. Pontificatum, a Justiniano Aug. an. scilicet 541. sublatum fuisse consulatum. Cogitavit quidem qui ipsi successit Justinus de Consulibus utcumque restituendis, rem gratam populo Romano se facturum putans: verum semel extincta summa illa dignitas, ad pristinum statum revo-

cari nunquam potuit, quod Imperatoribus invidiam crearet. Itaque exconsultatus, tempore Gregorii, erat nudum honoris nomen. Ut enim nunc fiunt quidam sacri consistorii Comites, per codicillos seu litteras, Gallice *par brevet*, ita tunc concedebantur honoris causa exconsultatus chartæ, vel potius vendebantur. Eo enim tunc redactus erat Reipublicæ status, ut vel sumum vendere cogerentur imperatores, quo laboranti Reipublicæ subvenirent, exhaustumque ærarium implerent.

d Id est, consueto pretio. *Sacella* a sacco & sacculo: significant hic *fiscum* seu ærarium publicum. Hinc dictus *saccellarius*, qui sacculos ad eleemosynas gerit, vulgo, *aumonier*.

EPISTOLA LIV.

Incipit epistola sancti Liciniani Episcopi de libro Regularum, ad sanctum Gregorium Papam urbis Romæ directæ.

Librum Regulæ pastoralis laudat: objicit tamen non fore qui sacra mysteria celebrent, nisi ordinentur nonnunquam minus periti. Libros in Job aliosque morales a Gregorio conscriptos postulat.

Domino beatissimo Papæ Gregorio b Licinianus Episcopus.

L Ibrum regularum a Sanctitate tua editum, & ad nos divina gratia opitulante perlatum, tanto libentius legimus, quanto in eo spirituales regulas inesse cognoscimus. Quis non libentius legat, ubi jugi meditatione medicinam animæ suæ inveniat: ubi contemptis hujus seculi rebus caducis in sua mutabilitate variantibus, ad æternæ vitæ stationem oculis mentis aperiat? Liber hictus

Tom. VII.

omnium est aula virtutum. Illic prudentia inter bonum & malum discretionem limitis figit; justitia unicuique sua tribuit, dum Deo animam, corpusque animæ subdit. Illic fortitudo etiam in adversis & in prosperis reperitur semper æqualis, quæ nec in contrariis frangitur, nec in prosperis exaltatur. Illic temperantia furorem libidinis frangit, discreteque voluptatibus modum imponit. Illic,

V

cun-

AN. CHR.

591. 592.

GREG. 2.

GREG.

cuncta quæ ad vitæ æternæ participium pertinent comprehendis : & non solum Pastoribus regulam vivendi describis, sed etiam his qui regiminis officium nullum habent, vivendi regulam tribuis. Habent enim Pastores in quadripartita tua distributione quales ad hoc officium veniant; qualem vitam gerant cum venerint; qualiter vel qualia doceant; & ne in tanto sacerdotali culmine extollantur, quid agant. Attestantur huic eximie doctrinæ tuæ sancti antiqui Patres, Doctores, defensoresque Ecclesiæ, Hilarius, Ambrosius, Augustinus, Gregorius Nazianzenus; hi omnes, testimonium tibi præbent, sicut Apostolis præbuerunt Prophetæ. Hilarius sanctus dicit exponens verba Apostoli doctoris Gentium. ^c

^c
Lib. 8. de
Trinitate
num. 2.

„ Ita etenim quæ propriæ disciplinæ
„ & morum sunt, ad sacerdotii meritum utilia esse significat, si etiam
„ hæc quæ ad docendæ ac tuendæ fidei
„ scientiam necessaria sunt, inter
„ reliqua non deerunt; quia non
„ statim boni atque utilis Sacerdotis est, aut tantummodo scienter agere, aut tantummodo scienter prædicare; cum & innocens
„ tantum sui sufficiat si doctus sit,
„ & doctus nisi doctrina vivendo. Attestatur huic libro tuo sanctus Ambrosius in illis libris quos fecit de Officiis. Attestatur sanctus Augustinus, dicens: ^d

d

„ In actio-
„ ne non amandus est honor in hac
„ vita, * sine potentia, quoniam
„ omnia vana sub sole: sed opus
„ ipsum quod per eundem honorem vel potentiam fit, si recte
„ atque utiliter fit, id est ut valeat ad eam salutem subditorum,
„ quæ secundum Deum est. . . .
„ Propter quod ait Apostolus: Qui
„ Episcopatum desiderat, opus bonum desiderat. Exponere voluit
„ quid sit * Episcopus, quia nomen est operis, non honoris.
„ Græcum est enim, & inde du-

* Forte, Episcopus.

„ ctum vocabulum, quod ille qui
„ præficitur, eis quibus præficitur
„ superintendit, curam scilicet eorum gerens, * Episcopus quippe
„ intentio est. Ergo Episcopum, si
„ velimus, latine superintendere
„ possumus dicere. Ut intelligat
„ non se esse Episcopum qui præf-
„ se * dixerit, non prodesse. Ita
„ enim ab studio cognoscendæ veritatis nemo prohibetur quod ad
„ laudabile pertinet otium: locus
„ vero superior, sine quo regi populus non potest, etsi ita teneatur atque administretur ut decet,
„ tamen indecenter appetitur. Quamobrem otium sanctum quærit caritas; percipiendæ ac tuendæ
„ vacandum est veritati. Si autem
„ imponitur, suscipienda est propter caritatis necessitatem. Sed
„ nec sic commodo veritatis delatio deferenda est, ne subtrahatur illa suavitas, & opprimatur ista necessitas. “

* Forte, Episcopus.

* Lege, dixerit.

Attestatur Gregorius sanctus, cujus stilum sequeris, cujus exemplo delitescere cupiebas, ut pondus sacerdotii declinares, quod quale sit in toto libro tuo liquide declaratur; tamen portas quod metuebas. Pondus enim tuum sursum fertur, non deorsum: non quod te ad ima premat; sed quod ad altia sustollat; dum per Dei gratiam, & obedientiæ meritum, operisque boni efficientiam, fit suave quod per imbecillitatem humanam videbatur habere gravedinem. Dicis enim ea quæ consonant Apostolis, & apostolicis viris. Pulcher enim pulchra dixisti, & in his pulchrum te esse ostendisti. Nolo ergo te similitudine indecoro pictori pulchra pingenti, quia spiritualis doctrina a spirituali mente proficiscitur. Plus plerisque æstimatur pictor homo, quam inanimata pictura. Sed hoc non ad sentationi, aut adulationi repotes, sed veritati; quia nec me decet mentiri,

tiri,

Viri, nec te decet falsum laudare. Ergo plane licet fidus, & te & omnia tua pulchra conspexi, & memet in comparationem tui satis indecorum vidi. Unde precor per gratiam Dei quæ in te exuberat, ut non respuas deprecantem: sed libenter doceas quæ me fateor ignorare. Compellimur enim necessitate facere quod doceas.

Peritus enim dum non reperitur qui ad officium sacerdotale veniat, quid fiendum est, nisi ut imperitus ut ego sum, ordinetur? Jubes ut non ordinetur imperitus. Sed pertractet prudentia tua, ne forte ad peritiam sufficiat ei scire Jesum Christum, & hunc crucifixum; si autem non sufficit, nemo erit in hoc libro qui peritus esse dicatur: nemo erit utique sacerdos, si nisi peritus esse non debet. Bigamis enim aperta fronte resistimus, ne sacramentum utique corrumpatur. Quid si unius uxoris vir, ante uxorem, mulierem tetigerit? Quid si uxorem non habuerit, & tamen sine mulieris tactu non fuerit? Consolare nos stilo tuo, non puniamur nec nostro nec alieno peccato. Valde enim metuimus ne per necessitatem ea faciamus, quæ non debemus. Ecce obediendum est præceptis tuis, ut talis fiat, qualis apostolica decet autoritas; & non reperitur, qualis quæritur. Cessabit ergo fides, quæ constat ex auditu: cessabit Baptismus, si non fuerit qui baptizet: cessabunt illa sacrosancta mysteria, quæ per Sacerdotes fiunt & ministros. In utroque periculum manet; aut talis ordinetur qui non debet, aut non sit

qui sacra mysteria celebrèt vel ministrèt.

Ante paucos annos Leander Episcopus Spalensis remeans de urbe regia, vidit nos præteriens, qui dixit nobis habere homilias a vestra Beatitudine editas de libro sancti Job. Et quia festinans pertransiit, minime eas petentibus nobis ostendit. Postea vero scripsisti ei de trina tinctione: in qua Epistola memorant displicuisse vobis illud opus; sed hoc salubriori consilio statuisse, ut in librorum ductu eas transponeres. Habemus sane libellos sex sancti Hilarii Episcopi Pictaviensis, quos de Græco Origenis in Latinum vertit; sed non omnia secundum ordinem libri sancti Job exposuit. Et satis miror hominem doctissimum & sanctum, ut de stellis nœnias Origenis transferret. Mihi, sanctissime Pater, nullo pacto suaderi potest ut credam astra cœli Spiritus rationales, quæ neque cum Angelis neque cum hominibus facta esse Scriptura sancta declarat. Dignetur ergo Beatitudo vestra opus ipsum de libro sancti Job; sed & alios libros morales quos fecisse te memoras in hoc libro Regularum, exiguitati * transmittere. Tui enim sumus, tua legere delectamur. Optabile namque est mihi * præclarum, sicut tuus Gregorius ait, usque ad ultimam discere senectutem. Incolumem & Coronam vestram ad erudiendam Ecclesiam suam sancta Trinitas Deus conservare dignetur, sicut optamus, beatissime Pater.

ANN. CHR.

591. 592.

GREG. 2.

6673

Lib. 1. Ep. 43.

e

f

* Forte, mea.

* Forte, &

g

N O T Æ A D E P I S T. LIV.

a Eam primus eruit ex duobus codicibus Biblioth. Floriacensis, noster D. Lucas Dacherius, & secundo Spicilegii tomo inseruit.

b De eo Idorus lib. de Illustribus Ecclesiæ scriptoribus cap. 29. Licinianus Carthaginis Spartariæ (vulgo dici-

tur Carthagena in Hispania) Episcopus, in Scripturis doctus, cujus quidem nonnullas Epistolas legimus. De Sacramento denique Baptismatis unam, & ad Eutropium Abbatem postea Valentia Episcopum plurimas: reliqua vero industria & laboris ejus ad nostram notitiam mi-

V 2

nime

AN. CHR. 591. 592. *Mauricii Augusti: occubuit Constantino-
poli veneno, ut ferunt, extinctus ab*
GREG. 2. *æmulis. Sed ut scriptum est; iustus qua-
cumque morte præoccupatus fuerit, anima ejus in refrigerio erit.*



c Alia & sanior est lectio nov. edit. operum S. Hilarii: „ Ita enim quæ „ propria disciplinæ ac morum sunt „ ad Sacerdotii meritum utilia esse si- „ gnificat, si etiam hæc, quæ ad do- „ cendæ ac tuendæ fidei scientiam ne- „ cessaria sunt, inter reliqua non „ deerunt: quia non statim boni at- „ que utilis Sacerdotis est, aut tan- „ tummodo innocenter agere, aut tan- „ tummodo scienter prædicare: Cum „ & innocens sibi tantum proficiat, „ nisi doctus sit; & doctus sine doctri- „ næ sit auctoritate, nisi innocens sit. „ d Apud Aug. lib. 19. de Civitate Dei c. 19. sic habetur: „ In actione non a- „ mandus est honor in hac vita, sive „ potentia Exponere voluit „ quid sit Episcopatus; quia nomen „ est operis, non honoris. Græcum est „ enim, atque inde ductum vocabulum. „ quod ille qui præficitur, eis quibus „ præficitur superintendit, curam eor- „ um scilicet gerens; ἐπι quippe, su- „ per, σκοπὸς vero, intentio est: ergo „ ἐπισκοπεῖν, si velimus, Latine *super-
intendere* possumus dicere; ut intelli- „ gat non se esse Episcopum, qui præ- „ esse dilexerit, non prodesse. Itaque „ a studio cognoscendæ veritatis nemo „ prohibetur, quod ad laudabile perti- „ net otium: locus vero superior, sine

„ quo regi populus non potest, et si ita „ teneatur atque administretur ut de- „ cet, tamen indecenter appetitur. „ Quamobrem otium sanctum quærit „ caritas veritatis: negotium iustum „ suscipit necessitas caritatis. Quam sar- „ cinam si nullus imponit, percipien- „ dæ atque intuendæ vacandum est „ veritati: si autem imponitur, susci- „ pienda est propter caritatis necessita- „ tem: sed nec sic omni modo verita- „ tis delectatio deferenda est, ne sub- „ trahatur illa suavitas, & opprimat „ ista necessitas. *Aug.*


e Deceptum falsa inscriptione fuisse Licinianum autumant, qui nuper S. Hilarii opera ediderunt ex nostris: si- „ quidem, inquit, Hieronymus nusquam Hilarii in Job libellos commemorat; sed libro de Scriptoribus Ecclesiast. *Tractatus in Job: Apologia autem adversus Rufinum, ep. 101. ad Pammachium, & alibi, homilias in Job.* Verum fortasse libelli de Job Tractatus, Homiliæque, idem prorsus Hilarii opus significant. Fuisse satis de hoc argumento disserunt nostri in sua Præf. in nov. edit. ope- rum S. Hilarii n. 25. & 29.

f Vide quæ adnotavimus ad hanc e- pistolam ante Pastoralem. E. V.

g Hoc insigni honoris titulo compellabantur olim summi Pontifices & Epi- scopi, ut passim occurrit apud August. Hieronymum &c. Unum profero Enno- dium lib. 4. ep. 22. ad Symmachum Pa- pam: *Erigat parvulos implorata Coronæ vestræ miseratio.*



S A N C T I
G R E G O R I I P A P Æ
R E G I S T R I E P I S T O L A R U M

AN. CHR.
592. 593.
GREG. 3.


* Al. Liber
Indict. XI.

L I B E R * T E R T I U S

Mense Septembri Indictione XI.

E P I S T O L A I.

Ad Petrum Subdiaconum.

Epiphanium Subdiaconum mittit, qui de seditione in Paulum Episcopum commota inquirat. Ut illum in reos agentem adjuvet, absque ulla dilatione aut personarum acceptione, præcipit instantius. Ad civitatis Ecclesias revocanda mancipia.

Sup. Ind. 10.
Ep. 9, 10, 15.

Gregorius Petro Subdiacono Campaniæ :

^a **Q**uale ^a in castello Lucullano sit scelus in Paulum fratrem & coepiscopum nostrum commissum, directa nobis fecit relatio manifestum. Et quia his diebus Scholasticus vir magnificus, Campaniæ iudex, hic præsens inventus est, specialiter ei injunximus ut tantæ perversitatis insaniam districta debuisset emendatione corrigere. Sed quia nunc prædictæ relationis portior ^b nos ut personam dirigeremus, admonuit: ideo Epiphanium Subdiaconum illuc direximus, qui una cum ^c præfato iudice, a quibus excitata sit vel commissæ seditio, investigare ac cognoscere possit, & digna ultione vindicare. Experientia ergo tua ita tota virtute in hac causa solatiari festinet, quatenus & cognosci veritas, & in delinquentes valeat vindicta procedere. Quoniam igitur mancipia gloriosæ Clementinæ in eodem scelere interfuisse, & voces, quæ seditionem commoverent, jactitasse dicuntur: si ita est, districte ^d ea imminenti ultioni substerne, nec pro persona illius sit ve-

stra severitas remissior: quia tanto amplius ferienda sunt, quanto, utpote nobilis feminæ pueri, ex sola superbia deliquerunt. Sed & illud subtili vos oportet indagatione perquirere, utrumne prædicta femina in tanta habuerit sceleris immanitate consilium, aut si cum ejus est scientia perpetratum: ut quam sit periculosum non solum manibus, sed etiam in Sacerdotem verbis excedere, ex nostra cuncti possint defensione cognoscere. Si quid enim in hac causa lentatum fuerit vel omissum, ad tuam culpam actuum potius cognoscas pertinere periculum; nec aliquem apud nos excusationis locum invenies. Nam quanto te apud nos res ista, si districtissime fuerit perscrutata & emendata, commendat: tanto ^e si levigata fuerit, nostram contra te scito indignationem exacui.

Mancipia autem si qua de cætero in Monasterium ^f sancti Severini, vel in alia Ecclesia ejusdem castelli de civitate refugerint: mox ut ad notitiam tuam pervenerit; nul-

Vide infra
Ep. 15.

AN. CHR.
592. 593.
GREG. 3.
g

nullo modo illic ea immorari permittas, sed intra civitatem in Ecclesiam revocentur; & si s. justam contra dominos suos querelam habuerint, cum congrua ordinatione

de Ecclesiis exire necesse est. Si vero venialem culpam commiserint, dominis suis accepto de venia sacramento, sine mora reddantur.

N O T A D E P I S T. I.

a De Castro Lucullano jam dictum ad ep. 24. lib. 1.

b Norm. *nobis* ... *imminuit*. Corb. *nobis* *innuit*.

c Non est recentioris instituti iudices Ecclesiasticos & laicos de eodem simul negotio cognoscere, & ultione digna vindicare. Vide Conc. Aurel. IV. tempore Vigilii an. 545. c. 20. Matifcon. I. c. 7. & Gregorium Turon. Episcopum in libri 5. hist. cap. 5. & 48. *Guffanv.*

d Corrupte in ed. *Guffanv. eam imminenti*, &c. quasi Clementina vindictæ ac pœnæ subijcienda esset, non ejus mancipia. Scrupulum omnem tollunt quæ sequuntur verba: *tanto amplius ferienda sunt*, scilicet mancipia.

e Sic legere, non *si lentata*, ut habent editi, cogit MSS. Vatic. Norm. Corb. &c. consensus.

f Noricorum Apostoli cujus corpus

in Castrum Lucullanum translatum est, ubi in ejus honorem celebre ædificatum est monasterium. Consule Bollandum ad diem 8. Januarii.

g Possunt itaque servi juste adversus dominos suos conqueri, & ea de causa ad Ecclesiam confugere. Vide Aurelian. I. c. 3. Epauon. c. 34. & 39. Aurel. IV. c. 24. In cod. de *Judiciis lege Servus*, & leg. *Cum debitori*. Multis autem de causis servi ad libertatem proclamabant invitis dominis, ut tradunt Jureconsulti; vel certe ut aliis venderentur, excussa durioris domini potestate. Vide textum in Cod. luculentum; unde pudeant Christiani, qui famulos ægrotantes domo pellunt, nec de necessarii provident, quasi ad eos nihil pertinuerint. Habetur lib. 7. tit. 6. lege unica, §. *Sed scimus*. Istiusmodi servi derelicti libertate gaudebant invitis dominis. *Auget*.

E P I S T O L A II.

Ad Paulum Episcopum.

illum de accepta injuria consolatur.

Gregorius a Paulo Episcopo.

Licet non mediocriter nos contristaverit cognita, quam es perpeffus, injuria; habemus aliquam tamen consolationis materiam, quod laudem tuam huic rei inesse cognovimus: ob id quod pro æquitatis rectitudine hoc, quantum directa nobis patefecit relatio, pertulisti. Ut ergo ad majorem Fraternalitatis tuæ gloriam applicetur, hæc res constantiam tuam nec frangere, nec a via debet veritatis avertere. Nam major in Sacerdotibus merces est, in veritatis tramite etiam post injurias permanere. Ac ne tantæ impietatis insania inulta remaneat,

& in pejus indisciplina perniciosa prorumpat, Scholastico ^b viro magnifico Campaniæ judici, quia hic præsens inventus est, ut hæc digna coercitione vindicare debuisset, injunximus. Sed quia homines tui a nobis, ut personam ^c dirigere debuissimus, petiverunt: propterea Epiphanium Subdiaconum illuc nos transmississe cognosce, qui una cum superscripto judice investigare valeat, ac cognoscere veritatem: quatenus in eos a quibus tantum facinus immissum constiterit; vel perpetratum, sua instantia dignam faciat exerceri vindictam.

N O T Æ A D E P I S T . II.

AN. C H K.
592. 593.
GREG. 2.

a Hic erat Episcopus Nepesinus, cui vacantis Ecclesiæ Neapolitanæ visitationis curam commiserat Gregorius. Vide quæ de eo dicta sunt ep. 9. In-

dist. 10. *Guffanv.*

b In editis, *viro memorabili.*

c In vulgatis, *dirigeremus.* Sequimur unanimum MSS. consensum.

22422

E P I S T O L A III.

Ad Johannem Abbatem.

Bonifacii in Præpositum ordinationem probat. S. Johannis tunicam petit. In causa cum Floriano vult aliquid cedi, ut ad compositionem perducatur. Abbatem arguit quod tum ipse, tum fratres sacram lectionem & orationem negligant. Illum hortatur ad sollicitiorem de fratrum animabus, de hospitibus, ac de pauperibus curam.

Gregorius * Johanni Abbati.

Petiit Dilectio, tua ut frater Bonifacius in monasterio tuo a te debeat ordinari ^b Præpositus; quod ego valde miratus sum, quare ante factum non est. Nam ex quo illum tibi dari feci, jam eum ordinare debuisti.

^c De ^c tunica vero sancti Johannis omnino grate suscepi, quia sollicitus fuisti mihi indicare. Sed studeat Dilectio tua mihi ipsam tunicam, aut quod melius est, eundem Episcopum, qui eam habet, cum Clericis suis, & cum ipsa ad me transmittere: quatenus & benedictione tunicæ perfruamur, & de eodem Episcopo vel Clericis ^d mercedem habere valeamus. Causam vero, quæ cum Floriano vertitur, incidere volui, & jam ei vel octoginta solidos mutuos dedi. Quos ille, credo, disponit sibi pro monasterii debito recompensari, & omnino volo eandem causam decidi: quia Stephanus ^e chartularius dicitur imminere, ut eam prædictus Florianus in publicum transferat, & grave nobis est cum publico litigare. Unde necesse est nobis aliquid cedere, ut possimus eandem causam ad compositionem per-

ducere. Quod dum factum fuerit, Dilectioni tuæ, Deo auxiliante, nuntiabimus.

De fratrum vero animabus omnino esto sollicitus. Sufficiat jam quod opinio monasterii per vestram negligentiam inquinata est. Non frequenter foras egrediaris. In causis istis procuratorem institue, & tu ad lectionem atque orationem vaca.

De hospitalitate esto sollicitus; quantum potes pauperibus largire; ita tamen ut serves, quod Floriano restitui debeat.

In ipsis autem fratribus monasterii tui quos video, non invenio eos ad lectionem vacare. Unde considerare necesse est quantum peccatum est, ut ex aliena oblatione Deus vobis alimoniam transmiserit, & vos mandata Dei discere negligatis.

De sex vero uncis domus, si authenticam chartulam non videmus aut exemplaria, nil possumus facere, sed Florentino ^f Dei famulo præceptum transmissi, ut si ei veritas constiterit, easdem sex uncias vobis restituat. Quibus restitutis, reliquas sex uncias aut in emphyteosim damus, ^g aut redditus commutamus.

N O.

AN. CHR.

592. 593.

GREG. 3.

a Scilicet S. Lucie Syracuf. Vide ep. 39. lib. 7.

GGG

b Ex Regulæ S. Benedicti c. 65. de *Præposito monasterii*, melius addisces quomunere fungeretur, quam ex nota Guffanv. qui asserit ejus officium fuisse *servare pecuniam, & negotia procurare*.c Eam fuisse S. Johannis, Evangelistæ, & positam Romæ in basilica Constantiniana, & pluribus coruscasse miraculis, narrat in vita S. Gregorii Johannes Diaconus lib. 3. c. 59. *Guffanv.*d Merces quandoque opponitur damno. Cicero ad Lentulum lib. 1. ep. 9. *Non ita magna mercede, quam ego maximo dolore.* Infra ep. 31. *merces ponitur pro beneficio.* Gall. *un bon office.* Guffanv.

e De illo vide ep. 28. lib. 2. & 41. libri 5.

f Vatic. B. *Florentino defensori.* Vatic. A. & C. *Florentino simpliciter.*g Ita quatuor Vaticani Norm. Andeg. Editi vero, *aut in reditus commutamus.*

EPISTOLA IV.

Ad Bonifacium Episcopum.

Vitandum in operibus bonis humanæ laudis desiderium

a

Gregorius Benenato Episcopo a Regienfi.

QUIBUSDAM venientibus agnovi Fraternitatem tuam misericordiæ operibus vehementer insistere; atque omnipotenti Deo gratias retuli; quia juxta egregii prædicatoris vocem, tunc vivimus, si vos statis in Domino. Sed illud, fateor, non leviter mentem meam momordit, quod eadem opera multis vossipsi nuntiatis: ex qua re collegi, quod mens vestra non studeat Dei oculis, sed humano judicio placere. Unde necesse est, Frater carissime,

ut cum bona exterius agis, hæc interius cum magna cautela custodias: ne appetitus placendi hominibus subrepat, & omnis labor boni operis incassum fiat. Nos enim qui sumus, quibus placeri ab hominibus quæritur? Quid namque aliud quam pulvis & cinis sumus? Sed illi tua Fraternitas placere desideret, qui & non longe est, ut appareat; & omne quod retribuerit, finem nullo modo habebit. b Mense Octobri, Indictione undecima.

b

NOTÆ AD EPIST. IV.

a Norm. Corb. & Vatic. D. *Regitano.* Vatic. B. & Colb. *Regio vel Rhegio.* Vatic. A. *Rhegino:* B. *Presbytero Rhegio.* Rhegium urbs olim Brutiorum, nunc Calabriæ ulterioris caput, titulo gaudens Archiepiscopali, sedet in ora freti Siculi ex adverso Messanæ. Nominis

etymon affert Cassiod. Variar. lib. 12. ep. 14. *Rhegienses cives ultimi Brutiorum, quos a Sicilia corpore violenti quondam maris impetus segregavit, unde civitas eorum nomen accepit. Divisio enim, πῆγιον Græca lingua vocitatur.*

b Ita in Colb. & in Turon. S. Gat.

EPISTOLA V.

Ad Petrum Subdiaconum.

Ut viduam in omnibus causis ab iniquorum violentia tueatur:

Gregorius Petro Subdiacono Campaniæ.

a

Sicut in judiciis laicorum a privilegia turbare non cupimus, ita

cis præjudicantibus, moderata te volumus auctoritate resistere. Violentos

tos

tos namque laicos coercere, non contra leges est agere, sed legi ferre subsidium. Quia igitur Deusdedit gener Felicis de Orticello præsentium latrici violentiam dicitur irrogasse, præfatamque rem illicite detinere: itaut viduitatis ejus dejectione non misericordiam provocare, sed ejus inveniatur roborare malitiam: præcipimus experientiæ tuæ, ut tam contra præfatum virum,

quam in cæteris causis, in quibus se asserit præfata femina præjudicium sustinere, tuæ ei solatium tuitionis impendas: nec a quolibet eam prægravari permittas; ne vel ea quæ tibi, salva tamen æquitate, mandantur, in aliqua inveniariis parte negligere: vel viduis aliisque pauperibus, dum illic auxilium non inveniunt, ex hujus itineris profligentur longinquitate dispendia.

AN. CHR.
592. 593.
GREG. 3.
1773

NOTÆ AD EPIST. V.

^a Refertur extra de privilegiis c. 2. addito nobis post præjudicantibus, laicorum & Clericorum distinctæ cum sint jurisdictiones, suis quæque finibus debent contineri. Concessum est autem nostris Episcopis ab Imperatoribus & Regibus, pauperum, viduarumque op-

pressarum causas tueri. Sic in cod. de Episcopis audiendis, leg. 1. 10. 12. de Episcopis & Clericis leg. 28. 46. 49. Sed evidentius Concil. Matiscor. II. jussu Guntramni Regis, c. 12. & 14. Turon. II. c. 26. S. Greg. lib. 1. ep. 13. 59. Conc. Chalced. can. 5. Auget.

EPISTOLA VI.

Ad Johannem Episcopum.

Sacra cum communione privat, ob damnatum injuste Hadrianum Episcopum, quem in locum & ordinem suum restitui jubet.

Gregorius Johanni ^a Episcopo primæ Justinianæ.

^a ^{Inf. Ep. 7. 38.} ^{Joh. Diac. l. 4. c. 26.} ^b ^c Post longas tribulationes, quas Hadrianus ^b Thebanæ civitatis Episcopus a consacerdotibus suis, velut ab hostibus pertulit, in Romanam civitatem confugit. Et licet adversus Johannem ^c Larissæum Episcopum ejus fuisset prima suggestio, non ab eo in causis pecuniariis reservatis legibus judicatum; tamen post hæc magis contra personam Fraternitatis tuæ, a qua non juste se a sacerdotii gradu flagitabat esse dejectum, gravissime querebatur. Sed nos, indiscussis petitionibus non credentes, eadem quæ apud Johannem fratrem & coepiscopum nostrum, vel quæ apud Fraternitatem tuam sunt acta, relegimus. Et quidem de memorati Johannis Episcopi Larissæ judicio, quod fuerat appellatione suspensum, satis & piissimi

Tom. VII.

rerum domini, ad ^d Corinthi Episcopum missis jussionibus, decreverunt. Et nos quoque, per præsentium latores epistolis nostris ad præfatum Johannem Larissæum directis, Christo auxiliante decrevimus. ^e Cum vero diversi disceptationem judicii cujus examen tibi imperialia jussa tradiderant, & inspectam gestorum apud Johannem Episcopum de criminalibus habitorem seriem ventilavimus, reperimus prope nil te quod ad nominatas indictasque tibi causas attinuit, exquisisse: sed machinationibus quibusdam testes adversus Demetrium Diaconum in damnationem ejusdem Episcopi produxisse; qui eum de illo, quod nec audiri fas est, testimonium dicentem se audivisse perhiberent. Quod dum præfatus Demetrius contradiceret se dixisse,

X

xisse,

AN. CHR.
592. 593.
GREG. 3.

663
f

g

h

xisse, adversus sacerdotalem morem disciplinamque canonicam, dejectum honore suo Diaconum Proconsuli provinciæ^f tradidisse. Qui cum multis laniatus verberibus, adversus Episcopum suum forsan aliqua potuisset tormentorum necessitate mentiri; usque ad finem negotii nihil eum de quibus interrogabatur penitus invenimus fuisse confessum. Sed nec alia in gestis ipsis, sive per depositionem testium, sive per Hadriani professionem, quod ei potuisset obesse reperimus. Sed tantum Fraternitas tua nescio quo mentis motu, divino humanoque jure contempto; abruptam protulit in ejus damnatione sententiam: quæ licet non esset appellatione suspensa, contra leges tamen canonesque prolata, ipsa non poterat jure subsistere. Postquam autem ex abundanti appellationem tibi constat esse porrectam, mirati sumus cur nec homines tuos secundum cautionem Honorato Diacono nostro per responsales tuæ Ecclesiæ expositam, qui tui judicii rationem potuissent reddere, transmisisti. Quod factum te vel de contumacia vel de conscientie trepidatione redarguit. Si igitur hæc quæ nobis^h oblata sunt, veri-

tate vallantur: quoniam occasione vicij nostrarum consideramus i vos injusta præsumere: de his alias secundum id quod a nobis deliberatum fuerit, Christo auxiliante decernemus.

Quod vero ad præsens attinet, castatis prius atque ad nihilum reductis prædictæ sententiæ tuæ decretis, ex beati Petri Principis Apostolorum auctoritate decernimus, triginta dierum spatio te sacra communione privatum, ab omnipotenti Deo nostro tanti excessus veniam cum summa pœnitentia a lacrymis exorare. Quod si hanc sententiam nostram te cognoverimus implexisse remissius, non jam tantum injustitiam, sed & contumaciam Fraternitatis tuæ cognoscas, adjuvante Domino, severius puniendam. Præfatum vero Hadrianum fratrem & coepiscopum nostrum ex tua sententia, ut diximus, nequaquam canonibus neque legibus existentem damnatum, in suum locum atque ordinem reverti Christo comitante disponimus, ut nec illi Fraternitatis tuæ noceat contra justitiæ tramitem prolata sententia: nec caritas tua pro placanda futuri indignatione judicis, incorrecta remaneat.

NOTÆ AD EPIST. VI.

a Justiniana prima nunc Loctida, urbs Archiepiscopalis in Macedonia, Justiniani patria, a quo nomen accepit. Vide not. Guffanv. ad ep. 23. lib. 2.

b Thebæ Phthioticæ, vulgo, *Ziton*, urbs Thessaliæ in Græcia, Episcopalis, olim in Phthiotide regione ad sinum Pelagicum, vulgo *Golfo dell' Armiro*, e regione Demetriadis. Suberat Metropolitæ Larissæ, sed post Archiepiscopalis facta est. Guffanv.

c Larissa, vulgo adhuc *Larezza*, urbs Mediterranea, Thessaliæ olim Metropolis, ad Penæum fluvium in Pelagiotide regiuncula, inter Pierium montem ad Boream, & Pelagicum sinum ad Austrum: adhuc urbs ampla est sub dominio Turcarum. De hac autem intelligendus est S. Gregorius, non de alia

Larissa Thessaliæ quidem, sed Phthiotidis regionis maritima, inter sinus Malliacum & Pelagicum, quæ non erat Episcopalis. Guffanv.

d Vide not. ad ep. 26. lib. 1.

e Sic restituimus ope MSS. Norm. Rem. Vatic. Certe vulgatorum lectio sensu caret: *decevimus, cum diversi disceptatione judicii, cujus examinationem tibi imperialia jussa tradiderant; & inspecta gestorum . . . habitum scite ventilatis, reperimus &c.*

f Tres Vaticani tradidisti, vel tradidisti. Cæterum vide in digest. tit. de quæstionibus. In Codic. libr. 9. tit. 41. excipiuntur jure scripto a tortura illustres, milites, doctores, clerici, nisi sint infames; seniores, minores &c. In Gallia pauci excipiuntur, si gra-

si gravant indicia, etiam in foro Ec-
clesiastico, modo crimen sit atrox. *Auget:*
g Promissionem aut scripto datam,
aut verbo.
h Vulgati, aperta. In Norm. legimus

sic igitur hæc . . . veritate vallantur.
Quoniam &c.
i In Norm. nos injusta præsumere.
Vitiose, nec saniori sensu in tribus Va-
tic. nos injusta non præsumere.

A. N. CHR.

592. 593

GREG. 3.

2778

E P I S T O L A VII.

Ad Johannem Episcopum.

Iniquam Hadriani damnationem Johannis Metropolitanæ machinationibus procuratam fuisse ostendit, ex judicii ordine. Hunc exinde ab omni in illum jurisdictione abstinere statuit, & sacre communionis, nisi pareat, privationem minatur.

Gregorius Johanni Episcopo Larissæo.

Sup. Ep. 6.
Grat. caus.
16. 9. 1. 6. 52.

FRater noster Hadrianus, Thebanæ civitatis Episcopus, ad Romanam urbem veniens, lacrymabiliter est conquestus de quibusdam capitulis se a Fraternitate tua, necnon a Johanne primæ Justinianæ Episcopo, non legitime neque canonicè condemnatum. Cumque per diuturnum tempus nullam diversæ partis videremus huc advenire personam, quæ ejus debuisset objectionibus respondere, necessario cognoscendæ veritatis intuitu, ea quæ penes vos acta sunt, relegenda tradidimus. Ex quibus cognovimus Johannem atque Cosmam Diaconos, unum pro lubrico corporis, alterum pro fraudibus Ecclesiasticarum rerum proprio depulso officio, de pecuniariis ^a criminalibusque capitulis adversus eum piissimis nostris Imperatoribus suggestisse. Qui per iussiones suas te voluerunt, servata videlicet juris canonumque districtione, cognoscere: itaut de pecuniariis quidem ferres firmam jure sententiam: de criminalibus vero, eorum clementiæ habita subtilius examinatione suggereres. Quod si tam rectas iussiones tua Fraternitas rectis quoque mentibus accepisset, nunquam viros pro suis excessibus proprio amotos officio, atque ^b jam inimicantis animi, ad accusationem passim sui suscepisset Episcopi: ma-

xime cum ex suggestionem piissimis dominis oblata, eorum sit detecta fallacia; quia cum consensu omnium clericorum hæc contra suum Pontificem se suggestisse professi sunt.

Post hæc tamen, ut breviter quædam strictimque quæ apud te sunt acta percurram, primum capitulum penes Fraternitatem tuam motum est Stephani Thebani Diaconi: cujus vitam quasi sciens turpissimam Hadrianus Episcopus, non cum sui ordinis honore privaverat. Quod capitulum nullus deductorum testium ad Hadriani Episcopi dicit pervenisse notitiam: nisi quod solus Stephanus turpis vitæ suæque professione damnabilis, dicitur esse confessus. Secundum capitulum adversus eum videtur esse propositum, de infantibus ejus jussu a sacri baptismatis susceptione prohibitis, atque ita inabluta forde peccati defunctis in tenebris. Sed nullus adversus eum deductorum testium confessus est nosse se tale aliquid ad Hadriani Episcopi pervenisse notitiam: sed a matribus infantum, quarum viri remoti pro culpis, ut dicitur, ab Ecclesia fuerant, se cognovisse dixerunt. Sed nec ^c in baptizatos eos mortis tempus professi sunt occupasse, sicut accusatorum continebat invidiosa suggestio: cum ^d in Demetriade civitate baptizatos eos esse constiterit. Et

X 2

hæc

AN. CHR.
592. 593.
GREG. 3.

1693

hæc quidem de criminalibus causis. De pecuniariis vero qualiter a te fuerit iudicatum, inquisitio deputatorum a Principe virorum piissima iussione serenissimis Principibus attestatur. Nam cum tuam sæpe fatus Hadrianus suspendisset appellatione sententiam, quantum ex quatuor testimonium depositionibus apud Johannem primæ Justinianæ Episcopum prolatis agnovimus, arctissima detrusus custodia, libellam in quo objecta sibi confiteretur capitula, tua coactus est Fraternitate porrigere. Qui quidem in porrecto a se libello de pecuniariis invenitur tuæ consensisse sententiæ. Criminalia vero medio quodam dubioque verborum calle transcurrit, ut & tua quibusdam subjectis nebulis frustraretur intentio, & ipse porro nimis a confessione, & perplexæ locutionis obscuritate refugeret. Cumque porrecta appellatio per homines ejus, cæteraque quæ penes te gesta sunt, piissimis fuissent deportata Principibus, deputatis, ut diximus, Honorato Diacono Sedis nostræ, & Sebastiano glorioso ^fantigrapho, cunctisque examinatis subtiliter, a serenissimis est dominis ab omnibus iussionibus absolutus. Sed nescio quibus machinationibus exquisitis, alia rursus est Principalis iussio elicitæ: ut de cunctis ante factis capitulis Johannes primæ Justinianæ Episcopus requirens subtiliter iudicaret. In cujus iudicio omnes Clerici Hadriani Episcopi, & Demetrius Diaconus inter tormenta professus est, omnem hanc contra Hadrianum Episcopum calumniam, fraternitatis tuæ machinatione confectam. Nec aliqua de capitulis ipsius, quæ in tua audientia criminaliter objecta fuerant, Hadriano Episcopo sunt probata. Sed provenit alia contra canones ac leges in Demetrium Diaconum ejus aliasque personas crudelis atque dolosa di-

scussio, in qua & nihil pene reperi-
tum est, ex quo sæpe memoratus
Hadrianus damnari legitime debuisset, sed magis ex quo potuisset
absolvi. Sed de Johanne primæ Jus-
tinianæ urbis Antistite, ac de ne-
quissimo ejus damnandoque iudicio
alias sumus juvante Domino tracta-
turi. Hadrianum vero Episcopum
reperimus, & tuo contra sacerdo-
tales mores odio laborasse, & nul-
lo jure pecuniariis in causis eum
Fraternitatis tuæ condemnatum fuisse
sententia.

Quia igitur & ab ante fato Jo-
hanne primæ Justinianæ Episcopo con-
tra jus canonesque depositus, ho-
noris sui gradu carere non potuit,
in sua eum reformari Ecclesia, atque
in propriæ dignitatis ordinem decre-
vimus revocari. Et cum oportuisset
te ex eo Dominici corporis com-
munionem privari, quod admonitione
sanctæ memoriæ decessoris mei con-
temta, per quam eum Ecclesiam-
que ejus de tuæ jurisdictione pote-
statis exemit, rursus in eis aliquid
tibi jurisdictionis servare præsumse-
ris: tamen nos humanius decernen-
tes, communionisque tibi sacramen-
tum interim conservantes, decerni-
mus ut Fraternitas tua ab eo Eccle-
siaque ejus, omnem ante habitæ suæ
potestatem jurisdictionis abstineat,
sed secundum scripta decessoris no-
stri, si qua causa vel fidei, vel
criminis, vel pecuniaria adversus præ-
fatum Hadrianum consacerdotem no-
strum potuerit evenire, vel per eos
qui nostri sunt vel fuerint in urbe
regia Responsales, si mediocris est
quæstio, cognoscatur: vel huc ad
apostolicam Sedem, si ardua est,
deducatur: quatenus nostræ audien-
tiæ sententia decidatur. Quod si con-
tra hæc quæ statuimus, quolibet
tempore, qualibet occasione, vel sur-
reptione venire tentaveris, sacra
scias te communionem privatum: nec
eam te, excepto ultimo vitæ tuæ
tem-

8

Joh. Diac. l.
4. c. 26.
Grat. 26. c.
16. q. 1 c. 52.

^h tempore, ^h nisi concessa Romani Pontificis decernimus jussione percipere. Hæc enim consona sanctis Patribus definitione sancimus; ut qui sacris nescit obedire canonibus, ⁱ nec sacris administrare, vel communionem capere sit dignus altaribus. Res autem sacras sive alias mobiles immobilesque ejus Ecclesiæ,

quas hætenus ^k dicitur retinere, quarum notitiam nobis oblatam præsentibus anneximus litteris, sine aliqua ei dilatione Fraternitas tua restituat. De quibus si qua inter vos quæstio vertitur, volumus ut apud Responsalem nostrum in urbe regia ventiletur.

AN. CHR.

592. 593.

GREG. 3.

169
k

NOTÆ AD EPIST. VII.

a Vide Nov. 83. de pecuniariis, & criminalibus Clericorum causis.

b Pro hac voce quæ in omnibus Vatic. Norm. &c. legitur, editi habent, *immutabilis animi*.

c Quatuor Vaticani, inablutos.

d Demetrias, vulgo *Dimitriada*, urbs Thessaliæ in sinu Pelagico, & in Magnesia regione, olim Episcopalis, sub Larissæ Metropol.

e Sic emendandum judicavimus, prælucente Vatic. A. Certe *imperplexæ*, quod habent vulgati, non convenit cum his quæ præcesserunt: *medio quodam dubioque verborum calle transcurrit*.

f In Vatic. A. C. *antigraphæo*. Suf-

fragantur Normanni. De hac dignitate vide lib. 1. ep. 29. Consule quoque Glossaria Cangii tum Latinum tum Græcum.

g Melius fortasse in Norm. & Reg. *nihil penitus*.

h Vatic. A. & C. *nisi cum concessa*. Norm. *nisi concessam* &c.

i Guffanvil. putat sic legendum; *nec communionem capere, nec sacris administrare dignus sit altaribus*. Clara est nostra lectio, quam ex MSS. Vatic. Norm. &c. eruimus.

k Vulgati, *diceris*. Optime legitur in MSS. *dicitur*, scilicet, *fraternitas tua*.

EPISTOLA VIII.

Ad Natalem Archiepiscopum.

Florentium Episcopum, absque concilii judicio depositum, ab exilio revocandum; causamque illius, convocatis Episcopis, retractandam.

Gregorius Natali Archiepiscopo Salonitano.

Joh. Diac.
lib. 4. c. 28.

DUm cuncta negotia indagandæ sollicitudine veritatis indigeant, tum quæ ad dejectionem sacerdotalium graduum pertinent, districtius sunt trutinanda: in quibus non tam ^a de humilibus constitutis, quam divinæ quodammodo benedictionis refragatione tractaur. Quæ res quoque nos in Florentii ^b Epidauritanæ civitatis Episcopi persona ad exhortationem vestræ Fraternitatis admonuit. Nuntiatum siquidem nobis est, a quibusdam fuisse eum in causis criminalibus accusatum: & nullis canonicis probationibus exquisi-

tis, nec sacerdotalis concilii ^c proveniente judicio, cum ab honoris officio ^d non jure, sed auctoritate depositum. Quia ergo non potest quemquam Episcopatus gradu, nisi justis ex causis, concors Sacerdotum summovere sententia: hortamur Fraternitatem vestram, ut præfatum virum ex eodem, in quo detrusus est, ejici faciatis exsilio, causamque ejus Episcopali disceptratione perquiri. Et si in his in quibus accusatus est, canonica fuerit probatione convictus, canonica proculdubio est ultione plectendus. Quod si alias,

c

d

^a
Infr. Ep. 9.

b

AN. CHR.

592. 593.

GREG. 3.

2673

c

f

lias, quam de eo æstimatum est, ^c synodali fuerit inquisitione comper-
tum, necesse est ut & criminatores
justi distractionem juris exhorreant,
^f & in criminato innocentia suæ ser-
ventur illibata suffragia. Exsecutionem
vero ante fati negotii Anto-

nino Subdiacono nostro ex nostra
præceptione mandavimus: quatenus
ejus instantia & quæ sunt legibus
canonibusque placita decernantur; &
decreta, juvante Domino, manci-
pentur effectui.

N O T Æ A D E P I S T. VIII.

a In excusis, *de humanis*, Sequimur
Corb. Norm. &c.

b Epidaurus, Gall. *Raguze*, urbs
Dalmatiæ maritima, nunc sui juris &
Reipublicæ caput, Turcis tamen tribu-
taria. Ibi emporium celebre cum arce
valida S. Laurentii. Olim tantum Epi-
scopalis erat sub Sirmienti occidenta-
lis Illyrici Metropolitano, hodie vero
Archiepiscopalis. Horrendo terræ mo-
tu valde est desolata an. 1667. Huic
Reip. parent urbes nonnullæ cum in-
sulis aliquot adjacentibus. *Guffanv.*

c Excusi, *præveniente judicio*.

d Quia nempe eum ab Episcopali

gradu non justis ex causis concors Sa-
cerdotum in Synodo sententia summo-
verat. Opus enim est synodali in-
quisitione, Episcopali disceptatione, pro-
batione canonica. Idipsum epistola se-
quente repetit verbis apertissimus. *Guff.*

e Episcopos a Synodis judicari, ca-
nonibus cautum est aut certe a 12. Epi-
scopis, ut Leo IV. agnoscit ep. ad Epi-
scopos Britannia. Idque juxta cano-
nem 12. Concil. Carthag. *Guffanv.*

f Non Junium modo, sed & Apu-
lejum & Ciceronem voce *criminos* pas-
sive usos fuisse docent Grammatici.

E P I S T O L A IX.

Ad Antoninum Subdiaconum.

*Ut Florentio, si a convocatis Episcopis absolvatur, res suas
omnino restitui curet.*

Gregorius Antonino Subdiacono.

Pervenit ad nos Florentium E-
pidauritanæ civitatis Episco-
pum, præreptis prius rebus ejus,
pro quibusdam non approbatis cri-
minibus, sine sacerdotali concilio
fuisse damnatum. Et quia non de-
bet is pœnam sustinere canonicam,
in cujus damnatione non est cano-
nica prolata sententia: præcipimus
Experientiæ tuæ, ut Natali fratri &
coepiscopo nostro debeas imminere,
quatenus supradictum virum de eo-
dem ejici faciat, quo nunc dicitur
detrusus exsilio, ^a Convocatoque E-

Grat. 11. 9.
1. 6. 64.

a

piscoporum concilio, si hæc in qui-
bus accusatus est, canonice fuerint
approbata, præfati Natalis fratris
& coepiscopi nostri volumus in eum
proprium robur obtinere sententiam.
Sin autem generali fuerit judicio
absolutus, nec eum deinceps cujus-
libet præjudicio subiacere permit-
tas, & præfata res restricta tuæ so-
licitudinis restituantur instantia. Ne-
cesse est ergo ut quanto graviora
talium negotiorum perpendis pon-
dera, tanto ea maturiori vigilantio-
rique studeas exsecutione complere.

N O T Æ A D E P I S T. IX.

a Nondum in Sedem restitutus erat
Florentius mense Februario Ind. 1. Vi-

de lib. 8. ep. 10.

E P I S T O L A X.

Ad Savinum Subdiaconum.

A N. C H R.

592. 593.

GREG. 3.



Ut Evangelii quatuor libros, sic quatuor concilia suscipit ac veneratur Gregorius. Chalcedonensis fidem in quinta Synodo violatam non fuisse declarat. Savino proinde ad Ecclesiæ unitatem remeandum.

Gregorius Savino Subdiacono.

*Joh. Dide.
lib. 1. c. 59.*

Lib. 4. Ep. 4.

2

b

EXeuntes maligni homines turbaverunt animos vestros, non intelligentes neque quæ loquuntur, neque de quibus affirmant, adstruentes quod aliquid de sancta Chalcedonensi synodo piæ memoriæ Justiniani temporibus sit imminutum, quam omni fide omnique devotione veneramur. Et sic ^a quatuor synodos sanctæ universalis Ecclesiæ, sicut quatuor libros sancti Evangelii recipimus. ^b De personis vero de quibus post terminum synodi aliquid actum fuerat, ejusdem piæ memoriæ Justiniani temporibus est ventilatum: ita tamen, ut nec fides in aliquo violaretur, nec de eisdem per-

sonis aliquid aliud ageretur, quam apud eandem sanctam Chalcedonensem synodum fuerat constitutum. Anathematizamus autem si quis ex diffinitione fidei, quæ in eadem synodo prolata est, aliquid imminuere præsumit, vel quasi corrigendo ejus sensum mutare: sed sicut illic prolata est, per omnia custodimus. Te ergo, fili carissime, decet ad unitatem sanctæ Ecclesiæ remeare, ut finem tuum valeas in pace concludere: ne malignus spiritus, qui contra te per alia opera prævalere non potest, ex hac causa inveniat unde tibi in die exitus tui in adiuturum regni cœlestis obstat.

N O T Æ A D E P I S T. X.

^a Vide ep. 25. lib. 1.

^b Quid de illis actum sit, diximus ad ep. 51. lib. 2. Porro vide quam sit ingeniosa caritas, quantum unionis studium, & schismatis odium; quandoquidem veritatem quasi obscurat superinducto malagmate, ut istius Subdiaconi mentem emolliens Ecclesiæ confociet. Lege ep. 39. lib. 4. ad Constantium, ubi ait de his modo personis actum, de quibus nihil in Chalcedonensi Concilio continetur. *Guffanv.* Quod hic docet Gregorius, iisdem pene verbis legitur lib. 4. ep. 39. Sensus

S. Doctoris est, ad Concilium Chalcedonense non pertinere quidquid extra aut ultra fidei definitionem statutum est de personis aut aliis negotiis. Eadem est Pelagii II. doctrina, maxime ep. 3. ad Eliam & ad alios Istricæ Episcopos, quam a Gregorio scriptam diximus supra. Porro præcipua non recipiendi pro Chalced. Concilio quædam in ultimis actionibus sancita, ratio fuit, quod vel absentibus, vel repugnantibus Legatis apostolicis, nec approbante S. Leone, fuerint constituta.

A. N. CHR.

592. 593.

GREG. 3.



E P I S T O L A XI.

Ad Ordinem & plebem Albanensem.

Ordinatum ipsis Episcopum.

a

Gregorius Ordini, & plebi consistentibus in ^a Albano.

b

Probabilibus ^b desideriis nihil attulimus tarditatis; fratrem namque & coepiscopum nostrum Honorem vobis ordinavimus Sacerdotem. ^c Mense Novembri, Indictione XI.

c

N O T Æ A D E P I S T. XI.

^a Albanum, vulgo *Albano*, civitas Latii, quæ crevit ex Albæ longæ rudibus, distatque ab urbe Roma 14. mill. pass. unus est e sex Episcopatibus Cardinalibus antiquioribus tribui solitis. *Guffanv.*

^b Id est probatis, bonis, laudabilibus.

bus. Vincent. Lirin. Commonit. 1. c. 4. & Commonit. 2. c. 1. Christianum Catholicum in quæstionibus vult interrogare sententias eorum qui *Magistri probabiles exstiterunt.*

^c Ita Turon. S. Gat. & Colb. vet.

E P I S T O L A XII.

Ad Maximianum Episcopum.

Agrigentini Episcopi accusatores & ad ejus causam spectantia documenta Romam mittat.

Gregorius Maximiano Episcopo Syracusano.

a

Pridem quidem Fraternitati vestræ scripseram, ut eos qui adversus Gregorium Episcopum Agrigentinæ civitatis aliqui dixerant, ad Romanam civitatem transmittere deberetis. ^a Quod & nunc ut instantius fieri debeat, præsentibus adhortamur epistolis. Unde personas ipsas, cæteraque documenta, id est

gesta & petitiones, quæ data sunt, festinate cum celeritate transmittere. Nec moram aliquam excusationemque perquiri penitus permittimus: quatenus eis in Romanam, sicut diximus, civitatem sub celeritate transmissis, sciamus quid auxiliante Domino, de persona salubrius ejus disponere debeamus.

N O T Æ A D E P I S T. XII.

^a Gregorium Agrigentinum & Leonem Catanensem Episc. Romam venire jusserat Gregorius Mag. Indict. 1x. lib. 1. ep. 72. Catanam omnino purgatus

redit Leo. Indict. x. lib. 2. ep. 33. Romæ accusatores suos exspectat Gregorius Agrigentinus.

E P I S T O L A XIII.

Ad Agnellum Episcopum.

AN. CHR.

592. 593.

GREG. 3.

6673

Agnellum Terracinenſi Eccleſiæ ita præſcit, ut Fundenſis Eccleſiæ jura poteſtatemve illi non ſubtrahat.

Inf. Ep. 14. Gregorius Agnello Epifcopo ^a de Fundis, ^b qui nunc in civitate incar-
dinatus eſt Terracinenſi.

²
^b

Grat. 21. 9.
x. c. 5.

Relatio cleri ſimul & populi Ter-
racinæ degentis nos valde læ-
tificat, ob hoc quod de tua Frater-
nitate bona teſtatur. Et quia de-
functo Petro Pontifice ſuo te ſibi
Cardinalem poſtulant conſtitui Sa-
cerdotem, eorum vota neceſſario
complenda eſſe prævidimus: quate-
nus & illi ſe gaudeant impetraſſe
quod poſtulant, & nos conceſſiſſe
quod expedit, videamur. Quia igitur
ob cladem hoſtilitatis nec in ci-
vitate nec in Eccleſia tua eſt cui-
quam habitandi licentia: ideo te au-
thoritate noſtra Terracinenſi Eccleſiæ
Cardinalem conſtituimus Sacerdotem;
admonentes, ut ita de animabus po-
pulorum illic conſiſtentium, Deo
protegente, debeas eſſe ſolicitus:
quatenus callidi perverſique hoſtis
inſidiæ commiſſo tibi gregi qualibet
arte nocere non valeant; ſed ſolici-
tudinis tuæ grex circumſcriptus cu-
ſtodia, digni ſe paſtoris gaudeat me-
ruiſſe tutamina. In tuiſ actibus plebi
exempla bene vivendi exiſtant, a-
varitia in te vires non habeat. Tua
prædicatione qui litteras neſciunt,
quid divinitus præcipiatur agno-
ſcant. In Dei timore populum, quem-
admodum vivere poſſit, tui mores
inſtituant. Operibus exerce quod ſub-
jectos doces, & prædicas. Actus

tui in aliorum correptionem proſi-
ciant, in adiutorium ſibi vitæ tuæ
imitationem aſſumant. Sicque te in
cunctis operibus exhibere feſtina, ut
ſcripturam ^c conſtructionemque in
te habeat, quicumque aut negligit,
aut non poteſt lectione formari. Tota
igitur mentis intentione ita lucrum
animarum Domino noſtro facere fe-
ſtinato, ut digna te merces ante
ejus conſpectum in die retributio-
nis inveniat. Quidquid vero de
prædictæ rebus Eccleſiæ, vel ejus
patrimonio, ſeu cleri ordinatione
promotioneve, & omnibus genera-
liter ad eam pertinentibus, ſoler-
ter atque canonice ordinare facere-
que provideris, liberam habebis,
quippe ut Sacerdos proprius, mo-
dis omnibus facultatem.

Illud quoque Fraternitatem tuam
ſcire neceſſe eſt, quoniam ſic te
prædictæ Terracinenſis Eccleſiæ ^d
Cardinalem eſſe conſtituimus Sacer-
dotem, ut & Fundenſis Eccleſiæ
Pontifex eſſe non deſinas, nec curam
gubernationemque ejus prætereas,
quia ita Fraternitatem tuam ſæpe
dictæ Terracinenſi Eccleſiæ, ſicut
præfati ſumus, præeſſe præcipimus,
ut ante dictæ Fundenſis Eccleſiæ ti-
bi jura poteſtatemve nullo modo ſub-
trahamus.

Grat. Ibid.
c. 6.

^d

N O T Æ A D E P I S T. XIII.

^a Vulgo *Fondi*, urbs adhuc Epifco-
palis in Latio.

^b Hæc & quæ ſequuntur ad inſcri-
ptionem pertinentia deſunt in MSS.
Norm. in Rem. & duobus Teller. Ex-
ſtant in tribus Vatic.

Tom. VII.

^c Vatic. A. *conſcriptionemque*. Alia
leſtio eſt Norm. Turon. &c.

^d Prioribus ſeculis, ſi vocem ſpectes,
iidem dicebantur Epifcopi qui Presbyte-
ri, apud Græcos & Latinos auctores,
ne exceptis quidem ſacris codicibus.

^y

Vide

AN. CHR. Theodoret. initio epist. ad Philip. & in 592. 593. cap. 3. primæ ad Timoth. Act. 20. vers. GREG. 3. 17. Vix apud S. Gregorium nomine presbyteri Episcopus designatur; sæpius nomine Sacerdotis. Porro Cardinalis Sacerdos idem ac proprius, quasi titu-

lo perseveranter affixus. S. Gregorio & aliis passim, *incardinare* est proprium Episcopum, Abbatem, Presbyterum, Diaconum in aliqua Ecclesia institue- re. Vide l. 1. ep. 15. l. 9. ep. 9. 10. 86. l. 10. ep. 3. l. 12. Ep. 11. l. 13. ep. 36.

E P I S T O L A XIV.

Ad Terracinenses.

Hortatur ut Agnello Episcopo suo in omnibus obediant.

Sup. Ep. 13.

Gregorius Clero, Ordini, & plebi consistenti in Terracina.

Dilectionis vestræ desideria insi- nuata nobis, quam obtulistis, petitio referavit, electionemque vestram valde laudavimus: quia Agnellum fratrem & coepiscopum nostrum probatum jam meritis, Cardinalem vobis constitui deprecamini Sacerdotem. Et quoniam gratæ laudandæque petitioni nec effectum negari, nec moram oportebat innecti, secundum desideria postulationemque vestram supra dictum Agnellum,

directa præceptione, Ecclesiæ vestræ Cardinalem esse statuimus Sacerdotem. Pro qua re Dilectionem vestram paterna adhortatione commoneo, ut ei obedientiam præbere in omnibus debeatis: quatenus caritatis vestræ solatio roboratus, curam gubernationemque Ecclesiæ quam vobis probatur petentibus suscepisse, adjuvante Domino salubriter valeat adimplere. ^a Mense Decembri, Indictione XI.

a

N O T Æ A D E P I S T. XIV.

a Ita legitur in Turon. S. Gat.

E P I S T O L A XV.

Ad Scholasticum Judicem.

Cum Florentius Subdiaconus a Neapolitanis electus Episcopatum fuga declinarit, de alio eligendo cogitandum.

Gregorius Scholastico ^a Judici Campaniæ.

a

Supra ep. 1.
Joh. Diag.
l. 3. c. 8.

b

c

d

Dum de Neapolitanæ civitatis cura destitutæ Sacerdotis solatio vehementius angeremur, supervenientes præsentium latorum cum decreto in Florentium Subdiaconum nostrum confecto, aliquid nobis in tanto cogitationum pondere relevationis ^b invenerant. Sed dum præfatus subdiaconus noster refugiens civitatem ipsam, ordinationem suam lacrymabiliter ^c evitasset, quasi ex majori ^d quadam dispensatione nostram co-

gnosce crevisse mœstitiam. Atque ideo salutantes hortamur Magnitudinem vestram, ut convocantes priores vel populum civitatis, de electione alterius cogitetis, qui dignus possit cum Christi solatio ad sacerdotium promoveri. In quo decreto solemniter facto, atque ad hanc urbem transmissa ordinatio illic tandem, Christo auxiliante, proveniat. Sin autem aptam non invenitis, in quam possitis consentire per-

personam: saltem tres viros rectos ac sapientes eligite, quos ad hanc urbem generalitatis vice mittatis, quorum & iudicio plebs tota consentiat. Forſitan huc venientes, præſtante Dei miſericordia, talem reperient, qui vobis Antiſtes irrepre-

henſibiliter ordinetur: quatenus deſtitutæ civitati veſtræ nec intrinſecus actuum ſuorum deſit inſpector, nec extrinſecus adhibita ſolicitudine Sacerdotis, hoſtilibus aditus præſtetur inſidiis.

AN. CHR.

592. 593.

GREG. 3.

6733

NOTÆ AD EPIST. XV.

a In nonnullis ed. *Duci Campania*.
b Vatic. C. *innuerant*. Conſentiunt excuſi.
c Alias, *evafiſſet*, ut ferunt editi.

Noſtra lectio eſt quatuor Vatic. omnium Norm. Reg. &c.

d In excuſis, *deſperatione*, quibus fa-vent nonnulli MSS.

EPISTOLA XVI.

Ad Petrum Episcopum.

Valerianum Presbyterum pro redemptione captivorum advenientem commendat.

Gregorius Petro Episcopo ^a de Baricis.

a

Licet Fraternitatem tuam piis ſe-
cauſis non dubitemus ſponte im-
pendere: verum tamen proniore m-
eam noſtra fieri arbitramur epiſtola;
idcirco præſentibus tibi indicamus
apicibus, horum latorem Valerianum
Presbyterum pro redemptione capti-
vorum in illas partes adveniſſe: cui
tanto enixius in omnibus debetis fer-

re ſolatium, quanto eum ^b mercede
intentione longinqui itineris la-
borem aſſumſiſſe cognoſcitis. Sic enim
& hic quod intendit, te adjuvante,
perficiat; & Fraternitas tua pro im-
penſo ſolamine magnam apud Deum,
ſicut deſiderat, retributionem in-
veniet. ^c Menſe Januario, Indictio-
ne XI.

b

c

NOTÆ AD EPIST. XVI.

a In MSS. & in editis diſcrepat hu-
jus ep. inſcriptio. In Norm. Rem. &
cæt. antiq. legitur tantum: *Petro Epi-
ſcopo*. In Vatic. A. ep. *Bauricis*, In B.
& C. ep. *Bancis*, conſentientibus Colb.
In Andegav. ep. *de Bancis*. In ed. Rom.
ep. *de Vibicis*. Lege ſeq. notam Guſ-
ſanv. *De Baricis*. Sic lego ex codicibus
MSS. Moiffiac. Cluniac. Ciſterc. Sor-
bon. Viſtorino & aliis, ex quibus ali-
qui legunt *de Barcis*. Concordant edi-
tiones antiquæ Veneta 1504. Pariſien-
ſes 1508. 1518. 1586. Lugdunenſis 1539.
& aliæ. In poſterioribus editionibus le-
gebatur *de Vibicis*, quod unde irreple-
rit non video. *Baricis* autem corrupte
dicitur pro *Barce*, a qua Barcæi po-
puli, quos corrupto ſermone Afri *Bar-
ricianos* vocant, inquit S. Hieronymus
epiſt. 129. ad Dardanum, licet in vul-

garibus editionibus S. Hieronymi ha-
beatur *Barcianos*. Verum ex emenda-
tione Eraſmi legendum *Baricianos*, ſic-
ut & ex editionibus S. Hieronymi Ro-
mana 1470. Veneta 1488. Lugdunenſi
1508. & 1513. Sic etiam habetur in
codd. S. Viſtoris Pariſ. S. Theodorici
Remenſis, & duobus viri clariffimi Clau-
dii Joly Cantoris Pariſienſis. Fuit au-
tem *Barce* olim civitas Africæ, metro-
lis Libyæ, Ptolemais etiam appellata,
a Scipione Africano poſt devictam Afri-
cam populo Romano tributaria facta.
Sidonius Apoll. carmine 7.

*Quæ captiva dedit quondam ſipen-
dia Barce.*

Hodie dicitur *Barca*, eſtque regionis
cognominis caput, quæ quidem regio
inter Ægyptum & Syrtim magnam,
juxta mare Mediterraneum jacet. Guſ-
ſanv.

AN. CHR. 592. 593. GREG. 3. 2675
sanv. Captivi, inquit Alteserra, com-
 mercii causa deportabantur in Afri-
 cam, ut venundarentur pro servis; &
 maxime venum exponebantur apud Ba-
 ricis urbem. Ideo Gregorius misit Va-
 lerianum Presb. in Africam pro redi-
 mendis captivis, quem Baricensi Epi-
 scopo commendavit.

b Conjecit Gussanv. legendum, *sine*
mercedis intentione, aut, *æternæ mer-*

cedis intentione. Verum sumitur mer-
 ces hic pro misericordia, Gallice *mer-*
cy. Eodem sensu lib. 4. ep. 31. & apud
 auctores alios passim. Hincmarus Lau-
 dun. Episcopus ad Carolum Regem :
Precor vestram mercedem, ut vester ani-
mus mihi sit placatus. Qui redimendis
 captivis operam dant Religiosi, dicun-
 tur *de mercede*. & Gallice *De la Mercy*.
 c Ita Colb. vet. & Turon. S. Gat.

E P I S T O L A XVII.

Ad Gratosum Subdiaconum.

Floræ Abbatissæ domum cum hortis & hospitiiis ad construendum
Monasterium tradat.

Gregorius Gratiofo Subdiacono.

Grat. 22. q.
 2. c. 7.

Religiosam vitam eligentibus con-
 grua nos oportet consideratione
 prospicere, ne cuiusdam necessitatis
 occasio aut desides faciat, aut robur,
 quod absit, conversationis infringat.
 Idcirco præsentī tibi auctoritate præ-
 cipimus, quatenus domum positam
 in hac urbe, regione quarta, juxta
 locum qui appellatur, ^a Gallinas al-
 bas, vel hortum juris sanctæ Rom.
 Eccl. cui, Deo auctore, præsidemus,
 in qua Campana ^b quondam Patri-
 tia mansisse dignoscitur, simul &
 hortum atque hospitia, quæ intra

eamdem domum janua concludit, Flo-
 ræ Abbatissæ debeas tradere, proprie-
 tatis jure proculdubio possidendam.
 In qua domo monasterium, ubi
 cum congregatione sua habitare pos-
 sit, Christo queat adjuvante con-
 struere: ut tam ipsa, quam etiam,
 quæ in ejus loco honoreque succes-
 serit, prædictam domum & hortum
 cum omnibus ad se pertinentibus,
 sicut diximus, quieto inconculsoque
 jure, a nobis pietatis consideratione
 concessa, valeat possidere.

N O T Æ A D E P I S T. XVII.

a Addiderunt ed. recentiores *ad*, ut
 juxta grammaticæ præcepta legeretur,
ad gallinas albas. Nesciunt hanc præ-
 positionem MSS. Vatic. Norm. &c.
 necnon vet. exculi.

b Sic habent Vatic. B. & D. Rem.
 & vet. ed. Sic legendum ex vetusto
 cod. Vatic. jam monuerunt correctores
 Romani ad hunc locum a Gratiano re-
 latum.

E P I S T O L A XVIII.

Ad Theodorum Consiliarium.

Acosimi pueri donationem, jam Theodoro factam, scripto firmat.

Gregorius Theodoro Consiliario.

Grat. 22. q.
 2. c. 67.

Eccllesiasticis utilitatibus defudan-
 tes Ecclesiastica dignum est
 remuneratione gaudere, ut qui se
 voluntariis obsequiorum necessitati-

bus sponte subjiunt, digne nostris
 provisionibus consolentur ^a. Quia
 igitur te Theodoro virum elo-
 quentissimum consiliarium nostrum
 man-

b mancipiorum cognovimus ministerio destitutum, ideo puerum nomine Acoſimum, natione Siculum, juri dominioque tuo b dari tradique præcipimus. Quem quoniam traditum ex nostra voluntate jam possides, hujus te necesse fuit scripti pro futuro temporis testimonio ac robore largitatis, auctoritate fulciri: quatenus, Domino protegente, secure eum semper & sine ullius retractatio-

nis suspicione, quippe ut dominus, valeas possidere. Neque enim quemquam fore credimus, qui tam parvam largitatem pro tua tibi devotione concessam desideret, vel tentet ullō modo revocare: cum uno eodemque tempore, & verecundum sit, a decessoribus bene gesta resolvere, c & verecundum sit docere cæteros in sua quandoque resolutoriam proferre largitate sententiam.

NOTÆ AD EPIST. XVIII.

a Ita, *consolari*, passive apud Gellium & Priscianum.

b Dare est *dominium transferre*, quod non nisi in consentientem transferri potest, ideoque acceptantis facto consummatur. Acceptans traditionem nullum

jus acquirit. Ex Cujacio, *traditio est datio possessionis*. Itaque hic per dationem acquiritur proprietas; per traditionem sola possessio. *Auget.*

c Duo Vatic. *Et verendum sit.*

EPISTOLA XIX.

Ad Petrum Subdiaconum.

Ut sancti Severini reliquias ad Ecclesiæ consecrationem mittat.

Gregorius Petro Subdiacono Campaniæ.

a COr nostrum pia divinitatis inspiratione compungitur, loca quondam execrandis erroribus deputata, in catholicæ religionis reverentiam dedicare a. Quia igitur Ecclesiam positam juxta domum Merulanam regione tertia, quam superstitio diu Ariana detinuit, in ho-

norem sancti b Severini cupimus consecrare, Experientia tua reliquias beati Severini summo opere debita cum veneratione transmittat: quatenus quæ nostris animis perficienda decrevimus, implere, omnipotentis gratia suffragante, possimus.

NOTÆ AD EPIST. XIX.

a De consecr. dist. 1. legere est c. 20. 21. 22. de istis dedicationibus & purificationibus Ecclesiarum. Porro Ecclesias Catholicorum ab Arianis aut aliis hæreticis occupatas & Catholicis postmodum redditas, novo semper fuisse ritu dedicatas vix ausim affirmare. *Gusfanv.* Quidquid sit de seculis quæ præcellerunt, certe Gregorius rituum Ec-

cles. peritissimus, basilicas ab hæreticis pollutas denuo consecravit. Vide l. 3. dial. c. 30.

b Illius forte, qui Noricorum dicitur Apostolus, & Neapolim post obitum translatus, de quo Paul. Diac. de gestis Langob. l. 1. c. 19. & Eugippus Abbas in vita S. Severini. De ejusdem reliquiis infra lib. 9, ep. 83. lib. 11, ep. 31.

AN. CHR.

592. 593.

GREG. 3.



E P I S T O L A X X.

Ad Gratosum Episcopum.

Sancti Anthemii Ecclesiam unit Numentanæ:

a

Gregorius Gratoso Episcopo ^a Numentano.

*Johan. Diaconus.
lib. 3. cap. 15.
Vide ep. 50.
l. 2.*

b

c

Postquam hostilis impietas diversarum civitatum ita peccatis facientibus desolavit Ecclesias, ut reparandi eas spes nulla populo deficiente remanserit, majori valde cura constringimur, ne defunctis earum Sacerdotibus, reliquæ plebis, nullo Pastoris moderamine gubernante, per invia fidei, hostis callidi, quod absit, rapiantur insidiis. Hujus ergo rei sollicitudine ^b sæpe commoniti, hoc nostro sedit cordi consilium, ut vicinis eas mandaremus Pontificibus gubernandas. Ideoque Fraternitati tuæ curam gubernationemque ^c sancti Anthemii Ecclesiæ, in Curium Sabinorum territorio constitutæ, prævidimus committendam, quam tuæ Ecclesiæ aggregari uniri-

que necesse est: quatenus utrarumque Ecclesiarum Sacerdos recte, Christo adjuvante, possis existere, & quæque tibi de ejus patrimonio vel de cleri ordinatione seu promotione vigilanti ac canonica visa fuerint, cura disponere; quippe ut Pontifex proprius, liberam habebis ex præsentis nostra permissione licentiam. Quapropter, frater carissime, Dominicorum reminiscens mandatorum, salubriter ita in commissæ plebis regimine lucrandisque animabus invigila, ut ante tribunal æterni judicis constitutus, fructum bonæ operationis, qui ad mercedem tuam pertineat, eidem Redemptori nostro, in quo lætari possis, exhibeas. ^d Mense Febuario, Indictione XI.

d

N O T Æ A D E P I S T . X X.

^a *Nomentum* vel *Numentum*; urbs olim Episcopalis Valeriæ, cui successit Castrum, vulgo *Lamentana* dictum in territorio Sabin. *Guffanv.*

^b Ed. recentiores *commoti*.

^c Putant eandem esse cum Episcopatu Curium Sabinorum. *Cures* autem urbs fuit primaria Sabinorum, nunc pagus *Torre* vel *Turres*, ad fluvium *Himelan*, teste *Leandro*. Aliis est pagus *Curese* in eadem regione ad *Farfente* cœnobium, Sabinorum autem regio olim longius quam nunc *Sabinia* extendebatur. Porro *Dulcitius* Episcopus S. Anthimi subscripsit Synodo Romanæ III. sub *Symmacho* an. 499. & Syn-

Rom. VI. sub eodem *Symmacho* an. 504. absolute tamen vocatur Episcopus Sabinensis in Syn. Romana I. sub eodem *Symmacho* an. 501. *Guffanv.* Juvat viri docti conjecturam, quod in Normannis legatur *S. Anthemi*, non *S. Anthemit*.

^d Ita Turon. S. Gat. & Colb. vet. Non capio quonam consilio *Guffanv.* observet hanc ep. scribi datam mense Febr. Indict. XI. cum ep. 9. sit mensis Novem. Optime sane conveniunt hæ chronologicæ notæ: cum enim indictio inciperet mense Septembri, epistola data mense Novembri, antecedere debuit datam mense Febr.

Ad Paschalem, Demetianum, & Castorium:

Orphanis patris substantiam Ecclesiæ obligatam reddit, debitasque ab illo pecunias omnino condonat.

Gregorius Paschali, Demetiano, atque Castorio, filiis Urbici defensoris ^a de Tiburtina.

AN. CHR.

592. 593.

GREG. 3.

6675

^a ^b ^c **O**fficii nostri est orbatis ita parentibus ferre consultum, quatenus aliquid de his, ^b quæ juste debentur Ecclesiæ relaxantes, eorum possimus subvenire miseriis. Quia igitur facta subtilius ratione, patrem vestrum Urbicum, quondam defenso-
^c rem, de patrimonio Sabinensi atque ^c Carfiolano, quod ejus fuerat curæ commissum, constat in non modicam summam debitorem fuisse defunctum: & quamvis tota ejus

substantia pro hoc sit Ecclesiæ obligata, nec tamen ad satisfactionem eorum, quæ consumserat, possit sufficere; nos tamen pietatis intuitu, ejusdem patris vestri substantiam vos habere ac possidere permittimus atque concedimus, vestris proculdubio utilitatibus profuturam; securi quod nullus vos denuo de iis, quæ vobis relaxantes concessimus, aliqua ratione concutiat. ^d Nense Martio, Indictione undecima.

NOTÆ AD EPIST. XXI.

^a Abest *de Tiburtina* a plerisque MSS. *Tibur*, vulgo *Tivoli*, urbs Campaniæ Romanæ, adhuc Episcopalis.

^b Scilicet summum jus, summa injuria. Cum Ecclesiæ bona sint pauperum, & Ecclesia aurum habeat ut erogat, non ut luxum & cupiditatem foveat. Mirum sane colonos seu villicos Ecclesiarum sæpissime ab Ecclesiæ Præpositis pietatis, ut putant, zelo tam dure & inhumane tractari, ut ad extremam cum uxoribus ac liberis redigantur inopiam. Non ea fuit mens canonum, non is sanctorum Patrum usus, non doctrina. *Guffanv.* Vide dist. 86.

& lib. 1. ep. 13. necnon Chrysost. hom. 86. in Matth.

^c Sic emendavi ex 16. MSS. codicum antea legeretur *Cardolano*. *Cardiolanum* legit Holstenius in MSS. *Vatic.* Contendit autem debere legi *Carfeolano*. *Carfeoli* in trisinio territorii Tiburtini, Reatini, & Marsicani siti erant. Sunt autem nunc in Marsis ab adversomontis latere, dicunturque vulgo *le celle Carfoli*. *Guffanv.* In *Vatic.* A. legitur, *Cardiolano*. In *And. Harciolano*.

^d Sic legitur in *Turon. S. Gat.* & in *Colb. vet.*

E P I S T O L A XXII.

Ad Antoninum Subdiaconum.

Salonæ Episcopum curet eligi, qui Romæ ordinetur. In electione solum vitæ ac morum decus attendendum moneat. Descriptas Ecclesiæ res selectis viris custodiendas committat. Ab illis abstineat Melchus Episcopus, Romanque administrati patrimonii rationes tandem expleturus venire festinet.

Gregorius Antonino Subdiacono, Rectori patrimonii in Dalmatia:

Natalem Salonitanæ Ecclesiæ fratrem & coepiscopum nostrum obisse, discurrens in partibus istis fama vulgavit. Quod si verum est,

Ex-

AN. CHR.

592. 593.

GREG. 3.

687

Græc. 3. q. 2.

c. 2.

Experientia tua omni instantia omni-
que sollicitudine clerum & populum
ejusdem civitatis admonere festinet:
quatenus uno consensu ordinandum
sibi debeant eligere Sacerdotem; fa-
ctoque in personam, quæ fuerit e-
lecta, decreto, ad nos transmittere
studebis, ut cum nostro consensu,
sicut priscis fuit temporibus, ordi-
netur. Illud quidem præ omnibus
tibi curæ sit, ut in hac electione nec
datio quibuscumque modis inter-
veniat præmiorum, nec quarumli-
bet personarum patrocinia convale-
scant. Nam si quorundam patro-
cinio fuerit quisquam electus, vo-
luntatibus eorum cum fuerit ordina-
tus, obedire reverentia exigente com-
pellitur: sicque fit ut & res illius
minuantur Ecclesiæ, & ordo Eccle-
siasticus non servetur. Talem ergo,
^a te imminente personam debent
sibi eligere, quæ nullius incongruæ
voluntati deserviat, sed vita ac mori-
bus decorata, tanto ordine digna
valeat inveniri. De rebus vero vel
ornamento ejusdem Ecclesiæ, fideli-
ter rerum inventarium facito, te
præsente, conscribi. Et ne rebus
ipsis possit aliquid deperire, Respe-
ctum Diaconum atque Stephanum
^b Primicerium notariorum, ut i-
psarum rerum omnino gerant custo-
diam admoneto: interminans eis de
propria eos satisfacturos esse substan-
tia, si quidquam exinde eorum ne-
gligentia fuerit imminutum.

Malchum autem fratrem & coe-

piscopum nostrum contestari te vo-
lumus, ut se penitus in hac causa
non misceat. Nam si per eum ali-
quid contra voluntatem nostram fa-
ctum vel tentatum potuerimus ad-
discere, non modicam ad se culpam
& periculum pertinere cognoscat.
Sed & hoc eum admonere curato,
ut ad ponendas explendasque ratio-
nes patrimonii nostri quod gessit,
debeat esse sollicitus; pro quibus
etiam faciendis, ex Sicilia partibus
ad nos, postposita excusatione, ve-
nire festinet. In rebus igitur Salo-
nitane Ecclesiæ nullo modo se mi-
scere præsumat, ne amplius ei aut
obnoxius, aut possit esse culpabilis.
Nam multa habere de rebus prædi-
ctæ Ecclesiæ fertur, eumque opinio
pene auctorem existisse in venditione
rerum ejus, vel aliis illicitis asse-
verat. Quod si ita esse, sicut di-
citur, manifesta veritate patuerit,
certus sit inultum hoc nullatenus
remanere. ^c Expensa vero, quæ
necessaria fuerit, ^d per æconomum,
qui tempore mortis prædicti Episco-
pi inventus est, erogetur; quatenus
rationes suas futuro Episcopo ipse,
ut novit, exponat. Cuncta siquidem
quæ tibi agenda mandavimus, cum
consilio magnifici atque eloquentis-
simi ^e Marcelli filii nostri te agere
profecto necesse est; quatenus ita
omnia quæ hujus præcepti pagina
continet, sollicitè strenueque possis
implere, ut nulla te neglectus cul-
pa respiciat.

N O T Æ A D E P I S T. XXII.

^a Ita Vaticani, Norm. &c. Hoc ver-
bo sæpe utitur S. Gregorius ut signifi-
cet *instare, urgere*; inter varios autem
verbi hujus intellectus, hic est optimus.
Recentiores habent, *te admonente*.

^b Hæc vox tam late patet, vix ut
definiri queat. Dicerem esse cujusvis
ordinis primum in cera, hoc est in ce-
rata tabula notatum, seu catalogo in-
scriptum. In omnibus Norm. & in Vati-
c. D. legitur. *primicerium notariorum*.
Vatic. A. habet, *primicerium in præ-*

sentia notariorum. Notarii describuntur
inter minores ordines Ecclesiasticos,
una cum defensoribus, inquit Althefer-
ra in hanc Epistolam.

^c Electionem Episcopi sumtibus Ec-
clesiæ fieri jubet æquissimus Pontifex,
quia ejus interest maxime ut quamprimum
Pastor sibi ordinetur.

^d Prisca ætas officium æconomi tam
censuit necessarium, tot vallavit cano-
nibus, ut sit quod miremur non sup-
pressum modo fuisse, sed & ejus pene
abo-

abolitam memoriam & damnatam. Damnata dico; quis enim ausit exultare? Nunc Clericorum bona non jam sunt Ecclesiæ, non pauperum, non fidelium dispensatorum, sed sunt propria dominorum. Hac data porta, mala & scandala omne genus in Ecclesiam irruunt, optimo quoque genere. Nec vero alia meliori via crediderim instaurari posse tam desideratam, totque seminariis frustra tentatam cleri disciplinam, quam si extricentur a

temporalium rerum administratione Pa- flores. Sic enim avaritia, superbia, li- tes refrenarentur, canones de vita & honestate Clericorum executioni man- darentur, residentia stabiliretur, litte- rarum studium excitaretur, uni Deo vacaretur. Expendat lector Conc. Pa- risi. VI. c. 29. & S. Gregorium ibi ci- ratum ex Pastoralis lib. 2. c. 7. *Guffanv.* e Proconsulis Dalmatiæ. Vide l. 9. Ep. 5.

AN. CHR.
592. 593.
GREG. 3.
66788

E P I S T O L A XXIII.

Ad Petrum Subdiaconum.

Deponendum ob crimina Secundinum Abbatem, postulatamque a con- gregatione ordinandum Theodosium.

Gregorius Petro Subdiacono Campaniæ.

QUAMVIS horrenda execrandaque nimis Secundinum ad aures nostras pervenerit crimina commississe, hoc tamen solum ad ejus damnationem potest sufficere, quod etiam ipse de se dicitur fuisse confessus. Cognovimus autem ab eo dictum, quod dum tertius a loco esset Ab- batis, a statu habitus sui ^a in lapsum corporis ceciderit: & licet ad Abbatis ordinem tanto coinquinatus facinore nulla debuerit ratione proficere; tamen quia temerario post ausu ac tanta pollutione detentus,

hoc indignus arripuit, Experimentiæ tuæ hujus auctoritatis tenore præci- pimus, ut superscripto Secundino remoto ab Abbatis officio, Theo- dosium, quem congregatio ipsa ^b sibi petiit ordinari, in monasterio sancti Martini Abbatem solemniter per eum, cujus provisio interest, facias ordinari; quatenus in cura congregationis subjectæ, adjuvante Deo, cauta possit sollicitudine vigi- lare. Possessiones vero vel hortos ejus- dem monasterii Ecclesiastica, in quan- tum ratio patitur, tuitione defende.

b

N O T Æ A D E P I S T. XXIII.

^a Hoc est contra castæ vitæ propo- situm, incontinentiæ frena laxaverit. Hujusmodi flagitium in majoribus Cle- ricis olim dicebatur proprie *casus*, Græ- ce πτώμα, tum quod in illius pœnam a suis gradibus exciderent, tum quod a proposito Ordinis, cui annexum est votum continentiæ, laberentur. Infra

lib. 12. ep. 30. & 31. legemus Episco- pum Diocleæ hac de causa defectum; aliumque in ejus Sedem ordinatum.

^b In Norm. quibus hic & fere sem- per consentit Vaticanus D. omittitur *ordinari*. Et infra ubi legimus, *cujus provisio interest*, legitur tantum *cujus intrest*. Ita quoque in Corb.

E P I S T O L A XXIV.

Ad Leontium Episcopum.

Ut infirmo & absente Castorio Episcopo, Ariminensem Ecclesiam regat.

Gregorius Leontio Episcopo Urbinati.

CASTORIUM fratrem & coepisco- pum nostrum hic pro corpo- Tom. VII.

ris sui molestia retinemus. Et quia nunc ad suam Ecclesiam non valet

Z

re-

Johan. Diac.
l. 4. c. 52.
Sup. Ep. 9.
Infr. Ep. 25.
lib. 5. Ep. 34.

AN. CHR.
592. 593.
GREG. 3.
66733

remeare, propterea, eo absente, Ecclesiæ ipsius Fraternitati tuæ operam providimus visitationis delegandam; admonentes Caritatem tuam, ut ita efficaciter omnes utilitates ejus exerceat, quatenus tui præsentia proprium se absentem habere non sentiat Sacerdotem. Quidquid autem tibi visum fuerit pro utilitatibus ejusdem Ecclesiæ ordinare,

habebis modis omnibus ex nostra permissione licentiam. Reditus vero vel ornamenta, ministeriaque ipsius, ^b sollicitudinis tuæ intuitus & cura conservet. Et ^c præter ordinationes Clericorum, cætera omnia in prædicta Ecclesia tamquam ^d Cardinalem & proprium te volumus agere Sacerdotem.

b
c

d

NOTÆ AD EPIST. XXIV.

^a In omnibus Norm. Colbert. & in tribus Vatic. abest *Urbini*. Urbinum vulgo *Urbino*, urbs Umbriæ olim Episcopalis, nunc autem Archiepiscopalis.

^b Vaticani A. & C. *sollicitudinis tuæ in tuto cura*. Vatic. D. consentientibus

Norm. *sollicitudinis tuæ intuitus cura*. Reg. *sollicitudinis tuæ cura in tutum conservet*.

^c Vide supra ep. 43. Indiſt. x.

^d Idem supra lib. 2. Indiſt. x. ep. 45. & alibi.

EPISTOLA XXV.

Ad Ariminenses Cives.

Illos de Episcopi sui infirmitate accusat: ut Leontio in omnibus obediant jubet.

Gregorius universis habitatoribus Arimini.

*1oh. Diac.
lib. 9. c. 52.*

SI culpam vestram, filii dilectissimi, intentius velitis attendere, assidua vos apud Deum debetis oratione purgare, quod Episcopum vestrum non devota mente nec ut filii suscepistis: quem inquietudo & tribulatio a vobis illata ad hoc usque perduxit, ut molestiam corporalem incurrerit: quamvis in eo nihil de his quæ nobis sunt scripta cognovimus, sed solam inesse debilitatem vidimus, pro qua cum hic retinere curavimus. Et

quia illuc modo ad præsens non valet remeare, Ecclesiæ vestræ necessario ^a providimus Leontium fratrem & coepiscopum nostrum visitatorem per omnia deputare, cui etiam nostris scriptis injunximus, ut omnia quæ ad curam utilitatemque Ecclesiæ pertinent, tamquam proprius Episcopus debeat ordinare. Vos ergo ita ei in omnibus obedite, quatenus operam sibi visitationis injectam ^b, vestra jutus salubriter in omnibus devotione, possit complere.

a

b

NOTÆ AD EPIST. XXV.

^a Quomodo sit providendum Ecclesiæ, cujus Episcopus infirmatur, vide infra lib. 13. ep. 5. & 6. & Concilium Meldense c. 47. necnon Arausican. l. c. 30.

^b Sic restituere coegerunt MSS. omnes Vatic. Norm. Corb. Rem. cum prius legeretur, *vestra virtute salubriter in omnibus*. Negotium facit editoribus verbum *jutus*, Gregorio tamen

nostro familiare, nec aliis scriptoribus, aut coævis aut etiam antiquioribus insolens. Ennodius l. 4. ep. 14. *ut jutus magnitudine vestra*. Et in Epithalamio dicto maximo:

Nunc me Pierio favore jutum.

Ubi *jutus* & *jutum* significant *adjutus*, *adjutum*, a verbo *juvo*.

E P I S T O L A XXVI.

Ad Magnum Presbyterum.

AN. CHR.
592. 593.
GREG. 3.

Quem Laurentius quondam Episcopus immerito excommunicaverat, absolvit. Ipsum hortatur ut Ecclesiæ suæ pure ac diligenter ministret, clerumque ac populum de idoneo Episcopo absque dissensionibus eligendo admoneat.

Gregorius Magno Presbytero Ecclesiæ Mediolanensis.

*Joh. Disc.
lib. 4. c. 35.
Grat. 24. 9.
3. c. 2.*

Sicut exigente culpa quis a sacramento communionis ^a digne abigitur, ita infontibus nullo modo talis debet irrogari vindicta. Comparimus siquidem quod Laurentius, ^b quondam frater & coepiscopus noster, ^c nullis te culpis exstantibus communionem privaverit: ideoque hujus præcepti nostri auctoritate munitus, officium tuum securus perage, & communionem sine aliqua fume formidine.

Illud præterea necessario te duximus adhortandum, ut ita te in cunctis utilitatibus Ecclesiæ tuæ pure ac diligenter exhibeas, quatenus

nec offensa te aliqua de neglectu respiciat; & culpani, si qua in te, propter quam Dominici corporis & sanguinis communionem fueras privatus, vel latens inventa est, tuæ fidei puritate detergas. Admone igitur clerum & populum, ut ad eligendum nullatenus dissentiant Sacerdotem: sed uno consensu talem sibi eligant consecrandum Episcopum, cujus & actus laudabiles, & grata Deo & hominibus possit esse persona; ne si aliter actum fuerit, in diversis, quod absit, studiis, damnum Ecclesiasticis rebus eveniat. ^d Mense Aprili, Indictione XI.

Infr. Ep. 23.

d

N O T Æ A D E P I S T. XXVI.

^a Editi, *suspenditur*. Sequimur quatuor Vatic. Norm. &c.

^b Laurentius obiit anno 592. 21. Augusti, cum sedisset an. 19. m. 7. igitur his demtis, incidet in Januarium an. 573, quo S. Gregorius prætor Urbanus subscripsit juramento Laurentii, ut ait

ipse in ep. 2. l. 4. E. V.

^c Ita etiam MSS. unanimiter & vet. ed. Recentioribus autem placuit mutare *exstantibus*, in *existentibus*.

^d Hanc temporis notam confirmant duo Teller. Colb. ac Turon. S. Gata.

E P I S T O L A XXVII.

Ad Marinianum & Benenatum.

Ut in Bonifacium inquirant; qui, si inventus fuerit reus, sacra privetur communionem, atque in Monasterium retrudatur.

Gregorius Mariniano Abbati de Panormo, & Benenato notario Reçtori patrimonii Panormi.

Si ea de quibus vehementer Deus offenditur, insequi vel ulcisci differimus, ad irascendum utique divinitatis patientiam provocamus. Multa etenim ad nos mala de quibus-

dam in Panormitana civitate degentibus pervenerunt, quæ quoniam majorem coercionem expectant, nec temere credenda, nec desidiose quærenda sunt. Pro qua re Victori

Z 2

fra-

AN. CHR.
592. 593.
GREG. 3.

26633
a

fratri & coepiscopo nostro injunxi-
mus; ut, si vera essent, & ea in-
sequi debuisset & ulcisci. Nuncita-
que huc veniens ^a Bonifacius, vir
clarissimus, præsens lator, fru-
stra se & communione privatum,
& alia se gravia a prædicto Episco-
po queritur fuisse perpeffum. Quia
ergo nullus sine cognitione damnan-
dus est, eidem fratri & coepiscopo
nostro scripsimus, ut si persona,
quæ de ipso quædam dicere possit,
inventæ fuerit, eam ad vestram de-
beat cognitionem dirigere. Ideoque
hujus præcepti vos pagina necessario
duximus adhortandos, quatenus nul-
lius personam attendentes, sed Dei
timorem habentes præ oculis, ibi cum
omni æquitate, si qua vobis de co-
dicta fuerint, memores futuri ju-
dicii, subtili debeatis indagatione
perquirere. Et si in vestra cogni-
tione cujusquam cum facinorosi cri-

minis reum esse patuerit, tunc ex
nostra auctoritate non solum Domi-
nici corporis & sanguinis commu-
nionem privatus sit, verum etiam in
monasterium, ubi pœnitentiam agere
debeat, ^b retrudatur: ut criminis
sui maculas convenienti valeat apud
æternum judicem lamentatione pur-
gare. Si vero aut nihil adversus,
eum in cognitione vestra dictum
fuerit; aut si quid dici contigerit,
& verum non esse constiterit, nec
aliquibus illum indiciis in hoc, quod
dicitur, incidisse, potueritis agno-
scere, modis omnibus renuntiare
nobis curabitis. Prædictum enim
Bonifacium nullam a quolibet vo-
lumus molestiam sustinere: quoniam
sicut justum est ut in delinquentes
digna debeat vindicta procedere, ita
iniquum est quibusdam afflictionibus
quemquam irrationabiliter subiacere.

i

b

NOTÆ AD EPIST. XXVII.

a In Norm. & Corb. Bonifacius vi-
hor, omittendo vir clarissimus.

b Cum viris honoratis publica pœ-
nitentia persuaderi vix posset, illos
Clericorum more tractandos, in Mona-
stera scilicet relegandos judicant Ec-
clesiæ Antistites. Temperamenti hujus
vestigium occurrit in Concil. Narbon.
an. 589. can. 6. Secundum concilia pri-
scorum orthodoxorum decrevit Fraterni-
tas, ut quicumque fuerit culpabilis in-

ventus Clericus, aut honoratus de civi-
tate, & ad monasterium fuerit deputa-
tus, sic Abbas qui est Præfectus, cum
illo qui dirigitur agat, sicut ab Episcopo
manifesta correctione fuerit ordinatum.
Aliter si Abbas facere elegerit, pro cor-
rectione tempus aliquod suspendatur,
quia ob hanc causam dirigitur ut emen-
detur, non ut passim ferculis diversis
saturetur. Vide Baron. ad an. 589. nu.
31. & 32.

EPISTOLA XXVIII.

Ad Romanum Patricium.

Ut Armenio orphano egenti ac nobili, locum vel operam provideat, unde
quotidianis stipendiis sustentetur.

Gregorius ^a Romano Patricio per Italiam.

a

Quidquid misericorditer, ac re-
spectu pietatis impenditur, &
hic auctorem suum adjuvat, & o-
ptatum ei præmium in die retribu-
tionis apportat. Quod cum ita sit,
quia Excellentiam vestram valde

diligo, mercedis vobis causas in-
sinuo. Armenius itaque magnifi-
cus, filius quondam Antonii illu-
strissimi viri, sua me egestate
compulit, ut pro eo vobis debuif-
sem scribere. Quoniam, sicut
no-

b noſtis utroque parente orbatus eſt, Eminentiæ veſtræ tuitionem & b
c continentiam præſtolatur. Unde c
d Chriſtianitas veſtra piæ conſideratio-
nis, ut conſuevit, intuitu, in quan-
tum utile perſpicit, ei locum d vel

actionem provideat, ex qua quoti-
dianis ſtipendiis valeat contineri:
quoniam hæc maxima laus & mer-
ces eſt, ſi illa orphanis impendantur
quæ eorum pro ſuis obſequiis po-
terant genitoribus exhiberi.

AN. CHR.
592. 593.
GREG. 3.
1773

N O T Æ A D E P I S T. XXVIII.

a Ita legunt quidam probati MSS. codices, quibus conſonant quatuor Angli-
cani. In aliis ſic habetur: *Romano Patricio, ac populo per Italiam*, Antea in editis ita legebatur. *Univerſis Epiſcopis per Italiam*. Sed tria faciunt ut titulum hunc reſpuam. 1. *Eminentiam veſtram diligo*. Non ſic affari ſolet Epiſcopos. 2. *Sicut noſtis, utroque parente orbatus eſt*. Quis credat id univerſis notum Epiſcopis? 3. *Pietas veſtra ei locum vel actionem provideat*. Non id univerſi præſtarent Epiſcopi. Itaque manifeſtum eſt hanc Epiſtolam illuſtri cuidam laicomitiſſam, qui magnifico Armenio locum vel actionem potuerit providere, Gall. *une charge, un employ*. Guſſanv. Ex Norm. Michael. Ge-

met. Becc. conſentiunt Anglic. in inſcriptione, *Romano Patricio per Italiam*. Alii, ſcilicet Audoenus, Lyr. Pratel. exhibent, *Populo per Italiam*. Conſentiunt Vatic. A. & D. Rem. Corb. & Andezav. In Vatic. B. legitur *Univerſis per Italiam*. In Colbert. Epiſcopis per Italiam.

b Sumitur hoc loco pro ſubſidio, Gall. *ſubſiſtance*. Ita Pelagius I. ep. 15. ad Sapaudum Arelat. Epiſcopum. *Contineri* ſupra lib. 1. ep. 5. Guſſanv.

c In Norm. & plerisque pietas veſtra. Sequimur præſertim Vaticanos tres.

d Actio hic eſt actus, adminiſtratio: inde Actionarius, actui vel adminiſtrationi Præpoſitus, ſup. l. 1. ep. 44 inf. lib. 5. ep. 44.

E P I S T O L A XXIX.

Ad Presbyteros, & clerum Mediolanensem.

Ad Constantii, quamvis ſibi notiſſimi & amici, electionem non ſolicitatur. Qualis eſſe debeat Paſtor, quis eligentium affectus egregie depingit. Ex terrarum plagis mundi ſinem ac iudicium proximum ſuadet.

Gregorius Presbyteris, Diaconibus, & clero Mediolanensis Eccleſiæ.

Supr. Ep. 26.
Inſtr. Ep. 30.

a Epiſtolam Dilectionis veſtræ ſuſcepimus, cui tamen nullius erat inſerta ſubſcriptio, ſed fidem Magni Presbyteri & Hippolyti Clerici portitorum perſonæ faciebant. Qua relecta, comperimus omnium veſtrum in Conſtantio filio noſtro, Eccleſiæ veſtræ Diacono, convenire conſenſum, qui dudum mihi bene cognitus fuit. Et cum in urbe regia reſponſa Sedis apoſtolicæ facerem, longo mihi tempore adhæſit, ſed nihil unquam in illo quod reprehendi a paſſim potuiſſet, inveni. Verumtamen quia antiquæ meæ de-

liberationis intentio eſt, ad ſuſci-
pienda paſtoralis curæ onera, pro nullius unquam miſceri perſona, orationibus proſequor electionem veſtram, ut omnipotens Deus, qui futurorum actuum noſtrorum ſemper eſt præſcius, talem vobis Paſtorem præbeat, in cujus lingua & moribus exhortationis divinæ paſcua valeatis invenire: in cujus mente & humilitas cum rectitudine fulgeat, & ſeveritas cum pietate; qui vobis viam vitæ b non ſolum loquendo, ſed etiam vivendo poſſit oſtendere; quatenus exemplo illius diſcat veſtra

Di-

b

A. N. CHR.

592. 593.

GREG. 3.

GREG. 3.

Grat. 8. 9.

2. c. 2.

Dilectio ad æternæ patriæ desiderium suspirare. Itaque vos, filii carissimi, officii nostri censura commoniti suademus, ut in hac suscipiendi Antistitis causâ nullus vestrum neglecta utilitate communi suo lucro prospiciat: ne si quisquam propria comoda appetit, frivola æstimatione fallatur; quia nec libero judicio præferendam sibi personam examinat mens, quam cupiditas ligat. Penfantes igitur quæ cunctis expediunt, ei quem vobis divina gratia prætulit, integerrimam semper in omnibus obedientiam præbete. Judicari namque a vobis ultra non debet semel prælatus, sed tanto nunc subtiliter judicandus est, quanto postmodum judicandus non est. Consecrato autem vobis, Deo auctore, Pastori tota vos mente committite, atque in illo omnipotenti Domino, qui vobis hunc prætulit, deservite.

^c Sed quia juxta meritum plebium solent superno judicio personæ provideri Pastorum, vos spiritalia quærite, cœlestia amate, temporalia & fugitiva despiciate: & certissimum tenete, quia placentem Deo Pastorem habebitis, si vos in vestris actibus Deo placetis. Ecce jam mundi hujus omnia perditâ conspiciamus, quæ in sacris paginis audiebamus peri-

tura. Eversæ urbes, castra eruta, Ecclesiæ destructæ; nullus terram nostram cultor inhabitat. In nobissimis paucissimis, qui ad modicum derelicti sumus; cum supernæ percussione cladibus humanus gladius incessanter sævit. Mundi igitur mala, quæ dudum ventura audiebamus, aspiciamus: quasi paginæ nobis codicum factæ sunt ipsæ jam plagæ terrarum. In interitu ergo rerum omnium pensare debemus nil fuisse quod amavimus. Appropinquantem itaque æterni judicis diem sollicita mente conspiciate, & terrorem ipsius pœnitendo prævenite. Delictorum omnium maculas fletibus lavate. Iram quæ æterna imminet, temporali lamento comescite. Pius enim Conditor noster, cum ad judicium venerit, tanto nos majore gratia consolabitur, quanto nunc conspiciat quod a nobis nostra delicta puniuntur.

Latorem vero presentium Johannem Subdiaconum nostrum ad hoc Deo favente, transmisimus, ut electum vestrum ^d sua imminetia cum Dei omnipotentis solatio secundum morem decessoris ejus faciat Episcopum consecrari. ^e Nam sicut ab aliis nostra exigimus, ita singulis sua jura servamus.

N O T Æ A D E P I S T. XXIX.

^a Abest, *passim* a 4. Vatic. est in Norm. & in al. multis.

^b In Vulgatis, *non solum legendo vel loquendo.*

^c Vide lib. 25. Moral. nu. 40. & seq.

^d Hoc est, imminendo, instando, satagendo. Jam ostendimus imminere si-

gnificare aliquando ideam ac *urgere, instare.*

^e Hæc Epistola tota est aurea; & ex ea apparet quanti interfit nullum invitis præfici Pastorem. Idipsum epist. 30. confirmat. Vide & anteced. 22. & lib. 2. Indict. 10. ep. 60. *Gulfano.*

E P I S T O L A XXX.

Ad Johannem Subdiaconum.

AN. CHR.

592. 593.

GREG. 3.

6673

Ut Mediolanensium apud Genuam scrutetur vota ; quæ si in Constantium consentiant, hunc a propriis Episcopis faciat consecrari.

Gregorius Johanni Subdiacono.

Joh. Diacon. l.
4. c. 24.
Grat. dist.
63. c. 10.

Quanto apostolica Sedes, Deo auctore, cunctis prælata constat Ecclesiis, tanto inter multiplices curas, & illas nos valde sollicitat, ubi ad consecrandum Antistitem nostrum expectatur arbitrium^a. Defuncto igitur Laurentio Ecclesiæ Mediolanensis Episcopo, sua nobis relatione clerus innotuit in electione se filii nostri Constantii, Diaconi fui, unanimiter consensisse. Sed quoniam eadem non fuit subscripta relatio, ne quid, quod ad cautelam pertinet, omittamus, hujus idcirco præcepti auctoritate suffultum^b Genuam te proficisci necesse est. Et

quia multi illic Mediolanensium coacti barbarica feritate consistunt, eorum te voluntates oportet, eis convocatis, in commune perscrutari. Et si nulla eos diversitas ab electionis unitate determinat, siquidem in prædicto filio nostro Constantio omnium voluntates atque consensum perdurare cognoscis; tunc eum a propriis Episcopis, sicut antiquitatis assensu, solatiante Domino, facias consecrari: quatenus hujusmodi servata consuetudine, & apostolica Sedes proprium vigorem retineat, & a se concessa aliis sua jura non minuat.

N O T Æ A D E P I S T. XXX.

^a Hac ex epistola, & ex anteceder. manifestum est ordinationem & consecrationem Episc. Mediol. ex Romani Pontificis arbitrio consensuque olim factam. Mortuo Constantio S. Greg. Pantaleonem Notar. misit, ut Deusedit ejus successorem de more consecrari

curaret.

^b Genua & Janua, vulgo *Genova*, Gall. *Gennes*, urbs Liguriæ clarissima, nunc Archiepiscopalis, & cognominis Reipublicæ primaria, omnibus fatis nota. *Guffanv.*

E P I S T O L A XXXI.

Ad Romanum Patricium.

Constantium sibi amicissimum commendat.

Gregorius Romano Patricio & Exarcho Italiæ.

Sup. Ep. 29.
30.

Obitum Laurentii Ecclesiæ Mediolanensis Episcopi Excellentiam vestram jam credimus cognovisse. Et quia quantum ex cleri relatione didicimus, in Constantio filio nostro, Diacono ejusdem Ecclesiæ, omnium consistit electio,

necesse fuit pro servanda consuetudine, ^a militem Ecclesiæ nostræ dirigere, qui cum in quo omnium voluntates atque consensum concorder convenire cognoverit, ^b suis Episcopis, sicut vetus mos exigit, cum nostro tamen assensu faciat con-

a

b

AN. CHR.
592. 593.
GREG. 3.

1693

c

consecrari. Proinde paterna dilectione persolventes debitum salutationis officium, quæsumus ut prædicto Constantio, seu fuerit consecratus Episcopus necne, Excellentia vestra, ubi necesse fuerit, suum dignetur impendere iustitia favente solatium: quatenus hæc vos merces

& hic apud inimicos vestros exaltet, & in futura vos vita apud Deum prævenienter commendet. Meus est enim proprius, olimque mihi magna fuit familiaritate conjunctus. Et vos quos nostros cognoscitis, habere ut vestros, & peculiariter diligere debetis.

NOTÆ AD EPIST. XXXI.

a Scilicet Johan. Subdiac. qui in Eccl. Romanæ clero militabat.

b Ex hac & superiori Epistola constat Episcopum Mediol. metropolitanum fuisse, ac Episcopos habuisse suffraganeos.

c Solatium, mercedem hoc loco significare contendit Gussavil. At melius *auxilium*, ut jam ostendimus, sonat; & hoc sensu sæpe in S. Bened. Regula usurpatur.

EPISTOLA XXXII.

Ad Honoratum Archidiaconum.

Ejus absolutionem firmat. Ea vero de quibus erat conquestus, Antonino discutienda committit.

Gregorius Honorato Archidiac. Salonitano.

Lib. 1. Ep.
19. & 20. 1.
2. Ep. 17. &
52. Johan.
Diac. 1. 3. c.
c. 10.

DUDUM quidem decessoris nostri nostraque præceptio ad Dilectionem tuam cucurrerat, in qua & de objectis tibi calumniose capitulis fueras absolutus, & in tui gradus ordine sine aliqua te instituimus altercatione restitui. Sed quia rursus ante non multum temporis spatium, ad Romanam civitatem veniens, de aliquibus illic actis incongrue, de sacrorum es conquestus alienatione vasorum; atque dum pro hac re, quæ tuis objectionibus respondere potuissent sustineremus in hac civitate personas, Natalis Episcopus tuus de hac luce migravit: necessarium judicavimus easdem præceptiones tam decessoris nostri, quam nostras, quas dudum, ut dictum est, pro tua absolutione transmissimus, præsentibus deinceps apicibus confirmare. Quamobrem a cunctis tibi objectis capitulis te

plenius absolventes, in tui te ordinis gradu sine aliqua volumus altercatione permanere; ut nihil tibi penitus mota a prefato viro quæstio qualibet occasione præjudicet. De his autem capitulis de quibus conquestus es, Antonino Subdiacono, & rectori illic patrimonii sanctæ cui, Deo auctore, præsidemus Ecclesiæ, instanter injunximus, ut si quidem in his Ecclesiasticas invenerit immixtas esse personas, cum summa causas ipsas distinctione atque auctoritate definiat. Sin autem cum talibus res agitur, in quos Ecclesiasticæ vigor non possit jurisdictionis extendi, de singulis quibusque capitulis probationes inter publica gesta depositas, ad nos absque ulla dilatione transmittat; ut instructi subtiliter sciamus quid de his debeamus, Christo auxiliante, disponere.

E P I S T O L A XXXIII.

Ad Dynamium Patricium.

AN. CHR.
592. 593.
GREG. 3.
6693

*Quadringentos solidos de redditibus Eccl. Roman. se accepisse significat.
Mittit crucem sacris reliquiis refertam.*

Gregorius ^a Dynamio ^b Patricio Galliarum &c.

Monstrat quam bene dispenses propria, qui fideliter administrat aliena. Quod vestra nobis Gloria ostendit, quæ perenni muneri intenta, beato Petro Apostolorum Principi suorum reddituum fructus intulit. Cui dum sua fideliter impenditis, hæc apud eum vestra munera fecistis. Sic quippe ager hujus terræ gloriosos de æterna gloria cogitantes decet, ut in eo quod temporaliter prævalent, mercedem sibi non temporalem parent. Proinde debitum salutationis alioquinum persolventes, omnipotentem Dominum deprecamur ut vitam vestram & bonis præsentibus repleat,

& ad sublimia gaudia æternitatis extendat. Suscepimus namque per ^{*} Hilarum filium nostrum de præfatis Ecclesiæ nostræ redditibus ^c Gallicanos solidos quadringentos. Transmissimus autem beati Petri Apostoli ^d benedictionem, crucem parvulam, cui de catenis ejus beneficia sunt inserta. Quæ illius quidem ad tempus ligaverunt, sed vestra colla in perpetuum a peccatis solvant. Per quatuor vero in circuitu partes, de beati Laurentii craticula, in qua perustus est, beneficia continentur: ut hoc, ubi corpus illius pro veritate crematum est, vestram mentem ad amorem Domini accendat.

* M. Hilari-
um.

c

d

N O T Æ A D E P I S T. XXXIII.

a Vix dubitare licet eum fuisse Dynamium, de quo Gregorius Turon. lib. 6. hist. c. 7. & 11. Idem scripsit nonnullorum Sanctorum Vitas. Ejus laudes celebrat Fortunatus lib. 6. carm. 11. & 12. Gallicanum Eccl. Romanæ patrimonium tunc curare non dedignabatur. At duobus post annis curare desinit. Vide ep. 6. l. 6. *Sed quoniam Dynamius modo non potest* &c. Dissimulare tamen non debemus in Vatic. A. legi *Damiano Patricio Galliarum*. In Vatic. B. *Dinomio*. In Colb. *Damio*. Verum in Vatic. D. in Corb. &c. non obscure legitur, *Dynamio Patricio Galliarum*.

b Patricii Galliarum titulus illorum tunc Procerum fuit, quibus aut Burgundiæ Reges Arelatensem Provinciam, aut Francorum Austrasiorum Reges Massiliensem regendam commisissent; atque etiam aliorum forte qui & alicujus Provinciæ Præfecti essent, & supremi in bello duces. Vide Hadr. Vales. lib. 6. rerum Francic. & Bignon. in Marculfi formulas num. 35. Cum igitur Dy-

Tomo VII.

namius de quo Greg. Turon. fuerit Massil. Provinciæ Rector, neque inter Massil. aut Arelatensis Provinciæ Rectores alius hac ætate ejusdem nominis occurrat, pene decretorium inde argumentum eruitur nostrum Dynamium ab illo non distinguendum qui apud Greg. Turon. & Fortunatum. Porro nullum Massiliæ intrusit Episcopum Dynamius, ut fingit Guffanv. sed Uctiæ duos. Vide Greg. Turon. lib. 6. c. 7. Dynamium hunc, amissa uxore cum Aureliano fratre suo religiose vixisse perperam ex S. Gregorio l. 7. ep. 12. probare nititur Guffanvillæus, Hadrianum Valesium Rerum Francicarum libro XI. pag. 137. secutus. Consule laudatam ep. 12. & confer cum 36. l. 6. necnon cum 74. l. XI.

c Gallicani solidi a Romano discrimen cum non omnibus sit notum, ac de solidis illorumve partibus frequens apud Gregorium Magnum recurat mentio: id paulo fufius exponere operæ pretium erit. Aureus nummus Con-

A a stan-

stantino Mag. imperante solidi nomen
 AN. CHR. 592. 593. obtinuit. Exinde voces *solidus* & *aureus* eundem in Romano Imperio expressere nummum. Vide S. Gregorium lib. 1. dial. cap. 9. Solidi pondus circa tempus imminutum fuit. Plinii tempore aurei 42. ex libra signabantur. Sub Constantino Mag. aureos seu solidos 84. in libra fuisse contendunt multi ex lib. 12. Cod. Theodos. leg. 119. quos refellit Gronovius lib. 4. cap. 13. atque auri libram per 72. solidos etiam tunc fuisse divisam probat. Idem erat sub Valentiniano solidorum pondus, ut manifeste colligitur ex lege an. 367. lata Cod. Theodos. lib. 12. tit. 6. lege 13. de susceptoribus præpos. & arcariis. In 72. solidos libra feratur accepta. Erant igitur sex in uncia solidi in solido quatuor scrupuli, siliquæ 24. Idem vivente Greg. Mag. fuisse solidorum pondus ostendit ep. Indict. secundæ 38. ubi cum Maurus merces in 400. solidis a Felice suscipiens, sex siliquas per solidum lucri causa promittit, quingentorum solidorum debitor efficitur. Varia quoque fuit variis temporibus auri ad argentum proportio. Colligitur ex Plinio lib. 19. cap. 1. illius ætate auri ad argentum proportionem fuisse duodecuplam. Sub Constantino Mag. ejusve successoribus servata est eadem proportio ad an. 396. Hocce anno jubent Arcadius & Honorius, ut pro 20. libris æris unus auri solidus a possessore reddatur. Cod. lib. 10. tit. 70. de collatione æris.

Tunc erant pro argenti libra sex aurei solidi. Anno 398. Imperatores pro singulis argenti libris quinos solidos jubent inferri quæ jam proportio auri ad argentum est 1. ad 14. $\frac{2}{5}$ atque pro 25. libris æris seu denariis 6000. fuit solidus. Id testatur Cassiodorus variarum lib. 1. ep. 10. *sex millia denariorum inquit solidum esse voluerunt.* Tunc apud Romanos pro 50. denariis argentei erat solidus. Verum apud Francos auri ad argentum Proportio duodecupla sex to seculo perseverabat. Id manifeste colligitur ex insigni loco Hincmari Archiep. Rem. in vita S. Remigii. In testamento, inquit, a B. Remigio condito lector attendat quia solidorum quantitas, nu. 40. denariorum computatur, sicut tunc solidi habebantur. Et in Francorum lege Salica continetur, & generaliter usque ad tempora Caroli perseveravit, ut in ejus capitulis continetur. Denarii 40. duas argenti uncias: solidi sex unciam auri unam faciebant. At præcipuum Gallicani solidi a Romano discrimen in eo positum fuit, quod Gallicum aurum esset Romano longe deterius. Id patebit magis ad ep. 7. lib. 6. Maur. Vide notam nostram ad ep. 44. l. 1. E. V. d Græci, *δραχμῶν munusculum.* Vide infra ep. 48. lib. 5. ep. 47. lib. 8. ep. 35. lib. 9. &c. l. 2. Dial. c. 8. Gregorii Turon. lib. 8. c. 7. In ipsa Sacra Scriptura benedictio pro munere sumitur, Genes. 33. 11.

E P I S T O L A XXXIV.

Ad Petrum Subdiaconum.

Ut Festum Episcopum civibus suis conciliet.

Gregorius Petro Subdiacono Campaniæ.

^a ^b **Q**ueritur ^a Festus frater & coepiscopus noster ^b a suis se Clericis ac civibus despici atque contemni. Pro qua re Experientia tua præcipimus, ut tranquilla cos adhortatione convenias, quatenus sedatis, si quæ forte odiorum causæ sunt, mutua eos & Deo placi-

ta caritate concilies: ut & ille quod filiis decet impendat, & illi quod patri oportet exhibeant. Si quæ vero aliæ causæ sunt, prædicto Episcopo te impendere præcipimus, salva tamen justitia & æquitate, solatium. ^c Mense Majo, Indictione XI.

N O T Æ A D E P I S T. XXXIV.

^a Male a quibusdam *Sixtus*. Fuisse autem Capuanæ civitatis Episcopum liquet ex Epistola 12. lib. 5.

^b Causam contemtus, de quo Festus

conquerebatur, fuisse ipsius avaritiam colligi potest ex ep. 33. lib. 5.

^c Hæc leguntur in Norm. Vat. duobus Tel. & Turon. S. Gatiani.

E P I-

E P I S T O L A XXXV.

Ad Petrum Subdiaconum.

AN. CHR.

592. 593.

GREG. 3.

6673

Ex clero Neapolitano mittendos Romam duos vel tres, qui vice omnium Episcopum eligant. Futuro Episcopo deferenda necessaria. Paulo secedenti dandos pro labore solidos centum cum mancipio uno.

Gregorius Petro Subdiacono Campaniæ.

Indict. 10.
Ep. 15.
a

Sæpius a nobis ^a Paulus frater & coepiscopus noster expetiit, ut eum ad propriam reverti faceremus Ecclesiam. Quod quia rationabile esse perspeximus, ejus petitionem necessario duximus adimplere. Proinde Experientia tua clerum Ecclesiæ Neapolitanæ conveniat: quatenus duos vel tres de suis eligere, & huc ad eligendum Episcopum transmittere non omittant. Sed & sua nobis relatione insinuent, quoniam ii quos transmiserint, omnium in hac electione vice fungantur, ut Ecclesiæ illi, Deo auctore, suus Antistes valeat ordinari. Nam amplius eam sine proprio non patimur esse Rectore. Qui si fortasse admonitionem tuam quolibet modo differre tentaverint, Ecclesiasticum in eos vigorem exerce. Nam pravitatis de se dabit indicium, quisquis in hoc

non sponte consenserit. Prædicto autem Paulo fratri & coepiscopo nostro centum solidos, & unum puerulum orphanum, quem ipse elegerit, pro labore suo de eadem Ecclesia facias dari. Illos autem qui cunctorum vice huc venerint ad eligendum Episcopum, admone, ^b ut vestiarium omne Episcopi sui sciant deferendum, & quantum præviderint secum argentum adducant, quod in usu suo habere possit, qui fuerit Episcopus ordinatus. Hæc vero omnia vivaciter districteque implere festina, & sub omni huc celeritate electos, sicut diximus, de clero trans mitte: ut quia diversimodè nobiles civitatis Neapolitanæ præfentes sunt, una cum eis de Episcopali ordinatione & tractare, & adjutore Domino deliberare possimus.

b

N O T Æ A D E P I S T. XXXV.

a De hoc Episcopo diximus ad Ep. 9. lib. 2. Ex 1. & 2. Epistola hujus libri, quam indigne in Castro Lucullano prope Neapolim sit habitus, notum. Hinc fortasse propriæ Ecclesiæ revisendæ desiderium.

b Vatic. B. & nonnulli, *ut vestiarium omne Episcopii*. Hinc apparet rem vestiarium Episcopi non fuisse cujusque propriam, sed Ecclesiæ, & de manu in manum tradi consuevisse, sicut & pecuniam. Nunc autem designati Episcopi de suo solvunt Annatas, vestes comparant, sumtus faciunt. Porro ve-

stiarium usurpatur aut pro vestium armario & reconditorio, aut pro re ipsa vestiaria cuique pro sua conditione necessaria: ut in digestis lib. 34. tit. 2. leg. 21. Græce scribunt *βεστιαριον*, res vestiaria: *βεστιαριον, τὸ ἐν τῷ*, armarium, *βεστιαριον*, qui curam gerit vestiarium. Hinc *παιδὺν πᾶν τὸ βεστιαριον*, qui secundus a vestiario: *πρωτοβεστιαριον*, supremus Præfectus. Vide Codinum. Apud Nicetam dicitur *ἀρχιζέπανος*, & simpliciter *ζέπανος*, vestiarum principis Præfectus. *Partim ex Guffanv.*

AN. CHR.

592. 593.

GREG. 3.

E P I S T O L A XXXVI.

Ad Sabinum defenforem.



Ut Januarium Episcopum & Epiphanium Presbyterum criminis accusatos Romam perducant. Pompejanam vero, Theodosiam, & Isidorum adjuvet Romam venire cupientes.

a

Gregorius Sabino defensori ^a Sardiniae.

b

QUædam ad aures nostras gravia pervenerunt, quæ quoniam canonicam emendationem expectant, idcirco Experientiæ tuæ præcipimus, quatenus una cum Johanne notario, omni excusatione postposita, Januarium fratrem & coepiscopum nostrum summa huc exhibere instantia non omittas: ut eo coram posito, ea quæ ad nos perlata sunt, subtili valeant indagatione perquiri. Pompejana vero atque Theodosia religiosæ feminae, juxta postulationem suam, si huc venire voluerint, vestra eis in omnibus præbete solatia, ut desideria sua vobis queant ^b succurrentibus adimplere: præcipue autem Isidorum eloquentissimum, sicut petit, studii vestri sit per omnia vobiscum adducere, ut causæ ejus qua-

litas, quam contra Ecclesiam Caralitana[m] habere dignoscitur, intensius trutinata, legalem valeat finem accipere.

Præterea quoniam aliqua nobis de persona Epiphanii Presbyteri facinora nuntiata sunt, necesse est ut diligentius cuncta perscruteris, & seu ^c mulieres, cum quibus perisse dicitur, seu alios quos de causa eadem scire aliquid senseris, huc pariter festines adducere: quatenus Ecclesiasticæ distinctioni liquide possint aperiri quæ vera sunt. Hæc vero omnia ita efficaciter utrique curabitis adimplere, ut nulla vos de neglectu culpa respiciat, scientes ad vestrum omnino pertinere periculum, si hæc nostra quoquo modo fuerit lentata præceptio.

N O T Æ A D E P I S T. XXXVI.

a In vulgatis additur, & *Antemio Subdiac.* contra MSS. Vat. Nor. Corb. Rem. Colb. fidem: immo contra totius epistolæ seriem, ubi in singulari legitur: *experientiæ tuæ*, & infra, *perscruteris*.

b Duo Vat. Norm. & pler. *concurrentibus*.

c Refertur extr. *de testibus* & *artefat.* c. 3. ubi Glossa notat. 1. Mulieres produci testes adversus Clericos: 2. socios criminum admitti ad testimonium: 3. in criminalibus mulierum testimonium non recipi. Quamvis autem semper rejectæ sint feminae a postulationibus, testimoniis, accusationibus, judiciis, varias ob causas; nihilominus non

raro fuisse admissas, multorum legibus aut moribus constat. In Dig. *de testibus*, leg. 18. *qui testam. fac.* leg. 20. *mulier*. In jure Canonico extr. *de testibus* c. 3. & 33. Et apud Grat. causa 15. q. 3. referuntur plures textus ex Jure Civili. Jure Gallico mulieres admitti, necnon in foro ecclesiastico, praxis hodierna testatur. De sociis criminum, quod testificari non possint, ait Alex. 3. extr. *de testibus* cap. 20. *quia simili morbo laborant*. Et Clement. extr. *de Confess.* c. 1. secundum juris utriusque statuta, de se confessi super aliorum conscientis interrogari non debent. *Auget.*

Al. 44.
Ind. XIV. &
49. Ind. XII.

E P I S T O L A * XXXVII.

Ad Bonam Abbatissam.

AN. CHR.
592. 593.
GREG. 3.



Monasterium construi precipit, & omnia a Johanne Presbytero ipsi legata confirmat.

Gregorius ^a Bonæ Abbatissæ.

a

Ecclēsiastica damnum non sentit utilitas, si res aliis competentes, cognita veritate, restituat. Cognovimus itaque Johannem quondam Presbyterum sanctæ Romanæ Ecclesiæ, cui Deo auctore deservimus, in domo juris sui posita in hac urbe Roma, juxta thermas Agrippianas, oratorium construxisse: ibique quosdam redditus legati titulo per testamenti sui seriem reliquisse; in quo etiam oratorio servorum Dei congregationem esse constituit; & hæc omnia ut debuissent impleri, testamenti sui pagina sanctæ memoriæ decessori nostro Pelagio noscitur deputasse. Sed quia morte occupatus, hoc non occurrit implere, & domus ipsa cum horto suo ab actoribus nostræ Ecclesiæ detinetur, & idcirco hæctenus necdum voluntas defuncti ^b completa est; justitiæ ratio nos vehementer incitat, hujusmodi piæ dispositionis arbitrium vestra sollicitudine, & hoc quod decessori nostro injunctum est, adimplere. Sed quoniam illic pro difficultate temporis, nova servorum Dei congregatio adhiberi non potuit, feminarum saltem congregationem constituendam esse decernimus, atque ideo & locum ipsum solemniter dedicare. Et quia monasterium ubi tu prius fuisti, in ruinæ erat periculo constitutum, te illic cum congregatione tua consistere ^c per omnia ^d debere, Deo

annuente, perspeximus: quatenus in superscriptæ domus monasterio, juxta voluntatem defuncti, Domino Redemptori nostro serviens esse congregatio potuisset, & imminens posset periculum evitare. Unde necesse est ut & nunc & in futuris temporibus, Dei illic laudes per eam quæ modo est vel successura est, congregationem, modis omnibus celebrentur. Considerantes igitur antedicti Presbyteri voluntatem; perpetuo illic tempore monasterium esse, atque ad id eandem domum in integro cum horto suo & rebus inferius designatis, quæ a testatore relictæ sunt; proprietatis jure constituimus pertinere; id est, massam Magulianensem cum appendicibus suis via Numentana milliario plus minus undecimo, tabernam in hac urbe, quæ est posita ^e juxta Palacenis, & ^f Salgamum positum ante domum superscripti monasterii. ^g Oportet ergo ut ita Dilectio tua diligenter invigilet, ut & Dei illic, sicuti præfati sumus, laudes salubri studio devote, ut moris est, celebrentur, & superscriptæ res ad jus ipsius pertinentes, nulla, te negligente, occasione depercant. Hanc enim sollicitudinem ^h non solum te, sed etiam eas quæ tuo loco successerint in prædicto monasterio & rebus superius designatis, constituimus nihilominus exhibere ⁱ.

e
f
g

h

i

N O T Æ A D E P I S T. XXXVII.

a In edit. vet. *Bono abbati*. Confirmat hanc lectionem quod in fine epistolæ

c
d

AN. CHR. stolæ legitur juxta MSS. Norm. tres Romanos, & alios nonnullos: non solum a te, sed etiam a tuis successoribus; GREG. 3. ideoque viris, non feminis.

6673

b In Norm. & tribus Vatic. completa est nostra sollicitudine, piæ dispositionis voluntas, & hoc quod decessori nostro injunctum est, prævidimus esse complendum; ideoque necessarium esse perspeximus, ut dedicari oratorium ipsum protegente Domino debuisset. Et quia.

c In Bell. constituere; & defuncti per omnia debere.

d Becc. & Pratell. debere, quatenus & in superscriptæ domus monasterio congregatio esse potuisset imminens rei periculum evitare. Unde.

e Locus est in urbe Roma, ubi fuit monasterium S. Laurentii Martyris, de quo Anast. Bibliothec. in Greg. IV. Guss.

f Salmami nomine a sale fortasse deducto intelliguntur quæcumque sale vel aliis salis vim habentibus condita, ad

cibum in vasis servabantur, ut mala, fici, uvæ, cucumeres &c. Vide Lexicon Martinii. In Cod. Justin. lib. 12. tit. 42. est, de salgamo hospitibus non præstando. Ubi cavetur: ne quis comitum vel tribunorum, aut præpositorum, aut militum nomine, salgami gratia, culcitra, lignum, oleum a suis extorqueat hospitibus. Hic tamen per salgamum intelligitur cella salgamaria, seu officina in qua salgatum asservabatur, & venundabatur a salgamariis. Conqueritur Concil. Chalcedon. act. xi. salgamarios, fuisse ordinatos Episcopos; unde pravissimum in Ecclesia damnum. Bess. Salmagum.

g Bess. His igitur ita concessis & dispositis, dilectio sua.

h In tribus Vatic. & in Norm. non solum a te, sed etiam a tuis successoribus, in prædicto oratorio.

i In Colbert. vet. legitur ad calcem ep. Mense Majo, Indiæ. xi.

ALXXXVII.

E P I S T O L A * XXXV III.

Ad Libertinum Præfectum.

Ut Nasam Judæum seductorem puniat, necnon Christiana mancipia ab illo comparata liberet.

a

Gregorius a Libertino Præfecto Siciliæ.

Joh. Diacon. 4. c. 73.

AB ipso administrationis exordio, Deus vos in causæ suæ voluit vindictam procedere, & hanc vobis mercedem propitius cum laude servavit. Fertur siquidem quod Nasas quidam sceleratissimus Judæorum, b sub nomine beati Eliæ altare puniendi temeritate construxerit, multosque illic Christianorum ad adorandum sacrilega seductione deceperit; sed & Christiana, ut dicitur, mancipia comparavit, & suis ea obsequiis ac utilitatibus deputavit. Dum igitur severissime in eum pro tantis facinoribus debuisset ulcisci, gloriosus Justinus medicamento avaritiæ, ut nobis scriptum est, delinitus, Dei distulit injuriam vindicare. Gloria autem vestra hæc omnia districta examinatione perqui-

rat: & si hujusmodi manifestum esse reperit, ita districtissime ac corporaliter in eundem sceleratum festinet vindicare Judæum; quatenus hac ex causa & gratiam sibi Dei nostri conciliet, & his se posteris pro sua mercede imitandum monstret exemplis. Mancipia autem Christiana, quæcumque eum comparasse patuerit, ad libertatem, c juxta legum præcepta, sine ambiguitate perducite; ne, quod absit, Christiana religio Judæis subdita polluat. Ita ergo omnia districtissime sub omni festinatione corrigite, ut non solum pro hac vobis disciplina gratias referamus, sed & testimonium de bonitate vestra, ubi necesse fuerit præbeamus.

Grat. dist.
54. c. 73.
Mancipia.
c

NOTÆ AD EPIST. XXXVIII.

AN. CHR.

592. 593.

GREG. 3.

1675

a In Corb. Pratell. & Michaelino legitur, *Libertino Prætori*. In Rem. & Vatic. *D. Expratori*. Si ex alterutra lectione una eligenda nobis foret, priorem censeremus anteponendam. Nimirum conqueritur infra S. Greg. de Justino qui Siciliæ Prætor fuerat, ex ep. 2. l. 1. ad eum scripta; & Libertinum, qui fortasse successor ei datus fuerat, admonet hic ut ea quibus mederi neglexit Justinus, emendet. Retinemus tamen *Præfeto*, quia legitur in tribus Vatic. in Norm. quinque & in plerisque: aliundeque non minus ad Præfectum spectabat ea e medio tollere de quibus expostulat sanctus Pontifex, quam ad Prætorem.

b Vide in Cod. lib. 1. tit. 9. *de Judæis & cælicolis*, legem *Judæos quosdam*: ubi prohibentur Christianos ritus simulare, crucem suis immiscere, &c. *Guffanv.* Cultum & honorem Eliæ exhiberi non improbat sanctus Doctor, sed malas sceleratissimi Judæi artes. Alioquin legimus S. Eliæ prophetæ templum in Petrio a Zenone imperatore constructum, post reditum ex Persica expeditione. In ædem Eliæ quam dominicum nuncupabant, habes epigramma S. Gregorii Nazianz. in edit. Leunclavii. Constat tamen in Eccle-

sia Latina, saltem usque ad S. Bernardi tempora S. Eliæ nullum diem festum decretum fuisse: Bernardus enim in ep. 98. novæ ed. respondet ad quæstionem, cur ex justis antiquæ Legis Ecclesia solis Machabæis diem festum assignavit.

c In Cod. lib. 1. tit. 10. *Judæus servum Christianum nec comparare debet, nec largitatis aut alio quocumque titulo consequitur. Quod si aliquis Judæorum... non solum mancipii damno multetur, verum etiam capitali sententia puniatur, &c.* Et Lege sequente: *Græcus, seu Paganus, & Judæus, & Samaritanus, & alius hæreticus, id est, non existens orthodoxus, non potest Christianum mancipium habere, &c.* Lege distinct. 54. & extra leg. 5. tit. 5. de Judæis cap. 2. Infra passim de Judæis, necnon in Conciliis Galliæ, ubi plura videbantur Judæis permessa; quæ prosequi nostri non est instituti. *Guffanv.* Vide infra lib. 4. ep. 21. & Eusebium lib. 4. de vita Constantini c. 27. ubi refert pium Imperatorem legem tulisse, ne Christianus ullus serviret Judæis; & si quis Christianæ religionis servus penes Judæum deprehenderetur; illum quidem libertate donandum, Judæum vero pecunia multandum.

Al xxxviii.

EPISTOLA * XXXIX.

Ad Episcopos Corinthios.

Diaconum mittit, qui de audita Hadrianum inter & Episcopos ejus accusatores reconciliatione inquirat.

Gregorius universis Episcopis Corinthiis.

Joh. Diac.
d. 4. c. 32.

Desiderii nostri est ad concordiam^a redire discordes, & unitos esse in gratia eos, quos divisos ab alterutra dilectione voluntatis facit esse diversitas. Scripta igitur Fraternitatis vestræ relegendes, agnovimus quod hi, qui contra^b Hadrianum fratrem & coepiscopum nostrum aliqua dixerant, modo cum eodem Episcopo in amicitiam convenissent, & magna nobis ad præsens facta est de eorum unitate lætitia. Sed quoniam ea quæ dicta sunt, indiscussa remanere non

patimur, Sedis nostræ Diaconum ad ea investiganda dirigimus: quia nuntiati nos facinoris qualitas vehementer impellit, ut ea quæ audivimus, dissimulare nullatenus debeamus; præsertim cum accusatores & accusatum inter se fecisse gratiam indicastis, hoc nobis necesse est subtilius perscrutari: ne fortasse eorum sit comparata concordia; quæ si, quod absit, non ex caritate, sed ex præmio facta constiterit, majori hoc emendatione plectendum est. Nam nos qui canonice, revelante Deo, mala,

AN. CHR.
592. 593.
GREG. 3.
1675

mala, si quidem vera sunt, refecere præcedentia festinamus, commis-

sam postmodum culpam sine vindicta nulla ratione dimittimus ^c.

N O T Æ A D E P I S T. XXXIX.

^a Recent. ed. *redigere*, inconsultis sane MSS. saltem antiq. & potioribus.

^b Forte is est quem injuste ab Episcopis quibusdam condemnatum absolvit Gregorius epist. 6. & 7. hujus In-

ditionis. *Guffano*.

^c Turon. cod. S. Gatiani, cui concinit edit. Paris. 1518. addit: *Mense Junio Indiſt. xi.*

E P I S T O L A * XL.

Al. XXXIX.

Ad Petrum Subdiaconum.

Numerium Diaconum, si Episcopatu dignum judicet, Romam mittat consecrandum. Catellam servam, si animo sincero Monasticum habitum petit, a Felice redimat.

Gregorius Petro Subdiacono Campaniæ.

^a ^b **A**Nte aliquot dies tibi scripsimus, ut Numerium Diaconum ^a Nucerinæ Ecclesiæ interrogare ^b subtiliter debuisses: & si nihil esset quod ei ad sacerdotii gradum potuisset obfistere, huc cum consecrandum Deo auctore transmitteres. Et ideo si facta interrogatione, quam diximus, superscriptum ad nos Diaconum transmissurus es, clerum & populum civitatis ipsius admonere curabis, ut cum eo quanticumque potuerint, venire non differant, quatenus eis præsentibus, si Deo placuerit, & ordinandus fuerit, consecretur.

Præterea quia Felix defensor puellam nomine Catellam habere dici-

tur, quæ cum magnis lacrymis & vehementi desiderio habitum conversationis appetit, sed eam præfatus dominus suus converti ^c minime permittit: proinde volumus ut Experientia tua præfatum ^d Felicem adeat, atque puellæ ejusdem animum sollicitè requirat; & si ita esse cognoverit, pretium ejusdem puellæ suo domino præbeat, & huc eam in monasterio dandam cum personis gravibus, Domino auxiliante, transmittat. Ita vero hæc age, ut non per lentam actionem tuam præfatæ puellæ anima detrimentum aliquod in desiderio suo sustineat.

N O T Æ A D E P I S T. XL.

^a Nuceria urbs olim Campaniæ in Picentinis, nunc Principatus citerioris in Regno Neapolit. adhuc Episcopalis sub Archiep. Salernitano.

^b Id est, curiosus, diligentius; quo sensu sæpe a nostro Greg. usurpatur. In epist. seq. *cum omni subtilitate veritatem curabis addiscere*; hoc est summo studio, omnique sollicitudine. Ita in epist. 42. *curet subtiliter singulos quosque describere*.

^c Converti, habitu conversionis indui, Sanctimoniali aut ancillam Dei

fieri idem est. De servis sine domini consensu ad habitum conversionis non admittendis, lex ipsa naturæ præcipit, Evangelium confirmat, canones agnoscunt, statuunt Imperatores & Reges. Jus cuique suum servari, juris est naturalis. Paulus 1. Timoth. 6. *Quicumque sub jugo sunt servi*, &c. Et additur: *Si quis aliter docet*, &c. quem textum explicant Patres, Ambrosius, Primasius, Hieronymus, Chrysostomus, & alii veteres: concordant novi commentatores. De canonibus legere est

Ca-

Canonem Apost. 81. Chalcedonenſis Concilii c. 4. Gangrenſis can. 3. Capitularis Aquifgranenſis c. 23. Gelafius Papa pœnam depofitionis & excommuni- cationis decernit adverſus eos, qui contrarium fecerint. Refertur diſt. 54. cum pluribus aliis auctoritatibus. Ad- de extra, lib. 1. tit. 12. De fervorum monachiſmo, ignorante aut invito dō- mino. Videat lector Leonis Imperato- ris conſtitutiones 9. 10. 11. quas legiſ- ſe non erit injucundum. Imperatores tamen ſeverius adverſus dominos inſi-

deles edixerunt, præcipue Judæos, ut ſupra ep. 38. obſervavimus. Vide in AN. CHR. Authent. Novell. 5. c. 2. Nov. 123. c. 592. 593. GREG. 3. 673
4. Hinc canones poſteriores in ſervo- rum gratiam multa ſtatuerunt, ut extr. de Judæis c. 1. & 2. lib. 5. *Fidelibus dominis non eripiuntur ſervi, ſed dato pretio liberantur.* Heſſelius in Paulum in cap. 6. 1. Timoth. de iſtis tractat fuſius, quem conſule. De eadem ma- teria sæpe fit in ſequentibus Epiſtolis mentio. *Guffanv.*
d Tres Vatic. *Felicem videt.*

Al. xl.

E P I S T O L A * XLI.

Ad Pantaleonem Notarium.

Stuprator virginis aut eam ducat, aut corporaliter caſtigatus in monaſte- rium detrudatur. Diaconus captivus Eccleſiæ ſumtibus redimatur.

Gregorius Pantaleoni Notario.

Queſtus eſt nobis Evangelus Si- pontinæ Eccleſiæ Diaconus, ſi-
liam ſuam ^a a Felice fuiſſe, quod
dici nefas eſt, ſtupratam. Pro qua
re hujus præcepti auctoritate ſufful-
tum ad Sipontinam civitatem te pro-
ficiſci neceſſe eſt, & adhibitis tibi
ſapientibus illic viris, cum omni
ſubtilitate veritatem curabis addiſce-
re: & ſi ita repereris, eam quam
^b ſtupravit, aut uxorem factis nu-
ptialibus instrumentis accipiat, aut
corporaliter caſtigatum in monaſte-
rium eum privatum communione,
ubi pœnitentiam peragat, tradere
feſtinabis; itaut nulla exinde ei ſit

quoquomodo egrediendi licentia, niſi
hoc noſtra permiferit fortasſe præ-
ceptio.

Præterea quia ſupradictus Diaco-
nus de hoſtibus ſe redemptum, ac
propterea debitum habere comme-
morat: ideo ſi talem ejus ſubſtan-
tiam non eſſe cognoveris, quæ ad
reddendum debitum ipſum poſſit ſuf-
ficere, Felici fratri & coepiſcopo no-
ſtro te imminere præcipimus, ut
ejus pretium de Eccleſia dare non
diſſerat: quatenus ſupraſcriptus E-
vangelus Diaconus ſine tarditate a-
liqua a debiti poſſit neceſſitate, cui
eſt ſuppoſitus, liberari.

N O T Æ A D E P I S T. XLI.

^a Fuiſſe nepotem Felicis Epiſcopi
Sipontini docet ep. 43.

^b Ea de re multas leges videre eſt
in Dig. ad legem Juliani, *de vi publi-
ca.* Aliquot etiam canones extr. *de
adulterio & ſupro.* Deponebantur Cle-

rici in hoc crimine deprehenſi, & mo-
naſterio includebantur pœnitentiam actu-
ri, diſt. 81. cap. Si quis Clericus. *Au-
get.* Supponit vir eruditus, ſtuprato-
rem Clericum fuiſſe; quod ex pœna
ipſi inſlicta facile poſſumus conjicere.

AN. CHR.

592. 593.

GREG. 3.

6693

Al. xli.

E P I S T O L A * XLII.

Ad Felicem Episcopum.

Ecclesiarum ministeria, pecuniæ &c. Ecclesiæ Sipontinæ describantur, quorum index Romam mittatur.

Gregorius Felici Episcopo Sipontino.

PROpositi nostri sollicitudo nos vehementer adstringit, ut ita rerum Ecclesiasticarum, Deo auxiliante, debeamus providere cautelam, quatenus in eis nulla possit ex neglectu evenire iactura. Proinde Fraternitas tua una cum Bonifacio, necnon & Pantaleone latore præsentium, Sedis nostræ notariis, res Ecclesiarum, quæ apud Sipontinam noscuntur esse Ecclesiam, curet subtiliter singulas quasque describere: ut tam ministeria Ecclesiarum, quam etiam usuale argentum, vel quid-

quid aliud est, idem ^a brevis a vobis conscriptus, veraciter rerum facta inspectione, contineat. Nec quamdam ad hoc moram vel excusationem Fraternitas tua tentet adducere: sed omni excusatione cessante, hæc quæ a nobis injuncta sunt, modis omnibus implere festina, eundemque nobis brevem manu tua subscriptum per ante dictum Pantaleonem trans mitte: quatenus quid de hoc fieri salubriter debeat, divina possimus gratia suffragante disponere.

N O T Æ A D E P I S T. XLII.

^a *Brevis* dicitur inventarium, rotulus, Gall. *roolle*, nempe chartula summarium quarumcumque rerum continens. Græcis *πικτάκιον*, pittacium. Utuntur passim hac notione S. Hieronym. ep. 6. ad Florentium, S. Benedictus c. 32. & 41. Regulæ, Lupus

Ferrar. ep. 80. & alii. Hinc imbreviare, in breves redigere apud Hincmarum, Hovedenum, & alios. *Gusmanv.* Vide supra ep. 5. l. 2. Cæterum fallitur *Gusmanv.* dum hic laudat Reg. S. Benedicti c. 41.

Al. xlii.

E P I S T O L A * XLIII.

Ad Felicem Episcopum.

Episcopum de illato a nepote stupro arguit: ipsique imponit latæ in reum sententiæ executionem.

Gregorius Felici Episcopo Sipontino.

EXspectabamus Fraternitatem tuam sua aliquos ad Deum prædicatione convertere, & maleagentes ad rectitudinem revocare. Qua de re nimis contristamur, quia e diverso in nepotis tui Felicis pravitate, tua evidenter, qui talem nutriti, culpa monstrata est. Pervenit ^a itaque ad nos, quod superscriptus

Felix Evangelii tui Diaconi filiam; quod nefas est dici, stupro deceiverit. Quod si verum est, quamvis ^b gravi esset de lege poena plectendus, nos tamen aliquatenus legis duritiam mollientes hujuscemodi disponendo præcipimus, ut aut quam stupravit uxorem habeat, aut certe si renuendum putaverit, districtius ac cor-

po-

Sup. Ep. 41.

^b *Johan. Diaconus lib. 4. cap. 40.*

pōraliter castigatus excommunicatusque, in monasterium, ubi pœnitentiam peragat, retrudatur: de quo ei nulla sit egrediendi sine nostra præceptione licentia. Ita ergo Fraternitas tua, ut hæc compleantur

studeat, quatenus nihil de his aliquo modo possit omitti: Nam si quid, quod non credimus, lentatum fuerit, & illi grave postea periculum imminet, & te non levis incipiet culpa respicere.

AN. CHR.
592. 593.
GREG. 3.
669

N O T Æ A D E P I S T. XLIII.

a Refertur extr. de adult. c. 2. Vide Conc. Meld. an. 845. c. 64. 65. 66.

b Quam intelligat pœnam inquiri: an deportationem, aquæ & ignis inter-

ditionem, depositionem, pœnam corporalem? Mortem videtur intelligere. Vide caus. 36. q. 2. & in Cod. l. 9. tit. 12. & 13. & Novell. 143. Guffanv.

Al. XLIII.

E P I S T O L A * XLIV.

Ad Bonifacium Episcopum.

Stephanie res a decessoris sui actoribus occupatas restituat.

Gregorius Bonifacio Episcopo Regitano.

Grat. 12. q. 2. c. 49. Si-
cut.

Sicut Ecclesia proprias res amittere non debet, ita eam rapacitatis ardore invadere alienas non oportet. Stephania siquidem latrrix præsentium, quasdam res suas temporibus decessoris tui Lucii quondam Episcopi ab actoribus ejus vi queritur occupatas. Et quia sibi eas petiit, justitia favente, debere restitui, propterea Fraternitas tua cum Dei timore hæc quæ asserit subtiliter curet addiscere. Et si ita, quem-

admodum superscripta femina ait, esse repererit, quæcumque male ablata sunt, faciat sine aliquo damno vel dilatione restitui. Nam valde durum est res alienas contra rationem Ecclesiam detinere. Ita ergo querimoniam præfatæ mulieris salubriter finire festina, ut nec nos exinde denuo molestiam patiamur, nec te avarum vel desidiosum hæc causa demonstret.

Al. XLIV.

E P I S T O L A * XLV.

Ad Andream Episcopum.

Ut sacerdotium ipse deponat, si peccati cum concubina sit conscius; hortatur. Quod mulierem fustibus cædi jusserit, a missarum celebratione per duos menses abstinere jubet.

2

Gregorius Andreæ Episcopo Tarantino.

Job. Diac.
lib. 3. c. 43.
Grat. dist.
33. cap. 7.
Habuisse.

Tribunal judicis æterni securus aspiciet, quisquis reatus sui conscius, digna eum modo pœnitentia placare contendit. Habuisse te siquidem concubinam manifesta veritate comprimimus, de qua etiam

contraria est quibusdam nata suspicio. Sed quia in rebus ambiguis absolutum non debet esse judicium, hoc tuæ conscientie elegimus committendum. Qua de re si in sacro ordine constitutus, ejus te permix-

Bb. 2. tie.

AN. CHR.
592. 593.
GREG. 3.
1673

tione esse récolis maculatum, sacerdotii honore deposito ad administrandum nullo modo præsumas accedere: sciturus in animæ tuæ periculo te ministrare, & Deo nostro sine dubio te reddere rationem, si hujus sceleris conscius, in eo quo es ordine, celans veritatem, permanere volueris. Unde te iterum adhortamur, ut si te deceptum anti-qui hostis calliditate cognoscis, compententi eum, dum licet, pœnitentia superare festines: ne cum eo particeps, quod non optamus, in die iudicii deputeris. Si vero hujus reatus tibi conscius non es, in eo te necesse est quo es ordine permanere.

N O T Æ A D E P I S T. XLV.

a Tarentum vulgo *Taranto*, urbs olim Salentinorum, in magna Græcia, in sinu cognomine hodie Regni Neap. in Provincia Hydruntina, ubi validum Hispanorum præsidium: titulo principatus gaudet; olim Episcopalis, nunc autem Archiepiscopali, sede, donata. *Guffanv.*

b Et statim addit: *In rebus ambiguis . . . hoc tuæ conscientiae elegimus committendum.* Sic utrumque intelligerem. Habuerat Andreas ante ordinationem concubinam, id manifestum S. Gregorio. Eidem concubinæ fuisse post ordinationem permixtum, quibusdam erat nata suspicio. Ejus conscientiam convenit S. Gregorius. Id patet ex verbis seqq. *Et te illius criminis participationem habere: de qua etiam contraria est quibusdam nata suspicio.* *Guffanv.* Frustra in explicanda S. Gregorii mente laboravit Guffanvillæus, cum ex ep. sequenti clare pateat.

c Hic in recentioribus ed. attexitur,

Præterea quoniam ^d mulierem de Matriculis contra ordinem sacerdotii cædi crudeliter ^e fustibus deputasti: quam licet post octo menses exinde minime arbitramur fuisse defunctam; tamen quia ordinis tui habere nolueris respectum, propterea duobus te mensibus ab administratione missarum statuimus abstinere. In quibus ab officio tuo suspensum, flere te convenit quod fecisti. Nam valde dignum est, ut postquam te ad vitæ istius tranquillam rectitudinem laudabilem Sacerdotum exempla non provocant, saltem correptionis medicina compellat.

d
e

Et te illius criminis participationem habere; quæ nullis in MSS. reperimus. Deesse in undecim codicibus MSS. fatetur Guffanv. qui tamen ea retinenda censuit. Certe non sunt in 7. Norm. in 4. Romanis, in Corb. in Rem. in Turon. in Andeg. &c. Redundare videntur correctoribus Decreti dist. 33. & priores editiones illa nesciunt.

d *Matricula* dicebatur canon seu liber, in quo descripti erant qui Ecclesiæ sumtibus alebantur. Inde Matricularii dicti. Erant autem pauperes, orphanæ, viduæ quæ Matriculariæ appellabantur. *Guffanv.* Mulierem quæ fustibus cæsa est, fuisse unam e matricula Ecclesiæ argumento est, quod id factum est jussu Episcopi, ad quem pertinebat cura & potestas in matriculis Ecclesiæ. *Alteserra.*

e De Episcopo percussore dist. 45. late Espensæus digress. in Timoth. l. 2. c. 3. *Guffanv.*

Al. xlv.

E P I S T O L A * XLVL

Ad Johannem Episcopum ?

AN. CHR.
592. 593.
GREG. 3.
6675

Andream Episcopum, si concubinam in sacro ordine constitutus contigerit, a ministerio prohibendum. Suspendendum eundem a Missarum celebratione ob casam fustibus mulierem. Expendendas quoque Clericorum de illo querelas.

a

Gregorius Johanni Episcopo a Calliopolitano.

Sup. Ep. 45.

EX gestis, quæ ad nos Fraternalitas tua direxit, inventum est Andream fratrem & coepiscopum nostrum habuisse sine dubio concubinam. Sed quia incertum est si eam in sacro ordine constitutus contigerit: necesse est ut eum sollicita adhortatione commoneas, ut si positus in sacro ordine, cum ea se novit immixtum, ab eo quo est officio quiescat, & nullatenus administrare præsumat. Quod si forte conscius sibi hujus rei, peccatum suum suppressum administrare præsumserit, animæ suæ periculum divino judicio imminere cognoscat.

b
Job. Diae. l.
4. c. 27.

^b Matriculam vero quam fecit fustibus castigari, quamvis exinde post

octo menses obiisse non credimus; quia tamen eam contra propositi sui ordinem hujusmodi fecit affligi, duobus hunc mensibus a Missarum solemnitate suspende, ut vel hæc eum verecundia qualem se de cætero possit exhibere, instituat.

Præterea oblata nobis petitione, quæ tenetur in subditis, Clerici prædicti Episcopi multa se mala ab eo sustinere commemorant. Ob quam rem Fraternitas tua subtiliter cuncta curet addiscere, & ita ea rationabili modo emendare atque dispo-
nere, ut nulla eis pro hac re huc remeandi de cætero necessitas imponatur, ^c Mense Julio, Indictione XI.

c

N O T Æ A D E P I S T. XLVI.

a In Vatic. D. Colbert. Pratell. ac nonnullis legitur, *Galliopolitano*. Est vero Callipolis vulgo *Gallipoli*, urbs Calabriae Episcopalis, sub Archiepiscopo Hydruntino.

b Id est *Matriculariam*, seu mulierem quæ matriculæ Ecclesiæ cujus sumtibus alebatur, inscripta erat.

c Sic habent Turon. S. Gat. Colbert. vetus, & Corb.

Al. xlvj.

E P I S T O L A * LXVII.

Ad Clerum Ecclesiæ Salonitanæ.

Honorati electionem in Episcopum approbat.

Gregorius Clero Ecclesiæ Salonitanæ.

Dilectionis vestræ scripta relegentes, electionem vos ^a in Honoratum Archidiaconum vestrum fecisse didicimus: & omnino nobis gratum fuisse cognoscite, quod olim expertum virum & gravem moribus

ad Episcopatus ordinem elegistis. Cuius etiam & nos personam, quia dudum est nobis bene cognita, comprobamus: eumque vobis juxta desiderium vestrum & nos ordinari volumus Sacerdotem. Pro qua re hortamur vos
in

AN. CHR.

592. 593.

GREG. 3.

1673

b

in ejus electione sine aliqua ambiguitate persistere. Nec quædam vos res ab ejus debet persona deflectere: quia sicut ista laudabilis nunc probatur electio, ita si, quod absit, Dilectionem vestram ab eo quisquam deviare seduxerit, & animæ vestræ gravamen, & opinioni maculam infidelitatis imponet. Eos vero, qui ab electionis vestræ unitate desideratæ discordant, ut vobiscum sentire pos-

sint, ^c ab Antonino Subdiaconō nostro fecimus admoneri. Cui etiam de persona Malchi fratris & coepiscopi nostri quid oporteat fieri, jam pridem injunximus. Sed quoniam & ipsi scripsimus, credimus eum ab inquietudine vestra sine mora quiescere. Qui si fortasse obedire quocumque modo neglexerit, contumacia ejus modis omnibus canonice ultionis diffinitione multabitur.

c

NOTÆ AD EPIST. XLVII.

a De Honorato, ejusque cum Natali Salonitano Episcopo dissidiis jam dictum ep. xx. libri primi. Electio ipsius in Salonitanum Episcopum irrita fuit, & a provincialibus Episcopis. Maximus cui Mauricius Augustus favebat in Salonitanam sedem est intrusus. Qua de re atque de varia Honorati fortuna,

vide nostros de S. Gregorii vita commentarios lib. 2.

b Editi, *inconsiderate discordant*. Remanitate desiderata discordant. Sequimur Norm. Turon. Andeg. Vatic. &c. Vulgatorum vero lectioni nullus e nostris MSS. favet.

c Reg. ab *Anthimo*.

Ala. XLVII.

EPISTOLA * XLVIII.

Ad Columbum Episcopum.

Premisso singularis benevolentie testimonio, illum ne pueros ordinari, neve ordines ex favore aut ex venalitate conferri sinat, atque ut sibi Concilii statum indicet, hortatur. De catenis B. Petri aliquid clavibus inclusum mittit.

Gregorius Columbo ^a Episcopo.

2

ET antequam Fraternitatis tuæ scripta susceperem, bonum te Dei famulum esse, nuntiante veridica opinione, cognovi. Et postquam suscepi, certum fuisse hoc quod fama dudum asperferat, plenius intellexi: meritisque tuis valde congaudeo, quod testes vitæ laudabilis mores tuos & actus ostendis. Hæc ergo quoniam superna tibi sentio majestate collata, gratulor: & Deum Creatorem nostrum utique benedico, qui servis humilibus misericordiæ suæ dona non denegat. Quade reverum fateor, quia sic me Fraternitas tua ad amorem suam flamma caritatis accendit: sicque tibi unitus est meus spiritus, ut & videre te cupiam, &

tamen absentem corde semper attendam. Hæc igitur ita esse ex te beneconsideras. Nam profecto plus in caritate animorum unitas, quam corporalis ^b potest unire præsentia. Præterea tota te mente, toto corde, totaque anima apostolicæ Sedi inhærere ac esse devotum & nunc scio, & priusquam Epistola tua hoc testimonium perhiberet, manifeste cognovi. Præmisso itaque debita ex caritate salutationis alloquio adhortor, ut eorum quæ beato Petro Apostolorum Principi promissisti, memor esse non desinas.

Itaque erga Primatem synodi tuæ esto sollicitus, ut ^c pueri ad sacros ordines nullatenus admittantur; ne

Grad. 2. 9.

2. c. 120.

Pueri.

tan-

b

c

tanto periculosius cadant, quanto citius conscendere ad altiora festinant. Nulla sit in ordinatione venalitas; potentia vel supplicatio personarum nihil adversus hæc quæ prohibemus, obtineat. Nam proculdubio Deus offenditur, si ad sacros ordines quisquam non ex merito, sed ex favore, quod absit, aut ex venalitate provehitur. Hæc autem si fieri cognoscis, non taceas; sed instanter obfiste: quoniam si hæc aut investigare fortasse neglexeris, aut intellecta celaveris, non solum illos qui hæc agunt, peccati vinculum illigabit: sed & te hujus rei non levis ante Deum culpa respiciet. Oportet ergo canoni-

ca ultione si quid tale committitur, coerceri: ne tantum facinus^d cum aliorum peccato vires ex dissimulatione percipiat.

Præsentium igitur portitorem Victorinum Fraternitatis tuæ Diaconum, quem tuum reor imitorem existere, & cum caritate suscepi, & ad remeandum citius relaxavi: per quem etiam claves beati Petri, in quibus de catenis ipsius inclusum est, tibi met pro benedictione transmissi.

Præterea de unitate ac pace Concilii, quod Deo auctore congregare disponitis, Caritas tua animos nostros subtiliter omnia indicando lætificet.

AN. CHR.
592. 593.
GREG. 3.


d

N O T Æ A D E P I S T. XLVIII.

a Excusi, *Episcopo Numidiæ*, nec vitiose, licet *Numidiæ* abist a MSS. Norm. Vatic. Corb. denique ab omnibus quos consulere licuit.

b Sic emendavimus ex quinque MSS. Anglic. quibus consentiunt Beccensis, Michaelinus, & Sagienfis. Communis tamen MSS. lectio est: *plus in caritate animos unitas, quam corporalis potest venerari præsentia*. Eadem est editorum, mutato tantum *animos*, in *animorum*.

c Non hic de titulis Episcopatum & Abbatiarum loquitur, quos pueris quinquennibus concessos olim luxit Ecclesia: de ordinibus ipsis agit nulli conferendis, cujus non sit ætas legitima. Disputant in Scholis Theologi, an pueri ante rationis usum possint valide in Diaconos, Presbyteros, Episcopos con-

secrari. Canonistæ dist. 77. & 78. cuique ordini designant certum annorum numerum quo recipiatur, certa intervalla quibus administretur, certam in quoque gradu moram, ne sit adscensus præceps & in lapsum nimia festinatione pronus. Patres sanctissimi neophytos excludabant multis de causis; in scitiam, imperitiam, superbiam, favorem, venalitatem, quæ ut plurimum in eorum promotionibus occurrunt, aversantes. Ad idem facit epistola sequens, relata caus. 1. q. 1. quam sæpe in seminariis legi, & per singulos canones explicari foret utile, causam totam dico & epistolam. *Guffanv.*

d Sic legitur in tribus Vatic. Corb. Aud. &c. In excusis autem: *ne tantum facinus, cum aliorum peccato parciatur, vires ex dissimulatione percipiat*.

E P I S T O L A * XLIX.

Ad Adeodatum Episcopum.

Post amicam salutationem, cum hortatur ad explendum officium: imprimis ne ullos nisi provehiores ætate, & mundos opere ordinet; ne sit in ordinatione venalitas. Maximiani Episcopi utatur consilio. Tandem peracta synodo, se de ejus concordia certiore faciat.

Grégorius Adeodato Episcopō a Primati Provinciæ Numidiæ.

Qualiter erga nos Fraternitatem vestram caritas dilectionis adstrinxerit, scriptorum vestrorum se-

ries evidenter innotuit: magnumque fomitem nobis contulere lætitiæ, quod ea & benigna pietate composita, & Deo plac-

AN. CHR.
592. 593.
GREG. 3.

6773

placita dilectione fervere didicimus. Ut igitur breviter diximus, ita mentem vestram Epistola, quam direxistis, exposuit, ut auctor ejus abesse minime crederetur. Nec enim absentes judicandi sunt, quorum animus ab alterutra caritate non discrepat. Quamvis autem nec virtus, nec ætas vos, sicut scribitis, ad nos venire permittat, ut de Fraternitatis vestræ corporali possimus gratulari præsentia: tamen, quia animus noster vobis, vesterque nobis unitus est, vicissim nobis per omnia præsentem sumus, dum nos unita per amorem mente conspiciamus. Salutantes præterea Fraternitatem vestram, congruo caritatis affectu hortamur, ut officium primatus, quod Deo habetis auctore, tota intentione sic studeatis sagaciter exhibere, quatenus ad hunc vos ordinem pervenisse & animæ vestræ proficiat, & aliis in futuro exemplum bonæ imitationis existat. Estote ergo præcipue in ordinatione solliciti; & ad sacros ordines aspirare, nisi provectiores ætate, & mundos opere, nullatenus admittatis; ne forte semper esse desinant, quod immature esse festinant. Eorum enim qui in sacro sunt ordine collocandi, prius vitam moresque discutite: & ut dignos huic officio adhibere possitis, non vobis potentia, aut supplicatio quarumlibet surripiat personarum. Ante omnia

Grat. 1. 9.
1. c. 119.
E. Note.

autem cautos vos esse oportet, ut nulla proveniat in ordinatione venalitas: ne, quod absit, & ordinatis & ordinantibus periculum majus immineat. Si quando igitur de his tractari necesse est, graves expertosque viros ^b consiliis vestris adhibete participes, & cum eis communi de hoc deliberatione pensate. Præ omnibus autem Columbum fratrem & coepiscopum nostrum in cunctis adhibere vos convenit. Credimus enim quia si illa quæ agenda sunt, cum ejus consilio feceritis, nullus in vobis quod quibusque modis redarguere possit, inveniet: nobisque ita gratum esse tamquam si cum nostro consilio agatur, cognoscite; quoniam vita moresque illius ita nobis sunt in omnibus approbati, ut cunctis liquido constet quia quod cum ejus consensu agitur, nullius culpæ macula fuscatur. Præsentium vero laus Victorinus, suprascripti coepiscopi nostri Diaconus, vestrorum præcoita existit meritorum, ^c ut animos nostros de vestra vehementer actione reficeret. Et oramus omnipotentem Dominum, ut bona quæ de vobis retulit, placita sibi plenius faciat operatione clarescere. Concilium itaque quod congregare disponitis, dum Deo fuerit solatiante peractum, de ejus nos unitate atque concordia lætificate, ac reddite per omnia certiores.

b

c

NOTÆ AD EPIST. XLIX.

a Quales essent in Africana Ecclesia Primates, jam docuimus, & uberius in commentariis de S. Gregorii vita ostenditur.

b Ita legit hunc locum Gratianus, & retulit loco indicato. Sic etiam legitur

in MSS. Norm. in Vatic. C. &c. necnon in vet. excusis. Duo Vaticani nondum verso sensu habent, *consilii vestri adhibete participes*. Recentiores vero vulgati, *concilii vestri*.

c Vatic. B. *ut amicos nostros*,

Al. xlix.

E P I S T O L A * L.

Ad Theodorum Episcopum.

AN. CHR.
592. 593.
GREG. 13.
26705

*Ipsum laudat quod Sacerdotum vitam solícite perscrutetur ac renuntiet :
Paulum Episcopum in Monasterio ad pœnitentiam permanere præcipit .
Hujus describendas res ac servandas . De Bonifacio accusato inquirendum .*

Gregorius Theodoro Episcopo ^a Lilibætano.

Fraternitatis tuæ grata nobis omnino sollicitudo est : quia ea quæ de Sacerdotum vita cognoscit, & perscrutari curat, & investigata renuntiat. ^b Ut ergo in hac sollicitudine quam in te laudamus, possis sine diminutione persistere, studiosus esto ac vigilans : & si quos illic a quibuslibet, quod absit, excessus perpetrari cognoveris, siquidem tales sunt qui emendari ibidem possint, rationabiliter emendantur ; alioquin fratri nostro Maximiano Episcopo scriptis renuntiare festina, ut quid fiendum sit a vobis informatus agnoscat. Nulla igitur res ab investigatione pravorum actuum, vel insinuatione te revocet. Nam quanto vigilantiam tuam modo laudamus, tanto cultabilior invenieris, si hujusmodi actus qualibet dissimulatione celaveris.

Paulum præterea quondam Epi-

scopum, in monasterio in quo est ; in pœnitentia volumus permanere . Res autem quæ apud eum inventæ sunt, in ^c cimiliarchio Ecclesiæ tuæ servare modis omnibus studebis . De quibus etiam secundum ^d rerum inventarum paginam ^e desusceptum te facere volumus, & in ^f scrinium Ecclesiæ tuæ transmittere . Sed & Clericis ejus, si tamen illic aliqui præsentés sint, & a pari aliud facere desusceptum te convenit, in quo tua Fraternitas fateatur, quia desusceptum de eisdem rebus in scrinio nostro emisit : quatenus dum necesse fuerit, competenti personæ res omnes possint sine detrimento restitui .

De Bonifacio vero quædam gravis ad nos accusatio pervenit, cuius scelera volumus utrum vera sint, ut Fraternitas tua cum ^h loci servatore Prætoris examinet .

N O T Æ A D E P I S T . L.

^a Diversimode scribitur. In Normannis, Vaticanis tribus consentientibus, *Lillibitano*, vel *Lillibetano*. In Vatic. B. *Libuitano*. In Colb. *Liuvitano*. In Andeg. *Tillibitano*. Lilibæum urbs erat Siciliæ olim celeberrima, cui successit quæ vulgo nunc *Marsalla* dicitur, in valle Mazaræ, vulgo *Val di Mazara*. Lilibæum in Conciliis maxime notum ex Paschasino hujus urbis Episcopo, qui in Concilio Chalced. S. Leonis Papæ legatus fuit .

^b Vatic. C. *ut ergo hæc sollicitudo . . . possit sine diminutione subs.*

^c De cimiliarchio jam dictum ad ep. 20. lib. 1. *Honorato*.

^d Norm. *rerum inventarii paginam*. Tom. VII.

^e Hoc est, *descriptum, exemplum, apographum*.

^f Serinia sunt capsæ, loculi, armaria, in quibus acta asservantur : *Gallis le thesor*. Hinc scriniarius, chartophylax, aut, ut melius Suidas, chartularius. Legitur etiam Grece *σχεῖνιον* & *σχεῖνιδεος*. Vide in Cod. lib. 12. tit. 19. Varia erant serinia, libellorum, memoriæ, dispositionum, epistolarum : item sacrarum largitionum, tabulariorum, numerariorum, &c. Apud Budæum seriniorum alia erant stataria, alia viatoria, &c. *Guffanv*. Vide apud Cassiod. lib. xi. Var. cap. 20. 21. 22. 24.

^g Sive *a paribus*. Vide quæ de hac voce diximus ad ep. 25. lib. 1.

C c

h Non

h Non recipienda vulgatorum lectio, vator erat ejus Vicarius. Vide supra
 AN. CHR. loci servatore prætoris, loci prætoris ser- lib. 2. ep. xxxii.
 592. 593.
 GREG. 3.

Al. 1.

E P I S T O L A * LI.

Ad Maximianum Episcopum.

De miraculis Patrum in Italia factis scribere cogitans, Maximianum rogat ut ea quorum meminit, indicet.

Gregorius Maximiano Episcopo Syracusano.

Johan. Diac.
 l. 4. c. 75.

FRatres mei, qui mecum familiariter vivunt, omni modo me compellunt aliqua de miraculis Patrum, quæ in Italia facta audivimus, sub brevitate scribere. Ad quam rem solatio^a vestræ caritatis vehementer indigeo, ut ea quæ vobis in memoriam redeunt, quæque cognovisse vos con-

tigit, mihi breviter indicetis. ^bDe domno enim Nonnoso Abbate, qui juxta domnum Anastasium de Pentomis fuit, aliqua retulisse te memini, quæ oblivioni mandavi. Et hoc igitur & si qua sunt alia, tuis peto epistolis imprimi, & mihi sub celeritate transmitti, si tamen ad me ipse non properas.

b

N O T Æ A D E P I S T. LI.

^a In Vatic. A. & B. *vestræ veritatis.*

^b Is Monasterii in monte Soracte positi fuit Præpositus, sub Patre asperimo, inquit Greg. dialog. lib. 1. c. 7. Postea vero Abbas ejusdem forte Mo-

nasterii. Domnum illum appellat S. Greg. & quidem ex Regulæ S. Benedicti decreto cap. 63. *Abbas autem, quia vices Christi agere creditur, dominus & Abbas vocetur.*

Al. 11.

E P I S T O L A * LII.

Ad Priscum Patricium.

Ex prosperitatis & adversitatis vicissitudine humilitatem suadet. Gratulatur de recuperata Impp. gratia. Sabinianum & Castum commendat.

a

Gregorius ^a Prisco Patricio Orientis.

SI vitæ istius cursum veraciter attendamus, nihil in eo firmum, nihil invenimus stabile: sed quemadmodum viator modo per plana, modo per aspera graditur; sic nobis utique in hac vita manentibus nunc prosperitas, nunc occurrit adversitas: denique alternis sibi succedunt temporibus, & mutua se vice confundunt. Dum igitur omnia in hoc mundo ^b mutabilitatis ordo corrumpat, nec elevari prosperis, nec frangi debemus adversis. Tota ergo

mente ad illum nos convenit anhelare, ubi quidquid est, firmum permanet, ubi non mutatur adversitate prosperitas. In hac ergo vita miro Dei omnipotentis moderamine idcirco agitur, ut vel prosperitatem adversitas, vel adversitatem prosperitas subsequatur: quatenus & humilitati discamus quidquid deliquimus cedere, & iterum exaltati adversitatis memoriam quasi humilitatis ancoram in mente teneamus. Non hoc ergo Creatoris nostri ira est depu-

c

tan-

tanda, sed gratia; per quam discimus, ut ejus dona tanto servemus verius, quanto humiliter tenemus.

Quia igitur perfectam vos Dominorum gratiam auctore omnipotente Deo reparasse cognovimus, magna pro vobis exultatione gaudemus, optantes ut vitam vestram rerum omnium gubernator & bonis semper presentibus fulciat, & ad gaudia perpetua extendat. Hæc vobis ideo loquor,

quia multum vos diligo, atque me a vobis diligi scio.

Sed hoc quod me diligitis, in latorem presentium Sabinianum Diaconum demonstrare, ut ubi usus exegerit, vestra patrocinia consequatur. Vir autem gloriosus Castus præco laudum vestrarum, in Romanis partibus existit, quem vestra Excellentia paterna dilectione commendando.

AN. CHR.

592. 593.

GREG. 3.

6793

NOTÆ AD EPIST. LII.

a Avaricum bellum, composita cum Persis pace, Prisco commissum fuit. *Vere incunte*, ait Theophylactus lib. 6. cap. 4. nempe anni 593. ad Istrum movit. Deinde trans Istrum hiemare jabetur, *id. c. 10.* Postea Mauricius Prisco exauctorato, Petrum cujus frater germanus erat, ei subrogat. Is debellatur: CPolim redit: Priscus iterum dñx bello præficitur. Hoc cum S. Gregorius rescivisset, hanc ei gratulatoriam e-

pistolam dedit. Proinde ea omnino pertinere debet ad annum ut minimum 594. jam adultum, nempe ad indictionem 13. Quod si Theophanem sequamur, qui initium Avarici belli anno serius consignat, multo magis patebit hanc epistolam extra sedem suam vagari. E.V.

b Vulgati, *mutabilitatis ordo confundit.* Secus MSS.

c Abest *flere*, a plerisque MSS. sine sensus jactura.

Ad. III.

EPISTOLA * LIII.

Ad Johannem Episcopum.

Responsionem de causa Johannis & Athanasii Presbyterorum simulatam, ineptam, ac Johannis Episcopi sanctitati nullatenus congruentem, scelesto juveni tribuit, ad cujus consilia nimium ille inflectebatur. Ut dicta causa juxta canones finiatur, instat acerrime. Sabinianum apocrisiarium suum commendat.

2

Gregorius ^a Johanni Episcopo Constantinopolitano.

Quamvis causæ consideratio me movet, ad scribendum tamen & caritas impellit: quia & semel & bis sanctissimo fratri meo domno Johanni scripsi, sed non ejus epistolas recepi. Alter enim mihi secularis quidam sub ejus nomine loquebatur; quæ si epistolæ ejus fuerunt, ego vigilans non fui, qui longe de eo aliter credidi, quam inveni. De causa enim reverendissimi viri Johannis Presbyteri scripseram, atque de quæstionibus Monachorum Isauriæ, quorum unus & in sacerdotio positus, in Ecclesia vestra fustibus cæsus est: & rescripsit mihi,

sicut ex nomine epistolæ agnosco, sanctissima Fraternitas tua, quia nescierit de qua causa scriberem. Ad quod rescriptum vehementer obstupui, mecum tacitus volvens, si verum dicit, quid esse deterius potest, quam ut agantur talia contra servos Dei, & ipse nesciat qui præsto est? Quæ enim potest esse pastoris excusatio, si lupus oves comedit, & pastor nescit? Si autem scivit Sanctitas vestra, & de qua causa scripserim, & quid vel contra Johannem Presbyterum, vel contra Athanasium Isauriæ Monachum atque Presbyterum gestum sit, ^b &

C c 2

mi-

mihi scripsit: Nescio; contra hoc ego
 AN. CHR. 592. 593. quid respondendam, quando per Scri-
 GREG. 3. pturam suam Veritas dicit: *Os quod*
 mentitur, *occidit animam*? Requiro,
 Ep. 1. 11. frater sanctissime: illa tanta^c ab-
 stinentia ad hoc pervenit, ut fratri
 suo ea quæ novit gesta, negando
 velit abscondere? Numquid non me-
 lius fuerat illud os carnes ad ve-
 scendum ingredi, quam de eo falsum
 sermonem ad illudendum proximum
 exire? præcipue cum Veritas dicat:
 Matt. 15. 11. *Non quod intrat in os coinquinat*
hominem; sed quæ exiunt de corde,
illa sunt quæ coinquinat hominem.
 d Sed^d absit hoc, ne ego de sanctis-
 simo corde vestro tale aliquid cre-
 dam. Illæ epistolæ vestro nomine
 prænotatæ sunt, sed vestras eas fuisse
 Jo. Diac. 1. 3. non arbitror. Ego beatissimo viro
 c. 4. domno Johanni scripseram: sed cre-
 do quod mihi familiaris vester ille
 juvenculus rescripsit qui adhuc de
 Deo nihil didicit, qui viscera cari-
 tatis nescit, qui^e in scelestis rebus
 ab omnibus accusatur; qui insidiari
 quotidie diversorum mortibus per
 occulta testamenta, nec Dominum
 metuit, nec homines erubescit. Mihi
 f crede, frater sanctissime, si zelum
 veritatis perfecte habes, ipsum prius
 corripere, ut ex his qui vobis vici-
 ni sunt, etiam ii qui vicini non
 sunt, exemplo melius emendentur.
 Illius linguam noli recipere: ille ad
 consilium vestræ Sanctitatis debet
 dirigi, non autem Sanctitas vestra
 ad verba illius insecti. Si enim il-
 lum audit, scio quia pacem cum
 suis fratribus habere non poterit.
 Ego enim attestante mihi conscien-
 tia fateor, quia cum nullo homi-
 ne habere scandalum volo, & quan-
 ta valeo virtute declino. Et quam-
 vis cum omnibus hominibus pacem
 habere summopere cupiam, vobis-
 cum præcipue, quos vehementer
 amo, si tamen ipsi quos novi,
 g vos estis. Nam si canones non
 custoditis, & majorum vultis sta-

tuta convellere, non cognosco qui
 estis. Age ergo, frater sanctissime
 atque carissime, ut nos invicem
 recognoscamus, ne si antiquus ho-
 stis duos per scandalum moverit,
 per nequissimam victoriam multos
 necet. Ego enim ut aperte indi-
 cem, quia^h per elationem nil
 quæro, si ille juvenculus de quo
 prælocutus sum, apud Fraternita-
 tem tuam culmen pravæ actionis
 minime teneret, ipsa etiam quæ
 mihi de canonibus suppetunt, in-
 terim tacere potuissem, & ab ipso
 initio venientes ad me personas ad
 eam fiducialiter retransmissem,
 sciens quod eas Sanctitas tua cum
 caritate susciperet. Sed etiam nunc
 dico, aut easdem personas in suis
 ordinibus suscipe, eisque quietem
 præbe: aut si hoc fortasse nolue-
 ris, omni mihi altercatione post-
 posita, de eorum causa statuta ma-
 jorum & canonum terminos custo-
 di. Si vero neutrum feceris, nos
 quidem rixam inferre nolumus,
 sed tamen venientem a vobis non
 devitamus. Quid autemⁱ de Epi-
 scopis qui verberibus timeri vo-
 lunt, canones dicant, bene vestra
 Fraternitas novit. Pastores etenim
 facti sumus, ^k non persecutores.
 Et egregius Prædicator dicit: *Ar-*
 gue, obsecra, increpa, in omni pa-
 tientia & doctrina. Nova vero at-
 que inaudita est ista prædicatio,
 quæ verberibus exigit fidem. Sed
 de his multa in epistolis loqui non
 debeo, quia dilectissimum filium
 meum Sabinianum Diaconum pro
 responsis Ecclesiasticis faciendis ad
 Dominorum vestigia transmisi, qui
 vobiscum cuncta subtilius loque-
 tur. Si nobiscum liugare non vul-
 tis, paratum eum ad omnia quæ
 justa sunt, invenietis. Quem ve-
 stræ Beatitudini commendo, ut sal-
 tem ipse domnum illum Johannem
 inveniat, quem ego in urbe Re-
 gia scivi.

h

Joh. Diac. 1.
2. 3. c. 10.

Grat. dist.
45. c. 1.
1

k

Ar. 2. Tim. 4. 2.

NOTÆ AD EPIST. LIII.

AN. CH. K.
592. 593.
GREG. 3.

a De Johanne C. P. lege quæ diximus ad epist. 4. lib. 1. De causa vero Johan. Presbyteri & monachorum Itauriæ plura in Vita S. Greg. dicturi sumus lib. 2.

b Corruptum hunc locum sanavimus, juvantibus præsertim MSS. Norm. In vulgatis non una est lectio. In ed. Rom. lego: & nihil scripsit contra hoc; ego nescio, quid respondeam. In Guffanv. & mihi scripsit, contra hoc ego nescio quid respondeam, quando per scrip.

c Os quam Jejunator cognominatus est.

d Excusi, absit hoc, ut ego. Sequimur MSS. Vatic. Norm. Corb. invicem consentientes.

e Edit. ante Guffanv. in scelestibus rebus. Reluctantur MSS.

f Ed. recentiores, si zelus caritatis, contradicentibus MSS.

g De Canonum observatione ubique sollicitus est S. Greg. infra: statuta ma-

jorum, & canonum terminos custodi.

h Recentioribus magis placuit: per elationis tumorem, quod ex codicibus nostris saltem antiquis nullus habet.

i Intelligitur in eandem sententiam c. 28. Apost. in Græco 26. de Clerico percussore. Supra ep. 45. Espensæus fuit indicatus. Vide Gregorii Turon. Episcopi libri hist. 8. cap. 39. de Baudigisilo Genomanorum Episcopo. Hic notare libet percussorem causa correctionis olim licuisse, saltem pro gravioribus & mortalibus culpis ex Bracar. III. c. 6. Agath. c. 14. Non debet tamen Episcopus suis manibus verberare, neque per laicum, sed per Clericum. Extra de sent. excomm. c. Universitatis. Guffanv. Publicæ virgarum percussioni addictum ab Episcopo Clerum canonicum seculo 12. refert auctor vitæ S. Thomæ Cantuar.

k Ita Norm. Corb. Vatic. B. C. D. Reg. &c. In exculis, non percussores.

At. lxxv.

EPISTOLA * LIV.

Ad Theotimum Medicum.

Post amicissimam salutationem, commendat Sabinianum.

Gregorius Theotimo Medico.

Fuerunt quidam veteres Philosophorum, qui in duobus corporibus unam esse animam dicerent, a non affectu jungentes duos, sed unam in duos animæ substantiam partientes. At contra nos esse in multis unam animam dicimus, non dividendo substantiam, sed corda jungendo. Nam de illis primis fidelibus scriptum est: *Erat in his cor unum, & anima una.* Quod ego sic in Actibus Apostolorum lego, ut in me, & domno Theotimo recognoscam: quia sic unanimis mecum est, ut mihi &

præsens corpore, nunquam defuerit: & absens corpore, semper per spiritum præsens fiat. Ago autem omnipotenti Deo gratias, b qui caritatis suæ gratia, mentis vestræ viscera infundit; & deprecor ut magis magisque in vobis dona sua augeat, & hic bona nobis præsentia, & in futuro seculo gaudia æterna concedat. Filium meum Sabinianum Diaconum venientem caritati vestræ commendo, petens ut eo amore quo me diligitis, etiam nostros ametis. c

At. 4. 32.

NOTÆ AD EPIST. LIV.

a Ita quatuor Vatic. Norm. &c. ubi editi: non affectus. Consule Aug. lib. 4. Confess. ubi hanc veterum philosophorum sententiam fusiori stilo explicat.

b Excusi, qui caritatis suæ gratiam, in mentis vestræ visceribus infundit.

c In vulgatis additur, Data indict. xi.

EPI.

AN. CHR.

592. 593.

GREG. 3.

LIII.

LIII.

E P I S T O L A * LV.

Ad Maximianum Episcopum.

Agathonis Episcopi in quem districte fuit vindicatum sustentationi providet.

Gregorius Maximiano Episcopo Syracusano.

2

Postquam in ^a Agathonem quondam Episcopum, juxta qualitatem excessuum districtione est canonica vindicatum, necesse est humanitatis intuitu, quemadmodum sustentari possit, disponere. Propterea Fraternitas tua ad Liparitanam Ecclesiam, in qua supradictus

Agatho Sacerdotis gessit officium, festinet dirigere, eique ad præsens exinde quinquaginta solidos, qui in ejus possint proficere victum, transmittat. Nam nimis est impium, si alimoniarum necessitati post vindictam subjaceat.

N O T Æ A D E P I S T. LV.

^a Agatho vel Agathus Liparenis Episcopus ob crimina depositus est ex hac ep. Ex Epistola autem 16. & 20. Ind. 10. Paulinus Taurianensis Ecclesiæ Epi-

scopus ei successus est. Novi Antistitis Liparitani meminit S. Gregorius ep. 22. lib. 7. Cypriano Diacono. *Guffanu.*

Al. liv.

E P I S T O L A * LVI.

Ad Johannem Episcopum.

Ne in plateis pallium ulterius ferat, nisi a Romanis Pontificibus id sibi concessum ostenderit. Ne in secretario ipso, cum pallio deinceps sedeat. In quosdam e Clericis suis inquirat: contumacibus interdicit sacro ministerio. Primis dumtaxat Ravennatis Ecclesiæ Diaconibus mappularum usum concedit.

Gregorius Johanni Episcopo Ravennati.

Grat. dist.
100. c. 7.
Non mul-
tum.

Non multum temporis interval- lum est, quod quædam nobis de tua Fraternitate fuerant nuntiata, de quibus vobis, veniente illuc Castorio notario sanctæ, cui Deo auctore præsidemus, Ecclesiæ, subtiliter nos indicasse meminimus. Per- venerat namque ad nos quædam in Ecclesia vestra contra consuetudines atque humilitatis tramitem geri, quæ sola, ut bene nostis, est officii sacerdotalis erectio. Quæ si Sapien- tia vestra mansuete, vel cum Epi- scopali suscepisset studio, non de

illis accendi debuerat, sed oportue- rat te hæc eadem cum gratiarum actione corrigere. Contra morem quippe Ecclesiasticum est, si non patientissime toleratur, quod a no- bis absit, etiam injusta correctio.

Mota autem nimis est vestra Fra- ternitas, atque cum timore cordis quasi satisfaciens, scripsit nobis pal- lio te non nisi post dimissos de ^a secretario filios Ecclesiæ, & ^b Mis- sarum tempore, atque in litiis uti solemnibus: verbis aliquid te usur- passe contra generalis Ecclesiæ con- sue-

Grat. dist.
100. c. 8.
Centra inc.
tem.

^a
^b

tuertudinem apertiffima veritate pro-
felfus. Quomodo enim fieri potelt,
ut illud cineris atque cilicii tempore
per plateas inter populorum ftrepit-
us agas licite, quod te agere ^c in
^{Grat. Ibid.} conventu pauperum, nobilium, &
in fecretario Ecclefie velut illicitum
excufalti? Illud tamen, Frater carif-
fime, tibi non putamus ignotum,
quod pene de nullo Metropolitae in
quibuslibet mundi partibus fit au-
ditum, extra Miffarum tempus ufum
fibi pallii vendicaffe. Et quod bene
hanc confuetudinem generalis Eccle-
fie noveritis, veftris nobis manife-
ftiffime fignificaltis epiftolis, quibus
praeceptum beatae memoriae decef-
foris noftri Johannis Papae nobis in
fubditis tranfmiffiftis annexum, con-
tinens omnes confuetudines ex pri-
vilegio praedecefforum noftrorum
conceffas vobis, Ecclefiaeque ve-
ftrae, debere fervari. Confitem-
mini igitur aliam effe generalis
Ecclefiae confuetudinem, poftquam
ea quae vos geritis, vobis ex privi-
legio vendicatis. ^d Nulla ergo no-
bis in hac re, ut arbitramur, po-
terit remanere dubietas. Aut enim
mos omnium Metropolitae etiam
a tua eft Fraternitate fervandus,
aut fi tuae Ecclefiae aliquid speciali-
ter dicit effe conceffum, ^e praecep-
tum a prioribus Romanae urbis
Pontificibus, quo haec Ravennati
Ecclefiae funt conceffa, a vobis o-
portet oftendi. Quod fi hoc non
oftenditur, refat poftquam talia a-
gere neque confuetudine generali,
neque privilegio vendicas, ut ufur-
paffe te comprobe quod fecifti. Et
quid dicturi fumus futuro iudici,
Frater dilectiffime, fi illud grave
jugum atque vinculum cervicis no-
ftrae, non dico pro Ecclefiaftica,
fed pro quadam feculari nobis di-
gnitate defendimus; gravari nos ju-
dicantes, fi tanto pondere vel parvi
temporis fpatio careamus? Decorari
pallio volumus, forfan moribus in-

decori, dum nihil in Epifcopali cer-
vice fplendidiu fulget quam humi-
litas.

Oportet igitur Fraternitatem tuam
fi honores fuos fibi quibuslibet ar-
gumentis ftabili propofuit mente de-
fendere, ^f aut generalitatis ufum
ex non fcripto fequi, ^g aut ex fcrip-
to privilegiis fe tueri. Vel fi po-
ftremo nihil horum eft, aliis Me-
tropolitae hujufmodi te praebere no-
lumus praefumptionis exemplum. Sed
ne forte putes, nos haec vobis fcri-
bentes, quae pro fraterna funt ca-
ritate neglexiffe, ^h fcitote in noftro
ferinio de privilegio Ecclefiae tuae
fubtiliter perquifitum. Et quidem
quaedam inventa funt, quae omnino
poffint Fraternitatis tuae intentioni-
bus obviare, nihil autem in quo
de hujufcemodi capitulis pars ve-
ftrae poffit Ecclefiae roborari. Nam
& de ipfa confuetudine tuae, quam
opponis, Ecclefiae, quae vobis olim,
ⁱ ut a partibus veftris probaretur,
fcripfimus, jam fatis nos follicitu-
dinem geffiffe cognofcite, inquiren-
tes filios noftros Petrum Diaconum,
atque Gaudiofum primicerium, nec-
non & Michaelium defenforem Se-
dis noftrae, vel alios, qui pro di-
verfis refponfis Ravennam a noftris
decefforibus funt tranfmiffi, & haec
te in praefentia fua egiffe diftrictif-
fime negaverunt. Apparet igitur
fecretum non potuiffe geri, nifi quod
ufurpabatur illicite. Unde quod
latenter fubintroduetum eft, nulla
debet ftabilitate perfiftere. Quae ergo
fuperfluae a te vel a tuis deceffori-
bus funt praefumpta, cum caritatis
intuitu, atque cum fraterna ftude
benignitate corrigere. Nullatenus,
non dico per te, fed per alio-
rum vel decefforum tuorum nor-
mam ab humilitatis tentes regula
deviare. Ut enim ea quae fuperius
dixi breviter colligam, admoneo
quatenus nifi decefforum meorum
munificentia tibi haec per privile-
gium

A N. C H R.
592. 593.
GREG. 3.

ETD

f

g

h

i

Joh. Diac.
l. 4. c. 2.

AN. CHR.
592. 593.
GREG. 3.

2633
k

gium attributa docueris, ^k uti in plateis pallio ulterius non præsumas; ne non habere & ad Missas incipias, quod audacter & in plateis usurpas. De secretatio autem, quod Fraternitas tua resedisse cum pallio, & filios Ecclesiæ suscepisse & fecit & excusavit, nunc interim nihil querimur; quia synodorum sententiam sequentes, minores culpas quæ negantur, ulcisci recusamus. Hoc tamen quia semel & iterum sit factum cognovimus, sed fieri ulterius prohibemus. Fraternitas autem tua sit omnino sollicita, ne hoc quod præsumptioni incoanti adhuc ceditur, in proficiente deterius vindicetur.

l

m

Conquesti præterea estis, quod quidam de sacerdotali ordine Raven-natis civitatis, peccatis imminentibus, gravibus sint criminibus involuti. Quorum causam vel illic te discutere volumus, vel huc eos, ^l si tamen probationum difficultas pro locorum longinquitate non impedit, ad hæc ipsa discutienda transmittere. Quod si vel ad tuum iudicium vel ad nos, majorum fulti patrocinio, quod non credimus; venire despexerint: & in objectis sibi capitulis contumaciter ^m respondere nequiverint; volumus ut eis post secundam & tertiam admonitionem tuam, ministerium sacri interdicas officii; atque nobis de contumacia eorum, scriptorum tuorum tenore renunties: ut deliberemus quemadmodum actus eorum debeas subtiliter perscrutari, atque secundum

diffinitiones canonicas emendare. Cognoscat igitur Fraternitas tua de causa hac nos plenissime absolutos, ex eo quod vobis ⁿ causas ipsas commisimus subtiliter perquirendas, atque omnia peccata eorum si inulte venerint, omne pondus discussionis hujus in tuæ animæ redundare periculum; scies nullam Dilectionem vestram excusationem apud futurum iudicem habituram, si non excessus cleri tui cum summa canonici rigoris severitate correxeris, & hos quibus hæc fuerint approbata, sacros ulterius ordines temerare permiseris.

Illud autem quod pro utendis a clero vestro ^o mappulis scripsistis, a nostris est Clericis fortiter obviatum, dicentibus nulli hoc unquam alii cuilibet Ecclesiæ concessum fuisse; nec Ravennates Clericos vel illic vel in Romana civitate tale aliquid cum sua conscientia præsumisse, nec si tentatum esset ex furtiva usurpatione sibi præjudicium generari. Sed etiam si in qualibet Ecclesia hoc præsumtum fuerit, assentunt emendandum, quod non concessione Romani Pontificis, sed sola surreptione præsumitur. Sed nos servantes honorem Fraternitati tuæ, licet contra voluntatem ante dicti cleri nostri, tamen primis Diaconibus vestris quos nobis quidam testificati sunt etiam ante eis usos fuisse, in obsequio dumtaxat tuo mappulis uti permittimus: alio autem tempore vel alias personas hoc agere vehementissime prohibemus.

Grat. dist.
931 c. 22.
Illud.

o

NOTÆ AD EPIST. LVI.

^a Lege ep. 19. lib. 1.

^b Pallium non toto tempore Missæ Episcopos gestasse, sed tantum usque ad recitationem Evangelii, patet ex Ilidoro Pelusiota lib. 1. ep. 136. Tunc enim assurgere solebant, & deponere pallium, quasi adveniente vero Pastore Christo. Vide Synodum VIII. contra Photium ad. 10. can. 27. Græcis 14.

Ita etiam refert Simeon Thessalonic. lib. de templo & Missa: *Dum Evangelium legitur, Pontifex pallium deponit, servitutem ac subjectionem suam erga Dominum demonstrans. Quoniam enim ille per Evangelium loqui cognoscitur, & tamquam præsens est, ipse tunc symbolum incarnationis ejus gestare non audet, sed ab humeris sublatum*
Dia-

Diacono tradit, qui illud dextra complacatum tenet ipsi Pontifici adstans & sacra dona præcedens. Guffanv.

c Qui sint illi pauperes nobiles quæro. *Guffanv.* Conjecturam nostram accipe. Post Episcopum constabat Ecclesia Clericis & laicis. Clericos dicit Ecclesiæ milites lib. 3. ep. 31. atque alibi passim. Laicos hic vocat Ecclesiæ filios, e quibus honoratiores appellatione solet, ordinem: cæteros, plebem; lib. 1. ep. 11. lib. hujus ep. 14. De Episcopo eligendo inscribit, *Clero, Ordini & Plebi*; quos passim *Ordinis*, hic *nobilium* titulo: quos vero *plebis*, pauperum forsitan nomine distinguit.

d Excusi, si veteres excipias, nulla ergo vobis; contradicentibus MSS.

e Sic legitur in Vatic. Norm. &c. unde emendanda vulgata lectio: *Aut si . . . concessum præceptumve a prioribus Romanæ urbis Pontificibus, quod &c.* ex quibus sensus alius efficitur.

f Adderem consuetudinem specialem istius loci, licet non scriptam sed testibus probandam. Id enim videtur sufficere. *Guffanv.*

g Ita vet. ed. consentientibus MSS. In Norm. tamen & in duobus Vatic. in Remensi, & Turon. pro *se tueri*, legitur *se uti*.

h Ad hunc locum sic Alteserra: *Privilegium est suspectum, si non invenitur in camera beati Petri, id est in Archivio Sedis Apostolicæ, cap. Ad audientiam, extra, de præsc.* *Guffanv.*

i Recentiores ed. a patribus. Reluctantur vet. exemplaria.

k Ita Norm. Turon. duo Vatic. &

alii. In Vatic. A. & in Reg. legitur: *ut in plateis pallium ulterius non præsumas. Excusi addiderunt ferre, scilicet: pallium ulterius ferre non præsumas. Cæterum de pallio alibi sæpe, maxime in commentariis de S. Greg. vita, quos, indice duce, consulere licet.* AN. CHR. 592. 593. GREG. 3.

l Hoc se telo Patres Africani, adversus Zozimi comminitorium defendebant. *Guffanv.*

m Ita Vatic. C. & D. Audoen. Gemet. Pratell. Lyran. quibus consentiunt vet. excusi. In Vatic. A. *respondere vel noluerint, vel nequiverint.* In quatuor Anglic. Michael. & Sag. *respondere præsumserint. Recentiores editi, respondere voluerint.*

n Jure communi Episcopus omnis de Clericorum suorum causis judicat. Non ergo verbis istis delegatur a summo Pontifice Ravennas Episcopus, qui de Clericis suis vice alterius cognoscat: sed illi tantum animus additur, ut causam de qua desperabat, fidenter aggrederetur, certus Romanum Pontificem allaboraturum, ut quæ iuxta canones forent definita, executioni mandarentur. *Anget.*

o Duravit mappulæ sive sudarii linei usus, donec in ejus locum Manipulus, jam non ad sordes tergendas, sed ad ornatum suffectus est circa seculum decimum. Mappularum meminere nono seculo Alcuinus & Amalarius. Vide Card. Bona *de rebus Liturgicis* lib. 1. c. 24. §. 1. & notam 736. nostri Menardi in librum Sacramentorum. Vid. Joh. Diac. l. 2. n. 43.

* E P I S T O L A * LVII.

Johannis Ravennatis Episcopi ad Gregorium Papam.

Singulis sibi objectis submisit respondet, & Ecclesiæ suæ privilegia ex consuetudine tuetur; quæ ne minuantur postulat.

Reverendissimus conservus meus Castorius apostolicæ Sedis vestræ notarius, reddidit mihi ^b domini mei Epistolam, consortem mellis & vulneris. Quæ sic tamen infixit aculeos, ut locum non subtraheret medicinæ. Nam qui superbiam, divinum sequens judicium, reprehendit, merito se mitem ac placidum quodammodo profitetur.

Commemorastis igitur, quod ego novitatis ambitione, pallii usum su-

Tom. VII.

pra quam antecessoribus meis indultum fuerat, usurpassim. Quam rem proprii domini mei conscientia, quæ divina regitur dextera, nullo modo credere patiatur, nec opinionis incerto aures sacratissimas aperire. Primum, quia licet peccator, novi tamen quam grave sit terminos nobis a patribus affixos transcendere, & quod omnis elatio nihil aliud habeat quam ruinam. Nam si majores nostri in regibus ^c superbiam non

D d tu-

^a Al. lv.

a

b

c

AN. CHR.
592. 593.
GREG. 3.
6693

d

tulerunt, quanto magis non est in Sacerdotibus sustinenda? Deinde recolo me in sinu atque in gremio sacrosanctæ Ecclesiæ vestræ Romanæ enutritum, & Deo auxiliante provectum. ^d Et quibus ausibus ego sanctissimæ illi Sedi, quæ universali Ecclesiæ jura sua transmittit, præsumferim obviare, propter cujus conservandam auctoritatem, sicut Deo manifestum est, multorum contra me inimicorum invidiam graviter excitavi? Sed beatissimus dominus meus nihil me contra priscam consuetudinem existimet attentasse, quod & a multis & prope ^e ab omnibus civibus hujus urbis attestatur, inter gesta etiam si acquievisset, & suprascriptus reverendissimus notarius potuerat attestari: quoniam jam de secretario descendentibus filiis Ecclesiæ, & ingredientibus Diaconibus ^f ut mox procedatur, tunc primus Diaconus Episcopo Ravennatis Ecclesiæ pallium consuevit induere; quo & in litanis solemnibus uti pariter consuevit.

f

Nullus ergo contra me domino meo conetur surrepere: quia si vult, Deo custode, non potest probare quod a me aliqua novitas fuisset introducta. Qualiter enim jussionibus vel utilitatibus vestris, ubi causa exegerit, paruerim, omnipotens Deus cordi vestro purissimo faciat manifestum: & hoc peccatis meis imputo, quod post tot labores atque angustias, quas intus forisque sustineo, talem vicissitudinem merear invenire. Sed iterum me illa res inter alia consolatur, quod interdum sanctissimi patres ob hoc tantummodo & castigant filios suos ut eos faciant potiores; & post hanc devotionem ac satisfactionem sanctæ Ravennatis Ecclesiæ, quæ peculiariter vestra est, non solum vetera privilegia conservetis, sed & majora vestris temporibus conferatis.

g

Nam quod de mappulis a Pres-

byteris & Diaconibus meis præsumtum Apostolatus vester scribit, vere fateor, tædet me aliquid exinde commemorare, cum per se veritas, quæ apud dominum meum sola prævalet, ipsa sufficiat. Nam cum hoc minoribus circa urbem constitutis Ecclesiis licitum sit, poterit etiam Apostolatus domini mei, si venerabilem clerum primæ apostolicæ Sedis suæ requirere dignatur, modis omnibus invenire: quia quoties ad ordinationem Episcopatus seu responsi Sacerdotes vel Levitæ Ravennatis Ecclesiæ Romanæ venerunt, omnes in oculis sanctissimorum decessorum vestrorum cum mappulis sine reprehensione aliqua procedebant. Quare etiam eo tempore quo istica prædecessore vestro peccator ordinatus sum, cuncti Presbyteri & Diaconi mei in obsequium domni Papæ mecum procedentes usi sunt. Et quia prævidens Deus noster omnia in manu vestra & in conscientia purissima collocavit, adjuro vos per ipsam Sedem apostolicam, quam antea moribus, nunc etiam honore debito gubernatis, ut in nullo Ravennati Ecclesiæ, quæ familiariter vestra est, pro meo merito privilegia quibus hucusque usæ est, minuatis; sed & secundum vocem propheticam, in me, & in domo patris mei secundum suum meritum transferatur. Quia ergo universa privilegia quæ sanctæ Ravennatis Ecclesiæ a prædecessoribus vestris indulta sunt, pro majori satisfactione subjeci ea in scriptis venerabilibus secundum consecrationis decessorum meorum tempora, fidem nihilominus reperientes, nunc vero in Dei & in vestra est potestate quidquid veritate cognita fieri jusseritis: quoniam ego jussionibus Apostolatus domini mei parere desiderans, quamvis antiqua consuetudo obtinuit, usque ad secundam jussionem abstinere curavi. ^h

h

NOTÆ AD EPIST. LVII.

AN. CH. R.
592. 593.
GREG. 3.

a Hæc Epistola desideratur in MSS. Vatic. Anglic. Norm. Corb. Turon. &c. Exstat in Remensi, duobus Colbert. ac duobus Teller.

b In Rem. abest, *domini mei*.

c Rem. *superbiam contuderunt*.

d Rem. *quibus excessibus illi sedi, quæ in universali Ecclesia jura*. Ad hæc verba Gulsanv. notulam hanc attexuit: *agnoscit primatum*. Nec mirum ab Episcopo Italiæ agnosci, quem longe positi ultro fatentur. Ex infinitis testimoniis unum aut alterum profero. Eugenius Carthag. Episcopus Ecclesiam Romanam appellavit *caput omnium Ecclesiarum*, ut refert Victor Utic. lib. 2. Vand. persecut. c. 15. Cypr. ep. 59. novæ edit. Oxon. versus finem: *Navigare audent, & ad Petri Cathedram, atque ad Ecclesiam principalem unde unitas sacerdotalis exorta est, a schismatizis & profanis litteras ferre*.

e Rem. & Colb. *civibus hujus, etiam inter gesta, si acquievisset sanctus reverendissimus notarius potuerat attestari*.

f *Procedere* proprie significat, ad sacra convenire, maximeque dicitur de sacris personis: sicut *incedere*, de magnatibus & regibus cum dignitate ac majestate ambulantibus; immo de diis, ut Juno apud Maronem Æn. 1.

Ass ego quæ Divum incedo regina.

Ibidem: *Et vera incessu patuit Dea*. De hoc verbo sæpe alibi, maxime in nota 471. ad lib. Sacram.

g Lege in hanc rem multa quæ S.

Johan. Climacus refert exempla in 4. Scalæ gradu num. 26. 29. 31. 33. 34. &c. & agnosces Prælatorum miram prudentiam in puniendo, subditorum stupendam in patiendo obedientiam; ab illis decreta merito immerentibus supplicia, ab his quasi mererentur æquanimiter fuisse tolerata. Guss.

h Post hanc epistolam in duobus codd. Teller. & in antiquiori Colb. subjicitur privilegium a Johanne S. Pont. Ravennati Ecclesiæ concessum his verbis: „ Exemplum præcepti: Dilectissimi, „ mo fratri Petro, Johannes. Conve- „ nire novimus rationi, ut eos amictu „ pallii decoremus, quos in illis civi- „ tatibus divina inspirante misericor- „ dia sacerdotii honor illuminat, in „ quibus hoc etiam illis qui præteri- „ tis temporibus fuere pontifices ab „ apostolica Sede constat esse indultum. „ Ideoque Caritati tuæ usum pallii, „ sicut decessores tui habuisse noscun- „ tur, præsentī auctoritate concedi- „ mus, atque ea omnia circa honoris „ tui privilegium volumus permanere, „ quæ anterioribus temporibus Eccle- „ siæ tuæ constat esse servata; ut ni- „ hil prorsus de privilegiis ejus doleas „ diminutum. Et, *subscriptio domini* „ Papæ: Deus te incolumem custodiat. „ Data x. Kalend. Octobris, imperante „ Dom. Justino Augusto. “ Doctissimus Baluzius qui ex cod. Colbert. præceptum hoc edidit, Miscellan. lib. 5. recte censet scribendum ut in dicto Colb. *Justiniano*, pro *Justino*.

EPISTOLA * LVIII.

* Al. lvi.

Ad Cyprianum Diaconum.

Si non habet Cosmas unde solvat, cum illius creditoribus paciscatur; atque ejusdem filios, pactam summam persolvens, liberet.

Gregorius Cypriano Diacono.

De ipso Ep. 45. Ind. 12. Joh. Diac. lib. 2. c. 55. **C**OSMAS ex variis periculorum necessitatibus multis se dicit debitis obligatum, itaut pro eis a creditoribus suis suos dicat filios detineri. Quæ res si ita est, nos omnino commovit. Quamobrem hortamur Dilectionem tuam, ut quia de rebus pauperum dandis

agitur, causam ejus cum summa subtilitate perquiras: & si inveneris eum prædictis debitis veraciter involutum, ut non sit substantia unde possit hæc ipsa persolvere, prædictos creditores ejus adeas, & propter recolligendos filios ejus, quanta cognoveris quantitate com-

D d 24 po-

AN. CHR. 592. 593. GREG. 3. 6733
ponas. Et quia, sicut dictum est, quidquid illic te providentè datum fuerit, patrimonii nostri pensionibus esse reputandum. ^a Mense Augusto, Indictione XI.

NOTÆ AD EPIST. LVIII.

^a Id tantum legimus in Turon. S. Gat. in Colbert. vet. & in Vatic. A.

Al. LVIII.

EPISTOLA * LIX.

Ad Secundum Episcopum.

Baptisterium de Monasterio auferatur, ut Monachis liceat opus Dei securius celebrare.

^a

Gregorius Secundino Episcopo ^a Tauromenitano.

Grat. 18. 9.
2. c. 7. Pri-
dem.
b

Pridem præcepimus, ut de monasterio sancti Andreae, quod est super Mascalas, baptisterium ^b propter Monachorum insolentias debuisset auferri, atque in eodem loco quo fontes sunt altare fundari. Cujus rei perfectio hactenus est protracta. Admonemus igitur Fraternitatem tuam, ut nullam jam moram post susceptas præsentis li-

teras nostras inferere debeas; sed repleto ^c loco ipsorum fontium, altare ad sacra celebranda mysteria illic sine aliqua dilatione fundetur; quatenus & prædictis Monachis opus Dei securius liceat celebrare, & non de negligentia vestra contra Fraternitatem tuam noster animus excitetur.

c

NOTÆ AD EPIST. LIX.

^a Id omittitur in omnibus Vatic. Norm. Colbert. Corb. &c. Secundinum tamen fuisse Tauromenitanum Episcopum constat multis ad eum scriptis epistolis.

^b Quod nempe Monachis id molestum esset atque insolitum. Eadem ratione Baptisterium in Monasteriis prohibetur, qua ibidem prohibentur Mis-

sæ publicæ: ne in servorum Dei recessibus popularis conventus detur occasio. Vide sup. lib. 2. ep. 41. Gratianus hunc locum referens pro, insolentias, habet molestias.

^c Defossi erant intra terram Baptisterii fontes; non, ut nostri, supra pavimentum eminebant.

Al. LVIII.

EPISTOLA * LX.

Ad Italicam Patriciam.

In ipsis pauperum causis ne litigiis immisceatur, silentium eligit. Cyprianus potestatem facit, ut cum Italica, si id ipsa velit, salvo pauperum jure, causam absque lite finiat.

^a

Gregorius ^a Italicae Patriciae.

Suscipimus plenas dulcedine litteras vestras, atque incolumitatis Excellentiae vestrae nos lætifica-

vit auditus. Circa quas tanta est nostrae mentis sinceritas, ut nihil in earum tranquillitate simultatis re-

A. N. C. H. R.
522. 523.
GREG. 3.
d

reconditum; paternus nos suspicari permittat affectus. Sed omnipotens Deus faciat, ut sicut de vobis nos bona sentimus, ita mens vestra nobis bona respondeat, & dulcedinem, quam verbis impenditis, exhibeatis operibus. Nihil enim prodest gloriosissima sanitas & pulchritudo in superficie corporis, si vulnus latet intrinsecus. Atque illa magis cavenda est discordia, cui satellitium pax præbet^b exterior. Illud vero quod in epistolis prædictis revocare in memoriam nostram Excellentia vestra studiose contendit, sciat, scriptum vobis, nihil cum scandalo, nihil cum forali strepitu vobiscum nos velle de causis pauperum definire. Hoc nos & scripsisse meminimus; & scimus nosmetipsos, juvante Domino, a causarum litigiis Ecclesiastica moderatione compescere, atque secundum apostolicum illum sensum, rapinam bonorum nostrorum cum gaudio sustinere. Sed illud scire vos credimus, taciturnitatem atque patientiam nostram futuris post me Pontificibus

in rebus pauperum præjudicium non facturam. Unde & nos explentes supra memoratam promissionem nostram, jam de causis ipsis prævidimus reticendum; nec in his in quibus minus agi benigne sentimus, desideramus nos per nosmetipsos immiscere negotiis. Sed ne forte ex his conjiciatis, Gloriosa Filia, ea quæ ad concordiam pertinent, adhuc nos omnino renuere; filio nostro Cypriano Diacono venienti ad Siciliæ partes indiximus, ut si quid de his salubriter & sine peccato animæ vestræ ordinare disponitis, ex nostra auctoritate vobiscum definiat, & nos non amplius illis vexemur negotiis, quorum cum mansuetudine^c est dispensatus effectus. Deus autem omnipotens, qui ea quæ omnino impossibilia sunt, ad possibilitatem bene novit inflectere, ille vobis aspiret, & causas vestras cum pacis intentione disponere, & pro mercede animæ vestræ, de rebus eis competentibus hujus Ecclesiæ consulere pauperibus.

N O T Æ A D E P I S T. LX.

^a Italicam Venantii de quo ep. 34. lib. 1. uxorem fuisse conjicimus ex ep. cxxiii. lib. ix. ad utrumque scripta, ubi meminit Barbaræ & Antoninæ, quas Venantii filias fuisse constat.

^b Vatic. D. *interior*.

^c In excusis, *est dispensandus effectus*. Aliam lectionem amplecti cogit MSS. Vatic. Norm. Reg. &c. consensus.

E P I S T O L A LXXI.

Ad Fortunatum Episcopum.

Quomodo in Ecclesia sua conversari debeat.

Gregorius Fortunato Episcopo Neapolitano.

Scripta tuæ Caritatis accepimus, quibus nobis indicasti, Deo propitio, te bene a filiis tuis Neapolitanis civibus esse susceptum. De quibus omnipotenti Deo gratias retulimus. Oportet ergo affectui eo-

rum te tuis moribus compensare; malos coercere, bonis te discrete atque benignissime relaxare, ad sequendas eos meliores partes frequentius admonere: quatenus & illi paternos in te mores invenisse se gaudeant:

deant : & tu creditam tibi regimi- studiosius exsequaris :
 nis causam , cooperante Domino ,

AN. CHR.
 592. 593.

GREG. 3.

66733

Al. lx.

E P I S T O L A * LXII.

Ad Eutychium Episcopum .

Ut in convertendis idolorum cultoribus perseveret , hortatur . Ipse Prætoris postulat patrocinium .

a

Gregorius Eutychio Episcopo ^a Tyndaritano .

Scripta Fraternitatis tuæ , Bene- nato Ecclesiæ tuæ Clerico de- ferente , suscepi ; gratiasque omni- potenti Deo retuli , quod in causis animæ & iis quæ ad Deum perti- nent , te occupatum esse cognovi- mus . Scripsisti siquidem nobis quos- dam idolorum cultores , ^b atque Angelliorum dogmatis in iis in qui- bus constitutus es partibus inveni- ri , de quibus plures asseruisti esse conversos , aliquos autem potentum nomine atque locorum se qualitate defendere . Auxiliantes igitur bonis

tuæ Caritatis operibus , viro glo- rioso Prætori Siciliæ nostra scripta transmisimus ; quatenus , juvante Do- mino , qua potest tibi virtute con- currat , ut quod laudabiliter cœ- ptum est , valeat salubriter adim- pleri . Oportet ergo Fraternitatem tuam , maximam in hoc sollicitudi- nem gerere . Vere enim Episcopa- lem vitam sequeris , si per zelum linguamque tuam , hos qui a fidei veritate dissentiunt , in Ecclesiæ u- nitatem reduxeris .

N O T Æ A D E P I S T . LXII.

^a Tyndaris , vulgo adhuc *sancta Ma- ria di Tindaro* , urbs olim Siciliæ Epi- scopalis inter Mylas & Paſtas , nunc excisa , in ora littorali quæ Liparæas insulas respicit . *Guffanv.* In quatuor Vatic. Norm. Rem. Reg. & plerisque legitur *Tindarino* vel *Tyndarino* . In duobus *Teller. Londario* .

^b Ita quatuor Vaticani , quinque Ang- lic. septem Norm. Rem. &c. Angellii forte ii sunt de quibus Niceph. lib. 18. hist. c. 49. Tertii , inquit , præterea Ser- veritiæ sunt ... alium esse dicunt Pa- trem , alium Filium , & alium Para- cletum , Spiritum videlicet sanctum : non esse autem horum quemque per sci-

psum naturam , sed habere communem Deum sive Deitatem in ipsis existen- tem : atque de ea Deitate indivisibili modo participantem , quemlibet esse Deum . Unam autem substantiam opinantur esse , Patrem , & Filium , & Spiritum sanctum : communem vero ipsum Deum , substantiam & naturam . Cæterum An- gelitæ isti ab adversariis ita appellati sunt , a quodam Alexandria loco , An- gelii nomen habente : in quo scilicet , qui primas apud eos ferunt , conventus cogunt . Hos iidem adversarii Sabel- lianistas ... nominarunt . Pro , Angel- liorum , editi legerunt Anglorum .

Al. lxx.

E P I S T O L A * LXIII.

Ad Fortunatum Episcopum .

De monasterio Gratioste Abbatissæ consecrando .

a

Gregorius ^a Fortunato Episcopo Neapolitano .

Religiosis desideriis sine difficul- tate præstari decet effectum .

Atque ideo Gratiosta Abbatissa una cum congregatione sua , oblata pe- titio-

b titione, ^b quæ tenetur in subditis, postulavit quod Patriciæ recordationis Rustica per ultimum voluntatis suæ arbitrium in civitate Neapolitana, in domo propria, in regione Herculensi, ^c in vico qui appellatur Lampadi, monasterium construere voluerit ancillarum Dei, in quo præfatam Gratiolam Abbatiſſam præſeſſe diſpoſuit; ſimulque & oratorium exſtruxiſſe dignoſcitur, cui & pro voto ſuo ^d quatuor uncias totius ſubſtantiæ ſuæ dimiſſiſſe ſuggeſſit, quodque in honorem beætæ Mariæ ſemper Virginis, genitricisque Dei & Domini noſtri Jeſu Chriſti deſideravit conſecrari. Et ideo, frater cariſſime, præſenti præceptione Dilectionem tuam duximus adhortandam, ut inſpecto primitus teſtamento, ſi jure ſubſiſtat, & eaſdem quatuor uncias

veriffime eidem monaſterio collatas eſſe compereris, ad prædictum locum cum poſtulaverint, ingravanter accedas, venerandæ ſolemnia dedicationis impendens, ut ^e quoties neceſſe fuerit, a Presbyteris Eccleſiæ in ſupraſcripto loco deſervientibus, celebrentur ſacrificia veneranda Miſſarum; itaut in eodem monaſterio neque Fraternitas tua, neque Presbyteri præter diligentiam diſciplinæ, aliquid moleſtiarum inferant. ^f aut ſi quid pro diverſorum devotine commoditatis acceſſerit, ſibi æſtimet vendicandum. Sive aurum, ſive argentum, ſive prædium, ſive veſtimentum, omnibus modis conſtructio præſata poſſideat; cum ancillis Dei in eodem loco deſervientibus debeat proficere, quidquid offerri ibidem contigerit.

AN. CHR.
592. 593.
GREG. 3.

6675
c

f

NOTÆ AD EPIST. LXIII.

a Poſt deſignationem Demetrii Epicoſpi Neapolitani, cum Paulus Nepeſinus Epicoſpus, & poſtea Florentius ejus Subdiaconus electionem de ſe factam renuiſſent, conſentiente ſancto Gregorio electus eſt Fortunatus ann. 593. qui ſubſcripſit Concilio Romano ann. 595. De Florentio vide ſupra epiſtolam 15. *Guffanv.*

b Id eſt, quæ huic epiſtolæ ſubditur & attexitur.

c Ita Vatic. B. & D. Norm. omnes, Corb. & vet. ed. In Vatic. A. & C. legitur: *in vico quondam Lampadi*. In recent. vulgatis: *in vico in quo Lampadius monaſterium ancillarum Dei conſtituit, ſepeliretur: in quo*. Hæc unde deſumpta ſint, nos latet: nec minus obſcurum eſt, quis his verbis ſenſus ſit affigendus.


d Seu tertiam bonorum ſuorum partem.

e In Monaſteriis plures olim dies caruiſſe Liturgia probat ex veterum Monachorum Regulis Card. Bona de rebus liturgicis l. 1. c. 18. num. 3. In præſat. ad. 2. ſec. Bened. 9. 4. obſer-

vat Mabillonius, nondum quotidianam Miſſæ frequentationem ita Sacerdotibus in more poſitam fuiſſe ſeculo ſeptimo, ut ſinguli in dies ad altare ſacra celebraturi accederent. Ex lib. 4. dialog. cap. 56. Caſſius Narnienſis Epicoſpus *quotidianum offerre conſueverat Deo ſacrificium*. Alios nonnullos laudat ibidem Mabillonius, qui per ſeculum ſeptimum rem ſacram quotidie frequentarunt: *id quod*, inquit, *antiquioribus ſeculis non tam obvium videtur*.

f Obſcurus eſt hic locus in recentioribus edit. maxime vitio interpunctionis, *inferant aut ſi quid . . . vendicandum, ſive aurum, &c.* ſic tamen explicandus: *neque fraternitas tua ſibi æſtimet vindicandum, ſi quid &c.* In Norm. in tribus Vatic. & in plerisque legitur: *aut ſi quid pro diverſorum devotione commod. acceſſerit, ſive veſtimentum candidum, cum ancillis Dei . . . debeat proficere, &c.* In veteribus vulg. contentientibus multis MSS. omittitur. *ſibi æſtimet vendicandum*.

AN. CHR.
592. 593.
GREG. 3.


Al. lxxvi.
Indict. 2.
apud Guss.
et in Vatic.
lxxvii.

E P I S T O L A * LXIV.

Ad Chrysanthum Episcopum.

Mevanienti Ecclesiæ querat Episcopum, Presbyteros ordinet, ibique consignet infantes.

Gregorius Chrysantho Episcopo Spoletano.

A Nte hoc biennium Fraternitati
a tuæ^a Mevanientis Ecclesiæ vi-
sitationis deputaveramus officium,
b in quo^b more scrinii nostri nihil
vos de profectionibus facere volui-
mus Clericorum. Nunc vero venien-
tes huc præsentium portitores præ-
dictæ Ecclesiæ Clerici, dixerunt Sa-
cerdotem^c se neque in eadem Ec-
clesia, neque in ejus parochiis ha-
bere.^d Hortamur igitur Fraterni-
tatem tuam, ut si quidem talem
potuerit reperire personam, quæ
digna ad Episcopalis officii apicem
valeat promoveri, huc eam cum
solemnitate decreti, vestrarumque
testimonio litterarum celerius diri-
gatis. Sin vero hoc nunc inveniri
non potest, cum omni studio, ac
vivacitate personas exquirite, quæ
illic in Presbyterii ordine valeant
consecrari. Quarum vitam actusque
subtili prius inquisitione discutite,
ut in nullo eis vel sacri canones,
vel Ecclesiasticæ regulæ valeant ob-
viare: ut hac provisione populus il-
lic degens communionem, qua se
privatos ob sacerdotum necessitatem
flebiliter conqueruntur, recepisse se
gaudeant, & in Ecclesiis illis sacra
Missarum solemnities deesse non de-
beant. Sed & pro consignandis in-
fantibus Fraternitas tua illuc curet
accedere, ut nihil sit quod pasto-
ralis sollicitudinis neglecta vos cura
remordeat.

N O T Æ A D E P I S T. LXIV.

a Vide lib. 1. ep. 81. In Bess. *Riva-*
mentis.

b Hoc est, juxta formulam a scrinii
nostri scribis observari solitam.

c Bess. *sacerdotes*.

d Quærit anxie Gussanvillæus cui
tunc esset commissa hujus Ecclesiæ cu-
ra, num alicui Diacono, ut olim ex
can. 77. Eliberit. num Ostiario, ut ex

quodam Concilio Toletano. Si atten-
disset vir doctus ad ep. 81. lib. 1. olim.
78. intellexisset S. Gregorium curam
Eccl. Mevanientis, commississe Honora-
to Presbytero. Pro consignandis vero
infantibus, & aliis episcopalibus mu-
niis obeundis, vicini haud dubie Epi-
scopi, ut hic Chrysanthus, opem ad-
hibuerunt.

Al. lxi.

E P I S T O L A * LXV.

Ad Mauricium Augustum.

*Precaur ut legem temperet vel immutet, qua tum publicis rationibus
implicatos, tum milites, in Monasteriis suscipi prohibuerat.*

Gregorius^a Mauricio Augusto.

Omnipotenti Deo reus est, qui est. Ego autem indignus Pietatis
serenissimis Dominis in omne vestræ famulus in hac suggestionem
quod agit & loquitur, purus non neque ut Episcopus, neque ut ser-
vus

vus jurē Reipublicæ, sed jure privato loquor: quia, Serenissime domine, ex illo jam tempore dominus meus fuisti, quando adhuc dominus omnium non eras.

^b Longino viro clarissimo^b stratore veniente, Dominorum legem suscepi; ad quam, fatigatus tunc ægritudine corporis, respondere nil valui. In qua Dominorum pietas sanxit, ut quisquis publicis administrationibus fuerit implicatus, ei

*Johan. Diac.
lib. 2. cap. 15.*

ad Ecclesiasticum officium venire non liceat. Quod valde laudavi, evidentissime sciens quia qui secularem habitum deferens, ad Ecclesiastica officia venire festinat, mutare vult seculum, non relinquere. Quod vero

^c in eadem lege dicitur, ut ei in monasterium converti non liceat, omnino miratus sum: dum & rationes ejus possunt per monasterium fieri, & agi potest, ut ab eo loco

^d in quo suscipitur, ejus quoque^d debita suscipiantur. Nam etsi quisquam devota mente converti voluisset; prius res male ablatas redderet, & de sua anima tanto verius, quanto expeditior cogitaret. In qua lege subjunctum est, ut nulli

^e qui^e in manu signatus est, converti liceat. Quam constitutionem ego, fateor Dominis meis, vehementer expavi: quia per eam cœlorum via multis clauditur, & quod nuncusque licuit, ne liceat prohibetur. Multi enim sunt, qui possunt religiosam vitam etiam cum seculari habitu ducere. Et plerique sunt, qui nisi omnia reliquerint, salvari apud Deum nullatenus possunt. Ego vero hæc Dominis meis loquens quid sum nisi pulvis & vermis? Sed tamen quia contra auctorem omnium Deum hanc intendere constitutionem sentio, Dominis tacere non possum. Ad hoc enim potestas super omnes homines,

^f Dominorum meorum pietati cœlitus data est, ut qui bona appetunt, adjuventur; ut cœlorum via largius pateat;

Tom. VII.

ut terrestre regnum cœlesti regno famuletur. Et ecce aperta voce dicitur, ut ei qui semel in terrena militia signatus fuerit, nisi aut expleta militia, aut pro debilitate corporis repulsus, Domino Jesu Christo militare non liceat.

Ad hæc, ecce per me servum ultimum suum & vestrum respondebit Christus, dicens: Ego te de notario comitem excubitorum, de comite excubitorum Cæsarem, de Cæsare Imperatorem; nec solum hoc, sed etiam patrem Imperatorum feci. Sacerdotes meos tuæ manui commisi, & tu a meo servitio milites tuos subtrahis; Responde rogo, piissime Domine, servo tuo, quid venienti & hæc dicenti responsurus es in iudicio Domino tuo?

Sed fortasse creditur, quia nullus eorum puro animo convertatur. Ego indignus famulus vester scio, quanti his diebus meis in monasterio milites conversi miracula fecerunt, signa & virtutes operati sunt. Sed per hanc legem jam ne quisquam talium converti debeat, prohibetur.

*Joh. Diac.
lib. 3. c. 50.*

Requirat rogo dominus meus, & quis prior Imperator talem legem dederit, & subtilius æstimet si debuit dari. Et quidem considerandum valde est, quia eo jam tempore prohibentur quique relinquere seculum, quo appropinquavit finis ipse seculorum. Ecce enim mora non erit, & ardente cœlo, ardente terra, coruscantibus elementis, cum Angelis & Archangelis, cum Thronis & Dominationibus, cum Principatibus & Potestatibus tremendus iudex apparebit. Si omnia peccata dimiserit; & solum hanc legem contra se dixerit esse prolatam, quæ, rogo, erit excusatio? Unde per eundem tremendum iudicem deprecor, ne illæ tantæ lacrymæ, tantæ orationes, tanta jejunia, tantæque eleemosynæ domini mei, ex qualibet occasione apud omnipotentis Dei oculos fu-

E e scen-

AN. CHR.
592. 593.
GREG. 3.
6678

AN. CHR.
592. 593.
GREG. 3.

h

scuntur; ^h sed aut interpretando Pietas vestra, aut immutando vigorem ejusdem legis inflectat: quia tunc magis Dominorum exercitus contra hostes crescit, quando Dei exercitus ad orationem creverit.

Ego quidem jussioni subjectus, eandem legem per diversas terra-

rum partes transmitti feci; & quia lex ipsa omnipotenti Deo minime concordat, ecce per suggestionis meae paginam serenissimis Dominis nuntiavi. Utrobique ergo quæ debui exsolvi, qui & Imperatori obedientiam præbui, & pro Deo quod sensi minime tacui.

N O T Æ A D E P I S T. LXV.

a In Vatic. B. & in nonnullis, *Mauricio Tiberio Augusto*.

b Strator dictus, qui Imperatorem in equum inferret, eique equum sterneret. Codicis titulus est *de Stratoribus* lib. 12. Eorum erat equos, qui a Provincialibus conferebantur, probare. His præerat *πρωτοδρόμος*, apud Codinum, Gall. *le grand Ecuyer*. Absente Magno Domestico enssem gestabat Imperatoris, &c. Patricii & suum quisque stratorem habebant: nam & stratorem Prisci Patricii, & aliorum apud Theophanem reperio. *Gussavi*.

c Provehere ad honorem clericatus non licebat, immo nec ad honores, qualescumque debitores rerum publicarum in digestis lib. 50. tit. 4. in monasterio converti licebat, teste sancto Gregorio: nec tamen servi, invitis dominis, monasticam profiteri disciplinam poterant. De iis tamen qui rationibus publicis sunt obnoxii, id correxisse postea sanctum Gregorium liquet ex ep. 11. l. 7. *Indist. 1. Suscipiendi*, inquit, *non sunt, nisi prius a rationibus publicis absoluti*. *Gussavi*.

d Sic legimus in quatuor Vatic. Norm. &c. ubi vulgati habent, *debita solvantur*. Cum juxta Novel. 5. cap. 4. res quascumque habuerat Monachus, jam domini essent Monasterii, illius debita

ab ipso Monasterio persolvi æquissimum erat.

e Servos antiquitus fuisse signatos & literatos, & punctis in cute victuris notatos sciunt omnes; hinc proverbium: *Samiis nemo litterator*. *Gussavi*.

f Imperatores plurali numero compeilat, quod Theodosius puer jam anno 591. in societatem Imperii a Mauricio patre suo fuisset accitus, ut jam observatum a nobis.

g Gussanvillæus S. Gregorium redarguens, *talem*, inquit, *legem ediderat Justinianus Novel. 5. c. 2. quam lector totam expendat velim, quoniam multa continet notabilia de monachis*. Laudatum caput sæpius perlegimus, nec ullum de militibus a monastica professione arcendis verbum nobis occurrit: immo permittit Justinianus servos ipsos invitis dominis ad vitam monasticam recipi, nisi eos aliquid furto abstulisse, aut alicujus sceleris reos esse probetur. Julianus quidem cognomento apostata, similem legem tulerat, ut docet sequens epistola; sed Imperatoris refugæ exemplum ad se trahere non poterat pius Imperator.

h Excusi, *sed aut temperando*: quod legitur in Gemet. Becc. ac nonnullis. At Vaticani quatuor, Aud. Lyr. Prætell. Reg. ac plerique, *interpretando*.

Al. lxx.

E P I S T O L A * LXVI.

Ad Theodorum Medicum.

Ostenfa lata legis iniquitate, Theodorum hortatur ut epistolam suam Imperatori offerens, ipsi de revocanda lege suadeat.

Gregorius * Theodoro Medico ^b.

a
b

c

Q Uanta bona omnipotentis Dei & serenissimi domini Imperatoris habeam, lingua mea non sufficit explere. Pro quibus bonis quid est meum retribuere, nisi eorum ve-

stigia pure amare? Peccatis autem meis facientibus, ex quorum suggestionem vel consilio nescio, ^d transacto anno talem in Republica sua legem protulit, ut

Johan. Diac.
l. 3. c. 50.
^d

ut quisquis eum pure amat, flere vehementer debeat. Ad quam legem tunc respondere non potui, quia ægrotus fui. Modo autem eidem domino aliqua suggessi. Præcipit enim ut nullus qui actionem publicam egit, ^e nullus qui optio, vel manu signatus, vel inter milites fuit habitus, ei in monasterio converti liceat, nisi forte si militia ejus fuerit expleta. Quam legem primum, sicut ii dicunt qui leges veteres noverunt, Julianus protulit, de quo scimus omnes quantum Deo adversus fuerit. Quod si ideo serenissimus dominus noster fecit, quia forte multi milites convertebantur; & exercitus decrefcebat, numquid ^f per virtutem militum ^f subjugavit omnipotens Deus imperium Persarum? Numquid non solæ lacrymæ illius auditæ sunt, & eo ordine quem ipse nescivit, ejus imperio Persarum imperium subdidit? Valde autem mihi durum videtur, ut ab ejus ser-

vitio milites suos prohibeat, qui ei & omnia tribuit, & dominari eum non solum militibus, sed etiam Sacerdotibus concessit. Numquid si intentio est servandarum rerum, non poterant ea ipsa monasteria, quæ milites suscepissent, alienas res redde-
dere, atque ad conversionem homines tantummodo habere? Hæc quia mihi valde dolent, eidem domino suggessi. Sed vestra Gloria opportuno tempore secreta suggestionem meam ei offerat. Nolo eam a Responsali meo publice dari, quia vos qui ei familiariter servitis, loqui ei liberius & apertius potestis, quæ pro ejus sunt anima; quoniam in multis est occupatus, & vix animus ejus invenitur a curis majoribus vacuus. Tu quidem, gloriose fili, pro Christo loquere. Si auditus fueris, ^g lucrum est animæ prædicti domini tui, & tuæ. Si vero auditus non fueris, lucrum solummodo tuæ fecisti.

AN. CHR.
592. 593.
GREG. 3.

673

g

NOTÆ AD EPIST. LXVI.

a Erat hic Mauricii Imperatoris Archiater, vir ingenio sagax, & eloquens, inquit Simocatta lib. 6. c. 11. & ex eo Nicephorus l. 18. c. 29. Illum Oratorem ad Avarum Regem felici exitu misit Priscus Patricius. Dux exercitus Mauricii & Præfectus Orientis. De qua re vide auctores citatos, & historiam Miscell. lib. 17. ad annum 13. Mauricii. *Guffanv.*

b Post medico, in excusis legitur &c. quod solum in Colbert. offendimus.

c Id est, explicare, ut etiam legitur in Vatic. B.

d Vitiose ac contra MSS. fidem additur in editis, *an vestro*.

e Sic legendum ex MSS. Norm. Corb. Turon. Regg. & omnibus quos mihi consulere licuit. Nullus autem dubito quin ita legatur in MSS. Anglic. Vatic. & aliis optimæ notæ. At qui ad illos codd. S. Gregorii epistolas contulerunt, minime intelligentes quid significaret

optio, vel *obtio*, ut legitur in cod. Reg. hoc pro mendo habuerunt, & legere maluerunt, *nullus qui officio vel manu signatus*. Hujus autem vocis notionem dedimus in notis ad cap. 35. lib. 4. dialog. Hoc in loco adverte constructionem grammaticæ legibus repugnantem, *nullus qui optio... ei in monasterio converti liceat*. Eadem occurrit in regula S. Bened. c. 58. *Noviter veniens quis ad conversionem, non ei facilis tribuatur ingressus*.

f Meminit victoriæ insignis de Persis reportatæ, capta Martyropoli civitate munitissima: quæ gesta bellica vide apud Theophanem. Præterea Mauricius Chosroem Persarum Regem, e regno pulsum restituit, unde ipsi Regem regnumque subditum fuisse aliquatenus dici potest.

g Excusi, *lucrum operatus es*. Sequimur Vatic. omnes nostris fere semper consentientes, Corb. &c.

A. N. CHR.

592. 593.

GREG. 3.

1005

Al. LXIII.

E P I S T O L A * LXVII.

Ad Domitianum Metropolitanum.

Allatam dudum a se raptus Dinæ Genes. 34. juxta spiritalem sensum expositionem propugnat. Domitiano gratulatur, tum quod secularibus causis occupatus Scripturas meditetur, tum quod Persarum Imperatori fidem predicaverit.

Gregorius ^a Domitiano Metropolitano.

Scripta dulcissimæ & suavissimæ Beatitudinis vestræ suscipiens, valde gavissus sum: quia multa mihi de sacra Scriptura loquebantur. Et quia dilectas in eis epulas repere, eas avide comedi. In quibus quædam quoque de causis exterioribus & necessariis sunt permixta. Et quasi menti convivium præparantes egistis, ut oblata epulæ ex diversitate melius placerent. Et si quidem exteriores causæ velut inferiores & abjecti cibi minus sapiunt, ita tamen a vobis prudenter dictæ sunt, ut libenter fumantur: quia & cibi contemtibiles, plerumque dulces ex condimento bene coquentis fiunt. Servata autem veritate historiæ, hoc quod dudum de divina significatione dixeram, respui nullo modo debuit. Nam etsi mihi, quoniam ita vultis, significatio ejus non congruit, ex ipsis tamen locis suis circumstantibus, hoc quod ex ea dictum est, incunctanter teneri potest. Nam & corruptor ejus princeps terræ dicitur, per quem aperte diabolus designatur: Quia Redemptor noster ait: *Nunc princeps hujus mundi ejicietur foras.* Qui etiam uxorem petit: quia malignus videlicet spiritus festinat, ut licenter possideat animam, quam prius occulta seductione corruperit. Unde Jacob filii vehementer irati, contra omnem Sichem domum ejusque patriam gladios sumunt: quia a cunctis zelum habentibus, ipsi quoque insequendi sunt, qui ma-

ligni spiritus adjutores fiunt. Quibus prius circumcisionem præcipiunt, quos in dolore positos postmodum occidunt. Quia plerumque magistri severiores, si zelum suum moderari nesciunt, quamvis per prædicationem vitia corruptionis refectent, cum jam a delinquentibus plangitur quod fuerat perpetratum, adhuc tamen ipsi per asperitatem disciplinæ sæviunt, & duriores existunt. Qui enim jam & præputia absciderant, mori minime debebant; quia qui culpam plangunt luxuriæ, & voluptatem carnis in dolorem vertunt, a magistris sentire non debent asperitatem disciplinæ, ne ipse humani generis Redemptor minus ametur, si pro eo anima plus quam debet atteritur. Unde & eisdem filiis Jacob dicit: *Turbastis me, & odiosum fecistis Chananeis.* Quando enim hoc quod jam delinquentes plangunt, adhuc magistri crudeliter insequuntur, infirmæ menti ipse Redemptoris sui amor tepescit: quia ibi se affligi considerant, ubi sibi & ipsa non parcit.

Gen. 34. 30.

Hæc igitur dixerim, ut intellectum, quem protuli, non esse improbabilem ex locis circumstantibus demonstrarem. Ea vero quæ ex eodem loco a vestra Sanctitate in meam consolationem dicta sunt, libenter accipio: quia in intellectu sacre Scripturæ, respui non debet quidquid sanæ fidei non resistit. Sicut enim ex uno auro alii murenulas, ^b alii

an-

b

Job. 12. 31.

AN. CHR.
592. 593.
GREG. 3.
d

annulos, alii dextralia ad ornamentum faciunt: ita ex una ^c sacre Scripturæ intelligentia expositores quique per innumeros intellectus, quasi varia ornamenta componunt, quæ tamen omnia ad decorem cœlestis sponſæ proficiunt. Valde autem gaudeo, quod dulcissima Beatitude vestra etiam causis secularibus occupata, ad intellectum sacri eloquii vigilanter ingenium reducit. Sic quippe necesse est, ut si illa omnimodo caveri non possint, ista non omnimodo postponantur. Sed per omnipotentem Dominum rogo, mihi in tantis tribulationum fluctibus laboranti tende orationis manum, ut ex vestra intercessione ad

summa relever, qui culparum mearum pondere ad profundum premor. Imperatorem vero Persarum etsi non fuisse ^d conversum doleo, vos tamen ei Christianam fidem prædicasse omnimodo exulto: quia etsi ille ad lucem venire non meruit, vestra tamen Sanctitas prædicationis suæ præmium habebit. Nam & Æthiops in balneum niger intrat, & niger egreditur, sed tamen balneator nummos accipit.

De Mauricio autem bene dicitis, ut in actione ejus ab umbra statuum cognoscam, id est in minimis majora perpendam. In hoc tamen ei credimus: quia ejus nobis animam, sacramenta & obsides ligant.

N O T Æ A D E P I S T. LXVII.

a Erat hic Melitinæ Episcopus, Armeniæ Metropolitanus, Mauricii Imperatoris consanguineus, vir prudens & industrius, verbo & opere potentissimus, & ad res maximas gerendas efficacissimus, inquit Evagrius l. 6. c. 16. 17. 18. De eo Theophyl. Simocatta lib. 4. histor. Mauric. capite 14. lib. 8. c. 11. Melitines Præsul Domitianus genere Mauricius attingens, & cum honore sanctus Sacerdos, tum vitæ instituto sanctior, sermone suavis, actione solers, consilio prudentissimus, auctoritate Imperatoria ad Chosroem contendit, &c. Quanti autem eum fecerit Mauricius, indicat idem Simocatta l. 8. c. 11. nempe quod ineunte Imperium Heraclio tabellæ involutæ & obſignatæ inventæ sunt, in quibus descriptum erat quidquid post suum ex hac vita discessum fieri vellet Mauricius. Cum enim Imperii sui anno 15. in periculolum morbum esset lapsus, de Imperio constituit, &c. Filiis suis ætate adhuc immaturis Domitianum cognatum suum, nobilis Ecclesiæ Melitenensis Antistitem, virum in rebus agendis dexterum, consilio dexteriores, tutorem designavit. Quamobrem Imperator majoris momenti negotia ei expedienda ob eximiam prudentiam committebat. Plura passim

de eo idem Simocatta. De morte autem ipsius sic Theophanes in chronographia: *Indictione v. mense Januario Domitianus Melitines Episcopus Imperatoris consanguineus diem extremum obiit, & a Cyriaco Patriarcha ad sanctos Apostolos sepultus est, Senatu universo funebribus honoribus memoriam ejus prosequente.* Cæterum Melitine, seu Melitene, hodie Malatia, teste Nigro, urbs olim regionis Melitenæ caput, post Provinc. Armeniæ secundæ, seu minoris metropolis, ad fluvium Euphratem sita, Cæsaream inter & Samosatam. Guffanv.

b Omilla duo verba, alii annulos, ex MSS. omnibus Vatic. Norm. Turon. Corb. &c. restituimus.

c Recent. ed. *scripturæ sententia*, quos libenter, si per MSS. codices liceret, sequeremur. At omnes habent, *intelligentia*, vel, *scientia*.

d Fredegarius qui in Chronico falso affirmat Chosroem Christianum factum, id tamen narrat ut ad annum pertinet 589. Quare non videtur rem tam insignem, de qua fama per Italiam adeo percrebuerat, sic sero Domitianum scripsisse ad S. Gregorium. Pertineat probabilius hæc epistola ad an. 591. vel 592. quod & Pagius suspicatur. E. V.

AN. CHR.
523. 524.
GREG. 4.
6693

S A N C T I
G R E G O R I I P A P Æ
R E G I S T R I E P I S T O L A R U M

Al. lib. III.

L I B E R * Q U A R T U S

Menſe Septembri Indiſtione XII.

E P I S T O L A I.

Ad Conſtantium Epiſcopum.

Quod concordī omnium aſſenſu fuerit electus, gratulatur. Monet reſpondendum ſuorum aſſectibus, neceſſitatibus ſuccurrendum, corrigenda mature vitia. In bonis profeſtum precatur. Pallium mittit.

Gregorius Conſtantio Epiſcopo Mediolanenſi.

Scripta Fraternitatis veſtræ ſuſcipiens magnas omnipotenti Deo gratias retuli, quia ordinationis veſtræ merui celebratione relevari. Quod vero ex ſuperno munere in electionem veſtram concorditer omnium convenit aſſenſus, hoc Fraternitas tua cum ſumma debet conſideratione penſare: quia poſt Deum valde eſt debitor eiſ, qui ſibi vos præferri tam ſubdita mente voluerunt.

a Decet igitur vos ſacerdotali benignitate eorum moribus in omnibus reſpondere, eorumque neceſſitatibus pia compaſſione ^a concurrere. Si quorum fortaſſe ſunt vitia, **b** hæc maturis objurgationibus ^b increpato; ut ipſa quoque ſacerdotalis indignatio virtuti ſit admixta dulcedinis; quatenus & tunc a ſubjectis amari debeat, etiam cum gra-

viter metuitur. Quæ res perſonam veſtram apud eorum iudicium ad magnam quoque reverentiam adducit: quia ſicut præceps, furor uſitatusque deſpicitur, ita contra culpas diſcreta indignatio plerumque quod tarda fuerit, eo amplius ſit timenda.

Johannes vero Subdiaconus noſter multa nobis bona tuæ Fraternitatis rediens nuntiavit. De quibus omnipotentem Deum petimus, ut hæc qui cœpit, ipſe perficiat; quatenus te interius exteriusque profeciſſe, & nunc inter homines, & poſt inter angelos oſtendat.

Præterea pallium ad ſacra Miſſarum ſolemnia utendum ex more tranſmiſimus Sed peto ut dum hoc ſuſcipitis, ejus honorem ac genium ex humilitate vendicetis.

N O T Æ A D E P I S T. I.

^a Editi prætulērunt *ſuccurrere*, quod non eſt MSS. codicum.

^b Ita Normanni & plerique. In qua-

tuor tamen Vatic. in Reg. in Corb. & in edit. Pariſ. 1518. legitur *increpare*; referendo ad *Decet*, quod præceſſit.

EPI-

E P I S T O L A I J.

Ad Constantium Episcopum .

AN. CHR.

593. 594.

GREG. 4.



Theodelindam Reginam & tres Episcopos, ob tria capitula a Constantio divisos, susceptis epistolis suis ad illius communionem reversuros sperat. Pacem cum Langobardis exoptans, petit ut se de Francorum cum Langobardorum Rege gestis faciat certiore.

Gregorius Constantio Episc. Mediolanensi .

Dilectissimus filius^a meus Bonifacius Diaconus quiddam mihi^a ex scripto Fraternitatis tuæ secreto nuntiavit, quod exquisita occasione potius quam inventa, tres se Episcopi a pia Fraternitatis vestrae communionem separaverint, dicentes vos^b in damnationem trium capitulorum consensisse, atque^c cautionem fecisse. Et quidem si quid de tribus capitulis in quocumque vel verbo vel scripto nominatum est, bene Fraternitas tua reminiscitur: quamvis decessor Fraternitatis tuæ Laurentius districtissimam cautionem Sedi apostolicæ emiseric, in qua viri nobilissimi, & legitimo numero subscripserunt. Inter quos ego quoque tunc^d urbanam Præturam gerens, pariter subscripsi: quia postquam talis scissura pro nulla re facta est, iustum fuit ut Sedes apostolica curam gereret, quatenus unitatem universalis Ecclesiæ in Sacerdotum mentibus per omnia custodiret. Quod autem dicitur, filiam nostram^e Theodelindam Reginam sese a com-

munionem tua hoc audito nuntio suspendisse, constat per omnia, quia etsi pravorum hominum verbis ad paululum seducta est, venientibus tamen Hippolyto Notario & Johanne Abbate, erit modis omnibus vestrae Fraternitatis communionem quaesitura: cui etiam meas Epistolas direxi, quas Fraternitas vestra sine dilatione transmittat. De Episcopis vero qui se suspendere^f visi sunt, aliam Epistolam feci, quam cum eis ostendi feceris, eos non ambigo de superstitione suæ superbiæ apud Fraternitatem tuam poenitentiam acturos.

Subtiliter autem mihi & breviter indicastis, vel^g de Agone Rege, vel de Francorum Regibus quæ gesta sunt. Peto ut Fraternitas vestra quæ adhuc recognoverit, mihi modis omnibus innotescat. Si autem videritis, quia cum Patricio nihil facit Ago Langobardorum Rex, de nobis ei promittite: quia paratus sum in causa ejus impendere, si ipse utiliter aliquid cum Republica voluerit ordinare.

N O T Æ A D E P I S T. II.

^a Becc. extra scriptum.

^b Anno Domini 553. in Concil. V damnata fuerant tria capitula. Damnationem secutum est schisma gravissimum, cum persuasum haberent plurimi Episcopi, ea damnatione labefactari fidem, lædique auctoritatem synodi Chalcedonenlis: quam quidem opinionem ex eorum animis evellere, non levioris operæ fuit: Vigilus qui tum apostolicæ Sedi præerat, synodi quin-

tæ definitioni consentire, pio fortassis, sed infelici consilio, renuens, schismati occasionem dederat; certe vires addiderat. Successor ejus Pelagius I. quod V. Synodo consentiret, tam fuerat Occidentalibus Episcopis invisus, ut eum pro Pontifice habere noluerint, necessumque fuerit iussu Pelagii Presbyterum Ostiensem loco Episcopi munus illud obire: ut Binius post Anastasium refert. Pelagius II. an. 578. Romanus Pontifex nul-

AN. CHR. 593. 594. nullum non movit lapidem, quo fidelium animos istorum damnatione capitulorum offensos conciliaret: nec obtinuit. Hinc usus cautionum, de quibus in hac & ep. sequente ut vel sic unitati universalis Ecclesiæ, discussis istiusmodi nebulis, recepta V. Synodo provideretur. Vide ep. 3. & 4. sequentes. *Guffanv.* Adde 35. De tribus Capitulis accuratius in vita S. Gregorii.

c Cautionum apud Jureconsultos plurima sunt genera; hic juratoriam intelligo scripto exaratam & subscriptam, qua promittebant se damnationi trium capitulorum deinceps consenturos, nec unquam reluctaturos. Similes cautiones nostra ætas exsuscitavit. *Guffanv.*

d Vatic. B. *urbanam præfecturam.* Vide notam nostram ad ep. 26. l. 3. E V.

e Fuit Garibaldi Bajoariorum regis filia, primum Autharis Langobardorum regis uxor, tum eo post annos sex veneno extincto, Agilulfo Taurinatium duci nupsit, qui a Langobardis rex creatus est. Hujus mulieris pietas insignis laudatur a scriptoribus, & maxime a S. Gregorio, qui plures ad eam epistolas scripsit, eique libros Dialogorum direxit, *quam sciebat utique & Christi fidei deditam & in bonis actibus esse præcipuam*, inquit Paulus Diaconus l. 4. de gestis Langob. c. 5. qui eam vocat *Theudelindam*, ejusque pietatem & erga Ecclesiam munificentiam mirifice extollit. cap. 6. *Guffanv.*

f Vatic. A. *suscendere nisi sunt.*

g Idem qui Agilulfus de quo paulo antea.

E P I S T O L A III.

Ad Constantium Episcopum:

Nullam a Constatio datam de tribus capitulis cautionem. Chalcedonensis Synodi fidem in Romana Ecclesia integram servari. Divisis proinde Episcopis ad unitatem redeundum.

Gregorius Constantio Episc. Mediolanensi:

Pervenit ad nos quod quidam Episcopi vestræ diœcesis exquirentes occasionem potius quam invenientes, sese scindere a Fraternitatis vestræ unitate tentaverint, dicentes te apud Romanam urbem in trium capitulorum damnationem cautionem fecisse. Quod videlicet, idcirco dicunt, quia quantum Fraternitati tuæ etiam sine cautione credere soleam, nesciunt. Si enim hoc esset necessarium fieri, verbis nudis vobis credi potuisset. Ego tamen nominata inter nos neque verbo neque scripto tria capitula recolo. Sed eis, si citius revertuntur, de suo errore parcendum est: quia juxta Pauli Apostoli

2. Tim. 1. 7. *vocem: Non intelligunt neque que loquuntur, neque de quibus affirmant.*

Nos enim, auctore veritate, teste conscientia, fatemur nos fidem san-

ctæ Chalcedonensis Synodi per omnia illibatam custodire, nihilque ejus definitioni addere, nihil subtrahere audere. Sed si quis contra eam, ejusdemque Synodi fidem, siue plus minusve ad sapiendum appetit usurpare, cum omni dilatione postposita anathematizamus, atque a sinu matris Ecclesiæ alienum esse decernimus. Quem igitur ista mea confessio non sanet, non jam Chalcedonensem Synodum diligit, sed matris Ecclesiæ sinum odit. Si ergo ea ipsa quæ audere visi sunt, zelo loqui animæ præsumserunt: superest ut hac satisfactione suscepta, ad Fraternitatis tuæ unitatem redeant, seque a corpore Christi, quod est sancta universalis Ecclesia, non dividant.

E P I S T O L A IV.

Ad Theodelindam Reginam.

AN. CHR.

593. 594.

GREG. 4.

6693

Quod sese a Constantii communione suspenderit, dolet. Nihil contra Chalcedonensis Synodi fidem Justiniani temporibus actum asserit. Hortatur ut Constantii ordinationem suscipiat, eique communione jungatur.

Gregorius Theodelindæ Reginæ Langobardorum.

QUORUMDAM ad nos relatione per-
venit, ab aliquibus Episcopis
^a Gloriam vestram usque ad hoc
scandalum contra sanctam Ecclesiam
fuisse perductam, ut sese a catho-
licæ unanimatis communione sus-
penderet. Quod quantum vos pu-
re diligimus, tantum de vobis for-
tius dolemus, quia vos imperitis
stultisque hominibus creditis, qui
non solum ea quæ loquuntur ne-
sciunt, sed vix ea percipere quæ
audierint, possunt.

Dicunt enim piæ memoriæ Justi-
niani temporibus aliqua contra Chal-
cedonensem Synodum fuisse consti-
tuta: quidum neque legunt neque
legentibus credunt, in ipso errore
manent, quem sibi de nobis ipsi
finxerunt. Nos enim, teste con-
scientia, fatemur de fide ejusdem
sancti Chalcedonensis Concilii nihil
^b motum, nihil esse violatum: ^b sed
quidquid prædicti Justiniani tempo-
ribus actum est, ita actum est ut
fides Chalcedonensis Concilii in nullo
vexaretur. Si quis autem contra e-

jusdem Synodi fidem aliquid loqui
præsumit vel sapere, nos ejus sen-
sum sub anathematis interpositione
detestamur. Cum ergo integritatem
nostram ex conscientiæ nostræ atte-
statione cognoscitis, superest ut
nunquam vos a Catholicæ Ecclesiæ
communione separetis; ne tot ve-
stræ lacrymæ, tantaque bona opera
pereant, si a fide vera inveniuntur
aliena. Decet ergo Gloriam vestram
ad Reverendissimum fratrem & coe-
piscopum meum Constantium, cu-
jus & fides, & vita bene olim mi-
hi approbata est, sub omni celeri-
tate transmittere, eique directis ve-
stris epistolis indicare, ordinationem
ejus quam benigne suscepistis, &
quia ab ejus Ecclesiæ communione
in nullo separamini. Quamvis in
hac re me vobis superflue dicere
arbitror: quia etsi quid in vestro
animo dubietatis fuit, veniente fi-
lio meo ^c Johanne Abbate, atque
Hippolyto Notario, ex corde vestro
arbitror fuisse sublatum.

N O T Æ A D E P I S T. IV.

^a Modus compellendi honoris cau-
sa, quo utitur Gregorius erga Reges,
Imperatores, eorum uxores, & alias
primarias personas. Nondum enim re-
ceptus erat *Majestatis* titulus, quo nunc
reges gaudent. Quamquam Horatius sic
Augustum alloquatur l. 2. ep. 1.

*Si quantum, possem quoque; sed
neque parvum*

Carmen Majestas recipit tua.

Et apud Cassiodorum lib. 3. Variar. ep.
27. occurrit *Regia majestas*.

^b Propter injectam hic, etsi leviter,
damnationis trium capitulorum men-
tionem, Constantius ab off. renda Theo-
delindæ hac epistola prudenter absti-
nuit, ut liquet ex ep. 39. Quod lau-
davit sapientissimus Pontifex; aliam-
que Reginæ sine scandalo dandam scrip-
sit, in qua nec s. Synodi, nec gesto-
rum in damnatione trium capitulorum
meminit. Est numero 38.

^c Vide quæ diximus in nostris Instit.
Litur. c. 14. nu. 19. & 20. E. V.

AN CHR.

593. 594.

GR. G. 4.

6695

E P I S T O L A V.

Ad Bonifacium Episcopum.

*Cleri sui moribus & famæ consulat. Id de Subdiaconis ejus decernit ;
quod supra de Siculis lib. 1. Ep. 44.*

a

Gregorius Bonifacio Episcopo ^a Regiensi.

Contumelia quidem Sacerdotum est, de divinis cultibus admoneri. Quod enim ipsi debent exigere, turpiter exiguntur. Tamen ne, quod non æstimamus, in aliquo Fraternitas tua ea quæ ad opus Dei pertinent negligat, de hoc ipso specialiter te prævidimus adhortandum. Admonemus itaque ut nullatenus clerus Regitanæ civitatis, in causis quas eorum poscit officium, Fraternitatis tuæ remissione laxetur. Sed in iis quæ ad Deum pertinent, instantissime atque studiosissime compellantur. Opinionem quoque prædicti cleri tui studere te volumus,

ut nihil de iis pravum, nihil quod contra Ecclesiasticam disciplinam pertinet, audiat: ad ornatum quippe ejus, non ad scditatem actuum eorum pertinere debet officium. Subdiaconis vero tuis hoc quod de Siculis statuimus, decernimus observari: nec illam definitionem nostram cujusquam sinas contumacia aut temeritate corrumpi; quatenus dum prædicta omnia per te fuerint conservata districtissime, nec admonitionis nostræ, sicut & credimus, transgressor existas, nec in quolibet reum te remissionis accuset pastoralis tibi commissus ordo regiminis.

Grat. d. ft.

b 32. c. c.

b

N O T Æ A D E P I S T. V.

^a Al. *Regitano*, ut legitur in omnibus Norm. in Vatic. D. & c. Infra quo-

que *clerus Regitanæ civitatis*.

^b Vide libri 1. ep. 44.

E P I S T O L A VI.

Ad Cyprianum Diaconum.

Petroniliæ conversæ & Agnelli ejus corruptoris facinus discutiat ; & puniat, atque ablata Monasterio curet restitui.

Gregorius Cypriano Diacono & Rectori Siciliæ.

Grat. 10. g.
3. c. 2. Pet.
latum.

c 2

b

Perlatum est ad nos, Petronilam nomine de Provincia ^a Lucania genitam, per exhortationem Agnelli Episcopi fuisse conversam, resque suas omnes, quas habere potuit, ^b licet sibi jure potuissent competere, tamen eidem monasterio, quod ingressa est, etiam specialiter donationis titulo contulisse: morientemque prædictum Episcopum dimidiam partem substantiæ suæ Agneli-
lo cuidam filio suo, qui notarius

nostræ esse fertur Ecclesiæ, atque dimidiam eidem monasterio reliquisse. Sed cum propter irruentem Italiæ cladem Siciliam refugissent, dicitur eam sæpe nominatus Agnellus corruptis ejus moribus stuprafse, atque sentiens gravidam, de monasterio ^c seduxisse, resque ejus omnes tam proprias, quam eas, quas de parte patris ipsius habere poterat, abstulisse, ac post perpetratum tale tantumque facinus, in
sui

c

d fui eas d domini jure defendere . Hortamur igitur Dilectionem tuam, ut prædictum virum vel ante fatam feminam sub districta ad te facias executione perducere, causamque ipsam secundum sui meritum summa subtilitatis examinatione perquiras . Et si ita inveneris ut nobis nuntiatum est, negotium tot iniquitatibus inquinatum, cum summa purgationis severitate determi-

na; quatenus & ante fatò viro, qui nec suum, nec illius attendit habitum, & tantorum causa, fuit scelestum, ultio districta proveniat: & illa prius procedente vindicta, atque in monasterium sub poenitentia redacta, omnes res, quæ de sæpe dicto loco ablatae fuerant, cum omnibus illis suis fructibus atque accessionibus revertantur.

AN. CHR.
593. 594.
GREG. 4.

6693
c

NOTÆ AD EPIST. VI.

a Provincia Italiæ; pars olim erat magnæ Græciæ, ubi nunc Basilicata Provincia Regni Neapolit. cum parte australi citerioris Principatus. *Guffanv.*

b Ut verus sensus eliciatur, sic fieri debet constructio: *Petronillam, Monasterio quod ingressa est, omnia quæ habebat, licet jure Monasterio competere, specialiter tamen ea titulo donationis ipsi contulisse.* Jam sæpe observavimus, Gregorii stilum hyperbatis & verborum inversionibus ac trajectionibus abundare. Itaque Gregorii scopus est, ut ea omnia quæ de Monasterio ablata fuerunt, cum omnibus fructibus suis atque accessionibus illuc revertantur. Id ut assequatur, observat res omnes quas habere potuit Petronilla, eidem Monasterio quod ingressa est competere, tum ex jure communi, scilicet Imper. lege, qua in ipsa Monachi professione, illius bona Monasterio acquiruntur. *Novel. Justin. 5. Nov. 123. c. 38.* tum maxime speciali donationis titulo. De sen-

tentia S. Gregorii ac proposito scopo non est dubitandi locus, si legatur ep. 7. libri ix. *Quia, inquit, ingredientibus monasterium, convertendi gratia, ulterius nulla sit testandi licentia, sed res eorum ejusdem monasterii juris fiant, aperta legis definitione decretum est.*

c Hoc est clam eduxisse. *Seducere* proprie est seorsum ducere.

d Scilicet res ablatas: non *eam*, ut invitis MSS. habent editi.

e Virginum sacrarum conjugia vetita vide in Concil. Tur. I. c. sexto: *qui se sacratis virginibus per conjunctionem nefandam miscuerint, vel propositum professæ religionis dereliquerint, utrique a communione habeantur alieni, quia si quis templum Dei violaverit, disperdet illum Deus.* Consule etiam Conc. Par. III. c. 5. & Turon. II. c. 20. Qui sacramentum virginem ducit uxorem, capitali sententia feriendus est, ex Clotarii II. constitutione, quæ inter Concilia Galliæ refertur post Concil. Par. V.

EPISTOLA VII.

Ad Gennadium Patricium.

Columbo Episcopo in Numidiæ Concilium inquirenti, & pravos correpturo faveat. Compescat intestina Ecclesiarum bella.

Gregorius Gennadio a Patricio & Exarcho Africæ.

a

b

c

S Atis b credimus religiosæ Excellentiæ vestræ mentem adversus ea maxime, quæ in Ecclesiis geruntur incongrua, c divini amoris æmulatione succendi. Tanto igitur Ecclesiasticarum correctionem causarum vobis libenter ingerimus, quanto de pia vestræ mentis inten-

tione confidimus. Cognoscat siquidem Excellentia vestra, quibusdam de Africanis partibus venientibus ad nos fuisse perlatum, plura in Concilio Numidiæ contra patrum tramitem atque canonum statuta committi. Quarum rerum frequentes querelas quia diutius tolerare nullatenus po-

Ff 2

tui-

AN. CHR.
593. 594.
GREG. 4.
36733

tuimus, Columbo fratri & coepiscopo nostro, de cuius gravitate ipsa ejus quæ percrebuit, dubitare jam nos non permittit opinio, commissimus perquirendas. Quamobrem paterno salutantes affectu, hortamur Excellentiam vestram, in cunctis quæ ad Ecclesiasticam correptionem pertinent, vestri robur ei subrogatis auxilii; ne, si quod male geritur, quæsitum vel vindicatum non

fuerit, longorum usurpatione temporum cum majori licentia ^d in futuros crescat excessus. Scito autem, Excellentissime fili, si victorias quæritis, si de commissæ vobis provinciæ securitate tractatis, nihil vobis magis aliud ad hoc proficere, quam zelari Sacerdotum vitas, & intestina Ecclesiarum, quantum possibile est, bella compefcere.

N O T Æ A D E P I S T. VII.

^a De Patriciis jam sæpe injecta mentio. Eorum dignitatem instituisse Constantinum magnum legimus. Vide Tillemontium in Historia Imperat. in Constantino.

^b Vatic. A. & C. *satis credimus ratu Excellentie vestre.*

^c Excusi, divini auctoris.

^d Omnes Vaticani præter D. in futuris crassetur excessibus.

AN. 8.

E P I S T O L A * VIII.

Ad Januarium Episcopum.

Stephani defuncti voluntatem de Monasterio construendo curet adimpleri.

Gregorius Januario Episcopo Caralitano.

NOs quidem arbitramur, quod ad imminentiam expletionis piarum rerum, ipse te tuus satis ordo compellat. Sed ne zelum tuum cujuslibet interventus remissionis emolliat, de his etiam te specialiter judicavimus exhortandum. Pervenit siquidem ad nos Stephanum vestrum de hac luce migrantem, ^a supremæ voluntatis elogio monasterium præcepisse fundari. Cujus ^b desiderium, Theodosiæ honestæ feminæ heredis ejus fertur quod hætenus dilatione protrahitur. Quamobrem hortamur Fraternitatem tuam, ut maximum de prædicta causa studium geras, atque ante nominatam ^c feminam commoneas, quatenus intra annale spatium, monasterium, ut justum est, debeat ordinare, &

cuncta secundum defuncti voluntatem sine altercatione construere. Quod si intra prædicti temporis metam aliqua perficere negligentia vel calliditate distulerit, ut sive in loco eo quo constitutum fuerat, seu certe ibi non poterit & alibi placeat ordinari, & dilatione interveniente negligitur: tunc volumus ut Fraternitatis tuæ ædificetur studio, ordinatisque omnibus, res atque redditus qui relictæ sunt, per te loco ipsi venerabili, sine imminutione aliqua fociuntur. Sic enim & antetremendum judicem tuum sententiam remissionis effugies, & secundum piissimas leges, dilatas defunctorum pias voluntates episcopali supplebis studio.

N O T Æ A D E P I S T. VIII.

^a In edit. vet. & Vatic. *supremæ voluntatis eloquio.*

^b Sic legitur in MSS. Norm. Reg. Vatic. &c. In editis vero, *cujus deſ-*
de.

derium a Theodosia . . . fertur quod dilatione protrahitur. Impeditior sane videtur periodus; sed non minus solum

sapit Gregorii.

c Al. commoveas, ut legitur in Vatic. C.

AN. CHR.
593. 594.
GREG. 4.

E P I S T O L A IX.

Ad Januarium Episcopum.

singulis ancillarum Dei Monasteriis probatus vir, deputandus, a quo sic procurentur negotia, ut Monialibus exinde vagari non liceat. Illarum lapsibus decernuntur pœnæ. Concilia bis in anno celebrentur. Judæorum servi ad Ecclesiam fidei causa fugientes in libertatem vindicentur. Ne in baptizatorum frontibus iteretur chrismatio, solum pectus ungant Presbyteri, deinde Episcopi frontem. Monasterium juxta Petri defuncti voluntatem construatur, si congrua adsit reddituum quantitas.

Gregorius Januario Episcopo Caralitano.

Satis quidem te ipse pastoralis zelus instigare debuerat, ut gregem, quem susceperas, etiam sine nostro solatio, salubriter ac provide tuereris, & a callidis inimicorum surreptionibus cum diligenti circumspeditione servares. Sed quia Caritatem tuam pro suæ firmitatis augmento, nostræ quoque pagina auctoritatis indigere comperimus; necessarium nobis fuit titubantes animos tuos ad religiosi vigoris studium, fraternæ dilectionis exhortatione firmare.

Pervenit siquidem ad nos minus te monasteriis ancillarum Dei in Sardinia sitis tuitionis impendere: & cum dispositum a tuis prudenter fuisset decessoribus, ut quidam de clero probati viri curam gerentes, earum se necessitatibus adhiberent: nunc ita funditus esse neglectum, ut per publicas personas pro tributis aliisque muniis ipsæ per se principaliter Deo dicatæ feminæ compellantur ire, necessitatemque habeant pro supplendis ^a fiscalibus, per villas prædiæque discurrere, atque virilibus incompetenter se miscere negotiis. Quod malum Fratertitas tua facili correctione removeat, ut unum probatum vita moribusque, cujus ætas atque locus

nihil de se pravæ suspicionis objiciat, solícite deputet, qui sic monasteriis ipsis cum Dei timore possit assistere, quatenus ulterius eis pro quibuslibet causis privatis, vel publicis ^b extra venerabilia loca contra regulam vagari non liceat; sed quidquid pro his agendum est, per eum quem deputaveris, rationabiliter peragatur. Ipsæ vero referentes Deo laudes, atque coercentes semetipsas, in monasteriis suis nullam occasionem ulterius fidelium mentibus pravæ suspicionis injiciant. Si qua autem earum vel per anteriorem licentiam, vel per impunitatis pravam consuetudinem ^c ad lapsus adulterii deducta est, aut in futurum fuerit perducta voraginem: hanc post competentis severitatem vindictæ, in aliud districtius virginum monasterium in pœnitentiam volumus redigi, ut illic orationibus atque jejuniis vacet, & sibi pœnitendo proficiat, & metuendum cæteris arctioris disciplinæ præstet exemplum. Is autem qui cum hujusmodi feminis in aliqua fuerit iniquitate repertus, communione privetur, si laicus est: si vero Clericus fuerit, a suo quoque remotus officio, pro suis continuo lugendis excessibus in monasterium detrudatur.

Epi-

b

Grat. 27. q.
1. c. 88.
Si qua.
c

AN. CHR.
593. 594.
GREG. 4.

6673

d

Episcoporum etiam concilia, sic-
ut tam tuæ mos dicitur fuisse pro-
vinciæ, quam sacrorum canonum
auctoritate præcipitur, ^d bis in an-
no celebrare te volumus; ut & si
quis inter eos a sui forma propo-
siti actionis atque morum qualitate
discordat, sociali possit fratrum in-
crepatione redargui: & pro securi-
tate commissi gregis, animarumque
statu, paterna valeat circumspectio-
ne tractari.

e

Jo. Diac. l. 4.
c. 43.

Pervenit etiam ad nos, ^e servos
ancillasque Judæorum, fidei causa ad
Ecclesiam refugientes, aut infideli-
bus restitui dominis, aut eorum,
ne restituantur, pretium dari. Hor-
tamur igitur ut nullatenus tam pra-
vam consuetudinem manere permit-
tas: sed quilibet servus Judæorum
ad venerabilia loca confugerit cau-
sa fidei, nullatenus eum patiamini
præjudicium sustinere. Sed si ve-
lim Christianus, si nunc fuerit
baptizatus, sine ullo pauperum da-
mno, religioso Ecclesiasticæ pietatis
patrocinio, in libertatem modis o-
mnibus defendatur.

f

Grat. de
conf. dist. 4.
cap. 119.
Presbyteri.

^f Episcopi baptizatos infantes si-
gnare bis in frontibus chrisinate non
præsumant: sed Presbyteri baptizan-
dos ungant in pectore, ut Episcopi

postmodum ungere debeant in fronte.

Pro fundandis etiam monasteriis;
quæ a diversis jussa sunt construi,
si injusta perspicis ^g hæc aliquos
quibus indicta sunt, excusatione dif-
ferre, solerter secundum quod Le-
ges præcipiunt imminere te volu-
mus: ne piæ defunctorum volun-
tates, tua quod absit, remissione cas-
sentur. De monasterio autem quod
in domo sua construendum quon-
dam Petrus asseritur præcepisse, præ-
vidimus ut Fraternitas tua subtiliter
requirat relictorum illic redituum
quantitatem. ^h Et si quidem mo-
dus habet substantiæ, recollectis o-
mnibusquæ de rebus ipsis imminu-
ta, vel dicuntur esse dispersa, cum
omni studio hoc & sine aliqua di-
latione fundetur. Sin autem vel mi-
nus idonea vel damnosa facultas est;
omnibus, ut edictum est, subtiliter
inquisitis, nobis renuntiare te vo-
lumus, ut sciamus quid deliberare
juvante Domino de ejus constructio-
ne possimus. Fraternitas igitur tua ita
in cunctis prædictis capitulis se so-
lenter impendat, ut nec nostræ ad-
monitionis seriem inveniatur fuisse
transgressa, nec divini rea iudicii,
de minori zelo pastoralis existat of-
ficii.

Grat. 28. 9.
l. c. 14.
Admonere.

h

NOTÆ AD EPIST. IX.

a Fiscalia sunt tributa. Id apparet
ex leg. 3. de Episc. & Cleric. tit. 3.
lib. 1. Codicis: *De his Clericis qui præ-
dia possident, sublimis auctoritas tua non
solum eos aliena jura nequaquam statuet
excusare, sed etiam pro his prædiis qui
ab ipsis possidentur, eosdem ad pensitan-
da fiscalia perurgere. Universos namque
Clericos, &c.* Subire per publicas per-
sonas, interpretarer, subinde ire per
domos publicarum personarum, illis se
submittere, pensare, apud illos sua
procurare negotia. Publicas autem per-
sonas dicimus Magistratus, Officiales,
Tabellarios, forte etiam Publicanos,
quandoquidem de fiscalibus agitur. *Guss.*

b De sanctimonialibus vagis Ilidorus
Pelus. lib. 1. Ep. 367.

c Ita legendum ex Vatic. A. ex Norm.
omnibus, & ex Corb. Inter se tamen

MSS. non consentiunt; nam in Re-
menli legitur: *ad lapsus adulterii dedu-
cta est, aut in furti. Turon. aut in fur-
tum. Reg. lapsa in sua deducta est.*
Remenli suffragatur unus e Vatic. In
nullis autem veteribus exemplaribus oc-
currit excusorum lectio, aut in stupri.
Adulterium appellat sanctimonialis la-
psus noster Gregorius, quia ut docet
S. Aug. in Pl. 83. *sanctimonialis si nu-
pserit, Christi adultera reputabitur.*

d Ita Nicænum c. 5. Primum ante
quadagesimam: secundum circa tem-
pus autumnus. De provinciali synodo
res est. Idem in Antioch. can. 20. &
in Chalced. can. 19. Sacrum Trid. Conc.
sess. 24. de reformat. c. 2. ea statuit re-
novanda quolibet saltem triennio. *Guss.*

e De illis supra. Causa fidei, vi con-
stitutionum Imperialium, asseriebantur
in

* Ita legit
Guffan v.
eum al. edit.

in libertatem invitis dominis nullo dato pretio. Id fieri potuisse Hesselius supra citatus ep. 39. l. 2. Indiēt. 11. nunc 40. l. 3. docet. Hanc tamen facultatem non ubique viguisse certum est tam ex multis Epistolis S. Gregorii, quam ex nostris Conciliis Gallicanis; ut ex Aurel. III. c. 13. Nec enim videntur mancipiis sive vernis sive emticiis caruisse, nisi aut eos a fide ad errorem suum vellent trahere, aut aliquid eis imponerent quod religio Christiana vetat, aut in odium fidei eos tormentis affligerent. In his & similibus casibus suorum mancipiorum amissione Judæi multabantur, aut certe mancipia taxato pretio redimebantur, duodecim nempe solidis, ut habet Matisc. I. c. 16. *Guffanvil.*

f Ita una voce MSS. omnes Norm. Vatic. Anglic. Turon. Corb. Reg. Tell. Cisterciens. Vind. &c. & quidem optimo sensu. Scilicet cum Sarā Presbyteri, ex Græcorum forte commercio, frontem chrismarent; ejusdem Insulæ Episcopi, suo jure antiqua Patrum traditione firmato, etiam ipsi in Confirmatione baptizatorum signabant frontes. Frontalis chrismationis iterationem hanc Gregorius improbat. Ut vero Episcopis proprium frontes signandi jus ser-

vet, ab illa consignatione longius arcet Presbyteros; quibus nempe ne ipsam quidem verticis, ut in Romana Ecclesia, sed solam permittit pectoris unctiorem. In MSS. quibusdam, detracta vovula *bis*, corrupto sensu legitur: *Episcopi baptizatos infantes signare in frontibus chrismate non præsumant.* Hujus, ni fallimur, lectionis absurditate moti editores omnes, & ante illos nonnulli librarii, illi voci *Episcopi*, hanc substituerunt *Presbyteri*, quam vix in uno aut altero MS. reperiās. *Maur.* Vide infra ep. 26. Et Natal. Alef. Dissertat. de Sacramento Confirmationis. E. V.

g Excusi, hæc aliqui ab iis . . . differri . . . admonere te volumus, ne pie vivorum & defunctorum voluntates. In nostra lectione conveniunt omnes Vatic. Turon. Norm. Corb. &c.

h Sic legimus in omnibus Norm. Corb. Reg. In Vatic. C. & D. *Modum habet substantiæ.* In exculis, *modus habetur substantiæ*; ad quæ verba Augustinus: *Voces, inquit, Jurisconsultis solennes; id est certa quedam bonorum quantitas ad Monasterii usus sufficiens. Modus etiam substantiæ opponitur facultati damnoße, quam aliter compellitur nemo.* Cod. lib. 16. tit. de Jure liber.

AN. CHR.
593. 594.
GREG. 4.

6703
c

E P I S T O L A * X.

Ad universos Episcopos Dalmatiæ.

Ne absque consensu & permissu suo ullum Salone Episcopum ordinent. Si tamen in aliquem alium a Maximo consentiant omnes, consecratur.

Gregorius universis Episcopis per Dalmatiam.

Vide Infra
ep. XXI.

OPortuerat quidem Fraternitatem vestram divini respectu judicii clausis carnalibus oculis, nihil quod ad Deum pertinet ^a & rectam mentis intentionem, omittere, nec cuiuslibet hominis faciem rectitudini justitiæ præponere. Sed postquam mores vestri ita sunt secularibus traducti negotiis, ut obliviscentes omnem sacerdotalis in vobis honoris tramitem, cunctumque superni metus intuitum, non quid Deo, sed quid vobis placeat studeatis explere, necesse habuimus hæc ad vos distri-
ctiora specialiter scripta transmittere:

quibus ex beati Principis Apostolorum auctoritate præcipimus, ut nulli penitus extra consensum permissionemque nostram, quantum ad Episcopatus ordinationem pertinet, in Salonitana civitate manus præsumatis imponere, nec quemquam in civitate ipsa aliter quam diximus, ordinare.

Quod si contra hæc quippiam vel sponte vestra, vel a quolibet coacti præsumseritis vel tentaveritis agere, decernemus vos Dominici corporis & sanguinis participatione privatos; ^b quatenus ex eadem ipsa attractio-

b

AN. CHR.
593. 594.
GREG. 4.

675

tione vestra, vel voluntate transgre-
diendæ præceptionis nostræ, a cœle-
stibus mysteriis alieni sitis: nec is
quem ordinaveritis, habeatur Epi-
scopus. Nos namque nullum cujus
vita reprehendi potest, ordinari te-
mere volumus. Quod si Honoratus
Diaconus indignus ostenditur, de
vita moribusque ejus qui electus fue-
rit, nobis renunciari volumus; ut
quidquid in hac re agendum est,
cum consensu nostro salubriter per-
mittamus impleri.

Confidimus enim in omnipoten-
tem Dominum: quia quantum ad
intentionem nostram pertinet, nun-
quam quod nostram gravare possit

animam, nunquam finimus fieri quod
vestram gravare possit Ecclesiam.
Sin vero in qualibet persona ita vo-
luntarius omnium consensus accesserit,
ut auctore Deo digna sit, &
non sit qui ab ejus ordinatione dis-
sentiat, hanc a vobis in eadem Sa-
lonitana Ecclesia ex præsentis Epi-
stolæ nostræ concessa licentia volu-
mus consecrari: excepta dumtaxat
persona Maximi, de qua ad nos
multa mala perlata sunt; quæ si
ab appetitu majoris ordinis non ces-
sat, restat, ut arbitror, quatenus sub-
tiliter discussa, ipso quoque, in
quo est, officio careat^c.

c

NOTÆ AD EPIST. X.

a Hic in diversa abeunt MSS. codd.
Vatic. B. habet, *erecta mentis intentio-
ne*, Corb. cum Vatic. A. & C. *re-
cta mentis intentione*, omisso a. Vatic.
D. & *rectam mentis intentionem*, con-
sentientibus Turon. Rem. Norm. qui-
bus adhærendum putamus. Exculi a
recta mentis intentione.

b Ita quatuor Vatic. & Rem. In
Norm. & Corb. legitur, *quatenus vo-
bis . . . a cœlestibus mysteriis alienis, nec
quem &c.*

c In Vatic. præmittitur huic ep.
Menſe Novembri, Indiſt. xii. In Turon.
S. Gat. ad calcem legitur: *Menſe Se-
ptembri Indiſt. xii.*

EPISTOLA XI.

Ad Maximianum Episcopum:

*Etiam novorum reddituum quartæ partes juxta canonicam distributionem
dispensandæ. Presbyter aliufve Clericus Abbas non fiat, nisi relicta Ec-
clesiæ cui ministrabat cura. Defuncto Episcopo, Ecclesiæ res diligenter,
at gratis, describendæ. Visitatoribus & eorum Clericis tribuendū sti-
pendium. Virgo nondum sexagenaria non fiat Abbatiſſa.*

Gregorius Maximiano Episcopo Syracusano.

OLim quidem Fraternitati tuæ
nostra fuerat auctoritate com-
missum, ut si qua in Siciliæ^a ex-
cederentur Ecclesiæ cæterisque vene-
rabilibus locis, vel incongrue gere-
rentur, nostra vice corrigeres. Sed
quia post hæc de quibusdam ne-
glectis hætenus capitulis ad nos que-
rela pervenit, rursus ad eorum cor-
rectionem tuam Fraternitatem spe-
ciliater prævidimus excitandam.

Cognovimus namque de redditibus

Ecclesiarum noviter acquisitis, ca-
nonicam dispositionem^b quartarum
minime provenire: sed Episcopos lo-
corum tantummodo distribuere quar-
tam antiquorum reddituum: nunc
vero quæſita ſuis uſibus retinere.^c
Quamobrem pravam subintroductam-
que consuetudinem Fraternitas tua
vivaciter emendare festinet: ut ſive
de præteritis redditibus, ſive de iis
quæ nunc obvenierunt vel obvenierint,
quartæ ſecundum distributionem ca-

no-

b

Grat. 12. g.
2. c. 19. Co-
gnovimus.

c

Joh. Diaconus.
lib. 4. c. 34.

monicam dispensentur. Incongruum namque est unam eandemque Ecclesiæ substantiam duplici quodammodo jure censerī, id est usurpationis & canonum.

Grat. 16. 9.
1. c. 38.
Presbyteros.
Joh. Diac. 1.
2. c. 54.

d

Presbyteros, Diaconos, cæterosque cujuslibet ordinis Clericos, qui Ecclesiis militant, Abbates per monasteria esse non permittas, sed aut omīssa clericatus militia, monachicis provehantur ordinibus: aut si in Abbatis loco permanere decreverint, clericatus nullatenus permittantur habere militiam. Satis enim incongruum est, si cum unum ex his pro sui magnitudine diligenter quis non possit explere, ad utrumque judicetur idoneus: sicque invicem & Ecclesiasticus ordo vitæ monachicæ, & Ecclesiasticis utilitatibus regula monachatus^e impediat. Illud quoque Caritatem tuam commonere curavimus, ut si quispiam Episcoporum de hac luce migraverit, vel quod absit, pro suis fuerit remotus excessibus, ^f convenientibus hierarchicis cunctisque cleri prioribus, atque in sui præsentia inventarium Ecclesiæ rerum facientibus, omnia quæ reperta fuerint, subtiliter describantur: nec, sicut antea fieri dicebatur, ^g species quædam aut aliud

Joh. Diac.
3. 3. c. 23.
Grat. 12. 9.
2. cap. 43.
Caritatem.

f

g

quodlibet de rebus Ecclesiæ, quasi pro faciendi inventarii labore, tollatur. Sic namque ea quæ ad munitionem pauperum facultatis pertinent, desideramus expleri, ut nulla penitus in rebus eorum ambitiosis hominibus venalitatis relinquatur occasio.

Visitatores Ecceſiarum, Clericique eorum, qui cum ipsis per non suæ civitatis parochias fatigantur, aliquod laboris sui capiant, te disponente, subsidium. Justum namque est ut illic consequantur stipendium, quo pro tempore suum commodare reperiuntur obsequium.

^h Juvenculas Abbatissas fieri vehementissime prohibemus. Nullum ⁱ igitur Episcopum Fraternitas tua, nisi sexagenariam virginem, cujus ætas hoc atque mores exegerint, ^k velare permittat: quatenus tam prioribus, quam præſenti capitulo tuæ districtiōnis instantia Domino adjuvante correctis, & diu dissolutum rerum venerabilium statum ^l canonicis nexibus religare festines, & divina negotia non per incongruas voluntates hominum, sed, competentī possint districtiōne disponi. ^m Mense Octobri, Indictione XII.

AN. CHR.
593. 594.
GREG. 4.
1173

Grat. 20. 9.
1. c. 12.
Juvenculas.

h

i

k

l

m

N O T Æ A D E P I S T. XI.

^a Inter codices sive MSS. sive excusos hoc loco dissidentes, prætulimus quinque Norm. Rem. Corb. Vatic. B. & D. & Turon. In duobus tamen ultimis legitur *excideretur* pro *excederet*, errore calami. In Vatic. A. & C. habetur, *exciderunt*. Consentit Michael. In Reg. *exciderat*. In hoc solo verbo dissentiunt MSS. at in editis multa sunt quæ a vera lectione deviant, & nullis in MSS. comparent; sic enim legitur, *si quæ in Sicilia exciderent Ecclesiæ, cæterisque*.

^b Ecclesiasticos redditus jam tunc in Romana Ecclesia, fuisse divisos in quatuor partes, scilicet in Episcopum, clerum, pauperes, quarta recta, dubitare non sinunt tum hæc, tum aliæ plures Greg. epistolæ; ep. 44. lib. 5. ep. 7. lib. 8. ep. 44. lib. 13. Idem pro Galli Tom. VII.

canis Ecclesiis statuit Conc. Aurel. I. c. 5. Vide Thomass. 3. p. 1. 2. c. 13. & seqq.

^c Excusi, *quam rem pravam*. Melius sane *quamobrem*, ut in omnibus Vatic. Norm. Corb. Reg. &c.

^d Sic legere cogunt MSS. omnes in idem conspirantes, scilicet septem Norm. quatuor Vatic. Tur. Corb. Reg. &c. Consentiant vet. editi. In recentioribus habes: *aut admissa clericatus militia monasticis non promov. ordinibus*: quæ sane nullis in MSS. nobis occurrerunt. Cæterum ne cum viro erudito Lud. Dupin tom. 6. p. 277. hanc esse Gregorii mentem putes, ut Clerici ad Monachos non tranſeant. Id Gregorius dixit nusquam: immo de Diacono monasticam vitam amplectente, ad Desiderium Vienn. Episcopum scribens

G g

bens

bens lib. 12. ep. 35. Hortamur, inquit, A. N. CHR. ut tam promptæ devotioni ejus quam in 593. 594. sancto studeat habere propositio, minime

GREG. 4. vestra sit impedimento Fraternitas: magis autem quibus valetis adhortationibus pastoralis admonitione succendite, &c. Concil. Tolet. IV. can. 49. (apud Loaisam 50.) Clerici qui Monachorum propositum appetunt (quia meliorem vitam sequi cupiunt) liberos eis ab Episcopis in Monasteriis largiri oportet ingressus; nec interdicti propositum eorum qui ad contemplationis desiderium transire nituntur,

* Clericatus nullatenus permittantur habere militiam.

Ex Gregorii * verbis concludit vir alias doctissimus vetuisse Gregorium Mag. ne idem Abbas esset ac Presbyter. Mirum sane id ab homine asseri veteris disciplinæ Orientalis atque Occidentalis non penitus ignaro. Ad Marcianum Imp. adversus Eutychem scribunt Archimandritæ 18. iique Presbyteri omnes, tom. 4. Concil. edit. Labb. col. 131. ejusdem hæresiarchæ damnationi subscribunt Archimandritæ 23. e quibus Presbyteri 18. Diaconus 1. Ibidem col. 231. epistolam scribit S. Leo, 75. ad Imperatorem, ad Pulcheriam Augustam, atque ad Constantinopolitanos Abbates sexdecim; eosque, uno excepto qui Diaconus erat, Presbyteros. Denique Concil. tom. 5. col. 171. Concilii Constantinop. sub Menna aët. 5. refertur libellus supplicis cui subscribere Archimandritæ Presbyteri 53. cum Diacono Archimandrita uno. Plerosque etiam in Occidente Abbates Sacerdotio fuisse exornatos probat Cointius ad annum 674. num. 55. & seqq. idque ex Gregorio ipso indubitatum, cujus plures exstant ad Abbates Presbyteros aut quæ ipsorum meminerint epistolæ l. 1. ep. 9. l. 5. ep. 3. & 4. l. 8. ep. 26. l. 13. ep. 8. 10. &c. Plura exempla profert Guffanvilæus hic nota 3.

e Excusi, impediatur, quos sequeremur, nisi obessent omnes Vatic. Norm. Turon. Corb. &c.

f Forte hierarchis, licet ita legatur in omnibus MSS. & editis. Variant tamen editiones quædam. Lugdunensis an. 1539. habet ad marginem al. *æconomis*. Correctores decreti 12. q. 2. c. 45. legunt, *æconomis*, intelligerem Episcopos visitatores, de quibus statim. Guffanv. In Vatic. A. & B. necnon in Pratell. legitur, *ierathicis*.

g Opponit species pecuniæ numeratæ: species pro frugibus, pro annonariis quantitativis, &c. Guffanv. Minime quidem nos latet species tum apud Jureconsultos, tum apud alios scriptores, passim significare fruges, oleum, vinum, legumina. Hinc Gregorius Tu-

ron. respondens Felici Nannetenſi Episcopo l. 5. Historiæ Francorum cap. 5. O si te, inquit, habuisset Massilia Sacerdotem, nunquam naves oleum aut reliquas species detulissent. Verum non raro per species suppellex quævis pretiosior intelligitur; quæ significatio videtur magis convenire huic loco Gregorianæ ad Maximianum epistolæ. Gregorius Turon. l. 6. c. 38. Magni ibidem thesauri ex auro argentoque, & multarum specierum reperti sunt. Multa alia exempla profert doctissimus Cangius ad hanc vocem.

h Hodiernas dispensationes non suffragamur, sed veterum repræsentamus instituta. Cod. l. 1. tit. 3. leg. 47. edicit Justinianus, ne mortua Abbatis eligatur antiquior: quia non omnes æque sunt bonæ; sed sacris Evangeliiis propositis assumatur idonea, utilis, præesse digna: cum sit conveniens omnem principatum, & omnem hominum præfecturam non ex temporibus, neque ex fortibus, neque ex fortuitis circumstantiis, sed ex eo quod præstantius est fieri. S. Gregorius hic requirit 60. annos, ut virgo fiat Abbatisa. Concil. Trident. sess. 25. de Regularibus & Monialibus c. 7. Abbatisa & Priorissa . . . eligatur non minor annis 40. & quæ octo annis post expressam professionem laudabiliter vixerit, &c. Guffanv.

i In Vatic. A. nullam igitur Episcopi sive Fraternitas tua, nisi sexagenariam . . . velare permittant. Vulgati, nullam igitur Fraternitas tua . . . velari permittat. Sequimur tres Vatic. omnes Norm. Corb. Turon. &c.

k Velare scilicet in Abbatisiam; nam solemnior erat veli Abbatisæ, quam cæterarum sanctimonialium benedictio. Neque vero mens fuit sancti Pontificis, nullam Virginem velandam nisi sexagenariam. Fatendum tamen antiquitus non statim velatas fuisse virgines sacras, post emisum virginittatis votum. Hinc Concilium Agatenſe can. 19. Sanctimoniales, quamlibet vita earum ac mores probati sint, ante annum ætatis suæ quadragesimum non velentur. Et Cælaraugust. sub Damaso cap. 8. Item lectum est non velandas esse Virgines, quæ se Deo voverint, nisi 40. annorum probata ætate. Distinctio hæc susceptionis veli, & voti seu propositi virginittatis, patet etiam ex Innocentio l. ad Vîdricium Rothomag. scribente c. 11. & 13. Quamquam ante annum ætatis 40. multas Virgines olim sacrum velamen consecutas esse non dubitemus. Vide Ambrosium lib. de lapsu Virg. c. 5. in Plal. 119. num. 20. & lib.

& lib. 1. de Virginibus c. 11. Ex laudatis locis constat velum olim solemniter datum fuisse Virginibus ad altare: ad Episcopos autem illud benedicere pertinebat. Confule Menardi notam 613. in librum Sacramentorum.

1 Collapsam monasteriorum disciplinam secundum canones restaurare, & procurare, ut ex suæ regulæ præscripto vivant. *Guffanv.*
m In solo Colbert. vet. hoc legitur.

AN. CHR.
593. 594.
GREG. 4.
6673

E P I S T O L A XII.

Ad Maximianum Episcopum.

Puniendum facinus, quo ablata est cujusdam uxor, & alteri venundata.

Gregorius Maximiano Episcopo Syracusano.

*Joh. Diac.
lib. 5. c. 54.*

Tanta nobis subinde mala, quæ aguntur in ista provincia, nuntiantur; ut peccatis facientibus, quod avertat omnipotens Deus, celeriter eam perituram credamus. Præsentium namque portitor veniens lacrymabiliter questus est, ante plurimos annos ab homine nescio quod de possessione Messanenſis Ecclesiæ de fontibus se susceptum, & a violentè diversis persuasionibus puellæ ipsius junctum, ex qua juvenculos filios jam habere se asseruit, & quam nunc violentè huic disjunctam abstulisse dicitur, atque cuidam alii venundedisse. Quod si verum est, quam sit inauditum atque crudele malum, tua Dilectio perspicit. Ideo-

que admonemus ut hoc tantum nefas sub ea vivacitate, quam te in causis piis habere certissime scimus, requiras atque discutias. Et si ita ut supradictus portitor insinuavit, esse cognoveris, non solum quod male factum est, ad statum pristinum revocare curabis: sed & vindictam, quæ Deum possit placare, exhibere modis omnibus festinabis. Episcopum vero, qui homines suos talia agentes corrigere negligit atque emendare, vehementer aggredere; proponens quia si denuo talis ad nos de quoquam qui ad eum pertinent, querela pervenerit, non in eum qui exceſſerit, sed in ipsum canonicè vindicta procedet.

b
c

N O T Æ A D E P I S T. XII.

a *Violenter.* id est ægre, invite; sic ea voce utitur in Phormione Terentius. *Vis, & jus* opponuntur, quamquam iisdem consent litteris. Quod jure non fit, vi dicitur fieri. At sæpe suasionibus extorquemus, quæ jure non fiunt. In matrimoniis autem debet esse voluntas prorsus libera. *Dum de jure,* inquit Cicero pro Cecinna, & legitimis hominum controversiis loquimur, & in his rebus vim nominamus, pertenuis vis intelligi debet. *Guffanv.*

b Supplenda vox eorum, scilicet, de quoquam eorum qui ad eum pertinent. Editores prætulerunt *pertinet*, sed invitis MSS. Eisdem secuti essemus, dum loco *procedere*, reposuerunt *procedit*; sed cogimur sequi MSS. unanimem consensum, scilicet Vatic. Norm. Corb. Turon. Rem. &c.

c In Vatic. subjicitur, *Mense Octobri, Indiēt. XII.* Ita quoque in Turon. S. Gat.

E P I S T O L A XIII.

Ad Clementium Episcopum.

Adeodatus Presbyter, si sola ægritudinis causa Ecclesiæ suæ defuerit, in locum suum restituendus.

a

Gregorius a Clementio Episcopo primati Bizaceno.

Grat. 7. 9.
3. c. 3. Præ-
sentium.

b

PRæsentium latoris^b Adeodati querelam, qui se sui Presbyteratus loco incongrue dicit expulsus, licet subditæ tibi textus petitionis explanet, tamen paulo judicavimus apertius retexendam. Afferit namque a Quintiano fratre & coepiscopo nostro in loco suo pro quibusdam se suis ordinandis negotiis relaxatum, ægritudinisque causa per duorum mensium spatium suæ se Ecclesiæ defuisse: cujus rei occasionem captantem prædictum fratrem nostrum alium loco ejus illic Presbyterum ordinasse. Hortamur igitur Fraternitatem tuam, ut causam ejus sollicite, districteque perquiras. Et si manifestæ ægritudinis, sicut dicitur, causa, Ecclesiæ suæ eum defuisse reppereris, nullum ei ex ordinatione alterius Presbyteri, permittas præjudicium generari: sed in locum suum sine aliqua eum facdubietate restitui. Sin autem aliter se res habere dicitur, quam porrecta ab eo

continere videtur suggestio: causam ejusdem canonice legitimeque perquire, & quidquid tibi secundum Deum visum fuerit, juvante Domino, ita stude decernere, ut nulla de hac re quæstio ad nos ulterius revertatur. Illud autem Caritatem tuam specialiter admonemus, ut si vera fuerit hujus suggestio, atque in suum fuerit ordinem restitutus, de Presbytero, qui in loco ejus ordinatus est, subtiliter districteque debeas esse sollicitus. Et si quidem sine datione aliqua ad eundem ordinem pervenerit, ut in simoniacam hæresim non potuisset incidere, in alia quacumque vacante Ecclesia eum^c volumus ordinari. Sin autem in eo quippiam, quod avertat Dominus, fuerit tale repertum, ipso etiam Presbyteratus privetur ordine, quem non causa replendæ necessitatis Ecclesiæ, sed sola comprobatur ambitione suscepisse.

N O T Æ A D E P I S T. XIII.

a Sic restituimus hujus epistolæ inscriptionem ex Vatic. Norm. Colbert. Reg. Rem. Corb. Turon. Anglic. quibus adde Gussanvillæi codices, quos non indicat, præter Anglic. sex. Excusi habent, *Maximiano Episcopo Syracusano*, quo vero in MS. ita legerint, cum Romanis Gratiani correctoribus, prorsus nos latet.

b Relaxatus a suo Episcopo pro certis negotiis, causa ægritudinis defuerat per duos menses suæ Ecclesiæ: alter subrogatur: Adeodatus postulat restitui. Miror mores tam nostrorum dissimiles. Vide Concilium Tridentinum sess. 23. de reform. cap. 1. Crediderim

Pastorum hodiernorum absentiam ex eo ortam & auctam & excusatam, quod irato canone 6. Chalcedon. Presbyteri superfluunt, qui absentium vires suppleant quoquo modo, cum S. Gregorii ætate non ordinarentur nisi necessarii: atque adeo, nisi adessent assidui, populus se querebatur destitutum. Illis erat paucitas utilis, nosturba perimus. Huc accurrit quæstio, num Pastoribus liberum sit vel per substitutos, verbo, exemplo, oratione pascere, & opera vicaria suas partes explere. Negat recta ratio: siquidem electa est industria talis personæ: confirmat lex 31. tit. de solut. in digest. Inter arti-

artifices longa differentia est & ingenii,
& naturæ, & doctrinæ, & institutio-
nis. Ideo si navem a se fabricandam
quis promiserit . . . & hoc specialiter
actum est ut suis operis id perficiat, fi-
dejussor ipse ædificans . . . non libera-
bit reum. Et in Cod. 10. de Decurio-
nibus leg. 60. Nullus qui nexu generis
curiæ tenetur obnoxius, per substitutam
quamcumque personam curiales impleat
functiones., sed ipse per se debitum pa-

trix munus exsolvat, &c. Barthol. Carranza supra citatus lib. i. ep. 79. id in-
victis auctoritatibus & rationibus de-
monstrat in libro de residentia Triden-
ti lecto, Venetiis impresso anno 1547.
Gussanv.

AN. CHR.
593. 594.
GREG. 4.
ETTS

c Recent. ed. *volumus cardinari*. Secus legitur in omnibus, quos supra laudavimus MSS. quibus addendus Gratianus qui habet, *ordinari*.

E P I S T O L A XIV.

Ad Maximianum Episcopum.

Ut Felicem Diaconum in sua Ecclesia suscipiat.

Gregorius Maximiano Episcopo Syracusano.

Joh. Diac.
l. 3. c. 20.

PRæsentium lator Felix Diaconus, cum nullatenus in hæreticorum dogma lapsus sit, nec a Catholica fide disceslerit, pravis illectus adversus ^a Constantinopolitanam Synodum suspicionibus, in Istricorum separatione removerat. Qui cum Romam venisset, recepta a nobis juvante Domino ratione, excessum suum, recepta Dominici ^b corporis communione, correxit. Quia ego, ut dictum est, non in hæresim incidit, sed a sacris generalis Ecclesiæ mysteris quasi rectæ studio intentionis erravit, imbecillitati ejus atque necessitatibus consulentes, maximeque sustentationi ejus, pietatis intuitu providentes, in tua Ecclesia Syracusana eum prævidimus cardinan-

dum; sive ut officium diaconus expleat, seu certe ut sola ejusdem officii pro sustentanda paupertate sua commoda consequatur, in tuæ Fraternalitatis volumus hoc pendere iudicio. Quod hortamur ut tua Fraternalitas implere festinet. Commendantes etiam personam ejus, quatenus nullis eum patiaris molestiis aut necessitatibus subiacere: ne vel nostræ commendationis inveniaris tramitem neglexisse, vel minus exhibuisse quam tuus exigit ordo pauperibus; quia & nos ei annum quid de nostra Ecclesia dari fecimus, ut ejusdem operis, quod te hortamur exhibere, participes esse possimus.

N O T Æ A D E P I S T. XIV.

a Nimirum quintum Concilium generale, de famosis tribus capitulis Constantinopoli habitum; cujus occasione ab Ecclesiæ Catholicæ communione multi secesserunt, maxime in Africa & in Istria; quod in Synodi Chalce-

donensis contemptum, quædam in illa Synodo quinta decreta fuisse causarentur. De his uberius in Vita S. Greg. & supra l. 2. Indict. x. ep. 51.

b Excusi, corporis & sanguinis. Ultima verba nesciunt MSS.

Ad Januarium Episcopum.

Theodosia, Monasterium in domo sua construere cogitanti, concurrat.

Gregorius Januario Episcopo Caralitano.

Theodosia religiosa femina in construendo monasterio voluntatem Stephani quondam viri sui complere desiderans, petiit a nobis ut ad Fraternitatem tuam nostras transmitteremus Epistolas, quibus per commendationem nostram tuum facilius mereretur auxilium. Afferit siquidem hoc a suo conjugē constitutum, ut in prædio, quod appellatur Piscenas, quod ad Xenodochii Thomæ quondam Episcopi jura pervenit, monasterium construī debuisset. Quia igitur in alienis hoc fundare rebus, licet possessor permitteret, ^a dominus tamen videtur cum ratione refugere: petitionem ejus prævidi-

mus annuendam, id est ut in domo juris sui, quam Caralis asserit se habere, ancillarum Dei monasterium debeat Domino adjuvante construere. Sed quia prædictam domum suam dicit ab hospitibus, atque supervenientibus onerari, hortamur Fraternitatem tuam, ut studeas ei incunctis concurrere, devotionique ejus tuæ præbeas tuitionis auxilium, ut mercedis defuncti, atque ejus studii, tuus te concursus faciat & solitudo participem. Reliquiæ vero, quas ibidem postulat collocandas, volumus ut a Fraternitate tua sub debita veneratione condantur.

NOTÆ AD EPIST. XV.

^a Scilicet ne in posterum privetur obventionibus fundi censualis, Gall. *des lots & ventes*, & similibus de cautis, propter manum mortuam, ut Galli dicunt, Latini possessionem immortalem, quia res nunquam ad alium dominum devolvitur, nec ad proprium redit. *Guffanv.* De Monasterio illo sup. ep. 8. infra l. 5. Emphiteuticarius non potest alienare fundum sine consensu domini lib. ult. c. de jur. Emphiteutic. Eadem ratione Monasterium non potest fundari in alieno prædio, invito domino, licet contentiente possessore, id est Emphiteuticario, ine facto Emphiteuticarii deterior fiat conditio domini. Emphiteuticarii non habent pro-

prietatem in fundo, sed jus in re, *Lege si domus §. ult. de legat.* Idcirco non dicuntur domini, sed possessores. Aug. lib. de unit. Eccles. contra Donatistas cap. olim 17. nunc 20. *Et servum de domino, & colonum de possessore.* Prædium emphiteuticum dicitur possessio emphiteutica. Idem l. 1. contra litt. Petil. cap. 82. *Cum emisset possessionem, & hoc emphiteuticam.* Et hæc tria, dominum, possessorem, & colonum seu conductorem distinxit Gregorius Moral. lib. 14. cap. 21. juxta veterem edit. *Quia enim ut dominus auditus non est, non possessor agri, sed colonus creditus est.* Alteserra.

E P I S T O L A XVI.

Ad Cyprianum Diaconum.

Dispersa, quæ in Siciliam detulerant Itali Sacerdotes, Ecclesiarum vasa colligantur, ac summa cautione servantur.

Gregorius Cypriano Diacono, rectori Siciliæ.

Pervenit ad nos diversos Italiæ Sacerdotes Siciliam confugientes, plurima secum Ecclesiarum suarum ministeria ^a detulisse, eaque sive defun-

functis eis, sive male dispergentibus, prope omnia deperiisse. Qua in re moti hortamur Dilectionem tuam, quatenus transmittens per omnia Siciliæ loca, sicubi vasa sacra, resque Ecclesiarum positas incaute repereris, eas cum summa distinctione recolligi facias, atque adunatas, ^b sub notitia atque desuscepto apud singularum Ecclesiarum Episcopos deponas, apud quos usque dum pacis tempus expoposcerit,

juvante Domino, debeant tutissime conservari. Omnium autem rerum ipsarum non solum desusceptum, eos, qui eas tradunt, percipere volumus, sed etiam a te notitias earum subtiliter retineri; ut dum necesse fuerit, ex hac cautela, juvante Domino, possint ab iis quibus traduntur sine imminutione restitui. ^c Mense Novembri, Indictione XII.

AN. CHR.
593. 594.
GREG. 4.

6693

NOTÆ AD EPIST. XVI.

^a Sacram suppellectilem veteres uno vocabulo *ministerium Ecclesiæ* appellabant, Greg. Turon. l. 3. hist. cap. 10. *Inter reliquos thesauros ministeria pretiosissima detulit* Childebertus ex Hispania rediens, nimirum 60. calices, 15. patenas; 20. Evangeliorum capias, omnia ex auro puro ac gemmis pretiosis ornata. Eundem videtis lib. 2. de gloria Mart. c. 7. Alciunum Avitum ep. 6. ad Victorium Episcopum, cui respondet, ministeriis seu vasis hæreticorum ablati, & Ecclesiæ oblatis Deum non delectari, nisi infusa fornacibus & dissenta per laminas pura efficiantur. Idem censet de illorum templis, ratus rem insensibilem, quæ primum innovata poluitur, nulla posse sanctificatione purgari. Alia fuit mens Greg. Mag. & an-

te ipsum Honorati Episcopi Novariensis, qui templum Idolorum in Ecclesiam convertit, in cuius dedicationem Ennodius Diaconus Ticinensis Distinctionem Honorato submisit, quæ Distio est secunda apud Ennodium.

^b Sic restituimus ex MSS. Vatic. Norm. Reg. Corb. Rem. &c. hic *notitia*, & *desusceptum* significant indicem, catalogum, inventarium. Prius legabatur: *sub notitia testium suscipias, susceptasque apud Episcopos Ecclesiarum deponas.* Maur. Desusceptum est *riceputa*. E. V.

^c Ita Turon. S. Gat. In Colb. vet. legitur, *Mense Septembri*; editique consentiunt. Turonensis autem codicis lectionem prætulimus, quia jam plurimæ epistolæ præcesserunt hujus Indict. quæ leguntur datæ *Mense Octobris*.

EPISTOLA XVII.

Ad Felicem Episcopum.

Solidos duodecim, quibus Tribunus Clericus redemptus fuit, redemptori restituat ex Ecclesiæ pecuniis.

Gregorius Felici Episcopo Sipontino.

^a Qualiter succurrendum sit redemptionibus captivorum, & sanctorum canonum ^a & mundanarum legum sanctio evidenter edocuit. Quod cum omnibus notum sit, mirati sumus ut Fraternitas tua in redemptionem Tribuni Clerici tui præsentium latoris nulla mota misericordia subveniret. Quod ergo spondere facere distulisti, nostra saltem

facere festina adhortatione commotus: ne si, quod non credimus, negligendum putaveris, incipiat tibi necessitas, quod voluntas fugit, imponere. Quia igitur supradictus Tribunus ab hostibus se prædatum, ^b ac duodecim solidis se perhibet comparatum, ad quorum se deslet restitutionem urgeri, hæc te oportet diligenter inquirere. Et

si ita

b

AN. CHR.
593. 594.
GREG. 4



si ita est, nec eum unde pretium in se datum reddere possit habere cognoveris, supradictos solidos de Ecclesia redemptori ejus restitue. Nam valde durum est, si de Ecclesia cui militat, remedium nullum inveniat. Omissa itaque excusatione, pretium quod in eo datum manifesta veri-

tate patuerit, sine aliqua mora; sicut sumus præfati, restitue: quatenus nec creditorem ejus tempore necessitatis afflicto subvenisse pœniteat, & hic onere mœroris exutus, mente libera, officii sui ministerium solícite ac competenter exhibeat. c Mense Januario, Indictione XII.

NOTÆ AD EPIST. XVII.

a De mundanis legibus erit instar omnium lex *Sancimus*, Cod. de sacrosanctis Eccles. c. 21. Add. Nov. 120. c. 9. & 10. Vide Aurel. l. can. 5. Rem. can. 22.

b In ed. *centum duodecim solidis*. Irrepsit *centum*, contra MSS. fidem. Certe servi pretium excedere non solebat 12. solid. summam.

c Ita Colbert. vet. Tribunus est nomen proprium. Male autem in hoc titulo ponitur *redimendo*, cum doceat

epistola jam fuisse redemptum, & duodecim solidis comparatum. Quanta vero cura captivorum redemptionem Ecclesia procuraverit docent sancti Patres, docent canones, docent exempla. Ob id sacra Ecclesiæ vasa, ministeria, bona sæpissime distracta sunt. Dies me deficeret recensentem. Vide 12. q. 2. can. *Apostolicos*, ex VIII. Synodo cap. 15. &c. In Aurel. l. c. 5. Matisc. II. c. 5. Rem. c. 22. Gelas. ep. 10. *Guffanv.*

EPISTOLA XVIII.

Ad Maurum Abbatem.

Dat Monachis in perpetuum Ecclesiam sancti Pancratii, tum ne Missarum celebratio deinceps negligatur, tum ut ad Martyris corpus opus Dei peragatur quotidie.

Gregorius ad Maurum Abbatem.

Ecclesiarum cura, quæ sacerdotibus officiis evidenter infixæ est, ita nos cogit esse solícitos, ut nulla in eis neglectus culpa appareat. Quoniam vero ^a Ecclesia sancti Pancratii, ^b quæ erat commissæ Presbyteris, frequenter neglectum habuisse cognovimus: ita ut venientes Dominico die populi Missarum solemniacelebraturi, non invento Presbytero, murmurantes redirent: hoc matura deliberatione nostro sedit arbitrio, ut eis remotis, Monachorum congregationem ^c in monasterio eidem Ecclesiæ cohærenti constituere cum Dei gratia deberemus; quatenus Abbas, qui illic præffet, curam & sollicitudinem ante fatæ Ecclesiæ habere modis o-

mnibus debuisset. In quo etiam monasterio te Maurum Abbatem prævidimus præponendum: statuentes ut terras præfatæ Ecclesiæ, vel quidquid illuc intraverit, seu de redditibus ejus accesserit, ante dicto monasterio tuo debeat applicari, atque illic sine diminutione aliqua pertinere: ita sane ut quæcumque in ipsa superscripta Ecclesia fienda reparandaque sunt, per te sine dubio reparentur.

Sed ne remotis Presbyteris, quibus Ecclesia ipsa fuerat ante commissæ, vacare ^d ministeriis videatur: idcirco hujus tibi auctoritatis tenore præcipimus, ut ^e peregrinum illic non desinas adhibere Presbyterum, qui sacra Missarum possit solemnia

c

d

e

lemnia celebrare. Quem tamen & in monasterio tuo habitare, & inde vitæ subsidia habere necesse est.

Sed & hoc præ omnibus curæ tuæ sit, ut ibidem ad sacratissimum corpus beati Pancratii quotidie opus Dei proculdubio peragatur. Hæc igitur, quæ tibi præcepti hujus facien-

da serie deputamus, non solum te perficere, verum etiam & ab his, qui in officio locoque tuo successerint, sic in perpetuum servari volumus & impleri, ut nullus deinceps in supradicta Ecclesia possit inveniri neglectus.

AN. CHR.
593. 594.
GREG. 4.

66783

5

NOTÆ AD EPIST. XVIII.

a Prius legebatur, *Ecclesiam . . . frequenter neglectam fuisse*. Sequimur MSS. Vatic. Norm. Corb. &c. Hujus Ecclesiæ Romæ via Aurelia conditorem fuisse Honorium Pontificem testatur Anastasius in ejus vita. Ibi tamen S. Gregorius homiliam habuit ad populum, quæ est 27. in Evang. Partim ex *Gusfanv.* Hoc monasterium S. Pancratii nunc est Seminarium Carmelitarum discalceatorum. Vide Mabill. Itineris Ital. pag. 75.

b Jam tunc usus invaluerat ut uni titulo Presbyteri plures essent adscripti. Unde in Synodo Romana sub Symmacho an. 499. habita, necnon sub ipso Gregorio an. 594. aliquandounus, aliquando duo, tres, quatuorve unius ejusdemque tituli Presbyteri subscripti inveniuntur. Quamquam observat Pancirolus basilicæ S. Pancratii non tributum fuisse a principio tituli honorem, quod extra Urbem sita esset: tituli vero non tribuebantur basilicis extramuranis (quid de hac observatione sit sentiendum vide in Præfat. ad hom. in Evang. nu. vi.) neque etiam stationes, nisi essent Ecclesiæ Patriarchales. Hinc forte dicitur, *commissa Presbyteris*, quod Cardinalem non haberet Presbyterum, neque alios adscriptos sibi & omnino addictos. Etiam in basilicis quæ titulorum nomine insignitæ non erant, Missæ publicæ nonnunquam celebratæ; ubi scilicet populi concursus ob reliquias vel cultum Martyrum id exigebat. Suspecta itaque grætis habet ista verba *Gusfanvillæus*, cum nullis in codd. aut scriptis aut excusis desiderentur. Porro *Gusfanv.* cum aliis recent. edit. legit, *Missarum solemnia audituris*; quali dicere, populum sacra celebrare, periculum foret. Ita tamen legitur in omnibus Vatic. Norm. Reg. Corb. &c. Aliunde populum in consortium oblati sacrificii, tamquam comministrum & symmyllam admittere nihil vetat. Immo in can. Missæ legimus, *pro quibus tibi offerimus, vel qui*

tibi offerunt hoc sacrificium.

c Vatic. B. in monte eidem Ecclesiæ coherenti.

d Al. *mysteriis*, ut habet Vatic. A. & alii.

e Ne hic ex aliena diocesi Presbyterum cogites, Cardinali seu titolato, ac forsan domestico opponit peregrinum. Ex hoc *Gusfanv.* captata occasione observat, priscis temporibus, in monasteriis, aut nullum, aut unum tantum, & hunc adscititium fuisse Presbyterum. Sed perperam. Hic agitur de Monasterio vix incoato. Designatur quidem Abbas Maurus, sed aut nulli aut pauci ipsi adjunguntur Monachi, ex quibus ne unum quidem Presbyterum fuisse quid mirum. Quærendus itaque fuit Presbyter peregrinus, fortasse ex aliquo vicino monasterio, nam si monasticam vitam professus non fuisset hic Presbyter, quomodo in Monasterio habitare, ac arctiorem Monachorum vitam ducere consensisset? Prius lectum, *illic debeas adhibere*. Maur. Nimis solícite rem suam agit Sammarthanus. Quis non videat hic intelligi Sacerdotem ut vulgo appellant secularem, quo sensu paulo antè dixerat, *ne remotis Presbyteris*? Hic in monasterio quidem habitare, & inde vitæ subsidia habere debebat: monachum vero eum debuisset agere unde hausit Sammarthanus? E. V.

f Ita post S. P. Benedictum Regul. cap. 43. & 47. divinum officium nuncupat. Vide & lib. 10. Ep. 61. Jam sexto seculo ineunte mos erat, ut in locis ubi Sanctorum reliquiæ asservabantur, officia divina per proprios aut vicinos Clericos persolverentur. Concil. Epaon. can. 25. *Sanctorum reliquiæ in Oratoriis villaribus non ponantur, nisi forsan Clericos cujuscunque parochiæ vicinos esse contingat, qui sacris cineribus psallendi frequentia famulentur.*

g In Colb. vet. additur, *Mense Januari Indict. XII.* quod in ed. Paris. vet. & in Vatic. annotatur.

AN. CHR.
593. 594.
GREG. 4.
66735

E P I S T O L A XIX.

Ad Leonem Acolythum:

Ecclesiam sanctæ Agathæ in Subura commendat.

Gregorius Leoni Acolytho.

Locorum venerabilium cura nos admonet de eorum utilitate per omnia cogitare. Quia ergo Ecclesia
a sanctæ Agathæ sita in Subura, quæ
b spelunca fuit aliquando b pravitatis
hæreticæ, ad Catholicæ fidei cultu-
ram Deo propitiante reducta est:
c ideo hujus auctoritatis tenore com-
monitus, c pensiones omnium do-
morum in hac urbe constitutarum,
quas prædictam Ecclesiam tempori-

bus habuisse Gothorum constiterit, annis singulis congregare non desinas, & quantum in fartis rectis, vel luminaribus, aliaque reparatione ejusdem Ecclesiæ necessarium fuerit, erogare modis omnibus studebis. Quidquid vero exuberare potuerit, fideliter rationibus te Ecclesiasticis inferre præcipimus. d Mense Aprili, Indictione XII.

N O T Æ A D E P I S T. XIX.

a De hac Ecclesia vide lib. III. Dialog. c. 30. Subura est Urbis Romæ regio fatis nota, de qua Martialis lib. VII. Epigr. 30.

Id tota mihi nascitur Subura.
Et Horat. Epod. 5.
Senem, quod omnes rideant, adulterum.
Latrent Suburanæ canes.

Verum in antiqua Subura sitam esse hodiernam S. Agathæ Ecclesiam, qui Romæ sacra loca perlustravit, negat noster D. Berr. de Mont-faucon, docet-

que unde hæc Ecclesia dicta in Subura Dlarîi Italici cap. 9.

b Scilicet Arianæ, ut explicatur lib. III. Dial. c. 30.

c Cum temporibus Gothorum Regum qui erant Ariani, hæc Ecclesia cessisset Arianis ubi suas Synaxes haberent, illam multis donis ac pensionibus auxerunt & ditarunt.

d Ita MSS. Norm. Turon. S. Gat. Colb. & alii.

E P I S T O L A XX.

Ad Maximum Præsumtorem.

Maximum violenter intrusum, ejusque ordinatores Episcopos, ab omni Sacerdotali officio summovet, donec de Imperatoriæ jussionis veritate constiterit.

Gregorius a Maximo Præsumtori in Salona.

2

Licet cætera cujuscumque talia vitæ sint merita, ut nihil sit quod ex his sacerdotalibus valeat ordinationibus obviare: tamen solius nefas ambitus severissima canonum distributione damnatur. Cognovimus itaque vel surrepta vel simulata piissimorum Principum jussione,
b dum vita dignus non fueris, b te

ad sacerdotii ordinem cunctis venerabilem prorupisse. Quod nos ideo sine ulla hæsitazione credidimus, quia vitam ætatemque tuam non habemus incognitam: ac deinde, quia serenissimi domini Imperatoris animum non ignoramus, quod se in c causis sacerdotalibus miscere non soleat, ne nostris in aliquo peccatis grave-

d

c

tur.

tur. Additur inauditum nefas, quod post interdictionem quoque nostram; quæ sub excommunicatione tua, ordinantiumque te facta est, cæsis Presbyteris, Diaconibus, cæteroque clero, manu militari ad medium diceris deductus. Quam rem nos consecrationem dicere nullo modo possumus, quia ab excommunicatis est hominibus celebrata. Quia igitur sine ullius exempli forma violasti talem tantamque Sacerdotii dignitatem: præcipimus ut usque dum dominicis vel Responsalis nostri cognoverim

apicibus, quod non surreptitia, sed vera fueris iussione ordinatus, nulloatenus tu ordinatoresque tui attrectare quidquam præsumatis sacerdotalis officii, neque usque ad rescriptum nostrum ad cultum vos facri altaris accedere. Quod si contra hæc agere præsumseritis, anathema vobis sit a Deo, & a beato Petro Apostolorum Principe: ut contemplatione iudicii vestri, cæteris quoque Catholicis Ecclesiis ultionis vestræ præbeatur exemplum. * Mense Majo, Indictione XII.

AN. CHR.
593. 594.
GREG. 4.
d

Gras 9. 7. 1.
c. 1. Nos
consec.

N O T Æ A D E P I S T. XX.

- a Vide supra ep. x.
b Recent. ed. minus consultis MSS. te sacerdotii ordinem . . . præripuisse.
c His consonat quod habetur apud Theodoretum l. 4. hist. Eccles. c. 18. & Greg. II. ep. 1. ad Leonem Isaurum de sacris Imaginibus in septima Synodo. Sacerdotiorum causis immiscere se noluit S. Ludovicus. Vide illius Pragmaticam an. 1668. editam genuinam scilicet atque integram; non mutilatam, qualem inter statuta quædam Synodalia Parisiensis diocæsis olim ediderunt. *Auget.*
d Multas ob causas videbatur Maximus ab Episcopatu Salonensi arcendus. Ambitum, simoniam, vim factam, electionem spretam, neglectam summi Pontificis auctoritatem, surrepta ab Imperatore aut conficta diplomata siue iussiones criminabantur. Præ cæteris urget S. Gregorius iussiones Imperatoris videri sublestæ fidei, urget rem fuisse confectam in scio Romano Responsali, in scio Romano Pontifice, cujus erat ditionis Salona. Addiderat Maximus præfractam contumaciam, violan-

do censuras. Quorsum vero, inquirunt, istiusmodi iussiones ab Imperatore? Temporibus, inquam ego, serviendum erat, canonibus tantisper sepositis. Sic Pontifex ipse Romanus ab Imperatore confirmabatur: sic investituris sequentium seculorum, quas postmodum sub Nominationum cortice utcumque revixisse cernimus, proludebant. De jure disceptent alii, testatur de facto S. Gregorius, testantur historici. Nec certe Annatarum Bullarumque nostratum, quibus de Episcopatibus pinguioribusque sacerdotiis providetur, memoria siue origo tam prisca est. Negare tamen videtur S. Gregorius in more positum Episcopos istis iussionibus promoveri: eos scilicet qui Romano Pontifici suberant; quamquam ea quam adducit ratio, quoad omnes æque militet. Cæterum sciscunt canones nullum invitis populis præfici Pastorem, ad stipulatur ratio: hinc Principibus multum juris accedit in promotione Episcoporum. *Guffanv.*

e Sic legitur in MSS. Vatic. Norm. Turon. S. Gat. Colbert. &c.

E P I S T O L A XXI.

Ad Venantium Episcopum.

Christianum mancipium retinere Judæis non liceat; qui vero Judæorum terras dudum colunt Christiani, pergant colere jure colonario.

Gregorius Venantio Episcopo a Lunensi.

Jol. Diac.
lib. 4. c. 43.

Multorum ad nos relatione pervenit, a Judæis in Lunensi civitate degentibus, in servitium Chri-

stiana detineri mancipia: quæ res nobis tanto visa est asperior, ^b quanto a Fraternitate tua patientia operosior.

H h 2

a

b

AN. CHR.
593. 594.
GREG. 4.
273

fior. Oportebat quippe te respectu loci tui, atque Christianæ religionis intuitu, nullam relinquere occasionem ut superstitioni Judaicæ, simplices animæ non tam suasionibus, quam potestatis jure quodammodo deservirent. Quamobrem hortamur Fraternitatem tuam ut ^c secundum piissimarum legum tramitem, nulli Judæo liceat Christianum mancipium in suo retinere dominio. Sed si qui penes eos inveniuntur, libertas eis tuitionis auxilio ex legum sanctione fervetur. Hi vero qui in possessionibus eorum sunt, licet & ipsi ex legum distractione sint liberi; tamen quia colendis eorum terris diutius adhæserunt, utpote ^d conditionem

loci debentes, ad colenda quæ consueverant rura permancant, pensiones prædictis viris præbeant; & ^e cuncta quæ de colonis vel originariis jura præcipiunt, peragant; extra quod nihil eis oneris amplius indicatur. Quod si quisquam de his vel ad alium migrare locum, vel in obsequio suo retinere voluerit, ipse sibi reputet qui jus colonarium temeritate sua, ^f jus vero dominii sibi juris severitate damnavit. In his ergo omnibus ita te volumus solerter impendi, ut nec direpti gregis Pastor reus existas, nec apud nos minor æmulatio Fraternitatem tuam reprehensibilem reddat.

NOTÆ AD EPIST. XXI.

a Luna urbs Etruriæ antiquissima, olim Episcopalis, in Liguriæ confinio ad ostia Micræ fluvii, vulgo *la Magra*, excisa circa an. 856. Eiusceffit in Episcopali dignitate Sarzana urbs Genuensis ditionis, ab ea distans 3000. pass. *Guffanv.*

b Ita vet. ed. cum omnibus pene MSS. sc. Norm. Corb. Rem. Turon. Reg. & Vaticanis. In Vatic. A. tamen legitur, *quanto a Fraternitatis tuæ patientia operabatur*. Nullibi autem occurrunt nobis quod habent recent. ed. scilicet, *quanto ea Fraternitati tuæ patientia operabatur*.

c In Cod. lib. 1. tit. 10. *Ne Christianum mancipium hæreticus, vel Judæus, vel Paganus habeat, vel possideat, vel circumcidat*.

d Id est, onus, debitum, legem, &c. *Guffanv.* In Vatic. A. legitur, *conditione loci debentes*. Consentit Reg.

e Coloni alii mercede colunt, alii ex conditione ut certam ex agro pensio-

nem solvant, neque unquam discedant. Vide Codicis lib. 11. tit. *de agricolis, censitis & colonis*: ubi etiam de originariis multa & de adscriptitiis, quæ percurrere nostri non est instituti. Jus colonarium hic usurpatur pro conditione coloni, sive pro jure exigendi a colono talem pensionem annuam. Originarii sunt, qui ex adscriptitiis nati sunt, in ipso solo, quos sine gleba vendere non licebat. Adscriptitii sunt, qui per annos 30. fuerunt in solo, qui titulus est præscriptionis; vel duplici scripto promiserunt se nunquam inde discessuros. *Guffanv.*

f Ita MSS. Norm. Reg. Corb. & Vatican. A. & C. necnon vet. ed. In Vatic. B. legitur, *ipse se juris severitate damnabit*. In D. *jus vero dominii sub juris severitate damnavit*. Excusi recent, *jus vero juris dominii sui severitate damnavit*.

EPISTOLA XXII.

Ad Constantium Episcopum.

Mortatur, ut Venantium Lunensem Episcopum in cleri sui ac cæterorum religiosorum emendatione adjuvet.

Gregorius Constantio Episcopo Mediolanensi.

^a **Q**uorundam ^a de Laudensium venientium partibus ad nos re-

latione pervenit, ^b religionem locorum ipsorum ita ab Ecclesiasticæ di-

disciplinæ tramite deviasse, ut nul-
latenus in suis moribus, actionibus-
que canonicæ dispositionis statuta
respiciant. Quæ quia erant & exa-
minanda subtilius, & severius ulci-
scenda, præsentium latorem Venan-
tium fratrem & coepiscopum nostrum
ut instantèr emendarentur, admo-
nui. Sed pro magnitudine inquietu-
dinis excedentium personarum, so-
lum se non iudicavit in huiusmodi
inquisitione sufficere: ideoque postu-
lavit a nobis, ut in eodem exami-
nando negotio Fraternitatis tuæ ei
adjiceretur atque auctoritatis auxi-
lium. Quamquam igitur fraterna
dilectio hoc a te & sine nostris scri-
ptis debeat exigere, tamen præsen-
tibus quoque vos specialiter episto-
lis adhortamur, ut adhibito vobis
prædicto fratre nostro, cunctos Cle-
ricos ^c cæterosque religiosos præno-
minatæ civitatis & territorii ejus, ^d

de excessibus, quorum aliquid est
suspicionis, ad te venire compellas;
atque cuncta secundum Deum pro-
pter futuri metum iudicii subtiliter
inquirentes, si quem a canonum
statutis recessisse repereritis, cano-
nica eum ultione corrigite. Nec
patiamini in locis vestris, eos qui
non gerunt in moribus quod osten-
dunt in habitu, per abrupta diutius
evagari. Quos oportet & ad rectitu-
dinis normam pastorali vos circum-
spectione reducere. Ita ergo Fra-
ternitas tua, cunctis solertius inda-
gatis, quæ nobis in talibus nuntiata
sunt corrigat, ordinet, atque in fu-
tuum sopire festinet, ut & animæ
tuæ proficiat, si tui causas vigilanter
atque vivaciter perscrutaris officii,
& nostrum minime frustrari permit-
tas, quod semper de tuæ maturita-
tis habuimus distractione iudicium.

A. N. C. H. R.
593. 594.
GREG. 4.

666

NOTÆ AD EPIST. XXII.

a Ed. recent. *Lunensium*, quod legi-
ter in Reg. at in omnibus Norm. Tu-
ron. Rem. Teller. & in Vatic. D. le-
gitur *Laudensium*. Laus Pompeia, nunc
Lauda, vulgo *Lodi*, urbs est Insubriæ,
Episcopalis, ad ripam Addæ seu Ad-
dæ fluvii. Veteri urbe a Mediolanensi-
bus excisa an. 1119. alia non longe a
veteris ruderibus exstructa est, nunc
amplissima. Cum Archiepiscopo Medio-
lanensi subditi essent Laudenses Cleri-
ci, tamquam suo Metropolitano, de
eorum moribus emandandis merito scrip-
psit S. Gregorius ad Constantium.

b Ita quoque restituimus ex MSS.
Vatic. Norm. &c. consensu. Vulgati
habent, *religiosos*.

c Etiam Clerici eo censentur nomi-
ne, ut & alias laici. Vide lib. 1. ep.
olim 59. nunc. 61. & Johannem File-
sacum comment. in Vincentii Lirin-
ensis commonit. nu. 12. Talem interpre-
tationem confirmant auctores profani,
sacra Scriptura, prisca Patres S. Gre-
gorio cœvi. *Partim ex Guffano.*

d Norm. *de quorum aliquid est suspi-
cionis excessionibus*.

Ad. XXIII.

EPISTOLA * XXIII.

Ad Hospitonem ducem Barbaricinorum.

*Felici & Cyriaco in convertendis ab idololatria Barbaricinis
laborantibus faveat.*

2

Gregorius ^a Hospitoni duci Barbaricinorum.

Cum de gente vestra nemo Chri-
stianus sit, in hoc scio, quia
omni gente tua es melior, quia tu

in ea Christianus inveniris. Dum
enim Barbaricini omnes, ut insensa-
ta animalia vivant, Deum verum
ne.

AN. CHR.
593. 594.
GREG 4.
6693

nesciant, ligna autem & lapides ad-
dorent: in eo ipso quod Deum ve-
rum colis, quantum omnes antece-
das, ostendis. Sed fidem, quam per-
cepisti, etiam bonis actibus exseque-
re & verbis; & Christo, cui credis,
offer quod prævalet; ut ad eum,
quoscumque potueris, adducas, eos-
que baptizari facias, & æternam
vitam diligere admoneas. Quod si
fortasse ipse agere non potes quia ad
aliud occuparis, salutans peto ut ho-
minibus nostris, quos illuc transmi-

simus, fratri scilicet & cœpiscopo
meo Felici, filioque meo Cyriaco ser-
vo Dei, solatiari in omnibus debeas;
ut dum eorum labores adjuvas, de-
votionem tuam omnipotenti Domino
ostendas; & ipse tibi in bonis acti-
bus adiutor sit, cuius tu in bono o-
pere famulis solatiaris. Benedictionem
vero sancti Petri Apostoli per eos
vobis transmisimus, quam peto ut
debeat benigne suscipere. ^b Mense
Junio, Indictione xii.

b

NOTÆ AD EPIST. XXIII.

^a In Reg. Colb. Teller. Corb. Norm.
& tribus Vatic. legitur, *duci barbaro-
rum*. Barbaricinos fuisse Sardinia in-
colas probat Holstenius annotat. in Or-
telium pag. 28. ex hac veteri inscrip-
tione Præneste. *Sex. Julius Sex. F. Pol. Ru-*

*fus evocatus Divi Aug. Præfectus L-
cohortis Corsorum & Civitatum Barba-
rici in Sardinia*. De illis epistola seq.
atque lib. ii. ep. 22.

^b Ita Turon. S. Gat. duo Teller. Va-
tic. & Norm.

Al. xxv.

EPISTOLA * XXIV.

Ad Zabardam Ducem Sardinia.

*Gratias agit quod eo pacto cum Barbaricinis facere pacem disponit, ut
Christo serviant.*

Gregorius Zabardæ Duci Sardinia.

^a Scriptis fratris & cœpiscopi mei
Felici & Cyriaci servi Dei, Glo-
ria vestra bona cognovimus. Ma-
gnasque omnipotenti Deo gratias agi-
mus quod talem ducem Sardinia su-
sceperit, qui sic sciat, quæ terrena
sunt, Reipublicæ exsolvere, ut bene
etiam noverit omnipotenti Deo ob-
sequia patriæ cœlestis exhibere. Scri-
pserunt etenim mihi quod eo pacto
cum ^a Barbaricinis facere pacem dis-
ponitis, ut eosdem Barbaricinos ad

Christi servitium adducatis. Hac de
re valde lætatus sum; & bona ve-
stra, si omnipotenti Deo placuerit,
citius serenissimis Principibus innot-
esco. Vos ergo, quod cœpistis exple-
te: omnipotenti Deo devotionem
vestrae mentis ostendite: eos quos il-
luc ad convertendos Barbaricinos trans-
misimus, quantum valetis adjuvate;
scientes quod talia opera multum vos
& ante terrenos principes, & coram
cœlesti rege prævaleant adjuvare.

NOTÆ AD EPIST. XXIV.

^a Procopius pulsos ex Africa a wan-
dalis Barbaros memorat. Hos putat Hol-
stenius esse Sardinia populos, ex ve-
teri inscriptione Prænestina quam re-

fert in annot. in Cluverium pag. 28.
Guffanv. De illis jam ep. 23. supra, &
intra ep. 27.

Ad Nobiles ac Possessores in Sardinia .

AN. CHR.

593. 594.

GREG. 4.

6673

Quod rusticos suos ab idolorum cultu non avertant arguit : id præstare se nequeunt, saltem Felici & Cyriaco ad hoc opus missis opem ferant .

Gregorius nobilibus ac possessoribus in Sardinia insula consistentibus .

Fratris & coepiscopi mei Felicis, ^a vel filii mei Cyriaci servi Dei relatione cognovi, pene omnes vos rusticos in vestris possessionibus idololatriæ deditos habere. Et valde hac de re contristatus sum : quia scio quod subjectorum culpa præpositorum deprimit vitam ; & cum in subjecto peccatum non corrigitur, in eos qui præsunt sententia retorquetur . Unde, Magnifici Filii, exhortor, ut omni cura omnique solitudine animarum vestrarum zelum habere debeatis, & quas rationes omnipotenti Deo de subjectis vestris reddituri estis, aspiciatis. Ad hoc quippe vobis illi commissi sunt, quatenus & ipsi vestræ utilitati valeant ad terrena servire, & vos per vestram providentiam eorum animabus, ea quæ sunt æterna, prospicere . Si igitur impendunt illi quod debent, vos eis cur non solvitis, quod debetis? id est, ut assidue illos Magnitudo vestra commoneat, ab idololatriæ errore compe scat, quatenus eis ad fidem ductis, omnipotentem

Dominum erga se placabilem faciat. Ecce enim mundum hunc quam vicinus finis urget, aspicitis ; quod modo humanus in nos, modo divinus sæviat gladius videtis : & tamen vos veri Dei cultores, a commissis vobis lapides adorari conspiciatis, & tacetis? Quid, quæso, in tremendo iudicio dicturi estis, quando hostes Dei & sub potestate vestra suscepistis ; & tamen eos Deo subdere, atque ad eum revocare contemnitis? Unde debitum salutationis alloquium solvens, peto ut ^b Magnitudo vestra attendere erga zelum Dei vehementer invigilet, & quis quantos ad Christum perduxerit suis mihi epistolis indicare festinet . Quod ergo vos agere ex aliqua occasione fortitan minime valetis, prædicto fratri & coepiscopo nostro Felici vel filio meo Cyriaco injungite, eisque ad opus Dei solatium præbete ; ut in remuneratione vitæ tanto possitis esse participes, quanto nunc bono operi solatium præbetis.

b

N O T Æ A D E P I S T. XXV;

^a Ita MSS. Vatic. Norm. &c. ubi particula *vel*, vim habet copulativæ &c.

^b Ita ed. omnes MSS. Reg. *ut* Ma-

gnitudinem vestram accendere invigiletis. Corb. *ut* Magnitudo . . . accendi . . . invigilet.

AN. CHR.
593. 594.
GREG. 4.
6673

E P I S T O L A XXVI.

Ad Januarium Episcopum.

Clericos, a quibus despiciebatur, ad disciplinam cogendos. Rusticum in infidelitate pertinacem pensionis onere premendum. Clerici carne lapsi irrevocabili deponantur. Accurate, antequam ordinentur, examinandi. Sardinie Presbyteris id concedit quod vetuerat, ut nempe, quos baptizabant, si Episcopi desint, chrismate in frontibus tangant.

Gregorius Januario Episcopo Caralitano.

Grat. II. 7.
1. c. 40.

FRatris & coepiscopi nostri Felicis, & Cyriaci Abbatis relatione cognovimus, quod in insula Sardinia Sacerdotes a laicis iudiciis opprimantur, & Fraternitatem tuam ministri sui despiciant; dumque solum simplicitati a vobis studetur, quantum videtur, disciplina negligitur. Unde horror, ut, omni excusatione postposita, Ecclesiam quam suscepisti auctore Deo regas; ^a disciplinam Clericis tenere, nullius verba metuere studeas. Archidiaconum vero tuum, ut audio, cum mulieribus habitare prohibuisti, & nunciusque in ea prohibitionem despiceris. Qui nisi iustitioni tuæ paruerit, eum sacro ordine volumus esse privatum.

Grat. dist.
81. c. 29.
Archid.

Johan. Diac.
lib. 2. cap. 47.

Accidit autem aliud valde lugendum: quia ipsos rusticos, quos habet Ecclesia tua, nunciusque in infidelitate remanere negligentia Fraternitatis vestræ permisit. Et quid vos admoneo ut extraneos ad Deum adducatis, qui vestros ab infidelitate corrigere negligitis? Unde necesse est vos per omnia in eorum conversionem vigilare. Nam si cujuslibet Episcopi in Sardinia insula paganum rusticum invenire potuero, in eundem Episcopum fortiter vindicabo.

Grat. 23. 9.
1. cap. 4.
Jam vero.

Jam vero si rusticus tantæ fuerit perfidiæ & obstinationis inventus, ut ad Dominum Deum venire minime consentiat, ^b tanto pensionis onere gravandus est, ut ipsa exactio-

nis suæ pœna compellatur ad rectitudinem festinare.

Pervenit etiam ad nos, ^c quosdam de sacris ordinibus lapsos, vel post pœnitentiam, vel ante, ad ministerii sui officium revocari: quod omnino prohibuimus, & in hac re sacratissimi quoque ^d canones contradicunt. Qui igitur post acceptum sacrum ordinem lapsus in peccatum carnis fuerit, sacro ordine ita careat, ut ad altaris ministerium ulterius non accedat. Sed ne unquam ii qui ordinati sunt pereant, provideri debet quales ordinentur, ut prius aspiciatur si vita eorum continens in annis plurimis fuit, ^e si studium lectionis, si elemosynæ amorem habuerunt. Quærendum quoque est ne forte fuerit bigamus. Videndum etiam ne sine litteris, aut ne obnoxius curiæ, compellatur post sacrum ordinem ^f ad actionem publicam redire. Hæc itaque omnia diligenter Fraternitas vestra inquirat, ut, dum diligenter quilibet exquisitus ordinatur, non celeriter post ordinationem deponatur. Ea autem quæ Fraternitati vestræ scripsimus, cunctis sub vobis Episcopis innotescite, quia ego illis scribere nolui, ne honorem vestrum viderer imminuere.

Grat. dist.
50. can. 9.
Pervenit.

c

d

e

f

Pervenit quoque ad nos quosdam scandalizatos fuisse, quod Presbyteros chrismate tangere eos qui sba-

Grat. dist.
95. c. 1. sum
pra Ep. 9. l.
4. sent. dist.
7. cap. 1.

g

qui-

quidem secundum usum veterem Ecclesiæ nostræ fecimus: sed si omnino hac de re aliqui contristantur, ubi

Episcopi desunt, ut Presbyteri etiam in frontibus batizandos Chrismate tangere debeant, concedimus.

A N. C H R.

593. 594.

GREG. 14.

66733

N O T Æ A D E P I S T. XXVI.

a Excusi, disciplinam Clericos tenere cegas.

b De Paganis & Judæis ad fidem aut compellendis aut alliciendis vide l. 1. ep. 35. & 47. l. 5. ep. 7. lib. 9. ep. 6. Sic Luc. 14. compelluntur intrare non suasionibus tantum, sed vi indire&ta. Sanctus Augustinus l. 2. contra secundam Gaudentii ep. c. 17. *Quod autem vobis videtur invitos ad veritatem non esse cogendos, erratis, nescientes scripturas neque virtutem Dei, qui eos volentes facit, dum coguntur inviti, &c.* Pergat lector usque ad finem capitis. Et in epistola ad Vincentium quæ est 48. nunc 39. *Vides non esse considerandum, quod quisque cogitur; sed quale sit illud quo cogitur. Utrum bonum, an malum? non quo quisque bonus possit esse invitus, sed timendo quod non vult pati, relinquit impediens animositatem, vel ignoratam compellitur cognoscere veritatem; ut timens vel respuat falsum de quo non contendebat, vel quærat verum quod sciebat, & volens teneat jam quod nolebat, &c.* de ista coactione supra ep. 34. lib. 1. Vide etiam Augustinum ep. 50. ad Bonifacium, ubi multa in hanc sententiam. Item sanctum Gregorium lib. 7. Indictione 2. epist. 5. & Gregorium Turonensem histor. l. 5. c. 11. *Guffanv.* Vide notam nostram ad epist. 35. lib. 1. E. V.

c Illa sedet sancto Gregorio sententia, lapsos istiusmodi nunquam ad ordinem revocari debere. Lege totam dist. 50. in qua hæc quæstio in utramque partem multis hinc inde allatis auctoritatibus agitur. Placet admodum relatus Augustini locus ex ep. 50. nunc 185. ad Bonifacium. *Agnosce constitutum ab Ecclesia, ne quisquam post aliqujus criminis pœnitentiam ad clericatum redeat, vel in clericatu maneat.* Id factum dicit, *non desperatione indulgentiæ, sed rigore disciplinæ.* Hanc inventam disciplinam contra fidas pœnitentias. Fidas autem fuisse per affectatas honorum potentias. *Desperatione temporalis altitudinis medicinam fore majorem & veriore.* Posse tamen ob emergentes occasiones aliquid detrabi isti severitati. *Guffanv.* Qui autem per sacros ordines accipere debeamus, docent nota 684. & tres sequentes Menard. ad l. Sacram.

d Nicænum Concilium can. 10. Ancyr. Tom. VII.

can. 1. Canon Apostol. 29. in decretis Siricii Papæ c. 7. in decret. Innocent. c. 21. & 33. &c. *Guffanv.*

e Norm. Corb. Vatic. A. & C. sic habent; consentiuntque vet. edit. Recentioribus magis arrisit, *si studium orationis.* In Vatic. B. legitur, *si studium orationis & lectionis.*

f Prius lectum, *ad exactionem publicam*, quod reprobatur a MSS.

g Hic repræsentamus MSS. sex Anglic. totidem Norm. Corb. duos Teller. & Sorbon. quibus consentiunt edit. vet. Veneta an. 1505. Paris. 1518. 1571. & 1586. Basil. 1564. Ita legi in Remensi & Turon. veteribus MSS. nullus dubito, licet qui codices illos recensuerunt & varias lectiones collegerunt, ea de re fileant, quia ad veteres editiones MSS. hoc loco prorsus conformes ipsos contulerunt. Ex Vaticanis duo tantum cum aliis MSS. conveniunt. Dissidet etiam Colb. vetus. In alio Colb. recentiori legitur tum in ep. 1x. tum in xxvi. *Presbyteri baptizandos, non vero, baptizatos.* Cum itaque de hac vera lectione jam constet, ruere nunc videtur, quod nonnulli Theologi ex his locis corruptis statuerunt; scilicet S. Gregorium, cum Sardis Presbyteris prius obstitisset, jus Episcopale consignandi in fronte infantes ex chrismate usurpantibus, id postea ipsis indulgisse, ubi non adessent Episcopi. Etenim cum S. Doctor de infantibus tantum *baptizandis* loquatur, non vero de *baptizatis*; quamlibet Presbyteris chrismationem seu unctionem etiam in fronte nondum batizatorum faciendam permittat, ea dumtaxat ad ritum baptismi referri debet, non vero pro consignatione quæ ab Episcopis fieri solet ac pro Confirmationis Sacramento censi. Hoc sane argumento prima fronte arietare nobis videbatur communis Theologorum opinio, de collato vel confirmato a sanctissimo Pontifice Sardinæ Presbyteris privilegio, infantes vice absentium Episcoporum consignandi & confirmandi. Verum ut cum iisdem ita quoque sentiamus hæc tandem nos coegerunt. Constat S. Gregorium Epistola posteriori scilicet xxvi. illud concessisse, quod priori, nempe 1x. prohibuerat, unctionemque ac consignationem permittam,

I i

quæ-

AN. CHR.

593. 594.

GREG. 4.

673

quæcumque fuerit, secundum usum veterem Ecclesiæ Romanæ, immo Ecclesiæ rum fere omnium Occidentalium, non a Presbyteris adhibitam unquam, sed a solis Episcopis: nec alia lege Sardis Presbyteris illam administrandi jus collatum, nisi ubi deessent Episcopi. At quænam alia potest excogitari præter sacramentalem chrismationem? Unctio enim vel in pectore vel in vertice baptizandorum ex Chrismate, ad Presbyteros pertinebat in qualibet Ecclesiâ, adeoque in Romana, modo baptizandi licentiam ab Episcopo consecuti essent. At, inquires, agit S. Gregorius de infantibus baptizandis, qui cum baptismi expertes adhuc essent, ad Confirmationem recipiendam nondum erant idonei. Agit S. Doctor de infantibus qui baptizabantur, eodemque fere tempore consignabantur, pro illorum temporum more. Certe ubi legitur ep. ix. *Sed Presbyteri baptizandos ungant in pectore, ut Episcopi postmodum ungere debeant in fronte*: scilicet infantes, quos supra dixit baptizandos: eadem ratione quis arguet; ergo Episcopi nondum baptizatos, sed tantum baptizandos consignabant & confirmabant. Itaque de Catechumenis ante immersionem Chrismate in fronte tangendis, Gregorium intelligat nemo: quippe baptizandos, antequam immergerent, simplici quidem oleo inunctos legimus, at nunquam Chrismate, de quo Beda in Cantic. cant. cap. i. v. 15. Deinde, ut jam observavimus, Gregorium de illa frontis chrismatione loqui, quæ Episcopis reservabatur, nec nisi super baptizatos fiebat, evincit concessionis ejus hæc

restrictio: ubi Episcopi desunt. Etenim, ut declarat Innocentius I. epist. 1. ad Decentium Eugubinum cap. 3. *Presbyteris seu extra Episcopum, seu præsentem Episcopo, cum baptizant, Chrismate baptizatos ungere licet, sed quod ab Episcopo fuerit consecratum; non tamen frontem ex eodem oleo signare, quod solis debetur Episcopis cum tradunt Spiritum Paracletum*. Porro vocibus illis: *secundum usum veterem Ecclesiæ nostræ*, satis innuitur viguisse diversum in aliis Ecclesiis morem. Nota est Orientalium praxis. De Hispanis, immo de Gallicanis ipsis tacemus: neque enim Eliberitanos Toletanove canones, neque Arausicanum, ex acri Sirmondum inter & Aurelium controversia celebrem, discutere, nostri est instituti. Unum de Africa, cujus Exarchatui contributa erat Sardinia, hic observamus. Afris Presbyteris, ne Chrisma conficerent, plurimis canonibus prohibitum fuerat; illos tamen circa nonum seculum Chrisma confecisse supponit Johannes Diac. in ep. ad Senarium, quam Musæi Italici tom. 1. Mabillonius edidit. *Sed nec illud tangat animum, inquit nu. 8. quod sibi aliquando quædam vis necessitatis assumit, veluti (quod nunc per Africam fieri dicitur) ut Presbyteri sanctum Chrisma conficiant: quod merito moveret, si istam Pontificalis auctoritas licentiam non dedisset. Unde constat a Pontificibus quodammodo fieri, quod in tanta rerum necessitate, ut a Presbyteris effici possit, superior ordo constituit*. Maur. Vide notas ad ep. 9. Et constitutionem Benedicti XIV. pro Patriarcha Antiocheno Græcorum Melchitarum, &c. E. V.

Al. xxiv.

E P I S T O L A * XXVII.

Ad Januarium Episcopum.

A xenodochis rationes exigat; ii sint notæ probitatis atque industriæ Clerici. Qui Epiphanium Presbyterum scriptis epistolis accusavit, si in probatione deficiat, communione privetur. Paulus Clericus in maleficiis deprehensus detur in penitentiam. Gratis ordinentur, vel connubio jungantur Clerici; gratis velentur virgines. Ad laicorum patrocinia Clerici non confugiant.

Gregorius Januario Episcopo Caralitano.

OPortebat quidem Fraternitatem tuam ita de rebus piis esse sollicitam, ut nihil ad explendas eas nostris admonitionibus penitus indigeret: tamen quia quædam ad nos

pervenerunt, quæ sunt corrigenda capitula, nihil est incongruum si nostræ quoque vobis pagina auctoritatis accedat.

Quamobrem significamus pervenisse

2

se ad nos consuetudinem fuisse, ut
a xenodochia, quæ sunt in Carali-
tanis partibus constituta, apud Epi-
scopum civitatis singulis quibusque
temporibus suas subtiliter rationes
exponerent, ejus videlicet tuitione
atque sollicitudine gubernanda. Quod
quia tua hætenus fertur Caritas ne-
glexisse, hortamur ut, sicut dictum
est, tibi singulis quibusque tempo-
ribus rationes suas xenodochi, qui
in eis sunt constituti vel fuerunt,
subtiliter ponant. Atque tales in
eis qui præsent ordinentur, qui vi-
ta, moribus; atque industria invæ-
niantur esse dignissimi: religiosi
dumtaxat, quos vexandi iudices non
habeant potestatem: ne si tales per-
sonæ fuerint, quas in suum possint
evocare iudicium, vastandarum re-
rum debiliū qui illic rejacent, præ-
beatur occasio; de quibus rebus sum-
mam te curam gerere volumus, ut
nulli sine tua dentur notitia, ne
usque ad direptionem earum ex
Fraternitatis tuæ perveniatur incuria.

Grat. 5. 9.
6. c. 4. Epi-
phanium.
b

Præterea nosti latorem præsentium
Epiphanium Presbyterum quorum-
dam b Sardorum litteris criminali-
ter accusatum. Cujus nos, ut valui-
mus, discutientes causam, nihilque
in eo objectorum reperientes, ut ad
locum suum reverteretur, absolvi-
mus. Criminis ergo ejus auctores
te volumus perscrutari. Et nisi qui
easdem transmisit epistolas paratus
fuerit hoc quod objecit, canonicis
atque districtissimis probationibus
edocere: nullatenus ad sanctæ my-
sterium communionis accedat.

Paulum vero Clericum, qui sæpe
dicitur in maleficiis deprehensus,

qui despecto habitu suo ad laicam
reversus vitam, in Africam fugerat:
si ita est, c corporali prius prove-
niente vindicta, prævidimus in pœ-
nitentiam dari; quatenus & secun-
dum apostolicam sententiam, ex car-
nis afflictione spiritus salvus fiat:
& terrenas peccatorum sordes, quas
pravis contraxisse fertur operibus,
lacrymarum possit assiduitate dilue-
re. Eis vero qui ab Ecclesiastica
communione suspensi sunt, nullus
religiosus d secundum canonum præ-
cepta jungatur.

De ordinationibus vero vel de
nuptiis Clericorum, aut de iis
quæ velantur virginibus, nullus, ut
nunc fieri dicitur, quidquam præ-
mii præsumat accipere, nisi quip-
piam sua sponte offerre maluerint.

De mulieribus quæ de monasteriis
ad laicam vitam sunt egressæ, viro-
que sortitæ, quid fieri debeat, cum
prædicto Fraternitatis tuæ Presbyte-
ro subtilius sumus collocuti: cujus
relatione Sanctitas vestra potest ple-
nius informari.

Religiosi vero Clerici conventus
patrociniaque laicorum caveant, &
tuæ modis omnibus secundum cano-
nes jurisdictioni subdantur; ne re-
missione Fraternitatis tuæ, ejus cui
præes, sit disciplina dissoluta Ec-
clesiæ.

Eos autem qui in prædictas mu-
lieres, quæ egressæ sunt de mona-
steriis, excesserunt, & nunc dicun-
tur communionem suspensi: si Fra-
ternitas tua de tali facinore digne
pœnituisse præviderit, ad sacram
communionem te volumus revocare.

AN. CHR.
593. 594.
GREG 4.
c

d

N O T Æ A D E P I S T. XXVII.

a Rerum piarum administrationem
Episcoporum curæ committi, non re-
cens est institutum. Codice de Episc.
& Clericis, leg. Omnes. & leg. Omnia
privilegia, leg. 46. Sancimus. Nec non
de sacros. Eccles. leg. Illud. Vide extra.
de religiosis domibus, c. 3. & 4. & in

Clement. Quia contigit. eod. tit. Concil.
Trid. sess. 22. c. 9. In Chalced. c. 8.
Leges Galliæ conspirant, usus confir-
mat. S. August. tract. 97. in Evang.
Johan. Xenodochia, inquit, & monaste-
ria sunt appellata novis nominibus, res
tamen ipsæ & ante sua nomina erant,

I i 2

c

religionis veritate firmantur : &c.
 AN. CHR. Imperator apostata scribens Arsacio
 593. 594. summo Sacerdoti Galatiæ apud Sozo-
 GREG. 4. menum lib. 5. c. 16. *Frequentia*, inquit,
 663 *xenodochia per singulas civitates consti-*
tue ut humanitate nostra peregrini fruam-
tes, provisum est, &c. Id faciebat im-
 pius odio Christianorum quidem, sed
 eorum tamen exemplo : quibus verbis
 docet tunc temporis xenodochia sub
 nostrorum Episcoporum fuisse potesta-
 te. Hinc vocata fuere *xenodochia Eccle-*
siarum. In histor. tripart. lib. 9. c. 31.
 ubi de uxore Theodosii per Ecclesia-
 rum xenodochia discurrente. Vide ep.
 8. hujus libri. *Guffanv.*

b Corrupte antea legabatur *Sacerdo-*
tum. Sic autem restituimus ex quam-
 plurimis MSS. codd. & edit. Veneta
 1504. Id etiam animadversum a corre-
 ctoribus Romanis, qui ad illum locum
 a Gratiano relatum in margine addi-
 derunt *al. Sardorum*. *Guffanv.* Con-
 sentiunt ex MSS. nostris plerique.

c De ea supra ep. 43. l. 3. Indict. 11.

d Excommunicatos ab uno Episcopo,
 ab aliis ubique terrarum vitari debere,
 vetus est institutum : cum Nicæna Sy-
 nodus can. 5. de eo faciat mentionem
κατὰ τὸν κανόνα, quem quasi antiquum
 usurpat Antiochena Synodus c. 2. & 6.
 &c. *Guffanv.*

E P I S T O L A XXVIII.

Ad Candidum defenforem.

In Albino luminibus privato singulis annis duos tremisses præbeat.

Gregorius Candido defensori.

NEcessitatem patientibus pontifi-
 cale convenit adesse subsidium.
 Pro qua re Experientiæ tuæ præsen-
 ti auctoritate præcipimus, quatenus
 Albino privato luminibus filio quon-

dam Martini coloni, singulis annis
 a duos tremisses sine aliqua dilatione
 præstare non desinat, non dubitatura
 suis hoc sine dubio rationibus impu-
 tari.

N O T Æ A D E P I S T. XXVIII.

a MS. Pratell. *duo tremisses*, legen-
 dum forsitan *duodecim*. Suspicionem mo-
 vet quod duo tremisses modica foret
 eleemosyna. Nam tremissis tertia tan-
 tum pars est aurei sive solidi : solidus
 vero quarta parte minor Ludovico no-

stro aureo : quippe hic 126. granis æqui-
 ponderat, ille 96. cum solidos sex ha-
 beret uncia, quæ est granorum 576.
 Tremissis illius passim meminere medii
 ac inferioris ævi scriptores ac leges :
 æquivalerat fere scuto nostro argenteo.

E P I S T O L A XXIX.

Ad Januarium Episcopum.

Phausiana quæ pridem habuerat Episcopum, nunc quoque habeat.

Gregorius Januario Episcopo Caralitano.

PERVENIT ad nos, in loco qui in-
 tra Provinciam Sardiniam^a Pha-
 usiana dicitur, consuetudinem fuisse
 Episcopum ordinandi : sed hanc pro
 rerum necessitate longis abolevisse
 temporibus. Quia autem nunc Sac-
 erdotum indigentia quosdam illic

paganos remanere cognovimus, &
 ferino degentes modo, Dei cultum
 penitus ignorare : hortamur Frater-
 nitatem tuam, ut illic secundum
 pristinum modum ordinare festinet
 Antistitem, talem videlicet qui ad
 hoc opus moribus ac verbo existat
 ido-

idoneus, & aberrantes ad gregem
Dominicum pastoralis studeat amu-
latione deducere; quatenus eo illic
ad animarum vacante compendium,

nec vos inveniamini superflua po-
poscisse, nec olim destructa frustra
nos reformasse pœniteat.

AN. CHR.
593. 594.
GREG. 4.

1673

NOTÆ AD EPIST. XXIX.

a Ita omnes fere MSS. codd. apud
Geographos Phaulania, & dicitur vul-
go *Terra nova*. Urbs est Sardiniae ma-
ritima: cujus Sedes Episcopalis sub Ar-

chiepiscopo Turritano; juncta est pri-
mum Emporienfi, quæ decimo sexto
seculo ad Castellum Arragonense trans-
lata. *Partim ex Guffanv.*

EPISTOLA XXX.

Ad Constantinam Augustam.

*Ut Constantinam caput S. Pauli postulantem deterreat, varia recenset pro-
digia. Addit hanc esse Romanis consuetudinem, ut reliquias petentibus,
brandea solum concedant. Ad obiectam Græcorum consuetudinem respon-
det. Tandem e catenis S. Pauli particulas lima excutiendas promittit.*

Gregorius ^a Constantinæ Augustæ.

a

b

Serenitas vestræ Pietatis, religionis
studio & sanctitatis amore ^b con-
spicua, propter eam, quæ in ho-
norem sancti Pauli Apostoli in pa-
latio ædificat, Ecclesiam, caput ejus-
dem sancti Pauli, aut aliud quid
de corpore ipsius, suis ad se jussio-
nibus a me præcepit debere trans-
mitti. Et dum illa mihi desidera-
rem imperari, de quibus facillimam
obedientiam exhibens, vestram erga
me amplius potuisssem gratiam pro-
vocare: major me mœstitia tenuit,
quod illa præcipitis, quæ facere
nec possum, nec audeo. Nam
corpora sanctorum Petri & Pau-
li Apostolorum tantis in Ecclesiis
suis coruscant miraculis atque ter-
roribus, ut neque ad orandum
sine magno illuc timore possit ac-
cedi. Denique dum beatæ recorda-
tionis decessor meus, quia argen-
tum, quod supra sacratissimum cor-
pus beati Petri Apostoli erat, lon-
ge tamen ab eodem corpore fere
quindecim pedibus mutare voluit, ^c
signum ei non parvi terroris appa-
ruit. Sed & ego aliquid similiter ad

Joh. Diac.
lib. 3. c. 56.

sacratissimum corpus sancti Pauli
Apostoli meliorare volui: & quia ne-
cesse erat ut juxta sepulcrum ejus
effodi altius debuisset, præpositus lo-
ci ipsius ossa aliqua non quidem ei-
dam sepulcro conjuncta reperit. Quæ
quoniam levare præsumsit, atque in
aliud locum transponere, apparen-
tibus quibusdam tristibus signis, su-
bita morte defunctus est.

Præter hæc autem sanctæ memo-
riæ decessor meus, iridem ad cor-
pus sancti Laurentii Martyris quæ-
dem meliorare desierans, dum ne-
scitur ubi venerabile corpus esset
collocatum, effoditur exquirendo, &
subito sepulcrum ipsius ignoranter
apertum est: & ii qui præsentem
erant atque laborabant, Monachi &
^d mansionarii, qui corpus ejusdem
Martyris viderunt, quod quidem
minime tangere præsumserunt, o-
mnes intra decem dies defuncti sunt,
ita ut nullus vitæ superesse potuisset,
^e qui sanctum justum corpus illius vi-
derat.

d

e

Cognoscat autem tranquillissima
Domina, quia ^f Romanis consuetu-
do

f

A. N. C. H. R.
593. 594.
GREG. 4.

273

g
h

do non est, quando Sanctorum reliquias dant, ut quidquam tangere præsumant de corpore: sed tantummodo ^g in pyxide ^h brandeum mittitur, atque ad sacratissima corpora Sanctorum ponitur. Quod levatum, in Ecclesia, quæ est dedicanda, debita cum veneratione reconditur: & tantæ per hoc ibidem virtutes sunt, ac si illuc specialiter eorum corpora deferantur. Unde contigit ut beatæ recordationis Leonis Papæ temporibus, sicut a maioribus traditur, dum quidam Græci de talibus reliquiis dubitarent, prædictus Pontifex hoc ipsum brandeum ellatis forficibus incidit, & ex ipsa incisione sanguis effluxerit. In Romanis namque vel totius Occidentis partibus omnino intolerabile est atque sacrilegum, si Sanctorum corpora tangere quisquam fortasse voluerit. Quod si præsumserit, certum est quia hæc temeritas impunita nullo modo remanebit. Pro qua re de Græcorum consuetudine, qui ossa levare Sanctorum se asserunt, vehementer miramur, & vix credimus. Nam quidam Monachi Græci huc ante biennium venientes nocturno silentio juxta Ecclesiam sancti Pauli, corpora mortuorum in campo jacentia effodiebant, atque eorum ossa ⁱ recondiebant, servantes sibi, dum recederent. Qui cum tenti, & cur hoc facerent diligenter fuissent discussi, confessi sunt quod illa ossa ad Græciam essent tamquam Sanctorum reliquias portaturi. Ex quorum exemplo, sicut prædictum est, major nobis dubietas nata est, utrum verum sit quod levare veraciter ossa Sanctorum dicuntur.

De corporibus vero beatorum Apostolorum quid ego dicturus sum, dum constet, quia eo tempore quo passi sunt, ex Oriente fideles venerunt, qui eorum corpora sicut civium suorum repeterent? Quæducta usque ad secundum urbis mil-

liarium, in loco, qui dicitur ^k Catumbas, collocata sunt. Sed dum ea exinde levare omnis eorum multitudo conveniens niteretur, ita eos vis tonitruum atque fulguris nimio metu terruit atque disperfit, ut talia denuo nullatenus attentare præsumerent. Tunc autem exeuntes Romani eorum corpora, qui hoc ex Domini pietate meruerunt, leverunt, & in locis quibus nunc sunt condita, posuerunt.

Quis ergo, Serenissima Domina, tam temerarius possit exsistere, ut hæc sciens, eorum corpora non dico tangere, sed vel aliquatenus præsumat inspicere? Dum igitur talia mihi a vobis præcepta sunt, de quibus parere nullatenus potuissem, quantum invenio, non vestrum est; sed quidam homines contra me Pietatem vestram excitare voluerunt, ut mihi, quod absit, voluntatis vestræ gratiam subtraherent, & propterea quæsierunt capitulum, de quo vobis quasi inobediens inveniret. Sed in omnipotente Domino confido, quia nullo modo benignissimæ voluntati surripitur, & sanctorum Apostolorum virtutem, quos toto corde & mente diligitis, non ex corporali præsentia, sed ex protectione semper habebitis.

Sudarium vero, quod similiter transmitti jussistis, cum corpore ejus est, quod ita tangi non potest, sicut nec ad corpus illius accedi. Sed quia serenissimæ dominæ tam religiosum desiderium esse vacuum non debet, de catenis quas ipse sanctus Paulus Apostolus in collo & in manibus gestavit, ex quibus multa miracula in populo demonstrantur, partem aliquam vobis transmittere festinabo, si tamen hanc tollere limando prævaluerim; quia dum frequenter ex catenis eisdem multi venientes benedictionem petunt, ut parvum quid ex limatura accipiant, assistit Sacerdos cum lima, & ali-

k

& aliquibus petentibus ita concite aliquid de catenis ipsis excutitur, ut mora nulla sit. Quibusdam vero petentibus, diu per catenas ipsas

ducitur lima, & tamen ut aliquid exinde exeat, non obtinetur. ¹Men-
se Junio, Indictione XII.

AN. CHR.
593. 594.
GREG. 4.

6693

1

NOTÆ AD EPIST. XXX.

a Tiberii Constantini Imperatoris filia, quam pater Mauricio uxorem dedit, dotisque loco Imperium tradidit. Hæc post necem Mauricii Imperatoris ab impio Phoca in monasterium primo detrusa, tum post annum cum tribus filiabus, ejusdem tyranni jussu occisa est; plura de ea vide apud Scriptores historiæ Byzantinæ. *Gussanv.*

b In Norm. Rem. Corb. & nonnullis Vatic. perspicua.

c Eodem fere modo Hadrianus Papa circa ann. 772. in fragmento epistolæ ad Carolum Magnum: *Petiit nos, ut ei corpus sanctum tribueremus. Sed nos sicut jamdudum vobis direximus, per revelationem territi, nullo modo audeamus ex ipsis Sanctorum corporibus amplius quid exagitare.* *Gussanv.*

d Quinam essent mansionarii docetur lib. 3. Dialog. capp. 24. & 25. sed præsertim c. 5. libri primi, ubi consule notas ad versionem græcam Zachariæ. Alias hujus nominis significationes, sed a S. Doctoris scopo alienas require si lubet in notis *Gussanv.*

e Norm. Corb. & alii nonnulli, qui *sanctum & justum corpus illius*; Vatic. B. & D. qui *sanctum corpus illius*; Verisimilior lectio exhibetur in cod. Reg. ubi, qui *sanctum justum corpus illius*; quam tamen amplecti non audemus, quod nullum aliud exemplar huic susceperat.

f Eodem plane modo loquitur Baron. in notis ad Martyrolog. Rom. 17. Julii. Concessarum tamen ab ipso Gregorio Mag. reliquiarum exempla non desunt. Ex Ripamontio hist. Eccles. Mediol. lib. 8. pag. 522. 523. *Theodelindæ Langobard. Regina Gregorius..... concessit augustissimas reliquias... quas inter visuntur ipsius Baptistæ reliquæ, liquidus in ampulla cruor, cineres cremato corpore, & cum dente modicum quid e calvaria..... sunt demum lintamenta quæ Martyrum sanguinem ebibere & ossium fragmina... hæc omnia quo pluries apud omnem posteritatem æstimarentur, ac ne solita reliquiarum adulteria suspecta quis habere posset, accessit ipsius Gregorii manu confectus index harum reliquiarum, in quo Langobardicis lit-*

teris exscripta & signata omnia continentur. Item ex Mario Vipera apud Ughellum Ital. sacr. tom. 8. col. 19. *Linianus Benevent. Episcopus interfuit solemnii translationi corporis beatissimi Levitæ Modesti Martyris ex urbe Beneventum, die 3. Julii ann. 591. ex concessione magni Gregorii ad preces Arichis piissimi Beneventani Ducis a Monachis S. Mariæ ad Olivulam (extra civitatem Beneventanæ positæ) quod ab Episcopo cum clero ac Duce universque populo honorifice receptum, in ipsa Ecclesia collocatum ibique sepultum, donec dicta basilica in ipsius honorem dedicata esset. Sed neque brandea solum concessa innunt Indict. XI. ep. 19. & Indict. XI. ep. 15. Horum forte meminerat noster Mabilonius, cum in Præfat. ad 2. secul. Bened. Observ. octava, Baronianum suumve stilum temperavit: *parcius, inquit, ejusmodi translationes Pontificatu S. Gregorii peragebant. De his non perfunctorie egimus in vita S. Gregorii.* Maur. Agnellus in vita Joh. Romani Episcopi Ravennatis, assert versus exstantes super valvas Monasterii SS. Marci, Marcelli & Feliculæ, quorum Johannes Ecclesiam ædificaverat. Quatuor priores sic habent:*

Inclita præfulgent Sanctorum limina templi

Marci, Marcelli, Feliculæque simul. Pontifices hos Roma cepit: hæc martyr habetur.

Horum Gregorius dat Papa Reliquias. Videtur ergo dicendum, non consuevisse Occidentales ab integris Sanctorum corporibus particulas decerpere: at tota corpora, vel si qua supererant dissoluta ipsa ex illis, alio transmittere pro reliquiis nequaquam exhorruisse, testimonia superius allata videntur satis comprobare. Ex verbis porro hujus epistolæ, de Græcorum consuetudine, qui ossa levare se Sanctorum asserrunt, vehementer miramur, & vix credimus. Nam quidam Monachi Græci &c. Ex his inquam verbis inferunt sublestæ fidei esse Baronii assertionem, quam allegat & probat Sammartanus in vita S. Greg. l. 1. c. 5. nu. 13. Scilicet redeuntem illum CPoli, accepisse ab

ab imperatore Brachium S. Andreæ, A N. CHR. & Caput S. Lucæ. Nam si id verum 593. 594. fuisset, non fuisset locus vehemnti admirationi & dubitationi, immo potius GREG. 4.

6673

innuit S. Doctor religiosiores fuisse hanc circa rem Græcos, dum ait se vix credere quod Sanctorum offalearent. E. V. g In Vatic. A. & B. necnon in Regio, *buxide*, a buxo ex quo fiebat sic dicta Gallice *boette*.

h Sic appellabantur panni & velamina, quæ venerandis Martyrum lipsan- C nis applicata, ex ipso contactu, tamquam Sanctorum ipsorum reliquiæ; fidelibus dispartiebantur. In plur. MSS. legitur *prandcum*, cui respondet vox græca. De hac voce consule Lexicographos.

i Al. *recolligebant*, ut est in Vatic. A.

k *Catatumbas* legit Baronius in Martyrol. ad 13. Kalendas Februarii: sic etiam habent quidam MSS. codd. & editi. Sunt autem plurimi antiqui & melioris notæ, in quibus legitur *catacumbas*. Requisitus super hac re Eminentissimus Cardinalis Bona, ita mihi scripsit die 9. Septembris anno 1670. *Omnino legendum catacumbas; sic enim legunt plerique & antiquiores codices MSS. Vaticani. De vocis autem origine nihil occurrit mihi præter ea quæ notat Baronius in Martyrologio ad diem 3. & 10. Januarii. Accipitur ubique pro locis subterraneis, in quibus Martyrum corpora sepeliri solebant. Dominicus Magrus in postrema editione anni 1669. sui vocabularii Ecclesiastici, verbo cæmeterium citat Latinum Latinium afferentem hanc vocem a Græca catacumbe deduci, quæ significat locum concavum & profundum. In aliis autem litteris die 15. Novembris ejusdem anni de eadem re ita loquitur: Video ex litteris tuis superesse tibi scrupulum de hac voce catacumbæ, qua de re allocutus sum Dominicum Magrum, apud quem sunt omnes lucubrationes Latini Latini, quas sperat se brevi editurum. Inter cæteras sunt quædam notæ manuscriptæ in Martyrologium Romanum, in quibus Latinus ea scribit de catacumbis, quæ in suum vocabularium transtulit idem Magrus. In fine autem epistolæ hæc adjunguntur: Postquam scripsi, misit hanc paginam Dominicus Magrus quam addo hic ejus manu exaratam. Continet autem hæc pagina quæ sequuntur: In mea notitia sequor eruditissimi Latini Latini opinionem in voce catacumba, ut ipse advertit in notis marginalibus*

b

ad Martyrologium Romanum, reprobando correctionem Cardinalis Baronii. Nam vox Græca *κατακύβη* significat juxta locum cavum ac profundum, a nomine *κύβος*, quia apud Latinos littera *y* sæpissime mutatur in *u*, ut passim occurrit. Nomen autem *tumba* præterquam non est Latinum, illa loca non erant prope *tumbas*, sed potius in terræ cavernis, in quibus Christiani collectas & synaxes celebrabant, ibique postea corpora Sanctorum Martyrum sepeliebant, &c. Idem fere habetur in Roma subterranea l. 1. c. 1. ubi dicitur *catacumbas* deduci a Græca voce *κατὰ* & *κύβος* hoc est ut Helychius explicat, *κοῖλος μυχός, βαθύς*, cavus recessus, sive locus in immo positus ac profundus. Sic etiam l. 3. c. 12. *catacumbas* appellat & eas describit, refertque epistolam hanc sancti Gregorii. Addo & a voce *κύβος* derivari *cymbam*: sed & apud Sabaudos valles, vulgo *combes* appellantur. *Guffanvillæus*. His quæ S. Gregorius hic significat, scilicet corpora SS. Apostolorum Petri & Pauli, eodem loco remanuisse quo fuerant prius condita, opponi potest prima S. Cornelii Papæ & Mart. epistola de ipsorum translatione tuo tempore facta. Verum epistola hæc supposititia est & longe post Gregorium ficta; nam in ea sunt lacinix ex Gregorianis epistolis asutæ, maxime ex ep. 109. libri ix. Indict. 2. ubi hæc leguntur a falso Cornelio scripta: *quisquis in radice caritatis se inserit, nec a veritate deficit*, &c. Alius nodus difficilior solvendus superest. Nempe in vet. Calendario Romano quod Ægidius Bucherius, Societatis Jesu Presbyter eruditissimus, edidit, legitur: *III. Kalend. Jul. Petri in Catacumbas, & Pauli Ostiense, Fusco & Basso Coss.* Id est, ut explicat noster D. Theodericus Ruinart in Actis Mart. pag. 692. an. 258. quo anno facta est translatio SS. Apostolorum, eo ipso die quo eorum festivitas agebatur. Certe translationem hanc optime probat Ecclesiasticæ Historiæ peritissimus Antonius Pagi, ad an. 258. confirmatque ipsius Pearsonii consensu & testimonio. Igitur negare non possumus Gregorium dum ad Constantinam scriberet, aliquando memoria lapsum. *Maur.* Vide in app. privilegium Sublacentæ. E. V.

l Hanc temporis quo scripta est epistola notam exhibent MSS. Vatic. Norm. Turon. S. Gat. Colber. ver. Corb. &c.

Al. xl.
Indi&ct. XIII.

E P I S T O L A * XXXI.

Ad Theodorum Medicum.

AN. CHR.
593. 594.
GREG. 4.
6673

*Gratias refert de transmissa in pauperes pecunia. Ad sacre Scripturæ
lectionem hortatur. Commendat Narsetem. Mittit munera tabulas.*

a

Gregorius Theodoro Medico * Imperatoris.

EGo omnipotenti Deo gratias ago, quia eorum qui se vicissim veraciter diligunt loca animum non dividunt. Ecce enim, Dulcissime & Gloriosissime Fili, longe a nobis distamus corpore, & tamen præsentibus nobis existimus caritate. Hoc vestra opera, hoc scripta testantur, hoc de præsentibus expertus sum, hoc de absentibus vestra Gloria recognosco. Hoc vos & hominibus amabiles, & omnipotenti Deo dignos in perpetuum faciat. Quia enim virtutum mater est caritas, idcirco bonorum operum fructus profertis, quia ipsam eorum fructuum in mente radicem tenetis. Ea autem quæ in redemptionem captivorum, Deo vobis aspirante transmisistis, lætus, fateor, & tristis accepi. Lætus videlicet vobis, quos de præparanda mansione cœlestis patriæ cogitare cognovi: tristis vero vehementer mihi, qui super curam rerum S. Petri Apostoli, adhuc etiam de rebus dulcissimi filii mei domni Theodori rationes positurus sum: sollicitè an negligenter eas expenderim, requirendus vado. Omnipotens autem Deus, qui menti vestræ suæ misericordiæ viscera infudit, qui vobis sollicitè cogitare concessit, hoc quod de Salvatore nostro per egregium prædicatorem dicitur: *Quia pro nobis e-*
genus factus est, cum dives esset,
in ejusdem Salvatoris adventu, vos
virtutibus divites ostendat, ab omni
culpa liberos assilire faciat: & pro
terrenis cœlestia, pro transitoriis
gaudia vobis mansura concedat.

Tom. VII.

Hoc autem quod pro vobis agi apud sacratissimum corpus S. Petri Apostoli scribitis, certum tenete, quia etsi lingua vestra taceat, fieri caritas vestra jubet. Sed utinam digni simus, qui pro vobis orare debeamus! Quia vero dignus ego non sum, non ambigo. Sed multi hic digni sunt, qui ex oblatione vestra ab hostibus redimuntur, & fideliter nostro Creatori deserviunt, de quibus hoc egistis quod scriptum est: *Abconde elemosynam in sinu pauperis, & hæc pro te exorabit.*

Ecclesi. 29. 15.

Sed quia ille plus diligit, qui plus præsumit: erga dulcissimam mentem gloriosissimi filii mei domni Theodori habeo aliquam querelam: quia donum ingenii, donum rerum, donum misericordiæ atque caritatis a sancta Trinitate percepit: sed tamen secularibus indefinenter causis adstringitur, assiduus processionibus occupatur, & quotidie legere negligit verba Redemptoris sui. Quid est autem Scriptura sacra, nisi quædam epistola omnipotentis Dei ad creaturam suam? Et certe sicubi esset Gloria vestra alibi constituta, & scripta terreni Imperatoris acciperet, non cessaret, non quiesceret, somnum oculis non daret, nisi prius quid sibi Imperator terrenus scripsisset, agnovisset. Imperator cœli, Dominus hominum & Angelorum, pro vita tua tibi suas epistolas transmisit: & tamen, Gloriosissime Fili, easdem epistolas ardentius legere negligis. Stude ergo, quæso, & quotidie Creatoris tui

K k

ver.

2 Cor. 8. 9.

AN CHR.
593. 594.
GREG. 4.
6695

verba meditare. Disce cor Dei in verbis Dei, ut ardentius ad æterna suspires, ut mens vestra ad cœlestia gaudia maioribus desideriis accendatur. Tanto enim tunc major ei erit requies, quanto modo amore Conditoris sui requies nulla fuerit. Sed ad hæc agenda infundat vobis omnipotens Deus consolatorem spiritum. Ipse mentem vestram sua præsentia impleat, & implendo leveat.

De me autem cognoscite, quia multas hic & innumeras amaritudines patior. Sed ago omnipotenti Deo gratias, quia minus affligor valde, quam mereor.

Carissimum autem filium meum

^b susceptum vestrum domnum Narsetem Gloriæ vestræ commendo. Quem quidem scio, commendatum in omnibus habetis: sed facere vos rogo quod facitis, ut dum peto quod fieri video, ^c mercedi vestræ me petendo subjungam. Præterea Excellentiæ vestræ benedictionem, ea qua transmissa est caritate suscepi. Unam vero anatem ^d cum duobus parvulis anaticis pro vestri amoris gratia transmittere præsumsi, ut quoties ad respiciendum eam vester oculus ducitur, memoria etiam mei inter occupationes tumultusque causarum, in animum vestrum revocetur.

NOTÆ AD EPIST. XXXI.

a Addimus Imperatoris, ex omnibus Vatic. Norm. &c. De eo relege ep. 66. l. III. Indiæ. XI.

b Medici, inquit Alteserra ad hanc ep. ægrotos suos vocant susceptos, id est clientes. Aug. in Pl. 45. *Ægrotat nescio quis, adhibetur medicus; susceptum suum medicus dicit ægrotum.* Æque & advocati susceptos vocant clientes.

c Vatic. A. *mercedi vestræ me redde subjugatum.*

d In vulgatis, cum duobus parvulis Atticis. In Norm. & Corb. cum duobus parvulis Atticis. Lectionem nostram suppeditarunt MSS. Vatic. nam in Vatic. D. legitur, cum duobus parvulis anaticis aquaticis. In A. B. C. cum duobus parvulis anaticis. Corruptum hunc locum putarunt Alteserra & Gussanvillæus. Hic legendum censuit Anaitem, ab Anæa urbe Cariæ in Asia minore: scilicet, inquit, tria mancipia dono dat, illam Anaitem, & duos parvulos Atticos. Sequitur apud Gussanv. ut quotiens ad respiciendum eam vester oculus ducitur, memoria etiam mei . . . revocetur. Verum decebatne tam gravem, tam castum Pontificem, Puellam potius quam parvulos Atticos, Theodori oculis proponere: ut ex illius contemplatione memoria amici refreueretur amorque recalesceret? Non absque verisimilitudine legebat Alteserra unum anatem, quod est urcei genus, de quo Gregor. Turon. lib. de miraculis S. Juliani c. 8. *Quatuor ex his per fugam lapsi, & patenam & urceum, qui anax di-*

citur, in patriam deferunt. Attica vero interpretabatur vasa fistilia, ab Attica regione in qua fiebant, quæ vulgo, inquit, ab Italis porcellana vocantur. Hanc Alteserræ conjecturam non improbat Cangius. Si Corb. ac Normanis MSS. standum, fortasse tabellas tres ad Theodorum mittit Gregorius: primam anatem appellat, quod avem illam eleganti, pro illa ætate, penicillo expressam exhiberet: posteriores duas actacas vocat scilicet ætæriorum littorum pictas coloribus descriptiones. Etenim si ab ἀγῆ λίτος, quod Tullio, Virgilio, Aufonio dicitur acta, nomen fumsit Attica regio, ut Straboni & aliis placet, quoniam major ejus pars ad mare sita est: certe littorum decora seu amœnitates, actaca vel actaca potuerunt dici. Conjecturam hanc viri doctissimi, aliorum eruditum criterio permittimus. At quid vetat obvium sensum, quem præcipue Vaticani MSS. suppeditant, amplecti? Mittit Gregorius Medico familiari & amico unam anatem cum duobus parvulis anaticis, hoc est matrem & duos pullos. Anas quidem nota est avis, & communis: verum aliquæ visuntur exquisitis coloribus depictæ, corona in vertice insignes & odoratæ, quæ etiam in cortibus regiis inter aves rariores aluntur. Quid vetat dicere hujusmodi anatem adhuc Constantinopoli fortasse nondum visam, Gregorium curasse mittere ad amicum Medicum, quem rerum naturalium studiosum & in alen-

dis

dis rarioribus animalibus curiosum haud dubie noverat? Is sane sensus non longius arcessitur; sed ipsum offert restituta lectio ex optimæ notæ MSS. Vaticanis: *unam anatem cum duobus parvulis anaticis*, hoc est *anaticulis*. Ex

anaticis, librarii, & qui edendis Gregorii operibus insudarunt, ad hujus vocis vim parum attendentes, conflarunt *aticis*: & postea *Atticis*. Maur. Alteserræ quisque prudens adhæreat. E. V. AN. CHR. 593. 594. GREG. 4.

Al. lxxv.
Indiēt. xl.

E P I S T O L A * XXXII.

Ad Narsem Patricium.

Causam Presbyterorum cum Johanne Patriarcha se ad canonum normam omnino exacturum declarat. Commendatum a se Theodoro Narsetem. Epistolæ brevitatem excusat, quod tribulationibus prematur.

Gregorius ^a Narfæ Patricio.

Multa mihi dulcissima Caritas vestra per epistolas suas in bonæ operationis laudibus est locuta, ad quæ omnia breviter ego respondeo: ^b *Nolite me vocare Noemi, id est pulchram: sed vocate me Mara, id est amaram, quia amaritudine plena sum.*

De causa vero Presbyterorum, quæ cum fratre meo & coepiscopo, viro reverendissimo Johanne Patriarcha agitur, ipsum, puto, adversarium patimur, quem asseris velle canones custodire. Caritati autem tuæ breviter fateor, quia omni virtute & omni pondere, eandem causam, auxiliante omnipotente Deo, ^c exigere paratus sum. In qua si videro ^d Sedi apostolicæ canones non servari, dabit omnipotens Deus quid

contra contemtores ejus faciam.

Quod autem scripsit mihi Caritas vestra, ut filio meo domno Theodoro ^e Archiatro & Expræfecto pro vobis gratias agerem, feci: & quantum potui commendare minime cessavi. Peto autem mihi ignoscas, quod epistolis tuis sub brevitate respondeo: quia tantis tribulationibus premor, ut mihi neque legere, neque per epistolas multa loqui liceat. Hoc solum tibi breviter dico: *Quia oblitus sum manducare panem meum a voce gemitus mei.* Omnes qui vobiscum sunt, mea peto vice saluari. Domnæ Dominicæ salutes meas dicite: cui minime respondi, quia cum sit Latina, Græce mihi scripsit.

N O T Æ A D E P I S T. XXXII.

^a Vide epistolam 6. libri i. In Vatican. legitur *Narfæ Comititis*. In A. & C. solum scribitur, *Narfæ*, ut etiam in Corb. & aliis.

^b Excusi, *nolite me vocari Noemi, id est pulchrum . . . amarit. plenus sum.* Prætulimus MSS. Vatican. Norm. Reg. Corb. &c.

^c Inter se dissentiunt MSS. Vaticani. Codex D. habet, *eximere*. cod. C. *exire*; concordæque sunt Norm. codex vero B. *exercere*, & pro diversa lectione, *exire*.

^d Sic legitur in tribus Vatican. Nor-

man. &c. consentiuntque vet. editi. At in recentioribus, *Sedis apostolicæ*.

^e Hæc vox vulgo vertitur, Medicorum primus; non ita plerique docti, qui Archiatrum pro Principis medico usurpant: quicumque tandem ille sit, primus, secundus, tertius, &c. legatur Alcatus in Annotatione l. 12. Cod. ubi formam constituendi Archiatri ex Cassiodoro ep. 19. l. 6. *Indulge nostro palatio, habeto fiduciam ingrediendi. Fas est tibi nos fatigare jejuniis. Fas est contra nostrum desiderium sentire.* Gussanv.

AN. CHR.

593. 594.

GREG. 4.

3633

Al. XXXI.

E P I S T O L A * XXXIII.

Ad Anthemium Subdiaconum.

Judeis conversis tribus det solidos singulis annis.

Gregorius Anthemio Subdiacono.

- ^a **H**is quos de ^a Judæica perditione Redemptor noster ad se dignatur convertere, rationabili nos oportet moderatione concurrere, ne victus, quod absit, inopiam patiantur. Ideoque tibi hujus præcepti auctoritate mandamus, ^b quatenus
- filiis Justæ ex Hebræis, id est Juliano, Redemto, & Fortunæ, a tertia decima succedenti Indictione annis singulis solidos dare non differas; quos tuis noveris modis omnibus rationibus imputandos.

N O T Æ A D E P I S T. XXXIII.

^a Exstat Pauli III. de Judæis Bulla an. 1542. ut subsidiis conversi foveantur, necnon alia Johannis XXII. relata inter extravagantes communes sit. de Judæis c. 2. *Augel.*

^b In edit. recent. *quatenus filiabus... Julianæ, Redemte, Fortunato.* MSS. Norm. Turon. Anglic. & Vatic. &c. adhæremus. In duobus tamen Vatic. pro *Fortunæ*, legitur *Fortunato*.

Al. XXXII.

E P I S T O L A * XXXIV.

Ad Pantaleonem Præfectum.

Ut Donatistarum audaciam comprimat, & Paulum Episcopum Romanum quantocius mittat, hortatur.

Gregorius Pantalconi * Præfecto Africæ.

- ^a **H**æreticorum nefandissimam pravitatem, qualiter lex ^b persequatur instantius, Excellentia vestra non habetur incognitum. Hi igitur quos & fidei nostræ integritas & legum damnat districtio mundanarum, non leve peccatum est si vestris inveniant temporibus licentiam reserpendi. In illis igitur partibus, quantum didicimus, ita Donatistarum crevit audacia, ut non solum de suis Ecclesiis auctoritate pestifera ejiciant Catholicæ fidei Sacerdotes; sed hos & quos vera confessione aqua regenerationis abluerat, rebaptizare non metuant. Valdeque miramur, si tamen ita est, ut vobis illic positis, hujuscemodi liceat hominibus pravis excedere. Primum
- siquidem quale de vobis judicium hominibus relinquatis, attendite, si hi qui aliorum temporibus justa ratione compressi sunt, vobis admistrantibus viam sui excessus inveniant. Deinde perditorum animas Deum nostrum de manu vestra scitote requirere, si tantum nefas, in quantum possibilitas exigit, emendare negligetis. Hæc enim Excellentia vestra non amare suscipiat. Nam quia vos ut filios proprios diligimus, propterea hæc quæ vobis prodesse non ambigimus, indicamus. Paulum vero fratrem, & coepiscopum nostrum ad nos sub omni festinatione dirigite, ne cuiquam impediendi cum ^c aliqua excusatione detur occasio; ut veritatem plenius agno-

c

agnoscentes, qualiter tanti facinoris ultio debeat provenire, Deo adjuvante, rationabili possimus tractatu disponere.

AN. CHR.

593. 594.

GREG. 4.



NOTÆ AD EPIST. XXXIV.

a In tribus Vatic. in totidem Norm. & in Rem. *Episcopo Africæ*. Mendum irrepsisse in hac inscriptione nemo dubitabit, qui ad Excellentie titulum quo Gregorius Pantaleonem donat, attendet: sic enim Episcopos nunquam compellat. Præterea Epistolæ series nullatenus Episcopum, sed Exarchum aut Præfectum ad quem sit scripta manifeste innuit.

b Imperatorum leges innuit, quarum aliæ contra Donatistas ab Augustino passim referuntur: aliæ a succedentibus Imp. editæ sunt. Vide Cod. Theodol. necnon in Justiniano Cod. tit. 6. libri 1. *Ne sanctum baptismus iteretur*. Auget.

c Ita legitur passim in MSS. præsertim in Norm. & Vatic. In edit. aliqua occasio vel excusatio detur.

EPISTOLA XXXV.

Ad Victorem & Columbum Episcopos.

Concilio, Donatistis promte ac fortiter obstant. Mittant ad se Paulum Episcopum, quo edocente, Donatistarum facinoribus plenius cognitis, de illis puniendis ac comprimendis tutius decernat.

Gregorius Victori & Columbo Episcopis Africæ.

a Qualiter neglectus inter initia morbus vires accipiat, ^a ex nostris necessitatibus, quicumque in hac sumus vita constituti probavimus. Huic igitur nascenti, si doctorum obstat provisio medicorum, scimus quidem quia ante cessaret, quam tarde procuratus plurimum noceret. Hujus ergo considerationis ratio vehementer nos debet impellere, ut animarum morbis initiantibus, tota festinemus possibilitate resistere; ne dum salubria adhibere medicamenta negligimus, multorum nobis vitam, quos Deo nostro contendimus lucrari, subripiant. Unde nos oportet ita caulæ ovium, quibus nos custodes videmur esse præpositi, vigilantia sollicitudine præmunire, quatenus lupus insidians undique pastores sibi repugnantes inveniat, & viam ingrediendi in eas non habeat.

Comperimus siquidem Donatistarum stimulos sic in illis partibus gregem turbasse Dominicum, ac si

nullius pastoris moderamine regeretur. Nuntiatumque nobis est, quod dicere sine gravi dolore non possumus, quoniam plurimi eorum venenatis jam sint dentibus laniati. ^b Denique ut Sacerdotes Catholicos pravissima de suis Ecclesiis temeritate depellerent, & multos insuper quibus salutem regenerationis aqua præbuerat, rebaptizantes, pravitate nefandissima necavisse. Quæ res animos nostros valde mæstificat, quod vobis illic positæ damnatæ præsumptioni tantum scelus perpetrare licuerit.

Qua de re Fraternitatem vestram scriptis decurrentibus adhortamur, ut habito tractatu, unitoque Concilio, ita ^c nascenti huic adhuc morbo inhianter ac tota virtute debetis obistere, dummodo nec vires ex neglectu percipiat, nec in commisso vobis grege pestilentie damna concutiat. Nam si quolibet modo, quod non credimus, incipienti negligitis iniquitati resistere, plu-

AN. CHR.
593. 594.
GREG. 4.

663

plurimos erroris sui gladio vulnerabunt. Et est profecto gravissimum, laqueo diabolicæ fraudis irretiri permittere, quos prius possumus, ne alligentur, eripere. Melius est autem ne quisquam vulneretur obistere, quam vulneratus qualiter sanari possit exquirere. Hoc itaque considerantes, sacrilegam pravitatem sedula oratione ac virtute qua valeatis obruere festinate; ut & subsequens nuntius, Christi gratia sus-

fragante, de eorum nos ultione lætificet magis, quam de excessu contristet.

Paulum præterea fratrem & coepiscopum nostrum ad nos, quo potestis studio, omni sub festinatione dirigite; quatenus ab eo causas subtilius tanti facinoris agnoscentes, huic nefandissimæ pravitati cum Creatoris nostri solatio medicinam dignæ possimus correptionis imponere.

NOTÆ AD EPIST. XXXV.

a Recentiores excusi, ex nostris necessitatibus quas patimur in hac civitate constituti probavimus. Certe reluctantibus omnibus MSS. Vatic. Corb. Anglic. Turon. &c.

b In vulgatis: Denique Sacerdotes canonicos . . . depellere; & multos . . . necesse dicuntur. Quam lectionem non mutassemus, nisi ad id coegisset communis consensus MSS. Anglic. Vatic. Norm. Corb. Turon. Reg. Valeat ergo nota quam attexit Guss. de sacerdotibus canonicis. Aliam ejusdem auctoris amputare coacti sumus ad hæc verba:

necessitatibus quas patimur in hac civitate; quæ intelligenda dicit de Italiæ cladibus. At, in hac civitate, corrupta est lectio, ut jam monuimus. Maur. Parandum erat eruditioni viri insignis, & auctoritati excusorum, qui certe aliquem MSS. nobis exhibuerunt. Interea consule Macrum. E. V.

c Paulo post sanctum Cyprianum Donatistarum factio in schisma eruperat, sed alternantibus vicibus nunc conquiescere videbatur, mox recrudescere per 300. & amplius annos ad usque sancti Gregorii ætatem. Gussanv.

Al. XXXIV.

EPISTOLA * XXXVI.

Ad Leonem Episcopum.

Ne Subdiaconi cum suis uxoribus misceantur. Speciosi Subdiaconi uxor, in Monasterium ob secundas nuptias detrusa, dimittatur.

Gregorius Leoni Episcopo Catanensi.

Grat. diff.
32. can. 2. &
caus. 27.
quæst. 2. c.
20. Conjugi-
gibus.

a

b

Multorum relatione comperimus a hanc apud vos olim consuetudinem tenuisse, b ut Subdiaconi suis licite miscerentur conjugibus. Quod ne denuo quisquam præsumeret, a Servo Dei Sedis nostræ Diacono, ex auctoritate nostri decessoris, est isto modo prohibitum: ut eodem tempore hi, qui jam uxoribus fuerant copulati, unum ex duobus eligerent; id est, aut a suis uxoribus abstinere, aut certe nulla ratione ministrare præsumerent. Et quantum dicitur,

Speciosus tunc Subdiaconus pro hac re ab administrationis se suspendit officio, & usque in obitus suitempus notarii quidem gessit officium, & a ministerio, quod Subdiaconum oportuerat exhibere, cessavit. Post cuius obitum, quia c relicta ejus d Honorata marito est sociata, a tua eam Fraternitate in monasterio cognovimus esse deputatam. Ideoque si, ut fertur, ejus se maritus ab administratione suspendit, ante dictæ mulieri non debet officere, quod ad secundam conjugii copula-

tio-

c
d

tionem migravit : præsertim si non tali mente Subdiacono juncta est, ut a carnis voluptatibus abstineret.

Si ergo ita se veritatem quemadmodum edocti sumus, habere cognoscis: prædictam te mulierem de monasterio per omnia convenit relaxare, ut ad suum maritum sine aliqua possit formidine remeare.

De cætero vero Fraternitas tua sit omnino sollicita, ut quos ad hoc jam officium contigerit promoveri, hoc quam maxime diligenter inspicat: ne si uxores habent, miscendi se cum eis licentia potiantur; sed ad similitudinem Sedis apostolicæ eos cuncta observare, sua nihilominus districtione constituat.

AN. CHR.
593. 594.
GREG. 4.

6773

N O T Æ A D E P I S T. XXXVI.

a In Norm. *hoc apud vos.*

b De Subdiaconorum continentia vide supra ep. 5. & l. 1. ep. 44.

c Viduas Clericorum non permissas iterum nubere, docent plures canones, quorum aliqui referuntur distinctione 28. c. 10. 11. 12. ex sancto Gregorio lib. 11. ep. 62. nunc lib. 13. ep. 51. ex Aurelian. Concil. can. 13. ex collectione Martini Bracaren. c. 29. Adde. Antissiodorens. Concil. canone 22. *Non licet relicte Presbyteri, nec relicte Diaconi, nec Subdiaconi post ejus mortem maritum accipere.* In decretis Gregorii II. c. 1. & 2. & idem prohibetur. In Concilio Romano I. sub eodem an-

no Christi 721. in Toletano I. eadem reperio verba can. 18. quæ in can. 29. collectionis Martini Bracaren. Causam illius prohibitionis repeto a consensu sive voto earum mulierum; nec enim mariti promovebantur ad superiores ordines, nisi aut conversionem vovissent ipsæ, aut certe se non renupturas, sed innubas post eorum mortem permansuras data fide cavissent. *Guffano.*

d Prius legebatur, *Honorato marito est sociata*, quod mutavimus cogente unanimi MSS. Vatic. Norm. Corb. Tur. &c. consensu.

41. XXXVI.

E P I S T O L A * XXXVII.

Ad Maximianum Episcopum.

Euplo patris & matri bona reddi jubet.

Gregorius Maximiano Episcopo Syracusano.

EUplus præsentium portitor Eufaniam Agrigentina civitatis Episcopum, suum fuisse memorat genitorem, matrisque suæ res apud eum plurimas indicat mansisse. Quem quoniam intestatum asserit esse defunctum, ideo & res maternas sibi petit debere restitui, & ante dicti Episcopi patris sui se permitti substantiam adipisci. Qua de re Fraternitati tuæ hujus præcepti serie deputamus, quatenus diligenter curret addiscere; & si quid apud prædictam Ecclesiam de rebus matris ipsius inveniri potuerit, si quidem nihil est quod ante dicto Euplo rationabiliter possit obistere, ei secundum suam faciat portionem re-

stitui. ^a Proinde & de rebus paternis quas ante Episcopatum dignoscitur habuisse, si eas in jus Ecclesiæ suæ quolibet modo non transtulit, ei quantum portioni ejus legaliter scit competere, ut satisfieri possit, immineat. Nam omnino & contra rationem & contra nostrum probatur esse propositum, si cui ea, quæ jure competunt, restitui ac satisfieri denegemus. Ita ergo hæc Fraternitas tua implere festinet, ut superscripto portitori ad nos denuo ex hac re nulla remeandi necessitas imponatur. Nam quod beatæ recordationis decessor noster præceptum direxerat, ut lapsa eo omnes res ejus Ecclesiæ remanerent, hoc ideo eum cre-

2

di.

AN. CHR.
593. 594.
GREG. 4.
66755

dimus præcepisse, ne per eas adhuc amplius deperiret: nunc vero æquum esse pensamus, ut filium patris culpa non ingravet; sed Fraternitatis

tuæ dispensatione, quidquid ei legaliter potest competere, consequatur.

N O T Æ A D E P I S T. XXXVII.

a Episcopus potest testari de bonis hereditariis, quæsitis ante Episcopatum vel post Episcopatum. De bonis vero quæsitis post Episcopatum de rebus Ecclesiæ, nihil alienari potest testamento vel inter vivos. Gregorius I. XII. ep. 38. *nulli dubium est, quia sicut Sacerdotibus res in Episcopatu acquisi-*

tas nulla est alienandi licentia, ita de his quas ante habuerint, quidquid iudicare voluerint, non vetantur. Sed si Episcopus liberos habuerit, de rebus ante Episcopatum quæsitis non potest testari in favorem Ecclesiæ, nisi salva legitima liberorum portione, ex hac epistola.

Al. XXXIII.

E P I S T O L A * XXXVIII.

Ad Theodelindam Reginam.

Ab imperitis seductam dolet. Sanctarum quatuor Synodorum, maxime Chalcedonensis, fidem in Romana Ecclesia integram servari proficitur.

Hortatur ne extra Constantii Episcopi communionem maneat.

a

Gregorius Theodelindæ a Reginæ Langobardorum.

Sup. Ep. 4.

QUorumdam ad nos relatione pervenit, ab aliquibus Episcopis Gloriam vestram usque ad hoc scandalum contra sanctam Ecclesiam fuisse perductam, ut sese a Catholicæ unanimi communione suspenderet. Quod quantum vos pure diligimus, tanto de vobis fortius dolemus: quia vos imperitis stultisque hominibus creditis, qui non solum ea quæ loquuntur nesciunt, sed vix ea quæ audierunt, percipere possunt. Qui dum neque legunt, neque legentibus credunt, in ipso errore manent, quem sibi ipsi de nobis finxerunt. Nos enim veneramur sanctas quatuor Synodos: Nicænam, in qua Arius: Constantinopolitanam, in qua Macedonius: Ephesinam primam, in b qua Nestorius: Chalcedonensem, in qua Eutyches atque Dioscorus damnatus est: profitentes quia quisquis aliter sapit quam hæc quatuor Synodi, a fide veritatis alienus est. Damnamus autem quoscumque damnant, & quoscumque absolvunt absolvimus: sub anathe-

matis interpositione ferientes cum, qui earundem quatuor Synodorum, maxime autem Chalcedonensis, de qua quibusdam imperitis hominibus c nata est dubietas & superstitionis occasio, fidei addere vel adimere præsumit.

Cum itaque integritatem nostram ex aperta mea d traditione seu professione cognoscitis, dignum est ut de Ecclesia beati Petri Apostolorum Principis nullum ulterius scrupulum dubietatis habeatis: sed in vera fide persistite, & vitam vestram in petra Ecclesiæ, hoc est in confessione beati Petri Apostolorum Principis solidate: ne tot vestræ lacrymæ tantæque bona opera pereant, e si a fide vera inveniantur aliena. Sicut enim rami sine virtute radicis arescunt; ita opera quantumlibet bona videatur, nulla sunt, si a soliditate fidei disjungantur. Decet ergo Gloriam vestram ad reverendissimum fratrem & coepiscopum nostrum Constantium, cuius & fides & vita olim mihi bene est approbata, sub omni celeritate trans-

b

c

d

e

transmittere, eique directis epistolis indicare ordinationem ejus quam benigne suscipitis: & quia ab ejus Ecclesiæ communione in nullo separamini; ut vere, sicut de bona ac fidei filia, communi exultatione

gratulemur. In hoc autem vos ac vestra opera Deo placere cognoscite, si prius quam ejus examen veniat, Sacerdotum illius judicio comprobentur.

AN. CHR.
593. 594.
GREG. 4.
8932

NOTÆ AD EPIST. XXXVIII.

a Hæc epistola fere convenit cum ep. 4. quam non fuisse datam apparet ex ep. 37. nunc 39. *Guffanv.*

b In quatuor Vatic. Norm. Corb. Reg. legitur, *in qua Nestorius & Dioscorus, Chalcedonensem in qua Eutyches damnatus est*; quod contra Conciliorum historiam pugnat.

c In Norm. & Corb. optimo sensu, *nata est suspicionis occasio, addere, &c.* In Vatic. A. & B. *nata est dubietas,*

fidei ad. In C. & D. nata est suspicionis occasio fidei addere. In Reg. desideratur, suspicionis.

d Abest traditione a Vatic. C. a Norm. Reg. & Corb.

e Non quod de fide jurgarentur, sed quia pertinacia in schismate affinis est hæresi, vixque est ut eam non involvat, cum ab Ecclesia, quæ est columna & firmamentum veritatis, abducatur.

Al. XXXVII.

EPISTOLA * XXXIX.

Ad Constantium Episcopum.

Brixianis civibus non juret se tria capitula minimè damnassee; sed in epistola integram Chalcedonensis Synodi fidem profiteatur. Johannem Ravennatem intra Missarum solemniam non nominet, nisi id postulet antiqua consuetudo, aut ab illo soleat ipse nominari. Theodelindæ iterum scribens, jam quintæ Synodi non meminit, quæ tamen contra priores quatuor statuit nihil. Compescat Fortunatum. Ursicinum e status sui conditione non pulset.

Gregorius Constantio Episcopo Mediolanensi.

Scriptis Sanctitatis vestræ percursis, in gravi vos mœrore esse cognovimus, maxime ^a propter Episcopos & cives ^b Brixie, qui vobis mandant ut eis epistolam transmittatis, in qua jurare debeatis vos tria capitula minime damnassee. Quod si decessor Fraternitatis vestræ Laurentius non fecit, a vobis quæri non debet. Si autem fecit, cum univresali Ecclesia non fuit, & cautionis suæ juramenta transcendit. Sed quia eundem virum sua credimus sacramenta servasse, atque in unitate Catholicæ Ecclesiæ permansisse, dubium non est quod nulli Episcoporum suorum juraverit se

Tom. VII.

tria capitula minime damnassee. Ex qua re colligat Sanctitas vestra, quia cogi non debet ad hoc quod a decessore vestro factum nullo modo est. Sed ne ii, qui vobis ista scripserunt, scandalizari videantur, transmittite eis Epistolam in qua sub anathematis interpositione fateamini, neque vos aliquid de fide Chalcedonensis Synodi imminuere, neque eos qui imminuunt recipere, & quoscumque damnavit damnare, & quoscumque absolvit absolvere. Unde credo eis posse celerrime satisfieri.

Quod autem scripsistis, quia scandalizantur plurimi eorum, quia fratrem

L I

AN. CHR.
593. 594.
GREG. 4.

275
c

trem & coepiscopum nostrum Johannem Ravennatis Ecclesiæ c inter Missarum solemniam nominetis, requirenda vobis consuetudo antiqua est; & si consuetudo fuit, modo a stultis hominibus reprehendenda non est. Si vero consuetudo non fuit, fieri non debet unde quibusdam scandalum moveri possit. Tamen solite d perquirere studui, si idem Johannes frater & coepiscopus noster vos ad altare nominet, quod minime dicunt fieri. Et si ille vestri nominis memoriam non facit, quæ necessitas cogat ignoro, ut vos illius faciatis. Quod quidem si sine aliquorum scandalo fieri potest, vos tale aliquid facere valde laudabile est, quia caritatem, quam erga fratres vestros habetis, ostenditis.

Quod autem scripsistis, quia epistolam meam Reginæ Theodelindæ transmittere minime voluistis, pro eo quod in ea quinta Synodus nominabatur; si eam exinde scandalizari posse credidistis, recte factum est, ut minimè transmitteretis. Unde nunc ita facimus sicut vobis placuit, ut quatuor Synodos solummodo laudaremus. De illa tamen Synodo, quæ in Constantinopoli postmodum facta est, quæ a multis quinta nominatur, scire vos volo quia nihil contra quatuor sanctissimas Synodos constituerit, vel senserit: quippe quia in ea de personis tantummodo, non autem de fide

aliquid gestum est, e & de his personis, de quibus in Chalcedonensi Concilio nihil continetur; sed post expressos canones facta contentio & extrema actio de personis ventilata est. Nos tamen sicut voluistis ita fecimus, ut ejusdem Synodi nullam memoriam faceremus. Sed & de Episcopis quæ scripsistis, prædictæ filiæ nostræ Reginæ scripsimus. Ursicinum qui vobis scripsit aliqua contra Johannem fratrem & coepiscopum nostrum, vos per epistolas vestras & dulcedine & ratione ab intentione sua compescere debetis. De Fortunato autem Fraternitatem vestram esse sollicitam volumus, ne vobis a malis hominibus in aliquo subripiatur. Nam audio eum cum decessore vestro Laurentio f ad mensam Ecclesiæ per annos plurimos nunciusque comedissee, inter nobiles confedissee, & subscripsisse: eumque fratre nostro scientes in numeris militasse. Et post tot annos modo videtur Fraternitati vestræ, ut de status sui conditione pulsetur. Quod mihi omnino incongruum videtur. Et ideo hoc per ipsum vobis, sed secreto mandavi. Tamen si quid est rationabile quod ei possit opponi, in nostro debet iudicio ventilari. Ad filium vero nostrum domnum Dynamium, si omnipotenti Deo placuerit, per hominem vestrum scripta transmittemus.

NOTÆ AD EPIST. XXXIX.

a Ita legimus in MSS. Norm. Vatic. Reg. &c. vulgati habent, *propter Episcopum*.

b Vulgo Brescia, Gall. *Bresse*, urbs adhuc Episcopalis sub Archiepiscopo Mediolanensi. *Guffanv.*

c Passim occurrit in antiquis monumentis ista nomenclatura inter Missarum solemniam recitatio. Scribebantur autem in tabellis sive diptychis, de quibus multa quandoque his mota est. Altera tabella vivorum erat, altera mortuorum; eaque ratione suam invicem

communem testabantur, διπτυχας, duplicatus, πτύχη, plica, codicilli duplices. Balsamo in can. i. Concil. Constantin. I. & II. vocat hanc recitationem ἀναστροφὴν τῶν ὀνόματι τῶν ἐπισκόπων. Neque vero solius Episcopi nomen ad altare recitari solitum, sed extraneorum etiam, docet ep. 40. Leonis ad Anatolium c. 3. & ep. 46. c. 2. quod & innuit S. Gregorius his verbis: *Si idem Johannes frater & coepiscopus noster vos ad altare nominet*. *Guffanv.* De diptychis plura Menardus tum ad Concordia Re-

Regul. c. 4. §. 4. tum in notis 69. & 70. ad lib. Sacr. & Card. Bona de rebus Liturgicis l. 2. c. 12.

d In vulgatis, *perquirere stude*, ut etiam in unico Vatic. In cæteris, *stuidi*, consentientibus Norm. & aliis.

e In Chalcedonenſi Concilio de Theodoro & Iba expreſſis verbis añ. 8. 9. 10. iudicatum eſt. Itaque videtur S. Gregorius aut non ſatis attendiſſe, aut aliud quid innuiſſe. De ſolo Theodoro MoſueſtENO locutum eum fuiſſe indicat ep. 36. nunc 51. lib. 2. Indiēt. 10. Quod ait de canonibus, probat aut ſanctum virum aliquid humani paſſum, aut canones ſuo non referri loco añ. 15. aut per canones ipſum fidei decretum eſſe intelligendum. Porro Græci vocabant diatypoſes quæ de fide ierant definitiones, *opus* autem quæ de diſciplina. Vide, Geſaſium Cyzicenum ad Conc. Nicæn. part. 2. *Guffanv.*

f Videtur fuiſſe Mediolori menſa com-

munis Clericorum. *Guffanv.*

g Ita legendum cenſeo ex editione Veneta ann. 1504. licet MSS. & editi codices reſragentur, in quibus legitur, *innumeris annis militaſſe*. Imperitia videlicet exſcriptorum, qui forte non legerant numerum eidem eſſe cohortem, &c. Gall. *bande, troupe, compagnie*. Plura de hac voce diximus ad cap. 35. lib. 4. Dialogorum. *Guffanv.* Imperitos tamen illos ſecutus eſt ipſe Guſſanv. qui & hoc loco legit *innumeris annis*, & in Dialogorum lib. 1v. cap. 35. ubi legendum ex omnibus MSS. *qui erat Optio in numero*, lectionem hanc ita corruptit, *qui alio nomine Optio dictus fuit*. Verum qua oſcitantia dicit MSS. codices reſragari huic leſt. *in numeris militaſſe*? certe ita legitur in ſeptem Norm. in duobus Regiis & in pleriſque: abſurda autem proriſus eſt alia leſtio, *innumeris annis militaſſe*.

AN. CHR.
593. 594.
GREG. 4.
66755

Al. xxxvii.

E P I S T O L A * XL.

Ad Marcellum Scholaſticum.

Pro Maximo indulgentiam poſtulanti amice indicat id reſtitutionem diſciplinæ non pati.

2

Gregorius Marcello ^a Scholaſtico.

Sup. Ep. 10.

GLoriæ veſtræ caritas ſic in noſtro corde ſemper invigilat, ut nihil ſibi corporalis defendat abſentia. Nam quamvis a carnalibus oculis longe eſt, mentis tamen aſpectibus nunquam deeſt. Frequenter enim nos voluntas ad ſcribendum deſideranter impellit, ſed occupatio non permittit. Dum ergo nobilitatis veſtræ peritia non ignoret, quantis ſit locus noſter occupationibus involutus: quod a ſcribendi interdum ceſſamus officio, non voluntatis, ſed neceſſitatis eſſe conſideret. Gloria autem veſtra quod tardius in ſua nos requirit epiſtola, qua poſſit excuſatione defendere, non videmus. In hoc igitur ſola me debui taciturnitate defendere, ſed fervor caritatis linguam meam non pertulit habere ſilentium. Salutan-

tes itaque cum omni affectu atque dulcedine, indicamus nos graviter contriſtatos quod illa a nobis voluiſtis expetere, in quibus dum voluntatem veſtram perficere, quia obſiſtit ratio, non valemus, contriſtare vos, quod nolumus, videmur. Nam hoc nos ſine correptione relinquere, Eccleſiaſtica non ſinit aliquo modo diſciplina: nec vos pro talibus decet petere, ne non reſtitutioni, ſed indiſciplinationi, quod abſit, videamini conſentire. Cauſa pro ejuſdem Maximi pro quo nobis ſcribitis, quem ſi Miſſarum ſolemnia celebrare præſumſerit, jam ſacri corporis communionem privaviſmus: matura quando oportuerit deliberatione, ſicut Deo noſtro placuerit, iudicabitur atque diſponetur. Oramus autem omnipotentem Dominum, ut & hic

L I 2

vos

AN. CHR. vos sua ^b propitiatione custodiat, & ^c ad æternæ vitæ præmia perducatur. ^c Mensē Augusto, Indictione XIII.

593. 594.
GREG. 4.
26733

NOTÆ AD EPIST. XL.

^b a Scholasticus significat aliquando virum eruditum, sapientem, eloquentem; aliquando advocatum seu caularum Patronum. Sic interpretandum censemus ubi nomini subicitur, ut in hujusmodi epistolarum inscriptionibus, & pro dignitatis titulo attexitur. Unde conijce quo tunc loco haberentur advoca-

ti, ad quos scribens summus Pontifex, Gloriæ appellationem & titulum non secus ac Præfectis, Patriciis, Exarchis, imino Regibus, tribuit.

^b Exculi, *protectione*.

^c Hæc desunt in MSS. Norm. ac plur. Exstant in Colbert. & in Vatic.

Al. XXXIX.

EPISTOLA * XLI.

Ad Clerum, Ordinem, & plebem Hortonæ.

Barbarum Visitatorem delegat. Ante omnia monet ne laicam personam in Episcopum eligant.

^a Gregorius Clero, Ordini, & plebi consistenti ^a Hortonæ.

^b **V**estri ^b Antistitis obitum cognoscetes, curæ nobis fuit, destitutæ Ecclesiæ visitationem fratri & coepiscopo nostro ^c Barbaro solemniter delegare. Cui dedimus in ^d mandatis, ^d ut nihil de reditu, ornatu, ministeriisque a quoquam usurpari patiatur: cuius vos assiduis adhortationibus convenit obedire. Hoc tamen scitote, quia ei ordinandi Presbyteros ac Diaconos, si necesse fuerit, quos dignos ad hoc officium invenire potuerit, dedimus licentiam: ^e quatenus in Ecclesiastico obsequio Sacerdos exquiratur, qui a venerandis canonibus nulla discrepet ratione, & tan-

to ministerio dignus valeat reperiri. Qui dum fuerit postulatus, cum solemnitate decreti omnium subscriptionibus roborati, & visitatoris pagina prosequente, ad nos veniat ordinandus: provisorum ante omnia ne cuiuslibet vitæ vel meriti laicam personam præsumatis eligere. Et non solum ille ad Episcopatus apicem nulla ratione ^f provehetur; verum etiam vos nullis intercessionibus veniam promereri posse cognoscite. Sed omnes quos ex vobis de laica persona aspirare constiterit, ab officio & a communione alienos faciendos proculdubio noveritis.

NOTÆ AD EPIST. XLI.

^a (Vid. ep. 39. l. 2. & 41. l. 4. & 26. l. 5.) Vulgo *Ortona*, urbs olim Samnii in ora maris Adriatici, distans a Teate 12. mill. in ortum. Nunc Aprutii citerioris in Regno Neapolitano, adhuc Episcopalis sub Archiepiscopo Teatino. *Guffanv.* In Remensi & uno e Vatic. legitur, *Cotrone*.

^b Is Blandus vocabatur, ex ep. 33. libri 1. si tribus Vaticanis fides, nam pro *Hortensis*, habent, *Hortonensis*, ut observavimus in fine not. ad eandem epist.

^c Erat Beneventanus Episcopus, vir industrius, & S. Gregorio valde proba-

tus, quippe cui etiam post mortem Victoris, Panormitanæ Ecclesiæ visitationem commisit ex ep. 16. l. 11. nunc 13. l. 13. De eo quoque mentionem facit ejusdem lib. ep. 19. nunc 14. Putat tamen Ughellus tomo 6. Italiæ sacræ hunc Barbarum, quem & Barbatum dicit appellari, fuisse tertium Episcopum Teatinum, cui utpote viciniore Ecclesiam Ortonensem visitandam commendavit. *Guffanv.* In Remensi pro *Barbaro* legitur, *Johanni*. Ita etiam in Vatic. D. In al. Vatic. Turon. Reg. nomen Episcopi tacetur. In aliis MSS. nostris desideratur hæc ep. Exstat in Colbert. & in Rem.

d Rem. ut nihil de provectionibus Clericorum, redditu &c.

e Ita Vaticani omnes, Regii & Turon. Consentit etiam codex Remensis, nisi quod in eo desideretur, & tanto ministerio dignus valeat inveniri. In

vulgatis legitur: quatenus . . . sacerdos, qui & vener. canonibus ulla non discrepet ratione, & tanto &c. communiter eligatur.

f Excusi, provehatur.

AN. CHR.

593. 594.

GREG. 4.

8733

c

A. 1.

E P I S T O L A * XLII.

Ad Valentinum Abbatem.

Ne Monachi feminas in Monasterium inducant, aut eas sibi commatres faciant.

a

Gregorius a Valentino Abbati.

d

Grat. 18. q. 2. c. 20. Pervenit. Lib. 11. Ep. 25.

b

Pervenit ad nos quod in monasterio tuo passim b mulieres ascendant; & quod adhuc est gravius, Monachos tuos mulieres sibi commatres facere, & ex hoc incautam cum eis communionem habere. Ne ergo hac occasione humani generis inimicus sua eos, quod absit, calliditate decipiat: ideo hujus te præcepti serie commonemus, ut neque

mulieres in monasterio tuo deinceps qualibet occasione permittas ascendere, neque Monachos tuos eas commatres sibi facere. Nam si hoc denuo ad aures nostras quocumque modo pervenerit, sic te severissimæ noveris ultioni subdendum, ut emendationis tuæ qualitate cæteri sine dubio corrigantur.

N O T Æ A D E P I S T. XLII.

a In Colbert. ep. hæc inscribitur, Venantio.

b Vide lib. ix. ep. 20. & septimam

Gelasii Papæ I. Maur. Vide & Greg. cam. de συνησχατοι; & Arcud. de Matrim. E. V.

A. 1. 11.

E P I S T O L A * XLIII.

Ad Bonifacium virum magnificum.

Veniat Romam, de fide sua, jam non per epistolas, sed per semetipsum responsurus. Qui cum eo dubia patiuntur, secure venire posse: cum non potestate, sed ratione erga ipsos usurus sit.

a

Gregorius a Bonifacio viro magnifico Africæ.

b

Si ita, ut audieram, Magnitudo vestra intentione sollicita b de animæ suæ vita cogitaret, nequaquam se mihi de fide sua per epistolas, sed per semetipsam posceret respondere. Nam quod in excusationem molestia corporalis adducitur, exspectato salutis tempore, laborem summopere potuistis pro commodo æternæ salutis assumere; ut & vos de nostra ratione, & nos de vestra

credulitate gauderemus. Ea enim, quæ meis scripsi epistolis, replicanda nunc non sunt, c neque alia ratiocinatione monstranda: quia apud nolentis animum, quamvis sit evidens ratio, d hæc ipsa obstaculum esse solet. Sed per vos venite, & beati Petri Apostolorum Principis liminibus vosmet præsentate, & cuncta quæ scripsi, nisi ex lectione monstravero, cum qua vultis disputare.

c

d

ta.

AN. CHR.

593. 594.

GREG. 4.

6673

tatione, recedite. Hortor vos tamen, ut dum vitæ spatium superest, ab ejusdem beati Petri Ecclesia, cui claves cœlestis regni commissæ sunt, & ligandi ac solvendi potestas attributa, vestra anima non inveniat divisâ; ne si hic beneficium ejus despiciatur, illic vitæ aditum claudat.

Hi autem qui dubitationis vestræ

participes sunt, si ad me venire voluerint, nullam in me quasi ex potestate prodeuntem violentiam pertimescant. Nam nos licet in omnibus causis, in his tamen præcipue quæ Dei sunt, ratione magis stringere homines, quam potestate festinamus.

N O T Æ A D E P I S T. XLIII.

a In Vulgatis, omittitur *viro*, secus in MSS.

b Excusi habent *salute Pro, vita; & potuit, pro posceret*. Lektionem quam exhibemus confirmant omnes MSS. nostri Vatic. Norm. Reg. Corb. Turon. Rem. Colb.

c Ita melius MSS. omnes, quam editi, *neque aliqua ratiocinatione monstran-*

da. Contra mentem S. Doctoris, qui ratione convincendum judicavit Bonifacium Verum scribit rationibus quas jam adhibuit, aliam non addendam.

d Vulgati recent. *hoc ipsum quod non vult, obstaculum obedientiæ esse solet*. Ubi emendicata hæc lectio fuerit nos fugit. Certe non in MSS. Vatic. Norm. &c. quos supra laudavimus.

Al. xlii.

E P I S T O L A * XLIV.

Ad Maximianum Episcopum.

Quosdam e Bacaudæ Episcopi clero, ad sacros ordines in Sicilia promotos, ad ipsum illos repetentem transmittat.

Gregorius Maximiano Episcopo Syracusano.

Indicavit nobis Bacauda frater & coepiscopus noster, quosdam de clero suo in Sicilia partibus ad sacros ordines pervenisse. Qui quoniam neque Presbyterum, neque Diaconos se habere commemorat, ^a eos ad se petiit debere transmitti. Proinde Fraternitas tua ubicumque

illos latore præsentium indicante repererit, huc eos sine dilatione transmittat: quatenus & illi ad Ecclesiam in qua olim militaverunt, revocentur, & ante dictus Episcopus optatum de eis possit habere solatium.

N O T Æ A D E P I S T. XLIV.

a Suos Clericos in Sicilia fuisse partibus ordinatos dicit, bello, ut quidem reor, e sua pulsos diœcesi. Sine dimissoriis promotos suspicor quasi in-

digenas aut ratione domicilii proprios; lege canonum revocata Nicæno c. 15. & 16. *Gulfanu*.

M. XLIII.

E P I S T O L A * XLV.

Ad Fantinum Defensorem.

Solidos sexaginta mittit pro Cosma persolvendos.

Gregorius Fantino Defensori.

AN. CHR.

593. 594.

GREG. 4.

66773

1

Job. Dia.
l. 2. c. 55.

a

b

L Ator præsentium ^a Cosmas Syrus in negotio, quod agebat, debitum se contraxisse perhibuit, quod & multis aliis & lacrymis ejus attestantibus verum esse credidimus. Et quia 150. solidos debebat, volui ut creditores illius cum eo aliquid paciscerentur: quoniam & ^b lex habet, ut homo liber pro debito nullatenus teneatur, si res defuerint, quæ possint eidem debito addici. Creditores ergo suos, ut asserit, ad 80. solidos consentire possibile est. Sed quia multum est ut a nil habente homine 80. solidos petant, 60. solidos per notarium tuum tibi transmisimus, ut

cum eisdem creditoribus subtiliter loquaris, rationem reddas, quia filium ejus quem tenere dicuntur, secundum leges tenere non possunt. Et si potest fieri, ad aliquid minus quam nos dedimus, condescendant. Et quidquid de eisdem 60. solidis remanserit, ipsi trade: ut cum filio suo exinde vivere valeat. Si autem nil remanet, vel ad eandem summam debitum ejus incidere stude, ut possit sibi libere postmodum laborare. Hoc tamen solerter age: ut acceptis solidis, ei ^c plenariam munitionem scripto faciant.

c


N O T Æ A D E P I S T. XLV.

^a Eundem esse putamus de quo l. III. ep. 58. Hieronymus in illud Ezechielis 27. 16. Syrus negotiator tuus... Usque hodie autem, inquit, permanet in Syris ingenitus negotiationis ardor, qui per totum mundum lucri cupiditate discurrunt, & tantam mercandi habent vesaniam, ut occupato nunc orbe Romano, inter gladios & miserorum necem quærant divitias & paupertatem periculis fugiant. Idem ad Lætam: Negotiatoribus avidissimis mortalium Syris Sidon. l. 1. ep. 8. de Ravennatium perversione: fanerantur, inquit, Clerici, Syri psallunt.

^b Novell. 134. c. 7. ubi de filio debitoris agitur. Quia vero & hujusmodi iniquitatem in diversis locis nostræ Reipublicæ cognovimus admitti, quia

creditores filios debitorum præsumunt retinere aut in pignus aut in servile ministerium aut in conductionem: hoc modis omnibus prohibemus, & jubemus ut si quis hujusmodi aliquid deliquerit, non solum debito cadat, sed tantam aliam quantitatem adjiciat, dandam ei qui retentus est ab eo aut parentibus ejus; & post hoc etiam corporalibus pœnis ipsum subdi a loci judice, quia personam liberam pro debito præsumserit retinere aut locare, aut pignorare. Totam legem exscripsi, quia multa continet notabilia. Guffano.

^c Gall. une entiere discharge. Instrumentum quo de liberatione constat, vocant sæpius Jurisconsulti munimentum, quod a cujuslibet litigantis insultu hominem tutum reddit ac munit. Guff.

A. N. CHR.
593. 594.
GREG. 4.

Al. XLIV.

E P I S T O L A * XLVI.

Ad Rusticianam Patriciam.

Festinum nimis illius e monte Sina reditum reprehendit.

Gregorius Rusticianæ Patriciæ.

EXcellentia vestra scripta susci-
piens, libenter agnovi, qua-
liter ad montem Sina perrexerit.
Sed credite: ego quoque voluissem
vobiscum ire, sed vobiscum mini-
me redire. Quamvis mihi valde
difficile sit credere, quia ad loca
sancta fuistis, ^a Patres multos vi-
distis. Nam credo si vidissetis, tam
celeriter ad Constantinopolitanam
urbem redire minime poteratis. At
postquam talis civitatis amor de
corde vestro nullo modo recessit,
suspicio, quia Excellentia vestra
sancta quæ corporaliter vidit, ex
corde minime attendit. Sed omni-
potens Deus mentem vestram gra-

tia suæ pietatis illustret, donet vo-
bis sapere, & temporalia omnia
quam sint fugitiva, pensare: quia
dum hæc loquimur, & tempus cur-
rit, & iudex supervenit, & mun-
dum, quem sponte nolumus, ecce
jam prope est ut dimittamus invi-
ti. Domnum Apionem & domnam
Eusebiam, eorumque filias mea pe-
to vice salutari. Domnam vero il-
lam nutricem meam, quam mihi
per litteras commendatis, omnino
diligo, & gravari in nullo volo.
Sed tantis angustiis preminur, ut
^b ab angariis atque oneribus hoc
jam tempore nec nosmetipsos ex-
cusemus.

N O T Æ A D E P I S T. XLVI.

^a Scilicet monachos monasterii mon-
tis Sina. Exstat epistola S. Greg. l. xi.
secunda, ad Palladium hujus monaste-
rii aut Abbatem aut Monachum, ad
quem cucullam & tunicam mittit. Hic
advertit monachos, nomine tituloque
Patrum insignitos, quod usu receptum
tum apud Græcos tum apud Latinos
Scriptores. Nam Græci acta eorum,
vitas Patrum appellarunt; dicta, *apo-
phthegmata Patrum*, in quibus a Cote-
lerio collectis sæpe leges: *narravit Pa-
trum aliquis*. Idem sonat Abbatis titu-
lus omnibus saltem insignioribus mo-
nachis in Orientali Ecclesia collatus.
Pro Latinis testis prodeat Venantius
Fortunatus de vita S. Martini.

*Inde monasterium sibi condit rupe
sub alta;*

*Vir Monachus præstans in Pontifi-
catus honore.*

*Plurima conveniunt ubi sancta exa-
mina Patrum.*

De Patrum appellatione Religiosis non
dæneganda, scripsit singularem disserta-

tionem Theophilus Raynaudus e So-
cietate Jesu. Antiquissimum morem
probat Hieronymus, etiam reprobet: *Ne-
scio*, inquit in cap. 4. ep. ad Gal. *qua
licentia in monasteriis vel vocemus hoc
nomine patris alios, vel vocari nos acqvie-
scamus.*

^b Ea vox his in epistolis sæpius oc-
currit pro exactionibus, functionibus,
muneribus, operibus coactis. Jurecon-
sulti pro præstationibus equorum aut
ad cursum publicum, Gal. *les postes,
parangarias*. Sunt servitutes coactæ,
onera: & species vestigalium. Vocem
Budæus notat esse Perlicam. Ita Sui-
das. Cum plus compellimur præstare,
aut solvere, aut facere, quam juris sit,
quam debeamus, angaria est. Gallice
opera, quas domini a suis violenter
exigunt colonis, vicariis, rusticis, vo-
camus *corvées*: quidni derivamus an-
gariam ab angendo? De angariis etiam
loquitur Gregorius ep. 68. lib. 1. nunc
70. *Guffanv.*

Ad Sabinianum Diaconum.

Maximi, qui Gregorii scripta publice scindi fecerat, superbiam comprimendam. Ejus calumnie de Malcho Episcopo occiso quid respondendum. Monendum de duobus Romanum.

Gregorius ^a Sabiniano Diacono.

a

b

DE causa ^b Maximi prævaricatoris quid actum sit cognovisti. Sed postquam serenissimus dominus Imperator iussiones transmisit ut ordinari minime debuisset, tunc ad altiore[m] superbiam erupit. Nam homines gloriosi viri Patricii Romani ab eo præmia acceperunt, eumque ^c ita ordinari fecerunt, ut Antonium Subdiaconum, & rectorem patrimonii nisi fugisset occiderent. Ego autem epistolas transmisi, postquam eum ordinatum contra rationem cognovi, & contra consuetudinem, ut Missarum solemnia celebrare non præsumeret, nisi prius ^d a serenissimis dominis cognoscerem, quid de ejus persona jussissent. Quæ scripta mea publice relata, vel in civitate posita, publice scindi fecit, atque ^e in contemptum Sedis apostolicæ ^e aperiens exsiliit. Quod ego qualiter patiar scis, qui ante paratior sum mori, quam beati Petri Apostoli Ecclesiam meis diebus degenerare. Mores autem meos bene cognitos habes, quia diu porto: sed si semel deliberavero non portare, contra omnia pericula lætus vado. Unde necesse est cum Dei auxilio periculo succurrere, ne cogatur excedendo peccare. ^f Vide quæ dico, & pensa ex quanto dolore sunt.

c

d

e

f

Pervenit vero ad me quia transmisit nescio quem Clericum, qui diceret, quia Malchus Episcopus in custodia pro solidis occisus sit. De qua re unum est quod breviter sug-

geras serenissimis dominis nostris; quia si ego servus eorum in morte Langobardorum me miscere voluissem, hodie Langobardorum gens, nec regem, nec duces, nec comites haberet, atque in summa confusione esset divisa. Sed quia Deum timeo, in mortem cujuscunque hominis me miscere formido. § Malchus autem Episcopus neque in custodia fuit, neque in aliqua afflictione, sed die qua causam dixit, ^h & addictus est, nesciente me, a Bonifacio notario in domum ejus ductus est, cui & prandium factum est, ibique prandit, & honoratus est ab eo, & nocte subito mortuus est, quod jam Dilectionem tuam arbitror cognovisse. Exhilaratum autem nostrum pro ea re dirigere volui. Sed quia jam eandem causam actam existimavi, idcirco me retinui.

Jch. Diac.
lib. 4. c. 64.Grat. 9. 16.
c. 20.

g

h

Domno autem Romano Dilectio tua dicat, quia pro Felice, sicut scripsit ad virum excellentissimum ⁱ magistrum, epistolas, si Deus jussit facio, & per hominem meum transmittito. Nam modo postquam nulli alteri scribo, durum mihi fuit soli magistro scribere. Cui etiam dicendum est, quia Catellus Palatinus substantiam ejus, quantum Virigantinus dicit, male exterminat. Cui vix potui imponere, ut expensas eidem Virigantino in monasterio quo lectioni vacat, & laborare non potest, parum aliquid de substantia matris suæ dare debuisset.

i

AN. CHR.

593. 594.

GREG. 4.

NOTÆ AD EPIST. XLVII.

66733

a In Vatic. *Sabiniano Diacono, apud Constantinopolim*. Ibi Apocrisarii pro Gregorio provincia fungebatur. Hæc ep. extra Registri ordinem in calce inter prætermittas reperitur in multis MSS. præsertim Norm. Exstat in collectione Pauli Diaconi prima, in indice inscribitur: *Ad Sabinianum Diaconum Constantinopolitanum*.

b De eo consule supra ep. 20. ad ipsum scriptam.

c In Aud. & aliis plu. MSS. *ita ordinari fecerunt. Antonium . . . nisi fugisset occiderent*.

d In collect. Pauli prima manu, *domnis*; secunda, *dominis*. Quocirca observandum, collectas illa epistolas a Clericulo parum litterato primo scriptas, & postea manu Pauli correctas & emendatas saltem num. 34.

e In eadem collect. *apertus*.

f In Vatic. A. *unde quæ dico pensa ex quanto &c.*

g Pugnant hic MSS. Audoenus & Norm. habent, *quod Malchus autem neque in custodia fuit*. Favent Vatic. A. & D. In collect. Pauli, *quod modo autem neque in custodia*.

h De vocis hujus sensu diximus l. 2.

Moral. nu. 15. ubi vide notas. Sic locus ille legitur in Vatic. A. *die qua causam dixit, adductus est . . . a Bonifacio notario in domum ejus: cui & prandium factum est*.

i Ejus dignitas summa erat inter Patricios. Vide Theodoretum, Cedrenum, Codinum, Zonaram, Evagrium. Erant autem plures postremis seculis usque ad 24. Eorum, ut conjicio, præcipuus erat *Magister officiorum*. Conc. CP. VI. 2. *μάγιστος ἢ βασιλικῶν ὀφφικίων*, Palatii *magister*. Chalced. act. 1. *μάγιστος ἢ βασιλικῶν ὀφφικίων*, *divinorum seu aulicorum officiorum Magister*. Reperitur & hæc vox apud S. Athan. in Apologia ad Imp. Const. & apud S. Basilium ep. 84. & alios. Dicitur & *μαγιστὴρ* & *μαγιστεράριος*. Porro dignitas *magistri* dicebatur *Magisteria*, Gr. *μαγιστεία* apud Simocattam lib. 3. c. 15. *Θεόδωρον τῇ μαγιστείᾳ ἀρχῇ τιμώμενον*. Et Childebertus Rex Fr. eorum in ep. ad eundem Theodorum *Magistrum* tom. 1. hist. Franc. *Prælati Magisterii vestri*. Guftanv. Formulam *Magisteriæ* dignitatis habes apud Cassiodorum libro vi. Variar. §. vi.



S A N C T I
G R E G O R I I P A P Æ
R E G I S T R I E P I S T O L A R U M

AN. CHR.
594. 595.
GREG. 5.
66739

Al. lib. 19.

L I B E R * Q U I N T U S

Mense Septembri Indictione XIII.

E P I S T O L A I.

Ad Johannem Ravennatem Episcopum .

Non præponendos Monasteriis Clericos Ecclesiis deservientes.

Gregorius Johanni Ravennati Episcopo , &c.

² **P**ervenit ad me ^a quod in Ecclesia Fraternitatis tuæ aliqua loca dudum monasteriis consecrata , nunc habitacula Clericorum aut etiam laicorum facta sunt : dumque hi , qui sunt in Ecclesiis , fingunt se religiose vivere , monasteriis præponi appetunt , & per eorum vitam monasteria destruuntur . Nemo etenim potest & ^b Ecclesiasticis obsequiis deservire , & in monachica regula

Job. Diac.
l. 2. c. 54.
Grat. 12. q.
1. o. 26.
Pervenit.

Grat. 16. q.
1. c. 2 Nemo.

b

ordinate persistere : ut ipse monasterio distractionem teneat , qui quotidie ^c in ministerio Ecclesiastico cogitur permanere . Proinde Fraternitas tua hoc , quolibet in loco factum sit , emendare festinet : quia ego nullo modo patiar , ut loca sacra per Clericorum ambitum destruantur . Vos itaque ita agite , ut mihi hac de re correctam causam sub celeritate nuntietis .

c

N O T Æ A D E P I S T . I.

^a Al. in Ecclesiis , ut in Vatic. C.
^b Gratianus habet , Ecclesiasticis officiis .

^c Quatuor Vatic. & Corb. in obsequio Ecclesiastico .

E P I S T O L A II.

Ad Felicem Episcopum & Cyriacum Abbatem .

Introducendos in Monasterium a Theodosia fundatum servos Dei .

² **Q**uerelam ^a Theodosiæ religiosæ femine , subditæ vobis satis series relationis explanat , in qua plura & non ad sacerdotalem pertinentia mansuetudinem , contra Januarium fratrem & coepiscopum nostrum capitula comprehensa relegimus : itaut post fundatum a se servorum Dei monasterium , ^b omne quod

b

ad avaritiam , turbulentiam , præjudiciumque pertinet , ^c tempore dicatur oratorii ipsius dedicationis exhibitum . Quamobrem si ita est ut ante fata ejus suggestionem comperimus , & in hoc quidquam cognoscitis indecentius fuisse commissum : hortamur ut Musicum Abbatem monasterii Agilitani , remotis prius o-

c

M m 2 mni-

AN. CHR.
594. 595.
GREG. 5.

mnibus præjudiciis, studeatis ut in Monachos suos, quos illic ordinare cœperat, summopere vacare festinet: quatenus ipso venerabili loco, ^d decenti regularique modo per vos, Domino juvante, disposito, nec frequens nos prædictæ religiøsæ femi-

næ de non impletis bonis desideriis suis querela concutiat: nec cum vestræ detrimento sit animæ, si tam pium propositum aliqua vobis negligentibus, quod non credimus, dilatione torpescat.

NOTÆ AD EPIST. II.

^a De isto Theodosiæ monasterio jam supra lib. 4. ep. 15.

^b Refertur 18. q. 2. c. 26. ubi probat Gratianus exemta fuisse quædam monasteria propter avaritiam Episcoporum, qui salutem animarum negligentes, monasteria suis bonis spoliabant. Vide l. 6. ep. 29. & 43. necnon

l. 8. ep. 15. Hoc loco mutavimus vulgatam lectionem, *ad avaritiæ turbulentiam*, suadentibus, immo cogentibus MSS.

^c Tres Vatic. *tempore dedicaturi Orationi ipsius sit dedicationis exhibitum*.

^d Rem. *decenti venerabilique modo*.

Al. xvi.

EPISTOLA * III.

Ad Venantium Episcopum.

Presbyteri, Diaconi, & Subdiaconi qui se luxuriæ crimine maculaverint, suo gradu in perpetuum dejecti maneant. Peracta pœnitentia communionem accipiant inter laicos. Saturnino expresbytero monasteriorum quorundam curam suscipere concedit. Mittit baptizandæ mulieri vestem, & Columbo Presbytero codicem Regulæ pastoralis.

Gregorius Venantio Episcopo Lunensi.

Relectæ textus, quam Fraternalitas tua direxit, epistolæ, sollicitudinem tuam diligenter innotuit: sed cognita nos corporis tui molestia contristavit. Verumtamen dominica patienter debent sustineri flagella. Nam frequenter ad emendationem ægritudo conceditur. Et hoc ante Deum hominem purgatum statuit, quod in hac illum ad præfens vita contristat. Unde necesse est ut Creatori nostro, etiam in infirmitate positi, gratias referamus, & ut in illa nobis vita castigatio ista proficiat, exoremus.

^a Præterea ad Fraternalitatis tuæ consulta respondentes, statuimus Diaconum & Abbatem ^b de portu Veneris, quem indicas cecidisse, ad sacrum ordinem non debere vel posse ullo modo revocari. Quem quidem

sacro ordine privatum in pœnitentiam deputare te convenit. Cujus si postea actus conversatioque meruerit, priorem inter alios Monachos, ubi tu tamen decreveris, standi locum obtineat. Subdiaconi quoque, quos similis culpa constringit, ab officio suo irrevocabiler deposite, inter laicos communionem accipiant. In portu autem Veneris loco lapsi Diaconi, alium qui hoc officium implere debeat ^c ordinabis. Saturninum vero ^c Expressbyterum, ut nunquam ad sacri ordinis ministerium præsumat accedere, scriptis cavere decrevimus. Sed eum in insula Gorgona atque ^d Capraria ^e sollicitudinem de monasteriis gerere, & in eo in quo est statu sine cuiusquam adversitate manere permittimus. Fraternalitas ergo tua commissos

c


d

e

fos

f fos sibi vigilantī cura custodiat : a malis actibus sua, ut valet, prædicatione corripiat ; quatenus & officii sui inveniatur, sicut decet, implere propositum, & Deum sibi retributorem suæ faciat actionis existere. Nos vero omnino vos videre cupimus, atque in Deo de vestra præsentia & salute gaudere. ^f Vestem

vero ei, quæ baptizanda est, direximus ; atque ut nobis talia scribatis, semper optamus. Codicem vero regulæ Pastoralis domno Columbo Presbytero transmittendum per harum portitorem direximus, quem vos nolite detinere. Nam usui vestro alium sub celeritate transmittimus.

AN. CHR.
594. 595.
GREG. 5.


NOTÆ AD EPIST. III.

a Gratianus dist. 50. c. 10. unum caput conflavit ex ep. 5. & 16. nunc 6. & 15. ubi observabit lector S. Greg. sibi semper constare, cum de lapsis Ecclesiæ ministris agitur. Abbati tamen priorem inter Monachos locum obtinere permittit post penitentiam. Idem ep. 17. nunc 4. *Guffanv.*

b Portus Veneris, vulgo *Porto Veneri*, olim urbs Episcopalis in Liguriæ finibus, in sinu Lunensi, e regione urbis Lunensis sita : nunc oppidulum cum arce. *Guffanv.*

c Alii non male *Ex presbytero*, ut legitur in Norm. & in vet. ed. In plurim. MSS. legitur *Saturum*, vel *Saturnum*.

d Vulgo *la Capraia*, insula maris Tyrrheni Tusciam inter & Corsicam. *Guffanv.* De Gorgona vide ep. 52. l. 1.

e Id vide infra ep. 6. Supra prænotavimus Presbyterum lapsum, etiam si ad sacrum ministerium revocari non possit, posse tamen de monasteriis solitudinem gerere. *Guffanv.* Si ante lapsum, Abbatis officio fuerit perfunctus.

f Lib. 3. ep. 21. agit cum Episcopo

Lunensi de baptizandis Judæis ; hic baptizandæ vestem transmittit. In ep. 6. Pauli Papæ ad Pipinum Regem : *Præfatus sodalitiis vestræ illustris missum pretiosissimum nobis supernæ gratiæ munus attulit, sabanum videlicet, in quo dulcissima atque amantissima nostra spiritalis filia sacratissimo lavacro abluta suscepta est, quem & cum magna jucunditate aggregata populi cohorte infra aulam sacrati corporis auxiliatricis vestræ B. Petronillæ . . . celebrantes Missarum solemnia cum magno gaudio suscepimus, & per allatum eundem sabanum, &c.* Vestium istarum baptismalium & sabanorum, quorum usus erat in excipendis e fonte sacro baptizatis & exsiccandis, in libris superest memoria, nihil fere in ritibus. De vestibus innumeri testantur auctores. Inter cæteros S. Ambrosius de iis qui myst. init. c. 7. De sabanis Victor Uticensis de persecut. vandalorum lib. 3. ubi de Muricæ & Elpidosoro. *Guffanv.* Consule notas nostras ad c. 17. lib. III. Dia. & ad c. 55. lib. IV.

EPISTOLA * IV.

Ad Constantium Episcopum.

Id de lapsis decernit quod antecedenti epistola. Constantio scribit ut Johannem puniens, iram caveat. Ut ejusdem Constantii famæ consulatur. Finiendam Romæ causam Fortunati.

Gregorius Constantio Episc. Mediolanensi.

Grat. dist.
50. c. 1.

SI lapsis ad suum ordinem revertendi licentia concedatur, vigor canonicæ proculdubio frangitur disciplinæ, dum per reversionis spem, pravæ actionis desideria quisque concipere non formidat. Fraternitas si-

quidem vestra nos consuluit, si Ammandinus ex Presbytero & Abbate, qui a suo est decessore culpa exigente depositus, in eo quo fuerat ordine constitutus, debeat revocari. Quod quidem nec licet, nec fieri posse

AN. CHR.
594. 595.
GREG. 5.

663

posse aliqua ratione decernimus. E-
jus tamen si conversatio forte me-
ruerit, sacro per omnia sicuti est
privatus officio, in monasterio eum
ante alios, ut prævideritis, Mona-
chos ordinate. Illud igitur præ o-
mnibus studete, ut lapsos in sacrum
ordinem nullius vobis supplicatio ali-
quo modo revocare suadeat, ne hu-
jusmodi non statuta, sed tempora-
liter dilata credatur eis esse vindicta.

a Vitalianum vero ^a Expresbyterum,
de quo scribitis ut districte
debeat custodiri, in Siciliam dirigi
faciemus; ut spe discedendi sublata,
in pœnitentiæ se saltem tunc la-
menta constringat. Jobinum quoque
de portu Veneris quondam Diaconum
& Abbatem suo decrevimus
privandum officio, atque ut alter in
ejus loco debeat ordinari, scripsimus.
Similiter etiam & tres Subdiaconos
quos Fraternitas vestra lapsos inno-
tuit, a suo semper vacare, ac de-
cernimus privatos officio: quibus
nihil aliud quam inter laicos sacra
est præbenda communio. Saturninum
vero Expresbyterum ne ad sacri
ordinis ministerium præsumat un-
quam accedere, deputavimus ^b face-
re cautionem. Eumque in eadem
qua fuerat insula cum sacri ordinis
privatione volumus permanere, per-
mittentes ei curam & sollicitudinem
de monasteriis habere vel gerere,
quem & ex suo lapsu cautiorem
factum, eum credimus commissos si-
bi jam nunc sollicitius custodire.

b De Johanne autem Ecclesiæ vestræ
notario caritas nos, qua vos dili-
gimus olimque dileximus, ut scribe-
remus admonuit; ne dum ejus cul-
pa provocat, aliquid quod ad pec-
catum pertinet, fieri mandaretis. Hoc
ergo caventes, Ecclesiæ vestræ res
subtiliter modis sic quibus potueri-

c tis inquire, unde nec Deum of-
fendatis, nec ille vos unde apud
homines accuset, valeat invenire.
Nam nos non Johannem defenden-
do, vel contra rationem commen-
dando ejus personam, sed ne vestra
magis anima, stimulante furore, in
aliquo gravaretur, scripsimus. Unde
necesse est ut sicut præfati sumus,
Ecclesiæ vestræ res subtili investiga-
tione cum Dei timore perquirere
minime negligatis.

Præterea multum nos de Fortunati
persona carissimæ Fraternitatis ve-
stræ mirari fecit epistola. Sed aut
a vobis minime scripta ipsa ^d di-
ctata sunt; aut certe si vestra sunt,
nos in eis fratrem nostrum domnum
Constantium nequaquam agnoscimus.
Debuiſtis etenim, & adhuc debetis
attendere, quia pro vestra est opi-
nionem quod scribimus. Nam dum
illic se prædictus Fortunatus violentiam
sustinere, nec defensoris ^e au-
xilium invenire potuisse commemo-
rat, quid aliud nisi vestram attrin-
git invidiam? Ergo ut nec opinio-
nem vestram hæc res apud quosdam
obfuset, nec Ecclesiæ vestræ possit
fieri in aliquo, si bona causa est,
detrimentum: instructam huc debetis
mandare personam, ut causæ qua-
litas trutinata, sine vestra possit in-
vidia terminari. Quoniam præsertim
post ejus querelam, si illic pro ve-
stris partibus fuerit dicta sententia,
non rationabiliter, sed sola potestate
credetur superatus. Nos vero pro
caritate quæ vobis adstringimur,
quæ pro opinione vestra sunt, ut
facere debeatis non desistimus admo-
nere. Scientes quia etsi vos ad tem-
pus adhortatio ista contristat, po-
stea tamen deposita contentionis in-
tentione, lætificat. ^f Mense Septem-
bri Indictione xiiii.

NOTÆ AD EPIST. IV.

AN. CHR.
594. 595.
GREG. 5.

663

^a Norm. & plerique ex *Presbytero*.
Et ita infra, ubi de Saturnino vel Sa-
turno aut Saturo (sic enim in pleris-
que MSS. legimus) agit S. Doctor. In
Reg. *Ex presbyter & Abbas*.

^b Recent. ed. vitiose, *facere cautio-
rem*.

^c Tres Vatic. Norm. & plur. *dum-
modo nec Deum*. Vatic. C. *unde modo*

nec Deum.

^d Tres Vatic. & totidem Norm. *di-
cta sunt*.

^e Sic legendum ex MSS. Reg. Norm.
Vatic. ubi excusi, *auxilio muniri*.

^f In Vatic. *Mense Decembri Indict.*
XIII. Præferendos putavimus, Colbert.
& Turon. S. Gar.

EPISTOLA * V.

AL. III.

Ad Dominicum Episcopum.

*Gratulatur quod pastoralis zelo Donatistas coercere studuerit: severiorem
tamen in Episcopos id negligentes, Africani Concili sententiam non
probat.*

^a Gregorius Dominico Episc. & Carthagenensi.

* Forte affa-
tus: legitur
tamen affe-
ctus in o-
mnib. MSS.
vostis.

^b

^c

Veniens ad nos Prosper, præ-
sentium lator, Responsalis
vester, post alios vestræ Caritatis *
affectus, ^b secundas nobis vestras E-
pistolæ cum allegatione ^c Principa-
lium jussionum apud vos habitæ syn-
odi chartulam porrexit. Quibus re-
lectis, & de vestro gratulati sumus,
quem pastoraliter geritis, zelo: &
piissimos dominos occasione religio-
nis illatas venalium personarum re-
movisse calumnias. Maxime autem
quia ita studuit Fraternitas vestra A-
fricanam servare provinciam, ut nul-
latenus devias hæreticorum sectas
cum fervore sacerdotali coercere ne-
gliceret. De quibus etiam omnibus
fopiendis, & antequam Caritatis ve-
stræ consuleremur apicibus, in tan-
tum nos subtilius definisse memini-
mus, ut nihil rursus de his vobis
responderi necessarium credamus.
Quamquam ergo hæc se ita ha-
beant, & desideremus omnes hære-

ticos a catholicis Sacerdotibus vigo-
re semper rationeque compesci: ta-
men subtiliter intuentes omnino nos
tetigit, ne per ea quæ apud vos
gesta sunt, ^d aliorum Conciliorum
primatibus, quod avertat Dominus,
generetur scandalum. Sententia nam-
que a vobis prolata est in conclu-
sione gestorum. In qua dum pro
investigandis illis hæreticis admo-
netis, subintulistis eos qui negligunt,
substantiarum dignitatumque priva-
tione plectendos. Optimum est igitur
tunc, Frater carissime, ut in his
quæ foris corrigenda sunt, prius
caritas interna servetur, ^e & simus
mente subjecti (quod maxime ve-
stræ gravitatis proprium judicamus)
etiam personis dignitate minoribus.
Tunc enim totis coadunatis viribus
hæreticorum commodius obviatis er-
roribus, cum secundum morem sa-
cerdotii vestri studueritis Ecclesia-
sticam interius custodire concordiam.

^d

^e

NOTÆ AD EPIST. V.

^a Absent, *Carthagenensi*, a Vatic. Norm.
Corb. &c.

^b Ita Corb. Rem. Norm. Vatic. D.
& plerique. In Regiis legitur, *secun-
dam*

dam *vestra Epistola*
AN. CHR. *chartulam porrexerunt*. In Vatic. A.
594. 595. *secundum nobis vestra ep.* ut in Reg.

GREG. 5. Sed legendum puto, *secundam*. In vul-
gatis, *secundo nobis vestras epistolas*
apud vos habita Synodi chartulam por-
rexerunt. Deest aliquid in omnibus il-
lis lectionibus. In nostra supplendum
videtur &, ante, *apud eos hab.*

c Litterarum Imperatoris sacrarum,
sacrorum apicum, divinarum iustio-
num. Vide lib. 1. epist. 47. nunc 59.
Guffanv.

d Urgebant dudum Episcopos ad cu-
ram de hæreticis habendam canones Af-
ricani, sed levioribus pœnis. Conc. M-
levit. II. 24. 25.

e Sensum expressit S. Pauli ad Phi-

lip. 2. v. 2. & 3. *Eandem caritatem*
habentes, unanimes, idipsum sapientes,
nihil per contentionem neque per inanem
gloriam, sed in humilitate superiores sibi
invicem arbitantes. Quem textum ex-
plicat suo more S. Aug. lib. 83. quæst.
c. 71. quem locum lector consulat, ei-
que adjungat alterum ejusdem Aug.
locum ep. 59. ad Paulinum in solutio-
ne quæstionis 7. ubi de Thelo humili.
S. Gregorius idipsum fufius persequi-
tur homil. 10. in Ezechielem post me-
dium: necnon homil. 7. in Evang. *Superiores*
invicem in via Dei eos ma-
xime, qui vobis commissi non sunt, pro-
ximos vestros attendite; qui & quos
agere prava aliqua conspiciitis, quæ in
eis lateant bona nescitis. &c. Guffanv.

E P I S T O L A * VI.

Ad Victorem Episcopum.

Gregorium Abbatem longa, ob negligentiam, pœnitentia afflictum restituat.
Martiam Sanctimonialem revocet. Tradatur Victoria Fontino diligenter
exminanda. Anastasius medicus ne in monasterium virginum deinceps
ingrediatur.

Gregorius Victori Episcopo ^a Panormitano.

LAtorem præsentium Gregorium,
Abbatem atque Presbyterum
monasterii sancti Theodori, nulla qui-
dem ratio permittebat ut post la-
psum ^b cellæ ipsius pene generalem,
ultra ei præesse debuisset. Qui enim
tot discipulos per suam negligen-
tiam ad infernum duxit, reliquis
unquam præponi non debuit. Sed
quia longa hic est apud nos pœni-
tentia afflictus, Fraternitatem tuam
necesse est cum in monasterium præ-
dictum recipere, locoque suo con-
stituere, ita tamen, ut Urbicus mo-
nasterii mei præpositus dare aliquem
de servis Dei debeat, qui ei ^c præ-
positus fiat; ut quod istius incuria
negligitur, illius sollicitudine serve-
tur.

Præterea ex monasterio ancillarum
Dei, quod est ^d sancti Martini,
Martiam sanctimonialem feminam in
monasterium aliud ^e injuste audio
fuisse migratam; & Victoria, quæ

locum illius sequebatur, sicut au-
dio, res monasterii disperfit, ut ad
Prioratus locum pertingere, & ipsa
post Abbatissam interim inveniri
debuisset. Quam rem Fraternitas tua
sub omni studeat celeritate corrigere:
^f cujus enim jam culpæ sis, intel-
ligis, ut ego tam longe positus,
quæ in civitate tua aguntur agno-
scam; & tot curis occupatus, quæ
fieri debeant, disponam. Prædictam
itaque Martiam in monasterium suum
& locum suum volumus revocari.
Victoriam vero Fontino defensori
nostro tradi, quatenus ipse eam di-
scutiens, cui quid de rebus mona-
sterii dedit, inveniat. Quam discuf-
sam in monasterium aliud dari vo-
lumus, nobisque per Fantinum de-
fensorem subtiliter renuntiari, ut
sciamus quid de ea debeat sententia
certiori constitui. Multa autem mala
in eodem monasterio per Anastasium
medicum audio contigisse. ^g Qui si
quan-

Jo. Diac. l. 2.

c. 4. 2. f

g

quando in monasterium virginum
seu ipsum seu aliud fuerit ingressus,
Fraternitatem tuam culpa respiciat,

quæ gregem commissum tenet, &
custodire dissimulat.

AN. CHR.

594. 595.

GREG. 5.

1003

NOTÆ AD EPIST. VI.

a Abest *Panorm.* a Norm. & pluri-
mis MSS.

a b Hoc loco Guffanv. observat *cellæ*
vocem desiderari in Lyrensi, Pratel-
lenſi & Teller. Certe quod ad Lyren-
ſem & Prateſt. attinet, conveniunt cum
Audeſno aliisque Norman. ubi legitur
cellæ, immo in 6. Angl. & in plerif-
que habetur. Abest tamen a Vatic. D.
Cellam autem hic pro monasterio usur-
pari manifestum est. Ita quoque pas-
ſim sumitur in Dialogis, maxime li-
bris primo & secundo.

c Hoc nomine vocabatur olim apud
Monachos, qui ab Abbate secundus
erat. Confule Reg. S. Bened. maxime
cap. 65. & lib. 1. dial. c. 2.

d Tempore sancti Gregorii plura fue-
runt in Sicilia Sanctionum mona-

steria: ex quibus unum illud erat quod
a D. Gregorio conditum fuisse vetus
traditio est, & postea Monachis Cassi-
nenſibus esse datum. Vocatur hodie S.
Martini de Scalis. Guffanv.

e Id est, *translatam*: migrare enim
aliquando pro transferre usurpant. Sic
Gell. l. 2. c. 29. *Cassita nidum migra-
vit*. Guffanv.

f Ita restituimus ex Corb. Norm. &
plerisque ac potioribus. Vulgati ha-
bent; *cujus culpa sit*.

g Corrupte ac barbare in excusis, *qui
si quando in monasterium virginum si-
ve ipse sive alius fuerit ingressus*. Le-
ctionem hanc reprobant nostramque
confirmant sex Angelic. septem Norm.
Vaticani, Corb. &c.

Al. v.

EPISTOLA * VII.

Ad Venantium Episcopum.

*Saturninum Expresbyterum, si post lapsum ministraverit, communione
privet usque ad diem obitus.*

Gregorius Venantio Episcopo Lunensi.

Grat. diff.
50. c. 10.

A Ccedens ad Gorgonam insulam
Fraternitas vestra discutiatur id
quod ad nos de Saturnino Expres-
bytero est perlatum. Pervenit nam-
que ad nos, quia postquam a pro-
crimine lapsus fui, a sacerdotii or-
dine est dejectus, ad explendum b
ministerium Presbyterii præsumsit
accedere, & omnipotenti Deo ho-
stias immolare. Quod si ita factum
Fraternitas vestra repererit, eum
sacri corporis & sanguinis Domini-
ci participatione privatum, in pœ-

nitentiam redigat: itaut usque ad
diem obitus sui c in eadem excom-
municatione permaneat, & viaticum
tantummodo d exitus sui tempore
percipiat. Sin autem eum Fra-
ternitas tua talem pœnitentiam agere
cognoverit, ut ei iuste e ad recipien-
dam inter lacios communionem &
ante exitum debeat misereri, hoc
in tuæ Fraternalitatis ponimus pote-
state. f Mense Octobri, Indictione
XIII.

c

d

e

f

NOTÆ AD EPIST. VII.

a Lapsum non redire unquam ad ho-
norem, centies dictum. Gufs.

b Restituimus *Presbyterii* ex MSS.
Vatic. Norm. &c. pro *sacerdotii*, quod
prius lectum in editis.

c Scilicet in privatione participationis
sacri corporis & sanguinis Domini; nec
Tom. VII.

enim communionem in civilibus, im-
mo nec in sacris precibus ademptam cre-
diderim. Guffanv.

d In recent. ed. legitur, *in die exi-
tus sui*, invitis MSS. quibus consentit
Gratianus.

e Albaspinzo, Christiano Lupo,
N n aliis-

— aliisve eruditis, communio laica, ad
 AN. CHR. quam tam sæpe Clerici, propter pec-
 594. 595. cata sua, in antiqua Ecclesiæ discipli-
 GREG. 5. na reduci vel leguntur vel jubentur,
 nihil aliud fuit quam Clericum jam
 non haberi nisi ut laicum, eumque ad
 laicorum gradum, societatem, juraque
 revolvi: ex quo fiebat ut cui Clerico
 ne Communio quidem laica relinque-
 retur, is non modo ab officio depositus
 haberetur, sed & excommunicatus:
 cui vero Communio saltem laica relin-
 queretur, is solum ab officio depositus
 censeretur. Hic vero atque ep. olim

16. nunc 3. *recipiendam inter laicos com-
 munionem*, de ipsa Eucharistiæ perce-
 ptione intelligere cogit ep. olim 17.
 nunc 4. ubi de iisdem omnino punien-
 dis Clericis Gregorius: *Lapsos*, inquit,
*a suo semper vacare, ac decernimus pri-
 vatos officio, quibus nihil aliud quam
 inter laicos sacra est præbenda communio.*
 Scilicet illis vetitum sacris fungi mini-
 steriis, non vetitum corpori & sangui-
 ni Domini communicare inter laicos.

f Ita Turon. S. Gat. Colb. ver. &
 Vatic. aliis MSS. saltem plerisque si-
 lentibus.

Al. vi.

E P I S T O L A * VIII.

Ad Cyprianum Diaconum.

*Persequatur Manichæos. Judæis vero, qui ad Christum fuerint conversi,
 minuenda pensionum onera. Mutuos det rusticis solidos.*

a Gregorius Cypriano Diacono, a & Rectori patrimonii Siciliæ.

b **D**E^b Manichæis qui in possessio-
 nibus nostris sunt, frequenter
 Dilectionem tuam admonui, ut eos
 c persequi^c summopere debeat, atque
 ad fidem Catholicam revocare. Quod
 si tempus exigit, per te; si autem
 pro causis aliis non licet, per alios
 solerter inquire. Pervenit vero ad
 me, esse Hebræos in possessionibus
 nostris, qui converti ad Deum nul-
 latenus volunt. Sed videtur mihi ut
 per omnes possessiones, in quibus
 ipsi Hebræi esse noscuntur, epistolas
 transmittere debeas; eis ex me spe-
 cialiter promittens, quod quicumque
 ad verum Dominum Deum nostrum
 Jesum Christum ex eis conversus fue-
 rit, d onus possessionis ejus ex aliqua
 parte imminuetur. Quod ita quoque
 fieri volo, ut si quis ex eis conversus
 d fuerit, e si solidi pensionem habet,
 e tremissis ei relaxari debeat: si tres
 vel quatuor, unus solidus relaxetur.
 Si quid amplius, jam juxta eundem
 modum debet relaxatio fieri, vel cer-
 te juxta quod Dilectio tua prævidet:
 ut & ei qui convertitur onus rele-
 vetur, & Ecclesiastica utilitas non
 gravi dispendio prematur. Nec hoc
 inutiliter facimus, si pro levandis pen-

sionum oneribus, eos ad Christi gra-
 tiam perducamus, quia^f etsi ipsi
 minus fideliter veniunt, hi tamen qui
 de eis nati fuerint, jam fidelius ba-
 ptizantur. Aut ipsos ergo, aut eo-
 rum filios lucramur. Et ideo non est
 grave, quidquid de pensione pro Chri-
 sto dimittimus. Præterea ante hoc
 tempus Johanne Diacono veniente,
 mihi tua Dilectio aliqua scripsit,
 quæ omnia hora eadem relegens,
 multos dies interposui, & post mul-
 torum dierum moram, tamquam in
 memoria retinens quæ legeram, ad
 singula respondi. Sed tunc, ut ar-
 bitror, unum mihi capitulum exci-
 dit: & de eo me suspicor nihil re-
 spondisse. Scripseras enim, ut mutui
 solidi rusticis per manus quorundam
 s debiti conductorum darentur; ne
 tollentes ab aliis, aut in angariis,
 aut rerum pretiis gravarentur. Quod
 capitulum mihi gratissimum fuit. Et
 siquidem jam scripsi, ea serva quæ
 scripta sunt. Si autem ex eo, ut
 suspicor, minime aliquid rescripsi^h
 h commonitione certa, ad dandos so-
 lidos pro utilitate rusticorum non de-
 bes immorari: quando & res Eccle-
 siastica non perit, & ex ea utilitas
 rusti-

Johan. Diac.
 lib. 2. cap. 42.

rusticorum levatur. Sed & alia si qua sunt, quæ utilia esse consideras,

omni ambiguitate postposita debes exhibere.

AN. CHR.

594. 595.

GREG. 5.

673

NOTÆ AD EPIST. VIII.

a In plur. MSS. desideratur, & *Re-
tori*, &c.

b De infans istis, lege S. Augustinum in lib. de hæresibus hæresi 46. ubi de quinque elementis, fumo, tenebris, igne, aqua, vento, de duabus navibus sole & luna, in quibus sunt sanctæ Virtutes quæ se in masculos transfigurant, ut illiciant feminas partis adversæ, &c. *Guffanv.*

c In Varic. A. & nonnullis MSS. *summopere studeat.*

d Recent. ed. *onus pensionis*, repugnantibus MSS. omnibus Vatic. Turon. &c. De ista methodo alliciendi Judæos ad fidem, aut paganos, jam supra diximus ep. 26. l. 3. nunc lib. 4. Hanc persuasionem vocarent aliqui Thessalicam *πείθω*, ut ait Cicero ad Atticum. Vide lib. 2. ep. 32. *Partim ex Guffanv.*

e Duo Vatic. *si solidum pensione debet.*

f Cave intelligas Judæos ad baptismum admissos, quos ministri scirent minus fideliter venire. Non is unquam fuit Ecclesiæ sensus, quamquam aliquot in contrarium exempla proferantur, ut Synesii, quem decarnis resurrectione dubitasse videtur docere ejus epistola ad Enopium apud Nicephorum l. 14. c. 55. S. Aug. toto lib. de fide & operibus ac præsertim c. 6. *Ad percipiendum baptismum non sic admit-
tendi homines, ut nulla ibi vigilet di-*

ligentia, ne sanctum canibus detur. Tum meminit abstinentiæ, jejuniorum, exorcismorum. *Exorcizantur*, inquit, *scrutantur quanta vigilantia conveniant, quo studio ferveant, quæ cura pendeant*, &c. Sanctus Leo ep. 4. ad Episcopos Siciliæ c. 6. *In baptizandis electis qui secundum apostolicam regulam exorcismis scrutandis*, &c. De istis scrutiniis præviis ad baptismum, ac septies repetitis, vide Rupertum de div. officiis, Alcuinum de div. offic. Ordinem Romanum, Amalarium, Fortunatum, &c. De Judæis autem quæ cautione recipi debeant, vide Concil. septimum can. 8. *Guffanv.*

g Abest *debiti* a plerisque Norm. MSS. & aliis. Hoc loco errorem suspicatur *Guffanvillæus*, & *quid hoc sibi velit* non intelligere se fatetur. Res tamen plana. Ne rustici prædiorum Ecclesiæ Rom. possessores, mutuam pecuniam a feneratoribus accipere cogerentur gravi dispendio, magnis nimirum cum usuris reddendam, placet S. Gregorio ut mutui solidi per manus conductorum sine fenore reddendi dentur. De Angariis jam dictum ad ep. xlv. libri iv. Per Angarias aliquando intelliguntur vexationes & injuriæ quælibet, ut observat doctissimus Cangius in Glossario.

h In 4. Anglic. legitur, *commonitione capta ad dandos* &c.

EPISTOLA IX.

Ad Petrum Notarium.

*Miriensis Ecclesiæ tunc reddenda ministeria, cum ibi ordinatus fuerit
Episcopus.*

Gregorius Petro a Notario in Regno.

Ministeria ^b Ecclesiæ Miriensis, quæ secum Squillacium quondam Episcopus Severinus detulerat, præsentium sibi portitores restitui postulabant. Quia ergo res Ecclesiasticæ cauta debent sollicitudine præmuniri, hoc nobis visum est ut ^c in eadem civitate Episcopus, cui ministeria ipsa tradi possint, debeat ordinari.

Sed quoniam Leonem Archidiaconum aliosque Clericos ejusdem Ecclesiæ illic esse commemorant, Experientiæ tuæ præcipimus, quatenus eos ad suam Ecclesiam proficisci, ac eligere ordinandum Episcopum sibi commoneat: ut dum Deo illic fuerit propitio consecratus, ipse Ecclesiæ suæ res sine aliqua ambiguitate recipiat.

N n 2

NO:

AN. CHR.

594. 595.

GREG. 5.

N O T Æ A D E P I S T. IX.

a Excusi reluctantibus MSS. *Notario in Sardinia.*
 b Ita MSS. Vatic. Norm. Anglic. Colbert. &c. necnon vet. ed. cum in re-

cent. legatur, *Ecclesiæ Aleriensis.*c Vulgati, *in eadem Ecclesia seu civitate.*

E P I S T O L A X.

Ad Felicem Episcopum.

Distictam, nisi primæ Justinianæ Episcopo Primati suo parcat, minatur correptionem.

Gregorius Felici Episcopo ^a Sardicæ.

Qualiter obedientia, vel sit reverentia Præpositis exhibenda, ex tuis quoque subjectis ipse non ambigis. In qua re valde est utile, si id quod disciplinæ vigor imponit, nullo cogente, humilitas laudanda servaverit. Pervenit itaque ad nos quod Fraternitas tua Johanni fratri nostro, primæ Justinianæ Episcopo, secundum morem parere despiciat, & nec decreto ejus nec relationi, quam ad nos direxit, juxta consuetudinem voluisse subscribere. Quod si ita est, contristamur: quia superbiæ de te manifestum præbes indicium. Quod quam sit, præcipue in Sacerdote, culpabile, divinæ clamant admonitionis eloquia. Propterea hortamur ut mentis tumore deposito, ordinatori tuo antedicto fratri & coepisco-

po nostro humilem te exhibere, ac parere non desinas: quatenus & Deus gaudeat in Fraternitatis vestræ concordia, & alii de te fumant bonitatis exemplum. Nam si, quod non credimus, te in superbia permanere contigerit, distictam ^b canonicamque disciplinæ correctionem, contumaciæ tuæ nos scito ulciscenter imponere. ^c Bene ergo facis, talem te sponte salubri consideratione præbere, qualis esse ^d canonica correctione exigente compelleris. Nam nec tibi denuo post nostram admonitionem licebit ad tuæ voluntatis arbitrium contra morem majoribus tuis inobedientem existere, nec tantæ nos indisciplinationis Ecclesiasticam cognosces dissimulare vel differre vindictam.

N O T Æ A D E P I S T. X.

a Sardica vulgo Græcis & Turcis *Sophia*; urbs olim Daciæ novæ metropolis, Naissum inter & Philippopolim, Concilio an. 347. ibi habito celebris: nunc Bulgaricæ caput ad Ciabrum fluvium versus montem Hæmum. *Guss.* In omnibus Norm. desideratur, *Sardica*. In quatuor Vatic. Colb. & in Collect. Pauli Diac. legitur, *Episcopo in Sardica*.

b Vide Antioch. Concil. c. 5. & 9. Nic. can. 6. Apostolor. can. 35. Car-

thagin. can. 19. in Decret. Leonis Papæ can. 32. dist. 21. In collectione Martini Bracar. c. 2. 3. 4. Vide etiam caus. 9. q. 3. can. 1. 2. &c. Pœna Episcopi inobedientis, abdicatio & excommunicatio, in Antioch. c. 10. *Gussanv.*

c In Collect. Pauli secunda manu, *bene ergo facies.*

d In Collect. Pauli & Vatic. D. canonica coercionatione. In Corb. & in Vaticanis E. & C. *coersitione.*

E P I S T O L A X I.

Ad Johannem Episcopum.

AN. CHR.

594. 595.

GREG. 5.

66755

*Pallio in litanis solemnibus uti, quatuor dumtaxat
per annum diebus, concedit.*

Gregorius Johanni Episcopo Ravennati.

Job. Diac.
lib. 4. c. 3.

Fraternitatem vestram valde invenio contristatam, pro eo quod in litanis induere pallium rationis censura prohibetur. Sed per^a excellentissimum Patricium, & per eminentissimum Præfectum, atque per alios civitatis suæ nobiles viros importune expetit, ut hoc debeat concedi. Nos autem solícite requirentes ab Adeodato Diacono quondam Fraternalitatis tuæ cognovimus, quia nunquam consuetudo fuerit decessoribus tuis, ^b ut in litanis pallio nisi in solemnitate beati Johannis Baptistæ, beati Petri Apostoli, & beati Martyris Apollinaris uterentur. Cui quidem nequaquam credere debuimus, quia multi apud civitatem Fraternalitatis vestræ responsales sapius fuerunt, qui se fatentur tale aliquid nunquam vidisse. Et de hac re multis potius credendum est,

quam uni pro sua Ecclesia aliquid attestanti. Sed quia nos Fraternalitatem vestram contristari nolumus, & petitionem filiorum nostrorum apud nos minime frustari: usum pallii, donec subtilius aliquid cognoscamus, in litanis solemnibus, id est die natalitio beati Johannis Baptistæ, beati Petri Apostoli, & beati Apollinaris martyris, ^c atque in ordinationis vestræ celebratione concedimus. In secretario vero secundum morem pristinum, ^{*} susceptis ac dimissis Ecclesiæ filiis, induere vestra Fraternalitas pallium debeat, atque ad Missarum solemnia ita proficisci, & nihil sibi amplius ausu temerariæ præsumptionis arrogare: ne dum in exteriori habitu inordinate aliquid arripitur, ordinate etiam quæ licere poterant amittantur. Data ^d mense Octobri, Indictione XIII.

* Sup. lib. 1.
Ep. 19. infra
Ep. 59. al.
54

N O T Æ A D E P I S T. XI.

^a In excusis, excellentissimum Romanum Patricium. Nomen hoc in MSS. nostris desideratur.

^b Solemnes cleri & populi ad locum pro statione indictum processiones non raro Litanis appellantur apud antiquos auctores; quod in processibus illis Litanis seu Preces ac supplicationes concinerentur. Lib. 30. Cod. Theodos. de hæreticis. Arcadius Augustus interdicis omnibus ad Litaniam faciendam intra civitatem, noctu vel interdum profanis coire conventibus. Atque, ut cæteros taceam, Gregorio ipsi processio

dicitur Litanis Sermon. de mortalitate: Litanis, inquit, Clericorum, id est Clericorum cœtus ad stationem procedens, exeat &c. Vide l. 6. ep. 34. & 61.

^c Ordinationis Episcopi anniversarius dies solemniter ritu celebrari consueverat. Aug. hom. 24. Cum dies anniversarius nostræ ordinationis exoritur, tunc maxime bonor hujus officii tamquam primo imponatur, attenditur.

^d In nullis MSS. id legimus. In Turon. S. Gat. data dicitur, Mense Novembri Indict. XIII.

AN. CHR.

594. 595.

GREG. 5.

1773

E P I S T O L A XII.

Ad Petrum Episcopum.

Agrigentinae Ecclesiae reddituum quartam partem in visitationis stipendium assignat.

a

Gregorius Petro Episcopo ^a Treccalitano..

b

QUoniam Agrigentina Ecclesia a nobis Fraternitatis tuæ visitationis curæ commissa est, laboribus tuis aliquid ex ea utile prospeximus consulendum. Propterea Maximiano fratri & coepiscopo nostro scripsimus, ^b ut quarta, quam ejusdem Ecclesiae Episcopum oportebat accipere, a die visitationis tuæ, vel quousque illic eam sollicitudinem gesseris, tibi debeat applicari. Unde

Fraternitatem tuam necesse est mente sollicita cogitare, ut cujus fructus Ecclesiae percipit, opera studeat solerter impendere, atque ad Deum illic animas congregare, pravos ab iniquitate compescere, & incipientes bona opera, verbo exhortationis nutrire, memor quod de Ecclesia universalis scriptum est: *panem otiosa* ^{Prov. 31. 27.} *non comedit.*

N O T Æ A D E P I S T. XII.

^a Sic legitur in quatuor Vatic. & in Corb. pro *Tricalitano*, quod habent vulgati recent. In Gemet. occurrit *Treccalitano*. In Corb. consentientibus veteribus ed. *Treccalitano*. Tricala, seu Triocala urbs olim Episcopalis Siciliæ, in ora australi, Agrigentum inter & Mazaram. Nunc jacet in ruinis, ejusque locus dicitur *Santa Maria di monte vergine*. Partim ex Guffanv.

^b Quatuor in partes Ecclesiastici redditus & oblationes dividebantur, quarum prior cedebat *Episcopo ejusque fa-*

miliæ, propter hospitalitatem vel susceptionem hospitum, ut docet S. Greg. infra ep. 44. & l. VIII. ep. 7. necnon in ep. ad Augustinum olim 31. l. XII. nunc l. XI. 64. Quartam hanc portionem concedit S. Gregorius Episcopo Ecclesiae Agrigentinae visitatori, hac in Ecclesia omnia munia Episcopalia obeunt. In hac epistola mutavimus multa ex unanimi MSS. consensu, de quibus non monuimus, quod sensus idem remaneat.

E P I S T O L A XIII.

Ad Gaudentium Episcopum.

Capuanæ Ecclesiae visitationem injungit.

Gregorius Gaudentio Episcopo Nolano.

^a *Grat. diff.*
c. 1. c. 10.

QUoniam ^a Fuscus Capuanæ Ecclesiae Episcopus, in Romana civitate positus, de hac lucemigravit, curæ nobis fuit, quæ universis Ecclesiis a nobis impenditur, ad Fraternitatem tuam præsentia scripta dirigere, ut memoratæ Ecclesiae visitator accedas: sic tamen ut nihil de profectionibus Clericorum, re-

ditu, ornatu, ministeriisque, vel quidquid præfari loci esse patuerit, ^b a quoquam præsumi patiaris: sed omnem vigilantiam atque cautelam circa clerum plebemque ejusdem Ecclesiae exhibere te convenit, ut in vigiliis obsequioque Ecclesiastico sedulo ac devote debeant deservire: quatenus Fraternitatis tuæ

in-

b

instantia atque adhortatione tales se reprehensibile eorum valeat obsequio in servitio divino exhibeant, ut in quibus reperiri.

AN. CHR.

594. 595.

GREG. 5.

6673

N O T Æ A D E P I S T. XIII.

^a *Festus* legitur vel *Sixtus* in editis, sed perperam.

^b Eadem custodia visitatori injungitur sup. l. 2. ep. 25. infra l. 6. ep. 21. &c. Circa undecimum seculum, decedentium Episcoporum bona a laicis rapiabantur; nec obstabant hæredes, quod ad eos nihil pertineret. Hunc abusum multis canonibus coerceri oportuit, ut testatur Petrus Damiani l. 5. ep. 6. atque alibi passim. Caus. 12. q. 2. Leges c. 45. 46. 47. 48. In Chalcedon. c. 22. patet hanc querelam non fuisse novam, quandoquidem id fuerit præcedentibus canonibus vetitum. In sexta Synodo c. 35. prohibetur Metropolitanus involare in res Ecclesiæ vel Episcopi mortui. *Auget.*

tuit, ut testatur Petrus Damiani l. 5. ep. 6. atque alibi passim. Caus. 12. q. 2. Leges c. 45. 46. 47. 48. In Chalcedon. c. 22. patet hanc querelam non fuisse novam, quandoquidem id fuerit præcedentibus canonibus vetitum. In sexta Synodo c. 35. prohibetur Metropolitanus involare in res Ecclesiæ vel Episcopi mortui. *Auget.*

E P I S T O L A XIV.

Ad Clerum Ecclesiæ Capuanæ.

De visitatione Ecclesiæ Capuanæ Gaudentio commissa.

Gregorius Clero Ecclesiæ Capuanæ degenti Neapoli.

QUoniam Fuscus Capuanæ Ecclesiæ Episcopus hic positus de hac luce migravit, curæ nobis fuit destitutæ Ecclesiæ visitationem fratri & coepiscopo nostro Gaudentio Nolanæ civitatis Episcopo solemniter delegare: cui dedimus in mandatis, ut nihil de profectionibus Clericorum, reditu, ornatu, ministeriisque a quoquam usurpari patiatur. Cujus vos assiduis adhortationibus convenit obsequio, quatenus in Ecclesiastico obsequio, atque in Dei laudibus vi-

gilanti debeat cura persistere, moresque vestros sub digna Ecclesiastici regemini disciplina componere. Nec quisquam vestrum ejus audeat præceptionibus obviare, sed omni tam Ecclesiastica observatione, quam etiam Ecclesiæ vestræ custodia, ejus provisionibus obedientiam exhibere: quatenus dum ejus regimini vestra fuerit obedientia commodata, & Ecclesiæ vestræ in nullo negligatur utilitas, & ejus sit cura propensior.

E P I S T O L A XV.

Ad Johannem Episcopum.

Quinque in illo carpit. Ravennatem Ecclesiam honorare desiderat: sed honorem ex superbia arripere non patitur.

Gregorius Johanni Episcopo Ravennati.

Joh. Diac.
l. 4. c. 4.

Primum me hoc contristat, quia mihi Fraternitas tua duplici corde scribit, & alia blandimenta in epistolis suis exhibet, alia in lingua sua seculariter ostendit. Deinde grave mihi est, quia irrisiones illas,

quas habere notarii adhuc pueri solent, usque hodie frater meus Johannes in lingua sua retinet. Mordeat loquitur, & quasi de tali astutia lætatur. Amicis præsentibus blanditur, de absentibus obloquitur.

Ter-

AN. CHR.
594. 595.
GREG. 5.

66933

a

b

c

d

e

f

Tertio grave mihi & omnino ex-
crabile est, quia servis suis, ^a quæ-
libet hora fuerit, turpia crimina
imponit, ut effeminati, & adhuc
graviter hoc apertius vocentur. Post
hoc accessit quod disciplina ad vitam
Clericorum custodiendam nulla est,
sed tantummodo solum se Clericis
suis ^b dominum exhibet. Ultimum
vero est, quod tamen pondere elationis
primum, quia de usu pallii
extra Ecclesiam: quod decessorum
meorum temporibus facere ^c nun-
quam præsumsit: nunquam a de-
cessoribus ejus præsumtum est, sicut
responsales nostri testantur (excepto
si reliquiæ conderentur: quod tamen
de reliquiis, unus tantummodo po-
tuit inveniri, ^d qui diceret) meis
diebus in despectum meum cum
summa audacia non solum faciebat,
sed etiam frequentabat.

Ex quibus omnibus invenio, quia
honor Episcopatus totus foris in
ostensione est, non in mente. Et
quidem omnipotenti Deo gratias ago:
quia eo tempore quo ad me hoc
pervenit, quod ad aures decessorum
meorum nunquam pervenerat, Lan-
gobardi inter me & Ravennatem ci-
vitatem positi fuerant. Nam osten-
dere forsitan hominibus habui, quan-
tum ^e scio esse districtus.

Ne autem credas quia ego Eccle-
siam tuam in aliquo gravari aut minui
volo: recordare in ^f Missarum Romano-
rum solemnibus ubi Ravennas Dia-
conus stabat, & require ubi hodie
stat, & cognosces quia Ecclesiam
Ravennatem honorare desidero. Sed

ut quicumque quodlibet ex superbia
arripiat, hoc ego tolerare non pos-
sum. Tamen hac de re jam Dia-
cono nostro Constantinopolim scrip-
psi, ut per omnes, qui sub se etiam
tricenos & quadragenos Episcopos
habent, requirere debeat. Et sicubi
iste usus est, ut in litaniiis cum
palliis ambulent, absit ut per me
Ravennatis honor Ecclesiæ in aliquo
imminui videatur.

Hæc ergo omnia quæ superius
dixi, Frater carissime, recogita; diem
tuæ vocationis attende; quas ratio-
nes de sarcina Episcopatus redditu-
rus es, considera. Emenda illos mo-
res notarii. Vide quid in lingua,
quid in actu Episcopum deceat. Es-
to totus purus fratribus tuis. Non
aliud loquaris, & aliud in corde
habeas. Nec appetas ultra videri quam
es, ut possis ultra esse quam videris.
Crede mihi, quando ad hunc locum
veni, tantæ deliberationis fuit tantæ-
que caritatis circa Fraternitatem tuam,
ut si eandem caritatem meam cu-
stodire voluisses, adhuc talem fra-
trem, sicque te pure diligentem,
tibi que omni devotione concurrentem
nunquam inveneras: sed cognitis
verbis ac moribus tuis, fateor, re-
silui. Rogo ergo per omnipotentem
Deum, emenda omnia illa quæ præ-
misi, maxime duplicitatis vitia. Per-
mitte me amare te, & ad præsentem
& ad futuram vitam utile tibi esse
poterit, ut a Fratribus ameris. Ad
hæc autem mihi non verbis, sed
moribus responde.

N O T Æ A D E P I S T. XV.

a Vatic. D. quia servis suis, vel a-
liis, quilibet fuerint, vel qualibet hora
fuerint. In omnibus ed. & in MS. Reg.
quælibet hora fuerit.

b In Norm. dominium.

c Vulgati, nunquam quisquam præ-
sumsit, murato contra MSS. fidem sen-
su. Nam Gregorius ait Johannem nun-
quam sub aliis summis pontificibus id
præsumsisse, seu ejus Fraternitatem

minime usam pallio in litaniiis; & in
excusis sensus est nullum ex Johannis
antecessoribus, immo neminem un-
quam decessorum Gregorii temporibus,
id sibi assumisisse.

d In recent. vulgatis, qui meis die-
bus in despectum, omisso verbo, dice-
ret, unde labefactatus sensus.

e Ita vet. editi cum omnibus MSS.
Vatic. Norm. Corb. &c. ubi recent. ha-
bent,

bent, *discretus*. *Discretus* hic idem est
ac, *severus*.
f Excusi, *Missarum Romanarum*. Se-

quimur tres Vaticanos, plerosque Norm.
& alios nonnullos.

AN. CHR.
594. 595.
GREG. 5.
6693

Al. XIV.
Indict. VII.

E P I S T O L A * XVI.

Ad Datianum Episcopum.

Amice rogat ut sibi afflicto compatiatur!

a

Gregorius ^a Datiano Episcopo Metropolitano.

Scripta dulcissimæ & cordis ulnis
omnibus amplectendæ vestræ Bea-
titudinis, tristis accepi, lætus rele-
gi. Quis enim in hac terra non
lugeat, quæ Barbarorum gladiis tra-
dita, pene jam non habet qui in
ea vivant, & tamen habet quotidie
qui moriantur? Sed in quantalibet
tristitia, quem non vestræ epistolæ
in gaudium exultationis excuterent?
in quibus cum oris efficacia, cum
præpollentis sapientiæ ingenio mi-
hi medullitus loquebatur non carnis
lingua, sed caritatis. Quia vero
ego de fonte vestræ securitatis hau-
riens, ex aliquanto lætificatus sum,
vos quoque rogo, nostræ tristitiæ
luctum tangite, & afflictionem no-
stram in vobismetipsis magistra ca-
ritate pertrahite. Neque enim no-
stri mœroris sordes mundabitis, nisi
ipsi quoque per compassionem ma-
num vestri cordis inquinatis. Nam
sordida vascula, ut iniquatione ter-
ræ careant, cum terra mundari so-
lent: & vos si parumper ad curam
nostram vestrum animum ducitis, ut

nobis opitulari valeatis, quasi cum luto
lutum mundatis. Sed quia hoc o-
perando simul & orando agitis, si
quid pro nobis in vobis terrena actio
inquinat, statim ^b aqua orationis la-
vat. Quia enim si quid patitur unum
membrum, compatiuntur omnia
membra, compatiendo laboribus no-
stris ostendite quia unum sumus.
Narrare enim mala quæ extrinsecus
& intrinsecus patior, epistolari bre-
vitate prohibeor. Sed communis
filius Sabinianus Diaconus vestræ dul-
cissimæ Sanctitati curanda vulnera
nostra aperiet: sed ex opere supernæ
gratiæ subsequente salute cognoscat,
quia medicus est qui vulnus videt. ^c
Pueros vero Episcopo similes non
transmitto, nisi prius cum omnipoten-
tis Dei, & Beatitudinis vestræ so-
latio a terrenis implicationibus ex-
xutus ipse Episcopus fuero. Quan-
do enim me apud meipsum in-
venero, tunc foris mei similes vide-
licet deformes quæro. ^d Data x. Kal.
Januarii.

b

c

d

N O T Æ A D E P I S T. XVI.

^a In indice Collectionis Pauli Diaconi legitur, *Domitiano*. Exstant duæ epistolæ ad Domitianum Melitinæ Episcopum Mauricii Imperat. cognatum, qui in utriusque epistolæ scilicet 67. libri III. & 50. l. x. inscriptione dicitur episcopus Metropolitano, ut hac in epistola Datianus vel Domitianus. Episcopus hic aliquando Constantino-
poli degebat, ubi Sabinianus cum ipso erat collocuturus; quod Domitiano congruit, quem Imperator in aula re-
Tom. VII.

tinebat, ejus consiliis utens. Tam Datianum quam Domitianum in intimis Gregorii fuisse liquet ex scriptis ad eos epistolis. Sic incipit ep. 67. libri III. *Scripta dulcissimæ & suaviss. Beatitudinis vestræ*. Et 50. libri x. *Quam magnæ caritatis sit in mente vestra sinceritas*. Hæc lane maxime conveniunt cum hujusce epistolæ exordio: *Scripta dulcissimæ & cordis ulnis omnibus amplectendæ vestræ Beatitudinis*. Ex his omnibus pene conficitur, Datianum
O o hunc

hunc eundem esse ac Domitianum.
 AN. CHR. Nomen tamen mutare nolimus, quod
 594. 595. solus index Collectionis Pauli habeat
 GREG. 5. Domitianum. Hæc autem epistola de-
 sideratur in MSS. Anglic. Norm. &
 66755 plerisque: eam contulimus ad duos Va-
 ticanos A. & D. ad Colbert. & ad
 Collectionem Pauli.

b Colb. *aqua orationis lavæ.*
 c Vatic. A. *puero Episcopos similes.*
 Legitur etiam in Colb. *Pueros Episco-
 pos similes.*
 d In Vatic. D. *Data x. Kalend. Ja-
 nuarii Indiſt. III.* In Colbert. *Data die
 Kalendarum Januarii.* Ita etiam in Col-
 lect. Pauli, sed additur, *Indiſt. III.*

Al. XIX.

E P I S T O L A * XVII.

Ad Cyprianum Diaconum :

*Dolet de Maximiani Episcopi obitu. Johannem Catanensem Archidiaconum
 in successorem indicat.*

Gregorius Cypriano Diacono.

Johan. 1. 3.
 n. XII.

a

A Marissimas tuæ Dilectionis e-
 pistolas de domni Maximiani
 obitu ^a mense Novembris suscepi.
 Et quidem ille ad præmia desidera-
 ta pervenit, sed infelix populus Sy-
 racusanæ civitatis lugendus est, qui
 pastorem talem diu habere non
 meruit. Proinde Dilectio tua soli-
 citudinem gerat, ut in eadem Eccle-
 sia talis debeat ad ordinandum eligi,
 qui post domnum Maximianum ejus-
 dem regiminis locum non videatur im-
 merito fortiri. Et quidem credo quod
 Trajanum Presbyterum maxima pars
 eligat, qui, ut dicitur, bonæ men-
 tis est: sed quantum suspicor, ad
 regendum locum illum idoneus non
 est. Tamen si melior inveniri non
 valet, & ipse nullis criminibus te-
 netur involutus, condescendi ad eum,
 cogente nimia necessitate, potest. Si

autem mea voluntas ad hanc ele-
 ctionem quæritur, tibi secreto in-
 dico quod volo: quia nullus mihi
 in eadem Ecclesia post domnum Ma-
 ximianum tam dignus videtur, quam
 Johannes Archidiaconus Catanensis
 Ecclesiæ. Qui si fieri potest ut eli-
 gatur, credo quod apta valde per-
 sona inveniatur. Sed ipse quoque
 prius de criminibus, quæ impedire
 possunt, a te secreto requirendus
 est. A quibus si liber inventus fue-
 rit, eligi jure potest. Quod si fa-
 ctum fuerit, etiam & frater & coe-
 piscopus noster Leo ei ^b cessionem
 facere debebit, ut liber ad ordinan-
 dum possit inveniri. Hæc ergo Di-
 lectioni tuæ indicare curavi: tuæ
 jam sollicitudinis intererit, ut o-
 mnia solícite circumspicias, & ea
 quæ sunt Deo grata, disponas.

b

N O T Æ A D E P I S T. XVII.

^a Quatuor Vatic. & alii, *Mense No-
 vembri.* De Maximiano fuisse egimus
 in vita S. Gregorii. Ubi; docebunt
 indices.

^b Tam erant Clerici suæ Ecclesiæ
 additi, ut ne eos quidem in Episco-
 pos alterius Ecclesiæ fas esset eligere,
 nisi missione obtenta, sive, ut vocant,
 cessione. Vide formulam cessionis tomo

2. Conciliorum Galliæ pro Annone
 Clerico: *Commendatum ergo cum curæ
 vestræ suscipite, & nostris ex partibus
 absolutum in vestrarum ovium numero
 custodite, &c.* Idem de wilfrido Diacono,
 de Bernone Acolytho, & Arne-
 giso Presbytero, & aliis. De Leone
 Episcopo Catanensi lib. 3. ep. 34. nunc
 l. 4. ep. 36.

E P I S T O L A * XVIII.

Al. xxxviii.

* Ad Johannem Episcopum :

AN. CHR.

594. 595.

GREG. 5.

6736

Quid cum Johanne tum ipse, tum decessor Pelagius, egerint, ob usurpatum Episcopi universalis titulum. Ab hoc ut abstineat rogat, multisque urget momentis. Cavendum ipsi ab adulatoribus.

Gregorius Johanni Episcopo Constantinopolitano.

Joh. Diae.
14. 3. c. 54.

EO tempore quo Fraternitas vestra in sacerdotalem honorem provecta est, quantam Ecclesiarum pacem atque concordiam invenerit, recolit. Sed quo ausu, quove tumore nescio, novum sibi conata est nomen arripere, unde omnium Fratrum corda potuissent ad scandalum pervenire. Qua in re vehementer admiror, quia ne ad Episcopatum venire potuisses, fugisse velle te meministi. Quem tamen adeptum ita exercere desideras, ac si ad eum ambitioso desiderio cucurrisses. Qui enim indignum te esse fatebaris, ut Episcopus dici debuisses, ad hoc quandoque perductus es, ut despectis Fratribus, Episcopus appetas solus vocari. Et quidem hac de re sanctæ memoriæ decessoris mei Pelagii gravia ad Sanctitatem vestram scripta transmissa sunt. In quibus Synodi, quæ apud vos de fratris quondam & coepiscopi nostri Gregorii causa congregata est, propter nefandum elationis vocabulum, acta dissolvit: & Archidiaconum, quem juxta morem ad vestigia Dominorum transmisserat, Missarum vobiscum solemnia celebrare prohibuit. Post ejus vero obitum, cum indignus ego ad Ecclesiæ regimen adductus sum, & ante per alios Responsales meos, & nunc per communem filium Sabinianum Diaconum alloqui Fraternitatem vestram, ut a tali se præsumptione compefceret, non equidem scripto, sed nudo sermone curavi. Et si emendare nolles, eum Missarum solemnia cum Fraternitate

vestra celebrare prohibui, ut Sanctitatem vestram prius sub quadam verecundiæ reverentia pulsarem: quatenus si emendari nefandus ac profanus tumor verecunde non posset, tunc ad ea debuisset, quæ sunt districta, atque canonica perveniri. Et quia rescanda vulnera prius leni manu palpanda sunt: rogo, deprecor, & quanta possum dulcedine exposco, ut Fraternitas vestra cunctis sibi adulantibus, atque erroris nomen deferentibus contradicat, nec stulto ac superbo vocabulo appellari consentiat. Vere enim flens dico, atque ex intimo viscerum dolore peccatis meis deputo, quod ille meus Frater nunc usque ad humilitatem reduci non valuit, qui ad hoc in Episcopatus gradu constitutus est, ut aliorum animas ad humilitatem reducat: quod ille, qui veritatem docet alios, semetipsum docere, nec me quoque deprecante, consensit.

Perpende, rogo, quia in hac præsumptione temeraria, pax totius turbatur Ecclesiæ, & gratiæ contradicitur communiter omnibus effusæ. In qua nimirum ipse tantum crescere poteris, quantum penes temetipsum decreveris. Tantoque major efficeris, quanto te a superbi & stulti vocabuli usurpatione restringis. Atque in tantum proficis, in quantum tibi non studueris derogando Fratribus arrogare. Humilitatem ergo, frater carissime, totis visceribus dilige, per quam cunctorum Fratrum concordia, & sanctæ universalis Ecclesiæ unitas valeat custodiri.

A N. CHR. 594. 595. GREG. 5. **Certe** Paulus Apostolus cum audiret quosdam dicere: *Ego sum Pauli*, ego *Apollo*, ego *vero Cepha*: hanc dilacerationem corporis Domini, per quam membra ejus aliis quodammodo se capitibus sociabant, vehementissime perhorrescens exclamavit, dicens: *Numquid Paulus pro vobis crucifixus est, aut in nomine Pauli baptizati estis?* Si ergo ille membra dominici corporis ^b certis extra Christum quasi capitibus, & ipsis quidem Apostolis subjeci partialiter evitavit: tu quid Christo, universalis scilicet Ecclesiæ capiti, in extremi judicii es dicturus examine, qui cuncta ejus membra tibimet conaris universalis appellatione supponere? Quis, rogo, in hoc tam perverso vocabulo, nisi ille ad imitandum proponitur, qui despectis Angelorum legionibus secum socialiter constitutis, ad culmen conatus est singularitatis erumpere, ut & nulli subesse, & solus omnibus præse videretur? Qui etiam dixit: *In cælum conscendam, super astra cæli exaltabo solium meum. Sedebo in monte testamenti, in lateribus Aquilonis. Ascendam super altitudinem nubium, similis ero Altissimo.*

Quid enim Fratres tui omnes universalis Ecclesiæ Episcopi, nisi astra cæli sunt? quorum vita simul & lingua inter peccata erroresque hominum quasi inter noctis tenebras lucent. Quibus dum cupis temetipsum vocabulo elato præponere, eorumque nomen tui comparatione calcare, quid aliud dicis, nisi: *In cælum conscendam, super astra cæli exaltabo solium meum?* An non universi Episcopi nubes sunt, qui & verbis prædicationis pluunt, & bonorum operum ^c luce coruscant?

Quos dum vestra Fraternitas despicens, sub se premere conatur, quid aliud dicit nisi hoc, quod ab antiquo hoste dicitur: *Ascendam su-*

per altitudinem nubium? Quæ cuncta ego cum flens conspicio, & occulta Dei judicia pertimesco, augentur lacrymæ, gemitus se in meo corde non capiunt, quod ille vir sanctissimus dominus Johannes, tantæ abstinentiæ atque humilitatis, familiarium seductione linguarum ad tantam superbiam erupit, ut in appetitu perversi nominis illi esse conetur similis, qui dum superbe esse similis Deo voluit, etiam donatæ similitudinis gratiam amisit; & ideo veram beatitudinem perdidit, quia falsam gloriam quæsit. ^d Certe Petrus Apostolorum primus, membrum sanctæ & universalis Ecclesiæ, Paulus, Andreas, Johannes, quid aliud quam singulare sunt plebium capita? & tamen sub uno capite omnes membra. Atque ut cuncta brevi cingulo locutionis astringam, Sancti ante Legem, Sancti sub Lege, Sancti sub Gratia, omnes hi perficientes corpus Domini, in membris sunt Ecclesiæ constituti, & nemo se unquam universalem ^e vocari voluit. Vestra autem Sanctitas agnoscat quantum apud se tumeat, quæ illo nomine vocari appetit, quo vocari nullus præsumsit, qui veraciter sanctus fuit.

Numquid non, sicut vestra Fraternitas novit, ^f per venerandum Chalcedonense Concilium hujus Apostolicæ Sedis Antistites, cui Deo disponente deservio, universales oblati honore vocati sunt? Sed tamen nullus unquam tali vocabulo appellari voluit, nullus sibi hoc temerarium nomen arripuit: ne si sibi in Pontificatus gradu gloriam singularitatis arriperet, hanc omnibus fratribus denegasse videretur.

Sed hæc, scio, quia vestræ Sanctitati ab illis oriuntur, qui vobis deceptiosa familiaritate deserviunt: contra quos peto ut vestra Fraternitas solerter invigilet, nec se eorum verbis fallendum præbeat. Tanto enim

enim majores hostes credendi sunt , quanto magis laudibus adulantur . Relinque tales ; & si omnino decepturi sunt , saltem terrenorum hominum , & non Sacerdotum corda decipiant . § *Sine mortuos ut sepeliant mortuos suos .* Vos autem cum Prophetæ dicite : *Avertantur statim erubescences , qui dicunt mihi Euge , euge .* Et rursus : *Oleum autem peccatoris non impinguet caput meum .* Unde & bene quidam Sapiens admonet : *Multi sint pacifici tui , consiliarius autem sit unus tibi de mille .* Corruptum enim bonos mores colloquia mala . Antiquus enim hostis cum robustum cor irrumpere non valet , subjunctas ei infirmas personas quærit , & quasi contra alta mœnia scalis appositis ascendit . Sic Adam per subjunctam mulierem decepit . Sic beato Job cum filios occidit , infirmam mulierem reliquit : ut qui ejus cor per se minime poterat , saltem si posset per mulieris verba penetraret . Quicumque ergo juxta vos infirmi ac seculares sunt , in sua semper suasionem atque adulationem frangantur : quia inde æternas Dei inimici tias pariunt , unde ipsi perversi amatores videntur .

Certe olim clamabatur per Apostolum Johannem : *Filioli , novissima hora est ;* secundum quod Veritas prædixit . Pestilentia & gladius per mundum sævit , gentes insurgunt gentibus , ^h terræ concutitur orbis , cum habitatoribus suis terra dehiscens solvitur . Omnia enim quæ prædicta sunt , fiunt . Rex superbiæ prope est , & quod dici nefas est , Sacerdotum ei præparatur exercitus : quia cervici militant elationis , qui ad hoc positi fuerant , ut ducatum præberent humilitatis . Sed hac in re , etiamsi nostra lingua minime contradicat , illius virtus contra elationem in ultionem erigitur , qui superbiæ vitio per semet-

ipsum specialiter adversatur . Hinc enim scriptum est : *Deus superbis resistit , humilibus autem dat gratiam .* Hinc rursus dicitur : *Immundus est apud Deum , qui exaltat cor .* Hinc contra superbientem hominem scriptum est : *Quid i superbit terra & cinis ?* Hinc per semetipsam Veritas dicit : *Omnis qui se exaltat humiliabitur .* Quæ ut nos ad viam vitæ per humilitatem reduceret , in semetipsa dignata est quod nos admonet demonstrare , dicens : *Discite a me , quia mitis sum & humilis corde .* Ad hoc namque unigenitus Dei filius formam infirmitatis nostræ suscepit : ad hoc invisibilis , non solum visibilis , sed etiam despectus apparuit : ad hoc contumeliarum ludibria , illusionum probra , passionum tormenta toleravit , ut superbum non esse hominem doceret humilis Deus . Quanta igitur humilitatis virtus est , propter quam solam veraciter edocendam , is qui sine æstimatione magnus est , usque ad passionem mortis factus est parvus ? Quia enim originem perditionis nostræ se præbuit superbia diaboli , instrumentum redemptionis nostræ inventa est humilitas Dei . Hostis quippe noster inter omnia conditus , videri supra omnia voluit elatus . Redemptor autem noster magnus manens supra omnia , fieri inter omnia dignatus est parvus .

Quid ergo nos Episcopi dicimus , qui honoris locum ex Redemptoris nostri humilitate suscepimus , & tamen superbiam hostis ipsius imitamur ? Ecce novimus Creatorem nostrum de suæ celsitudinis culmine , ut humano generi daret gloriam , descendisse ; & nos de infimis creati , de Fratrum minoratione gloriamur . Humiliavit se usque ad nostrum pulverem Deus , & in cælo os suum ponit , & super terram lingua pertransit pulvis humanus , & non erubescit : non metuit extolli

AN. CHR.
594. 595.
GREG. 5.

6633
Jac. 4. 6.
Prov. 16. 5.

Eccl. 10. 9.

i
Luc. 14. 11.

Matt. 23. 29.

g
Luc. 9. 60.

Isal. 69. 4.

Ps. 150. 5.

Eccl. 6. 6.

1. Cor. 15. 33.

1. Job. 2. 18.

Luc. 21. 10.

h

AN. CHR. 594. 595.
GREG 5.
6673

Eccli. 32. 14.

tolli homo putredo, filius hominis
vermis. Reducamus ad animum,
Frater carissime, hoc quod per sa-
pientissimum Salomonem dicitur:

Eccli. 32. 14.

*Ante tonitruum praebit coruscatio,
& ante ruinam exaltabitur cor. U-
bi e diverso jungitur: Ante glo-
riam humiliabitur. Humiliemur ergo
in mente, si ad solidam cona-
mur venire celsitudinem. Nequa-
quam per elationis fumum oculi
cordis obscorentur: qui quanto ma-
gis excreverit, tanto celerius eva-
nescit. Pensamus quid nos praece-
pta admoneant Redemptoris nostri,*

Matth. 5. 3.

*dicentis: Beati pauperes spiritu, quo-
niam ipsorum est regnum caelorum.
Hinc etiam per Prophetam dicit:*

Isai. 66. 2.

*Super quem requiescet Spiritus meus,
nisi super humilem, & quietum, &
tremementem sermones meos? Certe cum
Dominus ad humilitatis viam adhuc
infirmantia discipulorum corda re-
duceret, dixit: Si quis vult inter vos*

Matth. 20. 27.

*primus esse, erit omnium minimus.
Qua in re aperte cognoscitur, quo-
niam ille veraciter sublimis est, qui
in suis cogitationibus humiliatur.
Formidamus ergo in illorum numero
adscribi, qui primas in synagogis
cathedras quaerunt, & salutationes
in foro, & vocari ab hominibus
Rabbi. Quod contra discipulis Do-
minus dicit: Vos autem nolite vo-
cari Rabbi. Unus enim magister ve-
ster est: vos autem omnes fratres estis.
Et Patrem nolite vocare vobis super
terram: unus est enim Pater vester.*

Matth. 23. v.
7. & 3.

*Quid ergo, Frater carissime, in
in illo terribili examine venientis ju-
dicii dicturus es, qui non solum
pater, sed etiam generalis pater in
mundo vocari appetis? Caveatur
ergo malorum prava suggestio, fu-
giatur omnis ^k instigatio scandalum.*

k

Matth. 18. 7.

*Oportet quidem ut veniant scandala:
verumtamen vae homini illi per quem
scandalum venit. Ecce ex hoc ne-
fando elationis vocabulo Ecclesia scin-
ditur: fratrum omnium corda ad*

scandalum provocantur. Numquid-
nam mente excidit, quod Veritas
dicit: *Qui scandalizaverit unum de
pusillis istis qui in me credunt, ex-
pedit ei ut suspendatur mola asi-
naria in collo ejus, & demergatur
in profundum maris?* Scriptum vero
est: *Caritas non quaerit quae sua sunt.*
Ecce vestra Fraternitas sibi arrogat
etiam aliena. Rursus scriptum est:
Honore invicem praevenientes. Et tu
conaris eum omnibus tollere, quem
tibi illicite desideras singulariter u-
surpare. Ubi est, Frater carissime,
quod scriptum est: *Pacem habete
cum omnibus & sanctimoniam, sine
qua nemo videbit Deum?* Ubi est
quod scriptum est: *Beati pacifici,
quoniam filii Dei vocabuntur?*

Idem.

1. Cor. 13. 5.

Rom. 13. 19.

Idem.

Matth. 5. 3.

Considerare vos convenit, ne qua
radix amaritudinis sursum germinans
impediat, & per illam coinquinen-
tur multi. Quod tamen si conside-
rare negligimus, contra tantae elationis
tumorem judicia superna vi-
gilabunt. Et nos quidem in quos
talis tantaque per ausum nefarium
culpa committitur, servamus quod
Veritas praecepit, dicens: *Si pecca-
verit in te frater tuus, vade, & cor-
ripe eum inter te & ipsum solum. Si te
audierit, lucratus eris fratrem tuum.
Si autem te non audierit, adhibe te-
cum adhuc unum vel duos, ut in ore
duorum vel trium testium stet omne
verbum. Quod si non audierit eos,
dic Ecclesiae. Si autem Ecclesiam non
audierit, sit tibi sicut ethnicus &
publicanus. Ego itaque per Respon-
sales meos semel & bis verbis hu-
militer debui, non omisi. Sed si in
mea correptione despicio, restat ut
Ecclesiam debeam adhibere.*

Matth. 17. 3.

Hac itaque dicens, omnipotens
Deus Fraternitati vestrae indicet,
quanto circa vos amore constringor:
quantumque in hac causa non con-

tra

tra vòs, sed pro vobis lugeo. In qua tamen præceptis Evangelicis, institutionibus canonum, utilitatibus fratrum personam præponere non possum, nec ejus quem multum amo.

1 Scripta autem Sanctitatis vestræ
1 dulcissima atque suavissima de causa Presbyterorum Johannis & Atha-

nasii suscepi, de qua vobis in subsequen-
tibus Domino adjuvante respon-
debo, quia sub tantis tribulationibus
circumfusus Barbarorum gladiis premor, ut non dico multa tractare, sed mihi respirare vix liceat.
n Data Kalendis Januarii, Indictione XIII.

AN. CHR.

594. 595.

GREG. 5.

m

m

n

NOTÆ AD EPIST. XVIII.

* Vide Samm. in Vita S. Greg. l. 3. c. 1. nu. 12. & 15. Et ep. 4. l. 7.

a Vatic. E. & Rem. *vere enim infelix dico.*

b Vatic. A. & B. *cæteris extra Christum capitibus.*

c In recent. *luce & miraculis*; quæ nullatenus leguntur in Vatic. Norm. Angl. Corb. Rem. &c.

d Ita MSS. Vatic. Angl. Norm. Corb. &c. Editi vero, *Petrus Apostolus primum membrum . . . Ecclesiæ est . . . & tamen sub uno capite membra sunt Ecclesiæ.* In tribus Vatican. & Norm. pro, *singularium*, legitur, *singularum.*

e Excusi, *vocare*, faventibus nonnullis Vatic. at prætulimus *vocari*, quod habent Vatic. D. Angl. Norm. Rem.

f Hujus Concilii Actione 3. referuntur quidam libelli supplices Romano Pontifici oblatis, in quibus *œcumenicus* seu universalis dicitur. Qui cum in Concilio lecti fuissent, titulum hunc Concilium minime reprobavit. Idem dicendum de oratione Paschagini hac

in actione relata, in qua scilicet Papam eodem donat titulo.

g Excusi, *sine mortuos sepelire* &c.

h Hic multa mutavimus, præeuntibus MSS. Vatic. Norm. Corb. &c. In Vatic. D. qui a tribus aliis dissentit, legitur: *terra concutitur, urbes cum habitatoribus suis terra dehiscite forbentur.* In vulgatis: *terra concutitur, orbis cum habitatoribus suis, terra dehiscite, forbetur.* Quæ lectio ex alia corrupta constata est. Infra ubi legitur, *Sacerdotum ei præparatur exercitus*: olim legebatur, *Sacerdotum esset præparatus exitus* quam lectionem emendavit Gussanv. quibus adjungere liceat quatuor Vatic. & Normannos omnes.

i In editis *quid superbis* &c.

k Vatic. D. *infigatio diaboli.*

l In Vatic. B. *dulcissimæ atque suavissimæ.*

m Corb. & alii, præsertim Norm. *circumfusus.*

n Nullis in MSS. hoc legimus, præterquam in Colbert. ubi inscribitur Indictio xv.

EPISTOLA * XIX.

Ad Sabinianum Diaconum.

Epistolam superiorem, ob reverentiam Imperatoris, suavitate respersam; det Johanni Episcopo. Principi is callide persuaserat, ut Gregorium ad pacem secum servandam hortaretur. Sabiniani adversus ejus superbiam animum excitat Gregorius.

Gregorius a Sabiniano Diacono.

Joh. Diac.
l. 3. c. 55.

DE causa fratris nostri viri reverendissimi Johannis Episcopi Constantinopolitani, duas epistolas facere nolui. Sed una breviter facta est, quæ utrumque habere videretur admixtum, id est & rectitudinem, & blandimentum. Tua

itaque Dilectio eam epistolam, quam nunc direxi, propter voluntatem Imperatoris dare studeat. Nam de subsequenti talis alia transmittetur, de qua ejus superbia non lætetur. Ad hoc enim usque pervenit, ut sub occasione Johannis Presbyteri

ge-

AN. CHR.

594. 595.

GREG. 5.

Sup. Ep. 12.

Inf. Ep. 20.

21. 43.

gesta huc transmitteret, in quibus se pene per omnem versum *οἰκουμενόν* Patriarcham nominaret. Sed spero in omnipotentem Deum quia hypocrisim illius superna majestas solvet. Miror autem quomodo Dilectionem tuam fallere potuit, ut permitteres domno Imperatori persuaderi, quatenus ad me sua scripta de hac causa transmitteret, in quibus admoneret ut cum eo pacem habere debuissim. Qui si iustitiam tenere vult, illum debuit admonere, ut se a superbo vocabulo compesceret, & protinus inter nos pax fieret. Tamen qua id calliditate a prædicto fratre nostro Johanne factum sit, suspicor, minime pensasti. Idcirco enim hoc ille fecit ut aut audiretur domnus Imperator, & ille in sua vanitate confirmatus esse videretur: aut non a me audiretur, & ejus animus contra me irritaretur. Sed nos rectam viam tenebi-

mus, nihil in hac causa aliud nisi omnipotentem Dominum metuentes. Unde tua Dilectio in nullo trepidet. Omnia quæ in hoc seculo videt alta esse contra veritatem, pro veritate despiciat: in omnipotentis Dei gratia, atque beati Petri Apostoli adjutorio confidat. Vocem Veritatis recolat, dicentis: *Major est qui in vobis est, quam qui in mundo:* & in hac causa quidquid agendum est, cum summa auctoritate agat. Postquam enim defendi ab inimicorum gladiis nullo modo possumus: postquam pro amore Reipublicæ, argentum, aurum, mancipia, vestes perdidimus: nimis ignominiosum est, ut per eos etiam fidem perdamus. In isto enim scelesto vocabulo consentire, nihil est aliud quam fidem perdere. Unde sicut tibi jam transactis epistolis scripsi, nunquam cum eo procedere præsumas.

1. Joh. 4. 4. b

c

NOTÆ AD EPIST. XIX.

a Sabinianus Diaconus S. Gregorii apud Imper. tunc Apocrisiarius erat, cui in Pontificatu successit. In Norm. & plerisque MSS. legitur. *Saviniano*.
b Ita Corb. Vatic. Norm. Anglic.

ubi in editis legitur, *qui in cælis est*, quo autem loco hæc legantur in Script. sacra, nos latet.

c Excusi, pro utilitate Reipublicæ.

A. XXXII.

EPISTOLA * XX.

Ad Mauricium Augustum.

Laudat Imperatoris zelum pro Ecclesiæ pace. Johannis Episcopi hypocrisim depingit. Ambitioso quem usurpabat titulo Ecclesiam totam, venerandas Synodos, pias leges, ipsius Christi mandata turbare: illius proinde superbiam Imperiali auctoritate constringendam. Se vero, nisi humiliter ac suaviter admonentem audiat Johannes, illi cum Deo invictæ restitutum.

Gregorius Mauricio Augusto.

Pissimus atque a Deo constitutus dominus noster, inter cæteras augustorum ponderum curas, conservandæ quoque sacerdotali caritati rectitudine studii spiritualis invigilat: videlicet pie veraciterque considerans, neminem posse recte terrena

regere, nisi noverit divina tractare; pacemque Reipublicæ, ex universalis Ecclesiæ pace pendere. Quæ enim, serenissime domine, virtus humana, quodque carnei robur brachii contra vestri Christianissimi culmen Imperii irreligiosas præsumeret

ma-

manus erigere , si studeret concors
Sacerdotum mens Redemptorem suum
lingua pro vobis , atque , ut oportebat , meritis exorare ? Aut quis
ferocissimæ gentis gladius in necem
fidelium tanta crudelitate grassaretur , nisi nostra vita , qui Sacerdotes nominamur , & non sumus , a
pravissimis gravaretur operibus ? Sed dum nos competentia nobis relinquimus , & nobis incompetentia cogitamus , peccata nostra barbaricis viribus sociamus , & culpa nostra hostium gladios exacuit , quæ Reipublicæ vires gravat . Quid autem dicturi sumus , qui populum Dei , cui indigne præsumus , peccatorum nostrorum oneribus premimus ? qui quod per linguam prædicamus , per exempla destruimus ? qui iniqua docemus operibus , & sola voce ea quæ sunt iusta prætendimus ? Ossa jejuniis atteruntur , & mente turgemus . Corpus despectis vestibus tegitur , & elatione cordis purpuram superamus . Jacemus in cinere , &^a excellentia despiciamus . Doctores humilium , duces superbiæ , ovina facie lupinos dentes abscondimus . Sed quis horum finis est , nisi quod hominibus suademus , Deo autem manifesti sumus ? Quamobrem providentissime^b piissimus dominus ad compescendos bellicos motus pacem quærit Ecclesiæ , atque ad hujus compagem Sacerdotum dignatur corda reducere . Quod quidem ego opto , atque quantum ad me attinet , serenissimis jussionibus obedientiam præbeo . Quia vero non causa mea , sed Dei est : & quia non solus ego , sed tota turbatur Ecclesia , quia piæ leges ,^c quia venerandæ Synodi , quia ipsa etiam Domini nostri Jesu Christi mandata superbi atque pompatici cujusdam sermonis inventione turbantur : piissimus dominus locum secet vulneris , atque resistentem ægrum^d angustæ auctoritatis vinculis constringat , Adstringendo

Tom. VII.

enim ista Rempublicam sublevatis ; & dum talia reciditis , de regni vestri prolixitate tractatis .

Cunctis enim Evangelium scientibus liquet , quod voce Dominica sancto & omnium Apostolorum Petro Principi Apostolo , totius Ecclesiæ cura commissa est . Ipsi quippe dicitur : *Petre , amas me ? pasce oves meas.* Ipsi dicitur : *Ecce Sathanas expetiit cribare vos sicut triticum : & ego pro te rogavi , Petre , ut non deficiat fides tua . Et tu aliquando conversus confirma fratres tuos.* Ipsi dicitur . *Tu es Petrus , & super hanc petram ædificabo Ecclesiam meam , & portæ inferi non prævalebunt adversus eam . Et tibi dabo claves regni cælorum : & quodcumque ligaveris super terram , erit ligatum & in cælis : & quodcumque solveris super terram , erit solutum & in cælo .*

Ecce claves regni cœlestis accepit ,^{Joh. Diac. l. 3. c. 53.} potestas ei ligandi ac solvendi tribuitur , cura ei totius Ecclesiæ , & principatus committitur , & tamen universalis Apostolus non vocatur : & vir sanctissimus confacerdos meus Johannes vocari universalis Episcopus conatur . Exclamare compellor ac dicere : *O tempora , o mores !*

Ecce cuncta in Europæ partibus Barbarorum juri sunt tradita , destructæ urbes , everfa castra , depopulatæ provinciæ , nullus terram cultor inhabitat : sæviunt & dominantur quotidie in necem fidelium cultores idolorum ; & tamen Sacerdotes , qui in pavimento & cinere flentes jacere debuerunt , vanitatis sibi nomina expetunt : & novis ac profanis vocabulis gloriantur .

Numquid ego hac in re , piissime domine , propriam causam defendo ? Numquid specialem injuriam vindico ?^c causam omnipotentis Dei , causam universalis Ecclesiæ .

Quis est iste , qui contra statuta Evangelica , contra canonum decreta ,

AN. CHR.
594. 595.
GREG. 5.

66733

Joh. 21. 17.
Luc. 22. 31.

Matt. 16. 8.

Joh. Diac.
l. 3. c. 53.

c

P p

ta ,

A N. C HR.
594. 595.
GREG. 5.
6675

ta, novum sibi usurpare nomen præsumit? utinam vel sine aliorum imminutione unus sit, qui vocari appetit universalis!

Et certe multos Constantinopolitanæ Ecclesiæ in hæreseos voraginem incidisse novimus Sacerdotes, & non solum hæreticos, sed etiam hæresiarchas factos. Inde quippe Nestorius, qui Mediatorem Dei & hominum Jesum Christum duas esse personas existimans, quia Deum fieri hominem potuisse non credidit, usque ad Judaicam perfidiam erupit. Inde Macedonius, qui consubstantialem Patri & Filio Spiritum sanctum Deum esse denegavit. Si igitur illud nomen in ea Ecclesia sibi quisquam arripit, f quod apud bonorum omnium judicium fecit: g universa ergo Ecclesia, quod absit, a statu suo corruit, quando is qui appellatur universalis cadit. Sed absit a cordibus Christianis nomen istud blasphemiae, in quo omnium Sacerdotum honor adimitur, dum ab uno sibi dementer arrogatur.

Certe pro beati Petri Apostolorum principis honore, h per venerandam Chalcedonensem Synodum Romano Pontifici oblatum est. Sed nullus eorum unquam i hoc singularitatis nomine uti consensit, ne dum privatum aliquid daretur uni, honore debito Sacerdotes privarentur universi. Quid est ergo quod nos hujus vocabuli gloriam & oblatam non quaerimus, & alter sibi hanc arripere & non oblatam præsumit?

Ille ergo magis est piissimorum Dominorum præceptione flectendus, qui præceptis canonicis obedientiam præbere contemnit. Ille coercendus est, qui sanctæ universali Ecclesiæ injuriam facit, qui corde tumet, qui gaudere de nomine singularitatis appetit, qui honori quoque imperii vestri se per privatum vocabulum superponit.

Eccē omnes hac de re scandalum

patimur. Ad vitam ergo rectam revertatur auctor scandali, & omnia Sacerdotum jurgia cessabunt. Ego enim cunctorum Sacerdotum servus sum, in quantum ipsi sacerdotaliter vivunt. Nam qui contra omnipotentem Dominum per inanis gloriæ tumorem, atque contra statuta Patrum suam cervicem erigit, in omnipotenti Domino confido, quia meam sibi nec cum gladiis flectit.

Quid autem nuper in hac urbe ex hujus auditu vocabuli gestum sit, Sabiniano Diacono ac Responsali meo subtilius indicavi. Cogitet ergo Dominorum Pietas de me proprio suo, quem specialiter præ cæteris semper fovit atque k continuit, qui & vobis obedientiam præbere desidero, & tamen de mea negligentia reperiri reus in superno tremendoque judicio pertimesco; ac secundum petitionem prædicti Sabiniani Diaconi, aut piissimus dominus ipsum digne-
tur judicare negotium: aut sæpe nominatum virum, l ut ab hac tandem intentione cesset, inflectere. Si ergo judicio Pietatis vestræ justissimo, vel clementibus jussionibus cesserit, omnipotenti Deo gratias referimus, atque de concessa per vos omni Ecclesiæ pace gaudemus. Sin autem in eadem diutius contentione persistit, hac de re jam Veritatis sententiam certam tenemus, quæ ait:

Omnis qui se exaltat humiliabitur. Luc. 14. 11.
Et rursus scriptum est: *Ante ruinam exaltatur cor.* Ego autem Dominorum jussionibus obedientiam præbens, prædicto confacerdoti meo & dulciter scripsi, & humiliter, ut ab hac inanis gloriæ appetitione sese emendet, admonui. Si igitur me audire voluerit, habet devotum fratrem. Si vero in superbia persistit, jam quid sequatur aspicio, quia illum sibi adversarium invenit, de quo scriptum est: *Deus superbis resistit, humilibus autem dat gratiam.* Jac. 4. 6.

a Recen. ed. *excelsa non despiciamus*, invitis MSS. Vatic. Anglic. Norm. &c.

b Excusi, *dominus noster*. Abest *noster* a Vatic. Norm. &c.

c Norm. & Corb. *quia veneranda Synodus*.

d Hic MSS. non consentiunt. Gemet. Audoen. Pratell. Lyr. cum tribus Vatic. habent, *agrum angustet vinculis auctoritatis. Astringendo enim ista re penitus Rempulicam sublevatis*. Parum discrepat Regius. Becc. *angustet vinculis auctoritatis. Dum enim ista reprimitis, Rempulicam sublevatis*. Consentit Corb. Sequimur Vat. A. & alios.

e Vatic. D. cui consentiunt plerique excusi, *vindico, & non magis causam omnipotentis Dei & causam* &c. Sequimur tres Vaticanos, Norm. Corb. Reg. &c.

f Obscurus est hic locus, qui tamen ita legitur in Norm. Reg. tribus Vatic. & plerisque: nec clarior est excusorum lectio mutando fecit, in fuit, solus Vatic. D. habet, *quod bonorum omnium iudicium fecit: & quidem optimo sensu*. At meliori adhuc Jamesius legit in MSS. Anglic. *quo caput se bonorum omnium facit: universa ergo*. In Sagiensi, *quod caput* &c. Hanc lectionem præferat qui voluerit.

g Multis argumentis hanc novam appellationem concurrit. 1. Cadente universali Episcopo, universa ruit Ecclesia. 2. Nullus Romanorum Pontificum hoc nomen assumpsit. 3. Honore debito universi Sacerdotes privarentur, si quis etiam Romanus Pontifex hoc appellaretur nomine. 4. Præceptis canonice adversatur ista appellatio. 5. Omnes hac de re scandalum patiuntur. In Synodo VII. act. 2. contendit Papa Hadrianus cum Tarasio de nomine Patriarchæ œcumenici, & conce-

dit. Vide epistolam Hadriani, & sententiam Basilii Ancyran, Stauratii Chalcedonensis, Nicephori Dyrrachii, Epiphaniæ Catanensis, Gregorii Synopes, Sabæ Monachi, Gregorii Monachi. Idem act. 3. in titulo epistolæ Orientalium, necnon in votis Episcoporum Agapii, Johannis Constantin. Basilii, &c. Leo IX. Michaeli Constant. Patriarchæ scribens de S. Leone I. ait: *Superbum refutavit vocabulum penitus, quo videbatur par dignitas subtrahi cunctis per orbem Præsulibus, dum uni ex toto arrogaretur*. Vide totam epistolam. Quid si Græci nomen œcumenici suo Patriarchæ ea tantum de causa tribuerent, quod toti cuidam parti orbis præesset, ut videtur sensisse Anastasius Bibliothecarius in præfatione VII. Synodi in editione Romana. Lege S. Hieronymum l. 5. in Illa. ad illa verb. c. 13. *vox multitudinis, & visitabo super orbis mala*. Ubi explicat quid per omnem terram, quid per orbem, & οἰκουμένη sit intelligendum. Guss.

h Melius diceretur, in universali Chalcedonensi Synodo, scilicet actione 3. in aliquot libellis, & in voto Palschafini legati S. Leonis, & act. 6. in voto ejusdem Palschafini. Vocem per, interpretantur, durante &c. Guffanv. Vide sup. ep. 18. circa medium.

i Ita Vatic. Norm. Corb. Reg. in quibusdam tamen pro, nomine, legitur, vocabulo. In vulgaris, hoc singularitatis nomen assumpsit, nec uti consensit.

k Eodem modo interpretandum est hoc loco verbum continere, ac in ep. 5. libri 1. nomen continentia. Vide notas.

l Tres Vatic. aut sæpe nomin. virum, ab hac tandem intentione non esset (forte non cesset) inflectere.

Al. XXXIV.

EPISTOLA * XXI.

Ad Constantinam Augustam.

Ut Johannis ambitioni se opponere pergat hortatur. Perstringit illius hypocrisim, perversitatem ac superbiam. Conqueritur Imperatorem illi, & Maximo patrocinari. Huic, ob Principis reverentiam, quod nesciente se ordinatus sit indulget: alia ejus facinora discutienda & judicanda reservat.

Gregorius Constantinæ Augustæ.

Omnipotens Deus, qui Pietatis vestræ cor suæ dextera majestatis tenet, & nos ex vobis protegit, & vobis pro temporalibus a-

P P 2 tibus

A. N. C. H. R.

594. 595.

GREG. 5.

673

a

Job. Diac.

lib. 3. c. 51.

b

c

d

etibus æternæ præmia remunerationis parat. Nam Sabiniano Diacono Responsali meo scribente cognovi in causis B. Petri Apostolorum Principis contra ^a quosdam superbe humiles & fiste blandos, quanta se justitia vestra Serenitas impendat. Et in Redemptoris nostri largitate confido, quia bonum hoc in serenissimo domino & piissimis filiis, ^b in cœlesti quoque patria retributionem recipietis. Nec dubium est peccatorum vinculis ^c solutos, æterna vos bona recipere, qui in causis ejus Ecclesiæ ipsum vobis, cui potestas ligandi & solvendi data est, debitorem fecistis. Unde adhuc peto ut nullius prævalere contra veritatem hypocrisis permittatis: quia sunt quidam, qui juxta egregii prædicatoris vocem, per dulces sermones & benedictiones seducunt corda innocentium, qui veste quidem despecti sunt, ^d sed corde tument. Et quasi in hoc mundo cuncta despiciunt, sed tamen ea quæ mundi sunt, cuncta simul adipisci quærunt. Qui indignos se omnibus hominibus fatentur, sed privatis vocabulis contenti esse non possunt: quia illud appetunt, unde omnibus digniores esse videantur. Vestra itaque Pietas, quam omnipotens Deus cum serenissimo domino, universo mundo præesse constituit, illi per favorem justitiæ famulatum suum reddat a quo jus tantæ potestatis accepit: ut quanto verius in executione veritatis auctori omnium servit, tanto securius commisso sibi mundo dominetur.

Præterea indico, quia piissimi domini scripta suscepi, ut fratri & consacerdoti meo Johanni debeam esse pacificus. Et quidem sic religiosum dominum decuit ut ista præciperet Sacerdotibus. Sed cum se nova præsumptione atque superbia idem frater meus universalem Episcopum appellet; itaut sanctæ memo-

riæ decessoris mei tempore adscribi se in Synodo tali hoc superbo vocabulo faceret, quamvis cuncta acta illius Synodi, Sede contradicente apostolica soluta sint: triste mihi aliquid serenissimus dominus innuit, quod non cum corripuit qui superbit, sed magis ab intentione mea declinare studuit, qui in hac causa ^e Evangeliorum & canonum, humilitatis atque rectitudinis veritatem defendo. Qua in re a prædicto fratre & consacerdote meo contra Evangelicam sententiam, contra beatum quoque Petrum Apostolum, & contra omnes Ecclesias, contraque statuta canonum agitur. Sed est omnipotens Dominus, in cujus manu sunt omnia, de quo scriptum est: *Non est sapientia, non est prudentia, non est consilium contra Dominum.* Et quidem sæpe præfatus sanctissimus frater serenissimo domino multa suadere conatur: sed bene novi, quia tantæ illæ orationes ejus & lacrymæ, nil ei a quoquam contra rationem aut animam surripi permittunt.

Triste tamen valde est, ut patienter feratur, quatenus despectis omnibus, prædictus frater & coepiscopus meus solus conetur appellari Episcopus. Sed in hac ejus superbia quid aliud nisi propinqua jam Antichristi esse tempora designatur? Quia illum videlicet imitatur, qui spretis in sociali gaudio Angelorum legionibus ad culmen conatus est singularitatis erumpere, dicens: *Super astra cæli exaltabo solium meum, sedebo in monte testamenti, in lateribus Aquilonis, & ascendam super altitudinem nubium, & ero similis Altissimo.* Unde per omnipotentem Dominum rogo, ne Pietatis vestræ tempora permittatis unius hominis elatione maculari, neque tam perverso vocabulo ullum quoquo modo præbeatis assensum, atque hac in causa nequaquam me Pietas vestra despi-

e

Prov. 21. 30.

Isai. 14. 13.

despiciat: quia etsi peccata Gregorii tanta sunt, ut pati talia debeat, Petri tamen Apostoli peccata nulla sunt, ut vestris temporibus pati ista mereatur. Unde iterum atque iterum per omnipotentem Dominum rogo, ut sicut parentes priores vestri Principes, sancti Petri Apostoli gratiam quæsierunt: ita vos quoque & hanc vobis quærere, & conservare curetis, & propter peccata nostra, qui ei indigne servimus, ejus apud vos honor nullatenus minuatur, & qui modo vobis adjutor esse in omnibus, & postmodum vestra valeat peccata dimittere.

f Viginti^f autem jam & septem annos ducimus, quod in hac urbe inter Langobardorum gladios vivimus. Quibus quam multa hac ab Ecclesia quotidianis diebus erogantur, ut inter eos vivere possimus, suggerenda non sunt. Sed breviter indico, quia sicut in Ravennæ partibus Dominorum Pietas apud primum exercitum Italiæ & saccellarium g habet qui causis supervenientibus quotidianas expensas faciat, ita & in hac urbe in causis talibus eorum saccellarius ego sum. Et tamen hæc Ecclesia, quæ uno eodemque tempore Clericis, monasteriis, pauperibus, populo, atque insuper Langobardis tam multa indefinenter expendit, ecce adhuc ex omnium Ecclesiarum premitur afflictione, quæ de hac unius hominis superbia multum gemunt, etsi nihil dicere præsumunt.

h Salonitanæ vero civitatis^h Episcopus me ac Responsali meo nesciente ordinatus est, & facta res est quæ sub nullis anterioribus Principibus evenit. Quod ego audiens, ad eundem prævaricatorem, qui inordinate ordinatus est, protinus misi, ut omnino Missarum solemnia celebrare nullo modo præsumeret, nisi prius a serenissimis Dominis cognoscerem, si hoc fieri ipsi

jussissent, quod ei sub excommunicationis interpositione mandavi. Et contempto me atque despecto, in audaciam quorundam secularium hominum, quibus denudata sua Ecclesia, præmia multa præbere dicitur, nuncusque Missas facere præsumit, atque ad me venire secundum jussionem Dominorum noluit. Ego autem præceptioni Pietatis eorum obediens, eidem Maximo, qui me nesciente ordinatus est, hoc quod in ordinatione sua me vel Responsalem meum prætermittere præsumsit, ita ex corde laxavi, ac si me auctore fuisset ordinatus. Alia vero perversa illius, scilicet mala corporalia, quæ cognovi, vel quia cum pecuniis est electus, vel quia excommunicatus Missas facere præsumsit, propter Deum irrequisita præterire non possum. Sed opto, & Dominum deprecor, quatenus nihil in eo de his quæ dicta sunt, valeat inveniri, & sine periculo animæ meæ causa ipsius terminetur. Prius tamen quam hæc cognoscantur, serenissimus dominus discurrere jussione præcepit, ut eum venientem cum honore suscipiam. Et valde grave est, ut vir de quo tanta & talia nuntiantur, cum ante requiri & discuti debeat, honoretur. Et si Episcoporum causæ mihi commissorum apud piissimos Dominos aliorum patrociniiis disponuntur, infelix ego in Ecclesia ista quid facio? Sed ut Episcopi mei me despiciant, & contra me refugium ad seculares judices habeant, omnipotenti Deo gratias ago, peccatis meis deputo. Hoc tamen breviter suggero, quia aliquantulum exspecto; & si ad me diu venire distulerit, in eo exercere distractionem canonicam nullo modo cessabo. In omnipotentem Domino confido, quia longam piissimis Dominis vitam tribuet, & de nobis sub manu vestra non secundum peccata nostra, sed se-

cun-

AN. CHR.
594. 595.
GREG. 3.

6633

Jo. Diac. l. 4.
c. 90.

A. N. CHR.
594. 595.
GREG. 5.
2773

cundum gratiæ suæ dona disponet .
Hæc ergo tranquillissimæ Dominiæ
suggero : quia integerrima serenita-

tis ejus conscientia quanto movea-
tur zelo rectitudinis , atque justitiæ ,
non ignoro .

N O T Æ A D E P I S T . XXI.

a Excusi , quosdam superbos humiles
facietenus & blandos . Sequimur Norm.
Corb. Collectionem Pauli Diaconi &c.

b Vulgati , in cælestis quoque patriæ
retributione .

c Collectio Pauli , Norm. & alii MSS.
vinculis absolutis .

d Vatic. & Collectio Pauli , sed cor-
de non sunt .

e Ita Collectio Pauli , tres Vatic.
Norm. Corb. &c. In recent. excusis le-
gitur , *Evangelium & canonum statua ,*
humilitatis atque rectitudinis virtutem ;
quod etiam habet Vatic. D.

f Satis constat Langobardos egressos
Pannonia Kal. April. an. 568. Indiæ. I.
Ne igitur dicamus hanc epistolam loco
suo motam , intelligendi sunt anni 27.
non de prima invasione Langobardo-
rum in Italiam sed de Urbis infesta-
tione . Favet Theophanes in Chron. qui
ait eos Indiæ. II. coepisse prædari in
Italia . Confer. ep. 38. l. 13. E. V.

g Saccellarius hic dicitur quæstor qui
ærariorum præficitur . Hæc vox a *sacculis*
est desumpta . Vide ep. 44. libri I.

h Maximus , de quo vide supra lib.
IV. ep. 10. & 20.

Al. alvix.

E P I S T O L A * XXII.

Ad Nobiles Syracusanos .

*Cum Episcopi electionem Gregorii arbitrio commississent , talem eis ordinare
studet , qui Maximianum decessorem imitetur .*

Gregorius Nobilibus Syracusanis .

a **L** Audis vestræ testimonium ,^a quam
direxistis gerit epistola , quod
electionis vos onera sapienter decli-
nasse significat . Et quoniam nostro
hoc arbitrio commisitistis , ac multa
bona de venerandæ memoriæ quon-
dam Maximiano Episcopo referen-
tes talem vobis ordinari deposci-
tis , vos quidem sicut decet fide-
les filios , facitis , quia hæc de
digno sollicitoque patre testamini , &
obtreçantibus aliis bona ipsius etiam
post obitum non tacetis . Unde ora-
mus omnipotentem Dominum , ut
& vobis pro sinceritatis vestræ vo-
luntate retribuat , & obloquentibus
clementer ignoscat . Hoc tamen sciat

Magnitudo vestra : quia civitati illi
quem dare Maximiano reverendis-
simo similem non habemus . Sed quia
a clero , & plebe Ecclesiæ Syracusa-
næ Agatho , ab aliquibus autem al-
ter eligitur : hunc qui a clero , &
plebe electus est , ad nos iterum ve-
nire necesse est ; ut utrisque comi-
nus constitutis , ille qui Deo placue-
rit , & utilior visus fuerit , ordinetur .
Nam desiderii nostri est , talem
illic cum Christi gratia ordinari Pon-
tificem , qui bonorum supradicti E-
piscopi cujus vos actionibus testimo-
nium perhibetis , in omnibus debeat
Deo adiutore , imitator existere .

N O T Æ A D E P I S T . XXII.

a In excusis , *quam direxistis episto-
la , electionis vos onera . . . declinasse*

significat . Sequimur Vatic. Norm. &c.

E P I S T O L A * XXIII.

Ad Castorium Notarium.

AN. CHR.

594. 595.

GREG. 5.

6673

Ad eligendum quantocius Episcopum Ravenates hortetur. Non largum præmiis, sed dignum meritis eligant.

Gregorius ^a Castorio Notario.

Nimis nos Johannis fratris & coepiscopi nostri mors cognita contristavit, maxime quod civitas illa hoc tempore amisit pastoralis curæ solatium. Quia igitur plurimæ utilitates exposcunt ut Ecclesiæ ipsi Sacerdos sine mora, Christo auctore, debeat ordinari: ideoque Experimentiæ tuæ præcipimus, quatenus clerum & populum omni instantia studeat adhortari, ut consecrandum sibi non differant eligere Sacerdotem. Quos tamen & præ omnibus admonere te volumus, ut in generali causa utilitates proprias non attendant. Nulla ergo sit in hac electione venalitas, ne dum præmia appetunt, ^b discretionem electionis amittant: & illum dignum ad hoc esse arbitrentur officium, qui non meritis, sed datione placuerit. Speciali-

ter enim & absolute cognoscant, quia non solum indignus est sacerdotio, sed & aliis profecto erit culpis obnoxius, quisquis Dei donum pretii præsumserit venalitate mercari. Non itaque largus præmiis, sed dignus meritis eligatur. Nam & electum & eligentes ^c pœna respiciet, si sacerdotii sinceritatem mente sacrilega violare tentaverint. Sive autem unus, sive duo electi fuerint, quinque de prioribus Presbyteris, & quinque ^d de præcedentibus simul venire ad nos per omnia commoneto. De Clericis vero præter eos qui venire deliberant, si quos alios præsentare esse necessarios æstimas, ad nos sine mora trans mitte; ut ad ordinandam Ecclesiam, nec excusatio, nec aliqua possit provenire dilatio ^e.

N O T Æ A D E P I S T. XXIII.

^a In Indice epistolarum Collectionis Pauli legitur, *Castriano Diacono*; sed in titulo epistolæ *Castoro Notario*.

^b Recent. excusi, *virtutem discretionis*. Vet. ed. MSS. consentiunt.

^c Ita quatuor Vatic. Collectio Pauli, Reg. In Norm. & Corb. *par culpa respiciet*.

^d Vulgati, *de præcedentibus Diaconibus*. Abest *Diacon*. a Reg. Corb. tribus Vatic. plerisque Norm. & Collect. Pauli.

^e In Collect. Pauli sic absolvitur: *Data die XIII. Feb.* (id est Februarii) *Indict. XIII.*

E P I S T O L A * XXIV.

Ad Romanum Exarchum.

Ne Speciosum Presbyterum Episcopo suo resistentem tueatur: neque patrocinetur Sanctionibus ad seculum reversis.

Gregorius ^a Romano Exarcho Italiæ.

Joh. Diac.
l. 3. c. 48.

A pud Excellentiam vestram pravorum audacia correptionis

debet aculeos magis quam defensionis invenire solatium, Nam satis grave

AN. CHR.
524. 595.
GREG. 5.

6635

b

ve est, si illic habere pravam con-
tingat actionem refugium, unde di-
sciplinæ decet prodire censuram. Per-
venit itaque ad nos Speciosum quem-
dam Presbyterum, qui causa po-
scente in monasterium a Johanne
fratre & coepiscopo nostro fuerat
deputatus, contra sui Pastoris exin-
de voluntatem exiisse, ^b & Eccle-
siasticæ constitutionis vigore despe-
cto, ante dicto Episcopo, vestra
fretum tuitione, resistere. Quod quia
Excellentiæ vestræ sine dubio pulsât
invidiam, necesse est ut ab ejus vos,
habita discretionem, debeatis tuitione
suspendere: ne si nominis vestri oc-
casionem, Pastori suo inobediens vel
contumax fuerit ad tempus, & ve-
stros contra vos iudices defendere,
atque Excellentiam vestram hac ex-
re cogatur offendere, & nos pari-
ter de vestra discordia contristare.

Comperimus præterea, quod dici
nefas est, quasdam mulieres, quæ
nuncusque in religioso atque mona-
chico habitu permanserunt, ^c suam
vestem & suam velaturam depone-
re; & conjugibus, quod sine gravi
referre non possumus dolore, fo-
ciari. Sed hoc quidem ^d ut dicere
vel attentare præsumant, favoris ve-
stri patrocinio fulciri dicuntur: quod
nos credere perversitatis ipsius acer-
bitas non permittit. Petimus ergo
ut in tanto vos peccato miscere nul-
latenus debeatis. Nam hujusmodi ini-
quitatem impunitam propter Deum
nullo modo patimur remanere. Unde
iterum quæsumus, ut Excellentia
vestra in talium se causarum defen-
sione non misceat, ne & Deus suam
defendat injuriam, & inter nos alio-
rum pariat culpa discordiam, ^e Men-
se Februario. Indictione XIII.

NOTÆ AD EPIST. XXIV.

a De Romano lege ep. 33. lib. 1. In
editis additur titulo, *Residenti Raven-
næ*: quod in MSS. minime repertum
expunximus.

b Vatic. D. & *Ecclesiasticæ consue-
tudinis*.

c Excusi, *sacram vestem* &c. Cæte-
rum antiquissimam velandarum virgi-
num consuetudinem repete ex Tertull.
lib. de velandis virginibus, qui tamen
de solis sacris virginibus non loquitur.
De solemnem veli impositionem ac bene-

ditionem pro sacris virginibus, Hiero-
nymus ad Demetriadem de servanda
virginitate: Scio quod ad imprecatio-
nem Pontificis flammeum virgineale san-
ctum operuit caput. Et Ambrosius exhort.
ad virgines: venit Paschæ dies, in to-
to orbe baptismi Sacramenta celebrantur,
velantur sacre virgines.

d Excusi, sensu quidem optimo, ut
facere vel attentare.

e Ita Vatic. & Turon. S. Gat. In
aliis MSS. nostris hoc desideratur.

EPISTOLA * XXV.

Ad Severum Episcopum.

Al. xx.

Visitationem Ecclesiæ Ravennatis commendat.

a

Gregorius Severo ^a Ficulino Episcopo,

b

Obitum ^b Johannis Antistitis dire-
cta relatio patefecit. Quapropter
visitationis destitutæ Ecclesiæ Fra-
ternitati tuæ operam solemniter de-
legamus: quam ita te convenit ex-
hibere, ut nihil de provectionibus

Clericorum, redditu, ornatu, mini-
steriisque, vel quidquid illud est in
patrimonio ejusdem a quoquam præ-
sumatur Ecclesiæ, &c. ^c *Secundum*
morem.

c

NOTÆ AD EPIST. XXV.

AN. CHR.

594. 595.

GREG. 5.

677

a Ficulum a modernis Geographis Ficocle, vulgo *Cervia*, ex Ferrario, urbs olim Æmiliz in ora maris Adriatici, inter ostia Savii fluvii & Rubiconis, nunc Romandiolæ, adhuc episcopalis. *Guffanv.*

b Obiit Mense Januario die undecima. Sed de annis sedis ejus vide apud Murator. Scr. It. t. 2. p. 117. E. V.

b In excusis, *secundum modum præhabitu*.

* EPISTOLA * XXVI.

a

Al. XXI.

Ad Ravennates.

Commiffam Severo Ravennatis Ecclesiæ vifitationem.

Gregorius Clero, Ordini, & plebi consistenti Ravennæ.

Supra Ep.
26. & ep.
39. l. 2. &
42. l. 4.

Vestri Antistitis obitum cognoscetes, curæ nobis fuit vifitationem destitutæ Ecclesiæ fratri & coepiscopo nostro Severo Ficulino solemniter delegare, cui dedimus in mandatis, ut nihil de provectionibus

Clericorum, reditu, ornatu, ministeriisque a quoquam usurpari patiatur. Cujus vos assiduis adhortationibus convenit obedire, &c. *Secundum morem.*

NOTÆ AD EPIST. XXVI.

a Hæc ep. uti superior in MSS. Norm. & in multis aliis desideratur.

Al. XXII.

EPISTOLA * XXVII.

Ad Cyprianum Diaconum.

Attendat num res Ecclesiæ minuerit defunctus Episcopus. Ad successoris electionem clerum & populum hortetur.

Gregorius Cypriano Diacono.

Grat. Caus.
12. q. 5. c. 2.
Obitum.

a

Obitum a Theodori Episcopi Dilectionem tuam jam credimus cognovisse. Sed quia ipse testamentum dicitur condidisse, subtiliter ne quid de rebus Ecclesiæ suæ consumisset, te oportet inquirere. Et si quidem cum exinde aliquid incongrue minuisse didiceris, ita age ut

res ipsæ ab eo, cujus interest, modis omnibus reparentur. Clerum vero & populum loci ipsius admonere te convenit, ut omnidilatione postposita, eligant qui sibi revelante b Deo, debeat Episcopus ordinari.

b

NOTÆ AD EPIST. XXVII.

a Episcopi Lilybetani, ut patet ex ep. 13. lib. vi. ubi agitur de Episcopo eidem Ecclesiæ ordinando. Exstat ep. 50. libri xii. ad eundem Theodorum, *Augst.*

b Non per Prophetiam aut per visionem prodigiosam atque inusitatam; sed per motionem spiritus Dei, quæ mens ab omni præjudicio vacua, simplici corde quæ Dei sunt quærit.

AN. CHR.

524. 525.

GREG. 5.



Al. XXIV.

E P I S T O L A * XXVIII.

Ad Castorium Diaconum.

Pisaurensis Episcopi aliorumve Sacerdotum vitam perscrutetur: si quid sinisterum invenerit, renuntiet. Tutorem tueatur, ut quæ sibi pro pauperibus injuncta sunt valeat exsequi.

a

Gregorius * Castorio Diacono.

b

QUædam ad nos de ^b Pisaurensi Episcopo pervenerunt, quæ indiscussa nullo modo sunt relinquenda. Propterea Experientiæ tuæ præcipimus, ut de vita & actibus ipsius subtili indagatione studeat perscrutari. Et si quid fortasse repererit, quod sacerdotii, quod absit, integritatem valeat maculare, ad nos eum cum scriptis tuis de his quæ in veritate cognoveris, omnimodo sub competenti cautela trans mitte: ut informati, Deo revelante, subtilius de veritate, quid fieri debeat, pertractemus. Non solum autem de eo, sed & de aliorum quoque Sacerdotum te vita convenit esse sollicitum. Et si de quolibet sinisterum quippiam sentire potueris, nobis renuntiare festina, ut actuum pravitas salubriter cum Dei solatio debeat emendari.

Pervenit quoque ad nos, Adeodatum quemdam civem Pisaurensis, filio atque vernaculo suo heredibus institutis, Thomam deputasse tutorem: hanc conditionem adjiciens, ut si forte heredes ipsius in pupillari ætate de hac vita transirent, omnis ejus substantia per manus ante dicti tutoris debuisset pauperibus

erogari. ^c Sed obitis qui heredes fuerunt instituti, ne defuncti possit voluntas impleri, superscriptus tutor a quibusdam dicitur impediri. Propterea si sicut edocti sumus, ita esse in veritate compereris, curæ atque sollicitudinis tuæ sit, ante dictum tutorem rationabiliter tueri, atque defendere, ut quæque sibi injuncta sunt, valeat effectui mancipare. Sed quoniam dicitur, eundem tutorem velle aliquid ^d in Diaconia, quæ ibidem constituta est, emere, summo pere ei solatiari festina; ut ea quæ mercedis intuitu piis causis relicta sunt, te concurrente sine cujusquam possint impedimento compleri. Valerianum vero Monachum, quem emendatum in monasterio beati Johannis in Classe posito tradidisti, in eodem cum monasterio sine dubio volumus permanere. Præterea nequam necessitatem in expensis tua Experientia patiat de redditibus sanctæ Romanæ Ecclesiæ, qui illic te providente aggregati sunt, omnes expensas tuas te facere volumus. Et si quid superfuerit, nobis cum veneris defer.

c

d

*Johan. Diaconus.
lib. 2. cap. 55.*

N O T A E A D E P I S T. XXVIII.

a Vatic. D. *Gastorio Notario.*

b Pisaurum, vulgo *Pesaro*, urbs olim Umbriæ clara ad ostia Isauræ fluvii vulgo *la Foglia*, nunc adhuc Episcopalis sub Archiepiscopo Urbinatæ in Ducatu Urbini.

c Ita quinque Anglic. & Becc. quibus suffragantur nonnulli editi, ut Paris. 1586. ubi legitur, *sed defunctis.*

Hoc enim loco *obitis* significat *mortuis*. Certe nisi ita legatur, sensus deficit: *sed ab iis qui heredes fuerunt instituti, ne defuncti possit voluntas impleri superscriptus tutor a quibusdam* (quod quidem omittitur in editis, at in omnibus MSS. legitur) *dicitur impediri*; superfluit, *ab iis*. Et sane testatoris voluntas impleri non poterat, quamdiu

diu heredes ab eo instituti viverent : ergo jam obierant .

d Divisa per regiones urbe , ac præfecto regionibus singulis Diacono , Diaconia dicta sunt loca in quibus per Diaconos regionarios , pauperes , viduæ , pupilli , senes propriæ regionis alebantur . Erant publicæ quodammodo pauperum hospitales domus , quarum usu præcipuo exolefcente , ipsique dirutis ædibus , Diaconia nomen ipsarum sacellis & oratoriis mansit ; a quibus earum præfecti Diaconi Cardinales urbis

Romæ postea dicti sunt . Anastasius in Hadriano I. Idem egregius Præsul . . . Diaconias constituit , in quibus & multa bona fecit . . . concedens eis agros , vineas , oliveta , servos , ancillas , & peculia diversa , atque res mobiles , ut de redditu eorum crebris exactionibus Diaconia proficientes , pauperes Christi reficerentur . Nec Romæ dumtaxat fuisse Diaconias ostendit hæc epistola . Vide infra lib. ro. ep. 21. De Diaconiis plura Cangius in Glossario , & Mabillon. tomo 1. ac 2. Musei Italici .

AN. CHR.

594. 595.

GREG. 5.

6793

Al. xxv.

E P I S T O L A * XXIX.

Ad Vincomalum Defensorem .

Illum instituit Ecclesiæ defensorem .

Gregorius Vincomalo Defensori .

a **E**cclésiasticæ utilitatis intuitu id nostro sedit arbitrio , ut si
b nulli conditioni vel corpori teneris obnoxius , nec fuisti Clericus alterius civitatis , aut in nullo tibi canonum obviant statuta , officium Ecclesiæ Defensorum accipias : ut quidquid pro pauperum commodis tibi a nobis injectum fuerit , incorrupte & vivaciter exsequaris , usurus

hoc privilegio quod in te habita de liberatione contulimus : ut omnibus , quæ tibi a nobis fuerint injecta , complendis operam tuam fidelis exhibeas , redditurus da actibus tuis sub Dei nostri iudicio rationem . Hanc autem epistolam c Paterio notario Ecclesiæ nostræ scribendam dictavimus . d Mense Martio , Indictione XIII.

c

d

N O T Æ A D E P I S T . XXIX.

a Hac epistola continetur formula diplomatis , quo Defensor creabatur .

b Hic conditio est servitium quod in libertis seu manumissis sibi nonnunquam reservabant patroni : cum contra in manumissis directis , id est plenariis , ab omni noxiæ conditionis servitio eximerentur . De conditionibus illis plura apud Cangium ; Corpori ob-

noxius , sive homo de corpore dicitur , qui glebæ affixus est , qui censum debet de capite , aut alterius servilis est conditionis . Vide Cangii Glossarium .

c Videtur ille esse qui ep. 22. l. 1x. dicitur secundicerius , quique librum Testimoniorum edidit ex operibus S. Greg. Guffanv.

d Ita habet Turon. S. Gat.

Al. 11. Lib.
2. Indict. 1111.

E P I S T O L A * XXX.

a Ad Mauricium Augustum .

Imperatoribus pro triginta libris auri in eleemosynam missis gratias agit . Scribonem laudat , tum de fidei summæ illius distributione , tum de rogis militum liberali manu factis .

Gregorius Mauricio Augusto .

Dominorum pietas , quæ suos consuevit misericorditer famu-

los b continere , ita benigna hic subventionem respiciunt , ut cunctorum

b

Q q 2

de-

AN. CHR.
594. 595.
GREG. 5.



c

debilium inopia, largitatis ejus sit consolatione sublevata. Pro qua re lacrymabili prece omnes deposcimus, ut omnipotens Deus qui Clementiæ vestræ ad hoc corda compunxit, incolume in amoris sui constantia Dominorum servet imperium, ut victorias eorum in cunctis gentibus auxilio suæ majestatis extendat. Tringinta itaque libras auri, quas confamilus meus Busa detulit ^c Scribo, Sacerdotibus, egenisque, & aliis fideliter erogavit. Et quia quædam in hanc urbem sanctimoniales feminae ex diversis provinciis venerunt, post captivitatem fugientes, ex quibus quantum locorum possibilitas recipit, aliquæ in monasteriis datæ sunt: quæ vero in eis minime capi potuerunt, singulariter degentes inopem vitam ducunt: placuit ut hoc quod

cæcis, truncis, aliisque debilibus succurrere posset, eis erogari debuisset: dummodo non solum Dominorum misericordiam indigentes indigenæ, sed advenientes etiam peregrini susciperent. Unde actum est, ut simul omnes pro vita Dominorum concorditer orarent: quatenus omnipotens Deus longa vobis & quicta tempora tribuat, & Pietatis vestræ felicissimam sobolem diu in Romana Republica florere concedat. ^d Rogæ quoque militum ita per prædictum confamilum meum Scribonem, præsentem quoque glorioso Casto ^e magistro militum factæ sunt, ut dona Dominorum cuncti sub disciplina debita gratias agendo susciperent, & hoc ^f quod eis prius dominari consueverat, omne murmur averterent ^g.

d

c

f

g

NOTÆ AD EPIST. XXX.

^a Hæc epistola desideratur in Varic. B. C. D. In Normannis est inter prætermittas. Reperitur in Collectione Pauli.

^b Hoc est *fovere, sustentare*. Vide l. r. ep. 44. & 45. & hom. 20. in Evang. col. 1521.

^c Hæc vox Romana ὀνειδιστὴν ῥωμαίων καποιστάζουσιν, Theophylact. Simocatta lib. 1. hist. Mauric. c. 4. & lib. 7. c. 3. apud Suidam Præfectus Protectorum Imperatoris, seu Comes Domesticorum Equitum & Peditum σκεῖβον κατὰ λατὶνὸς σωματοφυλάκων ὑπερφερόμενος. Apud Agathiam lib. 3. hist. tumitur pro excubitore palatii. Legitur apud Anastasium

in Vigilio, in Theodoro. *Guffanv.*

^d Sensem hujus vocis repete ex ep. 46. lib. 11. In vet. ed. & in Vatic. male legitur *toga*.

^e Castus vir strenuus, exercitus Mauricii Imp. dux, contra Chaganum Avaram Regem egregie pugnans dolo capitur, postea ingenti pecunia redimitur. Simocatta lib. 2. c. 10. & 17. Miscella lib. 17. ad an. 4. Mauricii. *Guff.*

^f In excusis, *quod eis prius donari*. Id emendavimus ex MSS. Anglic. Norm. & Collect. Pauli.

^g In Collectione Pauli & in Norm. *Data die xii. mensis Martii Indi. xlii.*

Al. 132. Ind.
vii.

EPISTOLA * XXXI.

Ad Conductores Massarum.

Donec adveniat Gallicani patrimonii rector, Arigio Patricio obediant.

a

Gregorius ^a Conductoribus Massarum per Galliam.

QUamvis inter medias sitis turbas gentium constituti; tamen ratio nos ipsa suspicari compellit, multum vos ab aliis bona actione distare. Sicut enim appellatio sancti Petri Apostolorum principis fami-

liam Ecclesiæ tantæ multitudini clariorem demonstrat: ita debetis ceteros morum claritate præcedere, atque eos quibus præstis, ut bene agant, ut agnoscant cui serviunt, assidue commonere: ut a rapinis gen-

gentium, atque pravitatibus abstin-
neant, & familia Ecclesiæ non solum
nomine, sed & meritis honoretur.
Nos autem de vobis cognoscite stu-
diosissime cogitare. Disposuimus enim
hominem nostrum, qui vos possit
tueri & regere, ^b cum litteris com-
mendatitiis ad excellentissimum Re-
gem, Christo auxiliante, transmittere.
Sed viam tempus hiemis impedivit.
Virò ergo glorioso * Arigio Patri-
cio vos prævidimus commendandos,
cui interim summa cum benignitate
atque obedientia, sicut beati Petri
famulos decet, obedire studete, at-
que ea quæ pro Ecclesiastica utilitate
vobis præcipiuntur, implete. Visum

autem nobis est ut consuetudinaria
excepta ejus utilitate debeatis inferre.
Pensionem vero fideliter cum omni
collectæ diligentia apud unumquem-
que vestrum, quem communi con-
sensu elegeritis, rejaceant; a quo,
cum veneritis, ^c quem a latere no-
stro transmiserimus, eas possit ac-
cipere. Non enim sumus dubii,
quod per eum qui vobis visus fuerit,
possint fideliter conservari. Ita ergo
in omnibus irreprehensibiles, atque
obedientes existite: quatenus veniens
ad vos is qui patrimonium ipsum
recturus est, sciat quemadmodum
unicuique vestrum pro sua debeat
strenuitate rependere ^d.

6655

c

d

NOTÆ AD EPIST. XXXI.

a In Collect. Pauli, & in Vatic. D.
conductōribus Massarum seu fundorum
per Gallias constitutis. Argumento est
Patrimonium S. Petri in Gallia non
tam in elemosynis aut pecunia, quam
in possessionibus constituisse.

b In Vatic. A. cum hominibus com-
mendatitiis.

c Hoc est, ex comitatu & familia.
Modus est loquendi antiquissimus. Li-
berius Papa in ep. apud S. Hilarium
Fragmento iv. novæ edit. col. 1327.
Secutus traditionem majorum, Presby-
teros urbis Romæ Lucium, Paulum, &
Helianum e latere meo, ad Alexandriam,
ad supradictum Athanasium direxi. S.
Leo ep. 28. Cum propter causam fidei...

de latere meo mitterem. Et ep. 31. Ju-
lium Episcopum, & Renatum Presby-
terum, sed & filium meum Diaconem
Hilarium, quos e latere meo, vice mea
misi. Vide notas Quesnellii pag. 850.
Leges capitula Caroli Calvi tit. 3. c.
2. hinc Legati summi Pontificis dicti
a latere. Suos etiam Legatos a latere
Imperatores habuerunt: willelmus Ty-
rius lib. 18. c. 24. Insuper & de late-
re Imperiali mittitur illustris apocri-
farius.

d In Vatic. D. additur, mense Mar-
tio die 12. Indict. xiiii. In Collect.
Pauli assignatur male Indictio xiii. nec
melius in Colbert. Indict. iv.

M. XIII.
Ind. VII.

EPISTOLA * XXXII.

Ad Cyprianum Diaconum.

Defuncto Maximiano Episcopo, nonnullos e Clericis ab eo propter malefi-
cium in carcerem conjectos, gravibus afficiat pœnis.

Gregorius Cypriano Diacono:

Vir sanctissimus Maximianus,
eoepiscopus noster, Ecclesiam
Dei pravis hominibus purgare desi-
derans, laudabiliter erga Ecclesiasti-
corum vitam, sicut nosti, sollicitus
fuit. Qui dum eorum actus vigilan-
ter cura pastoralis intenderet, ^a ma-
leficio quod vulgo ^b canterma dici-

tur, quosdam didicit maculatos. Quos
etiam, sicut & Dilectionis tuæ nun-
tiavit epistola, dedit ^c in custodia
retinendos. Sed quia peccatis nostris
facientibus morte præventus, crimen
ipsum ulcisci non valuit, necesse est
ut Dilectio tua cum omni hoc sub-
tilitate indagare festinet, atque in
cos

c

a

b

A. N. C. H. R.
594. 595.
GREG. 5.
66953

eos secundum immanitatem facinoris studeat vindicare qualiter secundum leges, superscriptum Episcopum zelo correptionis ac iustitiæ in hac ultione propter Deum novit potuisse, si viveret, commoveri. Omni ergo virtute, omnique instantia, tua Dilectio in hac causa, zelum suum erga omnipotentem Deum curet ostendere, & inimicis illius adversitatem dignam inflictis ultionibus exhibere, ut impleas quod scriptum est: *Nonne qui oderunt te, Domine, oderam, & super inimicos tuos tabescebam?* Si ergo hoc zelo Dilectio tua accenditur, ^d in eorum qui Deum dereliquerunt, & contra eum maleficiis aliquid egerunt, pœna monstretur. Quod si recte illic exse-

Psal. 139. 21.

d

qui non valet, nobis qui tales sunt transmitti debent, si tamen hic monstrari potuerit, unde illic possunt absque difficultate convinci. Sed quia hoc impossibile esse existimo; illic per te debet districta atque fortis correctio provenire. Virum autem gloriosum domnum ^f Libertinum Prætozem in tali loco per contemplationem omnipotentis Dei adiutorem te habere confido. In hac tamen causa mitescere minime debuisti, etiam si tibi quilibet secularis iudex adversarius potuisset existere.

e

f

Possessiones præterea Archelai medici Dilectio tua rationabiliter tueatur, ut ab aliquibus injuste eum minime gravari permittat.

NOTÆ AD EPIST. XXXII.

a Vide caus. 26. q. 5. multos canones. S. Aug. de civitate Dei lib. 8. c. 19. Narbon. c. 14. an. 589. Leptin. c. 5. an. 743. Turon. III. c. 42. an. 813. &c. Et inter recentiores Costanum Toloſatē quæſtionum juris memorabilium l. 1. c. 16. *Guffano*.

b Vox barbara, Latinis carmen & incantatio, Gall. *charme*. Apud Italos *ſtreheria* o *malia*, ex Dominico Magro in vocabulario. Est autem species maleficii quod per carmina quædam operabantur incantatores. Quodnam autem esset istud maleficii genus non reperitur apud scriptores. Putat Vir cl. Cangius pro *Canterma* legendum forte *Canterina*, ut vox Itala reddita sit. Nam *Canterini* Italici dicuntur qui crebro & ultro cantant. Notum autem incantationem a cantibus magicis dici. *Guff.* Vide lib. 9. ep. 65. al. lib. 7. ep. 67.

c Vide statutum in Conc. Aurel. V. canonem 20. quem mores nostri nesciunt, etiam si nova in dies statuta pullulent, disciplinaque clericalis tam sollicitè reformetur. Consonat lex ultima Codicis tit. de custod. reorum, ut supra notatum lib. 11. ep. 52. nunc l. 13. ep. 45. olim Catechumena, Decanicum, vel Scevoſphylacium reis detinendis inserviebant. Id exhibet ep. 12. alias 2. Gregorii 11. ad Leonem Isau-

rum Imp. initio Concilii Niceni II. Palatii & Ecclesiarum referendo discrimen in plectendis reis: *Pontifices non ita: sed ubi peccavit quis, & confessus fuerit, suspendii vel amputationis capitulis loco, Evangelium & crucem ejus cervicibus circumponunt, eumque tamquam in carcerem in secretaria sacrorumque vasorum æraria conjiciunt, in Ecclesiæ Diaconia & in catechumena ablegant, ac viscibus eorum jejunium, oculisque vigilias, & laudationem oris ejus indicunt. Cumque probe castigant, probeque fame affixerint, tum pretiosum illi Domini corpus impertiunt, & sancto illum sanguine potant: & cum illum vas electionis restituerint, ac immunem peccati, sic ad Dominum purum infontemque transmittunt.* *Guffano*.

d Excusi, in eos; ubi frustra quæreretur sensus. Ideoque legendum in eorum, scilicet *pœna*, quod etiam nos docuerunt MSS. omnes Vatic. Norm. Collectio Pauli &c. Infra ex iisdem MSS. multa restituimus.

e Sic legitur in MSS. Editores mutarunt *non valet* in *non vales*, ut grammaticæ legibus caverent. At observare debuerant Gregorium frequenter usurpare verba deponentia in passiva significatione, ut hic *exsequi*.

f De Libertino vide ep. 38. lib. 111.

Al. XXVI.

E P I S T O L A * XXXIII.

Ad Gaudentium Episcopum :

Capuanis clericis Neapoli ministrantibus quartam distribuatur. Archidiacono inopi restituatur solidos decem.

a

Gregorius ^a Gaudentio Episcopo Nolano :

Qui Ecclesiasticis famulantur obsequiis, Ecclesiastica, ut possibilitas exigit, debent adipisci subsidia. Proinde Fraternitatem tuam presentibus hortamur affatibus, ut Clericis Capuanæ Ecclesiæ, qui in civitate Neapolitana consistunt, quartam in Presbyterium eorum de hoc quod ante dictæ Ecclesiæ singulis annis accesserit, juxta antiquam consuetudinem distribuere secundum personarum studeat qualitatē: quatenus aliquod stipendiorum habentes solatium, ministerium officiumque suum circa eamdem Ecclesiam

devotiori mente provocentur impendere.

Præterea decem solidos, quos Rustico Archidiacono suo Fuscus quondam Episcopus superscriptæ Ecclesiæ abstulit, Fraternitas tua omni cessante ambiguitate restituat: quia in tantam dicitur eum pauperiem pervenisse, ut conferendum illi potius esset, quam aliquid ab eo auferendum. Durum enim est & procul a Sacerdotis officio & personam positam sub necessitate negligere, & studio congregandi indecenter inhiare pecuniis ^b.

Vide lib. 2.
ep. 32.

N O T Æ A D E P I S T. XXXIII.

^a De eo proxime epistola 13. & 14. hujus libri. In Norm. & aliis non paucis omittitur *Nolano*.

^b In Vatic. legitur, *menſe Martio Indict. XIII.*

Al. XXVII.

E P I S T O L A * XXXIV.

Ad Cyprianum Diaconum.

Ciceronem Monachum lapsum Miſenati Eccleſiæ, cujus fuerat famulus, restituatur.

Gregorius Cypriano Diacono.

^a **B**enenatus frater & coepiscopus noster, Ciceronem quemdam ^b Monachum ^b qui pro suis excessibus a dilectissimo filio nostro Diacono Petro, tunc autem Subdiacono & rectore patrimonii nostri, est in poenitentia deputatus, juris Ecclesiæ suæ famulum esse perhibet, eumque sibi cum rebus suis postulat debere restitui. Neceſſe est ergo ut Dilectio tua studioſe perquirat. Et ſi

ita verum eſſe conſtiterit, ſupraſcriptum Ciceronem cum rebus ſuis, quæ apud Fantinum deſenſorem dicuntur eſſe depoſitæ, dominio ^c Miſenatis Eccleſiæ ſine aliqua dilatione reſtitue; ^d ut poſtquam a monachica converſatione culpæ lapſu ſe abripiuit, ^e jugum domini, quod evadere in converſatione permanens poterat, recognoſcat. ^f Menſe Maio Indictione XIII.

N O-

AN. CHR.
594. 595.
GREG. 5.

NOTÆ AD EPIST. XXXIV.

66733

a Misenas Episcopus, de quol. 2. Indict. 10. ep. olim 19. nunc 25. & pluribus aliis.

b Vagos per Siciliam Monachos colligi atque episcopo suo restitui mandat l. 1. ep. 41. Stephanum Siciliae Chartularium ut Monachos *ad secularem vitam atque habitum reuelos retrudi sine dilatione faciat*, hortatur lib. 2. ep. 28. Vide lib. 1. ep. 42. Ex his Monachis apostatis erat Cicero.

c In MSS. Norm. Vatic. Corb. *Milenatis*.

d Vatic. A. *ut quem a monachica conversatione culpæ lapsus abripuit*. In B. & C. *culpæ lapsu obripuit, jugum domini* &c. In omnibus MSS. nostris legitur *dominii*, ubi editores habent, *domini sui*.

e Innuit servum Ecclesiæ professione monastica jugum Domini excutere. *Gusfanv*. Vide Rom. Synod. alias libri hujus ep. 44. nunc post Epistolas missam.

f Hæc desiderantur in Norm. Corb. & aliis pl. MSS. sed leguntur in Vatic. Colb. vet. Turon. S. Gat. & Reg.

Al. xxviii.

EPISTOLA * XXXV.

Ad Cyprianum Diaconum.

Monachos tres ad monasterium S. Marini cogat redire: faveat ejusdem monasterii procuratoribus: eadem reddat mancipia.

Gregorius Cypriano Diacono.

a **P**ervenit ad nos, insinuante Theodosio Abbate Monasterii S. Martini, ^a, tres se illic in Sicilia Monachos, quos pro utilitate monasterii sui transmiserat, retinuisse; & petiit a nobis, ut cum tuo eos solatio in suum debeat monasterium revocare. Dilectio ergo tua, quæ nos hujusmodi causas zelari valde ferventerque cognovit, eos sollicita faciat indagatione perquiri, & inventos ad superscriptum Abbatem, cui contumaces exstiterunt, sub competenti cautela atque distributione transmitti.

Esto itaque sollicitus ne regularis distinctio, vel dilatione aliqua, vel

deputatorum remissione lædatur. Præsentium vero portitoribus, qui pro agendis ejusdem monasterii utilitatibus a suprascripto Theodosio Abbate noscuntur esse transmissi, in omnibus te instanter volumus præbere solatia, quatenus te concurrente, rationabiliter quæ sibi injuncta sunt, valeant explicare. Mancipia autem ejusdem monasterii, quæ prædictus Abbas ab hominibus Ecclesiæ nostræ indebite perhibet detineri, necesse est te modis omnibus perscrutari. Et si ita reperiis, sine aliqua ea facito dilatione restitui.

NOTÆ AD EPIST. XXXV.

a Excusi recent. *tres illic . . . remanuisse*. Ad antiquiora edita reverti-

mur, quod hic omnibus MSS. consentiant.

Ad Severum Scholasticum.

*Componendam cum Agilulpho Langobardorum Rege pacem Exarcho persuadeat.*Gregorius Severo ^a Scholastico Exarchi.

2

Qui assistunt iudicibus, & sinceris erga eos dilectionibus obstrunguntur, illa eis suadere debent atque suggerere, quæ & animam salvent, & opinioni non derogent. Proinde quoniam novimus quanta fidei sinceritate excellentissimum Exarchum diligatis; idcirco Magnitudini vestræ, quæ acta sunt, indicare curavimus, ut hæc cognoscentes, ad consentiendum eum rationabiliter provocetis.

Scitote autem quia Agilulphus Langobardorum Rex generalem pacem facere non recusat, ^b si tamen ei domnus Patricius iudicium esse voluerit. Nam multa sibi in locis suis intra pacis terminum queritur esse commissa. Et quoniam sibi, ^c si ratio iudicandum invenerit, satisfieri postulat, & ipse quoque se satisfacturum modis omnibus pollicetur, si quid a partibus suis con-

stiterit in pace esse commissum. Quia ergo rationi non ambigitur convenire quod petit, oportet esse iudicium; ut si qua ab utraque parte mala facta sunt, componantur, dummodo generalis ^d pax valeat Deo protegente firmari: nam qualiter sit nobis omnibus necessaria, bene nostis. Sapienter itaque sicut consuevistis agite, ut excellentissimus Exarchus ad hoc sine mora debeat consentire, ne per eum pax renui, quod non expedit, videatur. Si enim consentire noluerit, nobiscum quidem specialem pacem facere repromittit: sed scimus quia & diversæ insulæ & loca sunt alia proculdubio peritura. Hæc autem consideret, & pacem habere festinet: quatenus in hac saltem dilatione & nos quietem possimus habere ad modicum, & Reipublicæ resistendi vires, adjuvante Domino, melius reparentur.

d

N O T Æ A D E P I S T. XXXVI.

^a Consiliario, Assessori. Vide lib. 1. ep. 3. *Guffanv.*

^b Si cum eo æquis conditionibus pacisci velit, & damna injuste illata hinc inde refarciantur ex arbitrio iudicium.

Guffanv.

^c Corrupte ac contra Mss. fidem editi, *si ratio iudicantium.*

^d Idem excusi inconsultis Mss. *pax fiat, atque Deo valeat protegente firmari.*

E P I S T O L A * XXVII.

Ad Fortunatum Episcopum.

Monasterium in honorem S. Petri & S. Michaelis dedicet, in quo Missas celebrent Presbyteri ibi deservientes; Monachis tamen proficiat quicquid a fidelibus offerri contigerit.

Gregorius Fortunato Episc. Neapolitano.

Theodosius, Abbas monasterii sancti Martini, petitoria nobis in Tom. VII.

sinuatione suggestit, quæ habetur in subditis in domo quondam ^a R r Mar-

a

AN. CHR.
594. 595.
GREG. 5.

673
b

Martini, ^b ex ejus voluntate decessorem suum Andream Abbatem, monasterium, in quo monachi habitare debeant, construxisse. Et quia id in honorem beati Petri Apostolorum Principis, & sancti Archangeli Michaelis postulat dedicari, Dilectionem tuam presentibus duximus adhortandam: quatenus ad prædictum locum, cum postulaverit, ingruanter accedas, venerandæ solemniam dedicationis impendens. Et quoties necesse fuerit, a

Presbyteris Ecclesiæ tuæ in loco sancto deservientibus, celebrentur sacrificia veneranda Missarum, itaut in eodem monasterio nec Fraternitas tua, nec Presbyteri, ^c præter diligentiam disciplinæ aliquid molestiarum inferant; aut si quid illic pro diversorum devotione commoditatis accesserit, sibi existiment vendicari: cum monachis in eodem loco deservientibus debeat proficere, quidquid a fidelibus offerri contigerit ^d.

N O T A E A D E P I S T. XXXVII.

^a Vatic. & Colb. vet. *Marini.*

^b Vatic. & Colb. vet. *ex ejus voluntate secundum theomas Eriæ oratorium decessorem suum Andream.* In Collect. Pauli, *ex ejus voluntate secundum scripti seriem oratorium.*

^c Vatic. D. *propter diligentiam disciplinæ.*

^d In Colb. vet. subditur *die 6. mensis Junii indict. xiiii.* In Collect. Pauli, *Data die quo supra, hoc est 6. Junii Indict. xiv.*

M. xxx.

E P I S T O L A * XXXVIII.

Ad Heliam Presbyterum & Abbatem.

Excusationem ejus accipit. Mittit Evangelia. Epiphanium Diaconatu Romanæ Ecclesiæ alligat. Modestam subsidii petitionem liberalitate vincit.

Gregorius Helix Presbytero & Abbati Isauriæ.

^a **D**ulcissima Sanctitatis vestræ scripta suscepi, in quibus mihi satisfecistis, ut contristari non debeam, quod secundum meum desiderium ad beati Petri Apostolorum Principis limina non venistis. Et ego quidem omnino vos videre volui: sed si molestia corporis ^a aut ætatis impedimento fuit, hoc mihi sufficit ut ubicumque tua Sanctitas fuerit, pro me solícite oret: quia & si locis corpore dividimur, caritate semper indijuncti sumus. Evangelia autem sicut mandastis transmissimus. Filium vero vestrum Epiphanium mandastis, ut ad sacrum ordinem provehere deberemus, vobisque retransmittere. Sed in uno vos audivimus, in altero autem minime audire potuimus. Diaconus

*Joh. Diac.
lib. 3. c. 19.
Grat. 1. 2. 1.
c. 122. Filius.*

quidem factus est; sed quisquis semel in hac Ecclesia ordinem sacrum acceperit, egrediendi ex ea ulterius licentiam non habet. Si ergo vos videri non potui, hac ex re consolationem habeo, quia in filio vestro requiesco. Solidos autem vobis voluistis pro necessitatibus cellæ quinquaginta transmitti, quos multum esse æstimantes, ex eis nobis decem donastis, ut quadraginta mitteremus. Sed ne forsitan vel hoc grave esset, adhuc alios nobis ex eis estis dignati largiri. Sed quia vos valde ^b in continentia nostra benignos invenimus, eidem benignitati vice simili respondemus. Quinquaginta transmissimus, & ne forsitan minus essent, alios decem superaddidimus. Ne vero & hoc adhuc minus esset, alios duodecim jungi

b

jungi fecimus. In hoc autem cognoscimus caritatem vestram: quia de nobis ita præsumentis, sicut vos præsumere debetis. Sed per omnipotentem Dominum rogo, ut assiduas preces pro me facias: quatenus a peccatis quibus obligatus sum, & tribulationibus quibus premor, citius absolvar, & patriæ cœlestis gaudiis perfruar. Hoc autem quod pro me qualiter oratis, in epistolis vestris indicastis, cognoscite quia valde me relevavit. Sed jam post petitionem meam amplius facite, quam etiam me non petente fecistis. Præfatum vero dilectissimum filium meum Epiphanium Diaconum, quia huic Ecclesiæ Diaconatu interveniente ligavimus, Sanctitatem tuam non de-

bet contristare; quod sancto Petro Apostolorum Principi, quia per temetipsum corpore non vales, ei per filium tuum ipse deservias, & lucio cœlestis remunerationis perfruaris.

Sancta autem Trinitas te sua protectione custodiat, in præsentis vitæ cremo a subsequentiibus atque obviantibus hostibus tegat; ut & si qua sunt vestra præterita peccata relaxet, & ea quæ adhuc ante faciem veniunt, a vobis manu suæ pietatis amoveat. Ipsa te ducat, & ipsa perducatur, atque in æterno gaudio ipsa suscipiat. Det tibi ad electorum fortem pertingere, ^c & pro me peccatore, ut absolvi merear, orare. ^d Mense Junio, Indictione XIII.

AN. CHR.
594. 595.
GREG. 5.
7678

c

d

NOTÆ AD EPIST. XXIX.

a Excusi, aut ætatis infirmitas obstetit aut impedimento fuit. Glossema est quod abest a Mss.

b In libello Theodori proxime citato ad ep. 33. *continentia* pro subsidio ponitur: *Cyrilli continentia* utebar. Item in Pelagii ep. 15. Eodem sensu a Gregorio ipso usurpatum videsis l. 1. ep. 18. & 44. l. 3. ep. 28. l. 5. ep. 30. hic

vero *continentia* significat amorem, benevolentiam, favorem. Vide notas ad ep. 5. l. 1. In Vatic. D. legitur in *continentia vestra*.

c In recent. excusi, & pro peccatis meis, ut; secus quam legatur in Teller. Vatic. Norm. Corb. &c.

d Ita Colb. vet. & Vatic.

EPISTOLA * XXXIX.

AN. XXXVII.

Ad Anastasium Episcopum.

De ejus in Antiochenam sedem restitutione gratulatur, & suas Italiaeque calamitates strictius narrat.

Gregorius Anastasio Episcopo Antiocheno.

Joh. Diac. ^a
l. 4. c. 25.
Luc. 2. 14.

Gloria in excelsis Deo & in terra pax hominibus bonæ voluntatis: quia magnus ille fluvius, qui quondam arentia Antiochiæ saxa reliquerat, tandem ad proprium alveum ^b reversus, & subiectas juxta positas valles rigat, ut & unum tricesimum, & aliud sexagesimum, aliud vero centesimum fructum ferat. Jam nunc dubium non est multos in ejus vallibus animarum flores excrefcere, eosque ad maturos usque

fructus per linguæ vestræ fluentæ pervenire. Unde omnipotenti Deo debitam laudem cordis atque oris vocibus ex omnibus medullis reddimus, & in vestra Beatitudine non vobis tantummodo, sed omnibus qui vobis subjacent, congaudemus. Suscepi vero epistolas dulcissimæ mihi atque suavissimæ Sanctitatis vestræ, ipsum, ut ita dicam, laborem ^c sudantes. Et quidem scio quod post illa quietis culmina, in quibus se-

c

AN. CHR.
594. 595
GREG. 5.

6663

d

c

creta cœlestia cordis tangebamus manu,
grave valde sit exteriora tolerare.

Sed memento quia apostolicam Sedem regis, & dolorem citius temperas: quoniam omnibus omnia factus es. In libris Regum, sicut perfecta vestra Sanctitas novit, quidam describitur qui utraque manu pro dextera utebatur. In qua re ego de dulcissimo atque sanctissimo dudum patrono domino meo Anastasio dubius non sum: quia dum terrena opera ad cœlestem utilitatem pertrahit, in usum dextræ vertit sinistram: ut & cœlestis intentio opus suum videlicet dextera peragat, & cura temporalium dum ad iustitiæ utilitatem ducitur, ad fortitudinem dextræ sinistra permutetur.

Et quidem hæc esse sine gravi labore & tædio nequaquam possunt. Sed recordemur labores præcedentium, & dura non erunt quæ toleramus. *Per multas enim tribulationes oportet nos introire in regnum Dei. Et supra modum gravati sumus, supra etiam virtutem, ita ut & nos taderet etiam vivere. Sed & ipsi in nobis responsum mortis habuimus, ut non simus fidentes in nobis. Et tamen non sunt condignæ passionibus hujus temporis ad supervenientem gloriam, quæ revelabitur in nobis.* Quomodo igitur sine labore transire possumus æstum hujus seculi, nos infirmæ oves, in quo graviter sudasse novimus & arietes?

Quantas vero in hac terrâ tribulationes de Langobardorum gladiis, de iniquitatibus judicum, de insolentia atque importunitate causarum, de cura subjectorum, de molestia etiam corporis patior, explere nec calamo nec lingua sufficio. De quibus & si qua breviter possum loqui, dubito; ne vestræ sanctissimæ Caritati, dum de suis tribulationibus affligitur, etiam meas augeam. Sed omnipotens Deus, & suæ largitate pietatis sanctissimæ vestræ Beatitudinis mentem omni consolatione repleat, & indignum me aliquando ab his quæ patior malis quiescere pro vestra intercessione concedat. Amen. Gratia. Quæ videlicet verba de scriptis vestris accepta, idcirco in meis epistolis pono, ut de sancto Ignatio vestra Beatitudo cognoscat; quia non solum vester est, sed etiam noster. Sicut enim magistrum ejus Apostolorum Principem habemus communem, ita quoque ejusdem Principis discipulum nullus nostrum habeat privatum. Benedictionem autem vestram, qua debuimus mente suscipimus, bene redolentem, bene sapientem. Et omnipotenti Deo gratias agimus: quia & odora sunt & sapor quæ agitis, quæ dicitis, quæ datis. De vita igitur vestra dicamus pariter, dicamus omnes: *Gloria in excelsis Deo, & in terra pax hominibus bonæ voluntatis.*

Rom. 8. 18.

2. Cor. 1. v. 8.
& 9.

Act. 14. 21.

f

g

NOTÆ AD EPIST. XXXIX.

a Olim hoc evangelicum & angelicum canticum adhibebatur ad gratiarum actionem. Greg. Turon. lib. 2. de miraculis S. Martini, narrat omnem populum, viso miraculo quodam, cecidisse hymnum *Gloria in excelsis Deo*. Consule not. 1083. Menar. ad l. Sacr.

b Exstat Anastasii oratio, quam habuit cum post 23. annos ad thronum patriarchalem reverteretur, habita die vicesimo quinto Martii feria quarta sanctæ hebdomadis, indictione undecima.

Hi characteres pertinent ad annum 593. quo Pascha celebratum est die 29. Martii. Ex his merito infert Pagius ad an. 594. nu. 4. superiori anno viz. 593. mense Martio Anastasium Antiochenum jam sedem suam recuperasse. Hinc vix credi potest post biennium & amplius ad illum gratulatorias dedisse literas S. Gregorium. E. V.

c In Collect. Pauli suadentes.

d Episcopos quoscumque vocatos fuisse apostolicos, eorumque S. dem apostoli-

h

i

licam, sciunt studiosi. Ne igitur actum agam, vide Filelacum lib. de sacra Episc. auct. c. 9. 5. 15. ubi id variis testimoniis confirmat. Est tamen de Antiochena Sede ratio specialis, quod in ea S. Petrus primum sederit. Sic infra Sedes Alexandrina ex eo dicitur apostolica, quod S. Marcus Petri discipulus eam administraverit primus. Guss. e In Bec. legitur, in lib. Judicum. Et sane cap. 3. v. 15. landatur Aod, qui utraque manu pro dextra utebatur. Si ad lib. 1. Paralip. S. Greg. aludit, legendum, quidam describuntur. f Collectio Pauli & Vatic. D. ad su-

perventuram gloriam. Tres alii Vatic. Norm. &c. ad futuram gloriam.

g Duces gregis Apostolos. Eadem voce S. Aug. multis in locis designat Episcopos, ut ep. 89. nunc 157. ad Hilarium. Psal. 103. in expos. 3. Psal. 28. 65. 72. Et filios arietum Christianos, qui suis subsunt Prælati. Guss.

h Male excusi, quam patior; qua additione sensus labefactatur.

i Hæc in genuinis S. Ignatii epistolis non occurrunt, sed tantum in spuris, quarum antiquitas inde potest probari.

A. N. CHR.

594. 595.

GREG. 5.

6673

AL. XXXI.

E P I S T O L A * XL.

Ad Mauricium Augustum.

Conqueritur quod fatuus appellatus sit, quod de Ariulphi ad pacem animo plus aliis credatur quam sibi: quod interim captiva ducatur Italia. Imperatorem, ut debitam Sacerdotibus reverentiam impendat, multis hortatur. Quas accepit ipse enumerat plagas. Gregorium Præfectum & Castorium Magistrum militum excusat. Diversum fore ab Imperatorio divinum iudicium.

Gregorius Mauricio Augusto.

JN serenissimis iussionibus suis Dominorum pietas, dum me de quibusdam redarguere studuit, parcendo mihi minime pepercit. Nam in eis urbane simplicitatis vocabulo me fatuum appellat. In Scriptura etenim sacra cum in bona intelligentia ponitur simplicitas, vigilantiter sæpe prudentiæ atque rectitudi-
ni sociatur. Unde etiam de beato Job scriptum est: *Erat vir simplex & rectus*. Et beatus Paulus Apostolus admonet, dicens: *Estote simplices in malo, & prudentes in bono*. Et per semetipsam admonet
Veritas, dicens: *Estote prudentes sicut serpentes, & simplices sicut columbæ*. Esse valde inutile indicans, si aut simplicitati prudentia, aut prudentiæ simplicitas desit. Ut ergo servos suos ad cuncta eruditos efficeret, esse eos & simplices sicut columbas, & prudentes ut serpentes voluit: quatenus in eis & serpentis

astutia columbæ simplicitatem acueret, & columbæ simplicitas serpentis astutiam temperaret.

Ego igitur, qui in serenissimis Dominorum iussionibus ab Ariulphi astutia deceptus, non adjuncta prudentia simplex denuntior, constat proculdubio quia fatuus appellor: quod ita esse ego quoque ipse confiteor. Nam si hoc vestra Pietas taceat, causæ clamant. Ego enim si fatuus non fuisset, ad ista toleranda, quæ inter Langobardorum gladios hoc in loco patior, minime venissem. In ea autem re, quam de Ariulpho perhibui, quia toto corde a venire ad Rempublicam paratus fuit, dum mihi non creditur, etiam mentitus esse reprehendor. Sed etsi Sacerdos non sum, scio gravem esse hanc injuriam Sacerdoti, ut verirati serviens, fallax credatur. Et dudum novi, quoniam Nordulpho plus est creditum quam

a

b

A. N. CHR.
594. 595.
GREG. 5.

665

quam mihi; Leoni amplius quam mihi: & nunc eis qui esse ad medium videntur, plus quam meis assertionibus credulitas impenditur.

Et quidem si terræ meæ captivitas per quotidiana momenta non ex cresceret, de despectione mea atque irrisione latus tacerem. Sed & hoc me vehementer affligit; quia ego unde crimen falsitatis tolero, inde Italia quotidie dicitur sub Langobardorum jugo captiva. Dumque meis suggestionibus in nullo creditur, vires hostium immaniter ex crescunt. Hoc tamen piissimo domino suggero, ut de me mala omnia quælibet existimet, de utilitate vero Reipublicæ & causa ereptionis Italiæ non quibuslibet facile pias aures præbeat, sed plus rebus quam verbis credat. Sacerdotibus

Caus. 11. q.
1. c. 41. Sa.
ceidotibus.

autem non ex terrena potestate dominus noster citius indignetur; sed excellenti consideratione propter eum cujus servi sunt, eis ita dominetur, ut etiam debitam reverentiam impendat. Nam in divinis eloquiis aliquando Sacerdotes Dii, aliquando angeli vocantur. Nam & per Moysen de eo qui ad juramentum deducendus est, dicitur *Applica illum*.

Exod. 22. 8.

c

Ibidem 22.

Malach. 2. 7.

c ad Deos, id est ad Sacerdotes. Et rursus scriptum est: *Dii non detrahes*, scilicet Sacerdotibus. Et Prophetia ait: *Labia Sacerdotis custodient scientiam, & legem requirunt ex ore ejus, quia Angelus Domini exercituum est*. Quid ergo mirum si illos vestra Pietas dignetur honorare, quibus in suo eloquio honorem tribuens, eos aut angelos, aut Deos ipse etiam appellat Deus? Ecclesiastica quoque testatur historia, quia cum piæ memoriæ Constantino Principi, scripto oblatae accusationes contra Episcopos fuissent, libellos quidem accusationis accepit, sed eosdem, qui accusati fuerant, Episcopos convocans, in eorum conspectu libellos quos acceperat, in-

cendit, dicens: *Vos Dii estis, a vero Deo constituti. Ite, & inter vos causas vestras^d disponite: quia dignum non est ut nos judicemus Deos*. In qua tamen sententia, pie domine, sibi magis ex humilitate quam illis aliquid præstitit ex reverentia impensa. Ante eum^e quippe pagani in Republica principes fuerunt, qui verum Deum nescientes, deos ligneos & lapideos colebant, & tamen eorum Sacerdotibus honorem maximum tribuebant. Quid ergo mirum si Christianus Imperator veri Dei Sacerdotes dignetur honorare, dum pagani, ut prædiximus, Principes honorem impendere Sacerdotibus noverunt, qui diis ligneis & lapideis serviebant?

d

e

Hæc ergo Pietati Dominorum non pro me, sed pro cunctis Sacerdotibus suggero. Ego enim homo peccator sum. Et quia omnipotenti Deo incessanter quotidie delinquo, aliquod mihi apud tremendum examen illius esse remedium suspicor, si incessantibus quotidie plagis ferrior. Et credo quia eundem omnipotentem dominum tanto vobis amplius placatis, quanto me ei male servientem districtius affligitis. Multas enim jam plagas acceperam, & supervenientibus Dominorum iussionibus, inveni consolationes quas non sperabam. Si enim possum, has celeriter plagas enumero.

^f Primum quod mihi pax subducta est, quam cum Langobardis in Tuscia positis sine ullo Reipublicæ dispendio feceram. Deinde corrupta pace, de Romana civitate milites ablatis sunt. Et quidem alii ab hostibus occisi, alii vero Narniis & Perusii positi; & ut Perusium teneretur, Roma relicta est. Post hoc plaga gravior fuit^h adventus Agilulphi, ita ut oculis meis cernerem Romanos more canum in collis funibus ligatos, qui ad Franciam ducebantur venales. Et quia nos qui-

f

g

h

in-

intra civitatem fuimus, Deo protegente, manus ejus evasimus: quæsitum est unde culpabiles esse videremur, videlicet cur frumenta defuerint, quæ in hac urbe diu multa fervari nullatenus possunt, sicut in alia suggestione plenius indicavi. Et quidem de memetipso in nullo turbatus sum, quia teste conscientia fateor, adversa quælibet pati paratus sum, dummodo hæc omnia cum salute dumtaxat meæ animæ evadam. Sed de gloriosis viris Gregorio Præfecto, & Castorio Magistro militum non mediocriter sum afflictus: qui & omnia quæ potuerunt fieri, nullo modo facere neglexerunt, & labores vigiliarum & custodiæ civitatis in eadem obsessione vehementissimos pertulerunt, & post hæc omnia gravi Dominorum indignatione percussi sunt. De quibus patenter intelligo: quia eos non sua acta, sed mea persona gravat. Cum qua, quia pariter in tribulatione laboraverant, post laborem pariter tribulantur.

N O T Æ A D

a Hoc est, convenire cum Republica, & fœdus inire.

b Ita Vatic. Anglic. Norm. Corb. In editis, quibus favet cod. Reg. *quoniam Ariulfo*. In Regio tamen legitur *Ariulfo*. Ariulfus dux erat Spoleti, ex Paulo Diac. lib. 4. histor. Langob. c. 17.

c Hebraice אֲרִיִּלִּים quod etiam aliquando significat *judices*.

d Editi, *discutite*. De hoc præclaro Constantini Magni facinore lege Baronium ad an. 325. nu. 42. & sequen-

Quod autem Dominorum pietas illud mihi pavendum, & terribile omnipotentis Dei judicium intentat, rogo per eundem omnipotentem Dominum, ne hoc ulterius quidem faciat. Nam adhuc nescimus, quis ibi qualis sit. Et Paulus egregius prædicator ait: *Nolite judicare ante tempus, donec veniat Dominus, qui & illuminabit abscondita tenebrarum, & manifestabit consilia cordium*. Hoc tamen breviter dico, quoniam indignus & peccator plus de venientis Jesu misericordia, quam de vestræ pietatis justitia præsumo. Et sunt multa quæ de judicio illius homines ignorant, quia fortasse quæ vos reprehenditis, ille laudabit. Inter hæc ergo omnia incerta, ad solas lacrymas redeo, petens ut idem omnipotens Deus piissimum dominum nostrum & sua hic manu regat, & in illo terribili judicio liberum ab omnibus delictis inveniat. Et me ita placere, si necesse est, hominibus faciat, ut æternam ejus gratiam non offendam.

AN. CHR.
594. 595.
GREG. 5.
677

1. Cor. 4. 5.

E P I S T. XL.

tibus; & ex nuperrimis scriptoribus, Tillemontium in Historia Imperatorum, in Constantino Magno. Vide Sozom. lib. 1. c. 16.

e Norm. *quique*. Tres Vatic. *quoque*.

f Vide notas meas ad præf. E. V.

g In tribus Vatic. *Perusia*; & infra *Perusia*. In Norm. Corb. & al. *Perusia* positi.

h Hæc fusius referuntur hom. ultima in Ezech. Vide Paulum Diac. lib. 4. hist. c. 8.

E P I S T O L A * XLI.

Ad Constantinam Augustam.

Imperatori suggerat Corfos ac Siculos inique ac nimium gravari. Et si minus in Italiæ expensas haberetur pecuniæ, compescendos tamen oppressorum gemitus.

Gregorius Constantinæ Augustæ.

Grat. 12. q.
1. c. 8. Cum
devotissi-
mam.

a

Cum a serenissimam Dominam animæ suæ vita cogitare; culpam me committere vehementer existimo,

AN. CHR.
594. 595.
GREG. 5.

6673
Joh. Diac.
lib. 3. c. 47.

mo, si ea quæ pro timore omnipotentis Domini sunt suggerenda, siluero.

b Dum in Sardinia insula multos esse gentilium cognovissem, eosque adhuc pravæ gentilitatis more, idolorum sacrificiis deservire, & ejusdem insulæ Sacerdotes ad prædicandum Redemptorem nostrum torpentes exsistere, unum illuc ex Italiæ Episcopis misi, qui multos gentilium ad fidem Domino cooperante perduxit. **b** Sed rem mihi sacrilegam nuntiavit: quia hi qui ea idolis immolant, judici præmium persolvunt, ut eis hoc facere liceat. Quorum dum quidam baptizati essent, & immolare jam idolis ^c desivissent, adhuc ab eodem insulæ judice, etiam post baptismum ^d præmium illud exigitur, quod dare prius pro idolorum immolatione consueverant. Quem cum prædictus Episcopus increparet, ^e tantum se suffragium promississe respondit, ut nisi de causis etiam talibus impleri non possit. Corsica vero insula tanta nimietate exigentium, & gravamine premitur exactionum, ut ipsi qui in illa sunt, eadem quæ exiguntur complere vix filios suos vendendo sufficiant. Unde fit ut derelicta pia Republica, possessores ejusdem insulæ ad nefandissimam Langobardorum gentem cogantur effugere. Quid enim gravius, quid crudelius a Barbaris pati possunt, quam ut constricti atque compressi suos vendere filios compellantur? In Sicilia autem insula ^f Stephanus quidam marinarum partium chartularius, tanta præjudicia, tantasque oppressiones operari dicitur, invadendo loca singulorum, atque sine dictione causarum per possessiones ac domos ^g titulos ponendo, ut si velim acta ejus singu-

la, quæ ad me pervenerunt, dicere, magno volumine hæc explere non possim.

Quæ omnia serenissima Domina solerter aspiciat, & oppressorum gemitus compescat. Hæc enim ego ad piissimas aures vestras pervenisse non suspicor. Nam si pervenire potuissent, nuncusque minime permansissent. Quæ piissimo domino apto sunt tempore suggerenda, ut ab anima sua, ab imperio, atque a filiis suis ^h tale hoc tantumque peccati pondus amoveat. Qui scio quoniam dicturus est, quia nobis in Italiæ expensis transmittitur quidquid de prædictis insulis aggregatur. Sed ego suggero ad hoc, ut etsi minus expensæ in Italia tribuantur, a suo tamen imperio oppressorum lacrymas compescat. Nam & idcirco fortasse tantæ expensæ in hac terra minus ad utilitatem proficiunt, quia cum peccati aliqua admixtione colliguntur. Præcipiant ergo serenissimi Domini nil cum peccato colligi. Et scio, quia etsi parum Reipublicæ attribuitur utilitatibus, ex eo multum Republica ⁱ adjuvatur. Quam etsi fortasse contingat expensis minoribus minus adjuvari, melius est tamen temporaliter nos non vivere, quam vos ad æternam vitam obstaculum aliquod invenire. Quæ enim mentes, qualia viscera parentum esse possunt, perpendite, quando filios suos distrahunt ne torqueantur. Qualiter autem miserendum sit filiis aliorum, hoc bene sciunt qui habent proprios. Unde mihi hæc breviter suggestisse sufficiat, ne si ea quæ in his partibus aguntur, Pietas vestra non cognosceret, me apud districtum judicem silentii mei culpa multaret.

NOTÆ AD EPIST. XLI.

a Gratianus legit, cum devotissimam.
b Excusi, sed quidam, invitis MSS.

Et sane melius legitur, sed rem mihi sacrilegam nuntiavit, scilicet Episcopus

pus ad prædicandum in Sardiniam profectus.

c Tres Vatic. Reg. & Norm. deseruissent.

d Norm. præmium illud exiguntur.

e Suffragium hic usurpatur pro pecunia, quæ suffragatoribus aulicis datur promittiturve honoris adipiscendi causa. Quo etiam nomine erat actio, nec ob id locus erat legi Juliæ de ambitu: immo & Principes ipsi suffragii titulo pecunias accipiebant siue suffragia despotica. Ita Cujacius in expositione Novellæ 8. de præsidibus, qua Justinianus omne suffragiorum genus sustulit. Vide præstationem illius novellæ, & c. 1. & 7. ubi reperies multa contra officiorum venalitatem. Vide etiam Suetonium in Vespasiano c.

13. & 23. Guffanv.

f Ipse est haud dubie cujus meminit ep. 3. libri III. Indiēt. XI. Chartularius marinarum partium is dicitur qui pecunias publicas istarum partium tractabat & administrabat: Gallis *Receveurs des deniers, de contributions, d'impositions*. Vide Cujacium ad leg. 3. Cod. tit. de canon. largit. tit. & Turnebum lib. adversar. 7. c. 2. ubi multa de Chartulariis. Partim ex Guffanv.

g De titulis supra lib. 1. ep. olim 63. nunc 65.

h Excusi, tale hoc tantumque facinus peccatique pondus amoveat. Qui scio.

i In vulgatis, adjuvantur. Quodetsi &c. Omnes Vatic. Norm. Collectio Pauli &c. habent *Quam*, & refertur ad *Rempubicam*.

AN. CHR.
594. 595.
GREG. 5.

6633

41. XXXV.

E P I S T O L A * XLII.

Ad Sebastianum Episcopum.

Ad amorem cœlestium se hujus vitæ doloribus impelli. Quos patitur recenset. Sebastianum quod oblata ab Anastasio Ecclesiæ regimen suscipere noluerit, laudat. Si ad hoc unquam consentire decreverit, petit ut in amore sibi alium non præponat.

a

Gregorius Sebastiano ^a Episcopo Sirmienfi.

Dulcissima atque suavissima Fraternitatis tuæ scripta suscepi. Quæ mihi, quamvis nunquam desit a corde, Sanctitatem tamen vestram, quasi corporaliter præsentem fecerunt. Sed omnipotentem Dominum rogo, ut sua vos dextera protegat, ^b vobisque & hic tranquillam vitam, & quando ei placuerit, præmia æterna concedat. Sed peto, si illo me amore diligitis, quo præsentem semper amastis, ut pro me enixius exoreris: quatenus omnipotens Deus a peccatorum meorum nexibus me citius solvat, & corruptionis hujus pondere exutum, suo conspectui liberum exsistere faciat. Quamvis enim inæstimabilis sit cœlestis patriæ dulcedo, quæ trahat; multi tamen in hac vita dolores sunt, qui ad amorem cœlestium quotidie impellant. Qui mihi in hoc ipso solum vehementer placent, quia pla-

Tom. VII.

cere in hoc mundo aliquid non permittunt.

Quæ enim, Frater sanctissimi me, de amici vestri domni Romani persona in hac terra patimur, loqui minime valemus. Breviter tamen dico, quia ejus in nos malitia gladios Langobardorum vicit; itaut benigniores videantur hostes, qui nos interimunt, quam Reipublicæ judices, qui nos malitia sua, ^c rapinis atque fallaciis in cogitatione consumunt. Et uno tempore curam Episcoporum atque Clericorum, monasteriorum quoque & populi gerere, contra hostium insidias sollicitum vigilare, contra ducum fallacias atque malitias suspectum semper exsistere, cujus laboris, cujus doloris sit, vestra Fraternitas tanto verius penset, quanto me qui hæc patior, purius amat.

Præterea debitum salutationis alloquium solvens, indico quod ad

S s me

Joh. Diac.
lib. 3. c. 49.

Joh. Diac.
lib. 3. c. 13.

A N. C H R.

594. 595.

GREG. 5.

d

d

me Bonifacio Defensore referente intentus, ad hoc unquam consentire pervenerit, quia vir sanctissimus frater noster domnus ^d Anastasius Patriarcha in una suarum civitatum regendam vobis Ecclesiam committere voluit, & consentire noluitis. Quem sensum, ac sapientiam vestram valde ego libenter amplexus sum, laudavi vehementer, & vos felices, me infelicem esse deputavi, qui hoc tali tempore regimen Ecclesiae suscipere consensi. Si tamen animus vester fortasse fratribus condescendendo, & misericordiae operibus decreverit, peto ut amoris meo alium minime praeponatis. Sunt enim in Sicilia insula Ecclesiae vacantes Episcopis, & si vobis placet auctore Deo Ecclesiam regere, juxta beati Petri Apostoli limina, cum ejus adjutorio melius potestis. Sin vero non placet, feliciter stete, ut ista in vobis intentio permaneat, & pro nobis infelicibus exorate. Omnipotens autem Deus in quocumque vos esse loco voluerit, sua protectione custodiat, & ad caelestia vos dona perducatur.

N O T A E A D E P I S T. XLII.

a In excusis, *Episcopo Rhiziniensi*. In Collect. Pauli & in Vatic. D. *Episcopo Rimienfi*. Quem exhibemus titulum suppeditarunt nobis tres alii Vatic. Norm. omnes, Reg. Colb. Corb. &c. Ita etiam legitur apud Johan. Diac. lib. 3. cap. 13. & 49. tamen MSS. quam editis.

b Vulgati, *nobisque non ex MSS.*

c Vatic. D. *rapinis, fallaciis, atque flagitiis.*

d Episcopo Rhiziniensi cum Anastasio arctam necessitudinem fuisse appareret ex ep. 27. nunc 28. lib. I. cum Anastasius Sede pulsus erat. *Guffanti.*

Al. XXXVI.

E P I S T O L A * XLIII.

Ad Eulogium & Anastasium Episcopos.

Tum Pelagii decessoris sui, tum suas ad Johannem, titulum universalis Episcopi sibi arrogantes, epistolas mittit. Hortatur enixe ut communi consilio atque uno spiritu illius superbiam insequantur.

a Gregorius ^a Eulogio Episcopo Alexandrino, & Anastasio Episcopo Antiocheno.

Jo. Diac. I. 4.

c. 1.

Rom. 11. 13

Theff. 1. 2. 7.

riscabo

CUM Praedicator egregius dicat: *Quamdiu quidem sum gentium Apostolus, ministerium meum bono-
Faci sumus ut parvuli in medio vestrum; exemplum proculdubio nobis sequentibus ostendit, ut & humilitatem teneamus in mente, & tamen ordinis nostri dignitatem servemus in honore: quatenus nec in nobis humilitas timida, nec erectio sit superba. Ante hos siquidem annos octo, sanctae memoriae decessoris mei Pelagii tempore, frater & coepiscopus noster Johannes in Constantinopolitana urbe ex causa alia*

occasionem quaerens synodum fecit, in qua se universalem appellare conatus est. Quod mox idem decessor meus ut agnovit, directis litteris ex auctoritate S. Petri Apostoli ejusdem Synodi acta cassavit. Quarum videlicet epistolarum Sanctitati vestrae exemplaria studui destinare. Diaconum vero qui juxta morem pro responsis Ecclesiae faciendis piissimorum Dominorum vestigiis adhærebat, cum praefato confacerdote nostro Missarum solemniam celebrare prohibuit. Cujus ego quoque sententiam sequens, similia praedicto confacerdoti nostro scripta transmissi, quo;

quorū exemplaria vestræ Beatitudini censui transmittenda: hoc præcipue intendens, ut hac de re, quæ ex nova superbia tota universalis Ecclesiæ viscera perturbantur, prius sæpe fati fratris nostri animum modesta intentione pulsemus. Qui si nequaquam a suæ elationis rigore voluerit inclinari, tunc quid fieri debeat, cum omnipotentis Dei solatio subtilius pertractetur.

Sicut enim veneranda mihi vestra Sanctitas novit, per sanctam Chalcedonensem Synodum Pontifici Sedis apostolicæ, cui Deo disponente deservio, hoc universitatis nomen oblatum est. Sed nullus unquam decessorum meorum hoc tam profano vocabulo uti consensit: quia videlicet si unus Patriarcha universalis dicitur, Patriarcharum nomen cæteris derogatur. Sed absit hoc, absit a Christiani mente id sibi velle quempiam erripere, unde fratrum suorum honorem imminuere ex quantulacumque parte videatur. Cum ergo nos hunc honorem nolumus oblatum suscipere, pensate quam ignominiosum sit hunc sibi quempiam violenter usurpare voluisse.

Propterea Sanctitas vestra in suis epistolis neminem unquam universalem nominet, ne sibi debitum detrahat, cum alteri honorem offert indebitum. Nec hac in re de serenissimis Dominis animum vestrum mordeat sinistra suspicio: quia omnipotentem Dominum metuit, & contra statuta Evangelica, contra sacratissimos canones agere aliquid nullo modo consentit. Ego vero quamvis a vobis per longa terrarum atque maris intervalla disjunctus sim, sum tamen omnino vobis corde conjunctus. Idque de vestra Beatitudine erga me modis omnibus confido: quia cum me vicissim diligitis, a me non longe estis. ^d Unde magis gratias referimus grano illi sinapis: quia ex modici despi-

cabilisque seminis specie ita est, ramis ex eadem radice surgentibus atque sese distendentibus usquequaque diffusus, ut in eis volatilia cœli cuncta nidificent. Gratiaque sit fermento illi, quod tribus farinæ satis totius humani generis massam in unitate conspergit. Atque parvo lapidi, qui abscissus de monte sine manibus, occupavit universam faciem orbis terræ. Qui ad hoc se usquequaque distendit, ^f ut ex humano genere in unitatem redacto, totius corpus perficeretur Ecclesiæ: atque ita ad totius compaginis pertineret commodum, membrorum partialis ista distinctio.

Unde nos quoque a vobis non longe sumus: quia in illo qui ubique est, unum sumus. Agamus ergo ei gratias qui solutis inimicitiis, in carne sua fecit ut in omni orbe terrarum unus esset grex, & unum ovile sub se uno Pastore; memores semper quid nos Prædicator veritatis admoneat, dicens: *Soliciti servate unitatem spiritus in vinculo pacis. Et: Pacem sectamini cum omnibus, & sanctimoniam, sine qua nemo videbit Deum.* Qui aliis quoque discipulis dicit: *Si fieri potest, quod ex vobis est, cum omnibus hominibus pacem habentes.* Vidit enim pacem bonos cum malis habere non posse; & idcirco, sicut nostis, præmisit, *Si fieri potest.*

Sed quia pax nisi in duabus partibus firmari non valet, cum hanc mali fugiunt, boni tenere medullitus debent. Unde & mire dicitur, *Quod ex vobis est*; ut videlicet in nobis maneat, etiam cum a pravorum hominum mente repellitur. Quam videlicet pacem tunc veraciter teneamus, cum superborum culpas, caritate simul & iustitia insistente prosequimur; cum eos diligimus, & eorum vitia odio habemus. Opus quippe Dei homo est, sed opus hominis, vitium. Nos ergo discernamus

AN. CHR.
594. 595.
GREG. 5.

6693
c

f

g

Ephes. 5. 3.

Hebr. 12. 14.

Rom. 12. 18.

AN. CHR.

594. 595.

GREG. 5.

66733

quid Deus; quid item homo fecerit: neque propter errorem odio habeamus hominem, neque propter hominem diligamus errorem.

Unica ergo mente insequamur in homine malum superbiæ, ut ab hoste suo, videlicet errore, prius ipse homo liberetur. Præstabit vires omnipotens Redemptor noster caritati atque iustitiæ, præstabit nobis longe a nobis positam unitatem spiritus sui: ipse cujus artificio quasi in arcæ modum quatuor mundi constructa lateribus, atque imputribilium lignorum compage, & bitumine caritatis adstricta, nullius adversitate spiritus, nullius venientis extrinsecus tumore fluctus perturbatur Ecclesia.

Sed quemadmodum illius gubernante gratia petendum est, ut nulla nos superveniens exterius unda conturbet: ita ex totis orandum est visceribus, Fratres carissimi, ut suæ providentiæ dextera cumulum sentinæ in nobis interioris exhauriat. Adversarius quippe diabolus qui contra humiles sæviens, sicut leo rugiens circuit quærens quem devoret, non jam, cernimus, caulas circuit, sed ita valide in quibusdam Ecclesiæ necessariis membris dentes figit, ut nulli sit dubium quia nisi unanimiter, favente Domino, cunctorum provida Pastorum turba concurrat, omne, quod absit, citius ovile dilaniet. Perpendite, fratres carissimi, ^h quis e vicino subsequitur, cujus & in Sacerdotibus erumpunt tam perversa primordia. Quia enim juxta est ille de quo scriptum est: *Ipse est rex super universos filios superbiæ*; quod non sine gravi dolore dicere compellor, frater coepiscopus noster Johannes mandata Dominica, apostolica præcepta, regulas Patrum despiciens, cum per elationem præcurrere conatur in nomine.

Vestræ autem Beatitudini indicet

omnipotens Deus, quam gravi considerationis hujus gemitu torqueor, quod ille quondam mihi modestissimus, ille omnibus dilectus, ille qui in eleemosynis, orationibus, atque jejuniis videbatur occupatus, ex eo in quo sedebat cinere, ex ea ⁱ quam prædicabat humilitate, instantiam sumsit: itaut universa sibi tentet adscribere, & omnia quæ ^k soli uni capiti coherent, videlicet Christo, per elationem pompatici sermonis ejusdem Christi sibi studeat membra subjugare. Nec mirum, quod ille tentator, qui initium omnis peccati scit esse superbiam, ^l & tunc ea in primo homine ante omnia usus est, & nunc eam quibusdam hominibus ponit in fine virtutum; ut qui aliquatenus bonis vitæ studiis ejus videbantur crudelissimas manus effugere, eis in ipsa meta boni operis, & in ipsa quodammodo apponat perfectionis conclusionem tendiculum.

Unde magnopere orandum est, & omnipotens Deus assiduus precibus implorandus, ut hunc a mente illius avertat errorem, hoc ab unitate atque humilitate, Ecclesiæ malum superbiæ & confusionis amoveat. Et favente Domino omnibus viribus concurrendum atque providendum, ne in unius veneno sermonis viventia in Christi corpore membra moriantur. Si enim hoc dici licenter permittitur, honor Patriarcharum omnium negatur. Et cum fortasse is in errore perit, qui universalis dicitur, nullus jam Episcopus remansisse in statu veritatis invenitur.

^m Oportet ergo ut constanter ac sine præjudicio fervetis, sicut accepistis, Ecclesias, & nihil sibi in vobis hæc tentatio diabolicæ usurpationis adscribat. State fortes, state securi: scripta cum universalis nominis falsitate nec dare unquam, nec suscipere præsumatis. Omnes

epi-

i

k

l

h

Joan. 1. 25.

m

episcopos curæ vestræ subiectos, ab hujus elationis iniquatione prohibete; ut universa vos Ecclesia Patriarchas, non solum in bonis operibus, sed etiam in veritatis auctoritate cognoscat. Si qua autem forsitan adversa subsequuntur, unanimiter persistentes, etiam moriendo debemus ostendere, ⁿ quia in damno generalitatis nostrum specialiter aliquid non amamus. Dicamus cum Paulo: *Mihi vivere Christus*

est, & mori lucrum. Audiamus quod primus omnium Pastorum dicit: *Si quid patimini propter justitiam, beatis eritis*. Mihi enim credite, quia honorem, quem pro prædicanda veritate suscepimus, sine necessitatis causa exigit, securius pro eadem veritate relinquimus, quam tenemus. Pro me autem, sicut vestram carissimam Beatitudinem decet, orate, ut hoc quod vobis loqui audeo, operibus ostendam.

AN. CHR.
594. 595.
GREG. 5.
6673
1. Petr. 3. 14.

N O T Æ A D E P I S T. XLIII.

a Fuit quadragesimus-septimus Episcopus Alexandrinus, vir insignis pietatis & scientiæ. De eo Johan. Moschus Limonarii c. 146. & 147. Evagrius lib. 5. c. 16. Photius in Biblioth. cod. 208. 225. 226. 227. 230. 280. ejus scriptorum mentionem facit. *Guffanv.*

b Epistola Pelagii II. de qua paulo post S. Doctor, data legitur mense Martio, Indict. v. a qua usque ad Indict. XIII. octo numerantur anni. *Maur.* Baronius num. 2. ad annum 587. refert hanc Synodum: Valesius vero ad annum 589. Male uterque, ut ex Evagrio teste tunc præsentem demonstrat Pagius, qui hanc Synodum ab anno 588. circa mensem Majum nullatenus dimovendam esse evidenter probat. Adde ergo annos octo, exibat summa in annum 596. quo currebat indictio 14. vel 15. a Septembri. Epistolam Pelagii, quam assertit Baronius l. c. nemo hodie cordatus genuinam agnoscit. Quare hanc epistolam in Regeſto extra sedem suam vagari vehementer suspicor. E. V.

c Novam non fuisse contendit Guffanvillæus. In Concilio Constantinopolitano, inquit, sub Mena, &c. an. 536. idem titulus reperitur centies, quem Binius vult irrepsisse: *Nisi dicamus*, inquit, *Constantinopolitanum habito respectu ad subiectos sibi in Oriente Episcopos ac Sacerdotes universalem appellari*. Vide titulum novell. 42. quem Binius indicat, ejusdemque collectoris notam aet. 3. Conc. Calced. ubi contendit repugnante multis in locis S. Gregorio universalis appellationem a summis Pontificibus non semel usur-

patam, ut a S. Leone ep. 54. nunc 78. quod falsum est: se quidem dicit Episcopum Romanum & universalis Ecclesiæ, ut hic S. Gregorius vocat Eulogium & Anastasium universæ Ecclesiæ Patriarchas. *Guffanv.*

d Ita unanimiter MSS. at excusi, & *magis*.

e Idem vulgati, quo tribus &c.

f Quatuor Vatic. ut ex omni humano genere in unitatem redactum totius &c.

g Quatuor Vatic. & Corb. compagis.

h Excusi, quid e vicino.

i In vulgatis, prætendebat.

k Caput essentiale intelligit, a quo omnis in singula corporis membra vis defluit. Est tamen ipse summus Pontifex alio modo caput totius Ecclesiæ, ut minister primarius; & unitatis Ecclesiasticæ centrum visibile, cui omnes conjungi & cohærere debent tamquam capiti. De Christo Ecclesiæ capite ep. 38. nunc 18. *Guffanv.*

l Vatic. D. *Et tunc eam primo homini suadere ante omnia ausus est, & nunc eam quibusdam hominibus in fine virtutum intendere. Et qui.*

m Ita cum Vatic. D. quinque Anglic. omnibus Norm. Corb. & Collect. Pauli vet. editi. In recent. quibus favent Reg. & quidam Vatic. obtestor ergo.

n Hic redimus adhuc ad veterum editionem, MSS. omnium Vatic. Anglic. Norm. Reg. Collect. Pauli &c. auctoritate firmatam. Recent. habent quia in damnando generalitatis nomine nostrum specialiter. In hac Greg. epistola, multa ex ep. 8. Pelagii II. excerpta agnoscimus.

AN. CHR.

594. 595.

GREG. 5.

66783

E P I S T O L A * XLIV.

Ad Leontium Episcopum.

Al. XLII.

De Visitatione Ariminensi melius procuranda.^a Gregorius ^a Leontio Episcopo, visitatori Ariminensis Ecclesiæ.*Gr. et. 28. 9.
1. c. 6. Erat.*^b

Clero Ariminensis Ecclesiæ, cuius visitator es, conquerente comperimus, ^b quod remotis omnibus, Fraternitas tua hominibus suis patrimonii ejus gubernationem cæterasque utilitates commiserit peragendas. Quod si ita est, querelam ejusdem cleri ineptam esse non credimus. Ea de re his te hortamur affatibus, ut omnia quæ ad superscriptam Ecclesiam pertinent, per proprios ejus homines, quos ipse prævideris, sive per Diaconum latorem præsentium gubernari agique disponas; ut nulla eis adversum te justa murmurandi relinquatur occasio. Si vero quædam de eis infidelitatis est fortasse suspicio, cum eis quoque homines tuos in actione constitue, ut alterna erga se solitudine debeant esse custodes, rationes tibi modis omnibus posituri.

Quidquid vero de redditibus Ecclesiæ ipsius accesserit, quatuor juxta consuetudinem oportet fieri portiones: unam scilicet, quæ clero præbenda sit; aliam quæ pauperibus. De reliquis autem duabus partibus tres fieri volumus. Unam fartis tectis profuturam: aliam pro sustentatione sua, Castorio proprio Episcopo di-

rigendam: reliquam tibi met retinendam. Si quis igitur in superscriptæ Ecclesiæ clero dignus fuerit Presbyter, vel Diaconus, sive in gradu alio ordinari, liberam habebis ex nostra auctoritate eum promovendi licentiam.

In lucrandis ergo animabus invigila, circa cleri rectitudinem esto sollicitus. Utilitates Ecclesiæ, cujus visitationem geris, injuste perire vel deteriorari nulla surreptione permittas; ne, quod absit, & apud Deum perpetui labem periculi, & apud nos reatum culpæ possis incurrere.

Comperimus præterea ^c aliquot te annonas de publico consequi, & hac ex re verecundia comprimi, atque in causis Ecclesiæ, vel defensione pauperum, ut congruit, non esse efficacem. Propterea abstinendum est ab hoc quod verecundiam incutit; & stipendiis, quæ de Ecclesia consequeris, debes esse contentus. Nam si aliter facere post nostram adhortationem volueris, aliam detestationem habebimus. Quippe qui commissos tibi avaritiæ militare doces, quos sufficientibus stipendiis instituis non esse contentos.

N O T Æ A D E P I S T. XLIV.

^a Urbinati scilicet Episcopo ex ep. 24. l. 3. Indist. 11. In Norm. Corb. & aliis MSS. legitur tantum *Leontio Episcopo*.

^b Excusi, quod remotis omnibus Clericis.

^c In vulgatis, *aliquid te annonæ, de publico*, hoc est de fisco. Vituperat Leontium, quod propriis stipendiis non

contentus, ex fisco annonam acciperet. Laudat Severus Sulpic. Episcopos Aquitanos, Gallos, & Britannos, qui Concilio Ariminensi interfuerunt; quod annonis & cellariis, hoc est hospitibus ab Augusto sibi oblati uti noluerint, sed propriis sumptibus ali maluerint, tribus dumtaxat exceptis l. 2. hist. sacræ.

* E P I S T O L A * XLV.

Ad Andreæ Scholasticum.

Castorium Chartularium commendat.

Gregorius Andreæ Scholastico .

AN. CHR.

594. 595.

GREG. 5.

6693

Qualiter de Gloriæ vestræ debeamus sinceritate præsumere , cognitæ devotionis qualitas , quam beato Petro Apostolorum Principi olim exhibuistis , ostendit . Cujus licet causis mente vos adesse promississima confidamus , non tamen ab re est , si ea quæ sponte egistis , nostra , ex abundantia , epistola deprecemur . Atque ideo salutantes paternæ caritatis effectum , petimus , ut quia latorem præsentium Castorium chartularium nostrum pronecessariis illic causis direximus , vestra eum ope in omnibus adjuvetis ; atque

illi bonitatis vestræ consilio , quocumque necesse fuerit , concurratis : quatenus fultus Christianitatis vestræ solatio , ad explenda quæ sibi injuncta sunt , solers & idoneus possit inveniri . Sic etenim & vos quæ vestra sunt facitis , & nos pro vobis enixius orare compellitis . Omnipotens Deus gratiæ suæ vos tuitione præmuniat , & ita actus vestros in suo sicut desideratis propitius timore disponat , ut a malis omnibus hic exuat , & ad gaudia vos æterna perducatur .

N O T Æ A D E P I S T . XLV.

^a Hæc epistola abest a MSS. Anglic. & a plerisque . Legitur in San-Victorino , in Remigiano 700. ann. alio a

Remensi jam sæpe commemorato , & in unico ex Vaticanis ,

E P I S T O L A * XLVI.

Ad Basilium .

Laudat ejus xelum pro Ecclesiæ unitate . Ipsum excitat ne a procuranda Schismaticorum reversione deterreatur .

^a

Gregorius ^a Basilio .

Ep. 17. l. 14.

Multum cor nostrum vestræ Magnitudini congaudet , quod sic vos studiosos in vestris actibus invenimus , ut vobis & apud homines gloriam , & apud omnipotentem Deum præmia mercedis ^b acquiratis . Inter alia igitur laudanda quæ agitis , qualiter vos contra Histricorum schisma pro unitate Ecclesiæ amoris olim fervor accenderit , & multorum testificatione , & nostrorum modo plene relatione

cognovimus . Unde Redemptoris nostri misericordiam exoramus , ut sua vobis in omnibus gratia suffragetur , & affectu vos implere tribuat , quod velle concessit . Quia ergo hac in re tanto commoda retributionis accrescunt , quanto & studium laboris augetur : ^c paterna vos dilectione salutantes hortamur , ut opportunitate occasionis inventa , efficaciam vestram exercere enixius debeatis : atque id modis quibus possibile fuerit , omni

Ibidem .

Ibidem .

Al. xcliv.
Ind. 11.

AN. CHR.
594. 595.
GREG. 5.

6693

omni studio agere contendatis: quatenus prædicabile desiderium vestrum de reversione errantium adjuvante Domino compleatis. Præsentium vero portitorem Castorium chartularium nostrum, quem pro quibusdam illic causis transmisimus, Magnitudo vestra ut bona sua multiplicet, suis

in omnibus studeat solatiis adjuvare. Omnipotens Deus sua vos protectione cum filiis & omni domo vestra ab omni adversitate tueatur atque custodiat, vobisque & præsentis vitæ prosperitatem, & lætiam futuræ concedat.

N O T Æ A D E P I S T. XLVI.

a In Vatic. A. *Basilio Episcopo*, sed mendose, ut probat titulus *Magnitudinis* Basilio datus. Præterea S. Gregor. in fine epistolæ meminit filiorum ejus, quod Episcopo raro convenire potest. *Maur.* Lege ep. a nobis in margi-

ne citatam. E. V.

b Vel *acquirant*, scilicet actus, ut legitur in tribus Vat. Sic & Bess. *acquirant*.

c In iisdem *paterna vos dulcedine*.

Al. xcv.
Indict. 2.

E P I S T O L A * XLVII.

Ad Mastalonem.

Ipsius pro Ecclesiæ unitate zelum laudat. A procuranda schismaticorum reversione non deterreatur.

Gregorius Mastaloni.

Responsalium nostrorum relatione comperimus, quod pro amore unitatis Ecclesiæ tantus vos divini zeli ardor accenderit, ut quoscumque valueritis, non desinatis ad sinum matris Ecclesiæ revocare, atque ut bonus fidelisque famulus lucrum quotidie de accepto dono tuo, Domino & Redemptori nostro cum summa mentis intentione facere non desistatis. Et quidem venientem ad nos, ut potuimus, ex corporalis visus ostensione didicimus: bonum vero quod ex divina inspiratione in mentis tuæ caritate manebat occultum, desiderabilius nunc operis attestatione cognoscimus. Unde divinæ misericordiæ gratias ineffabili laude reddentes, hortamur Dilectionem tuam, atque quibus valemus admonitionibus confortamus, ut quantum se acceptum talentum occultantis pœna perturbat, tantum tuorum facientium, atque per hoc de cœlestis regni

perceptione lætantium Dominicæ vocis invitatio te desiderabiliter appetenda corroboret. Scire te namque, Dilectissime Fili, convenit, quod fructus hujus quem apprehendisti studii, retributionis suæ non careat sine. Et ideo præpedientium te nulla, vel si est, debet contrarietas perturbare: quia quanto ex difficultate causæ bonum perfici, Domino cooperante, valuerit, tanto tibi erit & gloriosior retributionis spes. Excellentior namque nascitur ex desperatione victoria, quæcumque fuerit laboris nimii adepta sudoribus. Cognovimus etiam quod Theodosius filius noster, tui sequax, bonique cooperator studii, pariter tecum in solitudine lucrandarum animarum solerter invigilet. Cui omnipotentem Deum intercessione Beati Petri Apostolorum Principis retributorem citius esse confidimus.

Ad Andreæ Scholasticum.

AN. CHR.
594. 595.
GREG. 5.
6673*Exclusis ob culpas Donato, ob ignorantiam Johanne, Marianum sibi probe notum invitum ordinatum esse, quem Andreæ commendat.*

Gregorius Andreæ Scholastico.

EXcellentissimi viri domni Patricii voluntatem in persona Donati Archidiaconi implere volumus: sed quia valde periculosum est animæ temere cuiquam manum imponere, curæ nobis fuit, vitam actusque ejus subtili investigatione discutere. Et quoniam multa inventa sunt, sicut eidem domno Patricio scripsimus, ^a quæ eum procul ab Episcopatu removent, Dei judicium metuentes, in ordinando eo ^b non prævidimus consentire. Sed nec Johannem Presbyterum ^c Psalmorum nescium presumpsimus ordinare, quia hæc eum res minus sui profecto habere studium demonstrabat. His igitur remotis cum ad eligendum de suis ^d a nobis partes urgerentur, & nullum se habere ad hoc officium faterentur idoneum, majorque nos una cum eis teneret afflictio, tandem venerabilem fratrem Marianum Presbyterum, quem diu mecum didicere in monasterio conversatum, communi concordantique voce atque consensu sapius petiverunt. Cui refugienti, diversis modis vix aliquan-

do potuit suaderi, ut eorum præberet petitioni consensum. Et quia bene nobis ejus vita est cognita, atque in lucrandis animabus illum novimus esse sollicitum, nullam in ordinatione ipsius moram attulimus. Gloria itaque vestra eum, sicut decet, suscipiat, novitæque ejus consolationis auxilium porrigat. Nam omnibus, sicut nostis, cujuslibet officii valde onerosa est novitas. Ego autem magnam confidentiam habeo, quia omnipotens Deus, qui eum dignatus est suo gregi præponere, & ad interiora illum curanda exauct, & ad exteriora gerenda gratiæ suæ pietate confortabit. Sed quia post longa quietis otia, ejus, ut prædiximus, novitas proculdubio perturbatur; peto, ut cum venerit tempestatum secularium pro cellas fugiens, semper apud vestram mentem portum quietis inveniat, & de vestræ bono caritatis hilarescat. Quantum vero vobis cum illo convenire valeat, citius cognoscetis, ^e quia ad Episcopatum venit invitus.

N O T Æ A D E P I S T. XLVIII.

^a Recent. ed. quæ eum pro culpa ab Episcopatu removerent, quod in nullis MSS. legimus, præterquam in Vatic. B.

^b Ita MSS. Vatic. Norm. Corb. Rem. &c. ubi editi habent, non præsumimus.

^c In Concil. Nicæn. II. c. 2. Decernimus quemlibet quidem qui ad Episcopalem gradum est provehendus, Psalterium omnino nosse, &c. Legat, & expendat studiosus canonem integrum, & ex eo judicet, quæ sit mens gene-

Tom. VII.

ralis Concilii de Episcoporum scientia & doctrina. Refert de Gennadio Nicephorus in Eccles. hist. lib. 15. c. 23. nullum ab eo consecratum Sacerdotem, qui non prius Psalterium sedulo in ore habuisset. Vide ep. 6. l. 12. nunc 7. l. 14. de Rustico Diacono, qui ob ignorantiam Psalmorum ab Episcopatu Anconitano repulsus est. Toletanum VIII. c. 8. Decernitur ut nullum cujuscumque dignitatis Ecclesiasticæ percipiant gradum, qui non totum Psalterium vel

T t

can-

AN. CHR. *canticorum usualium, & hymnorum, sive baptizandi perfecte noverint supplementum.* In constitutionibus Riculfi 594. 595. Sueffionensis Episcopi an. 889. can. 5.

GREG. 5.

Monemus ut unusquisque vestrum Psalterium, &c. memoriter & veraciter ac correcte tenere studeat. Sed & S. Hieronymus ep. 4. ad Rusticum: *Discat Psalterium ad verbum, &c.* ep. 7. ad Lætam de institutione filiae: *Discat primum Psalterium, &c.* Cæterum Plalmos memoriter & sine libro cantandi mos diu vixit, & etiamnum ejus moris vestigia quibusdam in locis remanserunt, ut in Ecclesia Lugdunensi, Rotomagensi, &c. Taceo Cartusianos, & alios antiquiores ascetas apud quos novitii primo conversionis anno Psalterium memoriter addiscere tenentur,

quia eosdem memoriter in Ecclesia cantare consueverunt. *Guffanv.* Psalmorum elogia videsis apud Basilium, Ambrosium, Augustinum, &c.

d Excusi, *de suis a nobis partibus.* Maur. Patet ex his verbis Macianum sive Marinianum non fuisse civem Ravennatem, ut vult *Guffanv.* & ex illo Sammarth. in notis ad ep. 56. hujus libri. Fuit tamen Abbas ante quam fieret Episcopus, quod liquet ex ep. 15. l. 8. Eum natione Romanum dicunt Johan. Diac. l. 4. c. 11. & Agnellus. E. V.

e Qua ratione non libenter accedere debeant ad Episcopatum etiam vocati, uberrime explicat S. Greg. l. de Reg. Pastoralis, maxime Parte 1.

Alb. xlvi.

EPISTOLA * XLIX.

Ad Leandrum Episcopum.

Libros in expositionem beati Job, & librum Regulae Pastoralis transmittit:

a

Gregorius Leandro Episcopo ^a Hispalensi.

QUanto ardore videre te sitiam, quia valde me diligis, in tuis tabulis cordis legis. Sed quia longo terrarum spatio disjunctum te videre nequeo, unum quod mihi de te dictavit caritas, feci; ut librum Regulae Pastoralis, quem in Episcopatus mei exordio scripsi, & libros quos in expositionem beati Job jamdudum me fecisse cognovisti, Sanctitati tuae communi filio Probino Presbytero veniente transmitterem. Et tuae quidem Caritati in eo o-

pere tertiae & quartae partis codices non transmissi, ^b quia eos solummodo ex eisdem partibus codices jam monasteriis dedi. Hos itaque Sanctitas tua studiose percurrat, & peccata mea studiosius desceat; ne mihi culpae gravioris sit quod quasi scire videor quod agere praetermitto. In hac vero Ecclesia quantis causarum tumultibus premor, ipsa Caritati tuae epistolae meae brevitates innotescit, quando ei parum loquor, quem magis omnibus diligo.

b

NOTÆ AD EPIST. XLIX.

a In Corb. & Norm. tantum legitur, *Episcopo* . . . In tribus Vatic. *Episcopo Hispaniarum*. De eo jam diximus in notis ad epistolam libris Moraltum praemissam, & alibi.

b Ita restituimus ad MSS. Vatic.

Norm. Corb. Rem. &c. cum in editis legatur: *quia eos solummodo invenio, quos ex ejusdem partibus codices, quos jam monasteriis dedi, excerpti.* Quid intricatius & obscurius?

Al. XLVIII.

E P I S T O L A * L.

Ad Johannem Abbatem.

AN. CHR.

594. 595.

GREG. 5.

GGGG

Ad monasterium sancti Andreæ proficiscatur, vitiosos coerciturus ac puniturus :

a

Gregorius Johanni Abbati ^a de Regio.

b

EA quæ ad correptionem religiosorum pertinent personarum, nos præterire nec decet, nec convenit. Pervenit itaque ad nos in monasterio sancti Andreæ, quod iuxta ^b Vulcanum est positum, multa perpetrari facinora. Atque ideo auctoritatis nostræ præceptione suffultum, ad id

te monasterium proficisci necesse est : & omnia quæ dicuntur, subtili investigatione discutere. Et si ita ; quod absit, inveneris, sic in illos regulariter vindicabis, ut digna eos coercitio a pravis & illicitis de cætero doceat actibus abstinere.

N O T Æ A D E P I S T. L.

^a In multis & melioribus codicibus omittitur *de Regio*.

^b Fortasse intelligit Vulcani insulam Siciliæ adjacentem, & Liparæ proxi-

am, quæ nunc *Vulcano* vulgo dicitur : De hac Maro *Æneid.* 8.

Vulcani domus & Vulcana nomine tellus.

Al. XLIX.

* E P I S T O L A * L I.

Ad Petrum & Providentium Episcopos.

Scribit de fide eis satisfacturum se, promittitque Romam venientibus nullam molestiam illaturum.

a

Gregorius Petro & ^a Providentio Episcopis Histriæ.

Johan. Diac.
libo 4. c. 37.

DEus, qui lætatur in unitate fidelium, & revelat quærentibus veritatem, cordi vestro, Dilectissimi Fratres, aperiat quanto vos desiderio in gremio cupiam sanctæ universalis Ecclesiæ contineri, & in ejus manere unitate concordem. Quod fore non dubito, si abjecto contentionis stimulo, satisfieri vobis veraciter de his quibus est dubietas, intendatis. Remaneantis autem Castorii notarii mei relatione edoctus sum, Fraternitatem vestram ad me habere desiderium veniendi, si promissum fuerit quia nullam molestiam sustinebit. Hoc ego cognoscens & opto, & succensus ardore caritatis invito, ut ad me veniendi debeat laborum assumere ;

quatenus pariter conferentes, quæ vera, & Redemptori nostro sunt placita, & communiter loquamur, & modis omnibus teneamus. Ego vero, divinæ protectionis gratia suffragante, satisfacere vobis de quibus dubitatis paratus sum : & confido de omnipotentis Dei clementia, quod ita vobis satisfactio mea interius inhærebit, ut nihil Caritati vestræ de cætero possit ambiguum remanere. Nam illa quæ sanctissimæ quatuor Synodi sapuerunt atque definierunt, sicuti prædecessor noster sanctissimus Leo Papa, ita & nos sapimus, sequimur, ac tenemus, nec ab earum fide aliquo modo dissentimus. Sed quia plus persona præsens, quam

T t 2

epi-

AN. CHR.
594. 595.
GREG. 5.

6735

epistola satisfacit, hortor, Dilectissimi Fratres, ut ad me venire, sicut præfatus sum, debeatis: dum modo ratione percepta a concordia sanctæ universalis Ecclesiæ dissensio vos nulla dissociet.

Hoc tamen certa sit vestra Caritas, quia vos & cum affectu quo decet suscipio, & cum gratia relaxabo. Nec aliquam vos vel quoscunque alios, qui pro hac ad me

causa venire voluerint, afflictionem vel molestiam sustinere ^b promitto. Sed seu ad consentiendum mihi cor vestrum misericordia divina compunxerit, sive, quod absit, in ea vos durare dissensione contigerit, ad propria vos remeare quando volueritis, juxta promissionem meam sine læsione vel molestia relaxare curabimus. ^c Mense Augusto, Indictione XIII.

b

c

NOTÆ AD EPIST. II.

a Sic appellatur hic Episcopus in omnibus Vatic. Anglic. Norm. Teller. &c. non *Prudentius*, ut legitur in exculis.

b Norm. Rem. & nonnulli alii, *permitto*, consentiunt ver. editi.

c Ita lectum in duobus Vatic. non autem in nostris veteribus codicibus.

Al. II.

EPISTOLA * LII.

Ad Johannem Archiepiscopum.

Laudat Secundinum Episcopum quod Anastasii causam recte discusserit ac finierit. Clericis qui ab Anastasii accusatione destiterant, Paulo quidem & Clematio ignoscit, Euphemio vero atque Thomæ sacris ordinibus quos pro scelera præmio perceperant, in perpetuum interdicit. Singulis consueta stipendia vult erogari, & Paulo restitui quidquid in Ecclesiæ utilitatem expenderat.

a

Gregorius Johanni ^a Archiepiscopo Corinthiorum.

b

c

Aquitatem atque sollicitudinem Secundini fratris & coepiscopi nostri, quæ olim bene nobis est cognita, ^b series indicata monstravit. In qua re valde placuit, lætosque nos reddidit: quia in causa Anastasii quondam Episcopi, quam ei examinandam injunximus, vigilantiam suam & diligenter exercuit, & cognita crimina, ut justitia poscebat & oportuit, ^c judicavit. Sed in his omnibus gratias omnipotenti Deo referimus, qui desistentibus quibusdam accusatoribus, cognitioni ejus veritatem, ne tantorum causa facinorum latere potuisset, ostendit. Quoniam vero in eadem sententia in qua superscriptum Anastasium juste damnatum constat atque depositum, sic quosdam superscriptus frater &

coepiscopus noster ultus personas est, ut nostro arbitrio reservaret: idcirco quid de eis tenendum servandumque sit, præsentī epistola signare perpeximus.

Paulum itaque Diaconum latorem præsentium, quamvis culpa sua vehementer confundat atque redarguat, quod deceptus promissione, ^d ab accusatione nuper depositi quondam Episcopi sui destiterit, & cupiditatis studio filere contra animam suam potius quam prodere vera consenserit: tamen quia pios plus nos esse convenit quam districtos, hanc ei culpam ingoscimus, atque eum in ordine locoque suo recipiendum esse censemus. Nam ei a tempore prolata sententiæ, afflictionem quam per-

Joh. Diacon.
lib. 4. c. 32.
Grat. 2. q. 4.
c. 6. Paulum.

d

tu-

Gras. ibid.

tulit; credimus ad vindictam hujus posse culpæ sufficere. Euphemium vero atque Thomam, qui pro deferenda accusatione sacros ordines acceperunt, eisdem sacris privatos ordinibus esse, atque ita sicuti sunt depositi, volumus permanere, nec unquam eos sub qualibet excusationis specie sacros in ordines revocari decernimus. Nam nimis indignum, & contra Ecclesiasticæ regulam disciplinæ est, ut honore, quem non ex meritis sed pro sceleris præmio perceperunt, fungantur. Quia tamen plus misericordiæ, quam districtæ nos convenit operam dare justitiæ, eosdem Euphemium atque Thomam in ordine locoque tantummodo, unde ad ordines sacros promoti fuerant, volumus revocari; & cunctis diebus vitæ suæ eorundem e locorum continentiam sicut consueverant ante, percipiant. Clematium vero Lectorem similiter benignitatis intuitu, in ordinem locumque suum revocandum esse constituo. Quibus etiam omnibus, id est Paulo Diacono, Euphemio, Thomæ, atque

Clematio commoda sua secundum locum & ordinem, in quo quisque eorum est, sicut solitus erat accipere, a præsentis tertia decima Indictione vestra Fraternitas sine aliqua studeat imminutione præbere. Quia igitur superscriptus Paulus Diaconus multa se ^f pro utilitate Ecclesiæ vestræ memorat expendisse, & ut ea possit recipere, Fraternitatis vestræ solatio desiderat adjuvari: hortamur ut si ita est, omni ei possibilitate ad recipienda quæ dedit, debeatis concurrere, atque vestris eum auxiliis adjuvare: quia nulla ratio patitur, ut in his quæ pro utilitate generalitatis impendit, aliquod sustineat injuste dispendium. Præterea tres libras auri, quas imminente superscripto fratre & coepiscopo nostro Secundo, eundem Paulum Diaconum pro utilitate vestræ dedisse constat Ecclesiæ, Fraternitas vestra eas cessante dilatione restituat: ne, quod absit, non rationabiliter, sed sola cum gravare voluntate tantummodo videatur. §

A N. C H R.
594. 595.
GREG. 5.
6673

f

g

N O T Æ A D E P I S T. LII.

a In vulgatis, *Episcopo*. Obsequimur unanimi MSS. consensui.

b In Corb. Reg. & Norm. *series judicati monstravit*. Consentiunt veteri editi. In recent. legitur, *series indicata scriptorum vestrorum monstravit*. Quæ lectio est trium Vatic. demtis vocibus, *scriptorum vestrorum*, quas nullis in MSS. invenimus.

c Excusi, *vindicavit*, invitis MSS. d De pæna tergiversantis, qui ab accusatione desistit, agunt Jureconsulti, cum Senatusconsultum Turpilianum exponunt. Vide Gregorium Turonensem historiæ l. 5. c. 21. de suspensione Episcopi a communione, eo quod ab accusatione destitisset. Nos eam quæ inter canones de Episcoporum accusationibus antinomia est, indicamus. Nec laicis nec inferioribus Clericis licet accusare suos Episcopos; iisdem eisdem licet accusare. Vide c. 2. quæst. 7. Concilium Chalcedonense solvit novum can. 21. Clericos sive laicos accu-

santes suos Episcopos vel Clericos passim & sine probatione, ad accusationem non recipi, nisi prius eorum discutiat eximatio. Evidentius adhuc rem eandem tractat Concilium Constantin. I. can. 6. quem lector consulat. Unum addo. Si liceat accusare, ergo & monere & corripere delinquentem, urgente caritate, non malignante zelo. Scriptum est enim: *Nolite tangere Christos meos, & in Prophetis meis nolite malignari*. Psal. 104. vers. 15. *Guffanv.*

e Stipendium clericale, sportulam, demensum, quod moris erat dare Clericis in eodem loco ministrantibus. Idipsum statim repetitur de Paulo Diacono & Clematio aliis verbis. *Guff.*

f Vatic. A. B. C. *pro utilitate provincie vestræ*. In hac epistola multa, MSS. morem gerendo, mutavimus, si aliorum editorum ratio habeatur; de quibus, quod levia sint, non admo-

g In

AN. CHR. 594. 595. g In Tur. S. Gat. & in vet. ed. Pa- xiii. Et sane Indiſt. decima tertia in
rif. 1518. ſubjicitur, *Menſe Aug. Ind.* epistolæ ſerie notatur.

GREG. 5.

* E P I S T O L A * LIII.

Al. 1.

a

Ad Virgilium Episcopum.

*Vices illi ſuas in regno Childeberti concedit. Monet ut Simoniacam labenz
prohibeat & ne ex laicis repente ſiant Episcopi. De pallii uſu,
& quatenus vices apoſtolicas obire debeat.*

Gregorius Virgilio Episcopo Arelatenſi.

O Quam bona eſt caritas, quæ vigilantia excreſcat, vitæ quoque
absentia per imaginem, præ-
ſentia ſibiſmetipſis exhibet per a-
morem, diſiſa unit, confuſa
ordinat, inæqualia ſociat, im-
perfecta conſumat! Quam recte
Prædicator egregius vinculum per-
fectionis vocat; quia virtutes qui-
dem cæteræ perfectionem generant,
ſed tamen eas caritas etiam ligat,
ut ab amantiſ mēte diſſolvi jam
nequeant. Hac itaque virtute, Fra-
ter Cariſſime, plenum te eſſe re-
perio, ſicut mihi de te, & hi
qui ex Gallicanis partibus veniunt,
& epistolæ tuæ ad me directæ ver-
ba teſtantur.

b

c

d

Quod vero in eis ^b juſta antiquum
morem, uſum pallii, ac ^c vices Se-
dis apoſtolicæ poſtulaſtis, abſit ne
aut tranſitoriæ poteſtatiſ culmen,
aut exterioriſ cultuſ ornatuſ in
vicibus noſtriſ ac pallio quæſiſſe te
ſuſpicer. Sed quia cunctiſ liquet,
^d unde in Galliarum regionibus fi-
deſ ſancta prodierit, cum priſcam
conſuetudinem Sedis apoſtolicæ Fra-
ternitaſ veſtra repetit; quid aliud
quam bona ſoboleſ ad ſinuſ ma-
triſ recurrit? Libenti ergo animo
poſtulata concedimus, ne aut vobiſ
quidquam de debito honore ſubtra-
here, aut præcellentiſſimi filii no-
ſtri Childeberti regiſ petitionem con-
temſiſſe videamur. Sed jam nunc
ſtudio majori reſ indiget, ut cum
honor creſcit, etiam ſollicitudo pro-
ficiat, & erga cæterorum cuſtodiam

vigilantia excreſcat, vitæ quoque
merita ſubjectiſ in exemplum ve-
niant, & nunquam ſua per ſuſcepti
honoris gratiam, ſed lucra cœleſtiſ
patriæ veſtra Fraternitaſ exquirat.
Noſtiſ enim quid beatuſ Apoſtoluſ
gemens dicat: *Omneſ enim que ſua* ^{Philip. i. 27}
ſunt querunt, non que ſunt Chriſti
Jeſu.

Quibuſdam namque narrantiſ, ^{Grat. i. 9.}
^{i. c. 117.}
^c agnovi quod in Galliarum vel Ger-
maniæ partibuſ nulluſ ad ſacruſ
ordinem ſine commodi datione per-
veniat. Quod ſi ita eſt, ſlenſ dico,
gemens denuntio, quia cum ſacer-
dotaliſ ordo intuſ cecidit, foriſ quo-
que diu ſtare non poterit. Scimuſ
quippe ex Evangelio quid Redem-
tor noſter per ſemetipſum fecerit,
quia ingreſſuſ templuſ cathedraſ
vendentiſ columbaſ evertit. Co-
lumbas enim vendere, eſt de Spi-
ritu ſancto, quem Deuſ omnipotens
conſubſtantialeſ ſibi per impoſitio-
nem manuſ hominibuſ tribuit,
commoduſ temporale percipere.
Ex quo, ut prædixi, malo jam in-
nuitur quid ſequatur. Quia qui
in templo Dei columbaſ vendere
præſuſerunt, coruſ, Deo judice,
cathedræ ceciderunt.

Qui videlicet error in ſubdiſ
cum augmento propagatur. Nam
ipſe quoque qui pretio ad ſacruſ
ordinem perducitur, jam in ipſa
provectuſ ſui radice vitiatuſ, para-
tior eſt aliis venundare quod emit.
Et ubi eſt quod ſcriptuſ eſt:

Gra-

Matth. 10. 8. Gratis accepisti, gratis date?

Et cum prima simoniaca hæresis sit contra sanctam Ecclesiam exorta, cur non perpenditur, cur non videtur, quia cum quem quis cum pretio ordinat, provehendo agit ^f ut hæreticus fiat?

Alia quoque nobis res est valde detestabilis nuntiata, quod quidam ex laico habitu ^g per appetitum gloriæ temporalis, defunctis Episcopis tonsurantur, & fiunt subito Sacerdotes. Qua in re jam notum est, qualis ad sacerdotium venit, qui repente de laico habitu ad sacrum transit ducatum. Et qui miles nunquam exstitit, dux religionum ^h fieri non pertimescit. Quam iste prædicationem habiturus est, qui fortasse nunquam audivit alienam? Aut quando aliena mala corrigat, qui necdum sua flevit? Et cum ad sacros ordines Paulus Apo-

Grat. dist. 32. c. Sicur.

stolus neophytum venire prohibeat, sciendum nobis est quia sicut neophytus tunc vocabatur, qui adhuc noviter erat plantatus in fide: ita nunc inter neophytos deputamus, qui adhuc novus ⁱ est in sancta conversatione.

Scimus autem, quod ædificati parietes non prius lignorum pondus accipiunt, nisi novitatis suæ humore siccantur, ne si ante pondera quam solidantur accipiant, cunctam simul fabricam ad terram deponant. Et cum ad ædificium arbuta succidimus, ut prius viriditatis humor exsiccare debeat, expectamus: ne si eis adhuc recedentibus fabricæ pondus imponatur, ex ipsa novitate

curventur, & contracta citius corruant, quæ immature in altum levata videbantur. Cur ergo hoc non subtiliter in omnibus custoditur, quod in lignis quoque ac lapidibus tanta consideratione perpenditur?

Qua de re necesse est, ut vestra fraternitas præcellentissimum filium nostrum Childebertum regem admonere studeat, ut hujus peccati maculam a regno suo funditus repellat: quatenus omnipotens Deus tanto illi apud se majora retribuat, quantum cum conspicit & amare quod ipse diligit, & vitare quod odit.

Itaque Fraternitati vestræ vices nostras in Ecclesiis, quæ sub regno sunt præcellentissimi filii nostri Childeberti, juxta antiquum morem Deo auctore committimus; singulis siquidem Metropolitibus secundum priscam consuetudinem proprio honore servato. Pallium quoque transmisimus, quo Fraternitas tua intra Ecclesiam ad sola Missarum solemnia utatur. Sicubi autem longius Episcoporum quisquam pergere forte voluerit, sine tuæ Sanctitatis auctoritate ei ad loca alia transire non liceat. ^k Si qua vero inquisitio de fide, vel fortasse aliarum rerum inter Episcopos causa emerferit, quæ discerni difficiliter possit, collectis ^l duodecim Episcopis ventiletur atque decidatur. Si autem decidi nequiverit, discussa veritate ad nostrum judicium referatur. Omnipotens autem Deus sua vos protectione custodiat, honoremque perceptum vos in moribus servare concedat. ^m Datum die XI. Augusti Indiēt. XIII.

A. N. CHR.
594. 595.
GREG. 5.

Grat. dist. 32. c. 6. Pallium.

Grat. dist. 32. c. 6. Pallium.

^k

^l

^m

NOTÆ AD EPIST. LIH.

^a Apud Guffanv. cui favent duo Teller. data die 6. Junii Indiēt. XIII. Ponenda igitur esset ante ep. olim 43. & 44. ejusdem Indiēt. datas mense Julio. At in Collectione Pauli Diaconi manuscripta data est 12. Augusti Indiēt. XIII. Exstat integra inter epistolas Johannis VIII. estque 94. Rostango Arelatensi. In duobus Vatic. totidem Tel-

ler. & Remensi inscribitur, *Virgil. &c. in Gallias missa per Johan. Presbyterum, & Sabinianum Diaconum*. Parum discrepant duo alii Vatic.

^b Infra lib. 12. ep. 64. *Ab antiquis prædecessorum meorum temporibus pallium Arelatensis Episcopus accepit. Erat autem Archiepiscopus Virgilius jam Indiēt. IX. suoque munere per aliquot*

an-

AN. CHR. annos functus sine pallio, ut liquet tum ex illius vita, tum ex ep. 47. lib. 1. 594. 595. Nondum ergo inducta erat pallii necessitas, nondum ab illo exterioris cultus instrumento potestas Ecclesiastica pendebat. *Maur.* Vide Marcand. Concord. l. 5. c. 39. E. V.

GREG. 5.

c De legationis hujus in Galliis initio vide Zosimi Papæ ep. 5. & 11. ad Patroclum Arelat. necnon Hilari Papæ octavam, nonam, & decimam. Arelatenſibus Episcopis non adeo faverunt alii post Zosimum Romani Pontifices Bonifacius II. Cœlestinus I. Leo I. donec Symmachus an. 514. Cæsario Arelat. ulum pallii cum Sedis apostolicæ vicariatu largitus est. Tum circa an. 545. idem concessit Auxanio primum, deinde Aureliano Vigilius ep. 7. & 10. postea Pelagius I. Sapaudo ep. 12. tandem Virgilio Greg. Mag. Post Virgilium ex Arelat. Episcopis nullum privilegii illis donatum legimus, donec sub noni seculi finem suas item in Gallia vices Rostagno Arelatenſi commisit Johannes VIII. qui hanc epistolam & sequentem paucis demtis usurpavit.

d Vide Greg. Turon. l. 1. hist. c. 27. & 28. necnon de gloria Confessorum c. 30.

e Multa hic inserta sunt quæ in alis epistolis totidem verbis reperiuntur. Vide infra ep. 57. & 58. Hic vero Germaniæ partes intelligit, aut Galliam universam, quod ex Germania prodierint Franci; aut Francia Lugdunensem, quæ Sidonio Apollinari l. 5. ep. 7. dicitur Germania Lugdunensis: aut demum Germaniæ Provincias Austrasiarum Regi subiectas: scilicet ultra Rhenum, Turingiam, quæ a Theoderico Clodovei Mag. filio subacta, Christianas etiam leges susceperat, teste Greg. Turon. l. 3. hist. c. 4. 7. & 9. cis Rhenum, Moguntiam, quæ Germania prima; Coloniam Agrippinam quæ Germania secunda dicebatur. Infra l. 8. ep. 30. Augustinus a Germaniarum Episcopis Episcopus factus, scilicet a Virgilio ipso Arelatenſi ordinatus est. Cæterum de simonia in Galliis grassante, a temporibus Brunichildis, agitur in vita S. Eligii, auctore S. Audouero Rotomag. Episcopo, de quo paulo infra. *Maur.* Vide de Marca in Dissert. de Primatibus nu. 62. ubi Gallicanæ Diœcescos divisionem inveniens. E. V.

f Hæresim latiore modo sumit pro

simoniaca pravitate. Vide Launoii Librum de Simonia, observatione 3. 4. 5. 11.

g Vide l. 2. ep. 25. Ne laici tonsurerentur, vacantibus Ecclesiis statim in Episcopos ordinandi, prout moris erat in Galliis vetat Gregorius hac & 55. ep. lib. 9. ep. 11. 106. 109. 110. Idem Gallis vetuerant Zosimus ep. 9. ad Patroclum Arelat. Cœlestinus I. ep. 2. ad Episc. Provinciæ Viennæ & Narbon. Symmachus ep. 5. ad Cæsarium Arelat. Felix IV. ep. 8. ad eundem Conc. Arelat. II. can. 1. Arelat. IV.

h Eodem sensu infra ep. 55. de laicis qui tonsurati mox ad Episcopatum præcipiti saltu conscendunt: *Ducatum*, inquit, *Sacerdotes sibi arripiunt qui exordium religiøse militiæ non viderunt: Vox Religiosus* Gregorio Mag. etiam Clericum significat lib. 5. ep. 22. *cunctos Clericos ceterosque Religiosos*. Et l. 9. ep. 107. *repente in Religionis habitu plantatus dicitur qui repente factus est Clericus, ut possit in Episcopum eligi*.

i Vide Greg. Naz. in Monodia; ubi argumentum hoc oratorio stilo fufius tractat.

k Causas fidei majores appellant, easque summo Pontifici reservandas contendunt nonnulli. Non ita censuit sanctus Gregorius, nisi forte in partibus decidi nequiverint præ nimia difficultate. Certe non nisi prius inquisitione facta, & in partibus ventilata discussaque veritate, ad Sedem apostolicam referuntur. Vide ep. lv. infra: *Cujus vehemens fortasse sit dubietas. . . examinata diligentius veritate, &c.* Vide Cyprianum ep. 55. Hilari Papæ ep. 8. Quid in simili casu fieret apud Judæos, vide Josephum antiquitat. Judaic. l. 4. c. 8. cujus testimonium retulimus ep. 4. Ind. 10. ubi de iisdem causis majoribus. *Guffano*.

l Urbanus II. apud Miracum in notit. Eccl. Belg. p. 239. & apud Ducher. tom. 3. Spicil. p. 123. *Liquet sanctorum canonum institutis integram esse provinciam, & Metropolitani proprium debere sortiri, quæ duodecim constat Episcopatibus*. E. V.

m Ita Vaticani codices, consentiente Collectione Pauli. At in duobus Teller. & in excusis scripta legitur Epistola Die 6. mensis Junii Indiſt. xlii.

Ad universos Regni Childeberti Episcopos.

A. N. C. HR.

594. 595.

GREG. 5.

66733

Virgilio Arelatensi, cui vices suas commisit, obediant; ab eo vocati veniant ad Synodum; nec ad longinqua loca sine illius auctoritate pergant.

a Gregorius ^a Universis Episcopis Galliarum qui sub regno Childeberti sunt.

AD hoc dispensationis divinæ proviſio gradus diversos & ordines constituit esse distinctos, ut dum reverentiam minores potioribus exhiberent, & potiores minoribus dilectionem impenderent, una concordie fieret ex diversitate contextio, & recte officiorum gereretur administratio singulorum. Neque enim universitas alia poterat ratione subsistere, nisi huiusmodi magnus eam differentie ordo servaret. Quia vero creatura in ^b una eademque æqualitate gubernari vel vivere non potest, cœlestium militiarum exemplar nos instruit: quia dum sunt Angeli, & sunt Archangeli; liquet quod non sunt æquales, sed in potestate & ordine, sicut nostis, differt alter ab altero. Si ergo inter hos qui sine peccato sunt, ista constat esse distinctio: quis hominum abnuat huic se libenter dispositioni submittere, cui novit etiam Angelos obedire? Hinc etenim pax & caritas mutua se vice complectuntur, & manet firma concordie in æterna, & Deo placita dilectione sinceritas.

Quia igitur unumquodque tunc salubriter completur officium, cum fuerit unus ad quem possit recurri præpositus: idcirco opportunum esse perspeximus in Ecclesiis, quæ sub regno præcellentissimi filii nostri Childeberti Regis sunt, secundum antiquam consuetudinem, fratri nostro Virgilio Arelatensis civitatis Episcopo vices nostras tribuere: quatenus & Catholicæ fidei integritas, id est sanctarum quatuor Synodorum, Deo protegente, sollicita devotione ser-

Tom. VII.

vetur, & si inter fratres consecratorumque nostrorum aliqua eveniret forte contentio, auctoritatis suæ vigore, vicibus nempe Sedis apostolicæ functus, discreta moderatione compescat. Cui etiam injunximus, ut si quarundam causarum tale fuerit certamen exortum, in quo aliorum præsentia opus sit, ^c congregatis sibi in numero competenti fratribus & coepiscopis nostris, salubriter hoc servata æquitate discutiatur, & canonica integritate definatur. Si quam vero contentionem, quod longe faciat divina potentia, de fidei causa evenire contigerit, aut negotium emerſerit, cujus vehemens sit fortasse dubietas, & pro sui magnitudine iudicio Sedis apostolicæ indigeat: examinata diligentius veritate, relatione sua ad nostram studeat perducere notionem: quatenus a nobis valeat congrua sine dubio sententia terminari.

Et quoniam necesse est ut ad eum ^d cui nostras vices indulſimus, quoties oportere perspexerit, pro facienda collatione aptis debeant Episcopi temporibus convenire, hortamur ut nullus mandatis ejus inobediens esse præsumat, nec communi congregationi interesse postponat, nisi aut corporis infirmitas quempiam fortasse vetuerit, aut cujusdam eum causæ iusta excusatio minime venire permiserit. Hi tamen qui prohibente aliqua necessitate nequeunt in Synodum convenire, loco suo Presbyterum aut Diaconum dirigant: quatenus quæ a nostro Vicario, Deo auxiliante, fuerint

V u

de-

ANCHR.
594. 595.
GREG. 5.

673

c

f

definita, ad eum qui absens est, per ipsum quem miserit, fida relatione perveniant; ^c ut invulnera firmitate servantur, ^f & nullius ea audeat occasionis excusatio violare.

Hoc etiam vos pariter praevidimus admonendos, ut nullus vestrum ad longinquiora loca sine praefati fratris & coepiscopi nostri Virgilii auctoritate tentet aliquo modo proficisci: scientes, quia & praedecessorum nostrorum, qui vices suas ejus praedecessoribus concesserunt, sic proculdubio mandata definiunt.

Hortamur praeterea, ut de officio suo sit quisque vestrum sollicitus; ut qui promissam cupit mercedem passionis accipere, commissum sibi gregem solitudine & oratione custodiat; ne lupus insidians oves cre-

ditas invadendo dilaniet; & sit in retributione poena pro munere. Optamus igitur, Fratres Carissimi, & totis omnipotentem Dominum precibus exoramus, ut Dilectionem vestram in amoris sui constantia faciat magis magisque fervere, atque in pace Ecclesiae, & in una vos concedat magnopere retineri concordia.

Nuntiatum vero nobis est quod per simoniacam haeresim, ad sacros quidam ordines adducantur, & hoc superscripto fratri & coepiscopo nostro Virgilio per omnia prohibendum mandavimus; quod ut vestra Fraternitas cognoscat & studiose custodiat, & ipsa coram vobis est epistola relegenda. ^g Data die XII. mensis Augusti Indict. XIIII.

NOTAE AD EPIST. LIV.

a Episcopi sub regno Childeberti erant omnes fere Gallicani Antistites. Nam regnum Austrasiorum ac regnum Burgundiae, quod morte ac testamento Guntchramni patris quæsierat, Childebertus obtinebat. Chlotharius, frater ejus patruelis, paucas in Neustria ad Ligerim, Sequanam, & Isaram fluvios, atque ad Oceanum civitates possidebat; quibus exceptis, cum Gothia quæ Gothorum erat, reliqua omnis Gallia parebat tum Childeberto. De finibus regni Burgundiae Hadrianum Valesium consule in lib. 7. & 9. rerum Francicarum. *Guffarv.* In Reg. & in duobus Vat. B. & C. sic legitur hujus epistolæ titulus: *universis Episcopis Gallicarum, qui sub regno filii nostri Excellentissimi Childeberti sunt.*

b Excusi, quibus pauci favent MSS. *una eademque qualitate.* Nostram lectionem exhibent omnes Anglic. Norm. Corb. duo Vat. Veram esse probant quæ sequuntur: *quod non sint æquales.*

c Ne solus definiat, nisi in levioribus, etsi Romani Pontificis gereret vices.

d Excusi, *injungimus.*

e Idem, *inconcussa*; a quibus non recederemus, nisi communis MSS. consensus nos abriperet.

f In vulgaris, *Et nullius ea quæ constituerit &c.* Favet Vat. D.

g Ita Colbert. vet. & Pauli Collectio. In duobus Teller. conveniunt mensis & Indictio; sed pro die 12. assignatur 11. Augusti.

Al. lIII.

EPISTOLA * LV.

Ad Childebertum Regem.

Virgilio se vices suas, & pallium Regis petitu concessisse: hortatur vicissim ut illi faveat in prohibenda simonia, & ne ex laicis repente fiant Episcopi.

a

Gregorius ^a Childeberto Regi Francorum.

Lætos nos Excellentiae vestrae pia vos affectione de honore & vehementer fecit epistola, quæ reverentia sacerdotali testatur esse

fe sollicitos. Hinc etenim cunctis ostenditis fideles Dei vos esse cultores, dum Sacerdotes ipsius grata ac debita veneratione diligitis, & Christiana devotione quidquid ad eorum augmentum pertinet, agere festinatis. Unde^b & grater ea quæ scripsistis, accepimus, & quæ voluistis, animolibenti, concessimus: atque ideo fratri nostro Virgilio Arelatenfis civitatis Episcopo, vices nostras juxta antiquum morem, & Excellentie vestræ desiderium Deo favente commisimus: cui etiam & pallii usum, sicut prisca habuit consuetudo, concessimus.

Sed quia aliqua ad nos perlata sunt, quæ & omnipotentem Deum nimis offendunt, & quamplurimum sacerdotii honorem reverentiamque confundunt, quæsimus ut potestatis vestræ^c annitente censura modis omnibus emendentur: ne dum laudandæ devotioni vestræ res temerariæ ac perversæ repugnant, aliorum, quod absit, culpa aut regnum vestrum gravetur, aut anima.

Pervenit autem ad nos, obeuntibus Episcopis, quosdam ex laicis tonsurari atque ad Episcopatum præcipiti saltu conscendere. Et qui discipulus non fuit^e, inconsiderata ambitione magister efficitur. Et quoniam quod possit docere non didicit, sacerdotium tantummodo gerit in nomine: nam laicus in sermone pristino perseverat, & opere. Quomodo ergo pro aliorum peccatis intercessurus est, qui sua primitus non deslevit? Talis enim pastor non munit gregem, sed decipit: quia dum contradicente verecundia non potest aliis hoc quod ipse non facit suadere, quid est aliud nisi ut plebs Dominica prædonibus populanda remaneat, & inde sumat interitum, unde salutiferæ protectionis magnum debuit habere subsidium? Quod quam pravum sit, quamve perversum, ex sua quoque

ordinatione Excellentie vestræ celsitudo perpendat. Certum namque est, non vos ante exercitui ducem præponere, nisi vobis labor ejus^d fidelique constiterit, nisi eum antea vitæ virtus & sollicitudo aptum esse monstraverit. Sivero non aliis, nisi hujusmodi viris committitur gubernandus exercitus, qualis dux esse debeat animarum, ex istius bene rei comparatione colligitur. Sed verecundum nobis est, & dicere pudet, quia ducatum sibi Sacerdotes arripiunt, qui exordium religiosæ militiæ non viderunt.

Simul autem & illud valde execrandum nobis est nuntiatum, quod sacri ordines per simoniacam hæresim, id est accepto præmio, conferuntur. Et quia pestiferum nimis est, & sanctæ Ecclesiæ universali contrarium, in sacrum quempiam ordinem non meritis, sed pretio collocari, hortamur ut tam detestabile facinus de regno suo Excellentia vestra prohiberi præcipiat. Nam ipse se ad hoc officium ostendit prorsus indignum, qui donum Dei pecunia mercari non metuit, & commodis præsumit appetere quod habere per gratiam non meretur. Hæc igitur, Præcellentissime Fili, idcirco admono, quia animam vestram salvari desidero. Quæ etiam dudum^e scriberem, si voluntatem meam innumeræ occupationes minime præpedissent. At postquam se congruum rescribendi tempus ingessit, quod facere me oportuit, non ommisi. Salutantes itaque Excellentiam vestram, paternæ caritatis affectu petimus, ut cuncta quæ suprascripto fratri & coepiscopo nostro fieri servarique mandavimus, favoris vestri præsidio compleantur; ne cuiusquam ea aliquo modo elatione aut superbia convelli permittatis.^f Sed sicut a prædecessore sub gloriosi patris vestri regno servata sunt, ita quoque auxilio vestro sollicita &

AN. CHR.
594. 595.
GREG. 5.
d

e

f

AN. CHR. 594. 595.
GREG. 5.
6633

modo devotione ferventur. Oportet ergo ut hoc nobis vicarie rependatur; & sicut nos vestram implere non distulimus voluntatem, ita & vos propter Deum, & beatum Petrum Apostolorum Principem nostra

faciatis in omnibus servari statuta: quatenus Excellentiae vestræ laudabilis, & Deo placita se circumquaque tendat opinio. § Data die XII. mensis Augusti, Indiēt. XIIT.

NOTÆ AD EPIST. LV.

a Erat hic Childeburtus Junior, Austrasiorum Rex, Sigiberti Regis & Brunichildis filius. Maur. Guntramnus obiit 28. Martii an. 593. Hunc in regno Burgundiæ excepit Childeburtus, qui regnum fere quatuor tenuit annos. E. V.
b Vide de Marca in Concord. l. 5. c. 39. E. V.
c Excusi, annuente censura.
d Vulgati, fidesque probata. Et infra, ex istius rei consideratione seu compara-

tione bene colligitur.

e Ita Vatic. Norm. Corb. &c. pro scripsssem. In editis scribere volui.

f Excusi, sed sicut per prædecessores ejus singulos, sub glor. . . ita . . . sollicita omnino devotione servata: quæ nullis in MSS. legimus.

g Ita Colbert. vet. In Collect. Pauli data legitur die 16. mensis Maji. In duobus Teller. die 10. mensis Augusti Indiēt. XIV.

Al. lxx.

EPISTOLA * LVI.

Ad Marinianum Episcopum.

Pallii usum concedit: firmat privilegia Ravennati Ecclesiæ.

a

Gregorius a Mariniano Episcopo Ravennæ.

Job. Diac.
lib. 4. c. 5.

Apostolicæ Sedis benevolentia, & antiquæ consuetudinis ordine provocati, Fraternitati tuæ, quam in Ravennati Ecclesia gubernationis suscepisse constat officium, pallii usum prævidimus concedendum. Quo non aliter te uti memineris, nisi in propria tuæ civitatis b dimissis jam filiis Ecclesiæ, procedens c a salutatorio ad sacra Missarum solemnia celebranda: peractis vero Missis, idem in salutatorio rursus curabis deponere. Extra Ecclesiam vero non amplius illo tibi, nisi quater in anno, in litanis quas ad decessorem tuum Johan-

nem expressimus, uti permittimus: hoc nihilominus admonentes, ut sicut a nobis hujusmodi decoris usum ad sacerdotalis officii honorem largiente Domino percepisti, ita etiam morum atque actuum probitate ad Christi gloriam susceptum adornare contendas officium. Sic etenim alterno eris invicem decore conspicuus, si ad hujusmodi corporis habitum, mentis quoque tuæ bona concordent. Omnia etiam privilegia, quæ tuæ pridem concessa esse constat Ecclesiæ, nostra auctoritate firmamus, & illibata decernimus permanere.

NOTÆ AD EPIST. LVI.

a Mortuo Johanne Ravennate Episcopo ann. 594. Ravennates Marinianum Presbyterum, civem suum, quem diu cum sancto Gregorio in monasterio versatum noverant, communi consensu Episcoporum elegerunt, cui diu resistenti vix persuadere potuit Gre-

gorius, ut electioni de se factæ consentiret. Hic licet fuisset Monachus, paulo tamen Monachis inferior visus est ex ep. 24. l. 5. nunc l. 6. De eo etiam Paulus Diaconus l. 4. 11. Guss. Obiit Johannes mense Januario ait Paul. Diac. l. 4. c. 11. Ante Augustum or-

ordinatus fuit Marinianus natione Romanus, non Ravennas. Vide not. ad ep. 48. E. V.

b Laicos, Ecclesiæ filios; Clericos vero, Ecclesiæ milites appellare solet. Vide l. vi. ep. 3. *ne ergo filii Ecclesiæ*, &c. Ante Missarum celebrationem sedebat Episcopus in Secretario, *nunc vulgo Sacrificia*, fidelium salutaciones

excepturus: quibus dimissis, sacris vestibus indutus, ad Altare procedebat. AN. CHR. Inde locus ille *Salutatorium* dicebatur. 594. 595. Vide Greg. Turon. hist. lib. 2. c. 21. GREG. 5. Card. Bona de rebus Liturg. lib. 1. c. 24. num. 2.

c Supra *secretarium*, &c. ep. 19. l. 1. Guffanv.

Al. IV.

E P I S T O L A * LVII.

Ad Johannem Episcopum.

Post nequissimum decessorem Anastasium, Corinthios sic regat, ut præcedentis contagii omnes abstergat maculas. Concedit pallii usum. Hortatur ut in subiectis sibi locis simoniam compescat.

Gregorius Johanni Episcopo Corinthiorum.

Postquam Deus noster, cui nihil occultum est, de Ecclesiæ suæ gubernatione nefandam pollutionis pestem abiciens, vos ad ejus voluit regimen adducere: ^a magna vobis præcavendum est solitudine, ut post vulnera ^b & diversa prioris mala Pastoris, in Fraternitate vestra grex Dominicus consolationem ac salubre medicamentum inveniat. Sic ergo præcedentis contagii maculam manus vestræ actionis abstergat, ut nulla exsecrandæ pravitatis illius vestigia ^c vel sinat manere.

Sit igitur erga subiectos sollicitudo laudabilis. Exhibeatur cum mansuetudine disciplina. Sit cum discretionem correptio. Iram benignitas mitiget, benignitatem zelus exacuat; & ita alterum conditur ex altero, ut nec immoderata ultio plus quam oportet affligat, nec iterum frangat rectitudinem disciplinæ remissio. Instructio commissi populi Fraternitatis vestræ sit actio. Videat in vobis quod diligat, cernat quod imitari festinet. Exemplo vestro vivere doceatur. A recto itinere te ducere non deviet, ad Deum vos sequendo perveniat; ut tot ab humani generis Salvatore retributiones accipias, quot lucra ei operatus fueris

animarum. Labora itaque, Frater Carissime, & ita totam mentis & cordis ad hoc efficaciam dirige, quatenus in futuro merearis audire: *Euge, serve bone & fidelis*, ^{Luc. 19. 27.} *intra in gaudium Domini tui.*

Pallium vero, sicut per epistolam vestram, quam per Andream fratrem & coepiscopum nostrum suscepimus, postulastis, direximus, quo ita vos uti necesse est sicut prædecessores vestri usi, concedentibus nostris prædecessoribus, approbantur.

Præterea pervenit ad nos, quod in illis partibus nullus ad sacrum ordinem sine commodi datione perveniat. Quod si ita est, flens dico, gemens denuntio: quia cum sacerdotalis ordo intus cecidit, foris quoque diu stare non poterit. Scimus quippe ex Evangelio, quid Redemptor noster per semetipsum fecerit: quia ingressus templum cathedras vendentium columbas evertit. Columbas enim vendere, est sancto Spiritu, quem Deus omnipotens consubstantiali sibi per impositionem manuum hominibus tribuit, commodum temporale percipere. Ex quo, ut prædixi, malo jam innuitur quid sequatur, quia qui

AN. CHR.
594. 595.
GREG. 5.

6673

d

Mat. 10. 8.
Vid. Hom. 4.
in Evang.
n. 4.

e

qui in templo Dei columbas vendere præsumserunt, eorum Deo iudice cathedræ ceciderunt. Qui videlicet error in subditis cum augmento propagatur. Nam ipse quoque qui ^d ad sacrum honorem perducitur, jam in ipsa provectus sui radice vitiatus, paratior est aliis venundare quod emit. Et ubi est quod scriptum est: *Gratis accepistis, gratis date*? Et cum prima contra sanctam Ecclesiam simonica hæresis sit exorta: cur non perpenditur, cur non videtur, quia eum quem quis cum pretio ordinat, provehendo agit ut hæreticus fiat? ^e Quia ergo hanc nefandissimam pravitatem sancta universalis omnino damnat Ecclesia, hortamur Fraternitatem vestram, ut tam detestabile, & tam immane peccatum de locis omnibus, quæ sub se sunt, sollicitudinis suæ modis omnibus compescat instantia. Nam si quid tale deinceps fieri senserimus, jam non verbis, sed canonica hoc ultione corrigemus, & de vobis, quod oportet,

aliud incipiemus habere iudicium.

Novit autem Fraternitas vestra, quia prius pallium nisi dato commodo non dabatur. Quod quoniam incongruum erat, ^f facto Concilio ante corpus beati Petri Apostolorum Principis, tam de hoc, quam de ordinationibus aliquid accipere sub districta interdictione vetuimus.

Oportet ergo ut neque per modum, neque per gratiam, aut quorundam supplicationem aliquos ad sacros ordines consentiatis adduci. Nam & peccatum, sicut diximus, grave est, & sine correptione hoc non patimur remanere.

Supra scriptum vero Andreæ fratrem & coepiscopum nostrum ob hoc tarde suscepimus, quia renuntiante fratre & coepiscopo nostro Secundino didicimus, ^g epistolas nostras sibi eum in Johannis Larissæi Episcopi executione finxisse. Et nisi bona vestra nobis quæ audivimus suasissent, nulla illum habuimus ratione suscipere. ^h Data die xv. mensis Augusti, Indict. xiiii.

Joh. Diac.
l. 3. c. 6.
Grat. diff.
100. c. 4.
Novit.
f
Grat. l. 9. c. 116. De ordinationibus.

g

h

NOTÆ AD EPIST. LVII.

a Vatic. D. Norm. & Corb. magna vobis ope nitendum est. Vatic. A. B. C. magnopere vobis nitendum est.

b Excusi, & diversa prioris mali Pastoris contagia in Frat.

c Idem, nullam finat manere memoriam. Norm. vel finat manere memoriam.

d In vulgatis, ad sacrum ordinem. Et infra, & cum primo, pro, & cum prima.

e Triplicem pretii speciem, a manu, ab obsequio, a lingua, sic belle exponit Gregorius VII. in epistola ad Gebuinum Episc. Lugdun. A manu; ut nullum pretium prorsus a se vel ab aliquo tribuatur. Ab obsequio; ut nihil inde servitii faciat, sicut qui cum intentione ecclesiasticæ prælationis potentibus personis solent deferre. A lingua;

ut neque per se neque per summam personam preces effundat. Confer & Gregorium nostrum in Job l. 9. c. 9. nu. 53. & Hom. 4. in Evang. n. 4. E. V.

f Concilii hujus acta post omnes epistolas exhibebimus.

g Recent. inconsultis melioribus MSS. epistolas vestras. . . In Johan. . . excusatione finxisse. De causa Johan. Larissæi contra Hadrianum Thebanum Episcopum lege ep. 6. & 7. l. iiii. In executione hic significat, Johannis Larissæi iussa exsequendo.

h Sic vet. Colbert. alii vero MSS. non consentiunt, nam in Vatic. D. in Rem. & in duobus Tellerian. assignatur Indictio xiv. cur in Indict. xiiii. relinquatur disce ex nota ultima ad ep. sequentem.

Al. lvi.

E P I S T O L A * LVIII.

Ad universos Episcopos per Helladiam .

AN. CHR.

594. 595.

GREG. 5.

6693

Gratulatur de Anastasii correctione, cujus casus sit illis cautela. Johanni illius successori obediant. Non patiantur, aut dato premio, aut alicujus gratia vel supplicatione Clericos ordinari vel promoveri.

a Gregorius Universis Episcopis a per Helladiam provinciam constitutis .

GRATIAS omnipotenti Deo vobiscum, Fratres Carissimi, refero, qui latens vulnus quod antiquus hostis intulerat, ad omnium fecit pervenire notitiam, & de Ecclesiæ suæ corpore salutifera illud incisione compescuit. Ex qua re & gaudendum nobis est, & dolendum. Gaudendum quippe de correctione facinoris, dolendum vero de casu fratris. Sed quoniam plerumque alterius casus, alterius solet esse cautela: ^b hoc quisquis cadere timet, attendat, aditum hosti non præbeat, non putet latere quod agitur. Nam Veritas ^{Matt. 10, 26.} clamat: *Nihil occultum quod non revelabitur.* Hæc enim vox actionis nostræ jam præco est, & ipso teste, modis omnibus adducit ad publicum, quod agitur in secreto. Aut quis actus suos ante illum nitatur abscondere, qui eorum & testis & judex est? Quia vero nonnunquam dum aliud attenditur, aliud non cavetur: oportet ut contra omnes hostis insidias quisque debeat esse sollicitus, ne dum in uno vincit, superetur in altero. Nam & terrenus hostis, qui munita loca cupit invadere, pugnandi arte sic utitur. Latenter quidem ponit insidias, & ad unius loci se expugnationem totus ostendit, ut dum ad defensionem loci illius ubi instat periculum convenitur, loca alia de quibus nulla est suspicio, capiantur. Et evenit, ut qui cognitus resistens virtute repulsus est, latens obtineat quod certando non potuit.

Sed quia in his omnibus divinæ protectionis auxilio opus est, voce cordis singuli clamemus ad Dominum, dicentes: *Domine, ne longe facias auxilium tuum a me, ad defensionem meam respice.* Manifestum namque est, quia nisi ipse auxiliatus fuerit, & ad se clamantes defenderit, hostis noster vinci non poterit.

Ps. 21. 20.

Præterea epistolam Caritatis vestræ per Andream fratrem & coepiscopum nostrum suscipientes, pallium Johanni fratri nostro Corinthiorum Episcopo nos transmississe cognoscite: cui magnopere convenit obedire, præsertim dum hoc sibi & antiquæ consuetudinis ordo defendat, & bona ejus, quibus ipsi testimonium perhibetis, invitent. Quibusdam namque narrantibus agnovi, quod in illis partibus nullus ad sacrum ordinem sine commodi datione perveniat. Quod si ita est, flens dico, gemenisque denuntio, quia cum sacerdotalis ordo intus cecidit, foris quoque diu stare non poterit. Scimus quippe ex Evangelio, quid Redemptor noster per semetipsum fecerit, quia ingressus in templum, cathedras vendentium columbas evertit. Columbas quippe vendere, est de sancto Spiritu, quem sibi consubstantialem Deus omnipotens per impositionem manuum hominibus tribuit, commodum temporale percipere. Ex quo ut prædixi, malo innuitur quid sequatur: quia qui in templo Dei columbas vendere præsumserunt, eorum Deo iudice

Grat. 1. 9. 1.
c. 127. Quibusdam.

ca.

AN. CHR.
594. 595.
GREG. 5.

673

Matth. 10. 8.

cathedræ ceciderunt. Qui videlicet error in subditis cum augmento propagatur. Nam ipse quoque, qui ad sacrum ordinem perducitur, jam in ipsa provectus sui radice vitiatus, paratior est aliis vendere quod emit. Et ubi est quod scriptum est: *Gratis accepistis, gratis date?* Et cum prima contra sanctam Ecclesiam simoniaca hæresis sit exorta: cur non perpenditur, cur non videtur, quia cum quem quis cum pretio or-

dinat, provehendo agit, ut hæreticus fiat? Ideoque hortamur, ut nullus vestrum denuo hoc fieri patiatur; sed neque gratia alicujus, neque supplicatione, aliquos ad sacros ordines audeat promovere, nisi eum quem vitæ & actionis qualitas ad hoc dignum esse monstraverit. Nam si aliter factum denuo senserimus, districta & canonica illud noveritis ultione compeisci. ^c Datum die xv. mensis Augusti, Indictione xiii.

c

NOTÆ A D E P I S T. LVIII.

a Hic titulus diverso modo in MSS. legitur. In Vatic. D. *per Archelaidam*. In Anglic. *Episcopis Adrellada constitutis*; vel *Arellada*; quod etiam habent Norm. & Corb. ubi: *Episcopis Arellada Provincia consistentibus*. In Reg. *Episcopis Arellada constitutis Provincia*. In tribus Vatic. quos prætulimus, habetur, *per Helladium*. Hellas est proprie Achaia, quæ Corintho, a qua verbum Dei accepit, vicina. Hinc Paulus 2. Cor. 1. 1. *Ecclesiæ Dei quæ est Corinthi, cum omnibus sanctis qui sunt in universa Achaia*. Ideo forte S. Gregorius dicit Helladiæ Episcopos, ex antiqua consuetudine, Episcopo Corinthi

esse subditos.

b Ita Anglic. Norm. Corb. & tres Vatic. In Vatic. D. *hoc quisquis audierit, ut cadere timeat attendat*. Editi, *quo quisque cadere*. &c. paulo post, *nihil opertum quod non reveletur, & occultum quod non sciatur*.

c In duobus Teller. & in Vat. D. notatur Indictio xiv. At cum in omnibus MSS. etiam Vaticanis, qui epistolas secundum Indictionum ordinem continent, hæc epistola in serie scriptarum Indictione xiii. reperiatur, eam loco movere non debuimus. Eadem ratio militat pro superiori epistola, quæ eodem tempore scripta fuit.



S A N C T I
G R E G O R I I P A P Æ
R E G I S T R I E P I S T O L A R U M

A. N. C. H. R.
595. 596.
GREG. 6.
6693

L I B E R * S E X T U S

Al. v.

Indictione decima-quarta, anno ordinationis ejus sexto.

E P I S T O L A I.

Ad Marinianum Episcopum.

In Johannis decessoris ejus testamento, quid ratum esse debeat.

Gregorius Mariniano Episcopo Ravennæ.

Sicut injusta poscentibus nullus est
tribuendus effectus, ita legitima
desiderantium non est differenda pe-
titio. Presbyteri igitur, ac Diaconi,
atque clerus Fraternitatis vestræ ob-
lata nobis petitione conquesti sunt,
Johannem quondam decessorem tuum
^a condito testamento, diversa in Ec-
clesiæ suæ gravamine conscripisse.
Et petiverunt ut hæc in damnum
Ecclesiæ suæ, prohibente quippe le-
ge, nulla deberent occasione persol-
vi. ^b Et quamvis postquam heredi-
tas illius, successioque repudiata est,
ad hæc te satisfacienda ratio nulla
constringat: verumtamen ex abun-
danti his te hortamur affatibus, ut
^c ea quæ ^c de Ecclesiæ suæ, vel de
acquisitis in Episcopatu rebus con-
^d tra legum fieri statuta disposuit, ^d
Fraternitas vestra nec auctoritatem
præbeat, nec aliqua in his ratione
consentiat. Si quid autem de pro-
priis rebus, quas ante Episcopatum
habuit, quod quidem prius Ecclesiæ
suæ non contulit, fieri voluit vel
decrevit, firmum per omnia robur
obtinere necesse est; nec quisquam
Ecclesiasticorum id contra rationem

tentet qualibet excusatione convellere.

Quia vero dum viveret, sæpius ^a
nobis expetiit, ut ea quæ in mo-
nasterio illo contulerat, quod juxta
Ecclesiam S. Apollinaris ipse con-
struxerat, nostra debuissimus aucto-
ritate firmare, & nos facturos hoc
esse promissimus: Fraternitatem vel
stram necessario prævidimus adhor-
tandam, ut nihil de his quæ illic
contulit atque constituit, aliquo mo-
do patiatur imminui, sed omnia fir-
ma studeat stabilitate servari. Hu-
jus igitur monasterii ^c & collatarum
illic rerum quia in testamento quod
condidit fecisse noscitur mentionem,
sciendum vobis est non ea nos ideo
confirmasse, quoniam supremam e-
jus sequimur voluntatem, sed quia
ei hoc, sicut diximus, viventi pro-
missimus. Hæc itaque omnia sic so-
licite Fraternitas vestra implere fe-
stinet, quatenus & quæ in supra-
scripto monasterio constituit, & a
nobis sunt firmata, servantur, &
illa quæ in damnum dari vel fieri
per testamentum suæ decrevit Ec-
clesiæ, nullam, prohibente nempe
lege, obtineant firmitatem.

Græc. caus.
21. q. 5. c.
3. Quia Jo-
hannes
dum vive-
ret.

c

AN. CHR.
595. 596.
GREG. 6.

N O T Æ A D E P I S T. I.

6663

a In Agathensi c. 51. ann. 506. Si *Episcopus condito testamento aliquid de Ecclesiastici juris proprietate legaverit, aliter non valebit, nisi tantumdem de juris proprii facultate supplerit.* Idem in Epaon. c. 17. an. 517. Distinguebant veteres Clericorum res proprias a rebus Ecclesiæ, quæ eis quasi Clericis competebant. Primas donare poterant ac legare, alias nec donare nec legare. Quidquid in clericatu de Ecclesiæ bonis acquirebant, non sibi, non heredibus cedebat, sed Ecclesiæ cujus erant ministri. Optimum utique statutum, ne Ecclesiæ bonis ditescerent, aut heredes ditarent spretis pauperibus. Legat studiosos causæ 12. q. 3. 4. 5. & in Decretal. 1. 3. tit. 26. de *peculio Clericorum*, & 26. de *testamentis*, &c. Ubi notabit, etiam tempore Alexandri III. in fine 12. seculi Clericis non licuisse, de bonis mobilibus quæ

per Ecclesiam adepti erant, testari, sed tantum aliqua elemosynæ intuitu erogare moderate dum vivunt. In Antioch. Conc. c. 24. & 25. de bonis Ecclesiæ & Episcoporum statuitur. In Carthag. c. 32. de *peculio & emtionibus Clericorum*. Guffanv.

b In duobus Vatic. Reg. Corb. uno Rem. & omnibus pene Norm. *post hereditatem ejus posthumam.* In Baccensi, *post heredem ejus posthumam.* Ita quoque in lex Anglic.

c Excusi, de *Ecclesia sua.*

d In Vatic. A. & C. consentientibus Norm. Reg. & Corb. *Fraternitas vestra nec provehas nec aliqua.* In Vatic. B. *Fraternitas vestra nec probet.* In Vatic. D. *Fraternitas vestra prohibeat, nec aliqua.*

e Mendose in recentioribus ed. & *collectarum.*

E P I S T O L A I I.

Ad Clerum & plebem Ravennæ.

Rectam omnino esse Mariniani Episcopi fidem testatur.

Gregorius Clero & plebi Ecclesiæ Ravennæ.

PErvenit ad nos quosdam homines, maligni spiritus instigatione pervasos, erga opinionem fratris & coepiscopi nostri Mariniani mentes vestras corrumpere falsa locutione voluisse, dicentes quod frater noster minus quam decet sanctam Chalcedonensem Synodum veneretur. De qua re omnibus vobis & ipse præsens de integritate suæ fidei satisfacit; & nos per omnia testamur eum a cunabulis in sanctæ universalis Ecclesiæ gremio nutritum, rectam prædicationem fidei cum vitæ suæ attestazione tenuisse. Veneratur enim sanctam Ni-

cænâ Synodum, in qua Arius: Constantinopolitanam, in qua Macedonius: Ephesinam primam, in qua Nestorius: & sanctam Chalcedonensem, ^a in qua Dioscorus atque Eutyches damnatus est. Si quis autem contra harum quatuor Synodorum fidem, & contra sanctæ memoriæ ^b Leonis Papæ tomum atque definitionem aliquid unquam loqui præsumit, anathema sit. Proinde satisfactionem plenissimam recipientes, caritate integra, puro corde, Pastorem vestrum diligite; ut apud Deum purius fusa ejusdem vobis valeat prodesse intercessio Pastoris,

N O T Æ A D E P I S T. II.

a Norm. Reg. & tres Vatic. *in qua Nestorius, Dioscorus atque Eutyches.* Ita etiam vet. editi.

b Epistolam 10. nunc 24. S. Leonis

intelligit ad Flavianum scriptam, revera tamen encyclicam, & ad omnes totius orbis Christiani Episcopos missam, atque in Chalced. Conc. act. 2. 3. 6.

5. 6. ſolemni approbatione conſectatam. *Tomus* volumen, aut codicem notat, uti videre eſt apud Hieron. ad Pammachium & Oceanum: nec ingentem ſolum, ſed & mediocrem libellum, epiſtolamque. Unde Eutyſchianos ridentes Leonem Pontificem, quod epiſtolam dogmaticam ſuam ad Flavianum Patriarcham Conſtantinop. & univerſum Conc. Chalced. miſſam *tomum* appellaret, redarguit Ephrem Patriarcha apud Photium. Ex Salmaſio ad

Solinum pag. 1317. proprie idem *tomus* eſt ac *truncus* ſeu codex, & *ſcapus* ſeu ramus ab arbore reciſus; quibus nominibus vocarunt antiqui chartas in unum volumen convolutas atque complicatas, quod baculi ſimilitudinem præ ſe ferrent; quomodo chartæ non ſcriptæ jungi ſolebant, ut ex Caſſiodoro diſcimus: atque hinc ad quodvis volumen denotandum, & *codicis* & *tomi* vox eſt extenſa.

AN. CHR.
595. 596.
GREG. 6.
6693

E P I S T O L A III.

Ad Maximum Salonitanum.

Maximus de ſimonia & de aliis multis accuſatus Romam citatur.

b Gregorius Maximo b præſumtori Eccleſiæ Salonitanæ.

Q Uoties contra Eccleſiaſticam quid geſtum dicitur diſciplinam, ne nos ante Deum culpa ex diſſimulatione redarguat, irrequiſitum hoc relinquere non audemus. Pervenit itaque ad nos, quod per ſimoniacam hæreſim fueris ordinatus. Sed & alia de te multa hic dicta ſunt, de quibus unum quam maxime fuit, propter quod neceſſe habuimus te ſummopere per ſcripta noſtra prohibere, ne Miſſarum ſolemnia celebrare debuiffes, donec quid eſſet, verius potuiſſemus addiſcere. Ne ergo filii Eccleſiæ diu videantur non habere Paſtorem, c & ne hæc quæ dicuntur, ſi indiſcuſſa remanſerint,

huiusmodi ſe vitium tendat in plurimos, hortamur ut ad nos venire omni poſtposita excuſatione feſtines; quatenus ſervata juſtitia, hæc & cognoscere, & finire ſecundum canonica inſtituta Chriſto revelante poſſimus. Ita autem fac, ut adveniendum amplius jam moras non ingeras; ne ipſa te magis abſentia obnoxium his quæ dicuntur aſſignet, & nos in te hæc res non ſolum propter dicta crimina, quæ purgare ſubterfugis, ſed etiam propter inobedientiæ culpam durius, ſcilicet ut in contumacem, cogat ex Concilio ferre iudicium.

N O T Æ A D E P I S T. III.

a Hæc epiſtola reperitur partim cauſ. 2. q. 4. c. *Accuſatum*, partim extra tit. de ſimonia. c. 4. & 5. *Guffanv.*

b Id eſt, qui invaſit, & uſurpavit Salonitanam Sedem.

c Excusi, ne per hæc quæ.

E P I S T O L A IV.

Ad Cyprianum Diaconum.

Modiorum tritici duo millia det Zenoni Episcopo egenis distribuenda.

Gregorius Cypriano Diacono.

Job. Diac.
lib. 2. c. 55.

Z Enon frater & coepiſcopus noſter quosdam in civitate ſua a-

limoniæ neceſſitatem innotuit ſuſtinere. Quibus quoniam, ut poſſibile

AN. CHR.
595. 596.
GREG. 6.
673

bile est, aliquod desideramus ferre consultum, idcirco Dilectionem tuam ante dicto fratri & coepiscopo nostro mille modios tritici, aut si plus levare potuerit, usque ad duo milia scriptis te dare presentibus deputamus. Hortamur igitur, ut in

his præbendis nullam moram aut excusationem adducas, quatenus dum tempus finit, & hic cum Dei adiutorio sine periculo ad propria remeare, & citius valeat necessitatem patientibus subvenire.

E P I S T O L A V.

Ad Brunichildem Reginam.

Landat illam a recta filii educatione. Candidum Presbyterum patrimonii, quod erat in Gallia, rectorem designatum commendat.

a Gregorius Brunichildæ a Reginæ Francorum.

b
c
EXcellentia vestra prædicandam ac Deo placitam bonitatem, & gubernacula regni testantur, & educatio filii manifestat. Cui non solum incolumem rerum temporalium gloriam provida solitudine conservastis, verum etiam æternæ vitæ præmia providistis, dum mentem ipsius in radice veræ fidei materna, ut decuit, & laudabili institutione plantastis. Unde non immerito contigit, b ut cuncta gentium regna præcelleret: quippe qui earumdem gentium creatorem & pure colit, & veraciter confitetur. Sed ut laudabilius in eo fides cum operibus enitescat, adhortationis vestrae cum verba succendant: quatenus sicut sublimem illum inter homines potentia regalis ostendit, ita ante Deum magnum faciat c bonitas actionis.

Quia vero multarum rerum experimenta nos admonent de Excellentia vestra christianitate confidere: idcirco paterno salutantes affectu, quæsumus ut propter amorem beati Petri Apostolorum Principis, quem

toto vos scimus corde diligere, dilectissimum filium nostrum Candidum Presbyterum, presentium portitorem, una cum patrimonio, ad cuius eum gubernationem transmissimus, auxilio vestri patrocinii foveatis: quatenus potestatis vestrae gratia roboratus, d patrimonium ipsum, quod pauperum constat expensis proficere, & salubriter regere, e & si qua exinde ablata sunt, ad jus ipsius patrimonii valeat reformare. Nam non sine laudis vestrae incremento est, quod post tot tempora ad ejusdem patrimonii regimen proprius Ecclesiæ homo transmissus est. Excellentia ergo vestra ita se libenter in his quæ poscimus dignetur impendere, ut beatus Petrus Apostolorum Princeps, cui a Domino Jesu Christo ligandi ac solvendi data est potestas, & hic Excellentiam vestram in sobole gaudere concedat, & post multorum annorum curricula a malis omnibus absolutam, ante conspectum æterni faciat iudicis inveniri.

N O T Æ A D E P I S T. V.

a Brunichildis, Athanagildi Gothorum in Hispania, & Septimania, Gothiave Galliæ Narbonensis Provincia dominantium Regis, ex Goisuintha

uxore, filia, Sigeberto Regi Francorum nupsit, ex eoque Childebertum genuit, patrem Theodeberti ac Theodorici. Quod ait Mariana a Gregorio Epi -

Episcopo Romano Brunichildem duabus epistolis aut potius decem esse laudatam, & ob id scelera Fredegundis a nostris historicis ei afficta arbitratur, refelli non meretur. Quippe Gregorius nono regni Theodeberti ac Theodorici fratrum anno, xv. Idus Martias decessit, ante annos novem quam Brunichildis periret: quo tempore nondum illa proceres præter unum aut alterum, nondum Desiderium Viennensem Episcopum jugulari jusserat: nondum nepotes suos crudeliter occiderat. Præterea quot & quas basilicas Brunichildis extruxisset, ex ipsius epistolis scivit Gregorius: quot & quam atrociam facinora faceret, scire facile non potuit. Denique laudat eam nonnuncquam Gregorius, ut prouiore animo Ecclesiæ Gallicanæ, & Candidi, Augustini, aliorumque quos ipsi commendat, habeat rationem, curamque suscipiat. De his fusc & exacte vir clariss. Hadrianus Valesius in l. 17. rerum Francicarum, quem lege. *Guffanv.* Mul-

ti alii præter Marianam, a Brunichilde tot scelerum suspicionem amovere conati sunt, & in his Cordemoisius in Historia Francorum haud ita pridem Gallice scripta. De his agemus in vita S. Greg. quam consule.

AN. CHR.
595. 596.
GREG. 6.

1693

b Præclare gesta Childeberty etiam in Italia passim narrant Greg. Turon. Paulus Diac. & alii, licet Paulus erga Francos paulo iniquiorem se ostendat.

c Excusi, pietas actionis.

d De eo supra lib. 2. ep. 33. l. 5. ep. 31. infra ep. 6. & 7. & Pelagius l. an. 557. in ep. ad Sapaudum Arelat.

e In vulgatis, *Si si qua inde ablata sunt, vestro fultus auxilio, diligenter inquirere, & Deo propitio, in pristinum possit reformare statum. Ad ipsius vero Patrimonii regimen.* A recepta lectione recedere nos coegerunt MSS. Vatic. Corb. Norm. Rem. In duobus tamen Vatican. A. & B. tantum legimus: *nam non sine &c. usque proprius Ecclesiæ.*

E P I S T O L A VI.

Ad Childeberty Regem.

Laudat in illo studium fidei Catholicæ, Candidumque commendat patrimonii rectorem, Dynamii Patricii loco, designatum.

Gregorius ^a Childeberty Regi Francorum.

^b **Q**Uanto cæteros homines regia dignitas antecedit, tanto cæterarum gentium regna regni vestri profecto culmen excellit. Esse autem Regem, quia sunt & alii, non mirum est: ^b sed esse Catholicum, quod alii non merentur, hoc satis est. Sicut enim magnæ lampadis splendor in tetra noctis obscuritate, luminis sui claritate fulgescit: ita fidei vestræ claritas inter aliarum gentium obscuram perfidiam rutilat ac coruscat. Quidquid autem reges se cæteri gloriantur habere, habetis. Sed ipsi in hac re vehementius superantur, quoniam hoc principale bonum non habent, quod habetis. Ut ergo sicut fide, ita & actione vincantur, benignam se Excellentia vestra suis subjectis semper exhibeat. Et si qua sunt quæ ejus animum offen-

dere valeat, ^c ea indiscussa non puniat. Tunc enim vere Regi Regum, id est omnipotenti Domino amplius placebit, si potestatem suam restringens, minus sibi crediderit licere quod potest.

Quia igitur sinceritatem fidei, & mente servatis & opere, beati Petri Apostolorum Principis amor, qui in vobis est, evidenter ostendit, cujus res, Christianæ religionis intuitu, sub vestri culminis potestate bene hæcenus gubernatæ & conservatæ sunt. Sed quoniam ^d Dynamius Patricius, qui ex nostra commendatione rebus ipsis sollicitudinem impendebat, eas modo gubernare, ut cognovimus, non potest: ne patrimonium ibidem constitutum, faciente negligentia, deperiret; idcirco præsentium portitorum

c

d

AN. CHR.
595. 596.
GREG. 6.



rem dilectissimum filium nostrum Candidum Presbyterum ad id gubernandum transmisimus, quem Excellentie vestrae, praemisso paterna caritate salutationis alloquio, in omnibus commendamus: petentes ut si aliquod illic fortasse praedictum factum est, aut res ejusdem patrimonioli ab aliquo detinentur, potestatis vestrae iustitia corrigatur, & juri

pristino quae ablata sunt, reformentur: quatenus sicut fides vestra, ita & aequitas omnibus, quod est valde gloriosum atque laudabile, gentibus enitescat.

Claves praeterea sancti Petri, in quibus de vinculis catenarum ejus inclusum est, Excellentiae vestrae direximus, quae collo vestro suspensa, a malis vos omnibus tueantur.

NOTAE AD EPIST. VI.

a In Colbert. ac in [quatuor Vatic. Hildeberto.

b Hic honor nostris Regibus prorsus singularis, ad haec usque tempora perseveravit; itaut ex illis ne unus quidem per tot secula, ab Orthodoxa fide tantisper deflexerit. Hinc jure dicti sunt *Christianissimi*.

c Vitiose ac contra MSS. Anglic. Norm. &c. fidem in editis legitur *indiscussa non finat*.

d Ex Greg. Turon. l. 6. hist. c. 11. Dynamius immemor fidei quam Childeberto Regi promiserat, Guntramno Massiliam vindicare perrexit. Hac forte de causa post Guntramni obitum, regnante in Burgundia ipso Childeberto, ab omni ministerio amotus est: atque reliquum vitae tempus in otio sancto piis actibus impendit. Vide lib. 7. ep. 12. & 36.

Al. x.

EPISTOLA * VII.

Ad Candidum Presbyterum.

Jubet ex redditibus patrimonii pueros Anglos, & in usum pauperum vestimenta emere.

a Gregorius Candido Presbytero a cuncti ad patrimonium Galliae.

Joh. Diac.
h. 2. c. 46.

Pergens auxiliante Domino Deo nostro Jesu Christo ad patrimonium, quod est in Galliis, gubernandum, volumus ut Dilectio tua ex solidis quos acceperit, vestimenta pauperum, vel pueros Anglos qui sunt ab annis decem & septem, vel decem & octo, ut in monasteriis dati Deo proficiant, comparet; quatenus solidi Galliarum, b qui in terra nostra expendi non possunt, apud locum proprium utiliter expendantur. Si quid vero de pecuniis

redituum, quae dicuntur ablata, recipere potueris: ex his quoque vestimenta pauperum comparare te volumus: vel sicut praefati sumus, pueros qui in omnipotentis Dei servitio proficiant. Sed quia pagani sunt qui illic inveniri possunt, volo ut cum eis Presbyter transmittatur, nequid aegritudinis contingat in via: ut quos morituros conspexerit, debeat baptizare. Ita igitur tua Dilectio faciat, ut haec diligenter implere festinet.

NOTAE AD EPIST. VII.

a Haec in Norm. ac plerisque MSS. minime leguntur: sunt tamen in duobus Vatic. scilicet B. & C. mutata voce Galliae, in Galliarum.

b Absque detrimento, quod aurum Gallicum esset longe inferioris pretii quam Romanum. Novella Majoriani: *nullus solidum integri ponderis calumnia-*

mniosæ approbationis obtentu recuset exactor, excepto eo Gallico cujus aurum minore æstimatione taxatur. Guffanvil- læus ad hunc locum eos accusat qui fruges in una Parœcia natas alio trans- portant alibi consumendas. Verum S. Gregorii mentem non attigit, qui su- pra Indiēt. II. ep. 33. Dynamio scri- bens: suscepimus, inquit, de præfatis

Ecclesiæ nostræ redditibus Gallicanos so- lidos 400. Infra ep. 53. Virgilio Arelat. Quia igitur patrimonium ipsum per annos plurimos prædecessor vester tenuit, & col- lectas apud se pensiones servavit, Frater- nitas vestra . . . eas Candido Presby- tero nobis restituat dirigendas. Et ep. 55. Pensiones . . . de patrimonio nostro ad nos studeat destinare.

A N. C H R.
595. 595.
GREG 6.

6675

E P I S T O L A * VIII.

Al. VII.

Ad Episcopos Epiri.

Andrea in Metropolitanum electionem probat. Hortatur ut illum imitentur, illi obediant, illi sint concordēs: atque ut gregi suo invigilent singuli. Promovendi apud illos Clerici non pecunia, non personæ ullius gratia, sed moribus suis commendentur.

Gregorius^a Theodoro, Demetrio, Philippo, Zenoni, & Alcissono, Episcopis^b Epiri.

Grat. dist.
xoo. c. II.
Scriptorum.

Scriptorum vestrorum insinuatio, Fratres Carissimi, patefecit Andream fratrem nostrum^c Nicopolitanæ civitatis Episcopum Deo pro- pitio solemniter ordinatum. Cujus consecrationem quoniam cleri & provincialium provenisse significatis as- sensu, gaudemus: atque bona, quæ de ipso testamini, ut in eo maneant, & Dei gratia cooperante augmentum accipiant, exoramus: quia bonitas præ- positorum, salus est utique subditorum. Oportet ergo ut ea, quæ in per- sona ipsius placere vobis laudantes ostenditis, imitari studiosius festine- ris. Nam & apud homines culpa, & apud Deum pœna est nolle quem- quam bonum imitari quod placet. Testimonio itaque vestro obedientia fidem accomodat. Nullus ei in his quæ integritate servata Ecclesiæ pro communi utilitate injunxerit, contradicat. Devotionem suam quisque vestrum libenter exhibeat; ut dum Deo placita inter vos sacerdotalis fuerit^d & fida concordia, nulla vos a caritatis mutux vinculo invidia solvere valeat, aut turbare diversitas. Nec enim callido hosti in cordibus vestris ullus erit accessus: quoniam scit se nullatenus nec capi posse nec

recipi, ubi plene sincera locum ca- ritas invenerit.

Estote præterea solliciti, Fratres Carissimi, & commisso gregi vigilan- tiam quam suscepistis & debetis, impendite: inimici fraudibus soli- citudine^e & oratione obviate. In- contaminata fide, Deo nostro, cui præestis, populum resignate; ut of- ficiū vobis sacerdotale ante conspe- ctum æterni judicis non ad pœnam, sed proficiat ad coronam.

Suprascripto igitur Andreae fratri & coepiscopo nostro pallium nos di- rexisse cognoscite, atque privilegia cun- cta concessisse quæ prædecessores nostri ejus prædecessoribus contulere.

Præterea pervenit ad nos, quod sacri ordines in illis partibus cum datione commodi conferantur. Quod si ita est, flens dico, gemenque de- nuntio: quia cum sacerdotalis ordo intus cecidit, foris quoque diu stare non poterit. Scimus quippe ex Evan- gelio quid Redemptor noster per se- metipsum fecerit: quia ingressus tem- plum cathedras vendentium colum- bas evertit. Columbas enim vende- re, est de Spiritu sancto, quem Deus omnipotens consubstantialē sibi per impositionem manuum hominibus tri-

Grat. ibid.

Grat. I. q. I.
c. Quibus-
dam.

A. N. CHR.
595. 596.
GREG. 6.
7673

tribuit, commodum temporale percipere. Ex quo, ut prædixi, malo jam innuitur, quid sequatur: quia qui in templo Dei columbas vendere præsumserunt, eorum, Deo iudice, cathedræ ceciderunt. Qui videlicet error in subditis cum augmento propagatur. Nam eo ipso quod quisque ad sacrum ordinem perducitur, jam in ipsa provectus sui radice vitiatus, paratus est aliis vendere quod emit. Et ubi est quod scriptum est: *Gratis accepistis, gratis date?* Et cum prima contra sanctam Ecclesiam Simoniaca hæresis orta sit: cur non perpenditur, cur non videtur, quia eum quem quis cum pretio ordinat, provehendo

agit ut hæreticus fiat? Pro qua re admoneo atque confessor, ut omnino debeatis esse solliciti, ut nihil sibi commodi datio, nil gratia, nil quarumlibet supplicatio personarum in sacris ordinibus vendicet: sed ille ad hoc officium perducatur, quem morum gravitas commendat & auctoritas. Nam si, quod non credimus, fieri tale aliquid senserimus, canonica illud, ut dignum est, severitate corrigimus. Deus autem omnipotens, qui sapientiæ tuæ potestate cuncta mirabiliter ordinat, & misericorditer ordinata custodit: ipse vobis & velle tribuat, & operari quod præcipit.

N O T A D E P I S T. VIII.

a Norm. Vatic. Colb. & plur. *Theoderico*, vel *Theodorico* . . . *Alcisoni*.

b Duæ erant in Illyrico Provinciæ hujus nominis, vetus & nova, ut patet ex notitia Imperii. Epirus nova quæ hodie est Albania superior, seu proprie dicta, cujus Metropolis erat Dyrrhachium. Vetus autem quæ a nonnullis Albania inferior, nunc *Chimera* & *Larta*, cujus Metropolis Nicopolis ad sinum Ambracium, vulgo *Perversa sur le golfe de Larta*, de qua intelligendus est hic titulus. *Guffanv.*

c Antiquariorum imperitia irreplebat hic error gravissimus in omnibus MSS. codd. deinde in libris editis, in quibus legebatur *Nicomedianæ* vel *Nicomeditanæ* civitatis. Quod autem legendum sit *Nicopolitanæ*, clarum est ex multis: 1. quia Nicopolis Epiri veteris Metropolis fuit, ut omnes sciunt, ad cujus Episcopum mittit pallium S. Gregorius, quod certe non trasmississet Episcopo Nicomedienfi, qui Patriarchæ Constantinopolitano tunc subditus erat. Deinde quid commune Episcopis Epiri

cum Episcopo Nicomedienfi? An unquam illi de hujus ordinatione curam habuere, uti tamen refert epistola? Sed quod rem conficit, ille ipse Andreas, qui hac in epistola *Nicomedianæ* civitatis Episcopus nuncupatur, in titulo epistolæ olim 70. lib. 7. nunc 68. l. 9. Indict. 2. *Nicopolitanus* inscribitur, ad quem ut ad multos alios Metropoliticas scribit S. Gregorius, & in ep. olim 2. & 3. l. 12. nunc 3. & 4. l. 14. idem Andreas disertis verbis *Nicopolitanus* Metropolita vocatur, cujus sit mentio ut jam defuncti. Cæterum hac in epistola eadem repetit S. Greg. de simonia, quæ in præcedentibus epistolis. *Guffanv.* Certe legimus *Nicomeditanæ*, in omnibus Vatic. Norm. Corb. Rem. quod tamen corrigendum non dubitamus. *Maur.* De his accuratius disputantem adi *de Marca* in Conc. l. 5. c. 25. nu. 9. E. V.

d Excusi, & non fecta.

e Editi, & oratione resistite, & obedite incontaminata fide. Sequimur Vatic. Norm. Corb. &c.

* E P I S T O L A * IX.

Ad Donum Episcopum.

Pallio, quo ipsum decorat, morum ornatum adjungendum monet. Antiqua Messanenfis Ecclesiæ privilegia firmat.

Gregorius Dono Episcopo Messanenfi.

Apostolicæ Sedis benevolentia ordine provocati, Fraternitati tuæ, b quam in Messanenfi Ecclesia guber-

b

bernationis suscepisse constat officium, pallii usum prævidimus concedendum, illis videlicet temporibus atque ordine, quibus decessorem quoque tuum usum esse non ambigimus: hoc nihilominus admonentes, ut sicut a nobis hujuscemodi decoris usum ad sacerdotalis officii honorem accepisse te gaudes, ita etiam morum atque actuum probitate ad gloriam

Christi, nostra susceptum auctoritate, adornare contendas officium. ^c Sic etenim alterno eris invicem decore conspicuus, si ad hujuscemotu corporis habitum, mentis quoque tuæ bona omnia concordent. Omnia enim privilegia, quæ tuæ pridem concessa esse constat Ecclesiæ, nostra auctoritate firmamus, & illibata decernimus permanere.

AN. CHR.
595. 596.
GREG. 6.
C

NOTÆ AD EPIST. IX.

^a Epistola hæc in Anglic. Corb. Rem. Normannisque desideratur. Exstat in Colbert. Reg. & in Vaticanis omnibus, uno excepto D.

^b Vel, *quam in Messanenſis Ecclesiæ gubernatione suscepisse*, &c. ut in excusis legitur.

^c Reliqua quæ leguntur, absunt ab omnibus laudatis MSS. Vatic. Reg. Colbert. Reperiuntur in vet. edicis ubi ep. hæc inscribitur *Mariniano*, & in aliis. In nonnullis excusis pro *Dono*, legitur *Maximiano*.

18.

EPISTOLÆ * X.

Ad Bonifacium Episcopum.

Regiensi Ecclesiæ unit Carinensem.

Gregorius Bonifacio Episcopo ^a Regitano.

a

b

c

d

e

Postquam Ecclesiæ ^b Carinenſi, defuncto ejus Antistite, alium ordinari ^c nec loci desertio, nec finitiminutio personarum, majori cura constringimur ^d ne consistentes ibidem, si Pastoris fuerint moderamine destituti, per inſidia fidei hostis callidi rapiantur inſidiis. Hoc ergo nostro sedit cordi consilium, ^e tuæ eam sollicitudini debere committi; quod facere per præſentia scripta perspeximus. Cujus ut curam gubernationemque studiosius habere gerereque festines, tuæ eam Ecclesiæ aggregari uniriſque cenſemus: quatenus utrarumque Ecclesiarum

Sacerdos recte, Christo adjutore, possis exſistere, & quæque tibi de ejus patrimonio, vel cleri ordinatione vigilantia ac canonica viſa fuerint cura diſponere, quippe ut Sacerdos proprius liberam habebis ex præſenti noſtra permiſſione licentiam. Quapropter, Frater Cariſſime, Dominicorum reminiſcens ſalubriter mandatorum, ita in commiſſæ plebis regimine, lucrandiſque animabus invigila, ut ante tribunal æterni judicis conſtitutus, fructum bonæ operationis, qui ad mercedem tuam pertineat, Redemptori noſtro, in quo lætari poſſit, exhibeas.

NOTÆ AD EPIST. X.

^a Ita MSS. vel *Regiſtano*. Nullibi autem legimus *Regienſi*, ut in prius editis.

^b Carina Italiæ urbs olim Brutiorum Episcopalis, nunc everſa, quæ haud longe diſtabat ab urbe Regio ad fre-
Tom. VII.

tum Siculum. Johannes Episcopus Carinenſis *Ἰωὴν Καρινῶν*, ſubſcripſit Concilio Lateran. ſub Martino I. an. 649. *Guff.*

^c Recent. vulgati, *nec loci deſerti habitatio*; inſitis MSS. Anglic. Vatic. Norm. &c.

Y y

d In

— d In vulgatis, ne defunctis earum sacerdotibus, si consistentes ibidem Pastoribus 595. 596. ris &c. MSS. adhæremus.
GREG. 6.

e Vatic. ut tuæ eam solitudini deberem committere.

66955

E P I S T O L A XI.

Ad Fortunatum Episcopum.

Gratianum Venetianæ Ecclesiæ Diaconum Neapolitanæ incardinari permittit. Vetat ne coram laicis in jus vocentur Clerici, ac ne causarum iudicium ipse differat. Hortatur ad pastorem vigilantiam.

Gregorius Fortunato Episcopo Neapolitano.

Joh. Diacon.
lib. 3. c. 20.
Grat. d. 51.
71. c. 5. Fraternitatem.

Fraternitatem tuam a nobis petisse recolimus, ut Gratianum Ecclesiæ^a Venetianæ Diaconum tuæ cederemus Ecclesiæ cardinandum. Et quoniam nec Episcopum cui obsecundare, nec propriam habet Ecclesiam, hoste scilicet prohibente, quo suum debeat ministerium exhibere, petitionem tuam non prævidimus differendam: idcirco scriptis tibi præsentibus eum necessario duximus concedendum, habituro licentiam Diaconum illum, nostra interveniente auctoritate, Ecclesiæ tuæ Deo propitio constituere Cardinalem.

Quia vero pervenit ad nos, Clericos aliasque civitatis ac parochiæ tuæ religiosas personas,^b ab aliis conveniri, fieri hoc de cætero prohibemus, & neque Clericum tuum, neque Monachum vel quamlibet civitatis aliam religiosam personam parochiæ tuæ conveniri a quoquam, vel ad alterius volumus iudicium exhiberi. Sed si quis contra huiusmodi personas cujuslibet negotii movere voluerit quæstionem, Fraternitatem tuam noverit adeundam. Aut si forte, ut assolet, aliqua illis quolibet modo fuerit nata suspicio, & electorum desideraverint fortasse iudicium, sub tua executione eligendi

fas habeant cognitores; quatenus hoc modo nec tu amisisse jurisdictionem, nec actor apud suspectum litigando videatur præiudicium sustinere. Hoc etenim servandum & Anthemio Subdiacono nos præcepisse cognosce.

Oportet ergo ut Fraternitas tua erga monasteria civitatis, parochiæque suæ, omnesque subiectos pastoralis cura diligenter invigilet, & de vita actuque eorum sit omnino sollicita; ut sicut nos hæc tibi privilegia servare dignoscimur, ita & tu vigilantiam tuam in cunctis, ut decet, solerter exhibeas, quatenus in nulla re possis de neglectu reprehensibilis inveniri. Porro autem si tu, quod non opinamur, dissimulandum putaveris, rectori patrimonii Ecclesiæ nostræ, qui illic est, vel fuerit constitutus, noveris esse licentiam, ut quod sponte postponis, ejus facere instantia modis omnibus urgearis. Sed & illud studere te convenit, ut hi, qui contra quoslibet jurisdictioni tuæ suppositos causam habuerint, nullis apud Fraternitatem tuam frustratoriis debeant dilationibus lacerari: ne ad fatigationem & damnum alterius hæc tibi servasse privilegia videamur.

N O T Æ A D E P I S T. XI.

^a Sive ut in MSS. legitur *Benefranæ*.

^b Scilicet coram iudicibus secularibus translata jurisdictione. Valentinianus an. 452. Clericos iudicibus laicis edicto subjecerat, exceptis causis fidei ac religionis. Justinianus & alii quam-

pul-

plurimi, Episcopos; Clericos, Monachos privilegio fori donarunt. Vide Novell. 79. 83. 123. Concil. Chalced. can. 9. vetat Clericum cum Clericali-tem habentem ad secularia judicia ex-

currere, ἐπὶ κοσμικὰ διακρίνει. Nunc rei forum Astor sequitur. Vide extra. *de foro competenti*, & caus. II. q. I. 595. 596. *Glossanv.*

AN. CHR. 595. 596.

GREG. 6.

6675

E P I S T O L A XII.

Ad Montanam & Thomam.

Montanam & Thomam Romanæ Ecclesiæ famulos manumittit. Eisdem a Gaudioso Presbytero heredes institutos, legatis frui concedit.

Gregorio Montanæ & Thomæ.

Grat. 12. q. 2. c. 68. Cum Redemptor.

CUM Redemptor noster, totius conditor creaturæ, ad hoc propitiatus humanam voluerit carnem assumere, ut divinitatis suæ gratia dirupto quo tenebamur capti vinculo servitutis, pristinæ nos restitueret libertati: salubriter agitur si homines quos ab initio natura liberos protulit, & jus gentium jugo substituit servitutis, ^a in ea qua nati fuerant, ^b manumittentis beneficio, libertate reddantur. Atque ideo pietatis intuitu, & hujus rei consideratione permoti, vos Montanam atque Thomam famulos sanctæ Romanæ Ecclesiæ, cui, Deo adjutore, deservimus, liberos ex hac die civisque Romanos effcimus, omneque vestrum vobis relaxamus ^c peculium.

Et quia tu, Montana, animum te ad conversionem fateris appulisse monachicam: idcirco duas uncias, quas tibi quondam Gaudioso Presbyter per supremæ suæ voluntatis arbitrium ^d institutionis modo noscitur reliquisse, hac die tibi donamus, atque concedimus, omnia scilicet monasterio sancti Laurentii, cui Constantina Abbatissa præest, in quo converti Deo miserante festinas, modis omnibus profutura. Si quid vero de rebus superscripti Gaudiosi te aliquo modo celasse constiterit, id totum Ecclesiæ nostræ juri sine dubio mancipetur.

Tibi autem superscripto Thomæ, quem pro libertatis tuæ cumulo e-

tiam inter notarios volumus militare, quinque uncias, quas præfatus Gaudiosus Presbyter per ultimam voluntatem hereditario tibi nomine dereliquit, simul & sponsalia, quæ matri tuæ conscripserat, similiter hac die per hujus manumissionis paginam donamus, atque concedimus: ea sane lege, atque conditione subnexa, ut si sine filiis legitimis, hoc est de legitimo susceptis conjugio, te obire contigerit, omnia quæ tibi concessimus, ad jus sanctæ Romanæ Ecclesiæ sine diminutione aliqua revertantur. Si autem filios ^f de conjugio, sicut diximus, ^g cognitos lege susceperis, eosque superstites reliqueris, earundem te rerum dominum sine quadam statuimus conditione persistere, & testamentum de his faciendi liberam tibi tribuimus facultatem. Hæc igitur, quæ per hujus manumissionis chartulam statuimus atque concessimus, nos successoresque nostros, sine aliqua scitote refragatione servare. Nam justitiæ, ac rationis ordo suadet, ut qui a successoribus desiderat mandata servari, decessoris sui proculdubio voluntatem & statuta custodiat. Hanc autem manumissionis paginam Paterio notario scribendam dictavimus, & propria manu una cum tribus Presbyteris prioribus, & tribus Diaconis pro plenissima firmitate subscripsimus, vobisque tradidimus. Actum in urbe Roma. ^h

e

f
g

Grat. 25. q. 1. c. 15.

Grat. Caus. 2. q. 1. c. 68. §. Hanc autem.

h

AN. CHR.
595. 596.
GREG. 6.

NOTÆ AD EPIST. XII.

a Sic restitutum ex MSS. Vat. Norm. Rem. Corb. &c. præscripto. In excusis legitur, *in ea natura in qua nati fuerant . . . libertati reddantur.*

b De manumissione supra l. II. ep. 10. Olim difficillimum erat servos libertate donare ac cives Romanos efficere, ut notat doctissimus Tillemontius in *Constantino* art. 40. p. 168. & 169. At Constantinus lege lata concessit non solum Episcopis, sed omnibus etiam Clericis, ut famulos suos possent in libertatem asserere. Idem autem erat servos liberos, ac cives Romanos efficere, ut etiam patet ex hac Gregorii epistola.

c In recent. *servitutis peculium*. Peculium a pecunia, quasi parva pecunia. Definuitur id quod permissu parentis, legis aut domini, conceditur filio familias, aut servo, separatim a paternis seu dominicis rationibus. Quod vocat *peculium servitutis*, alii *dominium*

appellant, quia pertinet ad dominum, qui illud jure suo retinere potest. *Guss.*

d Institutio est positio heredis secundum Jureconsultos: at secundum Canonistas est collatio verbalis alicujus beneficii. Vide titulum *de institutionibus*, in Decretal. & in sexto. Hic accipitur pro positione heredis, Gallice, *faire un tel son heritier*. *Gulfanv.*

e Per sponsalia dotem intelligit, de qua dotale instrumentum fuerat confectum. Plautus in *Pœnulo*:

Sponden' ergo

Tuam gnatham uxorem mihi? Ch.

Spondeo, & mille auri Philippum dotis, &c. Guss.

f Excusi, *de conjugio*.

g Non adoptivos intelligit, sed qui censentur secundum leges ex legitimo matrimonio nati. *Gulfanv.*

h Apud Muratorium *Arecd.* tom. 2. p. 109. ex quodam MS. dicitur data Indict. IX. E. V.

EPISTOLA XIII.

Ad Cyprianum Diaconum.

Decio Lilybetano Episcopo, in reformando Ecclesie sue statu opem ferat.

Gregorius Cypriano Diacono Rectori Siciliæ.

Lilybetanæ clerus Ecclesiæ huc pro ordinando sibi veniens Sacerdote, licentiam eis de exquirendo sibi Episcopo nos dedisse cognoscas. ^a Qui reperientes Decium Forenssem Presbyterum, sibi eum consecrari multis precibus poposcerunt; quorum petitionem necessarium duximus adimplere. Et ideo Dilectio tua in

omnibus ei solatiari non negligat, ut quia ^bTheodorus quondam ejusdem Ecclesiæ Episcopus dereliquit plurima, quæ emendari debeant, tuo in omnibus adjutus auxilio, dumtaxat æquitate servata, causarum inquietudinibus liberior, in Dei laudibus possit existere.

NOTÆ AD EPIST. XIII.

a In recent. excusi, *qui rapientes*, resistentibus omnibus MSS. nostris.

b Vide ep. 50. lib. III. Indict. XI. ad eundem Theod. in qua multa ei facienda significantur. Observandum

tamen hæc in plerisque MSS. desiderari, nimirum in Norm. Rem. Corb. Vat. D. ubi habes, *non negligat; ut tuo in omnibus jutus auxilio.*

E P I S T O L A * XIV.

Ad Narsem Comitem.

AN. CHR.
595. 596.
GRE. 6.
6673

Athanasium Presbyterum in Manichæi dogma cecidisse, Johannem vero ab hæresi immunem declarat. Pelagianum esse qui negat mortuam, cum peccavit, Adami animam. Ephesinæ Synodi recentiores codices falsatos suspicatur, requirendos monet vetustos.

a

Gregorius ^a Narfi Comiti:

b

Vid. Ind. xv.
Ep. 31.

c

Genes. 2. 17.

Caritas vestra sollicitudinem nostræ opinionis habens, scribere studuit quid de illo codice qui contra Athanasium Presbyterum transmissus est, ^b sensit. Quem nos ex parte aliqua subtiliter percurrentes, in Manichæi invenimus dogma cecidisse. Sed is, qui loca aliqua esse hæretica signo contra posito ostendit, ipse quoque in Pelagianam hæresim labitur: quia quædam loca catholice dicta & omnino orthodoxa, velut hæretica annotavit. Hoc enim ubi scriptum est, quia cum peccavit Adam, ejus est anima mortua, qualiter mortuam dixerit, inferius ostendit: quia status sui beatitudinem amisit. Hoc quisquis negat, catholicus non est. Deus enim dixerat: ^c *Qua hora comederitis, morte moriemini.* Cum ergo comedit de ligno vetito Adam, quia in corpore mortuus non est, novimus, quia post hoc filios genuit, atque annis multis vixit. Si itaque in anima mortuus non est, quod dici nefas est, ipse mentitus est, qui hunc prædixit, die qua peccasset, moriturum. Sed sciendum est, quia mors duobus accidit modis, aut absentia vivendi, aut a qualitate vivendi. In hoc ergo quod comedendo vetitum, ejus anima dicitur mortua, non absentia vivendi, sed a qualitate vivendi, ut postmodum viveret in pœna, qui ad hoc creatus fuerat, ut beate viveret in lætitia. Hunc ergo locum,

qui in eo codice, qui mihi a fratre meo Johanne Episcopo transmissus est annotavit hæreticum, Pelagianus est, quia sententia ista evidenter Pelagii est. Quam Paulus Apostolus aperte in suis epistolis destruit. Quæ loca epistolarum ejus singula dicere prætermitto, quia scienti loquor. ^d Pelagius vero qui in Ephesina Synodo damnatus est, ea intentione hoc dixit, ut ostenderet nos a Christo vacue redemptos. Si enim nos per Adam in anima mortui non sumus, quod dici nefas est, vacue redempti sumus. Ephesinam autem Synodum perscrutantes, ^e de Adelphio & Sava, & cæteris aliis, qui illic dicuntur esse damnati, omnino nihil invenimus: & existimamus, quia sicut ^f Chalcedonensis Synodus in uno loco ab Ecclesia Constantinopolitana falsata est, sic aliquid in Ephesina Synodo factum est. Caritas ergo vestra vetustos omnino codices ejusdem Synodi requirat, & illic inde videat si quid tale invenitur, mihiq; eundem codicem quem invenerit, transmittat, quem mox ut legero, retransmitto. Novis enim codicibus passim non credat, ex qua re dubius factus sum, & nihil adhuc volui de hac causa prædicto fratri meo Johanni Episcopo rescribere. Romani autem codices multo veriores sunt Græcis: ^g quia nos vestra sicut non acumina, ita nec imposturas habemus.

d

e

f

g

De

AN. CHR.
595. 596.
GREG. 6.

*Johan. Diac.
lib. 4. c. 36.
Vide Ap-
pendicem.*

De Johannē vero Presbytero cognoscite, quia illius causa per Synodum decisa est, in qua aperte cognovi, quia ejus adversarii eum facere hæreticum voluerunt & diu conati sunt, sed minime potuerunt. Vestros, qui nostri sunt, mea vi-

ce salutate: & nostri, qui vestri sunt, per me vos multum salutant. Omnipotens Deus sua te manu inter tot spinas protegat, ut eos illæsus, quos Dominus elegit, flores decerpas.

NOTÆ AD EPIST. XIV.

a De eo lib. 1. ep. 6. Indict. XII. epist. 32.

b Recent reluctantibus MSS. *sensu*.

c Vatic. Norm. & plerique, *qua die*. vel *quacunque die*.

d Id apparet ex Epistola Synodi ad Cœlestinum Papam, quæ apud Binium refertur tomo 4. Synodi Ephesinæ c. 17. in editione Colonienſi an. 1606. in edit. 1618. & 1672. parte 2. act. 5. in fine hujus ep. quæ incipit: *Sanctitatis tuæ circa pietatem zelum*, &c. *Guffanv.*

e Theodoretus l. 4. hæretic. fabul. tit. de Messalianis seu Eucheris, & de Enthusiastis, & hist. Eccles. l. 4. c. 11. loquitur de Adelphio tamquam sene capulari, cujus hæresim Flavianus Antiochenus miro artificio deprenſit: cui hæresi præſuerunt Sabbas, (in Duobus Vatic. legitur *Saba*) non Sava & Adelphius, & Daodes, & Symeones, & Hermas, & quidam alii; adversus quos scripserunt Latojus Melitines Episcopus, & Amphiloſchius Iconii. Inter alia dicebant baptiſmum nihil juvare eos, qui ad eum accedunt: instare enim novaculæ aufert priora peccata, peccati autem radicem non exſcindit: perpetua autem oratio & peccati radicem radicibus evellit, & malum dæmonem, qui ab initio forte datus est, ab anima expellit. Photius in Bibliotheca vol. 52. refert circa finem 4. se-

culi Synodum Sidæ factam adversus hæresim Messalianam, id est Eucheritarum vel Adelphiorum, cui Synodo præfuerit Ampiloſchius cum Episcopis 25. Ex qua missa est Synodica ad Flavianum Antiochenum, qui eadem de causa Synodum etiam habuit. Testatur autem Adelphium, quamvis hæresim detestaretur, non fuisse admiſſum, quoniam non ex corde pœniteret, &c. S. Maximus in commentariis ad l. de Eccl. Hier. c. 6. meminit Monachorum Adelphianorum, qui postquam per tres annos a professione * perfecte vixerant, * *ἀπραις*. nihil non sibi permittebant in posterum. *Guffanv.* De Adelphio Monacho loquitur Nilus in libro *de voluntaria paupertate* nondum edito, cujus fragmentum refert Henricus Valeſius annot. in caput 11. lib. 4. hist. Theodreti.

f Scilicet in can. 28. qui Romanis Pontificibus probari non poterat. Sic Constantin. I. Synodi canonem rejicit S. Gregorius infra, Clericis Romanis Constantinopolitanis Episcopi fimbrias dilatarı non ferentibus. *Guffanv.*

g Ita quatuor Vat. lex Anglic. totidem Norm. Corb. Reg. unde autem hæc lectio excusorum, *quia nostri, sicut non acumina, ita nec imposturas habent*, fuerit ab editoribus eruta, nos latet.

EPISTOLA XV.

Ad Johannem Episcopum.

Johannem Presbyterum inique damnatum absolvit, atque ab omni hæreseos labe purum denuntiat. Eundem commendat Johanni Episcopo Constantinopolitano.

Gregorius Johanni Episcopo Constantinopolitano.

*Jo. Diac. l. 4.
c. 36.*

Sicut hæreticorum pravitas zelo rectæ fidei comprimenda, ita veræ confessionis est integritas amplectenda. Nam si credi fideliter

consentiri despicitur, cunctorum in dubium fides adducitur, atque errores mortiferi ex incauta distributione generantur. Et hinc non solum

lum errantes oves ad caulas minime Dominicas revocantur : sed etiam intro positū ferinis dentibus laniandæ crudeliter exponuntur . Hoc ergo , Frater Carissime , subtiliter perpendamus , & sub prætextu hæresis affligi quempiam veraciter profitentem fidem Catholicam non sinamus : ne , quod absit , hæresim fieri sub emendationis magis specie permittamus .

Valde autem mirati sumus , cur hi qui in causâ fidei iudices contra Johannem Chalcedonensis Ecclesiæ Presbyterum , a vobis fuerant deputati , negligentes veritatem opinionis crediderint , & credere districte profitenti noluerint : maxime dum accusatores ipsius ^a Marcianistarum , quam memorabant , hæresim , unde eum reum moliebantur efficere , interrogati quæ esset , nescire se manifesta professione responderint . Ex qua re evidenter agnoscitur , quia personam ipsius sine Dei respectu non iuste , sed contra animas suas sola gravare vo-

luntate tantummodo voluerint . ^b Nos itaque factō concilio , sicut gestorum apud nos habitorum tenor ostendit , cuncta quæ erant necessaria subtiliter perscrutantes ac tractantes , quoniam in nullo ante dictum Presbyterum reum invenire potuimus : præcipue quia libellus quem delegatis a vobis iudicibus obtulit , rectæ fidei per omnia sinceritati concordat : eapropter eorundem iudicum reprobantes sententiam , nostra eum definitione catholicum , & ab omni hæretico crimine liberum esse , Christi Dei Redemptoris nostri gratia revelante , denuntiavimus . Quem quoniam ad vestram retransmissimus Sanctitatem , oportet ut eum , sicut se cunctis exhibet , benigne suscipiat , & caritatem illi sacerdotalem impendat , atque a cuncta eum inquietudine tueatur , nec quemquam se in ejus molestia occupare permittat : sed sicut alios ab oppressione defenditis , ita huic vestra subtrahere solatia non debeatis .

A N. C H R.
595. 596.
GREG. 6.

6693
b

N O T Æ A D E P I S T. XV.

^a Quænam illa fuerit hæresis , apud nullum auctorem legi . *Gussanv.* Legendum forte Marcionitarum .

^b Auditur Johannes , libellum suæ fidei offert , iudices scrutantur , & factō concilio absolvitur , ut apparet ex his sequentis epistolæ verbis : *sancti concilii mecum definitio* , &c. Idem epistola sequente fusius recenset , docens infidelitatem esse , fidem fidelibus non habere , & veraciter confitenti non credere , non esse hæresim purgare , sed

facere . In Epistolis 16. & 17. eadem versatur quæstio . *Gussanv.* Vide l. 11. ep. 44. al. l. 9. ep. 39. *Maur.* Johannes Episcopatum accepit an. 582. die 12. Aprilis , seditque annos 13. menses quinque , ut ait Nicephorus in Chronico , & Menolog. Basilii ad diem 2. Septembris , quæ apud Græcos colitur . Quare mortuus est anno 595. mense Septembri Indiēt. 14. ineunte . Epistola proinde non potuit ad eum superslitem pervenire . Vide ep. 66. hujus libri . E. V.

E P I S T O L A XVI.

Ad Mauriciū Augustū .

Johannem Presbyterum prorsus innocentem affligi denuo , velut hæresi obnoxium non permittat .

Gregorius Mauricio Augusto .

CUm sincera in vobis , Christianissime Principum , velut emissum cœlitus jubar , fidei rectitudo resplendeat , cumque notum sit omni-

AN CHR.
595. 596.
Gr̃ G. 6.

6673

omnibus Serenitatem vestram, integram professionem, qua Deo pollet propitio, vehementer amplecti & toto corde diligere: necessarium esse valde perspeximus, pro his, quos una eademque fides illustrat, suggerendo deprecari, quatenus Dominorum pietas sua eos gratia protegat, & ab omni molestia tueatur. Quorum dum confessionem quidam despiciunt, veræ fidei contradicere videntur. Nam cum oris confessionem fieri clamet Apostolus ad salutem, qui rectæ professioni credere non consentit, in eo quod alium improbat, se accusat.

a

Johan. Diac.
l. 4. c. 36.

b

^a Relectis igitur in concilio quæ contra Johannem Chalcedonensis Presbyterum Ecclesiæ acta sunt, simul & serie judicati, majorem illum injustitiam sustinuisse cognovimus; quippe quem clamantem se atque monstrantem catholicum esse, non reatus culpa sed diu accusatio incerta contrivit: in tantum, quia accusatores ipsius Marcianistarum quam commemorabant hæresim, se nescire aperta responsione professi sunt. ^b Et qui illico in ipso fuerant iudicii limine repellendi, in accusatione ejus permanere incerte permisi sunt. Sed ne dicta eum saltem lacerare potuisset opinio, libellum fidei protulit, in quo se patenter ostendere fidei rectæ professorem studuit & sequacem. Sed hunc a sanctissimo Johanne fratre & coepiscopo

nostro iudices deputati, injuste ac irrationabiliter negligentes, dum in ejus se niterentur occupare gravamine, se potius reprehensibiles ostenderunt. Nam nullus ambigit, infidelitatem esse fidem fidelibus non habere. Quia ergo omnibus subtiliter rimatis atque tractatis, Catholicum superscriptum Johannem Presbyterum, sancti concilii mecum definitio, divinæ potentiæ revelante gratia, declaravit, nec quædam in ipso hæreticæ macula pravitate inventa est: obsecro ut pia Serenitatis vestræ protectio illæsum illum ab omni molestia servari præcipiat, nec Catholicæ fidei confessorum aliquam sinat inquietudinem sustinere. Nam veraciter profitenti non credere, non est hæresim purgare, sed facere. Quod si licuerit, surget infidelitatis occasio, & ipsi in eas quas incaute volunt emendare, culpas incurrent.

Hæc igitur Serenissimus dominus pia provisione consideret, & sicut poposci, profusis iterum precibus rogo, ut affligi denuo innocentem velut obnoxium non permittat, quatenus Deus omnipotens, qui placitam sibi catholicæ rectitudinis integritatem, Clementiam vestram amare cernit atque defendere, & hic devictis hostibus pacatæ vos imperare Reipublicæ, & cum Sanctis suis in æterna faciat vita regnare.

N O T Æ A D E P I S T. XVI.

^a Excusi, *relatis*, quod in MSS. non legitur.

^b Si quidem accusatio requirit legitimam inscriptionem, quæ contineat nomen accusati & accusantis, crimen, criminis locum, diem, horam &c. Debet etiam accusator paratas habere pro-

bationes, alioquin pœnas calumniatoris luere. *Auget.*

^c Iudices gratia ducti fiunt infames, & parti læsæ tenentur in æstimationem litis. Vide Cod. *de pœn. Judic. qui male judic.* lege fin. & in 6. de sent. & re judic.

E P I S T O L A XVII.

Ad Theotistum?

AN. CHR.
595. 596.
GREG. 6.

Johannem Presbyterum ab imposito sibi hæreseos crimine facto Concilio absolutum, tueatur ab omni molestia.

Gregorius Theotisto cognato Imperatoris.

SCimus Excellentie vestrae Christianitatem bonis intentam semper operibus: idcirco mercedis vobis causas, quas vos diligere certum est, providemus, ut nos vestris meritis providendo jungamur.

Indicamus itaque vobis, Johannem Presbyterum latorem praesentium liberum ab his quibus accusatus fuerat exstitisse. Cujus fidem facto concilio subtili examinatione, ^a ut petiit, perscrutantes, nullam in eo culpam pravæ confessionis invenimus. Sed quia rectæ fidei, Deo miserante, professor ac cultor apparuit, nostra eum definitione absolvimus: praesertim cum accusatores ipsius quæ esset Marcianistarum, quam commemorabant

hæresim, se nescire professi sunt: Eapropter paterno salutantes affectu, quæsumus, ut favoris vestri cum gratia tueri dignemini. Et ne quicumque illum frustra post hoc velit affligere, aut aliquam ei pro hac re quolibet modo molestiam irrogare; ita eum Excellentie vestrae defensio contra hæc instantius pro sua mercede protegat ac defendat, ut nec hunc amplius tribulatio injusta consumat, & ejus vobis vicem humani generis Conditor ac Redemptor, quem sincera confessione colitis, inter bona plurima quæ agitis, recompenset. ^b Mense Octobri, indictione XIV.

b

N O T A D E P I S T. XVII.

^a Nulla ratione ac contra MSS. fidem in recent. ed. legitur, *ut potuimus*.
^b Abest ab omnibus pene MSS. legi-

tur in Colbert. vet. & in Turon. S. Gat.

^a E P I S T O L A XVIII.

Ad Johannem Episcopum.

Pallii usum concedit, & antiqua firmat privilegia.

b

Gregorius ^b Johanni Episcopo Syracusano.

Sup. 17. l. 5.

Apostolicæ Sedis benevolentia, & antiquæ consuetudinis ordine provocati, Fraternitati tuæ, quam in Syracusana Ecclesia gubernationis officium constat suscepisse, pallii usum prævidimus concedendum, illis videlicet temporibus ^c atque eo ordine, quibus decessorem quoque tuum usum esse non ambi-

Tom. VII.

gis: hoc nihilominus admonentes, ut sicut a nobis hujus decoris usum ad sacerdotalis officii honorem accepisse te gaudes, ita etiam morum atque actuum probitate, ad gloriam in Christo nostram, susceptum adornare contendas officium. Sic enim alterno eris invicem decore conspicuus, si ad hujus corporis habitum

Z z

^d meu.

AN. CHR. 595. 596. d mentis quoque tuæ bona concordent. Omnia enim privilegia quæ tuæ pridem concessa esse constat Ecclesiæ, nostra auctoritatē firmamus, & illibata decernimus permanere.

GREG. 6.

NOTÆ
d

NOTÆ AD AD EPIST. XVIII.

a Hæc epistola non reperitur in Anglic. Norm. Corb. & plerisque MSS. est tamen in Vatic. Rem. & Reg.

b Ex Archidiacono Catanensi factus est post Maximianum Episcopus Syracusanus, & a Greg. Magno consecratus an. 595. Imitator fuit virtutum decessoris sui, nam ep. 9. l. 6. nunc l. 7. laudat eum Gregorius quod eleemosynas ad se miserit pauperibus erogandas: Obiit sanctissime an. 609. Ejus festum recolit Ecclesia Syracusana die 28. Octobris *Guffanv.*

c In Rem. atque eo ordine, ut alios quoque insulæ Siciliae Sacerdotes vel decessores suos usos esse non ambigis. Illud autem admonemus, ut apostolicæ Sedis reverentia, nullius præsumptione turbetur. Dum enim membrorum status integer manet, si caput fidei nulla pulset injuria, Canonum maneat incolumis atque intemerata semper auctoritas. Ut sicut a nobis hujus &c.

d Duo Vatic. mens quoque tua concordet.

EPISTOLA XIX.

Ad Dominicum Episcopum.

Ut mutua ipsorum dilectio cæleste gaudium acquirat mutuis sese orationibus adjuvent.

Gregorius a Dominico Episcopo Africano.

a

EPIstolarum vestrarum plena sacerdotali caritate elocutio, ita Sanctitatem vestram memoriter nostris facit mentibus inhærere, ut non credatur abesse corpore, quippe quæ per affectum semper manet in corde. Ut ergo hæc quam ad alterutrum habemus dilectio, cælestium nobis commodum acquirat gaudiorum, nostri simus invicem adiutores, & auxilium nobis orationis mutuæ porrigamus, quatenus divina misericordia clementiæ suæ nobis dono concedat, & prædicare quod diligit, & sequi hoc quod per nos prædicari concessit. Sicque officii nostri ministerium pietatis suæ protectione disponat, ut fructum de creditis eidem venienti Domino reportemus, & ad futura æquitatis præmia cum

aliorum lucro, ejus adjuvante gratia, b perducamur. Quia vero scriptum est: *Orate pro invicem, ut Jac. 5. es. salvemini;* ut ad hæc pervenire mereamur, & me pro vobis apud sacratissimum beati Petri Apostolorum Principis corpus, & vos pro me apud sanctum Cyprianum martyrem, orationibus decet incumbere. Preces etenim nostræ tanto celerius in Dominicæ pietatis aurem sublevantur, quanto eas vicissim pro vobis fusas caritatis ardor exacuit. Sed quia Sanctitas vestra nudis me verbis alloqui recusat, epistolis quoque c xenia conjuxit. Quæ nos cum gratiarum actione suscepimus: sed tamen pius mentis vestræ affectu, quam rerum copia delectamur.

b

Jac. 5. es.

c

NOTÆ AD EPIST. XIX.

a Carthaginensi Episcopo, ad quem plures exstant epistolæ *Guffanv.*

b Gemet. ac nonnulli, *perducamus,*

c In plerisque MSS. *xenia.* De hac voce vide l. 3. Dial. c. 12.

E P I S T O L A XX.

Ad Cyprianum Diaconum.

Persuadeat Leoni Catanensi Episcopo, ut Johanni Episcopo Syracusano quemdam Presbyterum cedat.

Gregorius Cypriano Diacono.

AN. CHR.

595. 596.

GREG. 6.

6793

Joh. Diac.
l. 3. c. 20.

2

Sicut Dilectio tua studiose laboravit pro persona fratris & coepiscopi nostri Johannis, utin Syracusana Ecclesia, auctore Deo, debuisset ordinari: ita nunc necesse est, ut per Dilectionis tuæ studia ei quoque regiminis solatia ministrentur. ^a Quemdam enim Presbyterum proprium habuisse se perhibet, qui tamen a fratre & coepiscopo nostro Leone in Catanensi Ecclesia dicitur ordinatus. Et quia in novam Ecclesiam vadit, & suos illic proprios homines habere necesse est, ut cum caesarum tumultibus premitur, in secreto suo inveniat ubi requiescat; prædicto fratri & coepiscopo nostro Leoni blande &

dulciter persuadere debes, ut ei præfatum Presbyterum cedere debeat, ne quem tam benignus ad ordinandum cessit, ordinatum destituere fortasse videatur. Sed sicut idem frater & coepiscopus noster Johannes, quantum ego in ejus mente didici, ejus se esse Archidiaconum, nec ob Episcopatum susceptum obliviscitur: ita cum sæpe fatus frater & coepiscopus noster Leo suum proprium debet attendere, & non solum de unius persona Presbyteri, sed in quacumque re ejus solatio indiguerit, sua ei ministrare auxilia. ^b Mense Novembri, Indictione XIV.

b

N O T Æ A D E P I S T. XX.

^a Ep. 19. l. 4. nunc l. 5. ep. 17. de cessione Johannis a Leone obtinenda monuerat S. Gregorius, post cessionem Johannes ordinatum suum Presbyterum in Catanensi Ecclesia ordinatum repetit, quod S. Gregorius blande ac leni-

ter persuaderi præcipit. Vides proximius seculi de propriis clericis. *Guff.*

^b Sic legitur in Turon. S. Gat. Colbert. & Vatic. In plerisque tamen MSS. id desideratur.

E P I S T O L A XXI.

Ad Petrum Episcopum.

*Commendat Ecclesias tres propriis Episcopis destitutas.*Gregorius Petro Episcopo ^a Hydruntino.

a

Pastoralis nos cura constringit Ecclesiis Sacerdotis moderamine destitutis, sollicita consideratione prospicere: ne proprio decedente Rectore, contrarium, quod absit, aliquid Patrum regulis oriatur. Quia

igitur Ecclesias ^b Brundusii, ^c Lippias, atque ^d Gallipoli, obcunctibus earum Pontificibus, omnino destitutas agnovimus: idcirco Fraternitati tuæ visitationis earum operam duximus injungendam. Quam

Z z 2

ita

b

c

d

AN. CHR.
595. 596.
GREG. 6.
66753

ita te convenit exhibere, ut nihil de profectionibus Clericorum, reditu, ornatu, ministeriisque, vel quid illud est in patrimonio earum, a quoquam patiaris imminui. Et ideo Fraternitas tua ad prædictas Ecclesias ire properabit, & assiduis adhortationibus clerum plebemque eorumdem Ecclesiarum admonere festinet, ut remoto studio, uno eodemque consensu tales sibi præficiendos expetant Sacerdotes, qui & tanto ministerio digni valeant reperiri, & a veneradis canonibus nullatenus respuatur. Qui dum fuerint^e postulati, cum solemnitate decreti omni-

um subscriptionibus robrati, & Dilectionis tuæ testimonio litterarum ad nos veniant consecrandi: provisorius ante omnia, ne adhuc cuiuslibet conversationis seu meriti, laicæ personæ aspirare præsumant, & tu periculum ordinis tui, quod absit, incurras. Monasteria autem si qua sunt in earum parochiis constituta, sub tua cura dispositioneque quousque illic fuerit proprius Episcopus ordinatus, esse concedimus; ut sollicitudinis tuæ vigilantia proposito suo congrua, Deo adjuvante, actione respondeat.^f Mense Januario Indictione XIV.

N O T Æ A D E P I S T. XXI.

a Hydruntum seu Hydrus, vulgo *Otranto*; urbs Calabrorum olim Episcopalis, nunc Archiepiscopalis in Regno Neapol. *Gassuv.*

b Brundulium, vulgo *Brindisi*, Gall. *Brindes*, urbs olim Episcopalis, postea Archiepiscopalis effecta, in Regno Neap. Calabrorum quondam primaria fuit: nunc est in Provincia Hydruntina, in ora maris Adriatici contra Tarentum. *Gassuv.*

c Luppiae Ptolomæo, Antonino *Lippia*: Mela vocat *Lupias*, atque oppidum esse Calabriæ haud procul a Brundulio. Plinius l. 3. c. 10. stationem militum *Lupiam* nuncupat. Nunc pagus *la Rocca* dictus inter Brundulium & Hydruntum, teste Galateo indigena.

d Supra ep. 45. l. 2. Indict. 11. nunc 6. l. 3. *Gassuv.*

e Postulari Gregorio dicitur qui communi cleri & populi decreto eligitur ad Episcopatum l. 1. ep. 60. l. 2. ep. 39. l. 7. ep. 20. 21. l. 9. ep. 88. Jam vero apud canonistas postulatio est unanimis petitio, per quam is qui secundum canones vel ad clerum, vel ad dignitatem ecclesiasticam, etiam regularem, assumi non potest, ex dispensatione tamen & gratia, causa cognita, a superiore admittitur. Cum autem postulatio adversetur juri communi, ideo concordia omnium calculo fieri debeat: adeo ut si concurrat postulatio cum electione, duplo major debeat esse postulantium numerus c. 3. & 4. *de postul. prælat.* extr.

f Hæc non habent MS. præter Reg. Turon. S. Gat. Colbet. vet. ac Vatic.

E P I S T O L A XXII.

Ad Petrum Episcopum.

Ut Ecclesiam & baptisterium consecret.

a

Gregorius Petro^a Episcopo Alericensi de Corsica.

b

Quoniam in insula Corsica in loco Nigeuno, in possessione, quæ Cellas Cupias appellatur, juris sanctæ Romanæ, cui Deo auctore deservimus Ecclesiæ, b basilicam cum baptistero in honorem beati Apostolorum Principis Petri, atque Laurentii Martyris pro lucrandis animabus fundari præcipimus: idcirco Fra-

ternitatem tuam his hortamur assatibus, quatenus ad prædictum locum debeat incunctanter accedere, & venerandæ solemnia Dedicationis impendens, prædictam Ecclesiam, & baptisterium solemniter consecrare te volumus. c Sanctuaria vero suscepta d cum reverentia collocabis.

c
d

NOTÆ AD EPIST. XXII.

AN. CHR.

595. 596.

GREG. 6.

GGJ

^a In Vat. B. solo legitur *Episcopo Aleria de Corsica*. In Reg. vero *Episcopo Alexandria ac clero de Corsica*. In cæteris, *Episcopo de Corsica*.

^b Non ut nunc baptisteria in basilicarum angulis construebantur, sed ædes erant separatim positæ. Vide Epistolam Paulini 12. ad Severum: *Tu baptisterium basilicis duabus interpositum condidisti*. Formam baptisterii fuisse turritam docet versibus de basilica:

Turrito fontem tegmine constituit,
&c.

Supra fontes erat forma columbæ suspensa pyxis, in qua sacrum Christi corpus servabatur in usum recens baptizatorum;

Unde parens sacro educit de fonte Sacerdos

Infantes niveo corpore, corde, habitu.

Circumdansque rudes festis altaribus agnos,

Plura salutiferis imbuit ora cibis.

In supplicatione Clericorum & Monachorum Antiochiæ, quæ refertur act. 5. Synodi Constantin. sub Mena contra Severum: *Nam columbas aureas & argenteas in formam Spiritus sancti super divina lavatra & altaria appensas,* &c. *Guffanv.*

^c Hoc est, Sanctorum reliquias quæ in baptisteriis condi solebant. *Gregor. Turon. l. x. c. 19. Baptisterium ad ipsam basilicam edificari præcepi, in quo S. Iohannis cum Sergii martyris, reliquias posui: & in illo priore baptist. S. Benigni Mart. pignera collocavi.* Vide etiam lib. de vit. Patrum c. 7.

^d Ita Norm. Corb. & plerique. Exculsi habent, *summa cum reverentia.*

EPISTOLA XXIII.

Ad Anthemium Subdiaconum.

Amalphitanum Episcopum in Ecclesia sua residere cogat.

Gregorius Anthemio Subdiacono.

^a
Joh. Diac.
lib. 3. c. 37.
Grat. 2. q. 1.
c. 20.

^a Pervenit ad nos Pimenium ^a Amalphitanæ civitatis Episcopum in Ecclesia sua residere non esse contentum, sed foris per diversa loca vagari: quod videntes alii, nec ipsi in castro se retinent, sed ipsum exemplum sequentes, foris magis eligunt habitare. Et quia hoc agentes, ipsi potius ad suam hostes deprædationem invitant; idcirco hac tibi auctoritate præcipimus, ut supra-

dicto Episcopo interminari non desinas, quatenus hoc de cætero facere non præsumat, sed in Ecclesia sua sacerdotali more resideat. Quem si forte non emendari post tuam interminationem cognoveris, in monasterio eum deputare, & nobis curabis modis omnibus indicare, ut quid facere debeas, nostra iterum præceptione cognoscas.

NOTÆ AD EPIST. XXIII.

^a Amalphia & Amalphis, vulgo *Amalfi*, urbs olim Episcopalis in Campania, nunc Archiepiscopalis Regni Neapolit. in Principatu citeriori, in ora

maritima, non longe a Salerno. In ea primum pyxidis nauticæ usus inventus creditur. *Guffanv.*

AN. CHR.
595. 596.
GREG. 6.

E P I S T O L A XXIV.

Ad Marinianum Episcopum.

6673

Probat nonnullos immerito conqueri, quod causa inter Ravennatem Ecclesiam & Claudium Abbatem Romæ discutiatur: æquam spondet sententiam.

Gregorius Mariniano Episcopò Ravennæ.

Scripta Fraternitatis vestræ Virgilio Diacono deferente suscepimus, in quibus indicastis quosdam de clero & populo ^a clamitasse contra leges & canones esse, ut inter Ecclesiam vestram & Claudium Abbatem causa hic examinari ac judicari debeat. Qui si Ecclesiasticum ordinem, vel inter quos agitur, nossent advertere, se a superflua querela modis omnibus abstinere; præsertim quia nec causa dici illic potuit, ubi se prædictus Abbas a decessore vestro questus est iniustitiam pertulisse, & ex ea hæcenus laborare. Hoc enim poterat fortassis apponi, si non ad maiorem recurret, & apud eum causæ suæ peteret meritum terminari. Numquid non ipse nosti, ^b quia causa, quæ a Johanne Presbytero contra Johannem Constantinopolitanum fratrem & coepiscopum nostrum orta est, secundum canones ad Sedem apostolicam recurrit, & nostra est sententia definita? Si ergo de illa civitate ubi princeps est, ad nostram

causa cognitionem deducta est; quanto magis negotium quod intra vos est, hic est veritate cognita terminandum? Vos autem ibi stultorum verba non moveant, nec per nos credatis aliquod dispendium Ecclesiæ vestræ fieri. Nam si servum Dei ^c Secundinum Diaconum vestrum, atque Castorium notarium nostrum requiratis, ab eis agnoscetis qualiter causam istam jam decessor vester voluerit ordinare. Fraternitas autem vestra sapienter egit personas pro negotio ipso transmittere, & verba inania non audire. Confidimus autem in omnipotenti Deo, quia examinata subtilius veritate, ita Deo placitus huic causæ finis imponetur, ut nec aliqua denuo querela remaneat, nec pars quælibet contra iustitiam prægravetur. ^d Spatam vero quam apud decessorem vestrum dilectissimus filius noster Petrus Diaconus tunc illic defensor reliquerat, nobis per Secundinum servum Dei, atque Castorium notarium præsentium portitores transmittite.

N O T A D E P I S T. XXIV.

^a Scilicet causæ ibi definiendæ sunt ubi primum ortæ, nisi aut suspecti sint iudices, aut in causis maioribus via appellationis superior adeatur, ut in causa Johannis Chalcedonensis utrumque contigit. Vide Sardic. Concil. can. 3. Romano Pontifici faventem, & Conc. Carthag. c. 19. 20. 23. 28. In Africano c. 91. &c. Certe causa inter Ecclesiam Ravennatem & Claudium Abbatem potuerat a Concilio Provinciali dirimi secundum leges & canones, in Nicæno c. 5. & 6. in Antioch. c. 9.

14. 15. 20. Chalcedon. c. 19. &c. *Gulf.* Omissis aliis rationibus, quæ huic *Gulf.* sanvillæi censuræ opponi possent, hæc sufficiat quam primo loco profert sanctissimus & æquissimus Pontifex, ad retundendas Mariniani ejusque fautorum querelas. Nimirum suspecti erant iudices, apud quos Claudium causam dicere cogere volebant. Sane Synodo Provinciali præesse debebat Marinianus, a quo vexari monasterium suum querebatur. Etiam si Archiepiscopus ab hac lite dirimenda abstinuisset, ne Provin-

vinciales Episcopi, suo Metropolitano potius quam Abbati faverent jure metuebatur. *Maur.* Quid mali in Guffanv. viderit Sammarthanus, ego non video. E. V.

b De hac causa actum est in Epistolis 14. 15. 16. hujus libri. *Guffanv.* In editis legitur, *in causa*.

c In duobus Vatic. & in omnibus Norm. Secundum In Corb. & Rem. tantum legitur: *nam si servum Dei Diaconum vestrum, atque &c.* omisso nomine; postea tamen in Corb. legitur, *per Secundum*.

d Sic legitur in omnibus MSS. nostris, & in editis plerisque. In quibusdam MSS. codd. haberi spartam, moner Guffanvillæus; at quinam sint non docet. Certe non Vaticani, non An-

glic. non Norm. neque Corb. Rem. Reg. Negotium facessere potest quod de illa *spata* adeo sollicitus sit S. Gregorius, ut ex hac epistola & ex 61. sequenti liquet. Si autem per *spatam* intelligamus *ensem* (nulla enim huic voci subest alia significatio) tanti non erat; ut de illa sibi transmittenda tam anxie curaret summus Pontifex. At potuit esse *spatha* aliqua insignis ut etiam apud nos in Sandionysiano Cimeliario est ens Virginis Aurel. vulgo *la pulcella d' Orleans*. Quidni dicamus agi de aliquo ense, qui inter sacras reliquias haberetur, quod alicujus martyris sanguine fuisset consecratus? *Maur.* Gladius est *spatha*, non *spata*. *Spatos* græce est corium. Quid si pro muliere accipiamus? E. V.

AN. CHR.
595. 596.
GREG. 6.
66938

E P I S T O L A * XXV.

Ad Maximum Salonitanum.

Obediat tandem, ac post triginta dies, omni excusatione omissa, Romam veniat, ubi illius cause juxta canones finis imponatur. Interim sacra communione ob superbiam privatus maneat, nec Paulino Episcopo, nec Honorato Archidiacono sit molestus.

Gregorius ^a Maximo arreptori Ecclesiæ Salonitanæ.

DUm scriptis nostris, quæsitis quibusdam excusationibus, differs obedientiam exhibere, dum pro veritatis ^b satisfactione toties a nobis admonitus venire postponis: iis quæ adversum te dicta sunt, fidem ex hoc magis accommodas; & vel si qua alia deesse videbantur, quæ gravent aut noceant, id agis ut sola dilatio faciat & accuset te esse culpabilem. Humiliare tandem, & obedientiæ te submitte, atque ad nos sine excusatione aliqua venire festina; ut requisita & cognita veritate, secundum Dei timorem, quidquid æquum canonicumque fuerit, discernatur. Certus enim esto, quia justitiam tibi, & canonum statuta servabimus, atque causæ tuæ, revelante Domino veritatis auctore, amicum justitiæ finem imponemus.

sit esse probatio, esset utcumque excusabile, si unquam ratio ei qui accusatur, necessitatem probationis imponeret. At postquam non tibi, sed accusatoribus hoc onus incumbit, ad nos, sicut præfati sumus, dilatione cessante, venire non desinas: & aut sine mora aderit accusator, qui ea quæ de simoniaca hæresi vel aliis dicta sunt, congruenti probatione suffulciat; aut certe in his quæ ad salubritatem negotii ipsius pertinent, interveniente beato Petro Apostolorum Principe, dispensatio iusta proveniat; quatenus nulla nos ante Deum dissimulatione, pro eo quod hæc ad nostram conscientiam pervenire, reatus culpa possit confundere. Quod vero indicas serenissimos Dominos, ^c ut illic debeat esse cognitio, præcepisse: nos quidem nullas eorum alias de hac re, nisi ut ad nos venire debeas, iussiones accepimus. Sed & si forsitan pro Re-

^a *Grat. caus. 6.* Nam quod postulas, ut illic personam dirigere debeamus, quam autem presentem de his quæ dicuntur, pos-

AN. CHR.
595. 596.
GREG. 6.

(173)

d

Reipublicæ suæ utilitate, quæ divina sibi largitate concessa est, multa cogitantibus, & in diversis solitudinibus occupatis suggestum, & eorum est jussio per obreptionem elicitæ, postquam & nobis & omnibus notum est piissimos Dominos discipulam diligere, ordines servare, canones venerari, & se in causis sacerdotalibus non miscere: instantè exsequimur quod & illorum juvat animam atque Rempublicam, & ad quod nos terribilis tremendique judicis respectus, impellit.

Quiesce ergo a cunctis excusationibus, & huc adesse non differas, ut veritatis indagatione roborati, causæ tuæ tandem terminum imponamus. Quod autem valde te pertimescere ac omnino trepidare cognovimus, ne hoc fortasse in te ulciscamur, quod sine nostro consensu ad sacerdotalem ordinem cognosceris inordinate prorupisse: intolerabilis quidem culpa est; sed hanc secundum jussiones serenissimi domni Imperatoris, si nequaquam amplius in contumaciæ tuæ errore perstiteris, laxamus; atque de hac re contra te minime movemur. Sed alia quæ nobis dicta sunt, irrequisita præterire non patimur.

Quia vero dudum scripta tibi transmisimus, ut quoadusque voluntatem ejusdem Serenissimi domini cognosceremus, Missarum solemniam nullo modo celebrare auderes: sed tu clata mente egisti callide ne eadem scripta susciperes, quæ tamen eorum esset sententia, quoquo modo cognovisti, sed servare noluvisti; ideoque ea quæ tibi prius scripta transmisimus confirmamus, ut Missarum so-

lemniam celebrare non audeas: donec omnia, quæ contra te dicta sunt, subtiliter inquisita fuerint ac discussa. Quod si perverso forsitan ausu celebrare præsumseris, ab interdictione pridem communionis interminatione liberum te non esse cognoscas. Nam etiam si alii excessus desint, ^e pro hac solummodo culpa superbiam, Dominici te corporis ac sanguinis communionem privamus. Pro quare obedientiam quam decet exhibens, ad nos summopere, sicut diximus, venire festina, itaut triginta dierum spatium habeas, quatenus iter tuum præpares, & omni excusatione postposita, huc adesse non differas.

Si qua autem a iudicibus, vel manu militari, vel a populo ad contradicendum itineri tuo occasio fuerit exorta, qua calliditate agatur, agnoscimus. Ipse ergo jam videas, quam vel hic hominibus, vel in futuro judicio omnipotenti Deo de tua reddas obligationem rationem, qui districtam in te ex tuo contemtu provocasti sententiam.

Præterea pervenit ad me, quia Paulinus frater & coepiscopus meus, & ^f Honoratus Ecclesiæ Salonitanæ Archidiaconus, pro eo quod præsumptioni tuæ noluerint præbere consensum, graves a te molestias patiantur: itaut datis fidejussoribus sint constricti, quatenus eis civitatem, vel domos suas egredi omnino non liceat. Quod si ita est, vel sero jam ad sensus salutis rediens, scriptis præsentibus acceptis, ab utrorumque te suspende molestia; ut eis libera sit licentia vel ad me veniendi si voluerint, vel quomolibet alibi pro suis utilitatibus proficisci.

N O T Æ A D E P I S T. XXV.

a In excusis, *Maximo in Salona qui Episcopatum arripuit*, seu potius *Maximo qui in Salona &c.* ut legitur in Vat. B. In cæteris est titulus quem inscripsimus.

b In Norm. Corb. & plur. *factione*.

c Juxta canones epist. præcedente citatos. Et vero tandem sanctus Gregorius hanc viam inire coactus est, ut ex sequentibus patebit l. 7. ep. 80. 81.

82. nunc l. 9. ep. 79. 80. 81. *Guffanv.*
d Ita cum MSS. Norm. Anglic. Vati-
tic. &c. veteres editi, a quibus dissi-
dentes recent. excusi habent *dirige*.
e Contumaciam sufficere ut quis com-
munionē privetur, sanxerunt Africani
in Carthag. III. can. 7. refertur caus-
4. quæst. 5. ubi observabis diversos com-

municationis modos, nec in propria Ec-
clesia, nec in Parœcia. *Guffanv.*

f Hinc liquet Honoratum ordini suo
restitutum, unde eum deturbaverat Na-
talis, illum subdole ad presbyteratum
promovendo. Vide ep. 19. lib. I. &c
Guffanv.

AN. CHR.

595. 596.

GREG. 6.

663

E P I S T O L A XXVI.

Ad Salonitanos.

*Se non privato odio contra Maximum moveri : mirari autem se quod ex
illis vix pauci a Maximi communione abstinerint.*

a Gregorius a dilectissimis filiis, clero, & nobilibus Salonæ consistentibus.

Pervenit ad me quod quidam per-
versæ mentis homines, ut Dile-
ctionis vestræ animos vulnerarent,
vobis insinuare conati sunt, quia
ego contra Maximum quodam odio
movear, & non magis quæ canonica,
sed ea quæ furoris sunt, exfe-
qui concupiscam. Sed b absit hoc,
absit a sacerdotali animo, ut in qua-
libet causa privato zelo moveatur.
Ego autem & vestræ Dilectioni pro-
videns, & meæ animæ omnipotentis
Dei judicium pertimescens, ejusdem
Maximi causas subtiliter exquiri de-
fidero, si nullis criminibus pressus,
quæ sacro ordini contradicunt, si
non per simoniacam hæresim, id est
præmia quibusdam se eligentibus
præbendo, ad sacerdotale pertingere
officium conatur. Tunc liber pro
vobis apud Dominum intercessor
erit, si non obligatus de suis ad
locum intercessionis venerit.

Cujus tamen jam culpa superbiæ
in aperto monstratur, quod evoca-
tus ut ad nos venire debeat, diver-
sis excusationibus renititur, refu-
git, metuit. Unde ergo trepi-
dat, si eum de his quibus inclama-
tus est, conscientia non accusat?
Ecce jam diu Dilectio vestra sine
Pastore est, & sicut vobis omni-
potens Deus innotescat, vehementer
destitutioni vestræ & medullitus ex

toto corde compatiar. Audio enim
quæ in grege Domini dilanationes
sunt. Sed cum pastor deest quis
contra lupos invigilet? Ideoque
prædictum Maximum, ut huc ad
nos veniat, c urgete; quatenus si
hunc innocentem invenire possimus,
confirmemus. Sin vero ea quæ de
eo dicta sunt, vera patuerint, non
jam tamdiu Dilectio vestra per in-
terpositionem personæ ejus destituta
sit.

De me enim certum tenete, quia
nec odio, nec privati studii zelo
contra eum movear; sed quidquid
canonicum justumque fuerit, au-
ctore Deo decerno.

Miratus autem valde sum, quia in
tanto Salonitanæ Ecclesiæ clero vel po-
pulo vix duo ex sacris ordinibus inven-
ti sunt, frater scilicet & coepiscopus
noster Paulinus, & dilectissimus fi-
lius meus Honoratus Archidiaconus
ejusdem Ecclesiæ, qui communicare
Maximo sacerdotium rapienti mi-
nime consentirent, & se Christianos
esse cognoscerent. Debuiſtis enim,
Filii Carissimi, pensare ordines ve-
stros, & quem Sedes apostolica re-
pellebat, repulsum cognoscere; ut
prius, si posset, ab illatis crimini-
bus mundaretur: & tunc ei vestra
Dilectio communicaret, ne parti-
ceps obligationis ejus existeret. Nos

Grat. d. 1.
30. c. 2.

Tom. VII.

A a a

ta.

Grat. l. 1. c. 6.
c. 2.

b

c

AN. CHR.
595. 596.
GREG. 6.
6673

tamen erga Caritatem vestram visceribus pietatis adstringimur; & quia quosdam vestrum violenter pressos ad consentiendum ei, & ad communicandum cognovimus, omnipotentem Dominum deprecamur, ut vos ab omni reatu peccatorum vestrorum, atque

ab omnibus vinculis alienæ obligationis absolvat, vobisque & in præsentī vita suæ protectionis gratiam tribuat, & nos de vobis in æterna patria gaudere concedat. ^d Mense Martio, Indictione XIV.

d

NOTÆ AD EPIST. XXVI.

a Ita inscribitur epistola hæc in quinque Anglic. omnibus Norm. Corb. Rem. & in Vatic. D. *Greg. Presbyteris, Diaconibus, clero, nobilibus, populo Jaderæ consistentibus*. In Reg. legitur, *Presbyteris, Diaconibus, clero, nobilibus ac populo consistenti & militibus*. Aliorum tamen editorum lectioni standum putavimus, tum quod in tribus Vatic. habeatur, tum quod alia sit epistola ad Iadertinos scripta & eodem fere argumento. Quis autem sibi persuadeat duplicem ad clerum & populum Jaderæ seu Jaderæ missam eodem fere sensu

epistolam; & ad Salonitanos quorum Ecclesiam invaserat Maximus, nullam? Præterea in epistolæ contextu legitur: *miratus autem valde sum quia in tanto Salonitanæ Ecclesiæ clero & populo &c.* Ergo scribit ad Salonitanos. Quid quod statim meminit Honorati Salonitanæ Ecclesiæ Archidiaconi?

b De ira Sacerdotis sanctus Chrysostomus lib. 6. de sacerdotio: *Instar summi interiora omnia a se occupata involvit*. Guffan v.

c In recent. *urgeo*; sed non ita MSS.
d Ita legitur in Colb. vet.

A. XVIII.

EPISTOLA * XXVII.

Ad Clerum & populum Jaderæ.

Se contra Maximum solo justitiæ zelo moveri asserit. Hortatur ut a Maximi communione se suspendant, atque ab illis sacram communionem percipiant, quos Maximo non communicare noverint.

a
b

Gregorius ^a Presbyteris, Diaconibus & Clero, nobilibus, ac populo ^b Jaderæ consistentibus, & qui Maximo prævaricatori communicaverant.

Pervenit ad me quosdam vestrum ignorantia vel necessitate deceptos, his qui ab apostolica Sede, culpa, sicut noſtis, exigente, communionē privati sunt, communicasse: quosdam vero se salubri discretionē, protegente Domino, suspendisse; & quantum de constantibus gaudeo, tantum de deviantibus ingemisco, quoniam sacræ communionis mysteria, quæ ad absolutionem nobis divina pietate concessa sunt, in detrimentum magis suæ animæ perceperunt. Et quia, sicut vobis omnipotens Deus innotescat, vehementer Caritati vestræ & medullitus ex toto corde compatior, pa-

terno affectu obtestor atque suadeo; ut ab illicita communione se quisque suspendat, & quos apostolica Sedes in communionis suæ consortium non recipit, omnino refugiat; ne inde reus ante conspectum æterni judicis unde poterat salvari, consistat.

Comperi autem quod quidam perverſæ mentis homines illic insinuare conati sunt, quia ego contra Maximum quodam odio movear, & non ea quæ canonica, sed ea potius quæ furoris sunt, exsequi concupiscam. Sed absit hoc, absit a sacerdoti tali animo, ut in qualibet causa privato zelo moveatur. Ego vero populo in illis partibus consistenti, ac

meæ

meæ animæ providens & omnipotens Dei iudicium pertimescens, causas ejusdem Maximi exquiri volo, & cum omni sinceritate revelante Domino quod est canonicum definire. Cui quoniam frequenter scripsimus ut non prius sacra Missarum solemniam celebraret, quam causam ejus potuissemus agnoscere, alioquin esset communione privatus; & ex hoc jam superbiam ipsius culpa in aperto monstratur, quod sapius, sicut dixi, admonitus ut ad nos veniret, diversis excusationibus renititur, refugit, metuit. Unde ergo trepidat, si eum de his quæ dicta sunt, conscientia non accusat? Hæc ergo cognoscentes, postquam vobis nullam de ignorantia excusationem assumere potestis: rogo, hortor, & moneo, ut a prohibitæ vos communionis confortio per omnia suspendatis, nec cuiquam Sacerdoti superscripto Maximo communicanti, contra animam suam quisquam vestrum communicare præsumat.

Quia tamen audio, sicut præfatum sum, quosdam vestrum ignorantia lapsos, quosdam etiam ad communicandum violenter esse oppressos, omnipotentem Dominum deprecor, ut & eos qui huic pravitati minime consenserunt, perpetua gratiæ suæ protectione custodiat, & optata eis largitate respondeat. Et illos quos aut studium, aut ignorantia, aut alia quælibet causa traxit in culpam, ab omni reatu peccatorum, atque ab omnibus vinculis alienæ obligationis obsolet, omnibusque in præsentī vita protectionis suæ gratiam tribuat, & nos de vobis in æterna patria gaudere concedat. Ut igitur hæc vobis intercessio apud Deum Salvatorem nostrum proficiat, adhortationibus nostris pro animæ vestræ salute obedientiam exhibete, & ab illis sacram communionem percipite, quos se ab ante dicti Maximi communione abstinuisse, vel abstinere cognoscitis.

A. N. CHR.
595. 596.
GREG. 6.



NOTÆ AD EPIST. XXVII.

a Hujus epistolæ variæ sunt inscriptiones. MSS. Norm. consentientibus Vaticano D. Colbert. Corb. ac plerisque, habent *clero, nobilibus, militibus ac populo Jaderæ consist.* In Vat. B. & C. inscribitur, *Presbyteris, Diac. & clero, nobilibus ac populo Jaderæ consist. & militibus.* Ita etiam Vat. A. omisso *& militibus.* In Reg. & militibus qui Jaderæ consistunt.

b Jadera, vulgo Zara, urbs olim E-

pisc. Illyrici Occidentalis, Liburniæ caput, nunc Jaderensis Comitatus, vulgo *Contado di Zara*: hodie Archiepiscopalis est, & permunita in ora Dalmatiæ, sub ditione Venetorum. Existimo tamen Jaderam de qua hic mentio, fuisse urbem illam quæ *Zara Vecchia* nunc dicitur, estque media inter Jaderam novam & Scardonam. Hæc epistola similis est ep. 26. eandem tractat materiam. *Guffanv.*

Al. XXVII.

EPISTOLA * XXVIII.

Ad Candidum Episcopum.

Aptos ad presbyterale officium Monachos, cum consensu Abbatis assumat, & Presbyteros ordinet.

Gregorius Candido ^a Episcopo de urbe veteri majore.

2

Indicavit nobis Fraternitas tua se non habere Presbyteros, & ex hac causa necessitatem non mo-

dicam sustinere. Et quia in quibusdam monasteriis in sua parochia constitutis quosdam esse Monachos

A a a 2

per-

A. N. C. HR.
595. 596.
GREG. 6.
663

perhibet; qui ad hoc apti possint esse officium, & eos se cum nostra auctoritate ad hunc postulat ordinem promovere: propterea presentibus vobis licentiam damus epistolis, Monachos de monasteriis in tua parochia positos, cum consensu Abbatis sui tollere, & Presbyteros ordinare. Sed illud præ omnibus estote solliciti, ut vitam actusque eorum qui in hoc sunt officio con-

stituendi, subtiliter debeat inquirere, & tunc eos, si digni fuerint, ordinare. Si vero aliqua in eis culpa claruerit, quæ eos ad hunc ordinem canonica prohibitione provehi non permittat, nullius vobis supplicatio aut gratia personæ surrepat, ut talibus debeat manum imponere: ne, quod absit, hic honor, & illis poena, & vobis incipiat esse peccatum. ^b

b

N O T Æ A D E P I S T. XXVIII.

^a In plerisque legitur tantum, Episcopo.

^b In Vatic. *menſe Martio Indiſt. xlv.*

44. XXVIII.

E P I S T O L A * XXIX.

Ad Marinianum Episcopum.

Ne contra decessoris sui dispositionem, supra ep. 1. firmatam, Monasterium gravet. Ne male suadentes audiat. Ne plus pecuniæ studeat quam lucrands animabus. A Clericis Monasteria molestiam pati non sinat.

Gregorius Mariniano Episcopo Ravennæ.

Miramur cur sic in brevi Fraternitatis tuæ fuerit immutata discretio, ut ea quæ postulat, non advertat. Ex qua re dolemus, quia manifestum præbes indicium, plus apud te verba male suadentium valuisse, quam divinæ lectionis studium profecisse. Cumque monasteria te oporteat defensare, & religiosos illic summopere congregare, ut lucrum de animarum congregatione possis efficere; in eorum te e diverso gravamina, sicut litteræ tuæ testantur, desideras exercere: &, quod est deterius, nos tuæ culpæ studeas fieri debere participes; scilicet, dum cum nostro consensu monasterium, quod decessor tuus condidit, cupis ^a sub curandarum rerum atque causarum nomine prægravare.

a

Debes enim recolere, quia te præſente, diversis etiam Presbyteris & Diaconis, Clericisque tuis præſentibus, contra testamentum i-

psius præceptum, sicut postulavere, concessimus. Ubi tamen ejusdem decessoris tui dispositio, quam fecerat de monasterio ipso, firmata est: tu nunc ista dissimulans, contraria nos poscis debere præcipere. Et hæc quidem, scimus, non tua sunt: sed dum incongrue dicentes audire non renuis, non solum opinionem tuam, sed gravas & animas. Quia ergo te multum diligo, instanter admoneo, ^b quod districte considera, ut ^c non plus pecuniæ, quam animabus studeas. Illud a latere respiciendum est, hoc autem tota mentis intentione laborandum, ^d ac vehementius innitendum. Huic rei operam & sollicitudinem vigilanter impende, quia Redemptor noster a Sacerdotis officio non quærit aurum, sed animas.

b

c

d

Præterea pervenit ad nos, quia monasteria, quæ sub Fraternitate tua sunt constituta, Clericorum importunitatibus & diversis eorum molestiis

lestiis prægraventur. Quod ne de cætero fiat, districta hoc interminatione compesce: quatenus monachis illic degentibus, libere in Dei nostri laudibus liceat exsultare.

Romanum vero atque Dominicum Clericos, qui de hac urbe au-

su temerario sine nostra præsumserunt benedictione discedere, licet majori fuerant ultione plectendi, tamen relaxari eis benignitatis studio debet, ut ad suum remeare officium urgeantur. ^c Menſe Aprili, Indiēt. XIV.

AN. CHR.
595. 596.
GREG. 6.

6675

ē

N O T Æ A D E P I S T. XXIX.

a Ita MSS. pene omnes, quod ita mutarunt vet. editi, *sub quarumdam rerum*, &c. & recent. cum MS. Reg. *sub cura quarumdam rerum*.

b Excusi, *quod sic recte consideres*.

c Dictum supra ep. 42. l. 4. nunc l. 6. ep. 45. Lege sanctum Bernardum in apologia ad Guillelmum, ubi illud Persii Sat. 2. explicat: *In sancto quid fa-*

cit aurum? Non pœnitebit legisse quæ præcedunt, & quæ subsequuntur. Idem ad milites Templi initio cap. 5. & in Cantica serm. 23. Vide sanctum Polycarpum epistola ad Philippenſes. Guff.

d Recent. invitis MSS. *ac vehementius intuendum*.

e Id solum legitur in Turon. S. Gat. & Colbet. vet.

Al. XXIX.

E P I S T O L A * XXX.

Ad Secundum.

Pacem cum Agilulpho Rege procurare festinet. Marinianum Episcopum ad misericordiam in pauperes excitet.

Gregorius ^a Secundo servo Dei Ravennæ.

a

Postquam revertens Castorius omnia nobis, quæ inter vos & Agilulphum Regem acta sunt indicavit, ne excusationem contra nos de mora potuisset aliquis invenire, sub omni eum celeritate illuc retransmittendum prævidimus. Ab eo ergo ea quæ sunt agenda cognoscens, esto sollicitus, & omni modo immine, ut pax ista debeat ordinari: quia, quantum dicitur, aliqui hoc impedire conantur. Pro qua re festina strenue agere, ut labor vester sine effectu non valeat remanere. Nam jam & partes istæ, & diversæ insulæ in gravi sunt periculo positæ.

Fratrem nostrum Marinianum Episcopum verbis quibus vales excitata, quia obdormisse eum suspicor. Nam venerunt quidam ad me, in quibus erant quidam senes mendicantes, qui a me discussi sunt, a quibus quid acceperint, & per sin-

gula retulerunt quanta eis & a quibus in itinere data sint. Quos dum solícite de prædicto fratre requirerem quid eis dedisset, responderunt se eum rogasse, sed ab eo se omnino nihil accepisse; ita ut neque panem in via acceperint, cum dare omnibus illi Ecclesiæ semper familiare fuit. Dixerunt enim: Respondit nobis, dicens: *Non habeo quod vobis dare possim*. Et miror si is qui vestes habet, argentum habet, cellaria habet, quod pauperibus debeat dare non habet.

Dic ergo ei, ut cum loco mutet & mentem. Non sibi credat solam lectionem & orationem sufficere, ut remotus studeat sedere, & de manu minime fructificare; sed largam manum habeat, necessitatem patientibus concurat, alienam inopiam suam credat; quia si hæc non habet, vacuum Episcopi nomen tenet. Quædam vero eum per epistolam meam

Ibidem,

Joh. Diaconus.
l. 3. c. 29.
Grat. dist.
86. c. 6. Fratrem.

AN. CHR.
595. 596.
GREG. 6.

673

meam de anima sua admonui, sed nihil mihi omnino respondit; unde credo quia ea neque legere dignatus est. Pro qua re jam necessarium non fuit, ut eum per epistolam meam admonere aliquid debuisssem: sed tantum illa scripsi, quæ in causis terrenis consiliarius dictare potui.

Nam ego ad hominem non legentem fatigari in dictatu non debui. Tua ergo Dilectio secreto ei omnia loquatur, & admoneat qualiter se disponere debeat, ne per præsentem negligentiam, vitam, quod absit, priorem perdat.

N O T Æ A D E P I S T. XXX.

a Vulgati, *Secundino servo Dei, non a paribus*. In MSS. Anglic. Norm. Vat. &c. legitur, *Secundo*. In solo Vat. B. *non a paribus*.

Al. xxx.

E P I S T O L A * XXXI.

Ad Ravennates.

Qui adversus Castorium contestatorios libellos de nocte posuit, sacra communionem sit privatus; nisi publice aut contestationis veritatem testando, aut errorem suum confiteatur.

a Gregorius a Mariniano Episcopo Ravennati cum cæteris Fratribus & Coepiscopis, Sacerdotibus, Levitis, clero, nobilibus, populo, militibus civitate Ravenna consistentibus, vel ex ea foris degentibus.

Grat. 2. 9. 1.
c. 2. Quidam.

b Quidam maligni spiritus consilio repletus, contra Castorium notarium ac Responsalem nostrum noturno silentio in civitatis loco^b contestationem posuit in ejus crimine loquentem, mihiq; etiam de facienda pace callide contradicentem. Et quia quisquis veraciter loquitur, semetipsum innotescere non debet formidare, oportet publice exeat, & quæcumque in contestatione sua loqui præsumsit, ostendat: quod si non exierit, neque publice confessus fuerit, quisquis ille sit qui hoc agere præsumsit, vel consensum in tantæ iniquitatis consilio præbuit, ex Dei & Domini nostri Jesu Christi spiritu definimus, ut sancti ejus corporis ac sanguinis participatione privatus sit. Si vero quia latet, & quoniam nescitur, teneria disciplina non valet^c tanti mali conscius, & jam prohibitus corpus ac sanguinem Domini percipere præsumit: ana-

thematis ultione percussus sit, & ut fallax ac pestifer a sanctæ Ecclesiæ corpore divisus. Si quis autem fortasse talis est, quem nos hujus facti auctorem ac participem esse nescientes, ad eum bona optantes, epistolas transmittimus, ipsa pro eo apud omnipotentem Dominum deprecatio sit vacua. Sin autem in eadem civitate egressus ad publicum potuerit docere quæ dixit, vel certesciens se non posse quæ scripsit ostendere, errorem suum fuerit aperte confessus, Domini corporis ac sanguinis participatione non sit privatus, neque a corpore sanctæ Ecclesiæ alienus existat: quia nos apud omnipotentem Dominum ex nostris quotidie culpis agnoscimus, ^d ut quamvis servato disciplinæ moderamine, aliorum tamen erratis parcendo indulgeamus. ^e Mense Aprili Indictione xiv.

d

e

NOTÆ AD EPIST. XXXI.

AN. CHR.
595. 596.
GREG. 6.

a In MSS. maxime Vaticanis diversus est epistolæ hujus titulus. In Vatic. A. legitur *Greg. Episcopis, cum cæteris fratribus & coepiscopis meis, qui mecum præsentibus inveniri potuerunt, Sacerdotibus, Levitis, ducibus, nobilibus, Clericis, Monachis, militibus militantibus & populo Ravennæ, &c.* non multum discrepat Vatic. B. Inscriptionem quam legimus exhibent Norm. Anglic.

Corb. Vat. D.

b Libellum famosum dicerem, quo quis aut falsa alicui crimina imponit, aut vera, sed occulta manifestat publico programme. *Guffano.*

c Vulgati recent. *si tanti mali conscius etiam prohibitus.*

d In editis, *ut quatenus servato &c.*

e Ita in Turon. S. Gat. & in Vatic.

Al. XXXI.

EPISTOLA * XXXII.

Ad Fortunatum Episcopum.

Si Judaicum aut paganum mancipium ad Christianam fidem converti desiderat, in libertatem vendicetur.

Gregorius Fortunato Episcopo Neapolitano.

FRaternitati vestræ ante hoc tempus scripsimus, ut hos qui de Judaica superstitione ad Christianam fidem Deo aspirante venire desiderant, dominis eorum nulla esset licentia venundandi: sed ex eo quod voluntatis suæ desiderium prodidissent, defendi in libertatem per omnia debuissent. Sed quia quantum cognovimus, nec voluntatem nostram, nec legum statuta subtili scientes discretione pensare, in paganis servis hac se non arbitrantur conditione constringi: Fraternitatem vestram oportet de his esse sollicitam; ^a & si de eorum servitio non solum Judæus, sed etiam quisquam paganorum fieri voluerit Christianus, postquam voluntas ejus fuerit patefacta, nec hunc ^b sub quolibet ingenio vel argumento cuipiam Judæorum venundandi facultas sit: sed is qui ad Christianam converti fidem desiderat, defensione vestra in libertatem modis omnibus vendicetur. Hi vero quos hujuscemodi oportet servos amittere, ne forsitan

utilitates suas irrationabiliter æstiment impediri, sollicita vos hæc convenit consideratione servare: ut si paganos quos mercimonii causa de externis finibus emerint, intra tres menses dum emtor, ^c cui vendi debeant, invenitur, fugere ad Ecclesiam forte contigerit, & velle se fieri dixerint Christianos, vel etiam extra Ecclesiam hanc talem voluntatem prodiderint, pretium eorum a Christiano scilicet emtore percipiant. Si autem post præfinitos tres menses quisquam hujusmodi servorum velle suum edixerit, & fieri voluerit Christianus, nec aliquis eum postmodum emere, nec dominus qualibet occasionis specie audeat venundare, sed ad libertatis proculdubio præmia perducatur: quia hunc non ad vendendum, sed ad servendum sibi intelligitur ^d reservasse. Hæc igitur omnia Fraternitas vestra ita vigilanter observet, quatenus ei nec supplicatio quorundam valeat, nec persona surripere.

Job. Diac.
lib. 4. c. 46.
Grat. dist.
54. c. 15. Fraternitatem.

a

b

c

d

AN. CHR.
595. 596.
GREG. 6.

NOTÆ AD EPIST. XXXII.

6633

a Rec. & si de Judæorum; forte majoris explicationis gratia, nam in MSS. non legitur. De mancipiis Judæorum plura ad ep. 9. l. 4. Vide Nov. Valentiniani tertiam an. 425. quam Sirmondus in primum tomum Conc. Galliæ conjecit: & in Cod. de Judæis l. 17. & tit. seq. ne Christianum mancipium.

b Ingenium est commentum vel artificium quodlibet. Greg. Tur. l. 6. c.

22. Proclamante Episcopo & dicente quod sæpius hic ingenia quæreret, qualiter cum ab Episcopatu deiceret. Gregorius non l. 12. ep. 25. Ne filios suos quolibet ingenio vel excusatione, foris alicubi in conjugio sociare præsumat.

c Recent. invitis MSS. Anglic. Norm. Vatic. &c. cui vendi debeant non intervenitur.

d lidem recent. comparasse.

Al. XXXII.

EPISTOLA * XXXIII.

Ad Leonem Episcopum.

Si pagana mancipia circumciderint Samaræi, in libertatem illa vindicet, non reddito Samaræis pretio.

6634

a

Gregorius a Leoni Episcopo Catanensi.

Johan. Diac.
lib. 4. c. 48.

Res ad nos detestabilis, & omnino legibus inimica pervenit, quæ si vera est, Fraternitatem tuam vehementer accusat, quia eam de minori sollicitudine probat esse culpabilem.

b

Comperimus autem quod b Samaræi degentes Catinæ, pagana mancipia emerint, atque c ea circumcidere ausu temerario præsumserint. Atque idcirco necesse est ut omni modo zelum in hac causa sacerdo-

c

talem exercens, cum omni hoc vivacitate ac sollicitudine studeas perscrutari: & si ita repereris, mancipia ipsa sine mora in libertatem modis omnibus vindica, & Ecclesiasticam eis tuitionem impende, nec quidquam dominos eorum de pretio quolibet modo recipere patiaris: qui non solum hoc damno mulctandi, sed etiam alia erant pœna de legibus feriendi.

NOTÆ AD EPIST. XXXIII.

a Vatic. A. Leontio Episcopo Catanensi.

b Utrum Judæi fuerint quos hic Samaræos vocat S. Doctor, non liquet. Certe l. Moral. 1. n. 22. Samaros, vel Samareos juxta multos MSS. codices, appellat Samaritanos. Verum non legitur Samaritas (sic appellantur apud Hilarium in Matth. c. 21.) tunc existi-

tisse, aut in Italia habitasse. Apud Casiodorum l. 3. ep. 45. Judæi videntur intelligendi his verbis: nunc autem exsistere Samareæ superstitionis populum improba fronte duratum. Sic autem Judæi dicuntur per contemptum. Vide l. VIII. ep. 21.

c Huc refer quæ diximus ad epist. 9. l. IV.

E P I S T O L A * XXXIV.

AN. CHR.

595. 596.

GREG. 6.

6673

Ad Castorium Notarium.

*Inquirat quot ab ultima antiquitate Litanie solemnes fuerint, in quibus
Ravennas Episcopus pallio uteretur.*

Gregorius Castorio ^b Notario nostro Ravennæ.

*J. Diaz. l. 4.
c. 7.*

c

d

e

f

DUM Florentinus Ravennatis Ecclesie Diaconus apud nos pro reverendissimo fratre & coepiscopo nostro Mariniano ^c de usu pallii ageret, requisitus a nobis quæ esset antiqua consuetudo, respondit, quod in omnibus litanis pallio Ravennatis Ecclesie Episcopus uteretur. ^d Quod ita non esse & ab aliis didicimus, & ex epistolis Johannis quondam Episcopi, quas ei ostendi fecimus, evidenter apparuit. Sed hoc asseruit quod dicere jussus est. Nam tempore ^e quo a te idem Johannes quondam Episcopus est inhibitus, ne pallio inordinate ac temere uti presumeret, scripsit nobis hanc fuisse priscam consuetudinem, ut civitatis ipsius Episcopus pallio in litanis solemnibus uteretur. Quorum ibi ^f litterarum exemplaria pro tua informatione transmisimus. Adeodatus vero prædictæ Ecclesie Diaconus, dum apud nos tempore quo hic fuit, similiter de ejusdem usu pallii agere enixius studeret, volentes cognoscere veritatem, eum similiter quæ esset consuetudo curavimus requirendum. Qui uti credi

sibimet suaderet, atque a nobis valeret quod petebat exigere, sub jurejurando testatus est antiquam consuetudinem fuisse, ut in quatuor aut in quinque solemnibus litanis pallio civitatis suæ Episcopus uteretur. Experientia ergo tua diligenter invigilet, & cum omni sollicitudine quot litanie solemnes ab antiquitate fuerint, ^g requirat. Nec eas solemnes nominando requirere studeat, sed majores; ut per hoc quod nobis præfatus Adeodatus Diaconus testatus est, & prædicti Johannis Episcopi fatetur epistola, dum constiterit quantæ litanie solemnes fuerint, quoties indui solebat in litanis pallium cognoscen-
tes, libentissime concedamus. Sed hoc non ab illis perquirat, qui ab Ecclesiasticis exhibentur, sed ab aliis quos sine favore partis esse cognoverit, & quæque sollicita indagatione repererit, nobis subtiliter indicet: ut veritate, sicut diximus, cognita, fratris & coepiscopi nostri reverendissimi Mariniani animos relevemus.

NOTÆ AD EPIST. XXXIV.

a Johannes Diaconus l. 4. n. 7. citans hanc epistolam, hæc habet: „Hoc
b, Gregorius per indictionem XIV. Jus-
jurandum (l. 6. ep. 61.) præceperat.
c, Quod quia, sicut rei exitus manife-
stat, deficientibus testimoniis, per
tres continuos annos insectum re-
manerat: iterum Marinianus suo-
rum suggestionem compulsus, usum
d, Pallii, quem ex consuetudine sicut
convenerat, vendicare non poterat,
e, importunitate precum se posse reci-
Tom. VII,

„pere confidebat. Quapropter Gre-
gorius in eadem sententia perma-
manens, eidem chartulario per in-
dictionem secundam scribit dicens:
„Dum Florentius &c. „ Contra tam
apertam auctoritatem visum nihilomi-
nus Sammarthano epistolam priscam se-
demovere. Utra vero sit rei totis con-
summatio, lectoris judicium esto. E. V.
b Addidimus, nostro, ex MSS. Et
quidem Castorius non erat Notarius
Ravennatis Ecclesie sed Romanæ; qui
Bbb Ra-

Ravennæ tunc degebat.

AN. CHR. c Bess. Mariano. Infra quoque Ma-

595. 596. riani.

GREG. 6. d In Bess. Quod . . . : uteretur hæc

omnia desunt.

Al. XXXIV.

e Vatic. B. a tempore quo ante.

f Bess. tibi. mox deest Diaconus.

g Vide supra lib. 5. ep. 11. & infra ep. 61.

EPISTOLA * XXXV.

Ad Anthemium Subdiaconum.

Pecuniam mittit in captivorum redemptionem, cui studiose jubet incumbere.

Gregorius Anthemio Subdiacono nostro Neapolitano.

QUANTUS dolor, quantaque sit nostro cordi afflictio de his quæ in partibus Campaniæ contigerunt, dicere non possumus: sed ex calamitatis magnitudine potes ipse colligere. Ea de re pro remedio captivorum qui tenti sunt, solidos Experimentiæ tuæ per horum portitorem Stephanum virum magnificum transmisiimus, admonentes ut omnino debeas esse sollicitus, ac strenue peragas, & liberos homines, quos ad redemptionem suam sufficere non posse cognoscis, tu eos festines redimere. Qui vero servi fuerint, & dominos eorum ita pauperes esse compereris, ut eos redimere non assurgant, & hos quoque comparare non desinas. Pariter etiam & servos Ecclesiæ qui tua

negligentia perierunt, curabis redimere. Quoscumque autem redemeris, subtiliter ^a notitiam, quæ nomina eorum, vel quis ubi maneat, sive quid agat, seu unde sit, ^b contineat, facere modis omnibus studebis, quam tecum possis afferre cum veneris. Ita autem in hac re te studiose exhibere festina, ut ii qui redimendi sunt, nullum, te negligente, periculum possint incurere, & tu apud nos postea vehementer incipias esse culpabilis. Sed & hoc quammaxime age, ut si fieri potest, captivos ipsos ^c minori possis pretio comparare. ^d Substantiam vero sub omni puritate atque subtilitate describe, & ipsam nobis descriptionem cum celeritate transmittite. ^e Mense Majo, Indictione XIV.

NOTÆ AD EPIST. XXXV.

a Notitia quid sit, supra ep. 16. l. 3. nunc l. 4.

b Quinque Anglic. Norm. & plur. continuo facere . . . studebis.

c Vel mitiori, ut legitur Norm. Va-

tic. &c.

d Gal'. l' estat sommaire, la somme, la quantite, le total. Guss.

e Ita Colb. vet. & Turon. S. Gar.

Al. XXXV.

EPISTOLA * XXXVI.

Ad Secundinum Episcopum.

Sincerum, si a soceri sui successione abstinerit, ab hujus creditoribus vexari non sinat. Illi vero, ut vitæ subsidium reperiat, liberam procuret quo voluerit eundi licentiam.

a

Gregorius Secundino Episcopo ^a Tauromenitano.

ET legum ratio, & æquitas admonet naturalis, ut quisquis

^b hereditatem aut renuit, aut parentum successione se abstinere, heredi-

b

reditaria non debēat onera sustinere, quia ergo Sincerus, lator præsentiū, Hilarum focerum suum omnino inopem defunctum innotuit; & uxorem suam, ^c filiam ipsius, in qualibet re ejus se substantiæ minime miscuisse, & ad persolvendum paternum debitum eam ab ejus creditoribus queritur perurgeri: idcirco Fraternitas vestra diligenter inquirat. Et si ea quæ ait, veritate subsistunt, sacerdotalem illis studeat tuitionem impendere, nec eos contra rationis ordinem vexari, aut damnum permittat aliquod sustine-

re. Nam valde durum est ut undē nullum sensit commodum, sustineat injuste dispendium. Supradictus autem portitor, si huc cum uxore sua venire voluerit, quia illic se dicit non posse subsistere, vestris propter Deum solatiis potiantur, nec cujusquam eos illic adversitas pro sua tantum voluntate retineat, aut eis irrationabiliter molestus existat, sed liberam habeant quo voluerint eundi licentiam: quatenus vivendi subsidium alibi saltem Deo largiente reperiant. ^d Mense Junii, Indiētione XIV.

AN. CHR.

595. 596.

GREG. 6.

6693

NOTÆ AD EPIST. XXXVI.

^a Tres Vatic. & alii, *Tauromeniæ Episcopo*.

^b Hereditas est jacens, quæ nondum adita est. Aditur, cum heres se eam accipere aut dicto testatur aut facto. Omittitur, cum heres se tempore excludi patitur. Repudiatur, cum is ad

quem delata est, adire recusat. *Guss.*

^c Vitiose in excusis, *filiamque ejus*, nam addito *que*, dubitatur cujus filia sit, uxoris an Hilari, ea de qua agitur.

^d Ita legitur in Turon. S. Gat. in Colbert. vet. & in Vat.

Al. XXXVI.

EPISTOLA * XXXVII.

Ad Columbum Episcopum.

Rogatiano ejus Diacono scripta ad Rectorem patrimonii Siciliæ dedisse, ut causa quedam citius finiatur. Petrum quondam Numidiæ Episcopum ad Columbum a se mitti, quem, cognita ibi melius causa, canonice cum consciis judicet. Catholicorum filios aut mancipia, baptismo Donatistarum infici non ferat.

Gregorius ^a Columbo Episcopo Numidiæ.

^b Scripta Fraternitatis vestræ sacerdotali plena dulcedine, præsentiū portitore Rogatiano Diacono deferente, suscepimus. Et valde nos eorum lætificavit benigna locutio: præsertim, quia per ea de vestra, quod desiderii nostri est, incolumitate cognovimus. Devotionem vero Sanctitatis vestræ, & olim novimus, & nunc sicut scribitis, sic habemus. Nam qualis erga nos sinceritas Fraternitatis vestræ sit, ^b satisfactione non egemus, quia mentis nostræ, quæ circa vos est, dilectione cogno-

scimus. Suprascripto autem latori, quem nobis epistolariter commendastis, scripta ad Rectorem patrimonii Siciliæ dedimus, ut adversam partem facere quæ justa sunt, urgeat: quatenus frustratoria excusatione postposita, ad finem citius perducatur totius causæ contentio.

Indicamus itaque Sanctitati vestræ, venisse ad nos quemdam hominem, Petrum nomine, qui se asserit fuisse Episcopum, atque causæ suæ a nobis remedium postulasse. Et prius quidem retulit quæ digna esse mi-

Bbb 2

se-

A. N. C. H. R.
595. 596.
GREG. 6.



feratione pōtuisſent, ſed requiren-
tes, poſtea multo aliter quam in-
dicavit invenimus, & vehementer
nos ejus actio contriſtavit. Sed quia
cauſæ ipſius interna ſubtiliter nequa-
quam addiſcere tam longo itineris
intervallo diſjuncti potuimus, eam,
incerti quippe, definire nequivimus.
Nunc vero quoniam remeans ſupra-
dictus Diaconus ſecum eum relaxari
popoſcit, & ipſe ad vos ſe petiit de-
bere transmitti; ſcientes Sanctitatem
veſtram, zelum, ſicut decet, fidei,
& amorem habere juſtitie: nobis
gratum fuit, & ea quæ petiverunt
conceſſimus. Quia ergo præſentes
cauſam ſubtilius poteſtis ſcire, hor-
tamur ut eidem Petro, ita ſervare
quidquid juſtum canonicumque fue-
rit debeatis, quatenus & rectitudi-
nis vigor a vobis in omnibus im-
pleatur, & cauſa ipſius ſecundum
Dei timorem, & Eccleſiæ videatur re-
gulas judicata. Si quis vero conſcius
vel particeps præſato Petro in his
quibus accuſatur, dicitur exſtiſſe,
ſubtiliter requirendum eſt: & veri-

tate cognita, ſimiliter canonice ju-
dicandum.

Præterea res ad nos omnino du-
ra, & rectæ fidei inimica pervenit,
quia, quod dici nefas eſt, Catholi-
ci homines, & c. religioſi, quod eſt de-
terius, filios mancipiaque ſua, vel
alios quos in poteſtate habent, in
Donatiſtarum hæreſi baptizari con-
ſentiunt. Et ideo, ſi verum eſt,
Fraternitas veſtra hoc ſummopere
ſtudeat emendare: quatenus ſinceritas
fidei veſtra ſolicitudine inteme-
rata conſiſtat, & innocentes animæ,
quæ Catholico baptiſmate ſalvari
poterant, d. hæreticorum inſectiōne
non pereant. Quiſquis ergo de his
perſonis, quas ſuperius memoravi-
mus, quemquam ſuorum apud Do-
natiſtas paſſus eſt baptizari, ad Ca-
tholicam eos fidem omni virtute om-
nique inſtantia ſtudeat revocare.
Si quis vero talium de cætero hoc
fieri de ſuis qualibet excuſatione per-
tulerit, a clero ſit modis omnibus
alienus.

NOTÆ AD EPIST. XXXVII.

a Ad Columbum multæ exſtant Epi-
ſtolæ ut docebunt Indices.

b Secundum Jureconſultos *ſatisfactio*
eſt pignoris vel fidejuſſoris exhibitio.
Gall. *Je le croy ſur ſa parole, ſans cau-
tion*. Eadem vox reperitur in ep. Mar-
ciani Alexandrini ad finem: *Ut per o-*

mnia ſatisfactione ſuſcepta. Guſſanv.

c Hoc nomine non Monachos modo
ſed & Clericos, immo quemlibet Chri-
ſtianum Catholicum Gregorii ævo de-
notari probat Johan. Fileſacus Com-
ment. in Commonitor. Vinc. Lirin. p. 12.

Al. XXXVII.

EPISTOLA * XXXVIII.

Ad Anthemium Subdiaconum.

Alexandriam relictam Vincemali commendat.

Gregorius Anthemio Subdiacono.

QUanto viduæ bene viventes vi-
rorum ſunt ſolatio deſtitutæ,
tanto eis enixius Eccleſiaſtica eſt
impendenda tuitio. Atque ideo hujus
tibi præcepti pagina deputamus,
quatenus Alexandria magnificæ ſe-

minæ, relictæ quondam Vincemali,
omni inſtantia, omniſque ſolicitu-
dine, ubi neceſſe fuerit, ſervata ſci-
licet æquitate, tuitiōnem ſeſtines
impendere, atque ejus utilitatibus
ſtudioſe concurrere; nec eam a quo-
quam

quam vexari p̄mittas, aut molestiam
sustinere: sed ita, sicut p̄diximus,
ubi causa poposcerit, ope tuæ so-
licitudinis potiatur, ut nullus se in

afflictione oppressiōneque ipsius te
illic coram posito tentet aliquatenus
occupare.

AN. CHR.
595. 596.
GREG. 6.
667

Al. XXXVII.

E P I S T O L A * XXXIX.

Ad Cyprianum Diaconum.

Reversum a schismate Johannem commendat, cui det annuos octo solidos.

a

Gregorius * Cypriano Diacono.

Johannem religiosum p̄sentium
latorem, qui ex Histricorum
schismate ad sinum sanctæ Ecclesiæ,
Deo revelante, accepta ratione re-
versus est, Dilectionem tuam, æ-
quitate servata habere necesse est in
omnibus commendatum, atque ei in

quibus causa poposcerit, Ecclesia-
sticam tuitionem impendere. Cui
etiam ^b pro stipendiorum suorum
subsidio, ab hac quarta-decima in-
dictiōne, annis singulis ^c tot solidos
dare te volumus, quos tuis per o-
mnia noveris rationibus imputandos.

b

c

N O T Æ A D E P I S T. XXXIX.

a In duobus Teller. Cypriano Sub-
diacono.

b In recent. reluctantibus MSS. Vatic.
Anglic. Norm. &c. pro dispendiorum suo-

rum subsidio.

c In iisdem editis, p̄sentis anni
indict. octo solidos. Sequimur Vatic.
Norm. Reg. Rem.

Al. XXXIX.

E P I S T O L A * XL.

Ad Donum Episcopum.

Georgii, si rectius ille vixerit, sustentationi subveniat.

Gregorius Dono Episcopo Messanenſi.

Georgius p̄sentium portitor de-
gere, ut ait, in civitate vestra
desierans, apud Fraternitatem vestram
nostra se petiit epistola commenda-
ri. Cui quoniam a prava se promi-
sit actione comescere, quod petebat
p̄vidimus non negandum. Et ideo
Sanctitas vestra de anima ejus stu-
deat propter Deum esse sollicita, at-
que eum adhortationibus suis ad viam
Deo placitam revocare, & si, ad-
uvante Domino, ut promisit, ab

omni se pravitate suspendens, vivere
honeste voluerit, Fraternitas vestra
pro mercede sua, ut prospexerit,
ejus sustentationi subveniat, ne for-
sitā ^a ad male agendum excusatio-
nem sibi ex necessitate videatur as-
sumere. Quid autem Fraternitas ve-
stra ex ejus importunitate sit pas-
sura consideret, qui ad vos cum no-
stris epistolis venit, quem nos sine
auctoritate aliqua importunum valde
in prece pertulimus.

a

N O T Æ A D E P I S T. XLI.

a Duplex in illo casu misericordia,
nam & animæ consulitur, & necessi-

tati corporeæ subvenitur. Guffanv.

EPI.

AN. CHR.
595. 596.
GREG. 6.

6673
Al. xl.

E P I S T O L A * XLI.

Ad Rufinum Episcopum.

In Ecclesia Massæ Nicoteranæ Presbyterum ordinandum, qui Episcopi in pœnitentiam deputati vice, baptizet ac celebret Missas.

Gregorius Rufino Episcopo ^a Vivonenfi.

a

b

EX habitatoribus ^b Massæ Nicoteranæ, quorum Episcopus pro quibusdam culpis in pœnitentiam deputatus est, relatione comperimus, nullum illic esse Presbyterum, qui sacra possit Missarum solemnia celebrare, in tantum ut etiam filios suos sine baptismate asserant remansisse. Et quia hac pro causa magnopere petiverunt sibi in eadem Ecclesia, cui Fraternitas vestra operam visitationis impendit, debere Presbyterum ordinari: eapropter

scriptis vos præsentibus adhortamur, ut de clero ejusdem Ecclesiæ requirere debeatis, cujus vita & mores ad hoc possint officium convenire, ad eum illic Presbyterum festinetis, auxiliante Domino, consecrare. Nam valde durum est, ut quousque causa Episcopi eorum subtiliter requiratur, non habeat Ecclesia illa Presbyterum, qui sacrum illic opus valeat celebrare. ^c Mense Julio, Indictione xiv.

c

N O T Æ A D E P I S T. XLI.

^a Ita in omnibus exemplaribus, pro *Vibonenfi*. Est autem Vibo Valentia aliis. Hipponium dicta, aliis Bivona, aliis etiam Bibona, urbs olim Episcopalis Brutiorum in ora sinus Hipponiatis, vulgo *Golfo di S. Eufemia*, nunc castrum Provinciæ Calabriæ ulterioris in regno Neap. non longe a Monte Leonis, quæ urbs illi successit. ^d *Guffanv.* In Norm. Vatic. D. Colb. & plur. legitur tantum *Rufino Episcopo*. In quatuor aliis Va-

tic. exstat, *Episcopo Vivensi*.

^b Nicotera hodieque nomen retinet, Tropeam inter & Vibonem, nunc adhuc Episcopalis in Calabria ulteriore sub Archiep. Regiensi; ejus fit mentio in VII. Syn. act. 1. ex subscriptione Sergii Νικητιῶν Episcopi. *Guffanv.*

^c Hæc temporis nota confirmatur testimonio MSS. Vatic. Colb. ac Turon. S. Gat.

d

Al. lxv.

E P I S T O L A * XLII.

Ad Victorem Episcopum.

Ut in monasterio Presbyterum ordinet.

Gregorius Victori Episcopo Panormitano.

a

URbicus Abbas monasterii S. ^a Hermæ, quod Panormi situm est, a nobis cum congregatione sua magnopere postulavit in eodem monasterio Presbyterum, qui sacra Missarum solemnia celebrare debeat, ordinari: & quia hujusmo-

di non est differenda petitio, Fraternitatem vestram scriptis præsentibus necessario duximus adhortandam, ut cum qui ad hoc ministerium de eadem congregatione electus fuerit, cujus vita, mores, & actio tanto possit ministerio convenire, sine

sine mora, auxiliante Domino, debeat consecrari: quatenus nec ille de monasterio suo hac pro causa egre-

di, nec extraneum sibi ad peragendum sacrum opus cogatur adducere.

AN. CHR.
595. 596.
GREG. 6.

6673

NOTÆ AD EPIST. XLII.

a Monasterium S. Hermetis in Panormitana civitate situm, putant unum fuisse e sex illis a S. Gregorio in Sicilia

fundatis, quia ep. v. l. 4. nunc l. 5. ep. 6. loquens de Urbico Abbate, ait eum monasterii sui Præpositum. Guffanv.

Al. xlii.

EPISTOLA * XLIII.

Ad Venantium Patricium.

Contristatum se de illius & Johannis Episcopi discordia: huic reverentiam exhibeat, causasque suas agant, illæsa caritate.

a

Gregorius a Venantio Patricio Exmonacho.

Johan. Diac.
l. 4. c. 36.

Multum ea quam direxistis jam nos contristatos invenit epistola, quod inter vos & Johannem fratrem & coepiscopum nostrum, de quorum desiderabamus gaudere concordia, scandalum prodiisse cognovimus. Quævis enim causa fuisset, non usque ad hoc debuit furor erumpere, ut armati homines vestri, sicut audivimus, in Episcopium irruerent, & diversa hostili more mala committerent, atque vos hæc res a paterna caritate interim divideret. Numquid non poterat, quælibet contentio fuerit, tranquille disponi, ut nec partium utilitas detrimentum, nec sentiret gratia læsionem? Cujus autem gravitatis, cujus sanctitatis, cujus mansuetudinis supradictus frater noster sit, non habemus incognitum. Ex qua re colligimus, quia nisi vis eum doloris nimia coegisset, ad hanc rem de qua vos contristatos asseritis, ejus Fraternitas nullatenus

pervenisset. Nos tamen ut hoc eo scribente comperimus, illico ei scripsimus, admonentes, ut & b oblationes vestras sicut ante susciperet, & Missas in domo vestra non solum celebrari permetteret, sed si velitis, etiam ipse perageret, causamque suam servata caritate exsequi debuisset. Et quia nullos discordes vel fieri volumus vel manere, eamdem adhortationem iterandam esse prospeximus. Unde necesse est, Carissime Fili, ut & vos sacerdotalem illi reverentiam exhibere, sicut decet filios, debeatis, nec ejus ad iracundiam animos provocetis. Nam cum quo fidam estis gratiam habituri, si vobis, quod absit, cum Sacerdote fuerit discordia? Itaque animorum tumore deposito, sic agere causas quas habetis invicem studete, ut & caritas inter vos intemerata permaneat, & alterutra mansuete procuretur utilitas.

b

NOTÆ AD EPIST. XLIII.

a Vide ep. 34. l. 1. & 59. libri ix. De Venantio fulissime in vita S. Gre-

gorii disseruimus.

AN. CHR.

595. 596.

GREG. 6.

66733
Al. XLIX.

E P I S T O L A XLIV.

Ad Johannem Episcopum.

Hortatur ut Venantio pristinam ostendat benevolentiam.

Gregorius Johanni Episcopo Syracusano.

QUamvis causa fuerit, quæ Fraternitatis vestræ animos ad iracundiam non immerito provocaret, ut nec oblationes domni Venantii voluissetis suscipere, nec in domo ipsius sacra Missarum sinceretis solemnia celebrari: tamen quia ita terrena agi debet utilitas, ut nullum nos iurgium a caritatis valeat connexionem disjungere: proinde Sanctitatem vestram, sicut dudum scripsimus, adhortamur, quatenus & oblationes ante dicti viri omnimodo in dulcedine & Deo placita debeatis sinceritate suscipere, & in domo ipsius Missarum

peragi mysteria permittatis: ut sicut scripsimus, si fortasse voluerit, per vos debeatis accedere, & celebrando apud eum Missas, priorem gratiam reformare. Oportet namque filiis sacerdotalem vos affectum impendere, & in causis, prout ratio suffragatur, jurisdictionem Ecclesiæ vestræ minime præterire. Hoc ergo considerans, necesse est, ut ita se circa eos Fraternitas vestra discreta moderatione exhibere studeat, ut & quod negotii qualitas exigit, salubriter peragat, & a paternæ caritatis gratia non recedat.

E P I S T O L A XLV.

Ad Leontium Episcopum.

Facultatem tribuit Ecclesiam dedicandi. Fundatorum illius donationes confirmat.

Gregorius Leontio Episcopo Ariminensi.

BASILICAM beati Stephani Martyris, quam Fraternitas vestra incendio asserit concrematam, quam etiam nuper ^a instauratam esse commemorat, facultatem tribuimus dedicandi, in qua etiam reliquiarum sanctuaria ejusdem beati Stephani Martyris volumus collocari. Et ideo, Frater Carissime, ad prædictam te Ecclesiam ire ne-

cesse est, & tam Ecclesiæ quam etiam altaris noviter constructi dedicationem solemniter exhibere: ut expectantium de eadem consecratione devotio Domino valeat auxiliante compleri. Quidquid præterea eidem loco a fundatoribus olim concessum est, in ea qua dimissum est voluntate ac firmitate volumus permanere.

N O T Æ A D E P I S T. XLV.

^a Quatuor Vatic. & aliis, *restituatam*.

E P I S T O L A XLVI.

Ad Felicem Episcopum.

A N. CHR.

595. 596.

GREG. 6.

GGG

Cathedram suam e Monasterio faciat amoveri, nec illic Missas publicas denuo peragat.

Gregorius Felici Episcopo ^a Pisaurensi.

Miramur Fraternitatem vestram, ut serie præcepti neglecta, quod ad vos sanctæ memoriæ decessor meus dederat, monasterium a Johanne præsentium portitore constructum, aliter quam antiquæ consuetudinis usus exigit, consecraret. Dum etiam in eodem præcepto inter alia mandatum sit, ut locum ipsum absque Missis publicis dedicaret, & ut ad nos pervenit, Cathedra posita, sacra illic publice Missarum solemnia celebrantur. Quod si verum est, his vos hortamur affatibus, ut omni excusatione cessante, Cathedram vestram exinde amoveri modis omnibus faciatis, nec

denuo illic Missas publicas peragatis. Sed sicut & consuetudo & præcepti tenor eloquitur, si Missas ibidem sibi celebrari voluerint, a te Presbyter dirigatur.

In eodem autem monasterio congregationem servorum Dei, sicut prædictus Johannes & petiit & nunc est, & cum Dei gratia semper volumus permanere. ^b Calicem vero quem sibi a Fraternitate vestra ablatum innotuit, ei, si ita est, restituere festinate. Hæc ergo Sanctitas vestra ita studeat adimplere, ut denuo ad nos prædictus portitor pro hac causa necessitatem remeandi non habeat.

b

N O T Æ A D E P I S T. XLVI.

^a De Pisauo supra l. 5. ep. 28.

^b In Norm. Reg. & nonnullis, cal-

cem vero quam . . . oblatam.

E P I S T O L A XLVII.

Ad Leonem Episcopum.

Reversum ab Histricorum schismate Johannem tueatur, & annuo refoveat subsidio.

Gregorius Leoni Episcopo ^a Fanensi.

Sicut Schismatici in pravo studio perdurantes, objurgandi detestandique sunt, sic ad sinum matris Ecclesiæ redeuntes, consolandi, & nihilominus refovendi. Quia igitur Johannes religiosus præsentium lator, recepta ratione, ad unitatem sanctæ Ecclesiæ ab errore Histricorum Deo miserante conversus est: eapropter Fraternitatem vestram hortari prævidimus, ut eum salva ra-

Tom. VII.

tione, habere debeat in omnibus commendatum, atque suo favore protegere. Cui etiam ne possit post conversionem alicui necessitati succumbere, aliquid de Ecclesia illi prævidimus annis singulis consulendum. Quia ergo vestræ Sanctitati se summopere petiit commendari, providendum vobis pro vestra mercede est, ut sicut diximus, vestris in omnibus solatiis fulciatur.

Ccc

NO.

AN. CHR.

595. 596.

GREG. 6.

1673

NOTÆ AD EPIST. XLVII.

a Fanum seu Fanum fortunæ, vulgo *Fano*, urbs olim Umbriæ, nunc Ducatus Urbinatis, in ora maris Adriatici, Ariminum inter & Seno galliam,

adhuc Episcopalis, immediate subiecta Romano Pont. in cuius dominio est. *Guffanv.*

Al. xlix.

EPISTOLA * XLVIII.

Ad Urbicum Abbatem.

Agathonem in Monasterio suscipiat, si illius uxor similiter converti voluerit.

a

b

Gregorius a Urbico Abbati Monasterii sancti Hermetis, b quod in Panormo situm est.

c
Grat. 27. q.
2. c. 25.

Quisquis divina inspiratione compunctus, relictis seculi hujus actionibus, ad Deum converti festinat, ita & cum caritate suscipiendus est, & blandis per omnia consolationibus refovendus, ut in ea quam elegit, Deo adjuvante, delectetur modis omnibus conversatione persistere. Quia igitur c Agatho præsentium lator in monasterio Dilectionis tuæ converti desiderat: hortamur, ut cum omni cum dulcedine dilectioneque suscipias, atque ad æternam vitam ejus desiderium

assidua adhortatione succendas, & circa animæ ipsius salutem diligenter studeas esse sollicitus; quatenus dum in Dei nostri servitio te admonente, devota mente persistit, & illi profit seculum reliquisse, & tibi ejus conversio proficiat admercedem. Quem tamen ita suscipiendum esse cognosce, si & uxor ipsius similiter converti voluerit. Nam dum unum utrorumque corpus conjugii copulatione sit factum, incongruum est partem converti, & partem in seculo remanere.

NOTÆ AD EPIST. XLVIII.

a De Urbico & monasterio S. Hermetis, supra ep. 41. *Guffanv.*

b In Norm. & plerisque Mss. quæ sequuntur, minime leguntur. In Vat. A. tantum occurrit, quod est in Panhormo constitutum.

c Putat Alteserra Agathonem hunc

fuisse Rom. Pontificem, quod apud Anastasium legatur: *Agatho natione Siculus, ex monachis, sedis &c.* Verum cum Agatho non ante annum 679. in Pontificem fuerit electus, hunc ab illo censemus diversum.

Al. l.

EPISTOLA * XLIX.

Ad Palladium Episcopum.

Mittit reliquias ad dedicationem quatuor altarium in basilica quam Palladius construxerat.

a

b

Gregorius Palladio a Episcopo Santonis b Galliæ.

Veniens lator præsentium Leuparicus Presbyter vester insinuavit nobis Fraternitatem vestram, Ecclesiam in honorem beati Petri

& Pauli Apostolorum, necnon Laurentii atque Pancratii Martyrum construxisse, atque illic tredecim altaria collocasse, ex quibus quatuor

tuor necdum dedicata comperimus remanisse, ob hoc quod suprascriptorum Sanctorum reliquias illic collocare Deo annuente disponitis. Et quia reliquias Sanctorum Petri & Pauli, necnon Laurentii atque Pancratii Martyrum cum veneratio-

ne præbuimus, hortamur ut eas cum reverentia suscipere, & collocare, auxiliante Domino, debeatis: provisuri ante omnia, ut c servientibus ibidem non debeant alimoniarum deesse suffragia d.

AN. CHR.

595. 596.

GREG. 6.

1773

c

d

N O T Æ A D E P I S T. XLIX.

a Fuit decimus Episcopus Santonen-
sis, prosapia nobilis. Hunc Guntchramus
Rex odio habuit atque vexavit, quod
Gundobaldum regnum affectantem urbe
sua palam, & Fredegundis nuntios clam
repto recepisset: de qua re vide Gregor.
Turon. l. 7. historiæ c. 31. & l. 8. c. 2.
7. & 43. De eo etiam agit l. de gloria
Confessorum c. 57. & 60. & l. 4. de mi-
raculis S. Martini c. 8. A. Fortunato l.
1. carm. 3. laudatur ob ædificatam S.
Stephani Ecclesiam. Interfuit Conci-
lio Paris. IV. anno 573. & Matifcon.
II. an. 585. Ejus nomen in Ecclesiæ
fastis legitur.

b Santones seu Mediolanum Santo-
num, vulgo *Saintes*, urbs Episcopalis

Galliæ, sub Archiepisco Burdigalensi
Aquitaniæ II. Metropolitano, Santo-
niæ Provinciæ caput. Restituimus ti-
tulum ex MSS. Colbert. Vatic. Norm.
In vulgaris autem legitur *Episcopo de
Santonibus*.

c In Agathen. can. 36. *Clerici omnes
qui Ecclesiæ fideliter vigilanterque de-
serviunt, stipendia sanctis laboribus de-
bita, secundum servitii sui meritum,
vel ordinationem canonum, a Sacerdoti-
bus consequantur*, id est, ab Episcopo.
Aurea plane verba. *Guss.*

d Gall. *assistance*. Suffragor per trans-
lationem, faveo, auxilior. Suffragium
pro alimonia, & sustentatione, vide
Conc. Tolet. III. cap. 3.

AN. 12.

E P I S T O L A * L.

Ad Brunichildem Reginam.

*Reliquias mittit, quas postulabat. Hortatur ut eorum qui his
deservient, quieti prospiciat.*

Gregorius Brunichildæ Reginæ Francorum.

E Pistolarum vestrarum series, quæ
religiosum animum, & piæ
mentis studium continebat, non so-
lum voluntatis vestræ fecit nos lau-
dare propositum, sed etiam liben-
ter invitavit postulata concedere. Nec
enim nos negare docuit, quod Chri-
stiana devotio, & recti cordis desi-
derium flagitabat: præsertim dum
illa postulari, & tota amplecti men-
te cognovimus, quæ & credentium
fidem valde protegere, & animarum
salutem operari nihilominus pote-
runt ac fervare. Atque ideo con-
gruo honore vestram Excellentiam
salutantes, indicamus latori præsen-
tium Leuparico, quem vos esse pres-

byterum scripsistis, per quem elo-
quia vestrarum suscepimus litterarum,
a reliquias nos beatorum Apostolo-
rum Petri & Pauli, juxta Excel-
lentiæ vestræ petitionem, cum ea
veneratione qua dignum est præbuis-
se. Sed ut in vobis magis magisque
laudabilis & religiosa possit cla-
rere devotio, providendum vobis
est, ut Sanctorum beneficia cum re-
verentia & debito honore condan-
tur, & b servientes ibidem nul-
lis oneribus nullisque molestiis af-
fligantur: ne forsitan necessitate ex-
terius imminente, in Dei servitio
inutiles segnesque reddantur, & in-
juriam, quod absit, neglectumque

a

b

AN. CHR.
595. 596.
GREG. 6.
6673

beneficia Sanctorum collata sustineant. Quietis ergo eorum Excellentia vestra prospiciat; quatenus dum vestro beneficio liberi ab omni fue-

rint inquietudine custoditi; & illi Deo nostro secunda mente laudes exsolvant, & vobis in æterna vita merces accrescat.

N O T Æ A D E P I S T O L A

a Greg. Pontificatu vix audebant Latini Sanctorum corpora contingere, aut e tumultis levare. Reliquias Sanctorum appellat passim Greg. Tur. velum sepulcri alicujus Sancti, aut pallium ejusdem tumulo impositum, ceram aut oleum ex lampadibus & cereis qui ibi ardere solebant: item pulverem exinde collectum, herbulas aut flores ibi appositos, aliaque ejusmodi. Lib. 2. Dialog. c. 38. *In ipsis quoque*

patrociniis Martyrum sic esse sentimus, ut non tanta per corpora sua, quanta beneficia per reliquias ostendant. Maur. Vide notam ad ep. 30. l. 4. E. V.

b Juge servitium causam dedit immunitatibus Clericorum: fucos ignavum pecus illis gaudere dolendum est. *Guffanv.*

c In Reg. quem sequuntur recent. ed. collocata. In Vatic. B. collecta. Sequimur Corb. Norm. tres Vatic. &c.

^a
Al. lvi
Indict. xlii.

E P I S T O L A * LI.

Ad Fratres in Angliam euntes.

Hortatur Augustini socios ut ceptum in Angliam peragant iter. Augustino quem illis Abbatem constituit, obediant.

Gregorius servus servorum Dei, fervis Domini nostri Jesu Christi.

Joh. Diac.
lib. 2. c. 34.

Q Uia melius fuerat bona non incipere, quam ab his quæ cœpta sunt, cogitatione retrorsum redire; summo studio, Dilectissimi Filii, oportet, ut opus bonum, quod auxiliante Domino cœpistis, impleatis. Nec ergo vos labor itineris, nec maledicorum hominum linguæ deterreant: sed omni instantia omni que fervore quæ incoastis, Deo auctore, peragite: scientes quod laborem magnum æternæ retributionis gloria sequitur. Remaneant autem Augustino præposito vestro, quem & Abbatem vobis constituimus, in omnibus humiliter obedite. Scientes hoc vestris a-

nimabus per omnia profuturum, quidquid in vobis fuerit in ejus admonitione completum. Omnipotens Deus sua vos gratia protegat, & vestri laboris fructum in æterna me patria videre concedat. Quatenus & si vobiscum laborare nequeo, simul in gaudio retributionis inveniar, quia laborare scilicet volo. Deus vos incolumes custodiat, Dilectissimi Filii. Data die decima Kalendarum Augustarum, imperante Domino nostro Mauricio Tiberio piissimo Augusto, anno decimo quarto, post consulatum ejusdem Domini nostri anno decimo tertio, Indictione XIV.

N O T Æ A D E P I S T O L A LI.

a Hanc & sequentes septem ep. eodem fere tempore datas inde constat quod in singulis Augustinus legitur *præsentium lator aut portitor*. Tempus quo redditæ sunt nascitur ex itineris serie. Illam exhibet Cointius Annal. Eccles. an. 596. & 597. non tamen au-

diendus ubi p. 443. Augustinum Turonensem diocesim adiisse negat. Iter Augustini fuit Roma Lerinum, Lerino Massiliam, Aquas, Arelatem, Viennam, Lugdunum, Augustodunum: inde ad Reges Theodericum Burgundiæ, ac Theodebertum Austræ. Theodebertus Mettis se-

sedebat, Cabilloni Theodericus. Etsi nullam habemus pro Augustino epistolam Gregorii ad Clotharium Neustriæ Regem, Augustinum tamen ab ipso Rege Clotario benignissime exceptum & adjutum liquet ex ep. 61. l. xi. Salutatis Regibus, cum ad mare pergeret trajecturus in Angliam, certe Pelagium Turon. potuit invisere: Deinde Pontem Sai), *pontem cæsaris*; vulgo

le pont de Ce) in Andegavensi Provincia super Ligerim fluvium transit, ut in ejus vita scribit Gotselinus. Cæterum etsi hæc ad Augustinum epistola in Registro epistolarum S. Gregorii minime reperiatur, eam tamen exhibent Beda lib. 1. historiæ Eccl. gentis Anglic. c. 23. & Johan. Diac. lib. 2. vitæ c. 34. *Maur.* De his epist. vide Pagium ad ann. 596. n. 4. E. V.

AN. CHR.

595. 596.

GREG. 6.

3773

E P I S T O L A LII.

Ad Pelagium & Serenum Episcopos:

*Commendat Augustinum in Angliam euntem cum sociis, &
Candidum Rectorem patrimonii.*

a
b

Gregorius ^a Pelagio de Turnis, & ^b Sereno de Massilia, Episcopis
Galliarum a paribus.

Licet apud Sacerdotes habentes Deo placitam caritatem, religiosi viri nullius commendationis indigeant: quia tamen apud se scribendi tempus ingessit, Fraternitati vestræ nostra mittere scripta curavimus: insinuantem latorem præsentimus, Augustinum servum Dei, de cujus certi sumus studio, cum aliis servis Dei illuc nos pro utilitate animarum, auxiliante Domino, direxisse. Quem necesse est ut sacerdotali studio Sanctitas vestra adjuvare, & sua ei solatia præ-

bere festinet. Cui etiam ut promptiores ad suffragandum possitis exsistere, causam vobis injunximus subtiliter indicare, scientes quod ea cognita, tota vos propter Deum devotione ad solatiandum, quia res exigit, commodetis.

Candidum præterea Presbyterum communem filium, quem ad gubernationem patrimonii Ecclesiæ nostræ transmisimus, caritati vestræ in omnibus commendamus. ^c Data die x. Kalend. Aug. Indictione xiv.

N O T Æ A D E P I S T. LII.

^a Non conveniunt MSS. codd. in epistolæ hujus inscriptione. In duobus Teller. In Rem. Vatic. D. & apud Bedam mendose legitur, *Atherio Arelat. Archiep.* cum Ætherius esset Episc. Lugdunensis. In tribus Vatic. in omnibus Norm. & Reg. ad Pelagium tantum & ad Serenum scripta est. In Colbert. pro *Turnis* habes *Turonis*. Quid significet *a paribus*, jam dictum ad ep. 25. lib. 1.

^b Serenus Theodoro successerat in Ecclesia Massiliensi. Cæterum hoc eodem exemplo missa est etiam ad Ætherium Lugdunensem epistola quam refert Beda lib. 1. c. 24. *Reverentissimo*

fratri Etherio Coepiscopo Gregorius servus servorum Dei. Licet apud Sacerdotes &c. Deus te incolumem custodiat Reverentissime frater. *Data die x. Kalend. August. Imperante D. N. Mauritio Tiberio piissimo Augusto ann. xiv. post Consulatum ejusdem D. N. an. xiii. Indict. xiv.* Ubi tamen fallitur Bedam Etherium Arelatensem Episcopum fuisse putat, & post ipsum Aimoinus. Melius Greg. Turon. l. 10. c. 8. & Fredegarius in Chronico c. 22. Etherium Lugdunensem Episcopum agnoscunt. *Maur.* Vide hanc controversiam apud Pagium loco citato. E. V.

^c Ita præter Bedam Tell. & Vatic. D.

AN. CHR.

595. 596.

GREG. 6.

363

E P I S T O L A LIII.

Ad Virgilium Episcopum.

Commendat Augustinum ac simul Candidum Presbyterum ; monetque ut huic patrimonii pensiones restituat, quas collegerat ipsius decessor.

Gregorius Virgilio Episcopo Arelatenſi Metropolitā.

QUAMVIS Fraternitatem vestram bonis esse intentam operibus, & sponte se exhibere in causis Deo placitis confidamus : verumtamen utile esse fraterna vos alloquacitate credimus ; ut solatia, quæ vos ultro decet impendere, nostris quoque provocati epistolis augeatis. Atque ideo indicamus Sanctitati vestræ, Augustinum servum Dei præsentium portitorem, cujus zelus & studium bene est nobis cognitum, cum aliis servis Dei, pro animarum nos illuc compendio transmisisse, sicut ipse vobis coram positus poterit indicare. In qua re oratione vos eum & auxiliis adjuvare necesse est, atque ubi opus exegerit, solationum vestrorum ei præbere suffragia, & paterna ac sacerdotali illum consolatione, sicut convenit, refovere : quatenus dum Sanctitatis vestræ fuerit solamina consecutus, si quid Deo nostro lucrifacere, sicut optamus,

valuerit, & vos possitis pariter mercedem acquirere, qui ad bona opera suffragii vestri devote copiam ministratis.

Candidum autem Presbyterum, communem filium, & patrimonium Ecclesiæ nostræ Fraternitas vestra, quippe ut unanimis nobis, studeat habere commendatum, ut aliquid inde pauperum alimoniis Sanctitate vestra valeat adjuvante proficere. Quia igitur patrimonium ipsum per annos plurimos prædecessor vester tenuit, & collectas apud se pensiones servavit : Fraternitas vestra cujus sint res, vel quibus erogentur consideret, atque eas animæ suæ respectu superscripto filio nostro Candido Presbytero nobis restituat dirigendas. Nam valde est execrabile, ut quod ^a a Regibus gentium servatum est, ab Episcopis dicatur ablatum.

N O T Æ A D E P I S T. LIII.

^a Per Reges gentium intelligit haud dubie Reges Gothorum qui Galliam

Narbonensem & Aquitaniam diu occuparunt.

E P I S T O L A LIV.

Ad Desiderium & Syagrium Episcopos.

Augustinum & Candidum commendat.

Gregorius ^a Desiderio ^b Viennensi, ^c & Syagrio ^d Augustodunensi, Episcopis Galliæ a paribus.

DE Fraternitatis vestræ sincera caritate bene confidimus, ^e quod amore beati Petri Apostolorum Principis hominibus nostris ve-

stra devote solatia commodetis ; præsertim dum causæ qualitas exigit ubi etiam sponte concurrere, & laborare magis optetis. Indicamus itaque San-

a
b
c
d
e

Sanctitati vestræ, nos Augustinum servum Dei præsentium portitorem, cujus zelus & studium bene nobis est cognitum, cum aliis servis Dei pro animarum illuc causa, disponente Domino, direxisse: cujus relatione quid sibi injunctum sit, subtiliter agnoscens, Fraternitas vestra ei modis omnibus in quibus causa poposcerit, impendat solatia; ut boni operis adjutores, sicut decet &

convenit, possitis existerè. Ita ergo Fraternitas vestra in hac re se devotam studeat demonstrare, ut bona quæ de vobis opinione narrante didicimus, vera esse opere comprobemus. Dilectissimum vero communem filium Candidum Presbyterum, cui patrimonium Ecclesiæ nostræ commisimus in illis partibus constitutum, vobis per omnia commendamus.

A. N. CHR.
595. 596.
GREG. 6.

16756

NOTÆ AD EPIST. LIV.

a Fuit vigesimus octavus Viennensis Episcopus, qui zelo Episcopali cum Brunichildis depravatos mores reprehenderet, ab ea primum in exilium pulsus est, tum in concilio Cabilonensi, præsidente Arigio Lugdunensi Episcopo, Reginæ consiliorum particeps, anno 603. Episcopali gradu privatus, & post aliquot annos lapidibus obrutus. Rem fule narrat Ado Viennensis in litteris ad Ecclesiam Viennensem. Videndus etiam Fredegarius Scholasticus, chronicon Besnente, & vita sancti Columbani. *Guffanv.*

b Vienna urbs Galliarum celeberrima, de qua ita Eusebius l. v. hist. Eccl. c. 1. in hac (Gallia) duæ cæteris insignes præstantesque urbium matres celebrantur, Lugdunum ac Vienna, quarum utramque permeat Rhodanus. Postea Martyrum in his urbibus passorum acta subjicit, unde præcipua Ecclesiarum illarum dignitas. In auctoritate Ecclesiastica Ecclesiæ Arelatensis aliquandiu æmula fuit: nunc sex tantum sedibus Episcopalibus præest.

c Ex cive Augustodunensi factus est Episcopus, vir summarum virtutum. Ipsi scribit Fortunatus l. 5. nu. 5. Domino sancto & apostolicæ Sedis dignissimo Syagrio Papæ. Ab Adone Viennensi in chronico, vir summæ sanctitatis, & in Concilio Metensi can. 5. sanctus appellatur. Subscripsit Concilio Lugdunensi II. ann. 567. Paris. IV. ann. 573. Matiscon. I. 580. Lugdunensi III. 583. Matiscon. II. 585. Interfuit celebrationi baptismi Clotharii junio-

ris Francorum Regis, ex Gregorio Turonensi l. 10. c. 28. anno 591. Obiit ann. 600. Nam anno sequenti sanctus Gregorius pluribus Episcopis Galliarum, epistolas ad extirpandam simoniacam hæresim direxit, nullam autem ad Syagrium: & in epistolis ad Senatorem, Luponem & Thalassium, Syagrium jam vita functum insinuat, cum eum *re-verendæ memoriæ* appellat. Cæterum male a quibusdam dicitur frater Brunichildis, & nullo fundamento. *Guff.*
d Augustodunum, aliis Augustodunum, Augustidunum, vulgo *Autun*. Galliæ non ignota civitas in ducatu Burgundiæ, adhuc Episcopalis sub Archiepiscopo Lugdunensi. Ædui olim dicebantur populi, quorum erat primaria. Huic Syagrio ad postulationem reginæ Brunichildis Pallium concessit sanctus Gregorius, ut patet ex ep. 5. l. 7. Indict. 1. nunc l. 1x. undecima. *Guffanv.*

e S. Petri nomine aliquando intelligenda Ecclesia Romana, sancti Petri Sedes. Hinc minus caute legentibus antiqua Ecclesiæ monumenta, data est hallucinandi occasio. Quippe cum legerent prædicatores a S. Petro in Gallias, Hispanias, aliasque Provincias missos, continuo asseruerunt, ipsis apostolicis temporibus, Evangelium his in locis a S. Petri discipulis promulgatum: cum debuissent intelligere per S. Petrum, ejus successores Romanamque Sedem, a qua in omnes occidentales Provincias fides propagata. De his Quesnelius in notis ad S. Leonem tomo 2. pag. 887.

E P I S T O L A LV.

Ad Protasium Episcopum.

Ut Virgilium Arelatensem de pensionibus Romam mittendis urgeat, & Candidum habeat commendatum.

Gregorius Protasio ^a Episcopo de Aquis ^b Galliæ.

a
b

QUANTUS in vobis beati Petri Apostolorum principis amor excellat, non solum officii vestri prærogativa, sed etiam devotio, quam circa utilitates Ecclesiæ ipsius geritis, patefecit. Quæ quia Augustino servo Dei præsentium latore cognovimus referente, de affectu & veritatis studio quod in vobis est, valde gaudemus, & gratias agimus: quia etsi corpore absentes, mente tamen & animo nobiscum vos esse monstratis: quippe erga quos caritatem fraternam, ut convenit, exhibetis. Ut igitur bona, quæ de vobis prædicavit opinio, rerum possit veritas confirmare, Virgilio fratri & coepiscopo nostro dicite, ut pensiones quas prædecessor ejus per annos plurimos de patrimoniolo nostro percepit, & apud se retinuit, ad nos, quia pau-

Supr. ep. 53.

perum res sunt, studeat destinare. Qui si forte aliquo se modo, quod non credimus, excusare voluerit; vos qui veritatem ipsam subtilius nostis, revera qui in Ecclesia ipsa tunc temporis curam Vicedomini ^c gerebatis, qualiter se habeat causa differite, & ne res sancti Petri & pauperum ejus apud se retinere debeat, imminete. Sed etsi fortasse hominibus necessarium fuerit, vestrum in causa testimonium non negate; ut tam pro veritate quam pro voluntatis vestræ devotione beatus Petrus Apostolus, cujus amore hæc facitis, sua vobis & hic & in futura vita intercessione respondeat. Candidum Presbyterum communem filium, cui patrimoniolum ipsum commisimus, Sanctitati vestræ magnopere commendamus.

N O T Æ A D E P I S T. LV.

^a Ex Vicedomino Ecclesiæ Arelatensis factus est decimus Episcopus Aquensis. *Guffanv.* In Corb. Anglic. & Norm. habetur *Protagio*.

^b Aquæ sextiæ, vulgo *Aix en Provence*, urbs Provinciæ Gallicæ clara, veterrima Provinciæ Narbonensis II. metropolis, hodieque Sede gaudet Ar-

chiepiscopali. *Guffanv.* In Norm. & plur. desideratur, *de Aquis*, est in Col. Vat. &c.

^c Sub Sapaudo Arelatensi. Ecclesiastici Vicedomini cura in eo maxime posita fuit, ut res Ecclesiæ aut Episcopi temporales administraret ac tueretur. Vide l. II. ep. 71.

E P I S T O L A LVI.

Ad Stephanum Abbatem.

Laudat de ordine Congregationis, quem ut servet solícite, hortatur. Gratias agit de cochlearibus ac circulis.

Gregorius Stephano ^a Abbati.

a
b

LÆTOS nos relatio Augustini ^b servi Dei præsentium portitoris

effecit, quod Dilectionem tuam, ut oportet, vigilantem esse narravit; deni-

denique & Presbyteros & Diaconos, cunctamque Congregationem unanimes vivere, ac concordēs affirmat. Et quoniam præpositorum bonitas subiectorum salubris est regula, omnipotentem Dominum deprecamur, ut in bonis te semper operibus gratia suæ pietatis accendat, & commissos tibi ab omni diabolicæ fraudis tentatione custodiat, & tecum in caritate, & placita sibi vivere conversatione concedat.

Quia vero humani generis inimicus insidiari nostris actibus non quiescit, sed assidua calliditate hoc nititur, ut Deo servientes animas in qualibet parte decipiat: ideo, Di-

lectissime Fili, hortamur ut sollicitudinem tuam vigilanter exerceas, & ita commissos tibi oratione & cura providenti custodias, ut lupus circumiens, nullam dilaniandi occasionem inveniat: quatenus dum Deo nostro incolumes quorum suscepisti curam, reddideris, & præmia labori tuo gratia sua rependat, & tibi æternæ vitæ desideria multiplicet.

Cochleares vero & circulos quos direxisti, suscepimus, & Caritati tuæ gratias agimus: quia qualiter pauperes diligas ostendisti, qui ad usus eorum, quæ sunt necessaria, transmisisti.

A. N. C. H. R.
595. 596.
GREG. 6.



c

NOTÆ AD EPIST. LVI.

a In Colb. *Abbati de Monasterio quod est Lirino*. In duobus Vat. & in aliis legitur, *de Monasterio*, vel *de monte Quirilino*. Forte per transpositionem pro *qui* vel *quod Lirino*. In Corb. vero Norm. & plerisque tantum legitur, *Stephano Abbati*. Fallitur autem haud dubie Guffanvillæus, cum negat intelligendum hic Monasterium Lirin. *quod nullus*, inquit, *tunc legatur Stephanus in Chronologia sanctorum Lirinenfium auctore Barrali Salernitano, aut alibi*. Lirin. Abbatum catalogum alibi frustra quæres. Porro non omnes Monasterii Lirin. Abbates complectitur Vicentii Barralis Chronologia. Sanctos, ut ipse ait pag. 186. & post ipsum Guffanv. & proceres laudat. Nullum habet ab anno 490. ad anno 579. quo floruit Marinus. Hic Chrononem subijcit, ad quem scribit Gregorius infra l. xi. ep. 12. Numquid eo Stephanum tacet quod in illo fuerit eximium nihil? Certe Stephani Abbatis quem ad vigilantiam & sollicitudinem hoc loco excitat, incautam remissionem perstringit in laudata mox epist. ad Cononem Abbatem Lirinensem Stephani successorem. Abbates non plus duodecim recenset Barralis, ab anno circiter 400.

ad decimi seculi finem, quos Sanctorum fastis adscripsit Ecclesia. De aliis absque dubio pluribus, ne verbum quidem, si duos excipias aliunde celebres, scilicet Faustum Rhegiensem Episcopum, & Leotmundum Caroli Mag. filium. Stephanum ipsum Abbatibus Lirinenfibus accenset Galliæ Christianæ fusioris index. Vide Mabillon. *Annal. Bened.* pag. 241.

b Stephanum Abbatem Lirin. Protalium Aquisensem Episcopum, & Arigium Massil. Provinciæ Rectorem, jam in prima profectone adierat Augustinus. Ex Aquisensi diocesi, sociis spe prorsus & animo cadentibus, Romam reversus, Stephani vigilantiam, Arigii bonitatem, mansuetudinem, caritatem; Protalii amorem erga beatum Petrum apud S. Gregorium laudaverat, ut patet ex epistolis ad singulos per Augustinum ipsum ad Gallias redeuntem missis.

c Scutellas, in quibus pultes apponuntur, ob formam rotundam circulos appellat. Vocem hanc Gallice reddit Guffanvil. *des Porte-affietes, des Colliers de Maures*. At circuli de quibus hic Gregorius, erant ad usus pauperum.

AN. CHR.
595. 596.
GREG. 6.

E P I S T O L A LVII.

Ad Arigium Patricium.

Commendat Augustinum, ejusque socios, & Candidum.

Gregorius Arigio Patricio Galliæ.

QUanta in vobis bonitas, quantaque mansuetudo cum Christo placita caritate ^a resplendeat, latore præsentium Augustino servo Dei referente comperimus: atque omnipotenti Deo gratias agimus, qui hæc in vobis pietatis suæ dona concessit, per quæ inter homines valde laudabiles, & ante conspectum ipsius, quod est veraciter utile, gloriosi positis existere. Oramus ergo omnipotentem Dominum, ut hæc in vobis quæ concessit dona multiplicet, & sua vos cum omnibus vestris protectione custodiat, & ita actionem Gloriæ vestræ in hoc seculo disponat, ut & hic vobis & in futura, quod magis optandum est, vita pro-

ficiat. Salutantes itaque Gloriam vestram paterna dulcedine petimus, ut lator præsentium, & servi Dei qui cum eo sunt, vestra in quibus necesse fuerit, solatia consequantur: quatenus dum vestrum favorem invenerit, injuncta sibi, melius, adjuvante Domino, valeant adimplere.

Prætera filium nostrum Candidum Presbyterum, quem ad gubernationem patrimonii Ecclesiæ nostræ; quod illic est, transmisimus, vobis per omnia commendamus; confidentes a Deo nostro vos mercedis vicem recipere, si rebus pauperum solatia sua, Gloria vestra devota mente præstiterit.

NOTÆ AD EPIST. LVII.

^a In Corb. & Norm. respondeat.

E P I S T O L A LVIII.

Ad Theodericum & Theodebertum.

Augustinum, cui injunxit ut aliquos secum e vicino Presbyteros ducat in Angliam, commendat, & Candidum Ecclesiastici Rectorem patrimonii.

^a Gregorius Theoderico & Theodeberto ^a fratribus, Regibus Francorum a paribus.

POSTquam Deus omnipotens regnum vestrum fidei rectitudine decoravit, & integritate Christianæ religionis inter gentes alias fecit esse conspicuum; magnam de vobis materiam præsumendi concepimus, quod subiectos vestros, ad eam converti fidem per omnia cupiatis, in qua eorum nempe Reges estis &

domni. Atque ideo pervenit ad nos Anglorum gentem ad fidem Christianam Deo miserante desideranter velle converti, sed ^b Sacerdotes e vicino negligere, & desideria eorum cessare sua adhortatione succendere. Ob hoc igitur Augustinum servum Dei præsentium portitorem, cujus zelus & studium bene nobis est cognitum, cum

cum alijs servis Dei illuc prævidimus dirigendum. Quibus etiam injunximus, ut aliquos secum e vicino debeant Presbyteros ducere, cum quibus eorum possint mentes agnoscere, & voluntates admonitione sua, quantum Deus donaverit, adjuvare. In qua re ut efficaces valeant atque idonei apparere, Excellentiam vestram paterna salutantes caritate quaesumus ut hi quos direximus, favoris vestri invenire gratiam mereantur. Et quia animarum causa est, vestra eos potestas tueatur & adjuvet; ut Deus omnipotens qui vos in causa

sua devota mentē & toto studio solatiari cognoscit, causas vestras sua propitiatione disponat, & post terrenam potestatem ad cœlestia vos regna perducatur.

Præterea dilectissimum filium nostrum Candidum Presbyterum, & patrimonium Ecclesiæ nostræ, quod in illis partibus est constitutum, ut commendatum Excellentia vestra habere debeat postulamus, quatenus beatus Petrus Apostolorum Princeps sua vobis intercessione respondeat, qui mercedis intuitu, tuitionem in rebus pauperum ejus impenditis.

AN. CHR.

595. 596.

GREG. 6.



C

NOTÆ AD EPIST. LVIII.

a Theodoricum Theodeberto majori fratri & hic & semper alias collector epistolarum Gregorii præposuit, servato ordine temporis quo reddendæ erant litteræ. Roma enim venientibus ante Theodebertum Austrasiorum Regem Theodoricus Rex Burgundiæ erat adeundus: prius Cabillonum Theodo-

rici Regia quam Mettis Theodeberti sedes eis occurrebat, ut observavit Hadr. Valesius rerum Francicarum l. xvi. *Guffano*.

b Prius legebatur, *Sacerdotes vestros*. At ultima vox in Norm. Vatic. aliisque non legitur.

c Editi, *sua protectione*.

EPISTOLA LIX.

Ad Brunichildem Francorum Reginam.

Ut Augustino in Angliam eunti, & Candido Rectori patrimonii tuitionem & auxilium impendat.

Gregorius Brunichildæ Reginæ Francorum.

EXcellentia vestra Christianitas ita nobis veraciter olim innotuit, ut de bonitate ejus nullatenus dubitemus; sed magis certum modis omnibus teneamus, quia in causa fidei devote & studiose concurrat, & religiosæ sinceritatis suæ solatia copiosissime subministret. Ex qua re bene confidentes, paterna caritate salutantes indicamus ad nos pervenisse, Anglorum gentem, Deo annuente, velle fieri Christianam; sed Sacerdotes, qui in vicino sunt, pastorem erga eos sollicitudinem non habere. Quorum ne animæ in æterna damnatione valeant deperire, curæ nobis fuit præsentium

portitorem Augustinum servum Dei, cujus zelus & studium bene nobis est cognitum, cum alijs servis Dei illuc dirigere; ut per eos potuissemus ipsorum voluntates addiscere, & eorum conversione, vobis quoque annitentibus, in quantum est possibile, cogitare. Quibus etiam injunximus ut ad agenda hæc e vicino secum debeant Presbyteros ducere. Excellentia ergo vestra, quæ prona in bonis consuevit esse operibus, tam pro nostra petitione, quam etiam divini timoris consideratione, eum dignetur in omnibus habere commendatum, atque ei tuitionis suæ gratiam vehementer impendat, &

Ddd 2

la

AN. CHR.
595. 596.
GREG. 6.

163

labori ejus patrocinii sui ferat auxilium: & ut plenissime possit habere mercedem, ad superscriptam Anglorum gentem suatuitione securum ire provideat: quatenus Deus nolter qui in hoc seculo vos bonis sibi placitis decoravit, hic & in æterna requie cum suis vos San-

ctis faciat gratulari.

Præterea dilectum filium nostrum Candidum Presbyterum, & patri-
monium Ecclesiæ nostræ, quod illic constitutum est, vestræ Christianitati commendantes, petimus ut tuitionis vestræ gratiam in omnibus consequatur.

E P I S T O L A LX.

Ad Eulogium Episcopum.

speciali caritatis vinculo ambos ipsos constringi observat: hinc dolenti congemiscit: ac ne illius dolorem augeat, reticet mala quæ a Langobardis patitur. Miratur quod epistole adversus Johannis Constantinopolitani superbiam non respondit. Mutua mittit munera.

Gregorius Eulogio Episcopo Alexandrino.

Mater & custos bonorum omnium caritas, quæ multorum corda uniendo constringit, absentem non æstimat eum, quem oculis mentis habet præsentem. In hujus ergo radice cum, Frater Carissime, teneamur, nihil sibi in nobis corporalis absentia, nihil poterit regionum vendicare longinquitas, quippe quia scilicet longe a nobis non sumus qui unum sumus. Hanc autem esse nobis cum cæteris fratribus communem semper optamus. Est tamen aliquid quod nos erga Alexandrinam Ecclesiam quadam peculiaritate constringit, & in ejus amore proniores exsistere speciali quodammodo lege compellit. Nam sicut omnibus liquet quod beatus Evangelista ^a Marcus a sancto Petro Apostolo magistro suo Alexandriam sit transmissus, sic hujus nos magistri & discipuli unitate constringimur, ut & ego Sedi discipuli præfidere videar propter magistrum, & vos Sedi magistri propter discipulum.

Ad hanc autem unitatem cordium etiam vestræ Sanctitatis meritis ligamur, quos auctoris sui salubriter sequi instituta cognoscimus, & semper ad magistri sui gremium, ^b unde

illic prædicatio salutis exorta est, tota se conferre devotione sentimus. Atque ideo Sanctitatis vestræ susceptis apicibus, quantum cor nostrum de fraterna visitatione gavissimum est, tantum de indictis quæ significastis oneribus, tristitia premitur, & fraterna compassione vobiscum gemimus quod doletis. ^c Sed quia diversa se tendit ubique concussio, in communi necessitate minus est de propria dolendum, sed studendum magis est ut patienter tolerando vincamus, quod omnino devitare non possumus.

Quanta autem nos a Langobardorum gladiis in quotidiana nostrorum civium deprædatione vel detruncatione atque interitu patimur, narrare recusamus: ne dum dolores nostros loquimur, ex compassione quam nobis impenditis, vestros augeamus.

Præterea ante aliquantum temporis communi filio Sabino Diacono responsa Ecclesiæ in urbe regia facienti, scripta nostra transmissimus ^d quæ vestræ Fraternitati dirigere debuisset. Quæ si suscepistis, miramur cur nobis ad ea minime respondistis. Et ideo quia cavendum est ne cujuslibet superbia scandalum Ecclesiis introducat, necesse est ut eadem scripta sub-

ti.

tiliter relegendes, omni studio & tota intentione quæ ad honorem vestrum & pacem Ecclesiæ pertinent, conservetis.

Omnipotens autem Deus, qui pietatis suæ gratia sacerdotalem vobis animum & caritatem contulit, in suo vos servitio protegat, atque ab omni adversitate interius exteriusque custodiat, & converti ad se errantium animas vestra propitius prædicatione concedat.

Latorum autem præsentium Isidororum Diaconum communem filium cum ea qua oportuit caritate susce-

pimus, ^e benedictionem nobis sancti Marci Evangelistæ deferentem. Et vos quidem bonæ vitæ merito resplendentes, ea quæ paradiso vicina sunt benevolentia nobis ligna transmisistis. Nos vero quia videlicet peccatores sumus, ab Occidente vobis ligna transmisimus, quæ construendis apta navibus, nostræ mentis tumultum signantia, in marinis semper fluctibus agitantur; & quidem transmittere majora volumus, ^f sed hæc navis angusta non recepit. Mense Augusto, Indictione XIV.

AN. CHR.
595. 596.
GREG. 6.


e

f

N O T Æ A D E P I S T. LX.

^a Hinc Apostolica nominatur Sedes, ut supra notavimus ep. 37. l. 4. nunc l. 5. 39. *Guffanv.*

^b Recent. unde illi prædicatione.

^c Ed. in diversa. Expunximus in, suadentibus MSS.

^d Significat epistolam 43. l. v. ubi de Johannis Constantinop. superbia conqueritur. His autem scriptis non

responderat Eulogius, vel quia vocem œcumenici benignius interpretabatur, vel quia tutius arbitrabatur ab illis contentione abstinere.

^e Ab Episcopo Ecclesiæ sancti Marci. *Guffanv.*

^f Ita cum omnibus Vatic. Norm. &c. veteres ed. ubi recent. habent. *navis angustia.*

E P I S T O L A * LXI.

Ad Castorium Notarium.

Quod in pallii usu olim servatum juraverint Ravennates viri graves ac fideles, id Ravenna servandum.

Gregorius Castorio Notario.

Vir magnificus, domnus Andreas, crebro mihi imminet de usu pallii secundum antiquam consuetudinem in Ravennati Ecclesia restituyendo. Et scis quia Johannes Episcopus mihi scripserit, quod in Litaniis solemnibus consuetudo fuit ejusdem Ecclesiæ, Episcopos uti pallio. Hujus Ecclesiæ Diaconus Adeodatus, cum me pro eadem causa fortiter rogaret, jurejurando satisfecit, quia quater in anno uti in Litaniis pallio ejusdem loci Episcopi solebant. Prædictus autem domnus Andreas in epistolis suis dicit, quia

præter Quadragesimam, omni tempore Ravennas Episcopus in Litaniis pallio utebatur. Et ipsas asserit Litanias solemnes, quas non erubescit dicere quotidianas. Unde omnino miratus sum. Sed tua Experientia nullius personam, nullius verba consideret; solum Dei timorem, & rectitudinem ante oculos habeat, & seniores personas, & ejusdem Ecclesiæ Archidiaconum, quem non suspicor pro alterius honore perjurare, & alios antiquiores, qui in sacris ordinibus ante Johannis Episcopi tempora fuerant, requirat, vel

*Joh. Diac.
lib. 4. c. 6.*

AN. CHR.
595. 596.
GREG. 6.
2673

vel si qui maturiores sunt extra sacros ordines; & veniant ante corpus sancti Apollinaris, & tacto ejus sepulcro jurent, quæ consuetudo ante Johannis Episcopi tempora fuerit: quia sicut scis, idem vir multum præsumtor exstitit, & multa sibi per superbiam conabatur arrogare. Et quidquid a fidelibus viris & gravibus juratum fuerit, secundum indiculum qui subter annexus est, hoc volumus in eadem Ecclesia conservari. Sed vide ne negligenter agas, ne quis fidem tuam aut devotionem tuam in hac causa corrumpat: zelum enim tuum scio. Age solícite, ita tamen ut prædicta Ecclesia contra justitiam non gravetur: sed usus qui ante Johannis Episcopi tempora exstitit, ei conservetur. Personas autem non duas, vel tres ad satisfaciendum tibi, sed quantas antiquiores & graviores inveneris require: ut neque quod usus fuit antiquior eidem Ecclesiæ

denegemus, neque quod novo ausu appetitum est, concedamus. Sed omnia age blande & dulciter, ut & actio tua districta sit, & lingua mitis. Spatam quæ illic dimissa est, sicut jam pridem scripsimus, tecum revoca, & hoc quod tibi filius noster Bonifacius Diaconus, & vir magnificus Maurentius chartularius scripsit, solícite attende.

Vide supra
ep. 26.

Juro ego per Patrem, & Filium, & Spiritum sanctum, inseparabilem divinæ potentiæ Trinitatem, & hoc corpus beati Apollinaris Martyris, me pro nullius favore personæ, neque commodo aliquo interveniente testari. Sed hoc scio, & per metipsum cognovi: quia ante tempora Johannis quondam Episcopi, Ravennas Episcopus præsentem Apocrisiario Sedis apostolicæ illo atque illo, illis atque illis diebus consuetudinem utendi pallio habuit: & non cognovi, quia hoc latenter, vel absente Apocrisiario usurpasset.

Al. lxxiii.
Indict. iv.

E P I S T O L A * LXII.

Ad Petrum Episcopum.

Opportuno Abbati S. Leontii reliquias concedat.

Gregorius Petro Episcopo Hydruntino.

Opportunus Abbas monasterii sancti ^aLeontii, quod in quinto Romanæ urbis milliario situm est, ^bsanctuarium ejusdem martyris quæ de Ecclesia nomini ipsius dicata, ut astringit, furto ablata sunt, sibi denuo postulat debere concedi, ut in loco eodem recondantur. Et

ideo, Frater carissime, quia ejusdem beatissimi martyris corpus in Brundisii Ecclesia, cui visitationis impendis officium, esse dignoscitur: præfati viri desideriis ex nostra te præceptione convenit obedire, ut in devotione quam postulat, sortiatum effectum ^c.

N O T Æ A D

^a In Norm. Colbert. & in tribus Vatic. A. D. E. S. *Leontii* in Vatic. B. S. *Laurentii*.

^b Hic per sanctuarium tum furto ablata, tum denuo concessa velum aliquod seu brandeum forte intelligit. Vide l. 4. ep. 30. & Mabillon. Præfat. ad secundum sec. Bened. observatione 8.

^c In fine juxta alias edit. legitur, *Data mense Augusti, Indictione iv.*

E P I S T. XLII.

quod unicus tantum cod. e Vatic. exhibet, quatuor aliis tacentibus, immo omnibus, quibus usi sumus, si unus excipiat Colbert. in quo tamen utrum hæc temporis nota ad sequentem epistolam, scilicet 74. Indict. iv. juxta alias editiones, pertineat, an potius ad præsentem Petro scriptam, quæ prius Indictioni iv. accensebatur, ambiguum.

Ad Gennadium Patricium :

Quæritur impeditum Paulum Episcopum ne Romam veniret. Se, ubi primum ex morbo convalesceret, in causâ illius cognitione versaturum.

Gregorius Gennadio Patricio Africæ.

Excellentiam vestram non ambigimus reminisci, quia ante biennium pro Paulo fratre & coepiscopo nostro scripsimus, ut ei ad nos venire desideranti, dignitatis vestræ suffragia præberetis, ob hoc quod a Donatistis insecutionis dicebatur molestiam sustinere: quatenus^a postquam illic eum contra eos nuntiatum est habere subsidium non posse, cognita veritate, fraterna ei compassione potuissimus ferre consultum; & salubri dispositione quid contra pestiferæ præsumptionis insaniam debuisset fieri, tractaremus. Et quantum nobis prædictus frater innotuit, non solum nullum meruit cujusquam habere solatium,^b sed ne immune ad Romanam potuisset urbem accedere, diverso est impedimento prohibitus. Cui tamen dum vestram relegi fecissemus epistolam, respondit se non quorundam odio, quia Donatistas cohibebat, laborare, sed magis pro defensione Catholicæ fidei, multorum perhibet ingratitude sustinere: multaque alia retulit, quæ quoniam aptum dicendi tempus

non existit, ^c silentiò retinere prævidimus.

Quia ergo non de rebus terrenis, sed de animarum salute tractatur, & vestra atque illius diversa existit assertio, nihil indiscussa veritate subtiliter respondere potuimus: quia tempore quo Excellentiæ vestræ scripta suscepimus, corporis ægritudine tenebamur. Sed dum nos omnipotens Deus, si ei placuerit, pristinæ salutis reddiderit, veritatem diligenti ut possumus inquisitione rimabimur. Et secundum ea quæ valuerimus ad discere, ita causam Deo miserante disponemus, ut animarum quarum vos curæ pro vestra mercede studere dignamini, salus non solum quæ ab errantibus jam amissa est, reparetur, sed etiam quæ in veræ fidei cultoribus est, Redemptoris nostri^d gratia protegente servetur.

De superscripto autem Episcopo, quem communione privatum esse asseritis, valde mirati sumus, cur nobis hoc non Primatis ejus, sed Excellentiæ vestræ epistola nuntiavit.

NOTÆ AD EPIST. LXIII.

^a Hic locus in aliis excusis est corruptus, ubi legitur, *postquam dum contra eos &c.* in quibus explicandis quis non cæcutiat?

^b Recent. *sed minime*. Duo Vatic.

sed ut minime; quod etiam legitur in vet. ed. Sequimur Rem. Corb. Norm.

^c Al. *silentio reticere*, ut habent vet. ed. & Vatic.

^d Editi, *gratia disponente*.

AN. CHR.

595. 596.

GREG. 6.

✠
Al. LXII.

E P I S T O L A * LXIV.

Ad Dominicum Episcopum.

Pastorale munus ex caritate exercendum. Quod illud ita exerceat Dominicus, ipsi gratulatur, ac de xeniis gratias agit.

Gregorius Dominico Episcopo Carthaginensi.

VEre mirabilis caritatis virtus est, Dilecte Frater, quæ adventu supernæ gratiæ postquam spiritalia inclinavit ad infima, postquam ipsum sibi unumquemque carnalibus illecebris discordantem pacavit hominem, ita in humanis se dilatavit mentibus, ut sublimia inclinaret, humilia sublimaret, pacaret discordantia, ferocia mansuefaceret, dissociata conglutinet, sarciret, divisas tot aquarum terrarumque spatiis climatumque diversitatibus hominum nationes, compaginatæ ad unum mentibus, suæ vinculo suavitatis adstringeret. Hujus amplitudinis præconia quando humanæ infirmitatis exponere lingua sufficiat? Hujus autem laus in cœlis perfecta est, in terris vero forma ejus ostendenda potius est, quam dicenda; ut qualis quantaque sit, postquam ore nostro plene non potest, ex nostra magis compassione monstretur. Quam etsi utcumque laudamus ore, simul necesse est ² ut fateamur manu: ne si laudator ejus tantum est quisquam & non factor, sententiam sibi magis exacuat, quia in conspectu judicis hoc favoribus exaggerat, quod omisit. Hanc nos licet locorum intervallis disjuncti, atque corpore longe a vobis positi, auxiliante Dei potentia, erga vos studiosissime conservamus: hanc vos non solum circa nos, sed erga fratres filiosque vestros paternis fraternisque oportet visceribus exhibere. Nam quomodo hoc non sit studiosissime faciendum, quando ejus non tam in

fratrum filiorumque est, quam in inimicorum quoque dilectione perfectio? Quamobrem, Carissime, nos quos pastoralis curæ constringit officium, diligamus fratres. Ipsos quoque adversarios nostros propter mandatum Dominicum, nostro circa nos copulemus affectu. Pacem sequamur cum omnibus & sanctimoniam, sine qua nemo videbit Deum. In piis versemur operibus, virtutibus polleamus, fulgeat in nostro pectore rationale judicii cum superhumeralis actione conjunctum. Ita procedamus in conspectu Dei, atque totius Israel. Hujusmodi commisso nobis gregi præbeamus exempla, ut videant nostra opera bona, & glorificent Patrem nostrum qui in cœlis est. Sit in lingua sermo, sit zeli fervor in animo, ut vere de illorum dicamur numero, de quibus legitur: *Appa-
ruerunt illis dispersitæ linguæ sicut
ignis, seditque supra singulos eorum.* Vere enim in nobis igneæ linguæ resident, si in fratrum filiorumque exhortatione divini fervore spiritus accendamus. Creditum nobis agrum Dominicum exerceamus dum licet; seminemus in timore dum tempus est, bonum facientes non deficiamus: tempore enim suo metemus non deficientes. Simus de illis, de quibus Psalmista dicit: *Euntes ibant & se-
bant, mittentes semina sua.* Ad cuius rei fructum nos provocans, subdit: *Venientes autem venient in ex-
sultatione, portantes manipulos suos.* Vigilemus itaque, & relinquentes terrena negotia, cœlestibus anhele-
mus.

Art. 2. 2.

Ps. 125. 6.

ibid.

mus. Et quæ retro sunt obliuiscen-
tes, in ea quæ ante sunt nosmeti-
psos enixius extendamus. Mens nostra
in seculari varietate non diffluat;
sed tota in unum currat atque con-
fluat finem, quem mira suauitate
David respexerat, cum dicebat:
*Psal. 25. 4. Unam petii a Domino, hanc requi-
ram: ut inhabitem in domo Domini
omnibus diebus vite mee.* Hoc amo-
re liquefiant boni corda Rectoris.
In his se mens tota suspendat. Dum
adhuc in terris sumus positi, fre-
quens a nobis lacrymarum imber
in cælo compunctionis nube fructi-
ficet. Tunc enim bene atque vere,

Dilecte mi Frater, ad proximorum
dilectionem descendimus, si in dile-
ctione Dei ex toto corde, ex tota
anima & mente, atque ex totis viri-
bus persistimus.

Xenia vero temporalia a vobis di-
recta, licet nos talibus non egea-
mus, tamen cum debita caritate su-
scipimus. Egemus autem de vestra
debita caritate atque commissi vo-
bis regiminis sollicitudine gratulari.
Multo enim nobis hæc dulcissima
sunt, cum ^b sacerdotalis mentis at-
que piæ conversationis fuerint sua-
vitate condita.

AN. CHR.
595. 596.
GREG. 6.
6673

b

NOTÆ AD EPIST. LXIV.

^a Magis placuit recent. edit. facia-
mus; quod nullis in MSS. nobis oc-
currit.

^b Ita Norm. Corb. Reg. Rem. Vatic.
D. & plur. In tribus tamen Vatic. le-

gitur, cum Sacerdotali mente atque piæ
conversationis &c. nullis autem in MSS.
observavimus quod habent editi, cum
Sacerdotum mentes piæ conversationis.

g

EPISTOLA * LXV.

21. 1211.

Ad Mauricium Imperatorem.

*Africanos quosdam Episcopos Roma Constantinopolim mittit, qui Mauricio
ipsi testentur Impp. contra Donatistas leges negligi. Mauricii animum ad-
versus legum suarum contemtores excitat.*

Gregorius Mauricio ^a Augusto.

a

INter armorum curas, & innume-
ras sollicitudines, quas indefesso
studio pro Christianæ Reipublicæ
regimine sustinetis, magna mihi cum
universo mundo lætitiæ causa est,
quod Pietas vestra custodiæ fidei,
qua dominorum fulget imperium,
præcipua sollicitudine semper invigilat.
Unde omnino confido quia si-
cut vos Dei causas religiosæ mentis
amore tuemini, ita Deus vestras ma-
jestatis suæ gratia tuetur & adjuvet.
Qualiter autem Pietatis vestræ Sè-
renitas contra Donatistarum flagitio-
sissimam pravitatem consideratione
justitiæ & sincerissimæ religionis zelo
commota sit, directarum lucidissime

Tom. VII.

tenor insinuat iussionum. Sed venien-
tes viri reverendissimi ex Africana
provincia Episcopi, asserunt ita esse
incauta dissimulatione postpositas;
ut nec Dei illic iudicium haberetur in
metu, nec Principales hæcenus ius-
siones sortirentur effectum: hoc
etiam subjungentes, quod in præ-
fata provincia, Donatistarum præ-
miis prævalentibus, fides catho-
lica publice venundetur. At con-
tra gloriosus vir Gennadius de u-
no eorum mihi similia questus est,
qui talia querebantur. Cui ^b etiam
duo cæteri in re eadem testimonium
ferebant. Sed quia in causa ipsa secu-
laris iudicis intererat, eosdem Epi-
sco-

b

AN. CHR.
595. 596.
GRIG. G.

6673

scopos ad Pietatis vestræ existimavi esse vestigia dirigendos: ut per semet ipsos serenissimis auribus suggerant, quæ se fatentur pro fide catholica pertulisse. Eapropter obsecro ut Dominorum Christianitatis pro salute animæ & vitæ piissimæ sobolis, sua eos, quos tales esse cognoscit, districta ulcisci iussione præcipiant, & ruinam pereuntium ereptionis manu suspendat, atque insanis mentibus correptionis medicinam adhibeat, &

errorum ab eis ^c morsus expellat: quatenus dum piæ provisionis vestræ remedio, pestiferæ pravitatis fuerit caligo depulsa, & vera illic fides radios suæ serenitatis asperferit, cælestis vos ante Redemptoris nostri oculos triumphus exspectet; quia quos exterius ab hoste defenditis, etiam interius a diabolicæ fraudis veneno, quod est gloriosius, liberatis.

N O T Æ A D E P I S T. LXV.

a In MS. Cisterciensi additur, & *Tiberio*. Tiberius unus erat ex Mauricii Augusti filiis, sed nondum fuerat in consortium Imperii assumptus. Qua vero ratione ad ipsum conjunctim & ad Mauricium ejus Patrem scripsisset hanc epistolam S. Gregorius, neglecto ejus fratre Theodosio natu majore jam purpura donato? In tribus Vatic. & in Regio legitur *Mauricio Tiberio Augusto*. Eadem haud dubie erat inscriptio in codice ex quo descriptus est Cisterciensis. At pro Mauricio Tiberio

(cognomen erat Mauricii) scripsit amanuensis, *Mauritio & Tiberio*.

b Sic legitur in Vatic. Norm. Rem. Corb. &c. ubi edita habent, *duo alii certi*. Paulo post restituimus *in ante causa*, ex omnibus MSS. In Beccensi pro, *secularis judicis intererat*, legitur, *seculares judices intererant*. Multa alia ex MSS. consensu mutavimus, de quibus non monemus, quod levia sint.

c Editi, *ab eis morbos* &c. invitis MSS. Anglic. Norm. Vatic. Reg. Rem. Corb.

Al. lxxiv.

E P I S T O L A * LXVI.

Ad Athanasium Presbyterum.

Ipsum ab omni hæreseos labe purum pronuntiat: idque se Constantinopolitano Episcopo scripturum spondet.

Grægorius * Athanasio Presbytero de Isauria.

a

Joh. Diac.
l. 4. c. 36.

Sicut de eis quos ab unitate Ecclesiæ hæreticæ pravitatis error abscidit, affligimur & dolemus: ita his quos intra sinum suum catholicæ fidei professio continet, congaudemus. Et ut pastorali sollicitudine illorum nos oportet impietatibus obviare: sic piis horum professionibus congruit favorem impendere, & b sincera esse quæ sapiunt declarare. Atque ideo dum tibi Athanasio Presbytero monasterii sancti Mile, cui est vocabulum Tamnaco, quod in c Lycaonia est provincia constitutum, contraria integræ fidei fuisset

orta suspicio: ut professionis tuæ potuisset integritas apparere, ad apostolicam Sedem cui præsidemus, elegisti recurrere, asserens etiam te corporaliter verberatum aliqua injuste ac violentè fecisse. Et quamquam ea quæ vi impulsione fiunt, canonum minime censuram recipiant, & iure habeantur infirma; quia ipse ea dissolvit qui injustum fateri fierique compellit: sed magis illa suscipienda est & amplectenda confessio, quæ ex spontanea voluntate monstratur procedere, sicut apud nos fecisse dignosceris. Ne quid tamen

d men nobis ambiguum potuisset ex-
stere, sanctissimo ^d Johanni quon-
dam fratri & coepiscopo nostro Con-
stantinopolitanæ civitatis Antistiti,
de te prævidimus scribendum, * ut
fuis nos quid actum esset epistolis
informaret. Qui sæpe a nobis ad-
monitus, rescribens * innotuit, co-
dicem apud te fuisse inventum in
quo plurima continebantur hæretica:
& ob hoc se adversus Dilectionem
tuam fuisse commotum. Quem
quia ad nos studuit pro satisfactione
transmittere, priores ejus partes
solicite lectione percurrimus. Et
quoniam manifesta in eo hæreticæ
pravitatis venena reperimus, ^e ne
denuo debuisset legi, vetuimus. Sed
quia hunc te simpliciter testatus es
legisse, & ad amputandam ambigüe
suspicionis materiam libellum nobis
manu tua porrexisti perscriptum,
in quo fidem tuam exponens, om-
nes generaliter hæreses, vel quid-
quid adversus catholicæ fidei vel pro-
fessionis integritatem est, apertissime
condemnasti: & cuncta quæ sanctæ
quatuor universales Synodi recipiunt,
te semper recepisse ac recipere, &
quæ condemnant, condemnasse con-
demnareque professus es: eam quo-
que Synodum quæ Justiniani Impera-
toris temporibus de tribus Capitulis

facta est, & suscipere & custodire
promisisti, & prohibitus a nobis co-
dicem ipsum legere, in quo pestiferæ
fraudis virus innexum est, libentissi-
me consensisti: reprobans etiam at-
que condemnans ea omnia, quæ con-
tra catholicæ fidei integritatem in
eo dicta vel latenter inserta sunt,
nec eum te legere denuo promisisti.
Hac ratione permoti, postquam e-
tiam ^f ex probati a te libelli pa-
gina fides tua nobis catholica Deo
custodiente perclaruit, ab omni te
hæreticæ perversitatis macula juxta
professionem tuam liberum esse de-
cernimus atque catholicum, & sinceræ
fidei in omnibus professorem atque
sequacem, Christi Jesu Salvatoris
gratia claruisse pronuntiamus: libe-
ram quoque tribuimus licentiam ad
tuum monasterium in tuo te loco
vel ordine nihilominus remeare. De
hoc quoque & dilectissimo fratri no-
stro Constantinopolitanæ civitatis
Antistiti, qui in supradicti sancti ^g
Johannis loco ordinatus est, nostra
volumus scripta transmittere. Sed
quia ^h consuetudo non est, ut prius
quam ad nos ejus Synodica defera-
tur, debeamus scribere: idcirco di-
stulimus. Sed postquam ea nobis
delata fuerit, ei hæc, dum oppor-
tunum fuerit, indicabimus.

AN. CHR.
595. 596.
GREG. 6.
66755

Johan. Diac.
lib. 4. c. 23.

NOTÆ AD EPIST. LXVI.

a Antea legebatur *Anastasio* contra
fidem plurimorum MSS. codicum &
editionum antiquarum. Id etiam con-
stat ex contextu epistolæ in qua MSS.
omnes & editi codices legunt, *Atha-
nasio*, sicut & ex ep. 5. l. 6. nunci. 7.
in qua exemplaria omnia habent *Atha-
nasium*, quod advertere debebant qui
titulum illum corruerunt. Idem er-
ror reperitur in editis Johannis Dia-
coni, licet MSS. codices reclamant.
Guffanv. Vide indicem Chron. hist. Mo-
nast. Orientalis p. lxxv.

b Ut in causa Johannis Chalcedo-
nensis, supra ep. 15. *Guff.*

c Est regio Asiæ minoris, Cappado-
ciæ pars, in austrum Ciliciam versus,

ab ea Tauro monte divisa, inter Ilau-
riam ad occasum, & Armeniam mi-
norem ad ortum: cujus Metropolis Ico-
nium hodie, vulgo *Cogni*. *Guffanv.*

d Cui ut Constantinop. Patriarchæ
suberat Lycaonia, juxta Concil. Chal-
ced. can. 9. 17. 28.

e Agnosce antiquam in Romanis Pon-
tificibus libros aliquos prohibendi po-
testatem & consuetudinem, cui pare-
re tenebantur etiam Orientalis Eccle-
siæ alumni Constantinop. Patriarchæ
aut alteri alioquin subditi.

f Ita MSS. Corb. & unus Reg. Edi-
ti omnes habent, *exprobata*.

g Quomodo querelæ Gregorii cum
hac ejus laude Johannis conciliari pos-
sint,
Ecc 2

— sint, vide Thomaf. de Vet. & nov.
 AN. CHR. disc. T. I. l. I. c. II. n. 19. E. V.
 595. 596. h Non tantum Patriarchæ recens
 GREG. 6. promoti Synodicam ad Rom. Pontif.
 6695 mittere consueverant; sed & ipse Ro-
 manus Pontifex ad ipsos invicem sta-
 tim a promotione sua, litteras desti-
 nabat suæ fidei indices ac testes: quod

S. Gregorius ep. 24. nunc 25. l. I. præ-
 stitit. Gelasii Papæ I. verba ep. 2. ad
 Laurentium, tam sunt aperta, ut nul-
 lis possint tenebris obscurari: *Mos est
 Romanæ Ecclesiæ Sacerdoti noviter con-
 stituto, formam fidei suæ ad sanctas
 Ecclesias prærogare, &c.*



S A N C T I
G R E G O R I I P A P Æ
R E G I S T R I E P I S T O L A R U M

A. N. C. H. R.
596. 597.
GREG. 7.
6693

Al. VI.

L I B E R * S E P T I M U S .

Indictione decima-quinta, & anno ordinationis ejus
septimo.

a

• E P I S T O L A I .

Ad Fortunatum Episcopum.

*Uxorem; quæ libera approbata est, viro suo restituat: neque hic de illa
iterum abjicienda cogitet.*

Gregorius Fortunato Episcopo Neapolitano.

6742. 29. 9
J. 6. 6. Cujus
Jci,

b

c

Cujus rei causa cum matre sua huc compulsa anno præterito præsentium venerit latrrix, Fraternitas tua ^b cautius novit. ^c Quam quia maritus suus, vester Clericus, ob hoc quod de fervili fuerat conditione pulsata, a suo noscitur removisse consortio: vosque hic positos asserunt permisisse, ut si probare se liberam, adjuvante Domino, valuisset, suo eam vos conjugii reformare; Fraternitas vestra cognoscat, quod revelante Deo libertatis auctore

approbata sit libera, ^d nullaquæ servilis in ea macula inventa. His ergo cognitis, sine mora aliqua, suo per vos eam volumus marito restitui, nec ulterius idem vir ejus ^e argumenta sibi occasionis exquirat, quibus eam possit abjicere. Nam si a vobis, quod non credimus, minime fuerit adimpletum, eamque recipere forte distulerit, ^f nos illud cognoscatis cum districta vindicta correcturos.

d

e

f

N O T Æ A D E P I S T . I .

^a Huic epistolæ præmittitur in cod. Colbert. eodem minio quo libri inscriptio, *Mense Octobris Indictione xv.* Idem in Vatic. observatur.

^b Vatic. B. *acutius novit.*

^c Aliter legitur in recent. ed. et si integro sensu. Mss. consensus ab illis secedere nos coegit, scilicet, Vat.

Norm. Rem. Corb. Reg.

^d Vat. A. & B. *nullaque servitutis in ea.*

^e Ita quatuor Vat. Norm. &c. ubi excusæ habent, *argumenta sibi aliqua occasione exquirat.*

^f Vet. ed. reluctans Mss. *nos illum*, scilicet Clericum.

AN. CHR.

596. 597.

GREG. 7.

6633

E P I S T O L A II.

Ad Columbum Episcopum.

Dimissum jam in regiam urbem Paulum Episcopum. Tardius ad se Columbum scripsisse. Ejus excusationem confutat.

a

Gregorium ^a Columbo Episcopo Numidiæ.

b

Epistolam Fraternitatis vestræ, horum latore Diacono vestro deferente, suscepimus: in qua nobis de persona Pauli Episcopi, quæ apud vos acta sunt, indicastis. Quod tam fero factum est, ut persona ipsa hic jam valuisset minime reperiri. Nam & vir excellentissimus filius noster Gennadius Patricius, suum ad nos pro causa eadem Cancellarium destinavit. Sed dum fecissemus inquiri, utrum cum eo nobis coram positis vellet inire consilium: respondit ad hoc se minime fuisse transmissum, sed solummodo tres quosdam huc de ejus Ecclesia deduxisse, qui contra eum plurima dicere debuissent. Dum ergo neque illum ad inferendas actiones paratum invenimus, neque personarum illarum nos qualitas movit, quod ^b in accusatione Episcopi valuissent idoneæ reperiri, sæpe dicto Paulo Episcopo ad urbem se regiam relaxari debuisse precibus speranti, non potuimus contradictionis moras af-

ferre: sed mox eum secundum petitionem suam cum aliis duobus secum deductis Episcopis ambulare permisimus. Si qua ergo fuere quæ contra eum dici rationabiliter poterant, mox eo huc veniente vestra debuit, quod nunc fecit, Fraternitas cuncta subtiliter indicare. Quod enim multorum vos inimicitias ob hoc quod nostris vos frequentius visitamus epistolis, pati signastis: dubium non est, Reverendissime Frater, bonos pravorum odia sustinere, divinisque intentos operibus perversorum adversitatibus lacerari. Sed quanto hæc quæ sunt prava circumstant, tanto in commissi vobis cura regiminis debetis instantius occupari, ^c & circa gregis Christi vigilare custodiam: quantoque iniquorum vos contrarietas premit, tanto alacriores, ac de promissa remuneratione certissimos ^d pastoralis sollicitudinis cura debet accendere: quatenus Pastori summo lucrum de inuncto vobis opere valeatis offerre.

N O T Æ A D E P I S T. II.

^a Multæ occurrunt S. Greg. ad hunc Episcopum epistolæ, ex quibus, quis qualisve fuerit explorare liceat.

^b Læge caus. 2. qu. prima can. 4. 5. & 7. qui desumptus est ex ep. 52. (apud Grat. 50.) lib. 11. S. Gregorii extra, tit. de accusat. l. 5. c. 1. Si legitimus non fuerit accusator, non fatigetur ac-

cusatus, causa 3. q. 8. c. 1. accusationes Episcoporum, &c. idem quæst. 5. in multis capitibus. Guffanv.

^c Tres Vatic. & circa gregem Christi invigilare custodia.

^d In Norm. & Corb. pastoralis sollicitudini accedere.

E P I S T O L A III.

Ad Gennadium Patricium.

AN. CHR.

596. 597.

GREG. 7.

✠✠✠

Rogat ne occupato animo de Ruferio Comite ac concivibus ad se vocatis, ferat sententiam. Anastasium Tribunum loco suo restitui petit.

Gregorius Gennadio Patricio Africæ.

HIs, qui se apud Excellentiam vestram nostris desiderant epistolis commendari, securi de vestra benignitate, facimus quod petimur. Ruferius siquidem ^a Comes cum aliis concivibus suis a vobis, ut cognovimus, ad Africanam evocati provinciam, petierunt ^b scriptorum nostrorum sibi apud vos prodesse suffragia. Quapropter Excellentiam vestram parterno salutantes affectu, petimus ut eos in nullo a quoquam patiamini apud vestros animos contra justitiam ingravari: sed sicut circa commissos vobis pia discretæque vos novimus invigilare cautela, ita & de his tranquille disponere, inspirante vobis Domino debeatis, ^c atque de insulæ ipsius sollicitius tractare cautela: ne si illuc exercitus sine persona utili quæ hunc guber-

nare valeat, ^d incauta dispositione transmittitur, adjumentum hostibus præbeatur. Quia autem Anastasium tribunum, quem illic Excellentia vestra ordinaverat, bene secum egisse, atque in nulla læsione cum asserunt miscuisse se provinciæ, quem etiam nunc & remotum graviter ferunt, præcipiat Excellentia vestra illuc eum iterum destinari, suisque adhortationibus firmari: ut qui de bona actio; ne jam placuit, nullius ad male agendum suasionibus incitetur; ne tantorum iudicium; quod ex bona administratione habere meruit, deterius perdat, quod non optamus, agendo contraria. Ita ergo petimus, ut vestra Excellentia faciat quatenus bonum vestrum quod testatur Africa, etiam Corsica cognoscat.

N O T Æ A D E P I S T. III.

^a Ea ætate Comites, singularum civitatum: duces vero, universæ provinciæ fuisse præfectos observat Alferra in hunc locum, idque multis probat ex Gregorio Mag. & Greg. Turon.

^b Ita Vaticani omnes Norm. Corb. &c. Consentiant vet. ed. At in recent. legitur, *scriptorum nostrorum apices, sperantes sibi &c.*

^c Intelligit insulam Corsicam, ut ex fine epistolæ liquet; vandalis Africam

occupantibus parebant Sardinia, Corsica & aliæ insulæ. His devictis Justinianus voluit Sardiniam Africæ accenseri. Hinc in notitia Africæ Sardinia est septima Provincia, Cui fortasse Corsica vicina nimirum insula tribuebatur. Unde ad Gennadium Africæ Exarchum seu Præfectum scribit Greg. ut Corsicæ prospiciat.

^d Norm. & Corb. & *canta dispositione*.

AN. CHR.

596. 597.

GREG. 7.

1003

E P I S T O L A IV.

Ad Cyriacum Episcopum.

a

Appetendam quietem; sed pro multorum lucro aliquando postponendam. Curandum Episcopo, ne cogitationum perturbatio, quæ funditus repelli non potest, animum obruat. Vicaria fidei confessione, ac mutua ipsorum caritate, Ecclesiæ unitatem firmari. Abstinentium ab universalis Episcopi titulo. Hereticis accensendum non fuisse Eudoxium.

Gregorius Cyriaco Episcopo Constantinopolitano.

b

Communes filios Georgium Presbyterum & Theodorum Diaconum vestrum, ea qua decuit caritate suscepimus: vosque ab Ecclesiasticarum rerum cura ad animarum regimen venisse gaudemus: quia juxta Veritatis vocem, *Qui in modulo fidelis est, & in majori fidelis erit.* Et bene ministranti servo dicitur: *Quia in paucis fidelis fuisti, supra multa te constituam.* Cui etiam mox de æterna retributione subiungitur: *Intra in gaudium Domini tui.* In scriptis autem vestris vos magnopere requiem quæsisse narratis. Sed per hoc ad pastorem sollicitudinem vos congrue venisse ostendistis: quia sicut locus regiminis desiderantibus negandus est, ita fugientibus offerendus. Et sicut scriptum est: *Nec quisquam sumit sibi honorem, sed qui vocatur a Deo tamquam Aaron.* Et rursus idem Prædicator egregius dicit: *Si unus pro omnibus mortuus est, ergo omnes mortui sunt: & pro omnibus mortuus est Christus. Superest ut & qui vivunt, jam non sibi vivant, sed ei qui pro eis mortuus est, & resurrexit.* Et Pastori sanctæ Ecclesiæ dicitur: *Simon Johannis, amas me? Pasce oves meas.* Ex quibus verbis colligitur, quia si is qui valet, omnipotentis Dei oves renuit pascere, ostendit se Pastorem summum minime amare. Si enim, unigenitus Patris pro explenda utilitate omnium, de secreto Patris egressus est ad publicum nostrum:

nos quid dicturi sumus, si secretum nostrum præponimus utilitati proximorum? Quies itaque nobis & ex corde appetenda est, & tamen pro multorum lucro aliquando postponenda. Nam sicut toto desiderio debemus occupationem fugere, ita si desit qui prædicet, occupationis onus libenti necesse est humero subire. Quod ex duorum Prophetarum opere docemur, quorum unus prædicationis officium vitare conatus est, & alter appetiit. Nam mittenti se Domino Jeremias respondit, dicens: *A, a, a, Domine Deus, nescio loqui, quia puer ego sum.* Et cum omnipotens Deus personam ad prædicandum quæreret, dicens: *Quem mittam, & quis ibit nobis: ultro se Isaias obtulit dicens: Ecce ego, mitte me.* En ab utrisque exterius diversa vox prodiit, sed non a diverso fonte dilectionis emanavit.

Duo quippe sunt præcepta caritatis, Dei videlicet amor, & proximi. Per activam igitur vitam prodesse proximis cupiens Isaias, officium prædicationis appetit: per contemplativam vero Jeremias amori Conditoris sui sedulo inhærere desiderans, ne mitti ad prædicandum debeat, contradicit. Quod ergo laudabiliter unus appetiit, hoc laudabiliter alter expavit. Ille, ne tacitæ contemplationis lucra loquendo perderet: ille, ne damna studiosi operis tacendo sentiret. Sed hoc in utrisque est subtiliter intuendum; quia & is qui re-

cusa-

Luc. 16. 19.

Matth. 25. 23.

Grat. 2. 7. 1. c. 9.

Hebr. 3. 5.

2. Cor. 5. 2. 14. & 15.

Job. 21. 17.

Jer. 1. 6.

Isai. 6. 6.

c

cusavit, plene non restitit, & is qui mitti voluit, ante se per altaris calculum purgatum vidit: ne aut non purgatus, adire quisquam sacra ministeria audeat; aut quem superna gratia eligit, sub humilitatis specie superbe contradicat.

Magno autem desiderio vos in epistolis vestris invenio serenitatem mentis quærere, & repulsa perturbatione ad tranquillitatem cogitationis anhelare. Sed qua ratione ad hoc vestra Fraternitas pertingere possit, ignoro. Qui enim regendam navem suscepit, tanto amplius necesse est vigilet, quanto amplius littus relinquit: ut aliquando futuras procellas ex signis prævideat; aliquando venientes, aut directo clavo, si parvæ sint, superet: aut si vehementer intumescunt, dato in obliquum latere, irruentes declinet; & sæpe solus vigilet, cum cuncti illi quibus nulla navis cura commissa est, quiescunt. Quomodo autem suscepto pastoralis onere, habere serenitatem cogitationum potestis, cum

Job 26. 6. scriptum sit: Ecce gigantes gemunt sub aquis? Juxta Johannis etenim

Apoc. 17. 15. vocem, Aquæ, populi sunt. Et gigantes sub aquis gemere est, quia quisquis in hoc mundo quasi quadam corporis mole ordine potestatis excreverit, tanto pondera majoris tribulationis sentit, quanto super se regendorum populorum curam susceperit. Sed si sancti Spiritus virtus afflictam mentem afflaverit, protinus hoc quod Israelitico populo corporaliter factum est, nobis spiritaliter contingit. Scriptum quippe est: Filii autem Israel ambula-

Exod. 15. 19.

verunt per siccum, per medium mare. Et per Prophetam Dominus pollicetur, dicens: Cum transieris per aquas, tecum ero, & flumina non operient te. Illos enim flumina operiunt, quos actiones hujus seculi mentis perturbatione confundunt. Nam qui^d sancti Spiritus gratia

Tom. VII.

tenetur in mente, transit aquas, & tamen fluminibus non operitur: quia etiam inter medias populorum catervas sic peragit gressus sui itineris, ut non submittat actionibus seculi caput mentis.

Ego quoque qui indignus ad locum regiminis veni, infirmitatis meæ conscius, secretiora loca petere aliquando decreveram; sed superna mihi judicia adversari conspiciens, jugo Conditoris subdidi cervicem cordis: hoc præcipue perpendens, quia quælibet occulta loca sine Dei gratia animam salvare non possunt; quod aliquando in ipsis quoque conspiciamus erratibus electorum. Nam Lot in ipsa perversa civitate fuit justus, in monte peccavit. Sed ista cur dicimus, cum majora novimus? Quid enim paradiso jucundius? quid cælo securius? & tamen homo ex paradiso, & Angelus de cælo peccando cecidit. Illius ergo nobis virtus quærenda est, & gratia postulanda, sine qua nusquam^e absque culpa, cum quo nusquam sine justitia. Curandum ergo est ut perturbatio cogitationum non exsuperet animum: nam repelli funditus nullatenus potest. Quisquis enim est in loco regiminis, aliquando necesse est habeat etiam terrena cogitare, & exteriorum quoque curam gerere, ut grex commissus valeat ad ea quæ sibi sunt explenda subsistere. Sed magnopere semper providendum est ne hæc eadem cura modum transeat, ut cum ad cor licenter admittitur, nimis excrecere non permittatur. Unde recte per Ezechielem Prophetam dicitur: *Sacerdotes caput suum non radant, neque comam suam nutriant; sed tondentes attondeant capita sua.* Quid enim per significationem sunt capilli in capite, nisi cogitationes in mente? qui dum super cerebrum insensibiliter oriuntur, curas vitæ præsentis designant, quæ ex sensu negligenti, quia importune

AN. CHR. 596. 597. GREG 7.

Grat. dist. 40. c. Quælibet.

Ezech. 44. 20.

F ff

ali-

AN. CHR.
596. 597.
GREG. 7.
66455

aliquando prodeunt, quasi nobis non sentientibus procedunt. Quia igitur cuncti qui præsunt, habere quidem sollicitudines & exteriores debent, nec tamen eis vehementer incumbere: Sacerdotes recte & caput prohibentur radere, & comam nutrire; ut cogitationes carnales de vita subditorum, nec a se funditus amputent, nec rursus ad crescendo nimis relaxent. Ubi & benedicitur: *Tondentes tondeant capita sua*; ut videlicet curæ temporalis sollicitudines, & quantum necesse est prodeant, & tamen recidantur citius, ne immoderatus excrescant. Dum igitur & per administratam exteriorē providentiam corporum vita protegitur, & rursus per immoderatam cordis ^f intentio impeditur, capilli in capite Sacerdotis & servantur ut cutem coeperiant, & refecantur ne oculos claudant.

f

g

Præterea epistolas vestras directas plenas fide suscepimus, atque omnipotenti Deo gratias agimus, qui inconsutilem tunicam desuper contextam, videlicet Ecclesiam suam, & vicaria confessione fidelium in unitate gratiæ ab omni erroris scissione custodit, & contra pereuntis mundi, ut ita dicam, tot culparum diluvium, ex multis lignis arcam construit, in qua omnipotentis Dei electi servantur ad vitam. Nam cum vicissim nobis fidei nostræ confessionem transmittimus, & caritatem nostram erga nos ostendimus, quid aliud in sancta Ecclesia agimus, nisi arcam bitumine linimus; ne unda erroris intret, & vel spirituales quosque tamquam homines, vel carnales tamquam animalia occidat?

Sed cum sapienter a vobis recta fides prolata sit, restat ut proculdubio debeatis pacem cordium prudentius custodire, propter hoc quod Veritas dicit: *Habete sal in vobis, & pacem habete inter vos*. Et Paulus

Marc. 9. 49.

Ephes. 4. 5. Apostolus admonet, dicens: *Solliciti*

servare unitatem spiritus in vinculo pacis. Qui rursus ait: *Pacem sequimini cum omnibus & sanctimoniam, sine qua nemo videbit Deum*. Quam videlicet pacem ^h tunc nobiscum veraciter habebitis, si profani nominis superbiam declinetis, juxta quod idem magister gentium dicit: *O Timothee, depositum custodi, devitans profanas vocum novitates*. Nimis quippe iniquum est, si hi qui prædicatores humilitatis facti sunt, de vani nominis elatione glorientur, cum verus Prædicator dicat: *Mihi autem absit gloriari nisi in cruce Domini nostri Jesu Christi*. Ille ergo vere gloriosus est qui non de temporalī potentia, sed pro Christi nomine de sua passione gloriatur. In hoc itaque vos medullitus amplectimur, in hoc Sacerdotes vos esse recognoscimus, si repulsa vanitate verborum, sanctitatis locum cum sancta humilitate teneatis. Ecce enim in ⁱ nefandi appellatione nominis scandalizati sumus, & non minimas querelas servamus in mente, & promimus in voce. Vestra autem Fraternitas novit, quia Veritas dicit: *Si offers munus tuum ante altare, & ibi recordatus fueris, quia frater tuus habet aliquid adversum te; relinque ibi munus tuum, & vade prius reconciliari fratri tuo; & tunc veniens offers munus tuum*. Qua in re pensandum est, quia cum omnis culpa oblato sacrificio deleatur, tantum est malum scandali alieno corde generati, ut ab eo qui peccaverit, nec ipsum sacrificium Dominus accipiat, quod delere peccatum solet. Curate ergo cordis vestri scandalum festine detergere, ut possit omnipotens Deus oblationis vestræ sacrificium acceptabile habere.

Hebr. 12. 14.

h

1. Tim. 6. 20.

Gal. 6. 14.

i

Matth. 5. v. 23 & 25.

Præterea cum recta a vobis fides veraciter & subtiliter sit prolata, inter eos quos per sanctissimas generales Synodos damnandos esse censuistis, ^k Eudoxium quemdam vos damna-

k

mnasse

mnasse reperimus: cujus nomen in Latina lingua neque in Synodis, neque in libris beatæ memoriæ Episcoporum ¹ Epiphaniî, Augustini, & Philastrii, quos contra hæreticos præcipue disputasse novimus, positum reperimus. Quod si quis eum veraciter de Catholicis Patribus damnat, ejus proculdubio sententiam sequimur. Vos tamen si in Synodica vestra epistola eos quoque nominatim damnare voluistis, qui extra sanctas Synodos per Patrum scripta damnantur, multos scriptis suis vestra Fraternitas

minus posuit, si autem eos quos generales Synodi respuunt, hunc unum amplius. Sed inter hæc sciendum est, quia ut nobis liceat rectam fidem libere fateri, & cuncta quæ agenda sunt, concorditer in pace disponere, pro serenissimorum Dominorum vita, propria quoque sobole incessanter orandum est, ut omnipotens Deus eorum pedibus barbaras nationes subjiciat, longa eis & felicia tempora concedat, quatenus per Christianum imperium ea quæ in Christo est fides regnet.

N O T Æ A D E P I S T. IV.

a In MSS. Norm. Colbert. & plur. hæc epistola est quinta hujus libri, & quæ hic quinta est, quarto loco ponitur. Cyriacus Johanni nuper defuncto successerat. Quis autem qualisve esset Cyriacus discite ex ep. 6. seq.

b In cod. Cisterciensi, consentientibus Norm. & duobus Vatic. *communem filium Georg.*

c In excusis contra Mss. Anglic. Norm. &c. fidem, invito etiam sacro textu, *quis tibi ex vobis?*

d Recent. ed. *sancti Spiritus gratiam tenet in mente.*

e Ita restituimus ex Mss. Vatic. Norm. Anglic. &c. lectione. In excusis legitur, *sine quo nusquam absque periculo & culpa, cum quo nusquam sine justitia esse non possumus.* Certe non possumus minime sensus patitur.

f Excusi, *intentio non impeditur.* Amovimus negationem, ex Mss. Norm. Rem. &c. præscripto.

g Cyriacus in Sedem Constantinop. promotus mittit ex more epistolam, qua fidei suæ sinceritatem & tenendæ communionis studium testaretur. Hanc vocat sanctus Gregorius confessionem vicariam, quoniam, ut statim subdit, vicissim illam transmittabant initio Episcopatus, ut supra notatum est. Hæc epistola refertur distinct. 40. can. 10. & citatur pro 5. *Guffanv.* Cur citetur pro quinta, repetite ex nota prima ad hanc epistolam.

h Editi, *vobiscum.*

i Scilicet universalis, œcumenicus:

quam forte appellationem in suis scriptis Cyriacus apposuerat. *Guffanv.*

k De eodem infra ep. 31. nunc 34. & l. viii. ep. 30. Indictione 1. Sibi tandem gaudet sanctus Gregorius largissime fuisse satisfactum prolatis ab Eulogio testimoniis Basilii, Gregorii, atque Epiphaniî. Addere libet Theodoretum hæreticarum fabularum l. 4. & in historia Eccles. l. 2. in pluribus capitulis. Fuerat iste Eudoxius Episcopus Germaniciæ, postea ut aper insiluit in Sedem Antiochenam, tum multis fraudibus Constantinopolitanum thronum conscendit. Ejus doctrina rivus erat Arianæ perfidiæ, de qua ille cum Aetio & Eunomio conveniebat. Ab eo disti Eudoxiani, tum Eunomiani, quos in Constantinopolitano I. Concil. can. 1. damnatos legimus. Is Eudoxius Theodoretò teste l. 4. hist. c. 12. Valentem Imperatorem ab ipsomet sacro baptismatis mysterio initiatum, jurejurando obstrinxit, ut in Ariano dogmate perseveraret, &c. Et cap. 32. ejusdem lib. refert eundem Eudoxium Valenti persuasisse, ut Gothos ad suam communionem pertraheret. *Guffanv.*

l Male autumat Guffanvillæus Epiphaniî nomen incaute in textum irreplisse; quia, inquit, *Epiphanium nondum Romæ legerant.* Certe legitur hoc nomen omnibus in Mss. & ex ep. 30. l. viii. discimus, Eulogium ad nostrum Gregorium scribendo, ut ejus ea de re scrupulos removeret, quædam de Eudoxio Epiphaniî testimonia protulisse.

Laudem tribuit, quod humiliter ac modeste de se sentiat; inde fortem illum esse conjicit. Amicissime hortatur, ut sublata occasione scandali, quæ pacis & dilectionis sunt custodiat. Commendat fidem Johannis & Athanasii.

Gregorius Cyriaco Episcopo Constantinopolitano.

UDUM dum in urbe regia responsa Sedis apostolicæ facerem, bona vestræ Sanctitatis agnovi. Et quia vobis animarum nunc cura commissa est, valde gaudeo. Et quamvis indignus, omnipotentem Dominum quibus valeo precibus exoro, ut in vobis suam gratiam semper augeat, vosque ad æternam patriam faciat animarum lucra congregare. Quia vero ad hoc opus ad quod perducti estis, infirmos vos esse dicitis: scimus, quia prima virtus est cognitio infirmitatis, atque ex eo colligimus posse vos bene susceptum ministerium implere, quia vos videmus, infirmitatem propriam ex humilitate cognoscere. Omnes enim infirmi sumus, sed ille est infirmior, qui suam considerare non valet infirmitatem. Vos vero, Beatissimi Fratres, ideo fortes estis, quia de fortitudine propria diffidentes, omnipotentis Dei virtute confiditis.

Quantum vero mens mea Caritati vestræ ligata sit, verbis epistolaribus explere non possum. Sed oro ut omnipotens Deus, eandem quæ inter nos est caritatem ex gratiæ suæ dono multiplicet, omnemque occasionem scandali auferat: ne sancta Ecclesia confessione veræ fidei unita, & conjunctis fidelium cordibus consipata, detrimentum aliquod, quod

absit, Sacerdotibus^a inter se discipulantibus sentiat. Quamvis ego in omne quod loquor, in omne quod superbis quorundam actibus contradico, ex omnipotentis Domini largitate caritatis intimæ custodiam nunquam relinquo; sed sic ea quæ sunt justitiæ foris exsequor, ut ea quæ intus amoris & dilectionis sunt, minime postponam. Vos autem semper mihi amoris mei vicem reddite, & ea quæ pacis & dilectionis sunt, custodite: ut unum in mente permanentes, quo nullam dissensionem inter nos intrare permittimus, eo obtinere quæ petimus, apud Dominum ex ipsa melius cordium nostrorum unitate valeamus.

Præterea Johannem Chalcedonensem Presbyterum, & Athanasium Lycaoniæ Sanctitati vestræ commendando, ut nullus vobis contra eos fallidica locutione surrepat; quia eorum fidem subtiliter discussi, eosque rectos in suis confessionibus, quæ & scripto datæ sunt, inveni.

Sancta autem Trinitas sua vos manu protegat, & circa animarum custodiam semper vos vigilantes & sollicitos reddat: quatenus in æterna retributione valeatis non solum de vestro opere, sed etiam de subditorum vestrorum melioratione coronari.

Supra l. vi. ep. 14. 25 26 27.

N O T Æ A D E P I S T. V.

a Recentiores loco hujus vocis quæ in omnibus Mis. nostris legitur & in

vet. edit. posuerunt, *discrepantibus.*

Ad Mauritium Augustum.

De Cyriaci electione gratulatur.

Gregorius Mauricio Augusto.

AN. CHR.
596. 597.
GREG. 7.
6673

OMnipotens Deus, qui Pietatem vestram pacis Ecclesiasticæ fecit esse custodem, ipsa vos fide servat, quam vos in sacerdotali unitate fervatis: cumque supernæ pietatis jugo cor humiliter subditis, ^a cœlesti gratia agitur, ut hostes vestros pede fortitudinis prematis. Non enim parvæ potuit esse mercedis quod Johanne sanctæ memoriæ de hac luce subtrahito, ad ordinandum Sacerdotem Pietas vestra diu hæsitavit, tempus paulo longius distulit, cum metu omnipotentis Domini consilium quæsit; ut videlicet causa Dei cum magno debuisset timore disponi. Unde & aptum valde existere in pastoralis regimine fratrem atque consacerdotem meum Cyriacum existimo, quem ad eundem ordinem Pietatis vestræ consilia longa genuerunt. Qui in administrandis dudum rebus Ecclesiasticis quam sollicitus & quomodo fuerit ^b exercitatus, cuncti novimus. Unde & superna gestum ^c

dispensatione non ambigo: ut qui bene minima gesserat, congrue majora suscipere, atque a cura rerum, ad animarum regimina transfret. Pro qua re totis precibus deprecamur, ut bonum hoc omnipotens Deus serenitati Dominorum piæque eorum soboli, & in præsentis seculo atque in perpetua remuneratione retribuat, & prædicto fratri & consacerdoti meo, qui dominico gregi prælatus est, animarum curam plena solitudine exhibere concedat; ut irreprehensibiliter possit subditorum suorum & prava corrigere, & recta ad crescendum fovere: quatenus de eo Pietatis vestræ iudicium, non solum ante homines, sed etiam ante supernæ quoque maiestatis oculos convalescat.

Venerabiles autem viros Georgium Presbyterum, & Theodorum Diaconum pro iussione Dominorum, atque pro imminetia hiemalis temporis in hac urbe moras perpetui non permisi.

N O T Æ A D E P I S T. VI.

^a Vatic. B. *sup. potestatis.*
^b In tribus Vatic. omnibus Normi & Corb. *exercitus.*

^c In vulgatis, *reluctantibus Mss. dispositione.*

E P I S T O L A VII.

Ad Petrum, Domitianum, & Elpidium.

Illos reprehendit quod in Cyriaci ordinatione clamassent: Hæc dies, quam fecit Dominus: Pastorum culpas, subiectis; subditorum, Pastoribus nocere.

Gregorius ^a Petro, Domitiano, & Elpidio Episcopis.

Ordinationem viri sanctissimi Cyriaci fratris & consacerdotis mei, cum magna vos lætitia suscepisse vehementer exulto. Et quia Pau-

a

b

c

a

Paulo Apostolo prædicante didicimus: *A. N. CHR. 596. 597. GREG. 7.*
2675
1. Cor. 12. 26. Si gaudet unum membrum, congaudent cætera membra, pensare vos necesse est, quanta vobis hac in re exultatione congaudeo, in qua non unum membrum, sed multa Christi membra gavisa sunt. Sicut tamen scripta Fraternitatis vestræ potui transcurrere perpendere, magna lætitia in immoderatam ejusdem fratris mei laudem vos rapuit. Nam hunc sicut solem in Ecclesia apparuisse dicitis, ita ut cuncti clamaretis: *Pf. 107. 23.* *Hec dies quam fecit Dominus, exsulemus & lætemur in ea.* Et certe sequentis vitæ promissio est, quia dicitur: *Matt. 13. 43.* *Fulgebunt iusti sicut sol.* Nam in hac vita adhuc quisque positus quantalibet virtute polleat, quomodo sicut sol fulget, in qua corpus quod corrumpitur aggravat animam, & deprimit terrena inhabitatio sensum multa cogitantem? In qua videmus aliam legem in membris nostris repugnantem legi mentis nostræ, & captivos nos ducentem in lege peccati, quæ est in membris nostris: in qua & in nobismetipsis responsum mortis habemus ut non simus fidentes in nobis. In qua etiam Propheta clamat: *Psal. 54. 6.* *Timor & tremor venerunt super me, & contexerunt me tenebræ.* Nam & scriptum est: *Eccli. 27. 12.* *Sapiens ut sol permanet, fatuus ut luna mutatur;* non ad claritatis fulgorem, sed ad perseverantiam boni operis comparatio est solis deducta.
 b Bonum vero ordinationis ejus ^b initium necdum a vobis potuit de perseverantia laudari. Quod autem, ^c
 c *Hec dies quam fecit Dominus*, clamasse vos dicitis, de quo hoc dictum sit, pensare debuistis. Præmissum quippe est: *Lapidem quem reprobaverunt edificantes, hic factus est in caput anguli. A Domino factum est illud, & est mirabile in oculis nostris.* Atque de hoc eodem lapide protinus subditur. *Hec dies quam fecit Dominus.* Ipse enim qui

pro fortitudine constructionis dicitur lapis, pro illuminationis gratia appellatus est dies, qui etiam factus est quia incarnatus est. In quo exsultare & lætari præcipimur, quia erroris nostri tenebras suæ in nobis virtutis luce superavit. In creaturæ itaque laudem vox illa dari non debuit, quæ soli convenit Creatori.

Sed cur ista reprehendo, qui quantum gaudia mentem rapiant scio? Caritas etenim vestra magnam vobis lætitiā genuit, quam videlicet mentis lætitiā in favore lingua secuta est. Quod cum ita sit, laus ista culpa jam dici non potest, quam caritas invenit. Mihi vero de sanctissimo fratre meo dici breviter debuit, quod sufficienter acciperem, quia scirem quis esset qui hanc mihi præcipue dudum suæ magnitudinis probationem dedit: quod in tam multis dispensationis Ecclesiasticæ causis occupatus, tranquillum cor inter turbulentas frequentias tenuit, seque ipsum semper sub mansuetudine restrinxit. Quod videlicet non parva laus magni & inconcussi est animi, inter causarum turbas non fuisse turbatum.

Præterea assiduis insistere Fraternitas vestra precibus debet, ut omnipotens Deus in prædicto fratre & confacerdote nostro bene cœpta custodiat, & semper ad meliora perducatur. Hoc sanctissimis vobis, hoc subjecto ei populo semper orandum est. Nam ita sibi regentium merita connectuntur & plebium, ut sæpe ex culpa ^d præfidentium deterior fiat vita subjectorum, & sæpe ex merito plebium delinquat vita Pastorum. Quia enim mala actio præfidentis valde noceat subditis, testantur Pharisei, de quibus scriptum est: *Clauditis regnum cælorum ante homines. Vos enim non intratis, nec introeuntes finitis introire.* Et quia culpa plebium multum noceat vitæ Pastorum, in David factō cognoscimus.

Matt. 23. 13.

mus. Ille enim Deo attestante laudatus, ille supernorum mysteriorum conficius, tumore repentinæ elationis inflatus, populum numerando peccavit, tamen vindictam populus, David peccante, suscepit. Cur hoc? quia videlicet secundum meritum plebium disponuntur corda regentium. Justus vero iudex peccantis vitium ex ipsorum animadvertione corripuit, ex quorum causa peccavit. Sed quia ipse sua scilicet voluntate superbiens, a culpa alienus non fuit, vindictam culpæ etiam ipse suscepit. Nam ira sapiens, quæ corporaliter populum percussit, Rectorem quoque po-

puli intimo cordis dolore prostravit. Hæc itaque considerate invicem, & sicut is qui vobis, plebibusque prælati est, intercedere pro omnibus, ita pro ejus conversatione, & moribus orare omnes deberis, ut apud omnipotentem Deum, vos illius valeatis imitatione proficere, & ille meritis vestris adjuvetur. Cuncti autem concorditer pro serenissimis Dominis, eorumque pia sobole cum magnis in quantum possumus assidue fletibus oremus, ut eorum vitam gratia protegens superna custodiat, & Christiano imperio gentium colla subternat.

A N. C H R.
596. 597.
G R E G. 7.
67735

N O T Æ A D E P I S T. VII.

a Ita legitur in omnibus Norm. Corb. Rem. & Vatic. D. aliisque vetustioribus. In Reg. & in nonnullis Vatic. Mauricio Patricio, Petro &c. addit Vatic. C. Græciæ, post Episcopis.

b Excusi, initium potuit videri, sed nondum potuit de perseverantia a vobis laudari.

c In electione & ordinatione Episcoporum plebs acclamabat. In ordinatione Eraclii quem successorem sibi

designavit Augustinus, acclamatum est a plebe: *dignus & justus est, Deo gratias. Christo laudes. Exaudi Christe. Augusto vita.* Vide acta ordinationis ejus seu epistolam August. 213. Anastasi in Sergio: *Exinde electum in Lateranense Episcopium cum laudum acclamationibus deduxerunt.*

a In Norm. & plur. *præcedentium;* & paulo post *subditorum.*

E P I S T O L A VIII.

Ad Stephanum Episcopum.

Invitum laudanti laudes rependit pro assidua illius prædicatione, qua Maria Patricia aliique multi ad Ecclesiam revocati. Hortandum Constantinum Præfectum, ut Dei judicium semper ante oculos habeat.

Gregorius Stephano Episcopo.

Scripta vestræ Sanctitatis medullata mihi caritatis verba locuta sunt, itaut per calamum sic in epistolas animus transiret, ac si mihi per semetipsam mens ipsa loqueretur. Qua de re magnas omnipotenti Deo gratias refero, a quia & divinis corporibus, nobisque a vobis recedentibus longe, caritas inter nos permanet indivisa. Et quidem multum mihi, & ultra quam indignus audire debui, favorem in epistolis demonstratis. Et scriptum est: Ne

laudes hominem quamdiu vivit. Tamen & si audire talia dignus non fui, orationibus vestris peto, ut dignus efficiar, ut si bona in me non ideo dixistis, quia sunt, ideo sint quia dixistis. De gloriosa autem Maria patricia valde lætatus sum, quia in sancto Dei ovili aggregata est: quod ex vestra factum assidua prædicatione non dubito, quia ex ipso fructu ostenditis, quantum pro fide catholica laboratis. Multos etiam per illam venire ad Ecclesiam sus-

pi-

Johan. Diac.
l. 4. c. 76.

Eccli. 12. 30.

AN. CHR.

596. 597.

GREG. 7.

66733

Prov. 14. 4.

b

picor, quod totum vestræ laudi proficit, quia scriptum est: *Ubi plurimæ segetes*, ^b *ibi manifesta fortitudo boum*. Manifestatur enim virtus prædicantium, ubi surgit seges animarum. Communem vero filium excellentissimum domnum Constantinum præfectum quantum plus dili-

gitis, tantum exhortari assidue debetis, ut in causis in quibus mixtus est, semper omnipotentis Dei iudicium ante oculos cordis habeat, eique soli placere studeat, qui & in præsentī vita valet protegere, & cœlestis patriæ præmia compensare.

NOTÆ AD EPIST. VIII.

^a In Vatic. D. *quia & diversis corporibus*. In recent. ed. *quia & divisi corporibus*.

^b In ed. *ibi maxima fortitudo*. Se-

quimur Norm. Anglic. Corb. Vatic. 2. &c. Ita etiam legitur loco in Proverbis delignato.

EPISTOLA IX.

Ad Johannem Episcopum.

De missa Romam eleemosyna gratias agit. In causis judicandis solum Deum consideret. Ne ad mensam scripta sua deinceps faciat legi.

Gregorius Johanni Episcopo Syracusano.

Benedictionem quam pauperibus Fraternitas vestra transmisit, lator præsentium homo vester Candidus, nobis dispensantibus suis manibus erogavit: quod vobis secundum animum vestrum fortasse parum visum est. Nos tamen secundum modum vestræ substantiæ esse nimium ultra modum æstimamus, ut qui illic apud vos innumeros pauperes habetis, pro explenda largitate misericordiæ, etiam loca alia & longe posita requiratis. ^a De causis vero aliis, vobis scriptis prioribus jam respondisse memini, & nihil aliud debetis, nisi ut sub consideratione solius omnipotentis Dei cuncta fa-

ciatis, & nullius persona vos a vigore disciplinæ emolliat, neque ^b vehemens indignatio in rigore, quod absit, aliquo immoderate districtio- nis obduret.

Præterea audio quod aliqua de his quæ scripsisse me memini, Fraternitas vestra ad mensam suam extraneis legi faciat: quod mihi non videtur esse faciendum, quia hoc quod vos pro caritate facitis, possunt quidam quantum ad me est, vanæ gloriæ deputare. Ideoque coram extraneis antiquorum dicta legite, ex quorum auctoritate valeant qui audierint informari.

^{Jo. Diac. l. 4. c. 67.}

NOTÆ AD EPIST. IX.

^a Locum hunc corruperunt editores, ac sensum everterunt, unius syllabæ adjectione, ac mutata interpunctione. Prius enim legebatur, *de causis vero aliis a vobis scriptis prioribus* &c. Pau-

lo post inseruerunt *querere ante debetis*, quod in Mss. minime legitur.

^b Male in superioribus excusis, *vehemens dedignatio*.

E P I S T O L A X.

Ad Agnellum Abbatem.

AN. CHR.

596. 597.

GREG. 7.

6673

*Præpositum ex vitæ merito eligat. Fratribus solícite invigilet.*Gregorius ^a Agnello Abbati de Arimino.

a

b

Filio nostro ^b Secundo servo Dei renuntiante didicimus, quod Dilectio tua Præpositum non habens, omnino in regendis fratribus elaboraret. Si ergo qui vos ex ordine sequitur, talis est ut circa cellæ ordinationem fratrumque custodiam, necnon & in lucrandis animabus solers valeat inveniri, is debet ad hunc locum incunctanter accedere. Si vero talis non est qualem locus exposcit, de quolibet etiam ultimo gradu, si talis inter fratres, Domino protegente, fuerit repertus, qui vitæ meritis dignum conversationis suæ præbeat documentum, divinique in eo timoris vigor invigilet, ^c hujus profecto non locus, sed est utilitas providenda; ^d ut talis exemplo ad bonæ imitationis normam cuncti se fratres extendant, nec eos adhuc locus inferior ad bene operandum

c

d

tepidos reddat, dum in illo qui profecerit, de præsentis quod imitentur aspiciunt. Dilectioni quapropter tuæ in hac ordinatione sit nulla dubietas, quod non locus, sed actio apta perquiritur: quia & ante Deum ille prioris obtinet locum, qui in ejusdem oculis etiam si hic abjectus sit, bonæ actionis instrumento placuerit. Circa fratres namque solícita vos, sicut confidimus, decet invigilare custodia, ne a recto conversationis itinere per illicitas evagando cogitationes exorbitent, atque inimico per inertem custodiam irruptionis aditum præstent. Sed eos orationi decet instantius adhærere; quatenus pia cœpta eorum suæ propitiationis ^e Dominus dono perficiat, & imperfecta eorum ad cumulum faciat perfectionis accedere.

e

NOTÆ AD EPIST. X.

^a Male antea legebatur *Episcopo*. Nam Cassorius adhuc in vivis erat. *Guffanv.* Hanc Guffanvillæi observationem confirmant Mss. omnes Norm. Turon. Anglic. Vatic. &c.

^b In editis *Secundino*; secus in omnibus Norm. Corb. Vatic. tribus.

^c Scilicet non beneficia hominibus, sed homines beneficiis dari convenit,

quia semper est utilitas communis attendenda, non privata. *Guffanv.*

^d In ex utris, ut tali exemplo. Sequimur Norm. Vatic. Rem. Corb. &c.

^e Sic restituimus ex Arguc. Vatic. Norm. Corb. Rem. cum prælegeretur: *suæ propitiationis dono perficiant, & imperfecta ad cumulum faciant perfectionis ascendere.*

E P I S T O L A XI.

Ad Rufinum Ephesinum Episcopum.

*Commendat Clericum quemdam litteras nescientem.*Gregorius Rufino ^a Episcopo Ephesi.

Amicitiarum vestrarum antiqua nos caritas movit Fraternitatem vestram scriptis præsentibus visitare. Magno etenim sumus gaudio

tem vestram scriptis præsentibus visitare. Magno etenim sumus gaudio

G g g

dio

AN. CHR.
596. 597.
GREG. 7.



dio relevati, quod de vestra salutis indicio prospera cuncta cognovimus: sed in his omnipotentem Dominum deprecamur, ut sicut vos in præsenti vita, quæ quodammodo umbra futuræ est, de transitoria præstitit corporis incolumitate gaudere, ita in illa cœlesti patria, in qua vita vera est, de perfectæ animæ salute gratulari, communique faciat exultatione gaudere. Harum itaque lator nostris se apud vos desiderans epistolis commendari, a nobis inquisitus utrum, sicut decet Clericum, litteras didicisset, eas se ignorare respondit. Quid ergo commendationis de eo apud Frater-

nitatem vestram amplius agamus ignoro, nisi ut de ejus anima debeat esse solliciti, ac circa eum^b pastoralis invigilare studio; ut qui nescit legere, lingua vestra illi sit codex, ut in bono prædicationis vestræ vel operis quod imitetur aspi-
ciat. Solet enim plerumque strictius cor viva vox trahere, quam lectio dicta per transitum. Sed dum hæc ei interius spiritualis a vobis magistri doctrina tribuetur, exterior quoque sollicitudo non desit; ut ejus adjumento ad spiritalia appetenda^c perveniat: ne si hoc despici-
tur, desit cui prædicatio ministretur.

NOTÆ AD EPIST. XI.

a Ephesus Metropolis Asiæ minoris, Ionæ maritima. Apud Ethnicos olim celebris ob Dianæ templum: apud Christianos autem ob generale Concilium III. anno 431. habitum. Sed maxime ob epistolam a Paulo ad Ephesios scriptam, ejusque prædicationem per trien-

nium.

b Recent. ed. *pastorali invigilare custodia.*

c In vulgatis, *perveniat. Transitoria quoque percipiat; ne si hoc, &c.* quæ sane desiderantur in omnibus Vat. Norm. Rem. Corb. Reg. &c.

EPISTOLA XII.

Ad Respectam Abbatissam.

Monasterium sancti Cassiani privilegiis donat.

Gregorius^a Respectæ Abbatissæ.

a

Plæ postulatio voluntatis effectu debet prosequente compleri: quatenus & devotionis sinceritas laudabiliter enitefeat, & utilitas postulata vires indubitanter assumat. Proinde monasterio quod^b in honorem sancti Cassiani est consecratum, in quo præesse dignosceris, juxta petitionem filiorum nostrorum^c Dynamii atque Aurelianæ, qui religiosa devotione domui sui juris, junctis unius-
se ædificiis comprobantur, hæc privilegia prævidimus indulgeri: constituentes, ut obeunte antedicti monasterii Abbatissa, non extranea, sed

quam congregatio sibi de suis elegerit, ordinetur: quam tamen si digna hoc ministerio judicata fuerit, ejusdem loci Episcopus ordinet. In rebus autem vel in dispositione monasterii ejusdem, nec Episcopum, neque Ecclesiasticorum quemquam aliquam habere decernimus potestatem; sed hæc ad solitudinis tuæ, vel quæ post te in eodem loco fuerit Abbatissa, curam statuimus per omnia pertinere. ^d Die siquidem natalis vel dedicationis supradicti monasterii, ^e Episcopus illuc Missarum sacra conveniat solemnia cele-

b

c

d

e

f

lebrare; a quō tamen ita est hoc officium exsolvendum, ut cathedra ejus nisi prædictis diebus dum illic Missarum solemnia celebrat, non ponatur. Quo discedente, similiter etiam cathedra illius de eodem oratorio auferatur. Cæteris vero diebus, per Presbyterum, qui ab eodem Episcopo fuerit deputatus, Missarum officia peragantur.

Prætera erga vitam actusque ancillarum Dei sive Abbatissæ, quæ in superscripto fuerit monasterio constituta, Episcopo secundum Dei timorem, sollicitudinem statuimus adhibere; ut si aliquam de illic habitantibus exigente culpa oportuerit

ultioni submitti, ipse juxta sacrorum canonum vigorem modis omnibus debeat vindicare. His ergo a nobis statutis atque concessis, ita te in congregationis tuæ dispositione stude sollicitiorem enixius in omnibus exhibere, ut iniqui hostis malitia nihil ibi quod maculari possit inveniatur. Hæc igitur omnia quæ hujus pagina præceptionis amplectitur, monasterio tuo in omnibus & ab omnibus in perpetuum servari, Christo protegente, censemus: quatenus indultorum privilegiorum beneficia in sua semper inviolabiliter firmitate permaneant. § Mense Novembri, Indict. xv.

AN. CHR.
596. 597.
GREG. 7.
6675

g

NOTÆ AD EPIST. XII.

a Ita Norm. Corb. & Vat. D. In Vatic. A. *Abbatissæ de Gallia Massiliensi*. Non multum discrepant aliæ ed. in quibus legitur, *Abbatissæ de Gallis Massiliæ*. In Colbert. habes; *de Gallis Massilianæ*.

b Sexto sec. ad Massiliam vel in ipsa civitate quatuor fuisse Monasteria, scilicet S. Victoris, B. Mariæ de Yvelino *de Veauve*, S. Salvatoris, & S. Cassiani asserit Johannes Baptista Guesnaryus in Cassiano illustrato capp. 17. & 25. atque in Massilia Religiosa seu Annal. Massil. 3. parte corollario 5. §. 1. & 2. Primum erat virorum, cætera puellarum. Cœnobita S. Victoris & B. Mariæ de Yvelino extra Massiliæ muros, condidit ipsemet Cassianus. Aliud postea titulo S. Salvatoris intra muros civitatis erectum est; nunc etiam celebre. Monasterium vero sub ipsius S. Cassiani nomine a Dynamio & Aureliana exstructum aut restauratum privilegiis donat Greg. Mag.

c De Dynamio jam diximus l. 3. ep. 33. Ind. xi. In recent. legitur *Aureliano* pro *Aureliana*, reluctantibus omnibus Vatic. Norm. Reg. Corb. &c. necnon vet. editis. Aurelianam Dynamii sororem fuisse conicere licet ex hac epistola, in qua communibus utriusque votis communis domus Monaste-

rio Massiliensi data legitur. Ne dicamus Dynamii uxorem fuisse, obstat quod legamus Patricii hujus conjugem fuisse Eucheriam, cum qua in basilica B. Hippolyti Martyris sepultus fuit. Aliam uxorem post Eucheriam duxisse Dynamium minime legitur. Consule Hadrianum Vales. Rerum Francic. l. xi. p. 137.

d Per diem natalis, Dedicationem intelligit *Guffanv.* Verum quinta linea sequenti distinguuntur duo illi dies: igitur S. Cassiani dies natalis intelligendus. Lib. xi. ep. 76. de Anglorum Ecclesiis agens S. Gregorius, concedit ut die dedicationis vel natalitio Sanctorum Martyrum, quorum illic Reliquiæ ponuntur, religiosi convivii solemnitatem celebrent.

e Sic locum hunc mutarunt editores; *Episcopo illic Missarum sacra conveniat solemnia celebrare*. Præeunt nobis omnes Anglic. Norm. Rem. & plerique ac potiores Mss.

f Consule si vis Conc. Carth. sub Reparato an. 535. ep. Pontii Episc. Arelat. tomo 6. Spicilegii Acheriani pag. 430. & Card. Bona l. 1. Rerum Liturgic. c. 13. §. 3.

g Ita in Colbert. vet. & in Turon. S. Gat. ubi inscribitur hæc ep. *Respecto Abbati*.

AN. CHR.
596. 597.
GREG. 7.
1673

E P I S T O L A XIII.

Ad Fortunatum Episcopum.

E sacris vasis tantum coram Johanne defensore vendat; quantum pro captivis redimendis erit opus.

Gregorius Fortunato Episcopo Fanensi.

^a Sicut reprehensibile & ultione dignum est sacrata ^a quempiam vasa, præterquam in his quæ lex & sacri canones præcipiunt, venumdare; ita nulla est objurgatione vel vindicta plectendum, si pietatis causa pro captivorum fuerint redemptione distracta. Quia ergo Fraternitate vestra indicante comperimus ad redemptionem captivorum mutuam se fecisse pecuniam, & eam ^b unde solveret non habere, atque ob hoc cum nostra vos auctoritate sacrata velle vasa distrahere: in hac re, quia & legum & canonum decreta

consentiunt, nostrum consensum præbere curavimus, & in distrahendis sacratis vasis vobis licentiam indulgemus. Sed ne eorum venditio ad vestram possit invidiam pertinere, oportet ut in Johannis defensoris nostri præsentia usque ad quantitatem debiti distrahi, & eorum solvi pretium creditoribus debeat: quatenus dum hæc res hujusmodi fuerit observatione completa, nec creditores ^c mutuæ pecuniæ damna sentiant, nec Fraternitas vestra invidiam nunc vel quandoque sustineat.

N O T Æ A D E P I S T. XIII.

^a In editis rec. *quempiam vasa*. In Norm. & al. legitur, *quemquam*.

^b Ibidem recent. *unde solvere possitis*.
^c Ibid. *mutuata pecuniæ*.

E P I S T O L A XIV.

Ad Constantium Episcopum.

Obtrectationibus non moveatur. Depositi a se Episcopi loco alium intra tres menses ordinet.

Gregorius Constantio Episc. Mediolanensi.

^a ^b Antiquus humani generis inimicus quibus vos linguarum jaculis & malorum cordium insidiis existimavit impetendos, relatione multorum jam dudum me audisse cognoscite. Sed ^b in cunctis quæ in hac vita, adversa proveniunt, sola est, sicut nostis, omnipotentis Dei districtio pensanda, atque ad cor semper proprium recurrendum, ut nullius nos ibi lingua implicet, ubi

conscientia non accusat. Quem enim conscientia defendit, & inter accusationem liber est; & liber vel sine accusatione esse non potest, si sola quæ interius addicit, conscientia accusat. De vestra igitur Sanctitate absit a Christianorum judicio, ^c ea quæ maledicorum hominum rumoribus conficta credimus, in qualicumque modulo suspicionis adduci: quia & sacri eloquii testimonium

te-

Grat. 11. 9
3. c. 52.
In cunctis

tenemus, ut majora mala cum for-
sitā dicuntur, nisi probata credi
non debeant, sed probata citius ul-
cisci. Nam ipse qui omnia creavit,
& cuncta quæ condidit intuetur Deus,
malorum gravium ultione commo-
tus, ait: *Clamor Sodomæ & Gomor-
rhæ ascendit ad me; d descendo ut vi-
deam utrum clamorem quem audiui,
opere compleverint, & ulciscar: an
non est ita, ut sciam.* Quo enim de-
scenderet Deus, ut quæ essent facta
cognosceret? Aut quid non is qui
ubique est sciret? Sed ut nostræ igno-
rantix exemplum discretionis daret,
quatenus deberemus male gravi au-
dita non credere, ipse se dicit ad
cognoscendum descendere, de quo
omnibus liquet, quia & non descen-
dens omnia sciret. Hæc igitur dixi,
ut nimix esse levitatis ostenderem,
si quis mala gravia credere studeat,
quæ probari non possunt. Unde San-
ctitas vestra debet mentem suam a
maledicorum hominum rumoribus
atque obtreptione disjungere, &
sola quæ æternæ vitæ sunt, atque
ad utilitatem subditorum proficiunt,
cogitare: quia & ad hoc fortasse an-
tiquus hostis tali cura implicari
vos voluit, ut dum Fraternitatis ve-
stræ animus erga ea quæ sua sunt,

indefinenter occupatur, aliena minus
cogitet: & nullum verbi solatium
subditis inferat, atque perverse agen-
tibus nulla distinctione contradicat.
Sic namque in corporali prælio fieri
solet, ut is qui in certamine vexil-
lum portat, ipsum hostis vehemen-
ter impetat: quatenus si ipse qui
a cæteris attenditur, vulnus accepe-
rit, multitudo omnis citius disper-
sa capiatur. Hoc igitur f opinionis
illatæ vulnus sentire vestra Fraterni-
tas non debet, sed vitam atque me-
liorationem sibi commissorum cura-
re: quatenus venturo judici bonam
possitis & de vestra innocentia, &
de subditorum melioratione ponere
rationem. Cætera autem quæ ad uti-
litatem temporis congruunt, per
Marinianum defensorem vestrum vo-
bis verbo intimanda mandavimus.

Illum vero Episcopum, quem a
Fraternitate vestra invenimus esse g
depositum, postquam sacri canones,
sicut nostis, h ultra tres menses, h
Ecclesiam præcipiant non vacare,
si manifestum in eo crimen apparuit,
loco ejus Episcopum studii ve-
stri sit modis omnibus ordinare:
quia diu sine proprio Rectore esse
non debet Ecclesia. i Mense Mar-
tio, Ind. xv.

N O T Æ A D E P I S T. XIV.

a Ex hac ep. desumpta legimus extra
de accusationibus, ac præsertim in ca-
pitibus *Qualiter & Quando*, ex ep. In-
nocentii III. & ex Concil. Lateranen-
si. *Guffanv.*

b De eodem argumento lege plures
textus causa 11. q. 3. a c. 49. ad 59.
Hinc videre est quantum sit in Præla-
tis malum credulitas, qua lætantur
calumniatores, viri boni fatiscunt.
Noverat Greg. & hac medetur episto-
la. Ea de re Lucianus librum edidit
quem videlis. *Auget.*

c Sic restitimus ope Mss. Vatic.
Norm. Rem. Corb. Reg. In nonnullis
tamen Vatic. & Reg. legitur, *adduce-
re pro adduci.* Prius legebatur in ex-
cusi: ut ea quæ . . . conficta sunt,
credamus in qualicumque modulo suspi-
cionis adducere. Nostræ lectioni suffra-

gatur Gratianus hunc locum referens.

d Excusi, *descendam.*

e In Norm. Corb. & plur. Vatic.
interna.

f Id quidem difficillimum: nam sa-
pientem etiam turbat calumnia. Eccle-
siasticus 7. Recte Theodoret. in Psal. 118.
*Non calumnientur me superbi. Tristis
res calumnia, dura est calumnia, licet
magnam mercedem habeat, &c. Guss.*

g Adjunctis collegis. Nam ut Epi-
scopos ab uno promoveri non oportet,
ita nec deponi. Si rationem exposcis,
invenies in Aquilgran. an. 816. c. 9.
*Quod Episcopus non ab uno, sed acun-
ctis provincialibus Episcopis ordinatur,
ideo institutum est ne aliquid contra fi-
dem Ecclesiæ, unius auctoritas tyran-
nica moliretur &c. Auget.*

h Id dictum supra, & dicitur infe-
rius

AN. CHR. 196. 597. r. In exculis, *Menſe Majo*, *Menſis*
GREG. 7.

Martius notatur in Vatic. in Colb. vet.
& in Turon. S. Gat.



E P I S T O L A XV.

Ad Georgium Presbyterum, & Theodorum Diaconum.

Descendentem ad inferos Jesum Christum, solos illos liberasse, qui eum & venturum esse crediderant, & praecepta ejus vivendo tenuerant.

Gregorius ^a Georgio Presbytero, & Theodoro Diacono Ecclesiae Constantinopolitanae.

Memor bonitatis vestrae atque caritatis, memetipsum valde reprehendo, quod vos ad remeandum citius relaxavi: sed quia semel ac secundo importune mihi de relaxatione vestra vos insistentes vidi, perpenni grave esset, si vestra apud nos Dilectio moraretur. Postquam vero cognovi vos propter hiemis tempus tam longo tempore in itinere remansisse, fateor, citius dimissos esse vos dolui. Si enim iter propositum vestra Dilectio peragere ^b non valebat, melius fuerat ut apud me moram, quam extra me, faceret.

Præterea post discessum vestrum, dilectissimis filiis meis Diaconis narrantibus, agnovi quod Dilectio vestra dixisset, omnipotentem Dominum salvatorem nostrum Jesum Christum ad inferos descendentem, omnes qui illic confiterentur eum Deum, salvasse, atque a poenis debitis liberasse. De qua re volo ut Caritas vestra longe aliter sentiat. Descendens quippe ad inferos, solos illos per suam gratiam liberavit, qui cum & venturum esse crediderunt, & praecepta ejus vivendo tenuerunt. Constat autem quia post incarnationem Domini nullus etiam ex his salvari potest, qui fidem illius tenent, & vitam fidei non habent: quia scriptum est: *Confitentur se nosse Deum, factis autem negant*. Et Johannes ^{1.} ait: *Qui dicit quia novit eum, & mandata ejus non custodit, mendax*

est. Jacobus quoque frater Domini scribit, dicens: *Fides sine operibus Jac. 2. 29. mortua est*. Si ergo fideles nunc sine bonis operibus non salvantur, & infideles ac reprobis sine bona actione Domino ad inferos descendente salvati sunt: melior illorum fors fuit, qui incarnationem Domini minime viderunt, quam horum qui post incarnationis ejus mysterium nati sunt. Quod quantæ fatuitatis sit dicere vel sentire, ipse Dominus testatur discipulis, dicens: *Multi Reges & Prophetae cupierunt videre quae vos videtis, & non viderunt*. Sed ne Dilectionem vestram in mea disputatione immorer, quid de hac haeresi ^c Philaster in libro quem de haeresibus scripsit, dixerit, cognoscatur, cujus haec verba sunt: Sunt, haeretici qui dicunt, Dominum, in infernum descendisse, & omnibus post mortem jam ibidem se nuntiasse, ut confitentes ibidem, salvarentur; cum hoc sit contrarium dicenti Prophetae David: *In inferno autem quis confitebitur tibi?* Et Apostolo: *Quotquot sine lege peccaverunt, sine lege peribunt*. Cujus verbis beatus quoque Augustinus in eo libro concordat, quem de haeresibus scripsit.

Hæc itaque omnia pertractantes, nihil aliud teneatis nisi quod vera fides per Catholicam Ecclesiam docet: quia descendens ad inferos Dominus illos solummodo ab inferni claustris cri-

Tit. 1. 16.

1. Joh. an. 2.

Matt. 13 17.
& Luc. 20.
& 24.

Ps. 6. 6.

Rom. 2. 12.

Joh. 12. 32. eripuit, quos viventes in carne per suam gratiam in fide & bona operatione servavit. Quod enim per Evangelium dicit: *Cum exaltatus fuero a terra, omnia traham ad me ipsum,* d. omnia videlicet electa. Nam tra-

hi ad Deum post mortem non potuit, qui se a Deo male vivendo separavit. Omnipotens Deus sua vos protectione custodiat, ut ubicumque estis, & in anima & in corpore gratiæ ejus auxilium sentiat. e

A. N. C. H. R.
596. 597.
GREG. 7.



NOTÆ AD EPIST. XV.

a In Vatic. Gregorio.
b Turon. Norm. & plur. non valet.
c Verba quæ refert, fere eadem habentur in Philastro libro de heresibus, in cap. cui titulus est, *Hæresis de Christi descensu ad inferos*. Sed multa sequuntur quæ suprimunt S. Gregorius. Hunc vero Philastrum indiligentem fuisse

testatur S. August. lib. de hæresibus ad Quod-vult-Deum, in epistola tractatui præfixa: nec hanc hæresim nisi ex Philastro refert. Guffanv.

d Convenit Augustino multis in locis. Guffanv.

e In Turon. S. Gat. subjicitur, *Mense Aprili Indict. xv.*

EPISTOLA XVI.

Ad Agnellum Episcopum.

Formiensis Ecclesiæ visitationem delegat.

Gregorius Agnello Episcopo Terracinenfi.

O Bitum Bacaudæ Antistitis directa relatio patefecit; quapropter visitationis b Ecclesiæ destitutæ Fraternitati tuæ operam solemniter delegamus: quam ita te convenit exhibere, ut nihil de profectionibus Clericorum, redditu, vel ornatu, ministeriisque, c vel quidquid illud est in patrimonio ejusdem a quoquam præsumatur. Et ideo Fraternitas tua ad prædictam Ecclesiam ire properabit, & assiduis adhortationibus clerum plebemque ejusdem Ecclesiæ admonere festinet, ut remoto studio, uno eodemque consensu talem sibi præficiendum expetat Sacerdotem, qui tanto ministerio dignus valeat reperiri, & a veneran-

dis canonibus nullatenus respuatur. Qui dum fuerit postulatus, cum solemnitate decreti omnium subscriptionibus roborati, & Dilectionis tuæ testimonio litterarum, ad nos sacrandus occurrat: d commonentes etiam Fraternitatem tuam ut nullum de altera eligi permittatis Ecclesia, nisi forte inter Clericos ipsius civitatis, in qua visitationis impendis officium, nullus ad Episcopatum dignus, quod evenire non credimus, potuerit inveniri. Provisurus ante omnia, e ne ad hoc cujuslibet conversationis vel meriti laicæ personæ aspirare præsumant, & tu periculum ordinis tui, quod absit, incurras.

NOTÆ AD EPIST. XVI.

a Hæc epistola omittitur in Norm. Anglic. Corb. Rem. fortasse, quod formulam injungendæ visitationis contineat jam plurimis in epistolis repertam. Exstat in codd. Reg. Colbertino & Vaticanis, si unum excipias notatum D. qui ut plurimum convenit cum Norm. & Anglic.

b Scilicet Formiensis ut patet ex ep. 8. libri primi ubi de Formiis diximus.

c In Turon. *quidquid illic est.*

d Ibid. *commonemus etiam.*

e Ita Turon. In Vatic. *ne ad cujuslibet conversationis meritum.* In excussis, *ne ad hoc cujuslibet conversationis meritum.*

AN. CHR.
596. 597.
GRIG. 7.

E P I S T O L A XVII.

Ad Sabinianum Episcopum.

*Exposita Maximi contumacia, Sabinianum ab illo jam dissentientem alios-
ve Maximo adherentes Romam vocat; quibus securitatem omnem, necnon,
si id iustitia patitur, absolutionem spondet.*

Gregorius ^a Sabiniano Episcopo Jadertino.

a

SI dispensationis Ecclesiasticæ regulam, & antiquæ consuetudinis ordinem sollicita studuisses consideratione pensare, nec tibi aliqua illicitæ præsumptionis culpa surriperet, nec alii occasione tui peccati discrimen incurrerent. Itaque cognovisse te non est ambiguum, quia dum ad nos quædam de Maximo pervenissent quæ sacerdotii provectum non leviter impedirent, nostrum in ejus persona non fuisse consensum, nec prius eum nos voluisse ad hoc quod nitebatur accedere, quam digna de his quæ dicta erant satisfactio proveniret. Quod cum servare & tu omnino debuisses, actum magis est ut antedictus Maximus cæcæ mentis aviditate Episcopatum arripiens, ad suam te incaute voluntatem contra nostrum vetitum inclinaret. Sed ne vel tunc irrequisita quæ ad nos perlata fuerant, remanerent, nostris ut huc veniret epistolis est accersitus. Quem etiam pravo studio differentem, curæ nobis fuit sub interdictione communionis iteratis epistolis admonere, ut ad nos pro sui purificatione venire, excusatione postposita, properaret: sed elegit excommunicationi succumbere, quam obedientiam exhibere. Unde contigit ut perversæ ipsius mentis pravitas

in sua alios secum, quod dici nefas est, perditione convolveret. Nunc autem quia ab ejus te nequitia cognovimus dissentire: denique ut nec ei communices, nec nominis ipsius facias inter sacra Missarum solemnia mentionem, ut animæ tuæ vel sero te ab eo discordasse proficiat, scriptis te præsentibus adhortamur: quatenus ad nos mora submota venire non differas, sed & alios tecum, quos tamen potueris, Episcopos ceterosque religiosos festines adducere: ut causa subtilius examinata, ^b & vestra, si res exegerit, congrue decenterque debeat absolutio provenire; & hi qui in peccato ejusdem temeritatis collapsi sunt, ad viam salutis, auxiliante beato Petro Apostolorum principe, dispositione Christo placita revocentur. Sciat autem quisquis ad nos Episcopus vel religiosus venerit, nullum se præjudicium vel injustitiam sustinere; ^c sed ita interius cognita veritate, quæ Redemptori nostro placuerint ordinari: quatenus ex ipsa nostra dispensatione, Domino suffragante, cunctis appareat, non nos proprio odio contra aliquem, sed Dei zelo & Ecclesiastici ordinis libramine commoveri.

b

c

N O T Æ A D E P I S T. XVII.

^a In Vatic. B. Sabiniano Episcopo Tiburtino. In Reg. Sabino Episcopo Tuderentino. In Colb. Episcopo Tabertino; fortasse legendum Tibertino compendiose

pro Tiburtino.

^b In excusis, & nostra, reluctantibus MSS. Anglic. Norm. Vatic. &c.

^c Recent. sed ita interim cognita.

illum de objectis criminibus canonice purgatum loco suo & ordini restituit.

Gregorius a Martino Diacono & Abbati.

Sicut veraciter adversus religiosos dicta crimina digna sunt ultione plectenda: ita ab illatis sunt nihilominus absolvendi, quando nullus eos culpæ reatus adstringit. Quia igitur aliqua nobis de te fuerant nuntiata, quæ officii tui propositum non leviter macularent, curæ nobis fuit ea diu ac subtili investigatione perquirere. Et quoniam nil quod tibi noceret invenimus, ne qua de his quæ dicta fuerant, suspicio remaneret, ad plenissimam te satisfactionem quæ ab eis insons existeris, ad sacratissimum corpus beati Petri Apostolorum Principis^b districta fecimus sacramenta præbere. Et ideo

postquam nobis, ut oportuit, satisfactum est, Dilectionem tuam prævidimus modis omnibus absolvendam, atque ad tuam te Ecclesiam, in eo videlicet quo fuisti loco & ordine, per omnia statuimus remeare, & nullam te a quoquam contradictionem vel inquietudinem de his quæ ad nos perlata fuerant sustinere: admonentes ut ita te de cætero cautum sollicitumque debeas exhibere; quatenus & officio tuo moribus & actione respondeas, ut omnis contra te penitus adversæ opinionis dicendi subtrahatur occasio. ^c Mense Majo, Indictione xv.

N O T Æ A D E P I S T. XVIII.

^a De titulo duo faciunt ut dubitem, 1. series epistolæ, quæ Clerico melius aptatur quam Monacho, cum de Ecclesia agat non de monasterio. 2. quia Diaconum illum in eo loco & ordine vult stare quo fuerat, quod interpretor divinum officium implere, non Abbatis sustinere personam: scilicet vix tribueremus Abbati locum, ordinem, ministerium diaconi in suo monasterio. Exscriptorem forte fefellit vox *Religiosus*, quam de solis monachis dici existimaverat. *Guffanv.* Hanc Guffanvillæi conjecturam nulla adjuvant exemplaria: in omnibus enim MSS. constanter Martinus hic sive Martianus, Abbas dicitur. De hujus epistolæ corruptela aliam conjecturam idem proponit adhuc leviolem.

^b Olim de infami crimine accusatus Presbyter, purgare se debebat præstito juramento, & tactis sacrosanctis Evangeliiis, vel Sanctorum reliquiis, ut hic & lib. 2. Indict. 10. ep. 23. nunc 33. lib. 7. Indict. 2. ep. 80. nunc 79. lib. 9. lib. 11. ep. 8. nunc lib. 13. ep. 6. & alibi: & in Capitularibus Caroli Magni an. 779. c. 10. *Sicut ad crucem, Tqm. VII.*

& si jurator vicerit; legem suam accusator emendet. Posterioribus seculis exigebantur purgatoria illa sacramenta a clericis infamatis, cum tribus aut quinque aut septem collegis sui ordinis, ut loquitur Ivo Carnot. ep. 54. & 206. qui propterea appellabantur, *testes sacramentales, conjuratores, compurgatores*, ut videre est in legibus antiquis Alemanorum & Bajoariorum. Et hoc est quod dicitur, *purgare se in tertia, vel in quinta, vel in septima manu.* Manum enim semper fidei symbolum fuisse constat. Unde & etiamnum in judiciis adhibetur. Concil. Agath. c. 3. ait Presbyterum infamatum *cum septem sociis sui ordinis.* Ilerdense c. 10. *cum septem Collegis se expurgare debere.* caus. 2. q. 4. c. 12. & 13. Similiter Hildebertus Cænomani. ep. 69. ait Decanum suspectum debere purgari, *& in septima manu ordinis sui suam jurejurando declarare innocentiam.* Idem legitur in ep. 30. Hincmari, ubi Presbyter infamatus *debet se per septem testes purgare.* Ex decreto Lucii III. cap. *Ex tuarum*, de purgatione canonica, Presbyter infamatus *debet cum septima aut quin-*

quinta manu sui ordinis per purgationem Canonica innocentiam suam ostendere. Titulo 6. legis Alemann. legitur in sexta manu jurare. In lege Frisionum in decima-secunda manu. Depurgatione Canonica vide quæ diximus ad

ep. 23. l. 2. Indiſt. 10. *Guffanv.*

^c In Turon. S. Gat. prima manu, *Menſe Martio Indiſt. xv.* At ſecunda, *menſe Majo*, ut etiam legitur in Colb. vet. & in tribus Vatic. *Maur.* Eſt potius hæc formula faciundæ fidei, quam ep. e. v.

Al. l.
Ind. II.

E P I S T O L A * XIX.

Ad Marinianum Archiepiſcopum.

Deprecante onus epiſcopale ob infirmitatem Caſtorio, alium Ariminenſibus ordinandum Epiſcopum. Hunc a clero & plebe eligi, a Ravennate Epiſcopo examinari, atque, ut conſecretur Romam mitti jubet.

a

Gregorius Mariniano Archiepiſcopo. ^a

Joh. Diae.
l. 4. c. 39.
Grat. 27. g.
l. c. 13. Qualiter.

b

c

Qualiter ordinati a nobis Sacerdotis, ^b corporis qua notum eſt, impediēte moleſtia, Ariminenſis Eccleſia paſtorali hæcenus ſit regimine deſtituta, dudum Fraternitas veſtra cognovit. Quem dum habitatorum loci illius precibus permoti ſæpius hortaremur ut ſi de eadem capitis, qua detinebatur moleſtia, melioratum ſe eſſe ſentiret, ad ſuam, auxiliante Domino, reverteretur Eccleſiam: datis induciis in hoc quadriennio exſpectatus eſt. Quem dum monitu cleri civiumque illinc venientium, noſque ^c precibus urgentium, instantius hortaremur ut ſi valeret, cum eis auxiliante Domino remearet: data ſcriptis ſupplicatione, noſ petiit ut quia ad ejuſdem Eccleſiæ regimen vel ſuſceptum officium, pro eadem qua detinetur moleſtia, aſſurgere nullatenus poſſet, Eccleſiæ ipſi ordinare Epiſcopum deberemus. Unde quia cunctarum Eccleſiarum inſuncta noſ ſolicitudinis cura conſtringit, ne

diutius gregi fidelium deſit cuſtodia paſtoralis, illorum precibus, huiusque ex ſui impoſſibilitate renuntiatione compulſis, viſum nobis eſt eidem Ariminenſi Eccleſiæ debere Epiſcopum ordinari: & datis ex more præceptis, clerum plebemque ejuſdem Eccleſiæ non deſtitimus admonere, quatenus ad eligendum ſibi Antiſtitem concordī proviſione concurrant. Hortamur igitur ut Fraternitas veſtra eum quem uno conſenſu omnes elegerint, ſicut & ipſi a nobis popoſciſſe noſcuntur, ad ſe faciat evocari; quem cauta ex omnibus examinatione diſcutite. Et ſi ea in eo quæ ^d in textu heptatici morte mulctata ſunt, minime Domino fuerint opitulante reperta, atque fidelium perſonarum relatione ejus vobis quidem vita placuerit, ad noſ eum cum decreti pagina, veſtræ quoque addita teſtificationis epiſtola deſtinate: quatenus ejuſdem a nobis Eccleſiæ, diſponente Domino, conſecretur Antiſtes.

N O T Æ A D E P I S T. XIX.

a Beſſ. *epiſcopo.*

b Recent. ed. *capitis*, ut notum eſt. Noſtram lectionem exhibent Mſs. Norm. Vat. &c. nec non Gratianus. Paulo poſt ab iſdem additum *qui*, ante *datiſ*, unde ſenſus hærebat, expunximus.

c Vitioſe in excuſis, *precibus arguentium*. In plerique Mſs. deſt *monitu*.

d Sic epiſtola 30. l. 12. nunc 32. l.

2. Ita etiam appellatur ab Hincmaro: aliis dicitur *heptateuchus*, & apud ſanctum Hieronymum ep. 7. ad Lætam, & ep. 28. ad Lucinum, & apud Sidorium Apollinarem l. 5. ep. 15. ſignificantur autem hac voce quinque libri Moyſis, & duo alii Joſue, & Judicum. *Guffanv.*

EPI-

Ad clerum & plebem Ariminensem.

Propter Episcopi sui infirmitatem alium qui dignus sit, eligant.

Gregorius clero & plebi consistenti Arimino.

Pastoralis nos cura constringit, Ecclesiis Sacerdotis moderamine destitutis, sollicita consideratione concurrere. Et ideo quia Ecclesia vestra diu Sacerdotis proprii, corporis qua noster impediens molestia, pastorali est regimine destituta, vestris precibus permoti, eundem Episcopum non destitimus admonere, ut si ex eadem molestia se melioratum esse sentiret, ad suscepti sacerdotii debuisset remeare ministerium. Qui semel a nobis sæpiusve commonitus, eadem urgente molestia, nunc scriptis nobis supplicatione porrecta nescitur intimasse, nullatenus se ad regimen ejusdem Ecclesiæ vel susceptum officium, impediens molestia, assurgere posse. Qua personæ ejusdem desperatione compulsi, necessarium duximus de ordinatione

nos vestræ Ecclesiæ cogitare. Hortamur ergo ut uno omnes eodemque consensu, remoto strepitu, talem vobis præficiendum eligatis auxiliante Domino Sacerdotem, qui & a venerandis canonibus nullatenus respiciatur, & tanto ministerio dignus valeat reperiri. Qui dum fuerit postulatus, cum solemnitate decreti, omnium subscriptionibus roborati, & Visitatoris pagina prosequente, ad nos veniat ordinandus: quatenus Ecclesia vestra, disponente Domino, proprium habere valeat Sacerdotem. Volumus autem ut eum quem unanimitas vestra elegerit, ad fratrem & coepiscopum nostrum Marinianum Ravennam sine dilatione aliqua perducatis; ut ab eo subtiliter inquisitus atque perspectus, ipsius quoque ad nos veniens testimonio roboretur.

Ad Sebastianum Episcopum.

Ut clerum & plebem Ariminensem ad idonei Antistitis electionem urgeat.

Gregorius Sebastiano Episcopo.

Pastoralis nos cura constringit, Ecclesiis Sacerdotis moderamine destitutis, sollicita consideratione concurrere. Et ideo quia Ariminensis Ecclesia cui Fraternitas vestra visitationis impendit officium, diu Sacerdotis proprii, corporis qua noster impediens molestia, pastorali est regimine destituta; ^acleri vel civium precibus permoti, eundem Episcopum non destitimus admonere, ut si ex eadem molestia se melioratum esse sentiret, ad suscepti sacerdotii debuisset ministerium remeare. Qui

semel a nobis sæpiusve commonitus, eadem urgente molestia nunc scriptis nobis supplicatione porrecta nescitur intimasse, nullatenus se ad regimen ejusdem Ecclesiæ vel susceptum officium, impediens molestia, assurgere posse. Qua personæ ejus desperatione compulsi, necessarium duximus de ordinatione ejusdem Ecclesiæ cogitare. Hortamur ergo ut clerum, plebemque Ecclesiæ ejusdem sollicita debeatis admonitione compellere, ut sibi cum Domini auxilio talem præficiendum eligant Sacer-

AN. CHR.
595. 597.
GREG. 7.

6695

dotem, qui & aptus tanto ministerio valeat inveniri, & a venerandis canonibus nullo modo respuatur. Qui dum fuerit postulatus, cum solemnitate decreti omnium subscriptionibus roborati, vestrarum quo-

que testimonio litterarum, huc faciendus occurrat: quatenus Ecclesia ipsa proprium, auxiliante Domino, habere valeat Sacerdotem. ^b Mense Majo.

b

N O T Æ A D E P I S T. XXI.

a Bess. vestris precibus.

b Nullis in Mss. hæc legimus.

Al. XIX.

E P I S T O L A * XXII.

Ad Cyprianum Diaconum.

Siciliæ Episcopos olim tertio quoque anno, jam quinto Romam proficisci solitos, ad Natale S. Petri convenire sic procuret, ut inde nulla Prætori oriatur suspicio. Moneat quoque Liparitanum & Regitanum Episcopos. Libertinum consoletur.

Gregorius Cypriano Diacono.

Johan. Diac.
lib. 3. c. 25.

NOVIT Dilectio tua hoc olim consuetudinem tenuisse, ut fratres & coepiscopi nostri Romam semel in triennio de Sicilia convenirent: sed nos eorum labori constituisse ut suam huc semel in quinquennio præsentiam exhiberent. Et quia jam diu est quod huc minime convenerunt, eos hortari te volumus ut Natale sancti Petri hic, Deo perducente, nobiscum debeant celebrare. Sed ne forte Prætori aliqua possit nasci suspicio, si eos huc admonitos venire cognoverit: voluntatem nostram intelligens, ita hoc ex te facere stude, ut & ipsi, sicut prædiximus, ad diem constitutum huc veniant, & nulla de eis Prætori

possit esse suspicio. Liparitanum vero & Regitanum Episcopos, ut huc veniant pariter commonebis.

Circa Libertinum vero virum magnificum esto sollicitus, ut nullus illum dolus decipiat: quia aliqua nobis de Ravennati urbe scripta sunt, ipsamque ad te epistolam misimus, ut ex ea qualiter te erga eum debeas exhibere, possis addiscere. Consolare autem eum, ut se non affligat: quia credimus quod nos excellentissimus filius noster Exarchus non contristet. Nam de persona ipsius scribere non distulimus. Sed quia in Pado idem Exarchus occupatus est, minime scripta ejus suscepimus.

N O T Æ A D E P I S T. XXII.

a Ex epistola S. Leonis 16. ad Siciliæ Episcopos, consuetudinis istius epocha atque causa colligitur: scilicet ut interessent Concilio sub Romano Pontifice Metropolitano suo, ex præcorum canonum vi, quibus habendas singulis annis Synodos fuerat decretum, ut *communi tractatu omnia instituta canonumque decreta apud omnes Sacerdo-*

tes inviolata permanerent. Volebat autem S. Leo ternos singulis annis convenire. Itaque si semel quolibet triennio Romam pergebant singuli, novem tunc fuisse in Sicilia Episcopos planum est. Interciderat autem ista consuetudo, quam reparat, dilato anno, mutata die. Vide ep. 1. libri primi.

Al. XX.

E P I S T O L A XXIII.

Ad Fortunatum & Anthemium.

AN. CHR.

596. 597.

GREG. 7.

GGG

Stephanum, ut desponsatæ sibi Monasterium ingressæ res ablatas restituat, hortentur. Si renuat, indident, ut reddere cogatur.

Gregorius Fortunato Episcopo, & Anthemio ^a defensori.

a

Caus. 27. q. 2. c. 28. Decreta legalia.

b

c

Catellus præsentium lator nobis innotuit, sororem suam, quæ Stephano cuidam fuerat desponsata, divinæ propitiationis instinctu Neapoli in monasterio fuisse conversam, atque eundem Stephanum ^b domum & res ejus aliquas indebite detinere. Et quia decreta legalia desponsatam si converti voluerit nullo omnino ^c censuerunt damno mulctari, Fraternitas tua una cum Anthemio Subdiacono veritatem diligenti curiositate studeat perscrutari. Et si, ut edocti sumus, domum vel quid aliud superscriptum Stephanum injuste tenere cognoscitis, eum adhortatio vestra instantèr admoneat, ut quæ

indebite detinet, sine aliqua mora, vel altercatione restituat: ne rerum alienarum restitutionem sub qualibet excusationis specie differat. Quem si adhortationem vestram negligere fortasse cognoscitis, nobis tam hoc quam etiam qualiter se causæ veritas habeat, subtiliter indicate; quatenus cognito negotii merito, aliter cogatur, æquitate suadente, restituere, quod facere propria sponte honestatis consideratione contemnit. Latorem vero præsentium Fraternitati tuæ commendantes, hortamur ut cum illic moras pati hac pro cause diutius non permittas.

N O T Æ A D E P I S T. XXIII.

^a In duobus Vaticanis additur, per Campaniam.

^b In codice de Episcopis & Clericis, lege 56. cognitum nobis est quod si quis sponsus vel sponsa post datas & acceptas arrhas voluisset se divino deputare servitio, & a seculari conversatione recedere, ac sanctimoniam vitam vivere, atque in Dei timore permanere, compellatur vir quidem . . . sponsa vero in duplum id quod acceperat reddere: quod

nostræ mansuetudinis religioni contrarium esse visum est. Unde per præsentem legem . . . sponsa autem non duplum sicuti hætenus, sed hoc tantummodo sponso, quod arrharum nomine acceperat, & nihil amplius reddere compellatur, nisi quod probata fuerit accepisse, &c. Guffanv.

^c Vatic. A. consueverunt damno mulctare. Quam lectionem probamus.

Al. XXI.

E P I S T O L A * XXIV.

Ad Candidum Presbyterum.

Christianos quatuor redimat, qui in Judæorum servitio Narbonæ detinebantur.

a

Gregorius Candido Presbytero ^a nostro per Gallias.

Johan. Diac. l. 4. c. 41.

Dominicus præsentium portitor lacrymabiliter nobis innotuit, quatuor fratres suos de captivitate a Judæis redemptos esse, atque eos nunc

Narbonæ ^b in eorumdem Judæorum servitio ^c detineri. Et quia omnino grave execrandumque est Christianos esse in servitio Judæorum; Dile-

b

c

AN. CHR.
596. 597.
GREG. 7.
677

Dilectionem tuam scriptis præsentibus adhortamur, ut cum omni subtilitate & sollicitudine studeat perscrutari. Et si revera ita est, atque manifesta tibi veritate constiterit, quia neque ipsi unde se redimant,

neque superscriptus portitor habet, eos studii tui sit redimere: sciens quia quidquid in eis dederis, tuis sine dubio rationibus imputabitur. ^d Mense Junio, Indictione xv.

NOTÆ AD EPIST. XXIV.

^a Omittitur, *nostro per Gallias* in omnibus pene Mss. legitur tamen in Vatic. A.

^b Narbona seu potius Narbo, antiquis Narbos Martius, olim Galliæ Narbonensis seu Braccatæ primaria. Nunc adhuc urbs ampla Provinciæ Occitanæ

Archiepiscopalis titulo insignita. *Gloss.*

^c De Christianis in Judæorum servitio detentis supra l. xix. ep. 38. l. iv. ep. 27.

^d Id habent tantum Turon. S. Gato & Colbert. vet.

Al. xxix.

EPISTOLA * XXV.

Ad Gregoriam.

Peccata sua confessam, at de illorum remissione anxiam, consolatur, allato peccatricis, quam Marthæ sororem putat, exemplo. Divinam veniæ revelationem frustra postulari ostendit.

a

Gregorius Gregoriæ ^a Cubiculariæ Augustæ.

Luc. 7. 47.

DEsiderata dulcedinis vestræ scripta suscepi, in quibus vos omnino de peccatorum multitudine studuistis accusare: sed scio quia omnipotentem Dominum ferventer diligitis, atque in ejus misericordia confido, quia illa de vobis sententia ex ore Veritatis procedit, quæ de quadam sancta muliere dicta est: *Dimissa sunt ei peccata multa, quoniam dilexit multum.* Quomodo autem fuerint dimissa, in hoc etiam monstratum est quod postmodum est secutum, quia ad pedes Domini sedebat, & verbum ex ore illius audiebat. In contemplativa enim vita suspensa jam activam transcendebat, quam adhuc Martha illius soror tenebat. Sepultum quoque Dominum studiose quæsit, ad monumentum inclinata corpus illius non invenit. Sed etiam recedentibus discipulis ipsam ante januam monumenti plorans perstitit, & quem mortuum quærebat, viventem vi-

dere meruit, & quia resurrexisset discipulis nuntiavit. Et hoc mira dispensatione pietatis Dei fuit, ut ex ore mulieris nuntiaretur vita, quia ex ore mulieris mors fuerat in paradiso propinata. Quæ alioquoque tempore cum Maria altera Dominum post resurrectionem vidit, & accedens pedes ejus tenuit. Duc, rogo, ante oculos, quæ manus, cujus tenuerunt pedes? Illa mulier quæ fuerat in civitate peccatrix, illæ manus quæ fuerant iniquitate pollutæ, illius tetigerunt pedes, qui ad Patris dexteram super Angelorum verticem sedet. Pensemus si possumus quæ sint ista supernæ pietatis viscera, ut mulier, quæ in profundum voraginis fuerat demersa per culpam, ex amoris penna sic in altum levaretur per gratiam. Impletum est, dulcis Filia, impletum quod de hoc sanctæ Ecclesiæ tempore prophetica nobis voce promissum est: *Et in die illo erit domus* Zac. 13. 1.

D2.

David fons patens in ablutionem peccatoris, & menstruata. Domus enim David nobis peccatoribus fons patens in ablutionem est; quia abiniquitatum nostrarum sordibus per David filium Salvatorem nostrum aperta jam misericordia lavamur.

*Joh. Diac.
lib. 4. c. 60.*

Quod vero Dulcedo tua in suis epistolis subjunxit, importunam se mihi exsistere, quoadusque scribam mihi esse revelatum, quia peccata tua dimissa sunt, rem difficilem etiam & inutilem postulasti. Difficilem quidem, quia ego indignus sum cui revelatio fieri debeat: inutilem vero, quia secuta de peccatis tuis fieri non debes, nisi cum jam in die vitæ tuæ ultimo plangere eadem peccata minime valebis. Quæ dies quousque veniat, semper suspecta, semper trepida metuere culpas debes, atque eas quotidianis fletibus lavare. Certe Paulus Apostolus jam ad tertium cælum ascenderat, in paradysum quoque ductus fuerat, arcana verba

audierat, quæ homini loqui non liceret: & tamen adhuc trepidans, dicebat: *Castigo corpus meum, & servituti subicio, ne forte aliis prædicans, ipse reprobus efficiar.* Adhuc timet qui jam ad cælum ducitur, & iam timere non vult qui adhuc in terra conversatur? Perpende, Dulcissima Filia, quia mater negligentiae solet esse securitas. Habere ergo in hac vita non debes^b securitatem, per quam negligens reddaris. Scriptum est enim: *Beatus vir qui semper est pavidus.* Et rursus scriptum est: *Servite Domino in timore, & exsultate ei cum tremore.* In paucis ergo hujus vitæ tempore mentem vestram necesse est ut tremor teneat, quatenus securitatis gaudium sine fine postmodum exsultet. Omnipotens Deus sancti Spiritus sui gratia mentem vestram repleat, & post fletus, quos quotidie in oratione funditis, ad gaudia vos æterna perducatur^c.

AN. CHR.
596. 597.
GREG. 7.

1. Cor. p. 27.

Pro v. 28. 14.

Psal. 2. 11.

NOTÆ AD EPIST. XXV.

^a Cubicularius, Gallice *Camerier*, qui assidet cubiculo vel ad limina: aliquando videtur usurpari pro secretario secretorum, Novel. 8. 24. 26. 27. aut chartario. *Gussanv.* In Vatic. B. legitur, *Gregorius Theotista Patricia.* In

Reg. *Gregoria Bubalaria Augusta.*

^b In Corb. Rem. & Norm. *spem per quam.*

^c In Vatic. B. & C. legitur hæc ep. scripta mense Junio Ind. xv. In Vatic. A. mense Julio.

Al. xxiii.

EPISTOLA * XXVI.

Ad Theotistam Patriciam.

Gratulatur quod inter hominum tumultus studeat lectioni, atque ad æterna suspiret. Utrum eadem sint Augusta studia querit. De compunctione duplici agit fusius. Theotistam hortatur ut Regionum puerorum institutioni studiose invigilet; mutuamque illis inspiret caritatem & mansuetudinem in subiectos. Pecunie, quam Theotista miserat, dimidia parte captivos redemit; reliqua fovet moniales, quarum sanctitate servatam censet Romanam. Mittit clavem a corpore sancti Petri, de qua miraculum narrat.

^a

Gregorius ^a Theotistæ Patriciæ.

Quod in tanto tumultu causarum vestra Excellentia posita, sacri verbi ubertate plena est, atque ad æterna incessanter gaudia

suspirat, magnas omnipotenti Deo gratias ago, quia hoc in vobis esse impletum video, quod de electis patribus scriptum est: *Filii autem*

Exod. 15. 29.
tem

tem Israel ambulaverunt per siccum
 AN. CHR. per medium mare. At contra : Ego
 596. 597. veni in altitudinem maris, & tem-
 GREG. 7. pestas demersit me. Vos vero ad re-
 Psal. 62. 3. promissionis patriam inter undas cau-
 farum secularium siccis, ut video,
 gressibus ambulatis. Agamus ergo
 gratias ei Spiritui, qui corda quæ
 implet, levat, qui inter tumultus
 hominum, ^b solitudinem in mente
 facit. In cuius præsentia ^c nullus
 locus compunctæ animæ non est se-
 cretus. Æternæ enim suavitatis o-
 dorem trahitis, atque ideo sponsum
 animæ ardenter amatis, itaut cum
 cœlesti sponsa ei dicere possitis :
 Trahe me post te, ^d in odorem un-
 guentorum tuorum currimus. In e-
 cant. 1. 3. pistolis autem Excellentiæ vestræ
 d hoc minus reperi; ^e quia mihi de
 e serenissima Domina indicare noluit,
 quam studiose legat, vel in lectione
 qualiter compungatur. Prodesse quip-
 pe ei multum debet vestra præsen-
 tia, ut inter caufarum fluctus, quos
 assidue patitur, ex quibus velit nolit
 foras trahitur, semper ad amorem
 cœlestis patriæ interius revocetur :
 & hoc quoque investigare debetis,
 quoties ei pro sua anima lacrymæ
 dantur, utrum adhuc ex timore,
 an jam ex amore compungatur.

Duo quippe sunt compunctionis
 genera, sicut scitis. Unum quod
 æternas pœnas metuit, aliud quod de
 cœlestibus præmiis suspirat; quia
 Deum sitiens anima, prius timore
 compungitur, post amore. Ante
 enim semetipsam in lacrymis afficit:
 quia dum malorum suorum recolit,
 pro his perpeti supplicia æterna per-
 timescit. At vero cum longa mœro-
 ris anxietate fuerit formido consum-
 ta, quædam jam de præsumptione
 veniæ ^f securitas nascitur, & in a-
 more cœlestium gaudiorum animus
 inflammatur. Et qui prius flebat ne
 duceretur ad supplicium postmodum
 flere amarissime incipit, quia differtur
 a regno. Contemplatur etenim mens,

qui sint illi Angelorum chori, quæ ipsa
 societas beatorum spirituum, quæ
 visio internæ claritatis Dei: & am-
 plius plangit, quia a bonis perreni-
 bus deest, quam flebat prius cum
 mala æterna metuebat: sicque fit
 ut perfecta compunctio formidinis,
 trahat animum ad compunctionem
 dilectionis. Quod bene in sacra ve-
 racique historia figurata narratione
 describitur, quæ ait: *Axa filia Ca-*
leph sedens super asinam suspiravit.
Cui dixit pater suus: Quid habes? At
illa respondit: Da mihi benedictionem.
Terram Australem & arentem de-
disti mihi, junge & irriguam. Et
dedit ei pater suus & irriguum su-
perius, & irriguum inferius. Axa
quippe quidem super asinam sedet,
cum irrationabilibus carnis suæ mo-
tibus anima præsidet. Quæ suspirans
a patre terram irriguam petit: quia
a Creatore nostro cum magno desi-
derio quærenda est lacrymarum gra-
tia. Sunt namque nonnulli, qui jam
in dono perceperunt libere pro ju-
stitia eloqui, oppressos tueri, indi-
gentibus propria tribuere, ardorem
fidei habere, sed adhuc gratiam la-
crymarum non habent. Hi nimi-
rum terram Australem & aren-
tem habent, sed adhuc irrigua
indigent: quia in bonis operibus
positi, in quibus magni atque fer-
ventes sunt, oportet valde ut aut
timore supplicii, aut amore regni
cœlestis peccata, sine quibus vivere
non possunt, quotidie plorent. Sed
quia, ut dixi, duo sunt compun-
ctionis genera, dedit ei pater suus
irriguum superius, & irriguum in-
ferius. Irriguum quippe superius
accipit anima, cum se in lacrymis
regni cœlestis desiderio affligit: ir-
riguum vero inferius accipit, cum
infernæ supplicia flendo pertimescit.
Et quidem prius inferius, & post
irriguum superius datur. Sed quia
compunctio amoris magna dignitate
præeminet, necesse fuit ut prius ir-
riguum

Jos. 1. 4. 18.
19.
Dial. 1. 3. c.
34.
Pater. in
Jos. c. 1.

g

h

riguum superius, & post irriguum inferius diceretur. Vos ergo, quæ operante omnipotente Domino utraque compunctionis genera experimento nostis, quantum per verba serenissimæ Dominæ vestræ prodestis, quotidie solícite perscrutari debetis.

Peto autem ut parvulos dominos quos nutritis, præcipue moribus instruere curetis, & gloriosos eunuchos qui eis deputati sunt, admonere, ut ea illis loqui debeant, quæ eorum mentes in caritate circa se invicem, & erga subiectos in mansuetudine compungant; ne si quid odii modo inter se conceperint, in aperto postea erumpat. Verba siquidem nutritium aut lac erunt, si bona sunt, aut venenum, si mala. Talia ergo nunc eis suggerant, quæ postmodum ostendant quam bona fuerint, quæ a nutritorum suorum ore fuxerunt.

Præterea triginta auri libras dilectus filius meus Sabinianus Diaconus ab Excellentia vestra transmissas in redemptionem capitivorum dandas, atque pauperibus erogandas detulit, de quibus gaudeo, sed mihi pertimesco: quia apud tremendum iudicem non solum de sancti Petri Apostolorum Principis substantia, sed etiam de vestris rebus rationem redditurus vado. Vobis autem omniptens Deus pro terrenis cœlestia, pro temporalibus æterna restituat. Indico vero quia ex Crotonensi civitate, quæ super Adriaticum mare in terra Italiæ posita, transacto anno a Langobardis capta est, multi viri ac multæ mulieres nobiles in prædam ductæ sunt, & filii a parentibus, parentes a filiis, & conjuges a conjugibus divisi, ex quibus aliqui jam redempti sunt. Sed ⁱ quia gravia pretia eis dicunt, multi apud nefandissimos Langobardos hætenus remanserunt. Mox autem medietatem pecuniæ quam trans-

misistis, in eorum redemptionem transmissi. De medietate vero ancillis Dei, quas vos Græca lingua monastrias dicitis, lectisternia emere disposui, quia in lectis suis gravi nuditate ^k in hujus hiemis vehementissimo frigore laborant: quæ in hac urbe multæ sunt. Nam juxta notitiam qua dispensantur, tria millia reperiuntur. Et quidem de sancti Petri Apostolorum Principis rebus octoginta annuas libras accipiunt. Sed ad tantam multitudinem ista quid sunt, maxime in hac urbe, ubi omnia gravi pretio emuntur? Harum vero talis vita est, atque in tantum lacrymis & abstinencia districta, ut credamus quia si ipsæ non essent, nullus nostrum jam per tot annos in loco hoc subsistere inter Langobardorum gladios potuisset.

Præterea benedictionem sancti Petri Apostoli clavem a sacratissimo ejus corpore transmissi, de qua videlicet clavi hoc est gestum quod narro miraculum. Dum eam quidam Langobardus civitatem ingressus in Traspadanis partibus invenisset, quia sancti Petri clavis esset despiciens: sed pro eo quod eam auream vidit, facere sibi ex illa aliquid aliud volens, eduxit cultellum ut eam incideret. Qui mox cultellum cum quò eam per partes mittere voluit, arreptus per spiritum, sibi in gutture defixit, eademque hora extinctus cecidit. Et dum illic Rex Langobardorum Autharith atque alii multi ejus homines adessent, & is qui se percusserrat, seorsum mortuus, clavis vero hæc seorsum jaceret in terra, factus est omnibus vehementissimus timor, ut eandem clavem de terra levare nullus præsumeret. Tunc quidam Langobardus catholicus, qui sciebatur orationi & elemosynis deditus, Minulfus nomine, vocatus est, atque ipse hanc levavit de ter-

AN. CHR.
596. 597.
GREG. 7.

683
Jol. Diac.
l. 2. c. 27.
k

AN. CHR.
596. 597.
GREG. 7.
6733

ra. Autharith vero pro eodem miraculo aliam clavem auream fecit, atque cum ea pariter ad sanctæ memoriæ decessorem meum transmisit, indicans quale per eam miraculum contigisset. Ipsam ergo vestræ Ex-

cellentiæ transmittere studui; per quam omnipotens Deus superbicentem & perfidum hominem peremit; ut per eam vos qui eum timetis & diligitis, & præsentem salutem & æternam habere valeatis.

NOTÆ AD EPIST. XXVI.

a In excusis, *Theotistæ pariter & Andreae*. In Reg. cod. *Theotistæ Patriciæ & Andreae*: consentiunt Vaticani A. B. & C. Prætulimus inscriptionem aliorum Mss. scilicet Anglic. Norm. Corb. Rem. Colb.

b In Corb. Norm. & Vatic. A. & C. *solicitudinem*.

c In vulgatis contra S. Gregorii mentem, reluctantibus Mss. *nullus locus . . . est secretus*, sublata negatione. In Vatic. D. legitur, *non est securus*.

d Ita Mss. Norm. Corb. &c. non, *in odorem*. Ita quoque scribebat Bernardus sermon. 21. in Cantica; idque a Mabillonio ibi observatum.

e *Gustanv. quia nihil de . . . noluit*, mendose.

f Ne quis cavilletur in verbis, hancque epistolam præcedenti suspicetur contrariam: ut præsumptionem certitudini opponit Gregorius, ita se-

curitatem quamdam integræ securitati ac intrepidæ, quam priore epistola damnaverat.

g In edit. *irriguum inferius*, & *irriguum superius*. Lectionem nostram esse optimam, Gregoriumque sic legisse hunc Josue textum, probant sequentia verba: *sed quia compunctio amoris magna dignitate præminet, necesse fuit ut irriguum superius & post irriguum inferius diceretur*.

h Excusi, optant valde. Multa alia emendavimus hac in epistola, ducibus Mss. Anglic. Norm. Vatic. Corb. &c. de quibus correctionibus non præmonuimus, quia levioris sunt momenti.

i Norm. Corb. Reg. Turon. & tres Vatic. *gravibus eos pretiis dicunt*.

k In tribus Var. Norm. Corb. *in bujusurbis vehementissimo*. Maur. Aut ea lectio adoptanda, aut hic locum non habet hæc epist. post mensis Majo & Junio datas. E. V.

Al. XXIV.

EPISTOLA * XXVII.

Ad Anastasium Episcopum.

Universalis vocabulum a Constantinopolitano Episcopo usurpari, non magni interesse sentiebat cum Imperatore Anastasius. Gregorius hocce vocabulo universam Ecclesiæ fidem corrumpi contendit.

Gregorius Anastasio Episcopo Antiocheno.

DEsideratam suavissimæ vestræ Sanctitatis epistolam communi filio Sabiniano Diacono deferente suscepi, in qua non linguæ, sed animæ verba profluebant. Et non mirum si bene loquitur qui perfecte vivit. Quia enim per magistrum spiritum in schola cordis ^a præcepta vitæ didicistis, terrena cuncta despicere, ad cœlestem patriam festinare: quantum vos in bono profecistis, tantum bona etiam de aliis sentitis. Dum vero in scriptis vestræ Beatitudinis multa de me dici

laudabilia audirem, intellexi studium, qui commemorare voluistis non quid sum, sed quid esse debeam. Illud vero quod me dicitis morum meorum debere reminisci, & maligno spiritui quærenti animas cribrare pro nulla causa locum dare, ego quidem me semper malis moribus fuisse recolo, atque eosdem in me mores si possum vincere ac delere summopere festino. Si tamen; ut vos creditis, aliquid boni habui, in omnipotentis Dei adiutorio confido, quia oblitus non sum. Sed

San-

Prov 27. 6.

Sanctitas vestra, ut video, in præmissis verbis dulcedinis, & subsequenti hoc verbo epistolam suam api esse similem voluit, quæ mel simul & aculeum portat, ut me & melle satiaret, & aculeo pungeret. Sed inter hæc ego ad meditantam Salomonis vocem redeo: *Quia meliora sunt vulnera diligentis, quam inimici blandientis oscula.*

b

Quod vero dicitis pro nulla causa dare nos locum scandalo debere, hæc mihi & piissimus dominus filius vester, pro cuius vita incessanter orandum est, jam sæpius scripsit; & quod ille ex potestate, scio quia hoc vos ex amore dicitis. Nec miratus sum vos in vestris epistolis imperialia verba posuisse: quia habent inter se maximam cognationem amor & potestas. Nam utraque principaliter præsumunt, utraque per auctoritatem semper loquuntur.

Et quidem in suscipienda fratris & confacerdotis nostri Cyriaci Synodica epistola dignum non fuit, ut pro causa profani vocabuli moras facerem, ne unitatem sanctæ Ecclesiæ perturbarem: sed tamen de eodem superstitioso & superbo vocabulo cum admonere studui, dicens, quia pacem nobiscum habere non

posset, nisi elationem prædicti verbi corrigeret, quam primus apostata invenit. Vos tamen eandem causam nullam esse dicere non debetis: quia si hanc æquanimiter portamus, universæ Ecclesiæ fidem corrumpimus. Scitis enim quanti non solum hæretici, sed etiam hæresiarchæ de Constantinopolitana Ecclesia sunt egressi. Et ut de honoris vestri injuria taceam, si unus Episcopus vocatur universalis, universæ Ecclesia corrumpitur, si unus universus cadit. Sed absit hæc stultitia, absit hæc levitas ab auribus meis. In omnipotente autem Domino confido, quia quod promisit, citius impleturus est: *Omnis qui se exaltat, humiliabitur.*

AN. CHR.
596. 597.
GREG 7.
6673

Luc. 14. 4
18. 11.

Hæc occupatus in multis ad epistolarum vestrarum dicta in brevitate respondi: nam quæ modo loqui per scripta non debeo, in animo signata manent. Peto ut me Beatitudo vestra in suis sanctis orationibus semper ad memoriam reducat, quatenus a malis me temporalibus & æternis vestræ intercessionibus eripiant. Proferenissimo autem domino Imperatore studiose & ferventer orate, quia valde est ejus vita mundo necessaria. Cesso autem amplius dicere, quia & vos non dubito scire.

NOTÆ AD EPIST. XXVII.

a Excusi, per percepta.
b Turon. Norm. Corb. Vatic. &c.

ita habent, consentiuntque vet. ed. At in recent. legitur, principaliter præsumunt.

Al. xxv.

EPISTOLA * XXVIII.

Ad Theodorum Medicum.

Missas in captivos & pauperes eleemosynas laudat. Clavem a corpore S. Petri vicissim mittit.

Gregorius Theodoro Medico Constantinopolitano.

Dilectissimus filius meus Sabinianus Diaconus ad me reversus, nullam mihi gloriæ vestræ scripta

detulit: sed ea quæ transmissa sunt, captivis & pauperibus deportavit, unde & intellexi causam. Ideo e-

AN. CHR.
596. 597.
GREG. 7.

6675

a

Eccli. 29. 15.

b

LUC. 11. 41.

Eccli. 3. 33.

2. Cor. 3. 14.

nim homini loqui per epistolas noluisse, quia omnipotententi Deo verbum in bona operatione feceratis. Habet enim hæc eadem vestra operatio vocem propriam, quæ^a ad aures Dei secretas clamat, sicut scriptum est: *Abconde eleemosynam in sinu pauperis, & hæc^b pro te exorabit.* Et quidem mihi, fateor, triste est aliena expendere, & super eas quas de substantia Ecclesiastica habeo, adhuc etiam de rebus suavissimi filii mei domni Theodori rationes ponere. Vestræ tamen benignitati congaudeo, quia solícite attenditis, atque custoditis hoc quod Veritas dicit: *Date eleemosynam, & ecce omnia munda sunt vobis.* Et hoc quod scriptum est: *Sicut aqua exstinguit ignem, sic eleemosyna exstinguit peccatum.* Paulus quoque Apostolus ait: *Vestra abundantia illorum inopiam suppleat, ut & illorum abundantia vestra sit inopiæ sup-*

plementum. Tobias filium admonet, dicens; *Si multum tibi fuerit, abundanter tribue; si autem parum, etiam de exiguo libenter impertire.* Vos itaque hæc omnia præcepta servatis; sed pro nobis ut oretis petimus, ne laborum vestrorum fructus indiscrete & non sicut necesse est, dispensemus: ne unde vos peccata minuitis, nos inde cumulemus. Omnipotens autem Deus sua vos protectione custodiat, sicque vobis in terreno palatio humanam gratiam tribuat, ut post longa vos tempora ad cœlestis palatii gaudia æterna perducatur.

Benedictionem vero sancti Petri Apostolorum Principis, quem multum diligitis, clavem a sacratissimo ejus corpore vobis transmisimus, in qua ferrum de catenis ejus clausum est: ut quod illius collum ligavit ad martyrium, vestrum ab omnibus peccatis solvat.

Tol. 4. 9.

NOTÆ AD EPIST. XXVIII.

a Editi, ad aures Dei secreta.

b Excusi, crabit, quod minus est

quam, exorabit.

AL. XXVII.

EPISTOLA * XXIX.

Ad Andreæ.

Contemnendas seculi dignitates, ut cœlestibus liceat studiis vacare.

a

Gregorius ad Andreæ.

Magnitudinis vestræ scripta suscipiens, cognita salute vestra gavissus sum, & de benignitate piissimæ Domnæ, quæ erga vos suam gratiam ostendere dignata est, valde lætatus. Et quod domna Constantina, clarissima puella, priusquam nuptias faceret, ab hujus mundi illecebris est erepta, vehementer exultato. Illud autem quod vos in militiam sponsi ejus intrasse dixistis, & quod serenissimo domno Imperatori commendari voluistis, ut vobis ali-

qua injungat, ubi vos utiles esse existimat, mentem meam non modico mœrore tetigit, quia ego bonitatem morum vestrorum in aliud tendere semper existimavi. ^b Multos autem novi, qui in servitio Reipublicæ positi vehementer affliguntur: quia eis non licet vacare, & peccata sua plangere; & vos ^c quare, nescio, implicari desideratis? Cur enim, Magnifice Fili, non consideras quia mundus in fine est? Omnia urgentur quotidie: ad reddendas

b

c

das rationes æterno & tremendo iudici ducimur. Quid ergo aliud nisi de adventu illius cogitare debemus? Vita enim nostra naviganti est similis: ^d is namque qui navigat; stet, sedeat, jaceat. Vadit, qui impulsu navis ducitur. Ita ergo & nos sumus, qui sive vigilantes, sive dormientes, sive tacentes, sive loquentes, sive ambulantes, sive volentes, sive nolentes, per momenta temporum quotidie ad finem tendimus. Cum igitur finis nostri dies advenit, ubi nobis erit omne quod modo cum tanta cura quæritur, & cum solitudine congregatur? Non ergo honor, non divitiæ quærendæ sunt, quæ dimittuntur. Sed si bona quærimus, illa diligamus quæ sine fine habebimus. Si autem mala pertimescimus, illa timeamus, quæ a reprobis sine fine tolerantur.

Hoc ipsum vero esse in obsequio piissimi Principis, quanta est mentis occupatio in appetitu terrenæ gratiæ, & quantus est timor ne hæc eadem gratia perdatur, si adæpta fuerit? Perpende ergo quæ pœna sit, aut prosperitatis desiderio fatigari, aut adversitatis timore pavescere. Unde magis suadeo, ut Magnitudo vestra in suo proposito

quondam, in paucis tempore delectabili ^e receptaculo peregrinationis vivere studeat, & quietam ac tranquillam vitam ducere, sacris lectionibus vacare, cœlestia verba meditari, in æternitatis amore se accendere, de terrenis rebus secundum vires bona opera agere, & regnum perpetuum in eorum remuneratione sperare. Sic autem vivere, jam in æternitatis vita partem habere est.

Hæc, Magnifice Fili, loquor, quia multum te diligo. Et quia procellas ^f & fluctus tendis, verborum meorum sinibus te ad littus revoco: & si trahentem sequi volueris, quæ pericula evaseris, quæ gaudia inveneris, in ipso quietis tuæ littore positus agnosces.

Præterea gratias ago quia me de duabus personis, quæ & cum glorioso Callicino venerunt, cautum reddere studuistis, quamvis personæ ejus quam prius Magnitudo vestra nominavit, jam in malis non modicum experimentum tenemus. Sed quia mala sunt tempora, omnia cum gemitu portamus. Omnipotens autem Deus sua vos protectione custodiat, detque vobis & hic bene agere, & apud se in perpetuum ^h in æterna gloria gaudere.

N O T Æ A D E P I S T. XXIX.

a In vulgatis additur *Scholastico*, quod minime legitur in Vat. Anglic. Corb. Colb. &c.

b Hæc epistola Andreæ a fluctibus mundanis ad quietis Christianæ litus revocat. Idipsum fere reperio apud sanctum Augustinum l. de catechizand. rudibus cap. 16. *Nam in hac vita homines magnis laboribus requiem quærunt & securitatem, sed pravis cupiditatibus non inveniunt; volunt enim requiescere in rebus inquietis, & non permanentibus*, &c. Pergat lector ad finem usque capituli. *Guffanv.*

c In vulgatis, *quare nescio occupari*.

d Ita melius Mss. Vat. Norm. Anglic. Reg. Corb. &c. quam excusi, ubi legitur, *is namque qui navigat, stat, sedet, jacet, vadit*. Sensus hic est: qui navigat,

sive stet, sive sedeat, sive jaceat, semper vadit, & ad portum properat, navi qua vehitur ventis abrepta. Quæ subjiciuntur: *ita ergo & nos sumus*, &c. mentem piissimi Doctoris satis ostendunt.

e Norm. Reg. Corb. & tres Vatic. *acceptaculo*.

f Editi, & *fluctus cordis*.

g In tribus Vatic. & Reg. Gallinico. In editis *Gallio*. Fortasse Callinicus est quem Italiæ Exarchum fuisse discimus ex ep. nona lib. ix. Ind. ix. & ex aliis plurimis monumentis; verum nomina in Mss. varie torquentur; idemque potuit scribi *Callinicus* & *Callicinus*, per levem transpositionem.

h Vulgati, *in æterna vita*.

AN. CHR.
596. 597.
GREG. 7.

✠
e

f

g

h

AN. CHR.
596. 597.
GREG. 7.

E P I S T O L A * XXX.

Ad Narſam Religioſum.

6603
Al. XXVII.
Lib. I. ep. 5.

Afflictum consolatur. A Christiano adversa non recusanda ostendit. Cur Monasteriorum incolis, aliisque Constantinopoli degentibus non scribat. Gaudet de Esychie transitu. Domne Dominice quid agendum. Mittit munuscula. Anatolium commendat.

Gregorius Narſæ Religioſo.

CUM Romanum defenſorem ad urbem regiam mitterem, diſcripta veſtra ^a requiſivit, ſed inveniri minime potuerunt: poſtmodum vero inter multas aliorum epiſtolas ſunt inventa, in quibus mihi Dulcedo veſtra ſuas afflictiones & tribulationes ſpiritus indicat, & adverſitates malorum hominum manifeſtat. Sed rogo, in his omnibus revoca ad mentem hoc quod & credo quia nunquam oblivifceris: *Quia omnes, qui pie volunt vivere in Chriſto, perſecutionem patiuntur.* Qua in re ego fidenter dico, quia minus pie vivis, ſi minus perſecutionem pertuleris. Idem quoque doctor gentium quid aliud diſcipulis dicat audiamus: *Ipsi ſcitis, fratres, noſtrum introitum ad vos, quia non inanis fuit, ſed ante paſſi & contumeliis affecti.* Ecce, Dulciſſime Fili, prædicator ſanctus ingreſſum ſuum vacuum fuiſſe perhibuit, ſi contumelias non pertuliſſet: & tua caritas ^b dicere bona vult, ſed mala perpeti ^c recuſat. Unde neceſſe eſt, ut ^c inter adverſa ſe ſtrictius accingat, ut deſiderium ad amorem Dei atque ſtudium ^d bonæ operationis ipſa plus adverſitas augeat. Sic ſemina meſſium gelu cooperta fertilius germinant: ſic ignis flatu premitur ut creſcat. ſcio quidem quia ex tot malarum linguarum ſermonibus perverſis tempeſtatem validam pateris, in mente contradictionum fluctus ſuſtines. Sed redeat ad animum quod

per Pſalmiſtam Dominus dicit: *Ex. Ps. 80. 3. audi vi te in abſcondito tempeſtatis, probavi te ad aquas contradictionis.* Si enim inter contradicentes ea quæ Dei ſunt egeris, tunc verus operator probaris.

Dulciſſima autem veſtra Caritas mihi ſcripſit, ut monaſteriis quæ per orationes & magiſterium veſtrum a filio noſtro domno Paulo inſtituta ſunt, aliquid admonendo ſcriberem. ^c Sed ſi Dei ſunt vaſa, ſcio quia per compunctionis gratiam fontem ſapientiæ intus habent, & meæ ſiccitatis guttas parvulas ſuſcipere non debent. Perſectæ vero veſtra ſapientia recolit, quia in paradifo pluvia non fuit, ſed fons aſcendebat de medio paradifi, qui irrigaret faciem terræ. Illæ ergo animæ quæ per compunctionis gratiam fontem in ſemetiſſis habent, de aliena lingua pluviam neceſſariam non habent.

Per ſcripta autem veſtra mihi tranſiitum domnæ Eſychiæ nuntiaviſtis: & magna exultatione gavifus ſum, quia illa bona anima feliciter ad ſuam patriam pervenit, quæ in patria laborabat aliena. Glorioſas autem filias meas domnam Dominicam, & domnam Eudochiam mea vice ſalutate. Sed quia prædictam domnam Dominicam jam diu eſt quod audio Præpoſitam factam, in hoc circa eam veſtra Caritas vigilet, ut quia jam ſervire in labore terreni palatii non compellitur, omnes mundi huius ſtrepitus perfecte fugiat,

to-

totam se Deo conferat, nihil de se extra se relinquat: sed & quantas valet animas, in Creatoris sui servitium colligat; ut earum mentes per verbum ejus gratia compunctionis accipiant, & tanto celerius ipsa ab omnibus peccatis suis absoluta sit, quanto per ejus vitam & linguam etiam aliarum animarum peccatorum suorum nexibus eruperint. Quia autem nemo hominum in hoc mundo sine peccato est; & quid est aliud peccare nisi a Deo fugere; fiducialiter dico etiam eandem filiam meam peccata aliqua habere. Ut ergo Domine suæ, id est æternæ sapientiæ perfecte satisfaciat, quæ sola fugit, cum multis redeat. Aversionis enim suæ culpa nulli imputabitur quæ revertens lucrum reportat.

Domnum autem Alexandrum, & domnum Theodorum mea per vos peto vice salutari. Quod vero scribitis, ut excellentissimæ filiarum mearum domnæ Gurdia, & sanctissimæ filiarum ejus domnæ Theodistæ, & magnificis earum hominibus domno Marino, & domno Christidoro scribere debeam, eosque aliquid de anima sua admonere, bene scit dulcissima vestra Magnitudo, quia hodie in Constantinopolitana civitate, qui de Latino in Græcum dictata bene transferant, non sunt. Dum enim verba custodiunt, &

sensus minime attendunt; nec verba intelligi faciunt, & sensus frangunt. Pro qua re prædictæ filiarum mearum domnæ Gurdia breviter scripsi: nam cæteris tacui. Duas autem i camisas, & quatuor k oratoria vobis transmissi, quæ prædictis viris ex benedictione sancti Petri peto humiliter offerri. Præterea quidam moriens unum mihi puerulum dimisit: de cujus anima cogitans, cum Dulcedini vestræ transmissi, ut in ejus vivat in hac terra servitio, per quem ad libertatem cœli valeat pervenire. Dilectissimum autem filium meum Anatolium Diaconum, quem ad faciendam responsam Ecclesiæ in urbem regiam transmissi, peto ut frequenter dulcissima vestra Caritas visitet; ut post labores quos in causis secularibus patitur, in verbo Dei vobiscum requiem inveniat, & quasi quondam candido lintheo ejusdem laboris terreni sudorem detergat. Quem personis omnibus, quæ vobis notæ sunt, commendate: quamvis scio quia si perfecte cognoscitur, commendatione non eget. Vos autem quantum sanctum Petrum Apostolum, quantum me diligitis, in ipso monstrate. Omnipotens autem Deus dulcissimam mihi Caritatem vestram ab interioribus hostibus exterioribusque custodiat; & quando ei placuerit, ad cœlestia vos regna perducatur.

AN. CHR.
596. 597.
GREG. 7.
6733

i
k

NOTÆ AD EPIST. XXX.

a Ita Mss. Vat. Norm. Corb. &c. ubi editi habent, *requisivi*.

b Al. *dici bona*, ut legitur in Norm. Corb. Vatic. D. &c.

c Vatic. A. *inter adversa iis se firmitus*.

d Turon. Reg. & tres Vatic. *bonæ admonitionis*.

e In Aud. Pratell. Reg. & tribus Vatic. *sed si de via sunt*. In Vat. B. *sed si de via sunt Dei*.

f Mauricius Imperator sororem habuit nomine Gurdiam sive Gordiam, quæ ex Simecatta l. 8. c. 13, Philippo

duci Orientis nuptui data est, post Mauricii necem a Phoca Chrysopolim relegato. Num eadem sit Gurdia quæ Marino primum, deinde Philippo nupsit, inquirant alii.

g Theodistia hæc alia a Theodistia sorore Mauricii Imper. Nam quæ hic commemoratur filia fuit Gurdia; Theodistia vero Mauricii Soror, ad quam ep. xxvi. libri hujus, & quinta libri primi, matrem habuit Johannam. Vide Moschum cap. 128.

h In recent. *qui de Græco in Latinum, & de Latino in Græcum*.

i Gre-

i Greci recentiores hanc vocem usur-
 AN. CHR. pant pro veste, ὁ ἐπὶ καμάτων χιτῶν.
 596. 597. Codinus de Lectoribus loquens: μίπε
 GREG. 7. τῶν ἱματίων καὶ ἐπὶ ῥιπταίων αὐτῶν φορῶντες
 ἢ καμίσια ἐπάνω τῶν ἱματίων. Et alibi
 de Plaitis: εἰσέρχονται ἢ οἱ ψάλλται μετὰ
 τῶν ἐπὶ ῥιπταίων καὶ καμισίων αὐτῶν, &c.
 In Dialogis; sancti Gregorii legimus
 ὑποκαμίσιον, pro tunica interiori. Victor
 Uticensis de persecutione Vandalica ca-

mistas memorat. *Gissanv.* Vide Card.
 Bona de rebus liturgicis l. 1. c. 24. §. 4.
 k Orarium hic sudarium est seu lin-
 teum quo facies abstergitur. Longum
 erat magis quam latum, instar fasciæ.
 Ex hac autem forma oblonga, trans-
 latum hoc vocabulum in Ecclesiam;
 & sacræ stolæ tributum suspicatur Card.
 Bona lib. 1. de rebus Liturgicis c. 24.
 §. 6. ubi de Orario plura.

A. XXVII.

E P I S T O L A XXXI.

Ad Cyriacum Episcopum.

*De submovendo profano vocabulo, ut pax Ecclesiæ conservetur, & scandala
 multorum auferantur.*

Gregorius Cyriaco Episcopo Constantinopolitano.

a **S**cripta Beatitudinis vestræ susce-
 pimus, quæ nobis a non lin-
 guæ, sed animæ verba loqueban-
 tur. Aperiebant etenim mentem,
 quæ tamen mihi clausa non erat,
 quia per memetipsum suavitatis i-
 psius experimentum tenebam. Un-
 de omnipotenti Deo incessanter gra-
 tias refero, quia si erga nos in cor-
 de vestro virtutum mater caritas
 permanet, bonorum operum ramos
 nunquam amittitis, qui ipsam bo-
 nitatis radicem tenetis. Oportet er-
 go ut mihi atque omnibus fratri-
 bus vestris ejusdem caritatis pul-
 chritudinem in hoc primum opere
 monstretis, ut verbum superbiæ,
 per quod grave scandalum in Ec-
 clesiis generatur, auferre festinetis,
 hoc modis omnibus implentes quod
 Ephes. 4. 3. scriptum est: *Soliciti servare uni-*
tatem spiritus in vinculo pacis. Et
 1. Tim. 5. 14. rursus: *Nullam occasionem dare*
adversario maledicti gratia. Tunc
 b enim ostensa caritas vera est, si b
 per typum superbiæ inter nos schis-
 ma non fuerit. Ego enim Jesum
 testem invoco in anima mea, quia
 a summo usque ad ultimum nulli
 hominum dare scandalum volo. Omnes magnos esse, & ho-
 norabiles cupio, quorum tamen ho-
 nor honori omnipotentis Dei non

detrahat. Nam quisquis se contra
 Deum honorari appetit, mihi ho-
 norabilis non est. Sed ut cognosca-
 tis quam erga vestram Beatitudinem
 habeam voluntatem, dilectissimum
 filium meum Anatolium Diaconum
 ad piissimorum Dominorum vestigia
 transmissi, qui eorum pietati ac ve-
 stræ Fraternitati satisfaciatis; quia nul-
 li in hac causa nocere appeto, sed
 humilitatem Deo placitam, & san-
 ctæ Ecclesiæ concordiam custodire;
 Et quia hostis omnipotentis Dei
 Antichristus juxta est, studiose cupio
 ne proprium quid inveniat non so-
 lum in moribus, sed etiam in vo-
 cabulo Sacerdotum. Ea ergo quæ
 novo modo introducta sunt, ipso
 ordine quo illata sunt, auferantur,
 & pax nobis illibata in Domino per-
 manebit. Nam quæ erit inter nos
 dulcedo, quæ caritas, si nosmeti-
 pso voce refovemus, & rebus pun-
 gimur? Hoc ergo vestra Sanctitas
 agat, ut bona quæ dicitis, nos in
 cordis medulla sentiamus; quatenus
 dum in unanimitate corda fuerint
 Sacerdotum, pro piissimorum Domi-
 norum vita deprecantes, tanto citius
 exaudiri mereamur, quanto & ora-
 tiones vestras ante Dei oculos pax
 illuminat, & discordiæ macula non
 obscurat.

NO-

NOTÆ AD EPIST. XXXI.

a Idem epist. 24. nunc l. 1. Guss.

hac voce l. 23. Moral. n. 25.

b In Norm. & aliis per typhum, De

AN. CHR.

596. 597.

GREG. 7.

6693

EPISTOLA * XXXII.

M. XXIX.

Ad Anastasium Presbyterum.

*De contentione tolenda qua inter Patrem monasterii, quod Neas dicitur,
& Jerosolymorum Episcopum exorta erat.*

Gregorius ^aAnastasio Presbytero.

a

b

Quia bonus homo de bono the-
sauro cordis sui bona proferat,
hoc tua Caritas & ^b semper viven-
do, & modo mihi in epistola sua
loquendo monstravit: in qua inveni
duos quosdam de virtutibus litigan-
tes, te videlicet pro caritate, atque
alium pro timore & humilitate con-
tendere. Et quamvis in multis oc-
cupatus, quamvis Græcæ linguæ ne-
scius, in contentione tamen vestra
iudex resedi: sed requisita veritate,
in meo iudicio contradictorem tuum ip-
se vicisti per apostolicam sententiam,
quam vobis contendentibus protuli:

*Quia timor non est in caritate, sed
perfecta caritas foras mittit timo-
rem. Quoniam timor pœnam habet:
qui autem timet, non est perfectus
in caritate. Tua itaque Fraternitas,
quantum in caritate perfecta sit, scio.
Et quia omnipotentem Deum mul-
tum diligit, oportet ut de proximo
multum præsumat. Non enim loca
vel ordines Creatori nostro nos pro-
ximos faciunt, sed eis nos aut me-
rita bona jungunt, aut mala disjun-
gunt. Quia ergo adhuc incertum
est quis interioris qualis sit, cur non
audebas scribere, dum inter me &
te quis sit superior ignores? Et qui-
dem bene te vivere scio, me autem
multis oneratum peccatis novi. Sed
etsi ipse peccator es, me tamen
multo melior: quia tu tua tantum-
modo, ego vero & eorum qui mi-*

Tom. VII.

hi commissi sunt peccata porto. In
hoc ergo te altum, in hoc te ma-
gnum aspicio, quia ante humanos
oculos in magno atque in alto loco
minime profecisti: in quo sæpe dum
exterius ab hominibus honor tribui-
tur, ad ima animus mergitur, quia
curis discerpentibus gravatur. Tibi
autem omnipotens Deus juxta hoc
quod scriptum est, *Ascensus in cor-*
de disposuit, in convalle lacrymarum.
Multo autem me altior, multo sub-
limior videri poteras, si neque du-
catum monasterii, quod Neas dici-
tur suscepisses: quia in eodem mo-
nasterio, sicut audio, Monachorum
quidem species tenetur, multa vero
sub sanctitatis habitu secularia agun-
tur. Sed etiam ad hoc te existimabo
cœlesti gratia pervenisse, si ea quæ
in loco illo omnipotenti Deo di-
splicent, te fuerint duce correctæ:

Ps. 83. 6.

Sed quia inter Patrem ejusdem
monasterii, & Pastorem Jerosolymo-
rum Ecclesiæ semper esse jurgia con-
sueverunt, credo quod omnipotens
Deus idcirco Dilectionem tuam &
sanctissimum fratrem & confacerdo-
tem meum Amos, esse uno tempo-
re Jerosolymis voluit, ut ea quæ
prædixi jurgia tollerentur. Nunc ergo
ostendite quantum vos prius ama-
stis. Scio quia utrique abstinentes, u-
trique docti, utrique humiles estis:
unde necesse est ut Salvatoris nostri
gloria juxta vocem Psalmi in tym-

Ps. 150. 4.

K k k

pa-

3. Joh. 4. 18
Johan. Diac.
l. 4. c. 61.
Græc. dist.
40. c. 4.

AN. CHR.
596. 597.
GREG. 7.


c

Marc 9. 49.

Coloss. 4. 6.

pano & choro laudetur. ^c In tympano etenim sonus ex pelle sicca est, in choro vero vocum concordia. Quid igitur per tympanum, nisi abstinencia: quid per chorum, nisi unanimitas designatur? Quia ergo per abstinenciam Dominum laudatis in tympano, peto per unanimi-
tatem laudetis in choro. Per semetipsam quoque Veritas dicit: *Habete sal in vobis, & pacem habete inter vos.* Quid per sal nisi sapientia designatur, Paulo attestante qui ait: *Sermo vester in gratia semper sale sit conditus.* Quia ergo per doctrinam verbi cœlestis sal habere vos novimus, restat ut per caritatis gratiam etiam inter vos pacem toto

corde teneatis. Hæc, Carissime Frater, dico, quia utrosque vos multum diligo, atque omnino pertimesco ne orationum vestrarum sacrificia, ex aliqua inter vos dissensione maculentur.

Benedictionem vero quam & prius per Exhilaratum ^d Secundicerium, & postmodum per Sabinianum Diaconum transmisistis, cum gratiarum actione suscepi: quia de sancto loco decuit vos sancta transmittere, & cui assidue ministratis, ex vestro ipso munere demonstrare. Omnipotens Deus sua vos dextera protegat, atque a malis omnibus servet illæsos.

NOTÆ AD EPIST. XXXII.

a In edit. Guss. *Athanasio*, reluctantibus Mss. & aliis super excusis. Fefellit Gussanvillæum quod in vulgatis legitur *Presbytero Isauriæ*. Nempe non dubitavit quin is esset Athanasius Presbyter, ad quem exstat ep. 67. lib. vr. At ille in Mss. constanter appellatur *Athanasius*, eratque Isauriæ Presbyter: iste vero de quo nunc agimus, miro Mss. consensu appellatur *Anastasius* & quidem Ecclesiæ Jerosolymitanæ potius Presbyter, quam Isauriæ censendus videtur.

b Recent. ed. *spiritualiter vivendo*, contra Mss. fidem, & sancti Scriptoris scopum: qui oponit *semper*, & *modo*; piam vitam qua semper loquebatur Ana-

stasius, & epistolam, qua nuper Gregorium allocutus fuerat.

c Prævit sanctus Augustinus in Ps. 67. *Tympana fiunt ex corio siccato & extento.* Et in Psal. 149. *In tympano corium extenditur, in psalterio chordæ extenduntur, in utroque organo caro crucifigitur.* Et infra: *Extendatur in ligno, & siccetur concupiscentia carnis; nervi quanto plus fuerint extenti, tanto acutius sonant, &c. Guss.*

d Supra diximus de primicerio: scilicet l. i. ep. 22. in notis. Alii dicunt secundocarium. Occurrit ea vox in Codino pluries, & in noticia Imperii. *Gussan.*

Al. xxx.

EPISTOLA * XXXIII.

Ad Mauricium Augustum.

Contendit se temere indiscretum nominatum fuisse, quod Cyriacum Episcopum Constantinopolitanum, qui universalem se nominat, reprehenderit.

Gregorius Mauricio Augusto.

Dominorum Pietas provida ne quid fortasse scandali in unitate sanctæ Ecclesiæ ex Sacerdotum dissensione generari potuisset, semel ac bis me admonere dignata est, ut Responsales fratris & confacer-

dotis mei Cyriaci benigne susciperem, eosque ad remeandum citius relaxarem. Et licet, Piissime domine, apte & provide cuncta præcipiatis, ego tamen invenio quia eorum iudicio indiscretus esse ex hac

ta

tali admonitione reprehendor. Num-
quidnam si ex superbo ac profano
vocabulo meus non in modico est
animus vulneratus, tantæ indiscre-
tionis esse potui ut nescirem ^a
quid unitati fidei, quid concordiae
Ecclesiasticae deberem, & fratris
mei Responsales & Synodicam e-
pistolam suscipere cujuslibet causae
amaritudine interveniente recusarem?
Absit hoc. Nimis mihi fuerat desi-
puisse sic sapere. Aliud namque est
quod conservandae unitati fidei, atque
aliud quod debemus compescendae
elationi. Distinguenda ergo erant
tempora, ne praedicti fratris mei
ex quolibet articulo ^b novitas tur-
baretur. Unde & Responsales ejus
cum magno affectu suscepi. Quid-
quid debuicaritatis exhibui, melius-
que eos quam consuetudo prisca
fuerat, honoravi, & mecum feci
eos sacra Missarum solemnia cele-
brare: quia sicut meus Diaconus ad
exhibenda sancta mysteria illi non
debet ministrare, qui elationis cul-
pam aut commisit, aut commissam
ab aliis ipse non corrigit, ita mi-
nistri illius in celebratione Missarum
mihi adesse debuerunt, qui custo-
diente Deo, in superbia errore
non cecidi. Eundem vero fratrem
& coepiscopum meum studiose ad-
monere curavi; ut si habere pacem
omnium concordiamque desiderat,
ab stulti vocabuli se appellatione
compescat. De qua re mihi in suis
jussionibus Dominorum Pietas prae-
cepit, dicens, ut pro appellatione
frivoli nominis inter nos scandalum

generari non debeat. Sed rogo ut
imperialis Pietas penset, quia alia
sunt frivola valde innoxia, atque
alia vehementer nociva. Numquid
non cum se Antichristus veniens
Deum dixerit, frivolum valde erit,
sed tamen nimis perniciosum? Si
quantitatem sermonis attendimus,
duae sunt syllabae: si vero pon-
dus iniquitatis, universa perni-
cies. Ego autem fidenter dico,
quia quisquis se universalem Sa-
cerdotem vocat, vel vocari desi-
derat, in elatione sua Antichristum
praecurrit, quia superbiendo se caeteris
praeposit. Nec dispari superbia ad
errorem ducitur, quia sicut perversus
ille, Deus videri vult super om-
nes homines: ita quisquis iste est,
qui solus Sacerdos appellari appetit,
super reliquos Sacerdotes se extollit.
Sed quoniam Veritas dicit: *Omnis
qui se exaltat, humiliabitur*; scio
quia quaelibet elatio tanto citius rum-
pitur, quanto amplius inflatur. Il-
lis ergo Pietas vestra praecipiat, ne
quod ^c per appellationem frivoli no-
minis scandalum gignant, qui in
superbia ^d typum ceciderunt. Nam
peccator ego, qui auctore Deo hu-
militatem teneo, admonendus ad hu-
militatem non sum. Omnipotens au-
tem Deus serenissimi domini no-
stri vitam & ad pacem sanctae Ec-
clesiae, & ad utilitatem Reipublicae
Romanae per tempora longa custo-
diat. Certi etenim sumus quia si
vos vivitis, qui caeli Dominum ti-
metis, nulla contra veritatem super-
ba prevalere permittetis.

Luc. 14. 11.
& 13. 14.

c
d

N O T A E A D E P I S T. XXXIII.

^a In Vat. B. *quid universitati fidei*.
Haec epistola & sequens omittuntur in
Vat. C. Exstant in omnibus nostris.

^b Ita vet. editi & Mss. pene omnes.
Novitas autem hic dicitur propter re-
cens factam Cyriaci profectionem ad

Episcopatum. In recent. ed. pro *no-
vitas* legitur *caritas*.

^c Vatic. A. & omnes Vatic. *per elationem frivoli nominis*.

^d Aliter *typhum*, de qua voce supra
dictum ad ep. 31.

A. N. CHR.

596. 597.

GREG. 7.

EPIST.

Al. XXXI.

E P I S T O L A * XXXIV.

Ad Eulogium Episcopum.

Romæ susceptos & ad communionem admissos Cyriaci Responsales: suum vero Diaconum Cyriaco, intolerabilis superbiæ reo, communicare non debuisse. Orthodoxam quidem ejus Synodicam: sed in ea damnari Eudoxium quemdam, hætenus, ut ipse putat, indamnatum. Isauriæ Monachos, sub Johanne Cyriaci decessore, de hæresi inique damnatos ostendit.

Gregorius Eulogio Episcopo Alexandrino, & Anastasio Episcopo Antiocheno ^a.

CARITAS qua vobis valde constri-
ctus sum, tacere me minime
permittit; ut Sanctitas vestra quæ-
cumque apud nos aguntur agnoscat,
& falsis rumoribus non decepta,
sux justitiæ atque rectitudinis viam,
sicut perfectæ cœpit, perfectius teneat.
Responsales siquidem fratris & consa-
cerdotis nostri Cyriaci venientes, ejus
ad me Synodicam detulerunt episto-
lam. Et quidem inter nos & ipsum, si-
cut vestra Beatitudo novit, propter
appellationem profani nominis, est
gravis discordia, sed in causa fidei
transmissos Responsales ejus existi-
mavi esse suscipiendos: ne culpa e-
lationis quæ in Constantinopolitana
Ecclesia pene contra omnes Sacerdo-
tes exorta est, dissensionem fidei &
rixam Ecclesiasticæ faceret unitati.
Eosdem vero Responsales, quia hoc
omnino humiliter precabantur, Mis-
sæ solennia ^b mecum celebrare
feci: quia sicut & serenissimo domno
Imperatori intimare studui, Responsa-
les fratris & consacerdotis nostris Cy-
riaci mihi communicare debuerunt,
quia auctore Deo in elationis erro-
rem non cecidi. Meus vero Diaconus
cum prædicto fratre nostro Cyriaco
Missarum solennia celebrare non de-
bet: quia per profanum vocabulum
culpam superbiæ aut commisit, aut
sequitur: ne si, quod absit, ^c pro-
cedit ei in tali elatione posito, vani-
tatem stulti nominis confirmare vi-
deamur. Eundem vero fratrem ad-

monere studui, ut sese a tali e-
latione corrigat: quia si hanc non cor-
rexerit, pacem nobiscum nullo mo-
do habebit.

Præterea idem frater noster omnia
in suis Synodicis catholice, Deo au-
ctore, locutus est. Quemdam vero
^d Eudoxium damnavit, quem neque
in Synodis damnatum invenimus,
neque a decessoribus ejus in suis
Synodicis reprobatur. Et canones
quidem Constantinopolitani Concilii
Eudoxianos damnant; sed quis fue-
rit eorum auctor Eudoxius, minime
dicunt. Romana autem Ecclesia eos-
dem canones vel gesta Synodi il-
lius hætenus non habet, nec ^e ac-
cepit: in hoc autem eandem Syno-
dam accepit, quod est per eam con-
tra Macedonium definitum. Reliquas
vero hæreses, quæ illic memoratæ
sunt, ab aliis jam Patribus damna-
tas reprobant. ^f De Eudoxianis vero
nihil hætenus agnovit. In historia
autem Sozomeni, de quodam Eu-
doxio qui Constantinopolitanæ Ecclesiæ
Episcopatum arripuisse dicitur, ali-
qua narrantur. Sed ipsam quoque
historiam Sedes apostolica suscipere
recusat, quoniam multa mentitur,
& Theodorum Mopsuestiæ nimium
laudat, atque usque ad diem obitus
sui magnum doctorem Ecclesiæ fuisse
perhibet. Restat ergo ut si quis
illam historiam recipit, Synodo quæ
piæ memoriæ Justiniani temporibus
de tribus capitulis facta est, con-
tra-

^b
Sup. 47. 33.

^c

tra-

traducat. Qui vero huic contradicere non valet, illam historiam necesse est ut repellat. In Latina vero lingua de hoc Eudoxio nunc usque, neque in Philastro, neque in beato Augustino, qui multa de hæresibus conscripserunt, neque in aliis Patribus aliquid invenimus. Caritas igitur vestra si quis apud Græcos probatorum Patrum de eo sermonem fecit, suis mihi epistolis innotescat.

g

Præterea ante triennium, cogente causa monachorum Isauriæ, qui hæretici accusabantur, satisfaciens mihi quondam frater & confacerdos meus domnus Johannes litteras misit, quibus nitebatur ostendere eos Ephesinæ Synodi definitionibus contradixisse; & velut ex eadem Synodo certa nobis quibus ipsi obsisterent, capitula destinavit. Inter alia autem scriptum illic continebatur de Adæ anima, quia in peccato mortua non fuerit, eo quod diabolus in cor hominis non ingrediatur; & si quis hoc dixisset, anathema esset. Quæ cum mihi relecta fuissent, valde contristatus sum. Si enim Adæ, qui primus peccavit, anima in peccato mortua non est, quomodo de ligno vetito ei dictum est: *In quacunque die comederitis ex eo, mortem moriemini?* Et certe comedit Adam & Eva de ligno vetito, & tamen in carne sua ultra nongentos annos postmodum vixerunt. Constat itaque quia in carne non est mortuus. Si ergo in anima mortuus non est, quod dici nefas est, falsam sententiam de illo protulit Deus, qui dixit quia qua die comederet, moreretur. Sed absit hic error, absit a vera fide. Nos enim primum hominem, qua die peccavit, anima mortuum dicimus, atque per hunc omne genus humanum in hac mortis & corruptionis pœnam damnatum. Per secundum vero hominem, & modo a morte animæ, & postmodum ab omni corruptione carnis in æterna

Genes. 2. 17.

resurrectione liberari nos posse confidimus: ⁱ Sicut autem & prædictis Responsalibus diximus, Adæ animam peccato mortuam dicimus, non a substantia vivendi, sed a qualitate vivendi. Quia enim aliud est substantia, atque aliud qualitas, non est ejus anima ita mortua, ut non esset; sed ita mortua, ut beata non esset. Qui tamen Adam postmodum per pœnitentiam ad vitam rediit.

Quod vero diabolus cor hominis ingrediatur, si Evangelio creditur, non negatur. Ibi enim scriptum est: *Et post buccellam introivit in eum satanas.* Et rursus ibi dicitur: *Cum diabolus jam se misisset in cor Jude, ut taderet eum Judas.* Hoc autem qui negat, in Pelagianam hæresim cadit. Quia ergo perscrutantes Ephesinam Synodum, nihil in eatale invenimus contineri, de Raven-nati quoque Ecclesia vetustum valde codicem ejusdem Synodi ad nos deferri fecimus, & Synodo quam habemus, eum ita concordare invenimus, ut in nullo discreparet, & nihil aliud contineret in definitione anathematis & reprobationis, nisi quod duodecim capitula beatæ memoriæ Cyrilli reprobant. Hanc autem totam rationem multo latius subtiliusque prædictis Responsalibus ejus in præ-senti positi reddidimus, atque eis plenissime satisfacimus. Igitur ne vel hæc, vel aliqua similia illic surrepant, quæ sanctam Ecclesiam scandalizent: necesse nobis fuit hæc ipsa Sanctitati vestræ indicare. Et quamvis fratrem & coepiscopum nostrum Cyriacum noverimus orthodoxum: tamen propter alios cauti esse debemus, ut antequam ad publicum prodeant, errorum semina conculcentur.

Scripta autem vestræ Sanctitatis communi filio Sabiniano Diacono veniente suscepi. Sed quia horum lator jam ad egrediendum paratus, retineri non potuit, ad hæc Responsali meo Diacono veniente respondebo.

NO.

AN. CHR.
596. 597.
GREG. 7.

6733

i

Job. 13. 27.
Ibid. v. 2.

AN. CHR.

596. 597.

GREG. 7.

NOTÆ AD EPIST. XXXIV.

a In Norm. Corb. Reg. & aliis additur, a paribus.

b Abest *mecum* a Corb. Vatic. D. & Norm. pene omnibus.

c De hujus verbi sensu jam alibi diximus. Consule notam Menardi 471. ad Lib. Sacram.

d De eo sup. ep. 4. ad Cyriacum.

e Constantinopolitanos canones ad disciplinam spectantes & præsertim tertium non acceperat Romana Ecclesia, quod illo canonem Nicænum 6. violari censeret. Eadem de causa Chalcedonenses canones impugnauerat Leo I. quod nempe 28. primarum sedium terminis a Nicænis Patribus constituti convellerentur. Vide epist. illius 78. 79. 80. edit. Quesnel. Maur. Suspiciatur de Marca in Concord. l. 5. c. 21. n. 14. hunc S. Gregorii locum in mendo cubare. Suspiciatur, quia superiores Pontifices sine ulla exceptione loquuntur, & Dionysii collectio jamtum recepta erat in Ecclesia Rom. Hincmarus tamen eodem modo hunc locum citat, in opus. IV. cap. 24. At in dissert. de veter. coll. Can. n. 17. aliter rem explicat, putatque obtinuisse adhuc veterem collectionem auctoritate Leonis Papæ elaboratam post Chalcedonense Concilium, in qua 3. illi Canones CPolitani non erant. E. V.

f Mirum sane, quandoquidem præter Sozomenum, Socrates ac Theodoretus qui ab Eusebio Græcam historiam scripserunt, Eudoxii & Eudoxianorum non semel meminerint. Immo (ut de Basilio, Gregorio Nazian. atque Epiphanio taceamus) Athanasius orat. I. contra Arian. l. de Synodis. A quibusnam vero Græcam mutuabimur historiam, nisi a Græcis hominibus? Id quidem fecerat Cassiodorus qui tripartitam

historiam multis ante S. Gregorium antiquis Latine ediderat, ex Socrate, Sozomeno, ac Theodoro compactam, Epiphanii Scholastici versione adjutus quam legere potuerant Romani.

g Id præstitit Eulogius, scilicet Eudoxium a Basilio, Gregorio Naz. atque Epiphanio damnatum ostendit, ut videre est l. 8. ep. 30.

h Ex pseudo-Ephesina Synodo a Johanne Antiocheno & aliis tum Nestorii tum Pelagii & Coelestii fautoribus celebrata, desumpta fuisse capitula hæc, docet ep. 49. l. IX. Vide l. VI. Indict. 14. ep. 14. Maur. Baronii sententiam de pseudosynodo Ephesina, quam ille habet ad annum 431. nu. 78. sequuntur Jansenius, Vossius, Usserius, alique nonnulli. Pelagiana etenim sententia de Anima Adæ, in vera Synodo Ephesina Pelagium non fuisse damnatum peremptorio decreto, ostenderet. Norisius lib. 2. c. 9. H. Pel. putat Ephesinam Synodum hic fuisse ab hæretico quodam vitiatam. Melius Lequienius in notis ad lib. de hæc. S. Joh. Dam. nu. 80. *Quamvis catholica sententia sit, inquit, animam Adæ peccato mortuam esse, & Diabolum in cor illius qui peccat, ingredi: attamen hæc blasphemia sunt, juxta Massilianorum sensum. Scilicet duas in quolibet homine animas ponebant, communem unam, cœlestem alteram: qua per peccatum exclusa, mortuus homo censeretur. Insuper Diabolum cum homine peccatore solidius substantialiter conjungi, nec ulla baptismi alteriusve Sacramenti virtute abigi, nisi per orationem. Hæc Gregorium latuerant, cum lues ista ad occiduas partes non penetrasset. E. V.*

i Excusiminus congrue, sic autem.

AL. XXXIV

EPISTOLA * XXXV.

Ad Dominicum Episcopum.

Corripiat monachos regularem disciplinam fuga eludentes, atque impune vagantes. Episcopos ab illis defensandis deterreat.

Gregorius Dominico Episc. Carthaginensi.

Licet Fraternitatem tuam erga monasteriorum curam pastoralis vigilantia credamus esse sollicitam: ea tamen quæ de monasterio in A-

fricana provincia posito cognovimus, vobis necessario prævidimus indicare. Queritur autem a Cumquodeus Abbas lator præsentium,

a

tium, quia si quando Monachos, quibus præesse dignoscitur, sub regulari voluerit disciplina restringere, monasterium temere deferant, & licite quocumque voluerint vagantes existant. Quia ergo hoc & ipsis omnino perniciosum est, & aliis perditionis monstrat exemplum, hortamur Fraternitatem vestram, ut si ita est, Ecclesiasticam in illos correptionem exercent, & congrua eos ultione a tali proculdubio præsumptione ^b suspendat; atque ita ad obediendum salubri

provisione superbientes animos iugo disciplinæ subiciat, ut quos ad hujus pravitatis excessum eorum poterat imitatio provocare, emendatio a culpa revocet, & suis, ut dignum est, doceat præpositis obedire. Quia vero a quibusdam Episcopis excedentes Monachos perhibet defensari; Fraternitas vestra in hoc studeat esse sollicita, & eos a tali defensione, sua modis omnibus interminatione compeſcat. ^c Mense Julio, Indictione xv.

AN. CHR.
596. 597.
GREG. 7.

27736

NOTÆ AD EPIST. XXXV.

a Similia nomina a Deo desumpta familiaria erant Afris, ut patet ex Augustino & ex notitia Africæ, in qua plurimi recensentur Episcopi *Quod vult Deus* appellati. Consule nostrum Theod.

Ruinart, in hist. Vandalicæ persecut.

b Excusi, *coerceat*. Sequimur omnes Vat. Norm. &c.

c Id non legimus nisi in Turon. S. Gat. & in Vatic. A. & B.

Al. XXXIII.

EPISTOLA * XXXVI.

Ad Dynamium & Aureliam.

Orationi, lectioni, & operibus bonis semper intenti, ad meliora proficiant: Codicem pollicetur.

Gregorius ^a Dynamio & Aureliæ per Franciam:

^a **S**criptorum vestrorum pagina lectione ne percurſa magnam nobis studio vestro contulit indicato lætitiā: quia per hoc quod vos sacræ lectionis pabula quærere, & supernæ patriæ desiderare gaudia nuntiavit; Dilectionem vestram religiosam conversationem non solum amare nomine, sed etiam tenere vita monstravit. Et quoniam desiderata vos adepturos esse confidimus, vehementi vobis cor nostrum exultatione congaudet. Nam quia hujusmodi desiderium gratia divina non deferat, ipsa nos Veritas testimonio suæ vocis informat, dicens: *Omnis qui querit, invenit: qui petit, accipit; & pulsanti aperietur*. Hac itaque fulti certitudine, de ejusdem Redemptoris nostri misericordia nihil am-

bigere, sed spe debemus indubitata præsumere. Nec enim muneris sui largitate frustrabitur, sed vires obtinendi prorsus indulget, qui velle concessit. Nam jam hoc ipsum desideranter apetere, donum est. Quia tamen ita de gratia debemus superna præsumere, ut non simus negligentes in oratione vel opere, voce ejusdem Veritatis exprimitur: *Oportet Luc. 12. 5. semper orare, & non deficere*. Petamus igitur orando, quæramus legendo, pulsemus operando. Sit igitur mens vigilans, sit undique suspecta, sit ubique sollicita, ut insidiantis possit semper laqueos præcavere. Sed quia quanto hostis noster cautum contra se unumquemque cognoscit, tanto corda sibi resistentium subtili molitur arte subvertere, omni-

Matth. 7. 8.

Luc. 11. 12.

AN. CHR.
596. 597.
GREG. 7.

1673

mnipotentem Dominum assiduis lacrymis & deprecatione poscamus, ut nos veneni ejus non sinat infectione corrumpi; sed contra certamina & latentes suggestiones quas ingerit, potentiae suae nos scuto circumtegat; in quo jacula illius illisa frangantur, & cor nostrum percus-

cussionis ipsius contactus non vulneret, sed gratiae suae dono ejus nobis insidias & intelligere donet & vincere. Codicem vero quem dirigeremus, talem qui vos, ut petistis, instrueret, minime paratum habuimus, sed in subsequenti transmittemus.

NOTÆ AD EPIST. XXXVI.

a Sic legitur in omnibus pene Mss. In Vatic. D. tamen in duobus Teller. pro *Dynamio* legitur *Dynamia*. *Dynamius* jam notus ex ep. 33. l. III. & 12. hujusce l. VII. ubi *Dynamius* jungitur *Aureliano*, vel *Aureliana* ut exhibent Mss. fere omnes. An eadem est *Aurelia* de qua hic, & ista *Aureliana*? An pro *Aurelia* legendum *Aurelio*? Certe l. XI. ep. 75. inscribitur *Aurelio*, quem S. Gregorius de morte fra-

tris *Dynamii*, ut conjicit *Guffanvillæus*, consolatur. Conjecturæ *Guffanvillæi* suffragatur *Hadr. Vales.* Rerum *Francicarum* l. XI. p. 137. Attamen in laudata ep. 75. *Dynamii* nomen dissimulatur, & fortasse legendum *Aurelia*, non *Aurelio*. Verum ne nodum hunc solvamus obstat Mss. codicum penuria; nam in solo pene Vatic. A. epistola hæc nobis occurrit.

Al. XXXVII.

EPISTOLA * XXXVII.

Ad Dominicam,

Quod ad Ecclesie unitatem redierit congaudet, hortatur ut Romanam ad virum suum veniat.

Gregorius Dominicæ uxori Johannis.

LÆtos nos vestræ nimis epistolæ reddiderunt, quod vos unitati Ecclesie sociatas Deo protegente cognovimus. Et quidem sicut & ipsæ scribitis, ante hoc facere debuistis, quia talis viri conjugem, nec ad modicum esse decuit a communionis unitate disjunctam. Considerare enim debuistis, Gloriosa Filia, quanta multitudo fidelium in matris Ecclesie sinu consistat, quantisque virtutibus Sacerdotes, qui in ista fide defuncti sunt, corruscarunt, vel ^a quanta ad corpora sua miracula faciant, atque eos nos non dijudicare, sed plus tantis viris ac Sacerdotibus quam tibi credere debuisti. Inter hæc tamen omnipotenti Deo gratias agimus,

quia ita cordi vestro lumen suæ veritatis infudit, ut erroris sui pulsa caligine, rectam vobis viam, quam sequi & tenere debeatis, ostenderet. Gloriosum autem conjugem vestrum quousque vivimus, a nobis dimittere nolumus: & ideo eum ad vos reverti nullatenus confidatis. Et quidem ipse ad vos venire desiderat, sed postquam in civitate Romana est, non potest, non ei licet: quia amoris nostri omnino tenetur vinculis alligatus. Melius est ergo ut vos ad eum venire modis omnibus festinetis: quia caput suum potius membra & sequi debent, & ^b quocumque fuerit, comitari.

N O T Æ A D E P I S T. XXXVII.

a Ed. recent. *vel quanta adhuc.*b Excusi, *quocumque iuerit.*

AN. CHR.

596. 597.

GREG. 7.

6733

E P I S T O L A * XXXVIII.

Al. XXXV.

Ad Donum Episcopum.

*Faustino quindecim argentī libras, aut ex Ecclesiæ pecunia, aut
e sacratis vasis, in filiarum redemptionem tribuat.*

a Gregorius a Dono Episcopo Messanenſi.

*Grat. 21. 9.
2. 6. 14. Et
sacrorum.
ep. 17. l. 9.*

ET sacrorum canonum, & legalia statuta permittunt ministeria Ecclesiæ pro captivorum esse redemptione vendenda. Et ideo quoniam Faustinus lator præsentium, ut filias suas de iugo potuisset captivitatis exuere, trecentorum triginta solidorum probatur debitum contraxisse, ex quibus triginta redditus, ad reliquæ quantitatis restitutionem eum certum est non posse sufficere: Fraternitatem tuam his hortamur affatibus, ut de argento Merienſis Ecclesiæ, b cuius miles esse dignoscitur, quod apud vos est, c quindecim ei libras accepto ab eo c defuscepto dare modis omnibus de-

beatis: ut eo venundato, & restituto debito, necessitate valeat obligationis absolvi. Sed & illud Fraternitas vestra debet esse sollicita, ut si quidem de prædicta Ecclesia d usuale argentum est, suprascriptam quantitatem accipiat: alioquin de sacratis vos vasis hac in re eam quam prædiximus quantitatem præbere necesse est. Nam sicut omnino grave est frustra Ecclesiastica ministeria venundare, sic iterum culpa est, imminenti huiusmodi necessitate, res maxime desolatæ Ecclesiæ captivis suis præponere, & in eorum redemptione cessare.

*Grat. 12. 9.
2. c. 16. Sicut
omnino.*

N O T Æ A D E P I S T. XXXVIII.

a Non fuisse Donum hunc Episcopum Messanenſem, sed Misenatem aut Misenatem contendit Rochus Pirrus in notitia Siciliæ, & successisse Benenato, de quo epistol. 31. libr. 2. Indiston. 10. & l. 11. ep. 32. & 33. Id autem probat multis rationibus, & maxime ex eo quod in hac epistola fit mentio Ecclesiæ Merienſis, quæ non est in Sicilia. Non advertit tamen Rochus Pirrus ep. 22. l. 11. quæ scripta est ad Episcopos Siciliæ, in quorum numero est Donus ille, nec Donum potuisse succedere Benenato, de quo longe post fit mentio bis, scilicet ep. 32. & 33. l. 11. Sed & omnes tam Mf. quam editi codices in quatuor epistolis legunt *Messanenſi*, aut *Messano*, quod idem est. *Guffanv.*

b Apud Greg. passim Ecclesiæ miles

Clericum denotat: hic forte Dominum. Vide Cangium in Glossario; maxime vero sequentis libri ep. 111. in qua fit mentio *cujusdam Ecclesiæ in possessione Faustini positæ, diocesos Consentinæ*. Hæc ut videtur, ipsa erat Ecclesia Merienſis, quam etsi non in Sicilia, sed in Brutiis fuisse inde appareat, male intulit Pirrus non ad Messanenſem diocesim, sed ad Misenatem pertinere. Neutrius erat; sed Misenam quam Messana distabat longius. Immerito tamen arguit Pirrum Guffanvillæus, quod ad nonnullas S. Gregorii epistolas non attendit. Eas enim sibi objicit Pirrus pag. 289.

c De susceptum, est cautio, apocha, nobis *Riceputa*. E. V.d Quod nos Galli dicimus, *argent monnoie*, Guffanv.

AN. CHR.

596. 597.

GREG. 7.



M. XXXVI.

Ad Johannem Episcopum.

*Exortam inter Abbates duos de agrorum finibus contentionem,
ipso presente, agrimensore adhibito finiendam.*

Gregorius Johanni Episcopo Syracusano.

^a **N**E religiosorum virorum corda
secularium rerum ^a intentio
a mutua, quod absit, caritate dis-
jungat, magna est sollicitudine stu-
dendum; ut facillimum finem res
possit in altercationem deducta per-
cipere. Quia ergo indicante Cæsa-
rio Abbate monasterii sancti Petri,
quod in loco est qui Bajas dicitur
constitutum, comperimus inter eum
& Johannem Abbatem monasterii
sanctæ Lucie in Syracusana civitate
constituti, gravem esse exortam de
quibusdam finibus quæstionem, ne
ipsa inter eos valeat contentio pro-
^b longari, certamina eorum ^b a-
grimensoris definitione prospeximus
finienda. Et ideo scripsimus Fanti-
no defensori, ut Johannem agrimen-
sorem, qui de Romana urbe Pa-
normum profectus est, illuc ad Fra-
ternitatem vestram debeat destina-
re. Hortamur ergo ut cum eo ad

loca de quibus est contentio, de-
beatis accedere, & utraque parte
cominus constituta, loca quæ in li-
te sunt, vestra faciatis præsentia ter-
minari, ^c quadraginta tamen anno-
rum utrique parti præscriptione fer-
vata. Quæcumque vero definita fue-
rint, ita servari Fraternitas vestra
solicite studioseque provideat, ut
denuo nec jurgium exinde aliquod
excitari, nec querela aliqua ad nos
valeat pervenire.

Cæsarius Abbas venerabilis, quia
noster olim fuerit, Fraternitatem
vestram credimus non latere, & ideo
cum vobis salva æquitate in omni-
bus commendamus. Et quia in se-
cularibus causis omnino inexpertus
est, vestra eum sollicitudine necesse
est adjuvari; sic tamen, ut in cun-
ctis, sicut decet, rationem & ju-
stitiam conservetis.

NOTÆ AD EPIST. XXXIX.

^a Recentiores ed. neglectis MSS. &
vet. excusis, *contentio*.

^b In Vatic. D. Pratell. Audeno, &
nonnullis, *agrimensoris*; hic & deinceps,
sed corrupte. Observat Alteserra ad

hanc ep. quæstionem de finibus dirimi
per agrimensorem, nec desiderare co-
gnitionem præsidis; quod adductis mul-
tis legibus probat.

^c De ea supra lib. ep. 9. *Guffanv.*

M. XXXVII.

E P I S T O L A * XL.

Ad Eulogium Episcopum.

*S. Petri Sedem Romæ, Alexandria, & Antiochiæ, unius esse atque unam;
inde singularem Episcoporum ibi sedentium unionem. Laudat quod hæreti-
cos oppugnet. Ligna offert. Mittit vicissim munera.*

Gregorius Eulogio Episcopo Alexandrino.

SUAVISSIMA mihi Sanctitas vestra
multa in epistolis suis de sancti

Petri Apostolorum Principis Cathedra locuta est, dicens, quod ipse
in

in ea nunc usque in suis successoribus sedeat. Et quidem ego indignum me esse non solum in honore praesidentium, sed etiam in numero stantium agnoscō. Sed cuncta quae dicta sunt, in eo libenter accepi, quod ille mihi de Petri Cathedra locutus est, ^a qui Petri Cathedram tenet. Et cum me specialis honor nullo modo delectet, valde tamen laetatus sum quia vos, Sanctissimi, quod mihi impendistis, vobismetipsis dedistis. Quis enim nesciat sanctam Ecclesiam in Apostolorum principis soliditate firmatam, qui firmitatem mentis traxit in nomine, ut Petrus a petra vocaretur? cui Veritatis voce dicitur: *Tibi dabo claves regni caelorum*. Cui rursus dicitur: *Et tu aliquando conversus, confirma fratres tuos*. Iterumque: *Simon Johannis, amas me? Pasce oves meas*. Itaque cum multi sint Apostoli, pro ipso tamen principatu sola Apostolorum principis Sedes in auctoritate convaluit, quae in tribus locis unius est. Ipse enim sublimavit Sedem, in qua etiam quiescere, & praesentem vitam finire dignatus est. Ipse decoravit Sedem, in qua Evangelistam discipulum misit. Ipse firmavit Sedem, in qua septem annis, quamvis discessurus, sedit. Cum ergo unius atque una sit Sedes, cui ex auctoritate divina tres nunc Episcopi praesident, quidquid ego de vobis boni audio, hoc mihi imputo. Si quid de me boni creditis, hoc vestris meritis imputate; quia in illo unum sumus, qui

per linguam vestram de sinu sanctae Ecclesiae omnem radicem amaritudinis evellat, ne rursus germinans impediatur multos, & per illam coinquinentur multi. Accepto etenim talento quod praecipitum est: *Negotiamini dum venio*. Ego itaque etsi negotiari nihil valeo, lucris tamen negotii vestri congaudeo, hoc videlicet sciens; quia & si me participationem operatio non facit, laboris vestri me participem caritas facit. Quia, sicut aestimo, bonum proximi etiam otioso commune fit, qui de alterius actibus gaudere communiter scit.

Præterea ligna transmittere volui: sed Beatitudo vestra si essent necessaria non indicavit, & majora multo mittere possumus, sed nequaquam talis navis huc mittitur, quae hæc capere valeat. Minora autem mittere verendum puto. Quid tamen facere debeam, Beatitudo vestra suis mihi epistolis innotescat.

Parvulam vero benedictionem de amatoris vestri sancti Petri Ecclesiae fex minora ^b Aquitanica pallia, & duo oraria transmisit: quia enim multum diligo, etiam de parvis praesumo. Habet enim ipsa dilectio auctoritatem suam; & omnino certa est quia injuria non erit in omne quod amando praesumserit.

Suscepi autem benedictionem sancti Evangelistae Marci, ^c juxta brevem vestris epistolis insertum. Sed quia ^d colatum ac virtheum non libenter bibo, praesumens cognidum requiro, quod in hac urbe post multa tempora vestra innotescere transacto anno Sanctitas fecit. Nam nos hic a negotiatoribus nomen cognidii, & non substantiam comparamus. Peto autem ut contra omnes amaritudines quas in hac vita patior, vestrae me Sanctitatis oratio fulciat, atque ab his apud omnipotentem Dominum suis intercessionibus defendat.

Matt. 16. 19.

Luc. 22. 32.

Joh. 15. 16.

Joh. 17. 21.

AN. CHR.

596. 597.

GREG. 7.

NOTÆ AD EPIST. XL.

a Nempe quia Ecclesia Alexandrina per B. Marcum S. Petri discipulum est fundata. *Guffanv.* In Rem. & Vatic. D. sic legitur hæc periculus: *Indignum me esse non solum agnosco, sed & cuncta quæ dicta sunt in eo libenter accipi, quod ille mihi de Petri Cathedra locutus in honore præsentium, sed etiam in numero stantium est qui Petri Cathedram sedet, Vatic. tenet.*

b Bigerrigas forte velles a Bigerrionibus Aquitanicæ populis sic dictas intellegit. At illæ vestes vilissimæ erant, ut ex Sulpicii Severi Dialogo II. *De virtutibus B. Martini* c. 1. liquet, ac pauperibus magis conveniebant quam Alexandrino Patriarchæ: nam Clericus seu Archidiaconus cui pauperem vestire præceperat Martinus, a proximis tabernis bigerrigam vestem . . . quinque comparatam argenteis rapuit; atque ante Martini pedes iratus exposuit. Verum forsitan pauperibus vestiendis destinabantur pallia hæc ad Eulogium missa. In Var. A. legitur *Equitanica*. Inter Aquitanos, Santones etiam sunt, apud quos quædam vestes bardocuculli dictæ olim notissimæ. Hinc Martialis l. 4. Epigram. *Gallia Santonico vestit te bardocucullo.*

c Edicti juxta breve, invitis MSS. Nostram lectionem firmat Greg. Turon. de vita Pat. c. 9. *Tunc pro auspicio quoddam brevibus conscriptis posuit supra altare. Et infra, brevem illum accipere jubet.* Schedulam hic significat.

d Multa exemplaria legunt collatum, melius tamen colatum, quod succum interpretantur per colum seu colatorium expressum, eliquatum & elutriatum, ut loquuntur medici; de quo

videndus Raderus in Martialem. Juritheim forte julus voce Arabica significante syropum, seu Syrum opum, id est Syrium succum, cum additamento Græco *θεῖον* id est divinum, sive juris divini preciosi vasculum. Cognidium quasi condititium vinum vel aromatizantes. Herbelotius doctissimus & linguarum Orientalium peritissimus conjectabat piperatum ex jacuth & lara in Onomastico vocum obscuriorum. Hanc interpretationem viro doctissimo acceptam refero. Qui plura volet, legat varias lectiones Hieronymi Mercurialis l. 6. c. 29. editionis Venet. an. 1644. ubi de his tribus potionum generibus fufe, curiose, & ex professo tractat, sumpta occasione ex hac S. Gregorii epistola. *Guffanv.* Legendum esse *virithium* probat tres Vat. quatuor Norm. Rem. & tres Corb. In duobus tamen Norm. scilicet Aud. & Lyr. nec non in Regio legitur *juritheim*. In antiquiori Colbertino vero *virithium*, vel *vitreum*. Quid per *colatum*, vel *colatum*; (sic enim varie scribitur) *virithium*, & *cognidium*, intelligere debeamus, facile assequi non possumus. Potionis apud Ægyptios aut Alexandrinos requisitæ genus fuisse, docet ex Papiæ Cangius. Vina fortasse erant quæ ex variis locis ubi abundant, nomina diversa sortiebatur: ut apud Italos olim *Falernum Calenum*, &c. a Poetis celebrata; & apud nos longe plura quæ in Poetarum nostrorum cantilenis laudantur. Apud Epiphanium *Κόλλαςον* est quædam liquidorum mensura Syris cognita. *Maur.* Macrus erythræum legit. Confule sis. E. V.

AL. XXXVIII.

EPISTOLA * XLI.

Ad Cyprianum Rectorem.

Ecclesiæ Locrensi idoneum Episcopum ordinari procurer.

Gregorius a Cypriano Rectori nostro per Siciliam.

a

b

Habitatores b Locrensis civitatis quemdam ad nos Presbyterum adduxerunt, qui eis debuisset Episcopus ordinari. Sed quia minime dignus inventus est: ne diu sine proprio possint consistere Sacerdote, a

nobis admoniti c in scrinio promiserunt alium studiose se quærere, & ad nos consecrandum Deo adiutore perducere. Et ideo ad Dilectionem tuam latore præsentium veniente, Marcianum Presbyterum dioc-

c

ce-

d ceseōs Taurianensis Ecclesiæ, qui nunc habitat in Ecclesia quæ est ^d in Massalargia constituta, diœcesis Catanensis Ecclesiæ, ad te facito modis omnibus evocari; atque cum studii tui sit de criminibus, quæ ad Episcopatum accedere non permittunt, cum omni subtilitate requirere. Et si eorum se expertem esse responderit, cum presentium porti-

tore eum festina dirigere, ut facto in eum decreto ad nos veniat Deo protegente ordinandus. Si vero est aliquid quod ei possit obsistere, hunc qui ad Dilectionem tuam venit, cum omni cura & celeritate dimitte, ut eo ad loca sua remeante, alter secundum ea quæ præmissa sunt, requiratur. ^c Datum mense Augusti, Indict. xv.

AN. CHR.
596. 597.
GREG. 7.
1698

N O T Æ A D E P I S T. XLI.

a In Vatic. C. Cyriaco Notario nostro per Siciliam. In Rem. Cypriano. In Reg. Diac. regente per Siciliam.

b Locri a Zephyrio promontorio Episcopi dicti, urbs olim ampla & Episcopalis Brutiorum, in magna Græcia ad mare Jonium Ex ipsius ruinis crevit Hieracium, urbs Episcopalis Cala-

brizæ ulterioris, vulgo *Girace*, in Regno Neapolit. *Guffanv.* In Vatic. A. B. D. *Lutrensis civitatis.*

c Vatic. A. in secreto.

d Vatic. A. & D. in *Massa Largia.* Vatic. B. in *Massalaria.*

e Ita cum Vatic. Turon. S. Gat. & Colb. vet.

Al. XX XIX.

E P I S T O L A * XLII.

Ad Marianum Episcopum.

Cum neque lapsum Ediscopum loco suo restitui, neque ultra tres menses Ecclesiam vacare permittant canones, Cornelii ordinet Episcopum.

Gregorius Mariniano Episcopo Ravennæ.

a **F**raternitatis vestræ epistola nuntiante, comperimus ^a Cornelien-
sis Ecclesiæ filios assidua supplicatione ^b in loco lapsi quondam Episcopi sui consecrandum sibi a vobis polcere Sacerdotem, atque vos quid de ea re fieri debeat dubitare, & nostrum evidens exspectare mandatum.
b Postquam ergo quemquam criminaliter abscedentem, in locum, de quo lapsus est, nulla permittit ratio revocari; & ultra tres menses Ecclesiam vacare Pontifice statuta sa-

Grat. dist.
50. cap. 11.
Postquam.

crorum canonum non permittunt; ne, cadente Pastore, Dominicum gregem antiquus, quod absit, hostis insidiando dilaniet; Fraternitas vestra deprecationi eorum consentire, & loco lapsi debet Episcopum ordinare. Nam dum non petentes eos etiam ante vestris ad hoc debueratis adhortationibus admonere, postulantes nulla vos oportet excusatione differre; quia Ecclesia Dei diu viduata proprio Episcopo remanere non debet.

N O T Æ A D E P I S T. XLII.

a Cornelium seu forum Cornelii, vulgo *Imola*, urbs Italiæ, olim Senonum in Æmilia, nunc Romandiola dicta, ad fluvium Vaternum, vulgo *Sant'erenno*, inter Bononiam & Ravennam.

subest dominio summi Pontificis, adhuc Episcopalis sub Archiep. Ravennate: *Guffanv.*

b De lapsis supra l. 4. ep. 26. & l. 5. ep. 3. 4.

AN. CHR.

596. 597.

GREG. 7.



Al. xl.

E P I S T O L A * XLIII.

Ad Marinianum Episcopum.

De submovendo Clericorum dominio in monasteriis.

Gregorius Mariniano Episcopo Ravennæ.

Job. Diac.
lib. 2 c. 54.
Grat. 18. 9.
2. c. 27.
Dudum.

Grat. 16. 9.
1. c. 37.
Per cuiusli.
bet.

DUdum ad nos multorum relatione pervenerat, monasteria in Ravennatibus partibus constituta omnino Clericorum vestrorum dominio prægravari; itaut occasione quasi regiminis ea, quod dici grave est, velut in proprietate possideant. Quibus non modicum condolentes, decessori vestro epistolas misimus, ut hoc emendare per omnia debuisset. Sed quoniam vitæ est termino citius occupatus, ne hoc onus monasteriis remaneret, Fraternitati vestræ hæc eadem nos scripsisse recolimus. Et quia, ut comperimus, in huius rei hætenus correctione cessatum est, hæc ad vos iterum prævidimus scripta dirigere. Hortamur ergo ut omni mora, omnique excusatione submota, ita monasteria ipsa ab huiusmodi studeatis gravamine relevare; quatenus nullam deinceps in eis Clerici, vel hi qui in sacro sunt ordine constituti, ob aliud habeant, nisi orandi tantummodo causa, accedendi licentiam, aut si forte ad peragenda sacra Missarum fuerint invitati mysteria. Sed ne vel per cuiuslibet monachi aut Abbatis pro-

motionem aliquod onus monasteria fortasse sustineant, studendum vobis est, ut si quispiam Abbatum aut Monachorum ex quocumque monasterio ad clericatus officium vel ordinem sacrum accesserit, non illic aliquam habeat ulterius, ut diximus, potestatem; ne monasteria huius occasionis velamine, quæ prohibemus, sustinere onera compellantur. Hæc itaque omnia vigilantia cura emendare jam secundo commonita Sanctitas vestra non differat; ne si post hæc negligentes vos esse, quod non credimus, senserimus, aliter monasteriorum quieti prospicere compellamur. Nam vobis notum sit, quia tantæ necessitati fervorum Dei congregationem amplius subiacere non patimur. Ne vero aliqua vobis excusatio de Monachis oriatur, personam huc quam præviderit utilem ex opere Fraternitas vestra transmittat, & ei nos, qui cum eo ad vos venire possint, Monachos deputabimus: quos ut prospexeritis, debeatis in monasteriis ordinare, si tamen talia loca sunt, ut sit unde ibi subsistere valeant.

Ad Cyprianum Diaconum.

Curet ne Theodorus maleficus, aut Messanenſium Clericorum aliquis Paula adverſetur.

Gregorius Cypriano Diacono.

QUæſta nobis eſt Paula præſentium
a latrix, quemdam Theodorum
b ex Judæo ſibi nimis fruſtra inimi-
cum exſiſtere; in tantum ut quod
dici nefas eſt, c iniquitate maleficio-
rum eam lædere molitur, atque ab
hominibus Eccleſiæ Meſſanenſis eum-
dem Theodorum contra hoc facinus
c fortius vindicari. Dilectio igitur
tua ſtudeat, ut nullus Eccleſiaſtico-

rum prædictæ mulieri in hac cauſa
tentet adverſus exſiſtere. Sed ad in-
veſtigandum hoc ipſe, ut potueris,
eſto ſolicitus. Et ſi ſupraſcriptus
Theodorus tantæ iniquitati obnoxius
eſſe patuerit, d ita hoc diſtriſta ul-
tione per hos quorum intereſt, fa-
cias vindicari, ut & Deus placari
poſſit, & aliis exemplum coercitionis
ſit.

d

NOTÆ AD EPIST. XLIV.

a Beccenſis codex, *Exjudæum*.

b Var. B. & Norm. *maleficorum*.

c Ita MSS. & vet. ed. At recent.

fortius inſtigari.

d Vat. D. ac Norm. *in hoc . . . fa-
ciat* (ſc. dilectio tua) *vindicari*.

Al. lxxii.
Indict. iv.

E P I S T O L A * XLV.

Ad Claudium Abbatem.

Romam quantocius veniat.

Gregorius Claudio Abbati.

VENIENTE a viro Reverendiſſimo
Severo Epifcopo, tuam quo-
que Dilectionem credidi ad beati Petri
Apoſtolorum Principis limina pari-
ter venire: quia & ita mihi fuerat
nuntiatum, & valde ex eodem nun-
tio lætabar. Sed credo te b occupatio-
nibus monaſterii præpeditum, & id-
circo ad me minime veniſſe. Epi-
ſtolas vero quas Dilectio tua ante
hoc tempus tranſmiſerat accipientes,
ſicut voluiſti, ſecreto relegi. Sed de
tribus perſonis de quibus ſcripſeras,
nihil vidi eſſe poſſibile: de ea ma-

xime perſona, quæ hic apud me
fuit, non ſuſpisor poſſe. aliquid tale
utiliter fieri, quæ aut naturæ ſim-
plicitate, aut negligentia torpere
mihi viſa eſt. Et ideo Dilectio tua
ſi quid valet illic requirat, & ſoli-
cite diſponat, atque ad me veniat.
Si vero venire non valet, vel poſt
aliquantum temporis venire debet:
ut uſque ad quinque vel ſex men-
ſes, ſi vita comes fuerit, mecum
faciat, & poſtea ad propria revertatur.
Omnipotens Dei gratia ab omni te
adverſitate cuſtodiat.

NOTÆ AD EPIST. XLV.

a Vat. A. *viro clariffimo*. Ab eſt a
cæteris Vatic. a Norm. Anglic. & ple-

risque MSS. hæc epiſtola:

b Idem cod. Vatic. *operationibus*.

FINIS TOMI SEPTIMI.

